

# ଆଧ୍ୟାତ୍ମିକ ବସ୍ତୁଜୀବି ଜୀବନକ୍ଷତ୍ରା

୩

ମୁହାମ୍ମଦ ଆବଦୁଲ ମା'ବୁଦ୍

আসহাবে রাসূলের জীবনকথা

তৃতীয় খন্ড

মুহাম্মদ আবদুল মাবুদ

বাংলাদেশ ইসলামিক সেন্টার  
ঢাকা

প্রকাশক  
এ. কে. এম. নাজির আহমদ  
পরিচালক  
বাংলাদেশ ইসলামিক সেন্টার  
কাঁটাবন মসজিদ ক্যাম্পাস  
ঢাকা-১০০০



গ্রন্থকার কর্তৃক সর্বশত্রু সংরক্ষিত

ISBN 984-31-0707-1 set

প্রথম প্রকাশ : এপ্রিল ১৯৯৪  
দ্বিতীয় প্রকাশ : জানুয়ারী ১৯৯৯  
তৃতীয় প্রকাশ : জানুয়ারী ২০০২  
চতুর্থ প্রকাশ : নভেম্বর ২০০৫

প্রচ্ছদ  
সরদার জয়নুল আবেদীন

মুদ্রণ  
আল ফালাহ প্রিন্টিং প্রেস  
মগবাজার, ঢাকা-১২১৭

নির্ধারিত মূল্য : একশত পনের টাকা মাত্র

---

**Ashabe Rasuler Jibon Katha (Vol. III)** Written by Muhammad Abdul Mabud and Published by AKM Nazir Ahmad Director Bangladesh Islamic Centre Katabon Masjid Campus Dhaka-1000 1st Edition April 1994 Forth Edition November 2005 Price Taka 115.00 only.

## সূচীপত্র

**ভূমিকা ৪**

**মনীনার আনসারদের পরিচয় ৫**

১. হ্যরত আস'য়াদ ইবন যুরারা (রা) ১৩
  ২. হ্যরত আবুল হায়সাম ইবন আত-তায়িহান (রা) ১৮
  ৩. হ্যরত উসাইদ ইবন ছুইর (রা) ২২
  ৪. হ্যরত উবাদা ইবনুস সামিত (রা) ৩২
  ৫. হ্যরত জাবির ইবন 'আবদুল্লাহ (রা) ৩৯
  ৬. হ্যরত আবু আইউব আল-আনসারী (রা) ৫৪
  ৭. হ্যরত সাদ'দ ইবন মু'য়াজ (রা) ৬৭
  ৮. হ্যরত সাদ'দ ইবন উবাদা (রা) ৭৮
  ৯. হ্যরত সাদ'দ ইবনুর রাবী (রা) ৯৫
  ১০. হ্যরত 'আবদুল্লাহ ইবন রাওয়াহা (রা) ৯৯
  ১১. হ্যরত আবু তালহা আল-আনসারী ১১০
  ১২. হ্যরত আবু মাস'উদ আল-বদরী (রা) ১২১
  ১৩. হ্যরত আবু কাতাদাহ আল-আনসারী (রা) ১২৪
  ১৪. হ্যরত আবু সাইদ আল-খুদরী (রা) ১৩২
  ১৫. হ্যরত মু'য়াজ ইবন জাবাল (রা) ১৪০
  ১৬. হ্যরত হানজালা ইবন আবী 'আমির (রা) ১৬১
  ১৭. হ্যরত উবাই ইবন কা'ব আল-আনসারী (রা) ১৬৪
  ১৮. হ্যরত আনাস ইবন মালিক (রা) ১৮২
  ১৯. হ্যরত আবু দারদা (রা) ২০২
  ২০. হ্যরত হজাইফা ইবনুল ইয়ামান (রা) ২২১
- তথ্যসূত্র ২৩৯

## ভূমিকা

আল-হামদুলিল্লাহ। 'আসহাবে রাসূলের জীবনকথা (তৃতীয় খন্ড)' প্রকাশিত হচ্ছে। ইচ্ছা ছিলো আরো আগে প্রকাশ করার; কিন্তু তা হয়নি। নানা কারণে বিলম্ব ঘটে গেছে। এ খন্ডে বিশজন আনন্দসন্মুখী সাহাবীর জীবনকথা এসেছে। আগের দু'টি খন্ডের মত এখানেও অন্ন কথায় এই মহান সাহাবীগণের পরিচয় ও কর্মকাণ্ড তুলে ধরার চেষ্টা করেছি। প্রথম থেকেই পাঠকদের কাছে আমাদের অঙ্গীকার ছিল, অন্ন কথায় সাহাবায়ে কিরামের (রা) পরিচয় তুলে ধরার। আমরা তা রক্ষার চেষ্টা করেছি। তবে যে কথাগুলি বলা হয়েছে তার একটিও আমাদের নিজের নয়। সবই নির্ভরযোগ্য সূত্রসমূহ থেকে গৃহীত হয়েছে।

'জীবনকথা (১ম খন্ড ও ২য় খন্ড)' পাঠকদের হাতে পৌছার পর অনেকেই তাকীদ দিয়েছেন, আরো একটু বিস্তারিতভাবে লেখার জন্য। বিভিন্ন জন বিভিন্ন রকম পরামর্শ দিয়েছেন। কিন্তু কারো পরামর্শই গ্রহণ করা সত্ত্ব হয়নি। আমরা মনে করি, তাঁদের ইচ্ছা পূরণ করবেন অন্যরা। সাহাবায়ে কিরামের কর্মকাণ্ড নিয়ে লেখার অনেক কিছুই আছে।

যাঁরা আমার এ লেখার ধারা অব্যাহত রাখার পেছনে নানাভাবে ভূমিকা রেখেছেন, তাঁদের প্রতি আমি কৃতজ্ঞ। বাংলাদেশ ইসলামিক সেন্টারের পরিচালক অধ্যাপক এ. কে. এম. নাজির আহমদ, যিনি সর্বক্ষণ আমাকে লেখার ব্যাপারে পরামর্শ দিয়ে সাহায্য করে যাচ্ছেন, তাঁর প্রতি আমি বিশেষভাবে কৃতজ্ঞতা প্রকাশ করছি। দু'আ করি, আল্লাহ তা'য়ালা যেন তাঁকে সর্বোত্তম বিনিময় দান করেন।

পরিশেষে, বিনীতভাবে স্বীকার করছি, এ বই-এ যদি কোন ভুল ও অসংগতি থেকে থাকে অথবা সাহাবায়ে কিরামের প্রতি কোথাও বিদ্যুত্ত্ব অশ্রদ্ধার ভাব প্রকাশ পেয়ে থাকে, তা সবই আমার নিজের ত্রুটি। সেগুলি আমার দৃষ্টিতে আনন্দ জন্য সহজে পাঠকদের প্রতি অনুরোধ জানাচ্ছি।

আল্লাহ পাক আমার এ ক্ষুদ্র প্রচেষ্টাকে দীনের ন্যূনতম খিদমাত হিসাবে কবুল করুন।  
আমীন।

১লা সেপ্টেম্বর, ১৯৯৩  
১৩ই রবী'উল আওয়াল, ১৪১৪

মুহাম্মদ আবদুল হাসন  
সহকারী অধ্যাপক,  
আরবী বিভাগ,  
ঢাকা বিশ্ববিদ্যালয়,  
ঢাকা - ১০০০।

## মদীনার আনসারদের পরিচয়

আরবী ‘আল-আনসার’ শব্দটি বহুবচন। একবচনে ‘নাসের’ অর্থ : সাহায্যকারী। রাসূলুল্লাহ (সা) মক্কা হতে মদীনায় হিজরাতের পর সেখানকার যে সকল মুসলমান তাঁকে খোশ আমদাদে জানান ও সাহায্য করেন, তাঁদেরকে বলা হয় ‘আনসার’। মূলতঃ তাঁরা ছিলেন মদীনার আউস ও খায়রাজ গোত্রের জনগণ।

প্রাচীনকালের আরবের অধিবাসীদেরকে তিনটি প্রধান ভাগে ভাগ করা হয়। যথা : (১) আল-‘আরাব আল-বায়িদা, (২) আল-‘আরাব আল-‘আরিবা, (৩) আল-‘আরাব আল-মুসত্তা’রাবা। হযরত নূহের (আ) প্রাবন্নের পর যেসব গোত্র আরবে শাসন কর্তৃত্ব প্রতিষ্ঠা করে এবং শেষে বিলীন হয়ে যায়, তাঁদের বলা হয় ‘বায়িদা’। ‘আদ, সামুদ, ‘আমালিকা, তুসায়, জাদীস প্রভৃতি জাতি এর অন্তর্ভুক্ত। আর বায়িদার সমসাময়িক অন্যসব গোত্র, যারা তাদের পরে আরবের কর্তৃত্ব লাভ করে তাদের বলা হয় ‘আরিবা। কাহত্তান, সাবা, হিমইয়ার, মুসৈন প্রভৃতি তাদেরই শাখাসমূহ। আর মুসত্তা’রাবা বলা হয় ঐ সব গোত্রকে যারা ছিল নবী হযরত ইসমাইলের (আ) বংশধর এবং মূলতঃ তারা ছিল আরবের উন্নত অঞ্চলের অধিবাসী।

মদীনার আনসারদের সম্পর্কে প্রচলিত ধারণা এই যে, তারা আল-আরাব আল-‘আরবের বংশধর। এরই ভিত্তিতে আরবের নসববিদগ্ন তাদের নসবনামা কাহত্তান ইবন ‘আবের পর্যন্ত পৌছিয়ে থাকেন, যিনি আল-আরাব ‘আরিবার উন্নরাধিকারী। তবে কাহত্তান থেকে নসববিদগ্ন দু’ভাগে ভাগ হয়ে যান। একদল বলেন, কাহত্তান নিজেই এক স্বতন্ত্র খান্দানের প্রতিষ্ঠাতা। পক্ষান্তরে অন্যদল তাঁকে পৃথক কোন শাখা খান্দান মনে করেন না। তাঁরা কাহত্তানকে নাবিত ইবন ইসমাইলের সন্তান বলে মনে করেন। কালৰী ও কতিপয় ইয়ামনবাসী এ মত পোষণ করেছেন। তাঁরা হযরত ইসমাইলকে (আ) সমগ্র আরবের পিতৃ-পুরুষ বলে মনে করেন। (সীরাতু ইবন হিশাম-১/৭) তবে মাস’উদী বলেন, ইয়ামনবাসীরা যে কাহত্তানকে নাবিতের সন্তান মনে করে, একথা ঠিক নয়। বরং তারা কাহত্তানকে ‘আবিরের সন্তান বলে থাকে। (কিতাবুত তানবীহ ওয়াল-আশরাফ-৮১)

যাই হোক, কাহত্তান একটি স্বতন্ত্র খান্দান এবং একটি স্বতন্ত্র রাজত্বের প্রতিষ্ঠাতা। ইয়ামনে তাদের বংশধরগণ বহুকাল ক্ষমতার অধিকারী ছিল।

আরব ঐতিহাসিকরা আনসারদেরকে কাহত্তানের বংশধর বলে মনে করেন। এ কারণে তারা আনসারদের ইতিহাস কাহত্তানের সময় থেকে শুরু করেন। এই বৎশে ‘আবদি শামস নামে এক বাড়ি ছিলেন। তাঁর উপাধি ছিল ‘সাবা’। তাঁকেই ইয়ামনের ‘সাবা’ রাজত্বের প্রতিষ্ঠাতা মনে করা হয়। হিমইয়ার ও কাহত্তান নামে তাঁর দুই ছেলে ছিল। মৃত্যুর পূর্বে তিনি দুই ছেলে, রাজবংশের সদস্যবৃন্দ ও রাজ্যের উচ্চপদস্থ কর্মকর্তাদের ডেকে অসীয়াত করে যান যে, ‘আমার বড় ছেলে হিমইয়ারকে রাজ্যের ডান ভাগ এবং ছেট ছেলে কাহত্তানকে বাম ভাগ দেবে।’ যেহেতু ডান হাতের জন্য তরবারি, চাবুক, কলম এবং বাম হাতের জন্য লাগাম, ঢাল ইত্যাদির প্রয়োজন। এজন সবাই সিদ্ধান্ত গ্রহণ করে যে, হিমইয়ার রাজা হবেন এবং রাজ্যের

প্রতিরক্ষার দায়িত্ব পালন করবেন কাহ্লান। এভাবে হিমাইয়ার রাজা হলেন। তারপর বৎশ পরম্পরায় তারা সিংহাসনের অধিকারী হলেন। এবং কাহ্লানের বৎশধরগণ রাজ্যের প্রতিরক্ষার দায়িত্ব পালন করে চললেন।

রাজা আল-হারেস আর-রায়শ-এর সময় 'আমের ইবন হারিসা, যার উপাধি ছিল 'মাউস সামা' এবং তাঁর পরে তাঁর ছেলে 'আমর আল-মুয়াইকিয়া এই একই দায়িত্ব পালন করতে থাকেন। এই আমরের স্ত্রী তুরাইফা বিন্তু জাবর ছিল একজন 'কাহেনা' বা ভবিষ্যদ্বজ্ঞা। এক রাতে সে স্নেহ দেখে যে, একটি ঘন, কালো মেঘ গোটা ইয়ামনকে ঘিরে ফেলেছে। বিদ্যুতের ঝলকানি এবং বজ্রপাতের দুর্বিসহ গর্জনে চারিদিক প্রকশ্পিত হয়ে উঠেছে। যেখানেই বজ্রপাত হচ্ছে, তা ধ্রংসন্তুপে পরিণত হচ্ছে। সে ভীত-শক্তিত অবস্থায় শুম থেকে উঠে আমরের কাছে স্বপ্নের বর্ণনা দিয়ে বলে, এখন আর কোন উপায় নেই। আমর জিজ্ঞেস করলেন, এখন আমাদের করণীয় কি? সে বললো : খুব তাড়াতাড়ি ইয়ামন ছেড়ে অন্য কোথাও চলে যেতে হবে। খুব শিগগির 'আরাম বাঁধ ভেঙ্গে গোটা ইয়ামন তলিয়ে যাবে।

'আমর ছিলেন প্রচুর ধন-দৌলত, জীব-জন্ম ইত্যাদির অধিকারী। ইচ্ছা করলেই হঠাৎ কোথাও চলে যেতে পারেন না। তাছাড়া মানুষকে কী বলে যাবেন? এ জন্য এক বুদ্ধি আঁটলেন। বড় ছেলে সালাবাকে বললেন, আমি তোমাকে মানুষের সামনে একটা কাজের নির্দেশ দেব, আর তুমি তা পালন না করার তান করবে। আমি ধমক দিলে তুমি আমার গালে একটা থাপ্পড় বসিয়ে দেবে। সালাবা বললো, এমন কাজ আমার দ্বারা কেমন করে সম্ভব? 'আমর বললেন, 'কল্যাণ এতেই রয়েছে।' পরিকল্পনা অনুযায়ী 'আমর নেতৃত্বান্বী লোকদের খাবারের দা'ওয়াত দিলেন। সবাই উপস্থিত হলে তিনি সালাবাকে একটি কাজের নির্দেশ দিলেন এবং সে তা পালনে অঙ্গীকৃতি জানালো। 'আমর তাকে মারার জন্য নিয়া হাতে উঠিয়ে নেওয়ার সাথে সাথে সালাবা পিতার গালে জোরে এক থাপ্পড় বসিয়ে দিল। 'আমর বলে উঠলেন, 'এমন অপমান!' সালাবার ভাই তাকে মারার জন্য দাঁড়িয়ে গেল। 'আমর তাকে থামিয়ে দিয়ে বললেন, ছেড়ে দাও, আমি আমার বিষয়-সম্পত্তি বিক্রী করে অন্য কোথাও চলে যাচ্ছি। এ ধৃষ্টতার জন্য আমি তাকে এক কপর্দক ও দেবনা। এভাবে 'আমর তাঁর বিষয়-সম্পদ উচ্চমূল্যে বিক্রী করে নিজের পরিবার-পরিজনসহ ইয়ামন থেকে বেরিয়ে পড়েন। এরপর 'আরাম বাঁধ ভেঙ্গে গোটা ইয়ামন তলিয়ে ধ্রংসন্তুপে পরিণত হয়।

'আমর 'মারিব' থেকে বের হয়ে প্রথমে আক্কায় আশ্রয় নেন এবং তাঁর তিন ছেলে-হারেস, মালিক ও হারেসাকে সামনে এগিয়ে যেতে বলেন। তারা ফিরে আসার পূর্বেই 'আমর মারা যান এবং তার বড় ছেলে 'সালাবাতুল 'আনকা' তাঁর স্তলাভিষিক্ত হন। পরবর্তীকালে তারা এ আক্কা থেকেও হিজরাত করে এবং আরবের বিভিন্ন অঞ্চলে ছড়িয়ে পড়ে। সুতরাং হিজায়ের মকায় খুয়ায়া, শামে গাস্সান এবং ইয়াসরিবে (মদীনা) আউস ও খায়রাজ বসতি স্থাপন করে। এভাবে 'সাবায়ে উলা' বা প্রথম সাবা রাজত্বের পরিসমাপ্তি ঘটে। আর তখন থেকেই আবাবী প্রবাদ 'তাফাররাকু আইদী সাবা'—সাবাদের ক্ষমতার মত বিক্ষিপ্ত হয়ে গেছে— প্রচলিত হয়।

কেউ কেউ এটাকে একটি বানোয়াট কাহিনী বলে অভিমত ব্যক্ত করেছেন।

আবাব অনেকে আনসারদেরকে নাবিতের বৎশধর বলেছেন। তারা মনে করেন, নাবিতের সময় থেকে আনসারদের ইতিহাসের সূচনা। তাহলে আনসাররা 'আল-আরাব আল-৬ আসহাবে রাসূলের জীবনকথা'

মুস্তাবাদের অন্তর্ভুক্ত হবেন।

আরবিতে নাবিত, ইক্রতে নায়াবুত। তাওরাতে তাঁকে হযরত ইসমাইলের (আ) সন্তানদের মধ্যে উল্লেখ করা হয়েছে। তাঁকে হযরত ইসমাইলের (আ) জ্যেষ্ঠ পুত্র বলা হয়েছে। আরব ঐতিহাসিকরা খুব সংক্ষেপে তাঁর পরিচয় দিয়েছেন। তাবারী বলেছেন : আল্লাহ নাবিত ও কাইদার-এর দ্বারা আরবদের বংশবৃক্ষি ঘটিয়েছেন। (তাবারী-১/৩৫২) ইবন হিশাম তাঁর সীরাতে লিখেছেন : হযরত ইসমাইলের (আ) পরে কা'বার তত্ত্বাবধায়কের দায়িত্ব তাঁর ছেলে নাবিতের হাতে পৌছে।' (সীরাতু ইবন হিশাম-১/৬৩) এ বর্ণনা দ্বারা বুঝা যায় নাবিত মক্কার অধিবাসী ছিলেন এবং হযরত ইবরাহীম ও হযরত ইসমাইল নির্মিত কা'বা ঘরের তত্ত্বাবধায়কের দায়িত্ব লাভ করেন। এছাড়া তাঁর সম্পর্কে আর কিছু জানা যায় না।

মক্কা ছিল শুক পাহাড়ী ভূমি। এ কারণে নাবিতের মৃত্যুর পর তাঁর নিজের ও তাঁর ভাইদের সন্তানরা আরবের বিভিন্ন অঞ্চলে বসতি স্থাপন করে। নাবিতের সন্তানরা আরবের উত্তর-পশ্চিম অংশে আবাসন গড়ে তোলে। তবে কাইদার-এর সন্তানরা তখনও মক্কায় থেকে যায়। পরবর্তীকালে মুদাদ বিন হামী মক্কার কর্তৃত ছিনিয়ে নিলে তারা মক্কা ছেড়ে কাজেমা, গুমার জীকুন্দাহ, শা'ছামীম প্রভৃতি অঞ্চলে বসতি গড়ে তোলে।

পূর্বেই উল্লেখ করা হয়েছে, নাবিতের সন্তানরা হিজায়ের উত্তর এলাকায় বসতি স্থাপন করেছিল। এখানে তারা হযরত 'ইসার জন্মের চার শো বছর পূর্বে 'আনবাত' নামে একটি রাজত্ব প্রতিষ্ঠা করে। প্রীষ্টপূর্ব দ্বিতীয় শতকে এই নাবাতী সম্রাজ্য খুবই প্রতাপশালী হয় এবং উত্তর আরব থেকে সাবা সাম্রাজ্যের মূলোৎপাটন করে। শ্রীঃ পঃ ৬২ সনে হারেস সিংহাসন লাভ করেন। তিনি এ সাম্রাজ্যের সবচেয়ে বড় প্রতাপশালী বাদশাহ ছিলেন। মোটকথা, প্রীষ্টীয় দ্বিতীয় শতকের প্রথম ভাগ পর্যন্ত এই নাবাতীরা অত্যন্ত প্রতাপের সাথে রাজত্ব করেন।

এই আনবাতের বংশধরদের অন্য একটি শাখা আছে। তারা কোন এক অজ্ঞাত যুগে ইয়ামনে বসতি স্থাপন করে। তারা আয়দ অথবা আসাদ গোত্র। তারা নাবিত ইবন মালিকের বংশধর। সম্ভবতঃ ইসমাইলীদের ইয়ামনে বসতি স্থাপনের সময় বা তার পরে এই লোকেরা সেখানে যায়। তারা মা'রিব-এ বসবাস করতো। কালক্রমে তাদের লোকসংখ্যা বৃদ্ধি পেলে। অভাব ও অন্যসব অসুবিধার কারণে তারা মা'রিব ছাড়তে বাধ্য হয়। যখন তারা মা'রিব ত্যাগ করে তখন তাদের নেতা ছিলেন 'আমর ইবন 'আমের। তিনি ইতিহাসে 'মুয়াইকিয়া' নামে খ্যাত। মূলতঃ তিনিই গোটা আনসার সম্প্রদায় ও গাস্সানীদের আদিপুরুষ। আনসারদের ইতিহাস তাঁর সময় থেকেই পরিষ্কারভাবে জানা যায়।

'আমর প্রথমতঃ মালিক ইবন ইয়ামন ও আয়দ গোত্রকে সংগে করে মা'রিব থেকে বের হন। আরবের বিভিন্ন অঞ্চলে বহু যুগ ধরে তাঁর বংশধরণ বসবাস করতে থাকে। ইতিহাসের এক পর্যায়ে এই 'আমরের অধস্তন পূরুষরা ইয়াসরিব ও তার আশে-পাশে বসতি স্থাপন করে। তারাই মদীনার বিখ্যাত আউস ও খায়রাজ গোত্রের পূর্বপুরুষ।

আনসারদের প্রাচীন ইতিহাস সম্পর্কে যত কথাই প্রচলিত থাক না কেন, প্রকৃতপক্ষে মদীনার আনসারদের সবগুলি গোত্র আউস ও খায়রাজ নামের দু'ব্যক্তি থেকে উৎসারিত। তাদের পিতার নাম হারেসা এবং মাতার নাম কাইলা বিনতু 'আমর ইবন জাফনা। 'আদী

নামে তাঁদের আর এক ভাই ছিলেন, তাঁর বংশধরগণও মদীনায় বিদ্যমান ছিল। খায়রাজ সম্পর্কে তেমন কিছু জানা যায় না। তবে আউস সম্পর্কে এতটুকু জানা যায় যে, তিনি একজন বৰ্তীৰ (বজা) ও শা'য়িব (কবি) ছিলেন। তাঁর নামে বৰ্ণিত কিছু জানগত কথা সংৰক্ষিত আছে। এই আউস, খায়রাজ ও 'আদীর বংশধরগণ ইয়াসরিবে বৃদ্ধি পেয়ে বিভিন্ন উপগোত্রে বিভক্ত হয়। যথা :

'আদী' : তাঁর নামে পৃথক কোন শাখা গোত্র নেই। অনেকের ধারণা তাঁর সন্তানরা আউস ও খায়রাজের সাথে মিলে এক হয়ে গেছে। কারণ, আরবে ভাতিজারা চাচার খ্যাতির কারণে তাঁর সন্তান কল্পে প্রসিদ্ধি পায়। (উসুদুল গাবা-৫/২০৪)

'আউস' : মালিক নামে তাঁর ছিল এক ছেলে। আর এই মালিকের ছিল পাঁচ ছেলে, যারা প্রত্যেকেই পৃথক শাখা গোত্রের উর্ধ্বতন পুরুষ। যথা : 'আমর ইবন মালিক, 'আওফ ইবন মালিক, মুরাবা ইবন মালিক, ইমরাউল কায়েস ইবন মালিক ও জাশাম ইবন মালিক।

খায়রাজ : খায়রাজের ছিল পাঁচ ছেলে : 'আমর আওফ, জাশাম, কা'ব ও হারেস। রাসূলুল্লাহর (সা) দাদা আবদুল মুন্তালিবের মাতুল গোত্র বনু নাজারের সকল শাখাই ছিল 'আমর ইবন খায়রাজের বংশধর।

আনসারদের পূর্ব-পুরুষের মদীনায় আগমনের পূর্বেই সেখানে ইহুদীরা বসতি স্থাপন করেছিল। অনেকের মতে তারা হয়েত সুলাইমানের (আ) সময়ে, আবার অনেকের মতে বৰ্খতে নাসরের বায়তুল মাকদাস ধৰ্সের পরে তারা আরবে আসে এবং ইয়াসরিব ও তার আশে-পাশের এলাকায় অধিকার প্রতিষ্ঠা করে। পরবর্তীকালে আউস ও খায়রাজের পূর্বপুরুষরা এসে দুর্গ ও বাড়ীৰ তৈরী করে বসবাস শুরু করে। তারা ইহুদীদের সাথে নিরাপত্তা চুক্তি করে; কিন্তু কালক্রমে তাদের সংখ্যা বেড়ে গেলে ইহুদীদের মধ্যে উত্তির সৃষ্টি হয় এবং পরে তা শক্তায় পরিণত হয়।

আউস ও খায়রাজ গোত্রের লোকেরা প্রথমে ইয়াসরিবের একই এলাকায় বসবাস করতো। পরে ইহুদীদের শক্তি কিছুটা বৰ্ব হলে তারা সেখানকার গোটা নিচু ও উঁচু এলাকায় ছড়িয়ে পড়ে পৃথক বসতি অঞ্চল গড়ে তোলে।

আউস ও খায়রাজ গোত্র দু'টি দীর্ঘকাল পরস্পর ঘিলেমিশে বসবাস করে। কিন্তু এক পর্যায়ে তাদের মধ্যে শক্তির সৃষ্টি হয় এবং তারা একের পর এক ভয়াবহ যুদ্ধে জড়িয়ে পড়ে। ইসলামের আবির্ত্বাব না হলে তারা হয়েতো পৃথিবী হতে বিলীন হয়ে যেত। 'খুলাসাতুল শুয়াফা' গ্রন্থের লেখক বলেন : 'অতঃপর তাদের মধ্যে এত বেশী যুদ্ধ সংঘটিত হয় যে, অন্য কোন সম্প্রদায়ের মধ্যে তার চেয়ে বেশী ও দীর্ঘ যুদ্ধের কথা আর শোনা যায় না।' 'সামীর' যুদ্ধ থেকে যার শুরু 'বুয়াস' যুদ্ধে তার পরিসমাপ্তি। 'বুয়াস' যুদ্ধটি হয় রাসূলুল্লাহর (সা) মদীনায় হিজরাতের পাঁচ বছর পূর্বে। এই দুই যুদ্ধের মাঝখানে কত যুদ্ধ যে হয়েছে তার কোন হিসাব নেই। ইতিহাসে শুধু বড় যুদ্ধগুলির কথা বৰ্ণিত হয়েছে। (আল কামিল ফিত তারীখ-১/৫০৩)

### আনসারদের প্রাচীম ধর্মবিশ্বাস

আনসারগণ যদি নাবিত ইবন ইসমা'ইলের বংশধর হন তাহলে আদিতে তাদের ধর্মবিশ্বাসও তাই ছিল, যা ইসমা'ইল (আ) ও তাঁর সন্তানদের ছিল। পরবর্তীকালে 'আমর ইবন লুহাই যখন আরবে মৃত্তিপূজার প্রচলন করে তখন অন্য ইসমা'ইলীদের মত তারাও ৮ আসহাবে রাসূলের জীবনকথা

মূর্তিপূজা শুরু করে। আনসারদের পূর্বপুরুষের ইয়ামান অবস্থানকালের ধর্মবিশ্বাস সম্পর্কে তেমন কোন তথ্য পাওয়া যায় না। তবে ইয়াসরিবে বসবাসের পর থেকে তাদের সম্পর্কে মোটামুটিভাবে জানা যায়। খায়রাজ বংশের আদিপুরুষ থেকে চতুর্থ অধঃস্তন পুরুষ হলেন নাজার। তিনিই বনু নাজারের আদি পুরুষ। ইতিহাসে তার আসল নাম ‘তাইমুল লাত’ বলে উল্লেখ করা হয়েছে। (তাবারী-১/১০৮৫) কিন্তু পরে পরিবর্তন করে ‘তাইমুল্লাহ’ রাখা হয়। ইবন হিশাম তাঁর সীরাতে এ নামটি উল্লেখ করেছেন। সম্ভবতঃ আনসারদের ইসলাম গ্রহণের পর এ পরিবর্তন ঘটেছে। পরিবর্তনের এমন নজীর আরো আছে। জাহিলী যুগের ‘বনু সাম্মা’ ইসলামী যুগে ‘বনু সুমাই’য়া নাম ধারণ করে। এ নাম রাখেন খোদ রাসূল (সা)। (উস্দুল গবা-৫/১৭৯) গোত্রের মত বহু ব্যক্তিরও নামের পরিবর্তন ঘটেছে।

যাই হোক, ‘তাইমুল লাত’ দ্বারা বুঝা যায়, আনসারদের মধ্যে ‘লাত’ দেবীর পূজা হতো। আনসারদের কোন কোন গোত্র ‘আউসুল্লাহ’ বলে পরিচয় দিত। হতে পারে পূর্বে তা ‘আউসুল লাত’ ছিল। আরব ঐতিহাসিকরা ‘মানাত’কে আনসারদের দেবী বলে উল্লেখ করেছেন। এই ‘মানাত’ ছিল নাবাতীদের দেবী। কুরআনের সূরা ‘নাজম’-এ এর কথা এসেছে। ‘মু’জামুল বুলদান’-এ বলা হয়েছে, ইসমাইলের বংশধরদের সবচেয়ে পুরাতন দেবী হচ্ছে ‘মানাত’। (৮/১৬৭) তারপর ‘লাত’-এর পূজা শুরু হয়। (৭/৩১০) আউস, খায়রাজ ও গাস্সানের লোকেরাও মানাত-এর পূজা করতো। (তাবাকাত-১/১০৬) তাছাড়া আরবের অন্যান্য গোত্র, যেমন : হজাইল, খুয়ায়া, আয়দ শানওয়া, বনী কা’বও এর পূজারী ছিল।

একথা ঠিক নয় যে, ইয়াসরিববাসী শুধু লাত ও মানাত-এর পূজা করতেন, অথবা আরবের আর কোন গোত্র এ দু’দেবীর পূজা করতো না। বরং লাত ও মানাত ছাড়া অন্যান্য ছোট-বড় আরো অনেক দেব-দেবীর পূজা ইয়াসরিববাসী যেমন করতেন, তেমনি আরবের অন্যান্য গোত্রও লাত-মানাত-এর পূজা করতো।

ঐতিহাসিক তাবারী রাসূলুল্লাহর (সা) হিজরাত প্রসঙ্গে আলোচনা করতে গিয়ে একটি ঘটনা উল্লেখ করেছেন। একবার হ্যরত আলীকে (রা) মদীনার কুবায় একজন মুসলিম মহিলার গৃহে কয়েক রাত অবস্থান করতে হয়। এ সময় তিনি প্রতিদিন রাতে দরযা খোলার শব্দ শুনতে পেতেন। মহিলাটি দরযা খুলে বাহির থেকে কিছু জিনিস ঘরে উঠিয়ে রাখতেন। তিনি ছিলেন বিধ্বা। একদিন আলী (রা) তাঁকে জিজ্ঞেস করলেন, প্রতিদিন রাতে এভাবে দরযা খোলা হয় কেন? তিনি বললেন, আমি এক অনাথ মহিলা। এ কারণে সাহল ইবন হুনাইফ রাতের বেলা তার গোত্রের মূর্তি ভেঙ্গে গোপনে তার কাঠগুলি আমার জুলানীর জন্য দিয়ে যায়। (তাবারী-৩/১২৪৪) এতে বুঝা যায় ইয়াসরিববাসীদের গৃহে কাঠের তৈরী বহু মূর্তি ছিল।

আমর ইবন জামুহ ছিলেন বনী সুলামার একজন অতি সশ্বান্ত ব্যক্তি। হ্যরত মু’য়াজ ইবন জাবাল (রা) মুসলমান হওয়ার পর ‘আমরের মানাত’ নামক কাঠের বিগ্রহটি রাতের অঙ্ককারে ঘর থেকে উঠিয়ে নিয়ে দূরে ফেলে আসতেন। আমর আবার তা কুড়িয়ে আনতেন। এমনিভাবে বিশিষ্ট ব্যক্তিদের গৃহে নিজস্ব বিগ্রহ ছিল। তাছাড়া প্রায় প্রত্যেক গোত্রের মূর্তি উপাসনার জন্য মন্দির ছিল। ইয়াকৃত আল-হামারী বলেছেন : আউস ও খায়রাজ গোত্রদ্বয়ের মত মানাত দেবীর এত বেশী সশ্বান আর কোন গোত্র করতো না। (মু’জামুল বুলদান-৮/১৬৮)

আউস ও খায়রাজ গোত্রে এমন কিছু লোক ছিলেন যাঁরা মৃত্তিপূজা করতেন না। তাঁরা ছিলেন এক আল্লাহতে বিশ্বাসী। তাঁদের অনেকে মদীনা ও খাইবারের ইহুদীদের দ্বারা প্রভাবিত ছিলেন। অনেকে আবার ‘হানীফী’ ধর্মেরও অনুসারী ছিলেন। আনসারদের ধর্মবিশ্বাস সম্পর্কে ইবন হিশাম বলেছেন : ‘আউস ও খায়রাজরা ছিলেন মুশরিক। তাঁরা মৃত্তিপূজা করতেন। তাঁরা জান্নাত, জান্নাম, কিয়ামত, হাশর, নশর, কিতাব, হালাল ও হারাম কিছুই জানতেন না (সীরাত-১/৩০৪)’ সামগ্রিক অবস্থা ছিলো এটাই।

### আনসারদের মধ্যে ইসলামের সূচনা

জাহিলী যুগে মক্কার সাথে আনসারদের যোগাযোগ ছিল। হজ্জ, ‘উমরাহ, ব্যবসা-বাণিজ্য ইত্যাদি উপলক্ষে তাঁরা মক্কায় আসতেন। নিজেদের গৃহযুক্ত এবং ইহুদীদের শক্ততার কারণে তাঁরা মক্কার সমর্থন ও সাহায্য লাভের আশায় সেখানে আসতেন। এ ছাড়া বিভিন্ন কারণে আউস ও খায়রাজ গোত্রের লোকদের মক্কাবাসীদের সাথে ঘনিষ্ঠ যোগাযোগ ছিল। মক্কা ও মদীনার লোকদের মধ্যে আত্মীয়তার সম্পর্ক ও মৈত্রী চুক্তি ছিল।

বর্ণিত আছে, মদীনাবাসীদের মধ্যে সর্বপ্রথম সুওয়ায়িদ ইবন সামিত রাসূলুল্লাহর (সা) নিকট থেকে ইসলামের দাওয়াত লাভ করেন এবং তাঁর মুখ থেকে পবিত্র কুরআন শোনার সৌভাগ্য অর্জন করেন। তিনি ছিলেন মদীনার ‘আমর ইবন ‘আওফ গোত্রের একজন সমানিত ব্যক্তি। সেই জাহিলী যুগেই তিনি আরববাসীর নিকট থেকে ‘কামিল’ উপাধি লাভ করেন। মক্কায় গেলে রাসূলুল্লাহর (সা) সাথে তাঁর সাক্ষাৎ হয়। রাসূলুল্লাহর (সা) নিকট ইসলামের দাওয়াত শুনে তিনি বলেন : ‘আপনার নিকট যা আছে, আমারও নিকট প্রায় একই জিনিস আছে।’ রাসূল (সা) প্রশ্ন করলেন : ‘আপনার কী আছে?’ তিনি বললেন : ‘সাহীফা-ই-লুকমান’। রাসূল (সা) কিছু শোনার ইচ্ছা প্রকাশ করলে তিনি কিছু শোনালেন। রাসূল (সা) সন্তুষ্টি প্রকাশ করে বললেন : ‘আমার কাছে এর চেয়ে ভালো জিনিস আছে। আর তা হচ্ছে ‘কুরআন’। তিনি কুরআন শুনে মুগ্ধ হলেন। ফল এই দাঁড়ালো যে, ইবন হিশামের মতে, ‘তিনি ইসলাম থেকে দূরে থাকলেন না।’ তিনি মদীনায় ফিরে গেলে খায়রাজীদের হাতে নিহত হন। ‘আমর ইবন ‘আওফ গোত্রের ধারণা, তিনি মুসলমান অবস্থায় মারা গেছেন। এটা বুঝাস যুদ্ধের পূর্বের ঘটনা। (দ্রঃ সীরাতু ইবন হিশাম-১/১৬)

এরপর ‘আবদুল আশহাল গোত্রের কয়েক ব্যক্তিকে সংগে করে আবুল মাইসার আনাস ইবন রাফে ‘আসেন মক্কায়। উদ্দেশ্য, কুরাইশদের সাথে মৈত্রী চুক্তি করা। এই দলে ছিলেন ইয়াস ইবন মু’য়াজ। মক্কায় তাঁদের উপস্থিতির সংবাদ পেয়ে রাসূল (সা) তাঁদের সাথে দেখা করে ইসলামের দাওয়াত দেন। ইয়াস ছিলেন তরুণ। রাসূলুল্লাহর (সা) মুখে কুরআন শুনে তিনি সঙ্গীদের লক্ষ্য করে বলেন, ‘তোমরা যে কাজের জন্য এসেছো এটা তার চেয়ে ভালো। মদীনায় ফিরে তিনি মারা যান। রাসূলুল্লাহর (সা) এই স্বর্ণ সুহবতে তিনি ইসলামকে এতটুকু বুঝেছিলেন যে, জীবনের শেষ মুহূর্তে শধু তাকবীর উচ্চারণ করেছিলেন এবং মানুষকে আল্লাহর হাম্দ ও সানা উন্নয়েছিলেন। তাঁর গোত্রের লোকদের ধারণা, তিনি মুসলমান ছিলেন। (মুসনাদ-৫/৪২৭)

মদীনাবাসীদের মধ্যে প্রথম মুসলমান কে, এ বিষয়ে ঐতিহাসিকদের মতভেদ আছে। এ ব্যাপারে যাঁদের নাম বিভিন্ন ঐতিহাসিক উল্লেখ করেছেন, তাঁরা হলেন : রাফে ‘ইবন মালেক

যারকী, মু'য়াজ ইবন 'আফরা', আস'য়াদ ইবন যুরারাহ, জাকওয়ান ইবন 'আদী, জাবির ইবন 'আবদিল্লাহ (রা) প্রমুখ। (দ্রঃ তাবাকাত-১/১৪৬; যারকানী-১/৩৬১)

প্রকৃতপক্ষে মদীনার আনসারদের মধ্যে ইসলামের প্রচার-প্রসারের সূচনা 'আকাবার প্রথম বাই'য়াত থেকে। 'আকাবা বলা হয় পর্বতাংশকে। এখানে 'আকাবা বলতে বুঝায় 'মিনার জমরায়ে 'আকাবার সাথে মিলিত পর্বতাংশকে। এ স্থানে মদীনা থেকে আগত আনসারগণের তিন দফায় বাই'য়াত নেয়া হয়। প্রথম দফায় নেয়া হয় নবুওয়াতের একাদশ বর্ষে। তখন মোট ছয়, মতান্তরে আটজন লোক ইসলাম গ্রহণ করে রাসূলুল্লাহর (সা) হাতে বাই'য়াত নিয়ে মদীনায় ফিরে যান। এটা 'আকাবার প্রথম বাই'য়াত। এতে মদীনার ঘরে ঘরে ইসলাম ও নবী কারীমের (সা) চর্চা শুরু হয়। পরবর্তী বছর হজ্জের মওসুমে বারো জন লোক সেখানে একত্রিত হন। এন্দের পাঁচজন ছিলেন আগের এবং সাতজন নতুন। তাঁরা সবাই রাসূলুল্লাহর (সা) হাতে বাই'য়াত করেন। এটা 'আকাবার দ্বিতীয় বাই'য়াত। তাঁরা রাসূলুল্লাহর (সা) কাছে আবেদন জানান যে, তাঁদের কুরআনের তালীম দানের উদ্দেশ্যে সেখানে কাউকে পাঠানো হোক। তিনি হ্যরত মুস'য়াব ইবন 'উমারকে (রা) পাঠালেন। তিনি মদীনার মুসলমানদের কুরআন পড়ান ও ইসলামের তাবলীগ করেন। ফলে মদীনায় ইসলামের দ্রুত ও ব্যাপক প্রসার ঘটে।

অতঃপর নবুওয়াতের অয়েদশ বর্ষে সন্তর, মতান্তরে তিহাতুর জন পুরুষ ও দুই জন মহিলা হজ্জ মওসুমে আবার 'আকাবায় রাসূলুল্লাহর (সা) সাথে মিলিত হন এবং বাই'য়াত করেন। এ হলো 'আকাবার তৃতীয় বা সর্বশেষ বাই'য়াত। সাধারণতঃ বাই'য়াতে 'আকাবা বলতে একেই বুঝানো হয়। এ বাই'য়াতটি ইসলামের মৌলিক বিশ্বাস ও কাজ, কাফিরদের সাথে জিহাদ এবং মহানবী হিজরাত করে মদীনায় গেলে তাঁর হিফাজত ও সাহায্য সহযোগিতার জন্য নেয়া হয়। বাই'য়াতের পর রাসূল (সা) তাঁদের মধ্য থেকে বারো জন নাকীব বা প্রতিনিধি নিয়োগ করেন। তাঁরা সবাই ফিরে গিয়ে রাসূলুল্লাহর (সা) মদীনায় হিজরাতের পথ ও পরিবেশ তৈরী করেন।

এই তৃতীয় বা সর্বশেষ আকাবায় যে ৭২/৭৫ জন লোক অংশগ্রহণ করেন তাঁদের মধ্যে ১১ জন আউস গোত্রের এবং দু'জন মহিলাসহ মোট ৬৪ জন খাযরাজ গোত্রের (সীরাতু ইবন হিশাম-১/২৪৯-২৫৫)

আনসারগণ ইসলামের সাহায্য ও সহযোগিতায় কোনরূপ ত্রুটি করেননি। নিজেদের নজীরবিহীন কুরবানী ও সাহায্য দ্বারা ইসলামের মান-মর্যাদা বৃদ্ধি করেন। তাঁদের বীরত্ব ও ত্যাগের কাহিনীতে ইতিহাস পরিপূর্ণ। বদর যুদ্ধে দু'শো তিরিশ জন আনসার শরীক হয়েছিলেন। তাঁদের মধ্যে ১৭০ জন ছিলেন খাযরাজ গোত্রের এবং বাকী আনসার আউস গোত্রের। এ যুদ্ধে ব্যবহৃত সর্বমোট ৭০টি উটের মধ্যে হ্যরত সাদ ইবন 'উবাদা আল-খাযরাজী একাই ২০টি উট দান করেছিলেন। এ বদরের যুদ্ধে শাহাদাত বরণকারী চৌদ্দ জনের আটজনই ছিলেন আনসার। উভদের যুদ্ধে বহু সংখ্যক আনসার অংশগ্রহণ করেছিলেন এবং সন্তর জন (৭০) শহীদের মধ্যে ছেষত্তিজনই (৬৬) ছিলেন আনসার। কারো কারো শরীরে ৭০টি আঘাত লেগেছিল। বি'রে মা'উনার শহীদদের মধ্যেও উল্লেখযোগ্য সংখ্যক ছিলেন আনসার। (ইসলামী বিশ্বকোষ-১ম খন্ড, আনসার)

ইসলামের জন্য আনসারদের ত্যাগ তিতিক্ষার বিবরণ অল্প কথায় দেওয়া সম্ভব নয়। তাঁরা তাঁদের জান-মালসহ সবকিছু ইসলামের জন্য উৎসর্গ করেন। মদীনা আগত মুহাজিরদের জন্য তাঁরা নিজেদের অর্থ সম্পদ ও বাড়ী-ঘর ভাগ করে দেন। তাঁরা যে সততা ও উদারতার দৃষ্টান্ত স্থাপন করেছেন, মানব ইতিহাসে তা খুঁজে পাওয়া কঠিন। এ কারণে তাদের প্রতি রাসূলের (সা) গভীর মুহাবত ছিল। তিনি তাদের অবদান, ত্যাগ ও কুরবানী যথার্থ মর্যাদার দৃষ্টিতে দেখতেন। তিনি কথা ও কাজের দ্বারা তাঁদের এ অবদানের স্বীকৃতি দিয়েছেন। আনসারদের প্রতি ভালোবাসাকে তিনি ঈমানের অংশ বলে ঘোষণা করেছেন। তিনি বলেছেন, আল্লাহ ও পরকালের ওপর বিশ্বাসী কোন ব্যক্তিই আনসারদের প্রতি বৈরিতা পোষণ করতে পারেন। আনসারদের প্রতি বিদ্যেষকে তিনি মুনাফিকের স্বভাব-প্রকৃতি বলে বর্ণনা করেছেন। তিনি আনসার ও তাঁদের সন্তান-সন্তুতির ওপর আল্লাহর রহমত বর্ণনের জন্য দু'আ করেছেন। তাঁদের প্রতি সন্তুষ্টি থেকে তিনি দুনিয়া থেকে বিদায় নিয়েছেন।

পবিত্র কুরআনের একাদিক স্থানে আনসার শব্দটি এসেছে। তার মধ্যে সুরা তাওবাৰ ১০০ ও ১১৭ নং আয়াতের একাংশ মদীনার আনসার মুসলমানদের প্রতি সরাসরি প্রযুক্ত হয়েছে। আল্লাহ বলেন :

১. 'আর যারা সর্বপ্রথম হিজরাতকারী ও আনসারদের মাঝে পুরাতন, এবং যারা তাদের অনুসরণ করেছে, আল্লাহ সে সমস্ত লোকদের প্রতি সন্তুষ্ট হয়েছেন এবং তারাও তাঁর প্রতি সন্তুষ্ট হয়েছে। আর তাদের জন্য প্রস্তুত রেখেছেন জান্নাত, যার তলদেশ দিয়ে প্রবাহিত নদীসমূহ। সেখানে তারা থাকবে চিরকাল। এটাই হলো মহান কৃতকার্যতা।' (আত-তাওবা-১০০)

২. 'আল্লাহ দয়াশীল নবীর প্রতি এবং মুহাজির ও আনসারদের প্রতি, যারা কঠিন মুহূর্তে নবীর সঙ্গে ছিল, যখন তাদের এক দলের অন্তর ফিরে যাওয়ার উপক্রম হয়েছিল। অতঃপর তিনি দয়াপ্রবর্শ হন তাদের প্রতি, নিঃসন্দেহে তিনি তাদের প্রতি দয়াশীল ও করুণাময়।' (আত-তাওবা-১১৭)

এছাড়া কুরআনের আরো বহু আয়াতে, কোথাও প্রত্যক্ষ আবার কোথাও পরোক্ষভাবে আনসারদের সাহসের প্রতি ইঙ্গিত করা হয়েছে। যেমন সূরা আল-হাশর-এর ৯নং আয়াতে বলা হয়েছে :

'যারা মুহাজিরদের আগমনের পূর্বে মদীনায় বসবাস করেছিল এবং বিশ্বাস স্থাপন করেছিল, তারা মুহাজিরদের ভালোবাসে, মুহাজিরদেরকে যা দেওয়া হয়েছে, তজ্জন্যে তারা অন্তরে ঈর্ষা পোষণ করেন। এবং নিজেরা অভাবগত হলেও তাদেরকে অগ্রাধিকার দান করে। যারা কার্পণ্য থেকে মুক্ত, তারাই সফলকাম।'

# ଆସ'ଯାଦ ଇବନ ଯୁରାରା (ରା)

ଆବୁ ଉମାମା ଆସ'ଯାଦ, ଯିନି ଆସ'ଯାଦ ଆଲ-ଖାୟର ନାମେ ପରିଚିତ, ମଦୀନାର ଖାୟରାଜ ଗୋତ୍ରେର ନାଜ୍ଞାର ଶାଖାର ସତ୍ତା। ତୌର ପିତା ଯୁରାରା ଇବନ 'ଆଦାସ। (ଆଲ-ଇସାବା-୧/୩୪) ଉସୁଦୁଲ ଗାବା-୧/୭୧) ତୌର ଜନ୍ମେର ସନ-ତାରିଖ ସମ୍ପର୍କେ କିଛୁ ଜାନା ଯାଏ ନା।

ହୟରତ ରାସ୍‌ଲେ କାରୀମେର (ସା) ନବୁওୟାତ ପୂର୍ବେ ସମ୍ବନ୍ଧ ଆରବ ଉପଥିପ କୁଫର ଓ ଉମରାହୀର ଅଙ୍କକାରେ ଆଚନ୍ଦ ଛିଲି। ତବେ ଏର ମଧ୍ୟେ କିଛୁ ଲୋକ ବିଶୁଦ୍ଧ ସତାବ ବା ଫିତରାତେର ଦାବୀ ଅନୁସାରେ ତାଓହୀଦ ବା ଏକତ୍ରବାଦେର ପ୍ରବନ୍ଧ ଛିଲେନ। ଆସ'ଯାଦ ଇବନ ଯୁରାରା ତୌଦେଇ ଏକଜନ। (ତାବାକାତ-୧/୧୪୬)

ଇସଲାମ- ପୂର୍ବ ଯୁଗେ ଇଯାସରିବେର (ମଦୀନା) ଲୋକେରା ନିଜେଦେର ଝଗଡ଼ା ବିବାଦେ କୁରାଇଶଦେର ସମର୍ଥନ ଲାଭ ଏବଂ ତା ଫାଯ୍ସାଲାର ଉଦ୍ଦେଶ୍ୟ ମକ୍କାଯ ଯାତାଯାତ କରତୋ। ତାହାଡ଼ା ହଜ୍ଜ ଓ 'ଉମରା ଆଦାୟେ ଜନ୍ମିତ ତାରା ସେବାନେ ଯେତ। ଅତଃପର ମକ୍କାଯ ଇସଲାମେର ଅଭ୍ୟନ୍ତର ଘଟିଲେ। ଏରମଧ୍ୟ ହୟରତ ରାସ୍‌ଲେ କାରୀମ (ସା) ନବୁଓୟାତୀ ଜୀବନେର ବେଶ କ'ଟି ବହୁ ଅଭିବାହିତ କରେଛେ। ମକ୍କାର ଲୋକଦେର ଇସଲାମେର ଦାଓଯାତ ଦାନେର ସାଥେ ସାଥେ ବିଭିନ୍ନ ମେଳା ଓ ହାଟେ-ବାଜାରେ ଉପହିତ ହୟେ ବ୍ୟାପକତାବେ ତିନି ମାନୁଷକେ ସତେର ଦା'ଓୟାତ ଦିଛେନ। ବିଭିନ୍ନ ଉଦ୍ଦେଶ୍ୟ ମକ୍କାଯ ଆଗତ ବହିରାଗତ ଲୋକଦେର ନିକଟେ ଗୋପନେ କୁରାନେର ବାଣୀ ପୌଛେ ଦେଓୟାର ଦାଯିତ୍ବର ପାଲନ କରେ ଚଲେଛେ। ଇବନ୍‌ଲୁ ଆସୀର ଓୟାକିନୀର ସୁତ୍ରେ ବଲେନ : ଏମନି ଏକ ସମୟେ ଆସ'ଯାଦ ଇବନ ଯୁରାରା ଓ ଜାକଓଯାନ ଇବନ 'ଆବଦିଲ କାଯସ ନିଜେଦେର ଏକଟି ଝଗଡ଼ା ନିଷ୍ଠିତ ଉଦ୍ଦେଶ୍ୟ ମକ୍କାର କୁରାଇଶ ନେତା 'ଉତ୍ତବା ଇବନ ରାବୀ'ଯାର ନିକଟ ଯାନ। ଏଇ 'ଉତ୍ତବାର ନିକଟ ତୌରା ରାସୁଲୁରାହ (ସା) ସମ୍ପର୍କେ କିଛୁ କଥା ଶୁଣନ୍ତେ ପାନ। ଗୋପନେ ତୌରା ଦୁ'ଜନ ରାସୁଲୁରାହର (ସା) ସାଥେ ଦେଖା କରେନ। ହୟରତ ରାସ୍‌ଲେ କାରୀମ (ସା) ତୌଦେଇ ସାମନେ ଇସଲାମେର ଦା'ଓୟାତ ପେଶ କରେନ ଏବଂ ପବିତ୍ର କୁରାନ ଥେକେ କିଛୁ ତିଳା'ଓୟାତ କରେ ଶୋନାନ। ଏଇ ସାକ୍ଷାତେଇ ତୌରା ଦୁ'ଜନ ଇସଲାମ ଗ୍ରହଣ କରେନ। ତୌରା ରାସୁଲୁରାହ (ସା) ନିକଟ ଥେକେ 'ଉତ୍ତବାର କାହେ ଆର ନା ଗିଯେ ସୋଜା ମଦୀନାଯ ଫିରେ ଯାନ। ଏତାବେ ତୌରା ଦୁ'ଜନଇ ହଲେନ ମଦୀନାଯ ଆଗମନକାରୀ ପ୍ରଥମ ମୁସଲମାନ। ଏଠା ନବୁଓୟାତେର ଦଶମ ବହୁରେ 'ଆକାବାର ପ୍ରଥମ ବାଇ'ଯାତେର ପୂର୍ବେର ଘଟନା। (ଉସୁଦୁଲ ଗାବା-୧/୭୧, ଆଲ-ଇସାବା-୧/୩୪, ହାୟାତୁସ ସାହାବା-୧/୮୬)

ଅବଶ୍ୟ ଇବନ ଇସହାକେର ବରାତେ ଇବନ୍‌ଲୁ ଆସୀର ବଲେଛେ, ଆସ'ଯାଦ ଇବନ ଯୁରାରା ସେଇ ଲୋକଶ୍ଵରିର ଏକଜନ ଯୀରା ନବୁଓୟାତେର ଦଶମ ବହୁରେ ଅନୁଷ୍ଠିତ 'ଆକାବାର ୧ମ ବାଇୟାତେ ଶରିକ ହୟେ ଇସଲାମ ଗ୍ରହଣ କରେନ। ତାରପର ତିନି ନବୁଓୟାତେର ଏକାଦଶ ଓ ଦ୍ୱାଦଶ ବହୁରେ ଅନୁଷ୍ଠିତ ୨ୟ ଓ ୩ୟ ବାଇୟାତେର ଉପହିତ ଛିଲେନ। ତାଇ ତିନି ଛିଲେନ ଏକଜନ ପୂର୍ଣ୍ଣ 'ଆକାବାର ବ୍ୟକ୍ତି। (ଉସୁଦୁଲ ଗାବା-୧/୭୧)

ପ୍ରସଂଗଃ ଉତ୍ତରେଖ୍ୟ ଯେ, ମଦୀନାର ପ୍ରଥମ ମୁସଲମାନ କେ- ଏ ବିଷୟେ ସୀରାତ ବିଶେଷଜ୍ଞଦେର ବିସ୍ତର ମତବିରୋଧ ଆଛେ। ଇବନ ହିଶାମ ବଲେଛେ, ସୁଓୟାଇଦ ଇବନ ସାମିତ ହଜ୍ ଅଥବା 'ଉମରାର ଉଦ୍ଦେଶ୍ୟ ମକ୍କାଯ ଯାନ ଏବଂ ରାସୁଲୁରାହ (ସା) ସାଥେ ତୌର ସାକ୍ଷାତ ହୟ। ଇସାରିବବାସୀରା ତୌକେ 'କାହିଲ' ଉପାଧି ଦାନ କରେ। ବୀରତ୍, ସାହସିକତା, କାବ୍ୟ ପ୍ରତିଭା, ବଂଶ ମର୍ଯ୍ୟାଦା, ସମ୍ମାନ-

প্রতিপন্থি, মোটকথা সর্বশেষে গুণবিত ব্যক্তিকে সে যুগের আরবরা ‘কামিল’ উপাধি দান করতো। মদীনাবাসীদের মধ্যে রাসূলুল্লাহর (সা) দাও’য়াত লাভ ও কুরআন শোনার সৌভাগ্য সর্বপ্রথম তাঁরই হয়। ইবন হিশাম বলেন, এ দাওয়াতের পর তিনি ইসলাম থেকে দূরে ছিলেন না। (সৌরাতু ইবন হিশাম-১/৪২৬-২৭) কিন্তু এর অব্যবহিত পরেই তিনি নিহত হন। যাই হোক সুওয়াইদ সর্ব প্রথম মুসলমান হলেও মদীনায় ফিরে ইসলামী দাওয়াতের কাজ শুরু করার সুযোগ পাননি। সম্বৰ্বতঃ আস’য়াদ ও জাকওয়ানই প্রথম দুই ব্যক্তি যাঁরা সর্বপ্রথম মদীনায় ইসলামের তাবলীগের কাজ শুরু করেন।

মদীনায় গোছে সর্বপ্রথম তিনি আবুল হায়সামের সাথে দেখা করেন এবং তাঁর কাছে নিজের নতুন বিশ্বাসের কথা ব্যক্ত করেন। আবুল হায়সাম সাথে সাথে বলে ওঠেন, “তোমার সাথে আমিও তাঁর রিসালাতের প্রতি ঈমান আনলাম।” (তাবাকাত-১/১৪৬) অনেকে এই আবুল হায়সামকে মদীনার প্রথম মুসলমান বলে মনে করেছেন।

নবুওয়াতের দশম বছরে প্রতিবছরের মত ইয়াসরিববাসীরা হজ্জ উপলক্ষে মক্কায় আসে। তাদের মধ্য থেকে ছয় ব্যক্তি হজ্জ শেষে গোপনে মিনার আকা’বা নামক স্থানে রাসূলুল্লাহর (সা) সাথে সাক্ষাৎ করে তাঁর হাতে বাইয়াত করেন। এ ছয়জনের মধ্যে আস’য়াদও ছিলেন। পরের বছর হজ্জের মওসুমে ইয়াসরিববাসীরা আবার মক্কায় আসে। তাদের মধ্য থেকে বারোজন লোক গোপনে, আকাবায় রাসূলুল্লাহর (সা) সাথে মিলিত হয়ে বাই’য়াত করেন। এই বারো জনের মধ্যে আসয়াদও ছিলেন। (সৌরাতু ইবন হিশাম-১/৪২৯, ৪৩১, ৪৩৩, ৪৩৫, ৪৩৬, ৪৩৭) এই ‘আকাবায় পর মদীনায় যখন ইসলামের তাবলীগ ও দাওয়াতের সঙ্গবন্ধ অনেকটা উজ্জ্বল হয়ে ওঠে তখন তাঁরা রাসূলুল্লাহর (সা) নিকট একজন শিক্ষক দায়ী করেন, যিনি তাদেরকে কুরআন ও দ্বীন শিক্ষা দেবেন। তাঁদের দায়ী অনুসারে রাসূল (সা) মুস’য়াব ইবন ‘উমাইরকে (রা) ইয়াসরিবে দা’য়ী বা আহবায়ক হিসাবে পাঠালেন। মুসল্যাবের মদীনায় যাওয়ার পূর্ব পর্যন্ত সেখানে আসয়াদ ইবন যুরারা নামায়ের ইমাম ছিলেন। তাঁর পর মুস’য়াব ইমাম হন। তবে অনেকের মতে সালেম মাওলা আবী হজাইফার মদীনা পৌছার পূর্ব পর্যন্ত আস’য়াদই সেখানে ইমামতির দায়িত্ব পালন করতে থাকেন। মুস’য়াব শুধুমাত্র তাদের কুরআনের তা’বীম দিতেন। মদীনায় তাঁরা বাইতুল মাকদাসের দিকে মুখ করে নামায আদায় করতেন। (আনসাবুল আশরাফ-১/২৩৯, ২৬৬) আস’য়াদ হ্যরত মুস’য়াবকে মদীনায় নিজ গৃহে অতিথির মর্যাদায় আশ্রয় দেন। (তাবাকাত-৩/৪৮৩)

হ্যরত মুস’য়াবের মদীনায় যাওয়ার পর আস’য়াদ ইবন যুরারা তাঁকে সংগে করে ব্যাপকভাবে দা’ওয়াতী তৎপরতা শুরু করেন। তাঁরা মদীনার বিভিন্ন এলাকায় গিয়ে ব্যক্তিগত বা সমষ্টিগতভাবে মানুষকে ইসলামের দা’ওয়াত দিতেন। ইবন ইসহাক বলেন : একদিন আস’য়াদ ইবন যুরারা মুস’য়াব ইবন ‘উমাইরকে সাথে করে বনী ‘আবদিল আশহাল ও বনী যাফারের দিকে বের হলেন। তাঁরা বনী যাফারের একটি বাণিজ্য প্রবেশ করে ‘মা’রাক’ নামক একটি কুপের ধারে প্রাচীরের ওপর বসলেন। তাঁদের চারপাশে লোকজন জড় হল। সা’দ ইবন মু’য়াজ ও উসাইদ ইবন হৃদাইর ছিলেন বনী ‘আবদিল আশহালের নেতা। তখনও তাঁরা পৌত্রলিঙ্গ ছিলেন। সা’দ ছিলেন আস’য়াদের খালাতো তাই। আস’য়াদ ও মুস’য়াবের আগমনের কথা জানতে পেয়ে সা’দ উসাইদকে বললেন : ‘উসাইদ, তুমি এ দু’ব্যক্তির কাছে যাওতো। তাঁরা আমাদের বাড়ীর উপর এনে আমাদের দুর্বল লোকগুলিকে বোকা বানিয়ে যাচ্ছে। তুমি তাদেরকে নিষেধ করে এস। যদি আমার খালাতো তাঁই আস’য়াদ না থাকতো তাহলে তোমার প্রয়োজন হতো না। আমিই তাদের তাড়িয়ে দিতাম’ উসাইদ

বৰষ্ম হাতে নিয়ে তাঁদের দিকে এগিয়ে গেল। আস'য়াদ তাকে দেখে মুস'য়াবকে বললেন, 'এ ব্যক্তি তার গোত্রের একজন নেতা, আপনার কাছে এসেছেন।' হ্যান্ত মুস'য়াব তার সাথে কথা বললেন। আল্লাহর ইচ্ছায় সেই বৈঠকেই উসাইদ মুসলমান হয়ে গেলেন। (হায়াতুস সাহাবা-১/১৮৭/১৯০)

আস'য়াদ ও মুস'য়াবের সম্বিলিত প্রচেষ্টায় মদীনায় ইসলামের এত ব্যাপক প্রসার হল, যে, মাত্র এক বছর পর নবুওয়াতের দাদশ বছরে হজ্জের মওসুমে তিহাতের মতান্তরে পঁচাত্তর জন নারী-পুরুষের একটি দল আবার মিনার 'আকাবায় গোপনে রাসূলুল্লাহর (সা) সাথে মিলিত হয়। এই তৃতীয় তথা সর্বশেষ 'আকাবায় আস'য়াদও তাঁর দীনী শিক্ষক মুস'য়াবের সাথে উপস্থিত ছিলেন। এই 'আকাবায় কে সর্বপ্রথম রাসূলুল্লাহর (সা) হাতে হাত রেখে বাইয়াত বা শপথ করেন সে ব্যাপারে সীরাত বিশেষজ্ঞদের মতভেদে আছে। একটি মতে সেই ভাগ্যবান ব্যক্তিটি আস'য়াদ। (আল-ইসাবা-১/৩৪, আনসাবুল আশরাফ-১/২৫৮, উসুদুল গাবা-১/৭১)

আবদুল্লাহ ইবন আবী বকর থেকে বর্ণিত। বাই'য়াতের পর রাসূল (সা) বললেন, 'তোমরা তোমাদের মধ্য থেকে বারোজন 'নাকীব' নির্বাচন কর, যৌৱা হবে ইসার হাওয়ায়ীদের (সাথী) মত আপন আপন গোত্রের কাছীল বা দায়িত্বশীল।' আস'য়াদ সাথ দিয়ে বললেন : 'হাঁ, ইয়া রাসূলুল্লাহ।' রাসূল (সা) বললেন : তুমি হবে তোমার গোত্রের 'নাকীব'। তারপর তিনি অন্য 'নাকীব'-দের নাম ঘোষণা করেন। (তারীখুল ইসলাম ওয়া তাবাকাতুল মাশাহীর উয়াল আ'লাম-১/১৮২) এভাবে তিনি হলেন রাসূল (সা) মনোনীত বনী নাজ্জারের 'নাকীব'। তবে ইবন মুন্দাহ ও আবু নু'ইমের মতে তিনি ছিলেন বনী সায়িদার 'নাকীব'। ইবনুল আসীর বলেন, এটা তাঁদের ধরণ যাত্র। প্রকৃতপক্ষে তিনি ছিলেন নিজ গোত্র বনী নাজ্জারের 'নাকীব'। তাই তিনি যখন মারা যান তখন বনী নাজ্জারের লোকেরা রাসূলুল্লাহর (সা) নিকট আবেদন করে- 'ইয়া রাসূলুল্লাহ।' আস'য়াদ যারা গেছেন, তিনি ছিলেন আমাদের নাকীব। এখন আপনি অন্য একজন নতুন 'নাকীব' নির্বাচন করে দিন। জবাবে রাসূল (সা) বললেন : তোমরা আমার মাতুল গোত্র। আমি তোমাদের 'নাকীব'। এটা ছিল বনী নাজ্জারের জন্য বিরাট মর্যাদা। (উসুদুল গাবা-১/৭১-৭২) রাসূল (সা) তাঁকে শুধু নাকীবই মনোনীত করেননি, বরং 'নাকীব আল-নুকাবা বা প্রধান দায়িত্বশীল বলেও ঘোষণা দেন। (আনসাবুল আশরাফ-১/২৫৮) ইবনুল আসীর বলেন, একমাত্র জাবির ইবন আবদিল্লাহ ছাড়া আস'য়াদ ছিলেন এই আকাবায়দের মধ্যে সর্ব কনিষ্ঠ। (উসুদুল গাবা-১/৭১, আল-ইসাবা-১/৩৪)

আকাবার তৃতীয় বাই'য়াতের পর এক বিরাট দায়িত্বের বেঁধা মাধ্যম নিয়ে তিনি মদীনায় ফিরে যান। বয়স অল্প হলে কি হবে। তাঁর ইয়ামীনী জয়বা বা আবেগ ছিল অতি তীব্র। তিনি মদীনায় জামা'য়াতে নামায আদায়ের ব্যবস্থা করেন এবং চলিশজন মুসল্লি নিয়ে সর্বপ্রথম মদীনায় জুম'আর নামাযও আদায় করা শুরু করেন। আবদুর রহমান ইবন কা'ব ইবন মালিক বলেন, আমার আব্দা কা'ব শেষ জীবনে অক্ষ হয়ে গেলে আমি তাঁকে নিয়ে বেড়াতাম। আমি তাঁকে নিয়ে জুম'আর নামাযের জন্য বের হলে যখনই আয়ান শুনতে পেতেন, তিনি আবু উমামা আস'য়াদ ইবন মুরারার জন্য ইসতিগফার ও দু'আ করতেন। একদিন আমি বললাম : 'আব্দা, আপনি আয়ান শুনলে এভাবে সব সময় তাঁর জন্য দু'আ করেন কেন?' বললেন : 'বেটা! রাসূলুল্লাহ (সা) মদীনায় আসার আগে তিনিই সর্বপ্রথম আমাদেরকে বনী বায়দা'র 'হায়মুন নাবীত' নামক পাহাড়ের কাছে 'নাকী আল-খাদিমাত' নামক স্থানে একত্র করে জুম'আর নামায আদায় করতেন। আমাদের সংখ্যা হত ৪০ জন।' (উসুদুল গাবা-১/৭১,

ଆଲ-ଇସାବା-୧/୩୪, ସୀରାତୁ ଇବନ ହିଶାମ-୧/୪୩୫, ଆନସାବୁଲ ଆଶରାଫ-୧/୨୪୩, ହୟାତୁସ ସାହବା-୩/୩୮୭) ମଦୀନାଯ ସର୍ବପ୍ରଥମ କେ ଜ୍ୟ'ଆର ନାମାୟ କାଯେମ କରେନ ସେ ବ୍ୟାପାରେ ମତଭେଦ ଆଛେ ।

ହୟରତ ରାସୂଲେ କାରୀମ (ସା) ମଦୀନାଯ ପୌଛାର ପର ଯଦିଓ ଆବୁ ଆଇଟ୍‌ବ ଆଲ-ଆନସାରୀର (ରା) ବାଡ଼ିତେ ଓଠେନ, ତବେ ତୌର ବାହନ ଉଟନୀଟି ଆସ'ଯାଦେର ମେହମାନ ହୟ । (ତାବାକାତ-୧/୧୬୦) ରାସୂଲୁଗ୍ରାହର (ସା) ମଦୀନାଯ ପୌଛାର ପ୍ରଥମ କ୍ଷଣଟିତେ ଉଟନୀଟି ସର୍ବ ପ୍ରଥମ ବସେ ପଡ଼େ ଏବଂ ପରେ ଯେ ହ୍ରାନ୍‌ଟି ରାସୂଲୁଗ୍ରାହର (ସା) ମସଜିଦ ଓ ବାସହାନେର ଜଳ୍ୟ ନିର୍ବାଚିତ ହୟ, ସେଇ ଭୂମିର ମାଲିକ ଛିଲ ସାହଲ ଓ ସୁହାଇଲ ନାମକ ଦୂଇ ଇଯାତୀମ ବାଲକ । ଆର ତାଦେର ତତ୍ତ୍ଵବଧ୍ୟକ ଛିଲେନ ଆସ'ଯାଦ ଇବନ ଯୁରାରା । (ବ୍ୟୁଖାରୀ, ହୟାତୁସ ସାହବା-୧/୩୪୩) ରାସୂଲ (ସା) ବାଲକ ଦୁ'ଟିର ମୁରବୀ ଆସ'ଯାଦେର ନିକଟ ଭୂମି ମୂଲ୍ୟ ଜାନନ୍ତେ ଚାନ । ବାଲକ ଦୁ'ଟି ସାଥେ ସାଥେ ବଲେ ଓଠେ, ‘ଆମରା ଆଗ୍ରାହର କାହେଇ ଏର ମୂଲ୍ୟ ଚାଇ ।’ ଯେହେତୁ ବିନା ମୂଲ୍ୟ ରାସୂଲ (ସା) ଭୂମି ଗ୍ରହଣେ ରାଜୀ ହଲେନ ନା ତାଇ ହୟରତ ଆବୁ ବକର (ରା) ତାର ମୂଲ୍ୟ ପରିଶୋଧ କରେନ । ତବେ କୋନ କୋନ ବର୍ଣନାଯ ଜାନା ଯାଯ, ଆସ'ଯାଦ ଇବନ ଯୁରାରା ତୌର ବନୀ ବାୟଦାୟ ଅବଶିଷ୍ଟ ଏକଟି ବାଗିଚା ମସଜିଦେର ଏଇ ଭୂମିର ବିନିମ୍ୟେ ଇଯାତୀମଦୟକେ ଦାନ କରେନ । (ଯାରକାନୀ-୧/୪୨୨)

ବାଲାଜୁରୀ ବର୍ଣନା କରେଛେ, ରାସୂଲୁଗ୍ରାହ (ସା) ମଦୀନାଯ ଆଗମନେର ପର ଆବୁ ଆଇଟ୍‌ବେର ବାଡ଼ିତେ ଅବସ୍ଥାନକାଳେ ଆସ'ଯାଦ ଇବନ ଯୁରାରା ଏକ ରାତ ପର ପର ପାଲାକ୍ରମେ ତୌର ଜଳ୍ୟ ଖାବାର ପାଠାନେ । ଆସ'ଯାଦେର ବାଡ଼ି ଥିକେ ଖାବାର ଆସାର ପାଲାର ରାତେ ତିନି ଜିଜ୍ଞେସ କରନେନ : ‘ଆସ'ଯାଦେର ପିଯାତ୍ରାଟି କି ଏସେହେ ?’ ବଳା ହତ, ‘ହଁ ।’ ତିନି ବଲନେନ : ‘ତା ହଲେ ସେହିଟି ନିଯେ ଏସ ।’ ବର୍ଣନାକାରୀ ସାହବୀ ବଲେନ, ତାତେ ଆମରା ବୁଝେ ନିତାମ ତୌର ଖାବାରଟି ରାସୂଲୁଗ୍ରାହ (ସା) ପିଛ । (ଆନସାବୁଲ ଆଶରାଫ-୧/୨୬୭) ଓୟାକିନ୍ଦୀ ହୟରତ ଆୟିଶା (ରା) ଥିକେ ବର୍ଣନା କରିଛେ । ରାସୂଲ (ସା) ମଦୀନାଯ ଆବୁ ଆଇଟ୍‌ବେର ବାଡ଼ିତେ ଓଠାର ପର ଏକଦିନ ଜିଜ୍ଞେସ କରିଲେନ : ‘ଆବୁ ଆଇଟ୍‌ବ, ତୋମାର କି କୋନ ଖାଟ୍ (ପାଲକ) ଆଛେ ?’ ଉତ୍ତ୍ରେଖ୍ ଯେ, ମକ୍କାଯ କୁରାଇଶରା ଖାଟେ ଘୁମାତେ ଅଭାସ ଛିଲ । ଆବୁ ଆଇଟ୍‌ବ ବଲନେନ : ‘ନା ।’ ଏକଥା ଆସ'ଯାଦ ଇବନ ଯୁରାରାର କାନେ ଗେଲ । ତିନି ଏକଟି ଶକ୍ତ ଓ କାର୍ମକାର୍ଯ୍ୟ କରା ପାଯା ବିଶିଷ୍ଟ ଏକଟି ଖାଟ୍ ପାଠିଯେ ଦିଲେନ । ରାସୂଲ (ସା) ତୌର ଓପର ଘୁମାତେନ । ଅତଃପର ରାସୂଲ (ସା) ସଖନ ଆମାର ଘରେ ଚଲେ ଆମେନ ଏବଂ ଆମାର ମା ଆମାକେ ସେ ଖାଟ୍ଟି ଦେନ ତାତେଇ ତିନି ଘୁମାତେନ । (ଆନସାବୁଲ ଆଶରାଫ-୧/୫୨୫)

ହୟରତ ତାଲହା ଇବନ ‘ଉବାୟଦିଗ୍ଲାହ ମକ୍କା ଥିକେ ମଦୀନାଯ ହିଜରାତେର ପର ଆସ'ଯାଦେର ବାଡ଼ିତେ ଓଠେନ । ହୟରତ ହାମ୍ବାଓ ତୌର ବାଡ଼ିତେ ଓଠେନ ବଲେ ବର୍ଣିତ ଆଛେ । (ସୀରାତୁ ଇବନ ହିଶାମ-୧/୪୭୭-୪୭୮)

ମସଜିଦେ ନବବୀର ନିର୍ମାଣ କାଜ ତଥନ ଚଲଛେ । ଏମନ ସମୟ ପ୍ରଥମ ହିଜରୀର ଶାପ୍‌ଯାଳ ମାନେ ତୌର ପରକାଳେ ଡାକ ଏସେ ଯାଯ । ତିନି ‘ଜ୍ଞାବହ୍ନ’ ନାମକ କଠନାଲୀର ଏକ ପ୍ରକାର ରୋଗେ ଆକ୍ରମଣ ହନ । ହୟରତ ରାସୂଲେ କାରୀମ (ସା) ନିଜ ହାତେ ତୌର ଆକ୍ରମଣ ହ୍ରାନ୍ ମେଲେ, ତୌର ମାଥାଯ ହାତ ଦେନ; କିନ୍ତୁ କୋନ ଉପକାର ଦେଖା ପେଲ ନା । ତିନି ମାରା ଯାନ । ଓୟାକିନ୍ଦୀର ମତେ ହିଜରତେର ପର ୧୫ ମାସେ ତିନି ମାରା ଯାନ । ତୌର ମୃତ୍ୟୁତେ ରାସୂଲୁଗ୍ରାହ (ସା) ବ୍ୟାଥିତ ହନ । ତିନି ବଲେନ, “ଏଥନ ତୋ ଇଯାହଦୀରା ବଲେ ବେଡ଼ାବେ ‘ଯଦି ତିନି ନବୀ ହତେନ ତାହଲେ ତୌର ସାଥୀ ମରତୋ ନା, ଅର୍ଥାତ ଆମି କି ମୃତ୍ୟୁ ଟିକିଖ୍ସା କରାନ୍ତେ ପାରି ?’” ହୟରତ ରାସୂଲେ କାରୀମ (ସା) ତୌର ଜାନାଯାର ନାମାୟ ପଡ଼ନ ଏବଂ ମଦୀନାଯ ବାକୀ କରିବାନେ ତାକେ ଦାଫନ କରେନ । (ସୀରାତୁ ଇବନ ହିଶାମ-୧/୫୦୭, ଉସ୍‌ଦୁଲ ଗାବା-୧/୧, ଆଲ-ଇସାବା-୧/୩୪, ଆନସାବୁଲ ଆଶରାଫ-୧/୨୪୩)

“বলা হয়ে থাকে রাসূলুল্লাহর (সা) মদীনায় হিজরাতের পর এটাই প্রথম মৃত্যু। আর এটাও ধারণা করা হয় যে, এবারই সর্বপ্রথম রাসূল (সা) জানায়ার নামায আদায় করেন। আনসারদের ধারণা মতে ‘বাকী’তে দাফনকৃত প্রথম মুসলমান আস’য়াদ আর মুহাজিরদের মতে ‘উসমান ইবন মাজ’উন। (আল-ইসাবা-১/৩৮)

মৃত্যুকালে হযরত আস’য়াদ দু’টি কল্যা সন্তান রাসূলুল্লাহর (সা) জিম্মায় ছেড়ে যান। রাসূল (সা) আজীবন তাদের দেখাশুনা করেন। মোতির দানা মিশ্রিত সোনার বালা তিনি তাদের হাতে পরান। এক মেয়েকে তিনি সাহল ইবন হনাইফের সাথে বিয়ে দেন এবং মেখানে তাঁর গর্ভে জন্মগ্রহণ করে আবু উমামা বিন সাহল। (আনসাবুল আশরাফ-১/২৪৩, আল-ইসাবা-১/৩৮)

# আবুল হায়সাম ইবন আত-তায়িহান (রা)

আবুল হায়সাম উপনামেই তিনি ইতিহাসে প্রসিদ্ধ। আসল নাম এবং কোনু গোত্রের সন্তান সে সম্পর্কে মতভেদ আছে। একটি মতে ‘আবদুল্লাহ’ তাঁর আসল নাম। তবে অন্য একটি মতে ‘মালিক’ তাঁর নাম। আর এ মতের উপরই মুসা ইবন ‘উকবা, ইবন সা’দ, মুহাম্মদ ইবন ইসহাক, আবু মা’শার ও মুহাম্মদ ইবন ‘উমার প্রক্রিয়ত পোষণ করেছেন। তেমনিভাবে তাঁর গোত্র ও পিতার নামের ব্যাপারেও মতভেদ আছে। এক মতে পিতা বালী ইবন আমর ইবন আল-হাফ ইবন কুদা’য়া। এই হিসাবে তাঁকে আল-বালাবী বলা হয়। এটাই ইবন সা’দের মত। এ মতের বিরোধিতা করেছেন ইবন ইসহাক ও আবদুল্লাহ ইবন মুহাম্মদ ইবন আমারা আল-আনসারী। ইবন ইসহাক বলেছেন, আবুল হায়সাম, যিনি বদরে অংশগ্রহণ করেছেন তাঁর নাম মালিক এবং তাঁর ভাইয়ের নাম আতীক। তাঁরা উভয়ে তায়িহানের ছেলে। আর আবদুল্লাহ ইবন মুহাম্মদ আল-আনসারী বলেন, আবুল হায়সাম আটস গোত্রের সন্তান। তাঁর মা লায়লা বিনতু আতীক। এটাই অধিকাংশের মত। (তাবাকাত-৩৪৪৭, আল-ইসাবা ৪/২১২, সীরাতু ইবন হিশাম-১/৪৩৩) তাঁর জন্মের সঠিক সময় জানা যায় না।

আবুল হায়সাম তাঁর বক্তৃ আস’য়াদ ইবন যুরারার হাতে ইসলাম গ্রহণ করেন। একটি বর্ণনা মতে আস’য়াদ ইবন যুরারা ও জাকওয়ান ইবন ‘আবদি কায়েস মকায় ‘উত্বা ইবন রাবী’য়ার নিকট যান। সেখানে তাঁরা রাসূলুল্লাহর (সা) দা’ওয়াতের কথা শুনতে পেয়ে গোপনে তাঁর সাথে দেখা করে ইসলাম গ্রহণ করেন। আস’য়াদ মদীনায় প্রত্যাবর্তন করে আবুল হায়সামের সাথে দেখা করেন এবং নিজে ইসলাম গ্রহণের কাহিনী, রাসূলুল্লাহ (সা) ও তাঁর দা’ওয়াতের কথা তাঁর নিকট বর্ণনা করেন। ইবন সা’দ বলেন, ইয়াসরিবে পূর্ব থেকে- সেই জাহিলী যুগে আস’য়াদ ও আবুল হায়সাম ছিলেন তাওহীদ বা একত্ববাদের প্রবক্তা। আবুল হায়সাম বক্তৃ যুরারার মুখে রাসূলুল্লাহ (সা) ও তাঁর দা’ওয়াতের কথা শুনে কোন রকম দ্বিধা-সংকোচ না করে সাথে সাথে বলে ওঠেন : ‘আনা আশহাদু মা’য়াকা আরাহ রাসূলুল্লাহ- আমিও তোমার সাথে সাক্ষী দিচ্ছি নিশ্চয় তিনি আজ্ঞাহার রাসূল।’ এভাবে তিনি তাঁর বক্তৃ যুরারার হাতে মুসলমান হন।

পরের হজ্জ মওসুমে যেবার আটজন মতান্তরে ছয়জন ইয়াসরিববাসী মকায় রাসূলুল্লাহর (সা) সাথে গোপনে দেখা করে বাই’য়াত বা শপথ করেন তাঁদের মধ্যে আবুল হায়সামও ছিলেন। ইতিহাসে এ বাই’য়াতকে আকাবায় প্রথম বাই’য়াতও বলা হয়। তবে একটি বর্ণনা মতে, উক্ত বাই’য়াত বা শপথে আবুল হায়সাম ছিলেন না। (তাবাকাত-১/২১৮-২১৯) উক্ত মতে, আস’য়াদ প্রথম আকাবায় ইসলাম গ্রহণ করেন এবং মদীনায় ফিরে এসে আবুল হায়সামকে ইসলামের দাও’য়াত দেন। এ দাওয়াতেই আবুল হায়সাম ইসলাম গ্রহণ করেন। এর এক বছর পর বারো জনের সাথে এবং তারও পরের বছর তিহাতের মতান্তরে পঁচাত্তর জনের সাথে তিনি ‘আকাবায় রাসূলুল্লাহর (সা) সাথে আবার মিলিত হন। এভাবে তিনি

‘আকাবার সব ক’টি বাই’য়াতে শরিক হওয়ার গৌরব অর্জন করেন। (তাবাকাত-১/২২,  
সীরাতু ইবন হিশাম-১/৪৩৩)

একটি বর্ণনা মতে, শেষ ‘আকাবায় আবুল হায়সাম রাসূলুল্লাহর (সা) হাতে বাই’য়াতের  
জন্য সর্ব প্রথম নিজের হাতটি বাড়িয়ে দেন। মুসা ইবন ‘উকবা ইমাম মুহুরী থেকে একথা  
বর্ণনা করেছেন। এ ব্যাপারে অবশ্য যথেষ্ট মতভেদ আছে। (সীরাতু ইবন হিশাম-১/৪৪৭,  
আনসাবুল আশরাফ-১/২৫৪)

তৃতীয় আকাবার শপথের সময় মদীনাবাসীরা যখন রাসূলুল্লাহকে (সা) মদীনায় যাওয়ার  
আমন্ত্রণ জানালো তখন মক্কা ও মদীনাবাসীদের পক্ষ থেকে যে কয়েকজন লোক ভাষণ দেন,  
আবুল হায়সাম তদের অন্যতম। তাবারানী ‘উরওয়া থেকে বর্ণনা করেছেন। আবুল হায়সাম  
ইবন তায়িহান রাসূলুল্লাহর (সা) হাতে বাই’য়াত করার সময় বললেন : ইয়া রাসূলুল্লাহ।  
আমাদের সাথে অন্য লোকদের চুক্তি আছে। এমনও কি হতে পারে, আমরা সেই চুক্তি বাতিল  
করলাম, তাদের সাথে যুক্ত লিখ হলাম, আর এ দিকে আপনি স্বগোত্রে ফিরে এলেন? তাঁর  
কথা শুনে রাসূল (সা) একটু হাসি দিয়ে বললেন : তোমাদের রক্তের দাবীর অর্থ হবে  
আমারই রক্তের দাবী, তোমাদের রক্তপাত মানে আমারই রক্তপাত। অর্থাৎ আমার ও  
তোমাদের মধ্যে কোন পার্থক্য থাকবে না। রাসূলুল্লাহর (সা) এ কথায় সন্তুষ্ট হয়ে আবুল  
হায়সাম সাধীদের লক্ষ্য করে বলেন : ‘আমার স্বগোত্রীয় লোকেরা। এ ব্যক্তি আল্লাহর রাসূল।  
আমি সাক্ষ্য দিছি, নিচয় তিনি সত্যবাদী। আজ তিনি মক্কার হারামে আল্লায়দের মধ্যে  
নিরাপদেই আছেন। জেনে রাখ, যদি তোমরা এখন থেকে বের করে তাঁকে তোমাদের কাছে  
নিয়ে যাও তাহলে সম্ভা আরববাসী একই ধনুক থেকে তোমাদের প্রতি তীর নিক্ষেপ করবে।  
অর্থাৎ সকলের সাধারণ লক্ষ্যবস্তুতে পরিগত হবে। যদি তোমরা আল্লাহর রাস্তায় জিহাদ  
করতে এবং জান-মাল ও সন্তান-সন্ততি বিলিয়ে দিতে রাজী থাক তাহলেই তাঁকে  
তোমাদের ভূমিতে আমন্ত্রণ জালাও। কারণ, তিনি সত্যি সত্যিই আল্লাহর রাসূল। তোমরা যদি  
পরে অনুশোচনার ভয় কর তাহলে তেবে দেখ।’ আবুল হায়সামের এ বক্তব্যের পর তাঁর  
সাধীরা বললো : ‘আল্লাহ ও তাঁর রাসূল যা কিছু আমাদের দিয়েছেন, আমরা তা কবূল  
করেছি। হে আল্লাহর রাসূল। আপনি আমাদের নিকট যা কিছু দাবী করেছেন আমরা তা  
আপনাকে দান করলাম। আবুল হায়সাম, আপনি একটু সরে দৌড়ান, আমরা রাসূলুল্লাহর (সা)  
হাতে বাই’য়াত করিঃ আবুল হায়সাম বললেন : আমিই প্রথম বাই’য়াত করিঃ। তাঁর  
বাই’য়াতের পর অন্যরা একের পর এক বাই’য়াত করে। (হায়াতুস সাহাবা-১/২৪৭, ২৪৮,  
সীরাতু ইবন হিশাম-১/৪৪২) এ বাই’য়াতের পর হযরত রাসূলে কারীম (সা) বারোজন  
নাকীব বা দায়িত্বশীলের নাম ঘোষণা করেন। আউস গোত্র থেকে আবুল হায়সাম, উসাইদ  
ইবন হুদাইর ও সা’দ ইবন খায়সামা- এই তিনজন নাকীব মনোনীত হন। (আনসাবুল  
আশরাফ-১/২৫২)

হযরত রাসূলে কারীম (সা) মদীনায় হিজরাত করে প্রথ্যাত মুহাজির হযরত উসমান ইবন  
মাজ’উনের সাথে আবুল হায়সামের মুওয়াখাত বা ভ্রাতৃ-সম্পর্ক কায়েম করে দেন।  
(আনসাবুল আশরাফ-১/২৭১, আল-ইসাবা-৪/২১২)

বদর, উহদ, খন্দকসহ রাসূলুল্লাহর (সা) জীবন্দশায় সংঘটিত সকল যুক্ত তিনি যোগ  
দেন। উহদে তাই আল্লাক ইবন তায়িহান ইকরিয়া উবন আবী জাহলের হাতে শাহাদাত  
বরণ করেন। (আনসাব-১/৩২৯) ইবন সা’দ বলেন, হযরত আবদুল্লাহ ইবন রাওয়াহ মৃত্যু

শহীদ হওয়ার পর হ্যরত রাসূলে কারীম (সা) আবুল হায়সামকে খেজুরের পরিমাপকারী হিসাবে খাইবারে পাঠান। রাসূলুল্লাহর (সা) ইন্তিকালের পর হ্যরত আবু বকরও তাঁকে এ পদে বহাল রাখার ইচ্ছা ব্যক্ত করেন; কিন্তু তিনি তা গ্রহণ করতে অব্বীকার করেন। (তাবাকাত- ৩/৪৪৮)

খনীফা হ্যরত 'উমারের খিলাফতকালে হিজরী ২০ সনে তিনি ইন্তিকাল করেন। একটি বর্ণনা মতে হিজরী ৩৭ সনে সিফ্হীন যুদ্ধের পূর্বে তাঁর মৃত্যুর কথা জানা যায়। ইমাম আসমা'ঈ একটি বর্ণনা নকল করেছেন। তিনি বলেছেন, আমি আবুল হায়সামের গোত্রের লোকদের নিকট তাঁর মৃত্যু সম্পর্কে জিজ্ঞেস করেছি। তারা বলেছে, তিনি রাসূলুল্লাহর (সা) জীবদ্ধশায় মৃত্যুবরণ করেছেন। হিজরী ২১ সনেও তাঁর মৃত্যুর কথা যেমন অনেকে বলেছেন তেমনি কেউ কেউ একথাও বলেছেন যে, তিনি সিফ্হীনে হ্যরত আলীর (রা) পক্ষে যুদ্ধ করেছেন। অনেকে আরও একধাপ এগিয়ে গিয়ে বলেছেন, তিনি সিফ্হীনে 'আলীর (রা) পক্ষে যুদ্ধ করে শাহাদাত বরণ করেছেন। (আনসার- ১/২৪০, সৌরাতু ইবন হিশাম- ১/৪৩৩) প্রতিহসিক উয়াকিদী স্পষ্ট করে বলেছেন, সিফ্হীনে তাঁর যোগদানের বর্ণনা সম্পূর্ণ ভিত্তিহীন। এর বিপরীতে হিজরী ২০ সনে তাঁর মৃত্যুর কথা ইয়াম যুহুরী, সালেহ ইবন কায়সান এবং হাকেমের মত উচ্চ স্তরের মুহান্দিসীন থেকে বর্ণনা করেছেন। সূতরাং এর বিপরীতে একটি সন্দেহযুক্ত বর্ণনা গ্রহণযোগ্য হতে পারে না। (সীয়ারে আনসার- ২)

হাদীসের প্রস্তুত আবুল হায়সাম থেকে বর্ণিত বিছু হাদীস দেখা যায় তবে সেগুলির বিশুদ্ধতা সন্দেহের উর্ধ্বে নয়। ইবন হাজার 'আসকালানী বলেছেন : আবুল হায়সাম থেকে বর্ণিত যত হাদীস দেখা যায় তার সবই সন্দেহযুক্ত। এমন কোন একটি বর্ণনা শুভ্রল পাওয়া যায় না যার দ্বারা সেগুলির কোন একটির যথার্থতা প্রমাণিত হয়। এর কারণ হল, বহু আগেই তিনি মৃত্যুবরণ করেছেন। (আল-ইন্দাবা- ৪/২১৩)

আল-হায়সাম ইবন নাসর আল-আসলামী (রা) বলেন, আমি রাসূলুল্লাহর (সা) খিদমাত করেছি। আবুল হায়সাম ইবন তায়িহানের 'জাসিম' নামক একটি কূয়ো ছিল। এই কূয়োর পানি ছিল সুমিষ্ট। আমি রাসূলুল্লাহর (সা) জন্য এই কূয়ো থেকে পানি আনতাম। একবার গরমের দিনে হ্যরত রাসূলে কারীম (সা) আবু বকরকে (রা) সংগে করে আবুল হায়সামের বাড়ীতে আসেন এবং জিজ্ঞেস করেন : ঠাভা পানি আছে কি? আবুল হায়সাম এক বালতি বরফের মত ঠাভা পানি নিয়ে আসেন। ছাগলের দূধের সাথে সেই ঠাভা পানি মিশিয়ে রান্দুল্লাহকে (সা) পান করান। তারপর আরজ করেন : ইয়া রাসূলুল্লাহ। আমাদের একটি ঠাভা ছাউনী ('আরীশ) আছে। এই দুপুরে আপনি সেখানে একটু বিশ্রাম নিন। আবুল হায়সাম ছাউনীর ওপর পানি ছিটিয়ে দেন। রাসূল (সা) আবু বকরকে সংগে করে সেখানে প্রবেশ করেন। আবুল হায়সাম বিভিন্ন ধরনের খেজুর এবং ডিশ ভর্তি 'সারীদ' (এক প্রকার উপাদেয় পানীয়) তাঁদের সামনে হাজির করেন। বর্ণনাকারী হায়সাম ইবন নাসর বলেন, রাসূল (সা), আবু বকর এবং আমরা সবাই তা আহার ও পান করলাম। তারপর নামায়ের সময় হলে তিনি আবুল হায়সামের বাড়ীতে আমাদের নিয়ে জামা'য়াতে নামায আদায় করেন। জামা'য়াতে আবুল হায়সামের স্তু ছিলেন আমার পেছনে। নামায শেষে তিনি আবার ছাউনীতে ফিরে যান এবং সেখানে জুহরের ফরজের পরের দু'রাক'য়াত নামায আদায় করেন। (আনসাবুল আশরাফ- ১/৫৩৫)

একদিন হ্যরত রাসূলে কারীম (সা) অভ্যাসের বিপরীত, যখন তিনি ঘর থেকে বের হন

না এমন এক সময়ে বের হলেন। কিছুক্ষণ পর আবু বকরও আসলেন। জিজ্ঞেস করলেন, আবু বকর, এমন অসময়ে বের হলে যে? বললেন, আপনার সাক্ষাতের উদ্দেশ্যে। এর মধ্যে 'উমারও উপস্থিত হলেন। রাসূল (সা) তাঁকেও ঠিক একই প্রশ্ন করলেন। 'উমার জবাব দিলেন, ইয়া রাসূলগ্নাহ, কৃধাই আমাকে এখানে তাড়িয়ে নিয়ে এসেছে। রাসূল (সা) বললেন : আমিও কৃধার্ত। তিনজন একসাথে আবুল হায়সামের বাড়ীতে গেলেন। তাঁর ছিল খেজুরের বাগান এবং বকরীর পাল। কিন্তু কোন চাকর-বাকর ছিল না। সব কাজ নিজে করতেন। আর তখন তিনি বাড়ীতেও ছিলেন না। আওয়ায় দিলে তাঁর স্ত্রী বললেন, পানি আনতে গেছেন। কিছুক্ষণ পর দেখা গেল তিনি মশক ভর্তি পানি নিয়ে ফিরছেন। রাসূলগ্নাহকে (সা) দেখে মশক মাটিতে রেখে দেন এবং তাঁকে জড়িয়ে ধরে অত্যন্ত আবেগের সাথে বলতে থাকেন, আমার মা-বাবা আপনার প্রতি কুবরান হোক! তারপর সবাইকে বাগানে নিয়ে যান। সেখানে বসার জন্য কোন জিনিস বিছিয়ে দেন। সবাইকে বসিয়ে রেখে খেজুরের একটি কাঁধি কেটে নিয়ে আসেন। রাসূল (সা) বললেন : যদি পাকা খেজুর নিয়ে আসতে। বললেন : এতে কাঁচা-পাকা সব রকমের আছে, আপনার খুশীমত গ্রহণ করুন। রাসূল (সা) সেই খেজুর থেকে কিছু খেলেন। তারপর পানি পান করলেন। সেই পানি ছিল খুবই স্বচ্ছ ও সুস্বাদু। রাসূল (সা) পানাহারের পর বললেন, দেখ, আগ্নাহৰ কত নিয়ামত। ছায়া, উৎকৃষ্ট খেজুর, ঠাণ্ডা পানি-আগ্নাহৰ কসম, কিয়ামতের দিন এর সবকিছু সম্পর্কে প্রশ্ন করা হবে। আবুল হায়সাম সম্মানিত মেহমানদের বাগানে বসিয়ে রেখে বাড়ীতে আসেন এবং খাবারের আয়োজন করেন। তিনি ছেট একটি ছাগল জবেহ করেন এবং তা ডুনা করে মেহমানদের সামনে পেশ করেন। আহার পর্ব শেষ করে রাসূল (সা) তাঁকে জিজ্ঞেস করেন, তোমাদের কি কোন চাকর নেই। বললেন : না। রাসূল (সা) বললেন : আমার হাতে কোন যুদ্ধবন্দী এলে তুমি আমার কাছে এস। সেই সময় রাসূলগ্নাহ (সা) হাতে দু'জন যুদ্ধবন্দী আসে। তিনি আবুল হায়সামকে তাদের যে কোন একজনকে গ্রহণ করতে বলেন। তিনি রাসূলগ্নাহ (সা) উপর নির্বাচনের তার ছেড়ে দেন। রাসূল (সা) তাদের একজনকে তাঁর হাতে তুলে দিয়ে বলেন : এর সাথে তালো ব্যবহার করবে। তিনি দাসটিসহ বাড়ীতে এসে রাসূলগ্নাহ (সা) উপদেশের কথা স্ত্রীর নিকটবলেন।

স্ত্রী ছিলেন অত্যন্ত বৃদ্ধিমতী। তিনি বললেন, যদি রাসূলগ্নাহ (সা) আদেশ-পালন করতে চাও, তাহলে তাকে আযাদ করে দাও। তিনি স্ত্রীর পরামর্শ মত দাসটি আযাদ করে দেন। তাদের এ কাজের কথা রাসূল(সা) জানতে পেরে খুব খুশী হলেন এবং তাদের দু'জনেরই প্রশংসা করেন। (ভিরমিজী-৩৯১) তাছাড়া কানসুল 'উমাল গ্রন্থেও ঘটনাটি বর্ণিত হয়েছে। ইমাম মুসলিম ও ইমাম মালিক ঘটনাটি সংক্ষেপে বর্ণনা করেছেন। হাফেজ আল-মুনজিরী বলেন, এই ঘটনাটি আবুল হায়সাম ও আবু আইটেব আল-আনসারী উভয়ের সম্পর্কে বর্ণিত হয়েছে। (হায়াতুস সাহা�া-১/৩১০)

আবুল হায়সামকে জিজ্ঞেস করা হয়েছিল, আপনারা 'আকাবায় কিসের উপর বাই'য়াত করেছিলেন? তিনি বলেছিলেন, বলী ইসরাইলীয় মুসার (আ) হাতে যে বিষয়ের বাই'য়াত করেছিল আমরাও রাসূলগ্নাহ (সা) হাতে ঠিক সেই বাই'য়াত করেছিলাম। (আনসাবুল আশরাফ ১/২৪০)

## উসাইদ ইবন হুদাইর (রা)

প্রখ্যাত আনসারী সাহাবী উসাইদ মদীনার ঐতিহ্যবাহী আউস গোত্রের বনী 'আবদুল আশহাল শাখার সন্তান। (আনসাবুল আশরাফ-১/২৪০) সীরাতের বিভিন্ন প্রচ্ছে তাঁর একাধিক কুনিয়াত বা ডাকনাম দেখতে পাওয়া যায়। যেমনঃ পুত্র ইয়াহইয়ার নাম অনুসারে আবু ইয়াহইয়া, আবু ইসা- এ নামে রাসূলুল্লাহ (সা) তাঁকে ডেকেছেন বলে বর্ণিত আছে। (উসুদুল গাবা-১/৯২) তাছাড়া আবু 'আতীক, আবু হুদাইর, আবু 'আমর ইত্যাদি নামের কথাও জানা যায়। (দ্রঃ সীরারে আনসার-১/২২৮), উসুদুল গাবা-১/৯২, আনসাবুল আশরাফ-১/২৪০, আল-আলাম-১/৩৩০)

তাঁর পিতার নাম হুদাইর ইবন সিমাক এবং মাতার নাম উম্ম উসাইদ বিনতু উসকুন। হুদাইর ছিলেন আউস গোত্রের একজন রয়েস বা নেতা। ইসলামপূর্ব যুগে মদীনার চির বৈরী আউস ও খায়রাজ গোত্রদ্বয়ের মধ্যে যতগুলি যুদ্ধ হয়েছে তার সবগুলির নেতৃত্ব দেন হুদাইর। তিনি ছিলেন আউস গোত্রের প্রধান ঘোড় সাওয়ার। তাঁর নিজের একটি মজবূত দুর্গও ছিল। (উসুদুল গাবা-১/৯২) আউস ও খায়রাজ গোত্রদ্বয়ের মধ্যে সংঘটিত সর্বশেষ ও সর্ববৃহৎ রক্তক্ষয়ী যুদ্ধটি ছিল 'বু'য়াসের' যুদ্ধ। এ যুদ্ধেরও সিপাহসালার ছিলেন হুদাইর, আর প্রতিপক্ষ খায়রাজ গোত্রের সেনাপতি ছিলেন 'আমর ইবন নু'য়াম রুজ্জাইলা। উভয়ে অত্যন্ত দক্ষতার সাথে সৈন্য পরিচালনা করেন। এক পর্যামে আউস গোত্র পরাজয়ের কাছাকাছি পৌছে যায়। এ অবস্থায় হুদাইর নিজেই যুদ্ধে অবর্তীণ হন। খায়রাজ সেনাপতি 'আমর নিহত হন এবং আউস গোত্র বিজয়ী হয়। রাসূলুল্লাহ (সা) মদীনায় হিজরাতের পাঁচ বছর পূর্বে এ যুদ্ধ সংঘটিত হয়। (সীরারে আনসার-১/২২৮)

উপরোক্ত 'বু'য়াস' যুদ্ধ শেষ হওয়ার তিনি বছর পর মকায় 'আকাবার বাই'য়াত অনুষ্ঠিত হয় এবং মদীনাবাসী নওমুসলিমদের অনুরোধে হয়রত রাসূলে কারীম (সা) মুসল্লাব ইবন 'উমাইরকে তাবলীগে ইসলামের উদ্দেশ্যে মদীনায় পাঠান। উসাইদ তখনও ইসলাম গ্রহণ করেননি। তিনি ইসলাম গ্রহণ করেন মদীনায় হয়রত মুস'য়াব ইবন 'উমাইরের হাতে এবং হয়রত মু'য়াজ ইবন জাবালের পূর্বে। কারো কারো মতে তিনি শেষ আকাবার পরে অর্থাৎ যে বার ৭৩/৭৫ জন মদীনাবাসী মকার আকাবা নামক স্থানে রাসূলুল্লাহর (সা) হাতে বাইয়াত করেন, তারও পরে ইসলাম গ্রহণ করেন। তবে একধা সঠিক নয়। কারণ, তিনি যে এই শেষ আকাবায় শর্যাক হন এবং রাসূলুল্লাহ (সা) কর্তৃক বনী আবদুল আশহালের 'নাকী'বা দায়িত্বশীল নিযুক্ত হন তা সীরাত গ্রন্থসমূহে বিশ্বস্ত সূত্রে বর্ণিত হয়েছে। (উসুদুল গাবা-১/৯২, তারীখুল ইসলাম ওয়া তাবাকাতুল মাশাইর ওয়াল আ'লাম-১/১৮১, আল-আ'লাম-১/৩১০ আল-ইসাবা-১/৪৯)

হয়রত উসাইদের ইসলাম গ্রহণ সম্পর্কে সীরাত গ্রন্থসমূহে চমকপ্রদ কাহিনী বর্ণিত হয়েছে। হয়রত মুস'য়াব ইবন 'উমাইর মদীনায় হয়রত আস'য়াদ ইবন যুরায়ার গৃহে অতিথি হন এবং বনী জাফার গোত্রে বসে মানুষকে কুরআনের তা'লীম দিতে থাকেন। বনী জাফারের

বসতি ছিল 'আবদুল আশহাল গোত্রের কাছাকাছি। একদিন মুস'য়াব (রা) একটি বাগানে বসে মুসলমানদের কুরআনের তা'লীম দিচ্ছেন, একথা সা'দ ইবনে মু'য়াজ এবং উসাইদ ইবন হৃদাইর জেনে ফেলেন। সা'দ উসাইদকে বললেন, তুমি সেখানে যাও এবং তাকে বল, সে যেন ভবিষ্যতে আর কখনও আমাদের এ মহস্তার চৌহদিতে না আসে। যদি আস'য়াদ ইবন মুরারা এর মধ্যে না থাকত, আমি নিজেই যেতাম। উত্তেখ্য যে, আস'য়াদ ছিলেন সা'দের খালাতো বা মামাতো তাই। সা'দের কথামত উসাইদ নিজ হাতে ইসলামের মূলোৎপাটনের অন্য বাগিচার দিকে চললেন। আস'য়াদ তাঁকে আসতে দেখে মুস'য়াবকে বললেন, 'দেখুন একটি লোক আপনার কাছে আসছে। সে তার গোত্রের সরদার, আপনি তাঁকে মুসলমান বানিয়েদিন।'

উসাইদ অত্যন্ত গরম মেজাজে বললেন, 'এভাবে তোমরা আমাদের দুর্বল লোকগুলিকে বোকা বানিয়ে যাচ্ছ কেন? যদি তাণো চাও, এই মৃহৃত্তে এখান থেকে চলে যাও।' রাসূলুল্লাহ (সা) দরবারে প্রশিক্ষণপ্রাপ্ত দাঁ'ঈ (আহবানকারী) মুস'য়াব হাসিমুখে অত্যন্ত ধীর হিরভাবে বললেন, 'আপনি বসুন, আমার কথা একটু শুনুন। পছন্দ হলে কবুল করবেন, আর না হলে আমি বন্ধ করে চলে যাব।' উসাইদ বললেন, এ তো বড় বৃক্ষিমত্তা ও ইনসাফের কথা।'

হযরত মুস'য়াবের এমন বিনীত আচরণে উসাইদের রাগ পড়ে গেল। তিনি বসে পড়লেন। মুস'য়াব তাঁর সামনে ইসলামের মর্মকথা তুলে ধরে কুরআনের কিছু আয়াত তিলাওয়াত করে শোনান। মুস'য়াব কুরআনের আয়াত তিলাওয়াত করে যাচ্ছেন, আর এ দিকে উসাইদের চেহারাও একটু একটু পরিবর্তন হয়ে যাচ্ছে। এক পর্যায়ে তিনি দারুণভাবে প্রভাবিত হয়ে পড়েন। অবলীলাক্রমে তাঁর মুখ থেকে বেরিয়ে গেল, 'এই দ্বিনে দাখিল হওয়া যায় কিভাবে? মুস'য়াব বললেন, প্রথমে গোসল ও পাক-সাফ কাপড় পরে কালিমা উচ্চারণ করতে হবে। তারপর সালাত আদায় করতে হবে।' মুস'য়াবের কথা শেষ না হতে উসাইদ স্থান ত্যাগ করে চলে গেলেন। অল্পক্ষণ পর আবার যখন ফিরে আসলেন তখন তাঁর মাথার চুল ডিজা এবং পরনে পরিক্ষার-পরিচ্ছন্ন কাগড়। তারপর মুস'য়াবের হাতে হাত রেখে উচ্চারণ করলেন, 'আশহাদু আন লা-ইলাহ ইল্লাহ ওয়া আশহাদু আনা মুহাম্মাদান আবদুহ ওয়া রাসূলুহ- আমি সাক্ষ দিছি আল্লাহ ছাড় অন্য কোন ইলাহ নেই এবং মুহাম্মাদ তাঁর বাদ্দা ও রাসূল। তারপর তিনি মজলিস থেকে উঠে যেতে যেতে বললেন, 'আমি যাচ্ছি এবং অন্য নেতাদের পাঠিয়ে দিচ্ছি, তাদেরকেও মুসলমান বানিয়ে ছাড়বেন।' (হায়াতুস সাহাবা-১/১৮৮-১৮৯, সীয়ারেআনসার-১/২২৯)

উসাইদ উঠে সোজা সা'দ ইবন মুয়াজের দিকে চলে গেলেন। তাঁকে যেতে দেখে সা'দের কাছে বসা পোকেরা বলাবলি করতে লাগলো, সে আসছে, কিন্তু যে চেহারা নিয়ে গিয়েছিলো তাতে পরিবর্তন দেখা যাচ্ছে। যাওয়ার সময় ছিল দারুণ উদ্বেগিত আর এখন দেখা যাচ্ছে শক্ত-শিষ্ট ও হাসিখুশি।

এ ক্ষেত্রে উসাইদ তাঁর বৃক্ষিমত্তা কাজে লাগানোর সিদ্ধান্ত নিলেন। তাঁর একান্ত ইচ্ছা, মুস'য়াবের মুখ থেকে তিনি যা শুনেছেন, সা'দও তা শুনুক। কিন্তু তিনি যদি সরাসরি ঘোষণা দেন, আমি ইসলাম গ্রহণ করেছি, তুমি আমার অনুসরণ কর, তাহলে সে হয়তো উসাইদের

ওপৱ ঝাপিয়ে পড়তো। তিনি তা না করে সা'দকেও মুস'য়াবের সামনে হাজিৰ কৱতে চাইলেন।

মুস'য়াব ছিলেন আস'য়াদ ইবন যুরারাব অতিথি। তাই সা'দকে ক্ষেপিয়ে তোলার উদ্দেশ্যে উসাইদ বললেন, 'আমি শুনেছি, বনী হারেসার লোকেরা আস'য়াদ ইবন যুরারাবকে হত্যাৱ উদ্দেশ্যে বেরিয়ে পড়েছে। তাৱা তো একথা ভালো কৱেই জানে সে তোমার মায়াতো তাই।'

সা'দ রাগে ফুঁসে উঠলেন। সাথে সাথে তিনি তৌৱ হাতে নিয়ে মুস'য়াব ও আস'য়াদেৱ কাছে পৌছলেন। সেখানে কোন শোৱগোল বা বগড়া-বিবাদেৱ টিছু দেখতে পেলেন না; বৱৎ তাৱ বিগৱীত এক শান্ত পৱিবেশে মুস'য়াব মানুষকে কুৱান তিলাওয়াত কৱে শুনাচ্ছেন আৱ লোকেৱা মনোযোগ সহকাৱে তা শুনছে। সা'দ তাৱ বন্ধু উসাইদেৱ ধোকা বুঝতে পাৱলেন। তিনিও মুস্যাবেৱ কথা মন দিয়ে শুনলেন এবং সেখানেই ইসলাম গ্ৰহণেৱ ঘোষণা দেন। (সীৱাতু ইবন হিশাম-১/৪৩৬-৪৩৭, রিজালুন হাউলার রাসূল-৪৬০-৪৬১)

হয়ৱত উসাইদেৱ ইসলাম গ্ৰহণেৱ কিছু দিন পৱ হয়ৱত রাসূলে কাৱীম (সা) মদীনায় হিজৰাত কৱেন। তিনি প্ৰথ্যাত মুহাজিৰ সাহাবী হয়ৱত যায়িদ ইবন হারিসার (রা) সাথে উসাইদেৱ 'মুওয়াখাত' বা দীনি ভাতৃ-সম্পর্ক প্ৰতিষ্ঠা কৱে দেন। (উসুদুল গাবা-১/৯২·আল ইসাবা-১/৪১)

উহদ থেকে নিয়ে রাসূলুল্লাহ (সা) জীবদ্ধায় সংঘটিত সকল যুদ্ধে তিনি অংশগ্ৰহণ কৱেন। (আল-আ'লাম-১/৩৩০) বদৱ যুদ্ধে তৌৱ যোগদানেৱ ব্যাপাৱে মতভেদ আছে। পয়াকিদী, ইবন ইসহাক ও ইবনুল কালবীৱ মতে তিনি বদৱে অংশগ্ৰহণ কৱেননি। তবে কোন কোন সীৱাতু বিশেষজ্ঞ তিৰমত পোষণ কৱেছেন। উসুদুল গাবা-১/৯২, আনসাবুল আশৱাফ-১/২৪০, তাৰাকাত-৩/৬০৫) ইবন সা'দ বলেন, উসাইদেৱ মত আৱও কয়েকজন নাকীৱ সাহাবীসহ কিছু বিশিষ্ট সাহাবী বদৱ যুদ্ধে যোগদান কৱেননি। বালাজীৱ বলেন, হয়ৱত রাসূলে কাৱীম (সা) বদৱেৱ দিকে যাত্রা কৱলেন; কিছু তৌৱ কিছু সাহাবী পিছনে থেকে গোলেন। তৌৱা ধাৱণা কৱতে পাৱেননি যে, কুৱাইশদেৱ সাথে মুসলমানদেৱ যুদ্ধ হবে। এই পিছনে থেকে যাওয়া সাহাবীদেৱ একজন হলেন উসাইদ। রাসূলুল্লাহ (সা) বদৱ যুদ্ধ শেষ কৱে যখন মদীনায় ফিরলেন, উসাইদ দ্রুত রাসূলুল্লাহ (সা) নিকট ছুটে গোলেন এবং শক্ৰৰ বিৱৰণে আল্লাহ বিজয় দান কৱায় তাকে অভিনন্দন জানালেন। নিজে যোগদান কৱতে না পাৱাৱ জন্য দুঃখ ও অনুশোচনা প্ৰকাশ কৱলেন। কৈফিয়াত হিসাবে বললেন : আমি ধাৱণা কৱেছিলাম, উটা কুৱাইশদেৱ বাণিজ্য কাফিলা। তৌদেৱ সাথে আপনি যুদ্ধে শিখ হবেন না। আমি যদি বুৰুতাম, তাৱা শক্ৰ এবং তাৱেৱ সাথে আপনাৱ সংঘৰ্ষ হবে তাহলে কক্ষণো পিছনে পড়ে থাকতাম না। হয়ৱত রাসূলে কাৱীম (সা) তৌৱ কথা বিশ্বাস কৱেন। ইবন সা'দ ও একই কথা বৰ্ণনা কৱেছেন। (আনসাবুল আশৱাফ-১/২৮৮, তাৰাকাত-৩/৬০৫)

তিনি উহদ যুদ্ধে অংশগ্ৰহণ কৱেন। এই যুদ্ধেৱ প্ৰাক্কালে মদীনায় সা'দ ইবন মু'য়াজ', উসাইদ ইবন হুদাইর ও সা'দ ইবন উবাদার নেতৃত্বে একদল লোক রাসূলুল্লাহ (সা) পাহারায় নিয়োজিত থাকেন। তৌৱা সারারাত রাসূলুল্লাহ (সা) দৱজায় পাহারা-দিতেন। (আনসাবুল আশৱাফ-১/৩১৪)। যুদ্ধেৱ চৰম মুহূৰ্তে এক পৰ্যায়ে যখন প্ৰায় সকল সাহাবী বিক্ষিণ্ডাবেৱে রাসূলুল্লাহ (সা) থেকে দুৱে ছিটকে পড়েন, তখনও তিনি মুষ্টিমেয় কিছু সাহাবীৱ সাথে অটল

থাকেন। এই যুদ্ধে তাঁর দেহের সাতটি স্থান দারকণতাবে আহত হয়। (আল ইসাবা-১/৮৯), আল-আ'লাম-১/৩৩০) উহুদ যুদ্ধে শহীদদের জন্য তাঁদের আত্মীয়-পরিজন কানাকাটি করতে থাকে। তা দেখে হ্যরত রাসূলে কারীম (সা) বলেন, আজ হাময়ার জন্য কৌদার কেউ নেই। সা'দ ও উসাইদ একথা শুনে নিজ গোত্রে ফিরে এসে তাঁদের নারীদের হাময়ার শরণে বিলাপের নির্দেশ দেন। (সীরাতু ইবন হিশাম-২/৯৯) উহুদের দিনে বনী আউসের পতাকা ছিল উসাইদের হাতে। প্রচল যুদ্ধের সময় মুসলিম সৈনিকদের কেউ কেউ ভুলবশতঃ নিজেদের সৈনিকদের কাফির সৈনিক মনে করে আঘাত করে বসেন। উসাইদ ভুলক্রমে আবু বারদাহ ইবন নায়ারের হাতে আহত হন। তেমনিতাবে আবু যা'না না চিনতে পেরে আবু বারদাহকে তরবারির দুটি আঘাত করেন। হ্যরত রাসূলে কারীম (সা) তাঁদের সম্পর্কে বলেন, সে তোমাদের কেউ এভাবে নিহত হলেও শহীদ হবে। (আনসাবুল আশরাফ-১/৩১৮, ৩২২)

তিনি খন্দক যুদ্ধে অংশগ্রহণ করেন। এই যুদ্ধ শেষ হওয়ার পরও দশ দিন পর্যন্ত মুসলমানরা মদীনায় ঘেরাও অবস্থায় ছিল। মক্কার পৌত্রলিক বাহিনী মুসলিম নেতৃবৃন্দের ঘোঁজে রাতে ঘুরা-ফিরা করতো। উসাইদ তখন দুই শো লোক নিয়ে খন্দক রক্ষা করেন। খন্দক যুদ্ধ শেষ হওয়ার পর গাতফান গোত্রের লোকেরা খুব লুটরাজ শুরু করে দিল। হ্যরত রাসূলে কারীম (সা) তাঁদের নেতা আমের ইবন তুফাইল ও যাযিদকে মদীনায় ডেকে পাঠালেন। তারা মদীনায় উপস্থিত হয়ে সম্মিলিতভাবে বলল, যদি মদীনায় উৎপাদিত ফলের একটি অংশ তাঁদের দেওয়া হয় তাহলে ব্যবস্থা গ্রহণ করা যেতে পারে। উসাইদ পাশেই দাঁড়িয়ে ছিলেন। তিনি হাতের নিয়া দিয়ে দুইজনের মাথায় টোকা দিয়ে বলে উঠলেন : খেকশিয়াল, দূর হ এখান থেকে। একথায় আমের দারকণ ক্ষুঁজ হয়। সে জিজেস করে - তুমি কে?

- উসাইদ ইবন হুদাইর।

- কাতাইবের পুত্র? (উল্লেখ্য যে, কাতাইব উসাইদের পিতা হুদাইরের উপাধি)

- হ্যা

- তোমার পিতা তোমার চেয়ে ভালো।

সংগে সংগে উসাইদ গর্জে উঠে বললেন, 'কক্ষণও না। আমি তোমাদের সকলের চেয়ে এবং আমার পিতার চেয়ে চের ভালো। কারণ তিনি কাফির ছিলেন।' (সীয়ারে আনসাব-১/২৩০)

সম্ভবতঃ উপরোক্ত ঘটনাটিই ইবন আব্রাস থেকে তাবারানী বর্ণনা করেছেন। আমির ইবন তুফাইল ও আরবাদ ইবন কায়েস নামক দুই ব্যক্তি মদীনায় রাসূলুল্লাহর (সা) খিদমতে হাজির হলো। আমির রাসূলুল্লাহকে (সা) সরোধন করে বলল, 'মুহাম্মাদ, আমি ইসলাম গ্রহণ করলে আমাকে কী দেবেন?' রাসূল (সা) বললেন : সকল মুসলমানের জন্য যা হবে তোমার জন্যও তাই হবে। তাদের মত তোমার উপরও একই দায়িত্ব বর্তাবে। আমির বলল, 'আমি মুসলমান হলে আপনার পরে কি আমাকে শাসন কর্তৃত দান করবেন?' রাসূল (সা) বললেন, 'তুমি বা তোমার গোত্রের কেউ তা পাবে না। তবে তুমি অশ্বারোহী বাহিনীর একজন নেতা হতে পারবে।' এভাবে তাদের সাথে আরও কিছু কথাবার্তা হওয়ার পর তারা উঠে গেলো। তারপর তারা রাসূলুল্লাহকে (সা) হত্যার ষড়যন্ত্র আটলো। রাসূলুল্লাহর (সা)

নিকট তাদের সে পরিকল্পনা ফৌস হয়ে গেল। তারা পালিয়ে গেল। মু'য়াজ ও উসাইদ তাদের ধাওয়া করেন। এক পর্যায়ে উসাইদ তাদের লক্ষ্য করে বলেন, ‘ওরে আল্লাহর দুশমনরা তোদের ওপর আল্লাহর অভিশাপ।’ পথিমধ্যে দুইজনেরই অপঘাতে মৃত্যু হয়। (হায়াতুস সাহাবা-৩/৫৪৮-৪৯)

হুদাইবিয়ার সঞ্চির পূর্বে মক্কার কুরাইশ নেতা আবু সুফিয়ান রাসূলুল্লাহকে (সা) হত্যার উদ্দেশ্যে এক ব্যক্তিকে মদীনায় পাঠায়। সে ছেট্ট একটি খজর কোমরে লুকিয়ে রাসূলুল্লাহর (সা) কথা জিজ্ঞেস করতে করতে বনী আবদিল আশহালের মসজিদে উপস্থিত হয়। হয়রত রাসূলে কারীম (সা) তার চেহারা দেখেই বলে উঠেন, ‘এ ব্যক্তি ধৈর্য দিতে এসেছে।’ সে হত্যার উদ্দেশ্যে রাসূলুল্লাহর (সা) দিকে এগুত্তেই উসাইদ তার লুঙ্গি ধরে টান দেন। সাথে সাথে তার কোমর থেকে খঞ্জরটি ছিটকে পড়ে। সে বুঝতে পারে এখন আর রেহাই নেই। সে যাতে পালানোর চেষ্টা করতে না পারে, সেই জন্য উসাইদ তার গলার কাছে জামা খুব শক্ত করে ধরে রাখেন। (সীয়ারে আনসার-১/২৩০)

হিজরী ষষ্ঠি সনে বনী মুসতালিকের যুদ্ধ হয়। যুদ্ধ শেষে সেখানে একটি কৃপে উট-ঘোড়ার পানি পান করানোর তুচ্ছ ঘটনাকে কেন্দ্র করে একজন মুহাজির ও আনসারের মধ্যে সামান্য ঝগড়া হয়। এই সামান্য ঝগড়া মূলাফিক আবদুল্লাহ ইবন উবাই আরও উসকে দেওয়ার ব্যর্থ চেষ্টা করে। সে আনসারদের লক্ষ্য করে বলে ফেলে : ‘তোমরা তাদেরকে নিজ দেশে থাকার অনুমতি দিয়েছ, তোমাদের ধন-সম্পদ তাদের মধ্যে ভাগ-বাটোয়ারা করে দিয়েছ। আল্লাহর কসম, তোমরা যদি তা না করতে তাহলে তারা অন্য কোথাও চলে যেত। যদি মদীনায় ফিরতে পারি তাহলে আমরা অভিজাতরা (মদীনাবাসীরা) এই নীচদের তাড়িয়ে ছাড়বো।’ তার এসব কথা হয়রত যাযিদ ইবন আরকম শুনে ফেলেন এবং তিনি রাসূলুল্লাহকে (সা) অবহিত করেন। হয়রত রাসূলে কারীম খুবই মনঃকুণ্ঠ হন।

এই ঘটনার পর হয়রত উসাইদ আসলেন রাসূলুল্লাহর (সা) সাথে দেখা করতে। রাসূল (সা) তাঁকে বললেন :

- তোমাদের বক্সু যা বলেছে, তা কি তুমি শুনেছ?
- ইয়া রাসূলুল্লাহ, কোন্ত বক্সু?
- আবদুল্লাহ ইবন উবাই।
- কী বলেছে?
- সে বলেছে, মদীনায় ফিরতে পারলে তারা অভিজাতরা নীচদেরকে বের করে দেবে।

উসাইদ বললেন, ‘ইয়া রাসূলুল্লাহ (সা), আল্লাহর কসম, ইনশাআল্লাহ আপনি তাকে তাড়িয়ে দিবেন। আল্লাহর কসম সে-ই নীচ, আর আপনি অতি সশ্রান্তি ও বিজয়ী। (সীরাতু ইবন হিশাম-১/১২৯২)

উসাইদ আরও বললেন, ইয়া রাসূলুল্লাহ : আপনি তার প্রতি একটু সদয় হোন। আল্লাহ তা'য়ালা আপনার সাথে আমাদেরকে এখানে নিয়ে এসেছেন। আর তার স্বগোত্রীয় লোকেরা তার জন্য মুকুট তৈরী করছিল, তাকে মদীনার বাদশাহ বানিয়ে তার মাথায় পরাবে বলে। সে স্বচক্ষে দেখতে পারবে তার সে সাম্রাজ্য ছিনিয়ে নেওয়া হয়েছে। (রিজালুন হাওলার রাসূল-৪৬৩)

একটি বর্ণনায় এসেছে : আবদুল্লাহ ইবন উবাইর উপরোক্ত মন্তব্যের কথা অবগত হয়ে উসাইদ বললেন : ‘ইয়া রাসূলুল্লাহ, যে লোকটি মানুষের মধ্যে অশান্তি সৃষ্টি করছে, তাকে

হত্যার অনুমতি আমাকে দিন। রাসূল (সা) বললেন, আমি নির্দেশ দিলে তুমি তাকে হত্যা করবে? উসাইদ বললেন: হ্যাঁ, আপনার অনুমতি পেলে তরবারি দিয়ে তার গর্দানটি উড়িয়ে দেব। রাসূল (সা) তাকে বসিয়ে শান্ত করেন। (হায়াতুস সাহাবা-১/৪৭৮)

এই বনী মুসতালিক যুদ্ধের সফরে হযরত 'আয়িশা (রা) রাসূলুল্লাহ (সা) সফর সঙ্গনী ছিলেন। সফর থেকে মদীনায় ফেরার পথে একটি ঘটনাকে কেন্দ্র করে মুনাফিকদ্বা হযরত 'আয়িশার (রা) চরিত্রে মিথ্যা কলঙ্ক আরোপ করে। সীরাত এছ সমূহে যা 'ইফক' বা বানোয়াট কাহিনী বলে পরিচিত। কিছু সরলপ্রাণ মুসলিমানও মুনাফিকদের অপ্রচারে বিদ্রোহ হয়ে পড়েন। পরিশেষে আল্লাহ পাক কুরআনের আয়াত নাখিল করে আসল রহস্য ফৌস করে দেন। বিষয়টি যখন তুঙ্গে তখন একদিন উসাইদ রাসূলুল্লাহ (সা) খিদমতে হাজির হয়ে আরজ করলেন, 'ইয়া রাসূলুল্লাহ : আউস গোত্রের লোকেরা আপনাকে কষ্ট দিলে আমরা তা বন্ধ করে দেব। আর আমাদের ভাই খায়রাজ গোত্রের লোকেরা যদি কষ্ট দেয়, আমাদের নির্দেশ দিন। আল্লাহর কসম, তারা হত্যার উপযুক্ত।' 'খায়রাজ নেতো সা'দ ইবন' উবাদা সৎগে সৎগে প্রতিবাদ করে বলে ওঠেন, 'খায়রাজ গোত্রের লোক বলে তুমি এমন কথা বলতে পারছো, তোমার নিজের গোত্রের লোক হলে এমন কথা বলতে পারতে না।' 'উসাইদও সৎগে সৎগে গর্জে উঠে বলেন, 'আল্লাহর কসম, তুমি মিথ্যা বলেছ।' তুমি এক মুনাফিক। তাই মুনাফিকদের পক্ষ নিয়ে ঝাঙড়া করছো।' (সীরাতু ইবন হিশাম-১/৩০০)

খাইবার যুদ্ধে সালামা ইবন আকও'য়ার চাচা 'আমির এক ইয়াছদীর ওপর আক্রমণ চালান; কিন্তু তাঁর তরবারির আঘাত ফসকে গিয়ে নিজেই আহত হন এবং মৃত্যুবরণ করেন। হযরত উসাইদসহ অনেকে ধারণা করলেন, যেহেতু তিনি নিজের আঘাতে মৃত্যুবরণ করেছেন, যা এক ধরনের আত্মহত্যা- এ কারণে তাঁর সকল নেক 'আমল ব্যর্থ হয়ে গেছে। সালামা বিষয়টি রাসূলুল্লাহ (সা) কানে দিলেন। রাসূল (সা) বললেন : যারা এমন কথা বলেছে তাদের কথা ঠিক নয়। সে দিশুণ সাওয়াবের অধিকারী হবে। (মুসলিম-২/৯৬)

মৰ্কু বিজয় অভিযানে হযরত রাসূলে কারীম (সা) মুহাজির ও আনসারদের সাথে ছিলেন। তাঁর দলটি ছিল সকলের পিছনে। তিনি ছিলেন আবু বকর (রা) ও উসাইদের মাঝখানে। হনাইন ও তাবুক অভিযানের সময় আউস গোত্রের বাভাটি ছিল উসাইদের হাতে।

সাকীফা-ই-বনী সা'য়িদার দিনটি- যেদিন হযরত রাসূলে কারীমের (সা) ওফাতের পর আনসারদের একটি দল, যার পুরোভাগে ছিলেন হযরত সা'দ ইবন 'উবাদা- দাবী করলেন, খিলাফতের অগ্রাধিকার আনসারদের। একথা মদীনায় ছাড়িয়ে পড়লো। তর্ক-বিতর্ক শুরু হল। উসাইদ ছিলেন আনসার গোত্র আউসের অন্যতম নেতা। সেই জটিল পরিস্থিতি নিয়ন্ত্রণে তিনি শুরুত্বপূর্ণ ভূমিকা পালন করেন। (উসুদুল গাবা-১/৯২) তিনি উঠে দাঁড়িয়ে আনসারদের উদ্দেশ্যে বলেন, "তোমরা জান, রাসূলুল্লাহ (সা) ছিলেন মুহাজিরদের একজন। তাঁর খলীফাও মুহাজিরদের মধ্য থেকেই হওয়া বাস্তুলীয়। আমরা ছিলাম রাসূলুল্লাহ (সা) আনসার বা সাহায্যকারী।" সা'দ ইবন মু'য়াজকে লক্ষ্য করে তিনি বলেন : "আজও আমাদের উচিত রাসূলুল্লাহ (সা) খলীফার আনসার হিসাবে থাক।" (রিজালুন হাওলার রাসূল-৪৬২)। এক পর্যায়ে তিনি নিজ গোত্র আউসের লোকদের লক্ষ্য করে বলেন, 'খায়রাজ গোত্র সা'দ ইবন

‘উবাদাকে খলীফা বানিয়ে নেতৃত্ব কুক্ষিগত করতে চায়। আজ যদি তারা সফল হয় তাহলে চিরদিনের জন্য তারা তোমাদের ওপর প্রেষ্ঠত্ব অর্জন করে ফেলবে এবং খিলাফতে তোমাদের কোন অংশ তারা আর কোন দিন দেবে না। আমার মতে আবু বকরের হাতে বাইয়াত করা উচিত।’ এরপর তিনি সকলকে আবু বকরের হাতে বাই’য়াত করার নির্দেশ দেন। এভাবে আউস গোত্রের সিদ্ধান্ত গ্রহণের ফলে হযরত সা’দ ইবন উবাদার সমর্থকদের শক্তি দুর্বল হয়ে পড়ে। (সীয়ারে আনসার।-২৩১)

হযরত আবু বকরের (রা) মরণ সম্মত্যা যখন ঘনিয়ে এল, তিনি খিলাফতের দায়িত্ব কার ওপর ন্যস্ত করে যাবেন- এ বিষয়ে মুহাম্মাদ-আনসার নির্বিশেষে যে সকল বিশিষ্ট সাহাবীর মতামত ও পরামর্শ গ্রহণ করেন তাঁদের মধ্যে উসাইদও (রা) ছিলেন। আবু বকর (রা) যখন উমার (রা) সম্পর্কে তাঁর মতামত জানতে চাইলেন, তিনি বললেন : ‘আপনার পরে খিলাফতের দায়িত্ব লাভের ব্যাপারে আমি তাঁকে ভালোই দেখতে পাই। . . . . তাঁর তেতরটা বাইরের থেকে উন্নত। এই দায়িত্ব লাভের জন্য তাঁর চেয়ে অধিকতর সক্ষম ব্যক্তি আর কেউ নেই। (হায়াতুস সাহাবা-২/২৬) হিজরী ১৬ সনে তিনি খলীফা ‘উমারের (রা) সাথে মদীনা থেকে বায়তুল মাকদাসে যান। (উসুদুল গাবা-১/৯২)

হিজরী ২০ সনের শা’বান মাসে, মতান্তরে হিজরী ২১ সনে তিনি মদীনায় ইত্তিকাল করেন। খলীফা হযরত উমার (রা) কৌধৈ করে তাঁর লাশ বহন করেন, জানায়ার নামায পড়ান এবং বাকী গোরস্থানে দাফন করেন। (আনসাবুল আশরাফ-১/২৪০), তাবাকাত-৩/৫০৬, শাজারাতুজ জাহাব ফী আখবারি মান জাহাব-১/৩১)

মৃত্যুর পূর্বে তিনি খলীফা ‘উমারকে অসীয়াত করে যান, তিনি যেন তাঁর স্থাবর-অস্থাবর সম্পত্তি নিজ হাতে নিয়ে তাঁর সকল দায়-দেনা পরিশোধ করে দেন। তাঁর মৃত্যুর পর হযরত ‘উমার (রা) পাওনাদারদের ডেকে তাঁদেরকে এই শর্তে রাজী করান যে, তারা বছরে এক হাজার দিরহাম গ্রহণ করবেন। এভাবে চার বছরে বাগানের ফল বিক্রী করে সকল দেনা পরিশোধ করা হয়। এভাবে তাঁর সকল সম্পত্তি রক্ষা পায়। ‘উমার (রা) বলতেন, ‘আমার ভাইয়ের সন্তানদের আমি অভাবী দেখতে চাই না।’ (তাবাকাত-৩/৬০৬, উসুদুল গাবা-১/৯৩)

হযরত উসাইদের স্ত্রী রাসূলগুল্লাহর (সা) জীবন্দশায় ইত্তিকাল করেন। (সীয়ারে আনসার-১/২৩১) হযরত আয়িশা (রা) থেকে বাণিত হয়েছে। তিনি বলেছেন, ‘একবার আমরা হজ্জ অথবা ‘উমরা থেকে মদীনায় ফিরলাম। আমাদেরকে ঝুল হল্লায়ফায় অভ্যর্থনা জনানো হল। আনসারদের পরিবারবর্গের লোকেরা আপন আপন পরিবারের লোকদের সাথে মিলিত হল। এখানে উসাইদকে তাঁর স্ত্রীর মৃত্যুর খবর দেওয়া হল। তিনি মাথায় চাদর মুড়ি দিয়ে কাঁদতে শুরু করলেন। আমি বললাম, আল্লাহ আপনাকে ক্ষমা করুন। আপনি রাসূলগুল্লাহর (সা) সাহাবী, প্রথম পূর্বে ইসলাম গ্রহণকারী, আর আপনি কিনা একজন মহিলার জন্য এভাবে কাঁদছেন? আয়িশা (রা) বলেন, একথা শুনে তিনি মাথা থেকে কাপড় ফেলে দিলেন। এবং বললেন : আপনি সত্য কথাই বলেছেন। ‘সা’দ ইবন মু’য়াজের পর আর কারও জন্য আমাদের কাঁদা উচিত নয়।’ (হায়াতুস সাহাবা-২/৫৯৫, মুসলাদে আহমদ-২/৩৫২)

সম্ভবতঃ ইয়াহইয়া নামে উসাইদের একটি মাত্র ছেলে ছিল। সহীহ বুখারীর ‘বাবু

নুমুলিস সাকীনা শুয়াল মালায়িকা ইনদা কিরায়াতিল কুরআন” (কুরআন পাঠের সময় প্রশান্তি ও ফিরিশতার অবতরণ) অধ্যায়ে তাঁর আলোচনা এসেছে।

কুরআন ও হাদীসের প্রচার-প্রসারে তাঁর বিরাট অবদান আছে। তিনি সরাসরি রাসূলুল্লাহ (সা) থেকে বহু হাদীস বর্ণনা করেছেন। হয়রত ‘আয়শা, আবু সা’ঈদ আল খুদরী, আনাস বিন মালিক, আবু লাইল আনসরী, ও কা’ব ইবন মালিকের মত অতি সম্মানিত সাহাবায়ে কিরাম তাঁর নিকট থেকে শৃঙ্খল হাদীস বর্ণনা করেছেন। সহীহ বুখারী ও সহীহ মুসলিমে তাঁর সর্বমোট ১৮ (আঠারো) টি হাদীস বর্ণিত হয়েছে। (আল-আলাম-১/৩৩০, আল-ইসাবা-১/৪৯)

হয়রত উসাইদের পিতা ছিলেন তাঁর গোত্রের অতি সম্মানিত ব্যক্তি। ইবন সা’দ বলেন : “তাঁর পিতার পর ইসলাম ও জাহিলী উভয় যুগে তিনিও অত্যন্ত ভদ্র ও সম্মানিত ব্যক্তিতে পরিণত হন। গোত্রের বৃদ্ধিমান ও চিন্তাশীল ব্যক্তিগুলে গণ্য হন। সেই জাহিলী যুগে যখন আরবে লেখার প্রচলন খুব কম ছিল- তিনি আরবীতে নিখতেন। এই গুণগুলির সমন্বয় ঘটেছিল উসাইদের মধ্যে।” তাছাড়া তিনি ছিলেন দক্ষ তীরন্দাজ ও দৌড়বিদ। আর সে যুগে আরবে এই তিনটি গুণে শুণারিত ব্যক্তিকে ‘কামিল’ উপাধিতে ভূষিত করা হত। (তাবাকাত-৩/৬০৪, আল আলাম-১/৩৩০, উসুদুল গাবা- ১/৯২)

ইসলাম গ্রহণের পর তিনি আধ্যাত্ম সাধনায় এত উন্নতি সাধন করেন যে, তাঁর চোখের সকল পর্দা দূর হয়ে যায়। আর তিলাওয়াতও করতে পারতেন সুমধুর কঢ়ে। (উসুদুল গাবা- ১/৯২) একদিন রাতে তিনি কুরআন তিলাওয়াত করছেন। নিকটেই বৌধা একটি ঘোড়া। ঘোড়াটি লাফাতে থাকে। তিলাওয়াত বন্ধ করলে ঘোড়াটিও থেমে যায়। আবার তিলাওয়াত শুরু করলে ঘোড়াটি লাফাতে শুরু করে। তাঁর ছেলে ইয়াহইয়া নিকটেই শুয়ে ছিল। তিনি ভীত হয়ে পড়লেন এই কথা চিন্তা করে যে, এমনটি চলতে থাকলে ছেলেটি ঘোড়ার পায়ে পিষে যাবে। তৃতীয়বারের মাথায় তিনি বাইরে এসে দেখেন, আকাশে একটি ছায়ার মত আচ্ছাদন এবং মধ্যে যেন বাতির আলো ঝল্লছে। তিলাওয়াত শেষ হয়ে গিয়েছিল। এজন্য আকাশের দিকে তাকিয়ে দেখতেই আলোটি অদৃশ্য হয়ে যায়। সকালে ঘটনাটি রাসূলুল্লাহর (সা) নিকট বর্ণনা করলে তিনি বলেন, ফিরিশতারা কুরআন তিলাওয়াত শুনতে এসেছিল। তুমি যদি সকাল পর্যন্ত তিলাওয়াত করতে তাহলে লোকেরা তাদেরকে দিনের আলোতে দেখতে পেত। (হায়াতুস সাহাবা-৩/৫৪৩, উসুদুল গাবা-১/৯৩, বুখারী শরীফ-২/৭৫০)

তিনি দিব্য চোখে ‘সাকীনা’ বা প্রশান্তির বাস্তব রূপ প্রত্যক্ষ করেন। তিনি এমন এক ব্যক্তি যার চোখের সময় আগে আগে একটি ‘নূর’ বা জ্যোতি চলতো। বুখারী বর্ণনা করেছেন, এক অঙ্ককাল রাতে আবদাদ ইবন বিশর ও উসাইদ ইবন হুদাইর রাসূলুল্লাহর (সা) নিকট থেকে বের হলেন। তাঁদের হাতের লাঠি থেকে জ্যোতি বিচ্ছুরিত হয়ে তাঁদের চোখের পথ আলোকিত করে তুলেছিল। তাঁরা যখন দু’জন দুই দিকে চলে গেলেন, জ্যোতিও তাঁদের সাথে তাগ হয়ে গেল। (শাজারাতুজ জাহাব-১/৩১, হায়াতুস সাহাবা-৩/৬১১)

হয়রত উসাইদ বলেন, একদিন আমি রাসূলুল্লাহর (সা) কাছে একটি দৃষ্টি আনসার পরিবারের কথা তুলে ধরলাম। তারা অত্যন্ত অভাবী এবং পরিবারের অধিকাংশ সদস্য মহিলা। আমার কথা শুনে রাসূল (সা) বললেন, ‘তুমি এমন এক সময় এসেছ যখন আমার হাতে যা

কিছু ছিল সবই মানুষকে দেওয়া হয়ে গেছে। তুমি যখন শুনবে আমার হাতে আবার কিছু এসেছে এই পরিবারটির কথা আমাকে শ্রদ্ধণ করিয়ে দিবে।' কিছুদিনের মধ্যে খাইবার থেকে কিছু জিনিস আসলো। তিনি আনসারদেরকে বেশী করে দিলেন। বিশেষ করে সেই পরিবারটিকে দিলেন প্রচুর পরিমাণে। আমি বললাম, 'হে আস্ত্রার নবী, আস্ত্রাহ আপনাকে সর্বোক্ষম প্রতিদান দান করুন।' রাসূল (সা) বললেন, 'ওহে আনসারগণ, আস্ত্রাহ তোমাদেরকে সর্বোক্ষম বিনিময় দান করুন। তোমাদের সম্পর্কে আমার দীর্ঘদিনের অভিজ্ঞতা হচ্ছে, তোমরা অত্যন্ত ক্ষমাশীল ও ধৈর্যধারণকারী। আমার মৃত্যুর পর লোকেরা তোমাদের উপেক্ষা করে নিজেদেরকে অগ্রাধিকার দেবে। আমার সাথে মিলিত হওয়া পর্যন্ত তোমরা 'সবর' (ধৈর্য) অবলম্বন করবে। আমাদের সেই মিলন স্থল হবে 'হাউজ'।'

উসাইদ বলেন, 'অতঃপর রাসূলুল্লাহ (সা) ইতিকাল করলেন, আবু বকরের পর 'উমার (রা) খিলাফতের দায়িত্বভার গ্রহণ করেছেন। একবার তিনি মদীনাবাসীদের মধ্যে কিছু গনীমতের মাল বন্টন করলেন। আমার জন্য তিনি একটি জামা পাঠালেন। কিন্তু তা ছোট হয়ে গেল। আমি মসজিদে বসে আছি, এমন সময় এক কুরাইশ যুবককে দেখলাম ঠিক আমার জামার মত একটি লম্বা জামা সে পরে আছে। সেটা এত লম্বা যে, মাটি দিয়ে টেনে যাচ্ছে। তখন আমি আমার সৎগের লোকটিকে রাসূলুল্লাহ (সা) উপরোক্ত বাণী শুনিয়ে বললাম, রাসূলুল্লাহ (সা) সত্যই বলেছেন। লোকটি দৌড়ে 'উমারের কাছে শেল এবং আমি যা বলেছি তাই তাকে দিয়ে বলল। 'উমার ছুটে আসলেন। আমি তখন নামাযে। 'উমার বললেন, উসাইদ নামায শেষ কর। নামায শেষ হলে তিনি জিজেস করলেন : আপনি কী বলেছেন ?

আমি যা দেখেছি এবং যা বলেছি, তাকে বললাম। তিনি বললেন, আস্ত্রাহ আপনাকে মাফ করুন। সেই জামাটি আমি অমূলের জন্য পাঠিয়েছিলাম। আর সে তো একজন আনসারী, আকাবায় শপথ গ্রহণকারী এবং বদর ও উহদের মুজাহিদ। তাঁর কাছ থেকেই এই কুরাইশ যুবক জামাটি খুরাদ করেছে। আপনি কি মনে করেন আনসারদের সম্পর্কে রাসূলুল্লাহ (সা) সেই বাণী আমার যুগেই সত্যে পরিণত হবে ? উসাইদ বললেন, আস্ত্রাহর কসম, হে আমীরুল মুমিনীন, আমার বিশ্বাস আপনার যুগে তা হতে পারবে না।' (হায়াতুস সাহাবা-১/৪০২-৪০৩, সুওয়ারুম মিন হায়াতিস সাহাবা-৩/৩৬-৩৯)

উস্মাল মুমিনীন হয়রাত 'আয়শা (রা) বলেন, উসাইদ একজন উত্তম মানুষ। তিনি বলতেন, যদি আমি এই তিনটি অবস্থার যে কোন একটি অবস্থায় সর্বদা থাকতে পারতাম তাহলে নিশ্চিত জানাতের অধিবাসী হতাম। এব্যাপারে আমার কোন সন্দেহ থাকতো না। সেই অবস্থা তিনটি হলঃ (১) আমি নিজে যখন কুরআন পাঠ করি অথবা অন্যকে পাঠ করতে শুনি। (২) যখন রাসূলুল্লাহ (সা) ভাষণ শুনি (৩) যখন কোন জানায় অংশগ্রহণ করি। আমি যখন জানায় যোগদান করি, আমার নাফ্সকে প্রশ্ন করি : আমি তাকে দিয়ে কী করিয়েছি এবং তার শেষ পরিণতি কী হবে ? (আল-ইসাবা-১/৪৯, হায়াতুস সাহাবা-৩/৪১-৪২)

হাকেম আবু লায়লার সূত্রে বর্ণনা করেছেন। তিনি বলেছেন, উসাইদ ছিলেন একজন নেককার, হাসি-খুশী মেজাজের ও রসিক প্রকৃতির মানুষ। একদিন তিনি রাসূলুল্লাহ (সা) মজলিসে নানা রকম কথা বলে লোকদের হাসাচ্ছেন। রাসূলুল্লাহ (সা) একটু কৌতুক করে তাঁর কোমরে একটু আঘাত করেন। সাথে সাথে উসাইদ বলে উঠেন : আপনি আমাকে ব্যথা

দিয়েছেন। রাসূল (সা) বললেন : ‘তুমি এর প্রতিশোধ নিয়ে নাও। উসাইদ বললেন : ইয়া  
রাসূলগ্রাহ, আমার গায়ে জামা ছিল না; কিন্তু আপনার গায়ে তো জামা। রাসূল (সা) জামা  
খুলে ফেললেন, আর সাথে সাথে উসাইদ রাসূলগ্রাহকে (সা) জড়িয়ে ধরে তাঁর পাজরে চুমুর  
পর চুমু দিতে লাগলেন। পরে বললেন : হে আগ্রাহীর রাসূল! আমার মা-বাবা আপনার প্রতি  
কুরবান হোক। আমি এই ইচ্ছা করেছিলাম। (হায়াতুস সাহাবা-২/৩৩০-৩১)

হ্যরত রাসূলে কারীম (সা) বলেছেন, আবু উবাইদাহ ইবনুল জাররাহ, মু'য়াজ ইবন  
জাবাল, উসাইদ ইবন হৃদাইর ও মু'য়াজ ইবন 'আমর- এরা কতই না উন্নত মানুষ। (আল-  
ইসাবা-১/৯২) অন্য একটি বর্ণনায় এমেছে। রাসূল (সা) বলেছেন, নি'মার রাজ্ঞু উসাইদ-  
উসাইদ কত ভালো মানুষ। (তাবাকাত- ৩/৬০৩) হ্যরত আবিশা (রা) বলেন : আনসারদের  
তিনি ব্যক্তিকে কেউ মর্যাদার দিক দিয়ে নাগাল পায়নি। তাঁরা সবাই বনী আবদিল আশহালের  
লোক। তাঁরা হলেন : মু'য়াজ ইবন জাবাল, উসাইদ ইবন হৃদাইর ও আবাদ ইবন বিশর।  
(আল-ইসাবা-১/৪৯) এই সব কারণে হ্যরত আবু বকর সিদ্দীক (রা) তাঁকে খুবই সম্মান  
করতেন। তাঁর ওপর অন্য কাউকে তিনি প্রাধান্য দিতেন না। (উসুদুল গাবা-১/৯২)

## 'উবাদা ইবনুস সামিত (রা)

আবুল ওয়ালীদ 'উবাদা মদীনার বিখ্যাত খায়রাজ গোত্রের বনী সালীম শাখার সন্তান। হিজরতের ৩৮ বছর পূর্বে ৫৮৬ খ্রিস্টাব্দে ইয়াসরিবে জন্মগ্রহণ করেন। (আ'লাম-৪/৩০) পিতা সামিত ইবন কায়স এবং মাতা কুররাতুল আইন। মা ছিলেন 'উবাদা ইবন নাদলা ইবন মালিক ইবন আজলানের কন্যা। তিনি নিজের পিতার নামে ছেলের নাম রাখেন 'উবাদা' (উসুদুল গাবা-৩/১০৬) 'উবাদার ভাই আউস ইবন সামিতের স্ত্রী খুওয়াইলা বিনতু সা'লাবা। তিনি সেই মহিলা যাঁর শানে সৃ'রা মুজাদিলার জিহারের আয়ত নাখিল হয়। (আনসাবুসলআশরাফ-১/২৫১)।

মদীনার পঞ্চম দিকে কুবা সংলগ্ন প্রস্তরময় অঞ্চলে ছিল বনী সালীমের বসতি। 'উত্তুম কাওয়াকিল' নামে সেখানে তাদের কয়েকটি কিল্টা ছিল। এরই ভিত্তিতে বলা চলে 'উবাদার বাড়ীটি মদীনার কেন্দ্রস্থলের বাইরে ছিল।

'উবাদা সবে যৌবনে পা দিয়েছেন, এমন সময় মঙ্গায় ইসলামের অভ্যন্তর ঘটে। তিনি সেই মুষ্টিমেয় তাগ্যবানদের একজন যাঁরা ইসলামের প্রথম আহবান কানে আসতেই সাড়া দেন। 'আকাবাব প্রথম শপথে যেবার ছয়জন মদীনাবাসী রাসূলগুলাহর সে।) হাতে হাত রেখে বাই'য়াত করেন, তিনি তাদের একজন। অবশ্য ঐতিহাসিকদের অনেকে এই বাই'য়াতকে আকাবা নামে অভিহিত করেননি। তাদের মতে আকাবা মত্ত দু'টি। যাই হোক, দ্বিতীয় ও তৃতীয় আকাবায়ও শরিক হওয়ার পৌরব অর্জন করেন তিনি। অনেকের মতে তিনি দ্বিতীয় আকাবায় বারোজনের সাথে ইসলাম গ্রহণ করেন। তৃতীয় তথা শেষ আকাবায় রাসূলগুলাহ (সা) মনোনীত বারো নাকীবের (দায়িত্বশীল) অন্যতম নাকীব। তিনি হন বনী কাওয়াকিল এর নাকীব। (উসুদুল গাবা-৩/১০৬, বুলুগুল আমানী- শরহ মুসনাদে আহমাদ-২২/২৭৫, ফাতহল বারী-৭/১৭২, তাবাকাত-৩/৫৪৬) উল্লেখ্য যে, বনী 'আমর ইবন আওফ ইবন খায়রাজ সেই প্রাচীন কাল থেকে 'কাওয়াকিল' নামে পরিচিত। 'কাওকালা' শব্দটির অর্থ এক বিশেষ ধরনের চলন।' এ নামে আখ্যায়িত হওয়ার কারণ হল, যখন কোন ব্যক্তি তাদের অশ্রয় গ্রহণ করতো তখন তারা লোকটির হাতে একটি তৌর দিয়ে বলতো, যাও, এখন ইয়াসরিবের যেখানে ইচ্ছা মূরে বেড়াও। (ইবন হিশাম ১/৪৩১)

'উবাদার জীবনটি ছিল প্রাণরসে ভরপূর। ইসলাম গ্রহণ করে মঙ্গা থেকে ফিরে এসেই সর্বপ্রথম মা-কে ইসলামে দীক্ষিত করেন। মদীনায় কা'ব ইবন আজরা নামে তাঁর ছিল এক অন্তরঙ্গ বন্ধু। তখনও সে অমুসলিম এবং তার বাড়ীতে ছিল বিরাট এক মৃতি। 'উবাদার সব সময়ের চিন্তা হল কিভাবে এ বাড়ীটি শরিক থেকে মুক্ত করা যায়। একদিন সূযোগমত বাড়ীর মধ্যে ঢুকে মৃত্যি ভেঙ্গে ফেলেন। অবশেষে আগ্নাহর ইচ্ছায় কা'ব মুসলমান হয়ে যান।

হ্যরত রাসূলে কারীম (সা) মদীনায় পৌছে মুহাজির ও আনসারদের মধ্যে মুওয়াখাত বা ভাত্ত সম্পর্ক প্রতিষ্ঠা করেন। আবু মারসাদ আল গানাবী হলেন তাঁর দীনি ভাই। (উসুদুল গাবা-৩/১০৬, আল ইসাবা-২/২৬৮, আনসাবুল আশরাফ-১/২৭০) আবু মারসাদ ছিলেন

ইসলামের সূচনা লগ্নের একজন মুসলমান এবং হযরত ইমাম্যার (রা) হালীক বা চুক্তিবদ্ধ।

বদর, উহদ, খনক সহ সকল যুক্তে 'উবাদা রাসূলুল্লাহর (সা) সাথে যোগ দেন। (উসুদুল গাবা-৩/১০৬) বদর যুক্তের পর গনীমতের মাল (যুক্তিকৃ সম্পদ) এর ভাগ বাটোয়ারা নিয়ে মুজাহিদদের মধ্যে কিঞ্চিৎ মত পার্থক্যের সৃষ্টি হয়। তখন সুরা আনফালের প্রথম থেকে কতগুলি আয়াত নাযিল হয় এবং এ বগড়ার পরিসমাপ্তি ঘটে। ইবন হিশাম বলেন, সুরা আনফালের উত্ত্বের আয়াত সম্পর্কে 'উবাদাকে জিজেস করা হলে তিনি জবাব দেন, আয়াতগুলি আমাদের বদরী যোদ্ধাদের সম্পর্কে নাযিল হয়েছে। বদরের দিন আমরা আনফাল এর দ্বাপারে মতানৈক্য সৃষ্টি করি এবং তা নিয়ে যখন আমাদের আখলাকের অবনতি ঘটে তখন আল্লাহ আমাদের হাত থেকে তা ছিনিয়ে নিয়ে রাসূলুল্লাহর (সা) হাতে তুলে দেন। তিনি আমাদের মধ্যে সমানভাবে বচ্চন করে দেন। (সীরাতু ইবন হিশাম-১/৮৬)

এই বদর যুক্তের সময়ই মুনাফিক আবদুল্লাহ ইবন উবাইয়ের ইঙ্গিতে মদীনার ইয়াহুদী গোত্র বনু কায়নুকা রাসূলুল্লাহর (সা) বিরুদ্ধে বিদ্রোহ ঘোষণা করে। তাদের সাথে উবাদার গোত্র বনী আউফের বহু আগে থেকেই মৈত্রী চুক্তি ছিল। তেমনিভাবে চুক্তি ছিল মুনাফিক আবদুল্লাহ ইবন উবাই ইবন সুল্লেরও। তাদের বিদ্রোহের কারণে হযরত রাসূলের রাসূলে কারীম (সা) যখন তাদের বিরুদ্ধে জিহাদ ঘোষণা করলেন তখন উবাদা ছুটে গেলেন রাসূলুল্লাহর (সা) নিকট এবং তাদের সাথে চুক্তি বাতিলের প্রকাশ্য ঘোষণা দিয়ে বললেনঃ আমি তাদের সাথে সকল সম্পর্ক ছির ও দায়মুক্তির ঘোষণা করছি। আর আল্লাহ, আল্লাহর রাসূল ও মুমিনদেরকে আমার বক্তু হিসাবে গ্রহণ করছি। অন্যদিকে আবদুল্লাহ ইবন উবাই ইবন সুলুল তার পূর্ব অবস্থায় অটল থাকে। বিদ্রোহ দমনের পর তাদেরকে মদীনা থেকে বহিকারের সিদ্ধান্ত গৃহীত হয়। রাসূলুল্লাহ (সা) বহিকারের এই কাজটি সম্পর্ক করার দায়িত্ব উবাদার ওপর অর্পণ করেন। এই ঘটনার প্রেক্ষাপটে সুরা মায়দার ৫১নং আয়াত থেকে ৫৮ নং পর্যন্ত আয়াতগুলি নাযিল হয়। আয়াতগুলিতে স্পষ্টতঃঃ উবাদার প্রশংসা ও মুনাফিক আবদুল্লাহ ইবন উবাইয়ের নিদ্বা করা হয়েছে। (সীরাতু ইবন হিশাম-২/৪৯) ষষ্ঠি হিজরীর বাইয়াতুর রিদওয়ানে তিনি শরিক ছিলেন। (মুসনাদে আহমাদ-৫/৩১৯) ষষ্ঠি হিজরীতে সংঘটিত বনী মুসতালিক বা মুরাইসী এর যুক্তেও তিনি অংশগ্রহণ করেন। এই যুক্তে তাঁরই দলের একটি লোক ভুলক্রমে শক্ত তেবে অন্য একজন মুসলিম মুজাহিদকে হত্যা করে। (সীরাতু ইবন হিশাম-২/২৯০)

হযরত আবু বকর সিদ্দীকের (রা) খিলাফতকালে শামে যে সকল অভিযান পরিচালিত হয় তার বেশ ক'টিতে 'উবাদা অংশগ্রহণ করেন। হযরত ফারুকে আজমের খিলাফতকালে 'আমর ইবন 'আস মিসরে অভিযান পরিচালনা করেন। দীর্ঘদিন পর্যন্ত তিনি চূড়ান্ত বিজয় লাভে সক্ষম না হয়ে মদীনায় খলীফার নিকট অভিরিঙ্গ সাহায্য চেয়ে পাঠান। খলীফা উমার (রা) চার হাজার মতান্তরে দশহাজার সৈন্যের একটি অভিরিঙ্গ বাহিনী পাঠান। 'উবাদা ছিলেন সেই বাহিনীর এক চতুর্থাংশ সৈন্যের কমাতিৎ অফিসার। (আল-ইসাবা-২/২৬৮) খলীফা 'আমর ইবনুল 'অসকে একটি চিঠিতে আরও লেখেন এই অফিসারদের প্রত্যেকেই একহাজার সৈন্যের সমান। এই অভিরিঙ্গ বাহিনী মিসর পৌছার পর 'আমর ইবনুল 'অস সকল সৈন্য একত্র করে এক জ্বালাময়ী তাবণ দান করেন। তাবণ শেষ করে তিনি উবাদাকে ডেকে বলেন, আপনার নিয়াটি আমার হাতে দিন। তিনি নিয়াটি নিয়ে নিজের মাথার পাগড়ীটি খুলে নিয়ার মাথায় বাঁধেন। তারপর সেটি উবাদার হাতে তুলে দিতে গিয়ে বলেন, এই হচ্ছে সেনাপতির আলাম বা পতাকা। আজ আপনিই সেনাপতি। আল্লাহর ইচ্ছায়

## এবর অনুভূতিহীন স্মরণে পড়ল ভট্ট।

— হযরত পটুকু বিত্তি সমন্বয় ইসলামী খিলাফতের তিনটি অতি গুরন্তুপূর্ণ প্রশাসনিক দায়িত্ব পদসম করেন। ১. সন্তোষ বিহুক অফিসার ২. ফিলিস্তীনের কাজী ৩. হিমসের আমীর।

হযরত রাসূলে কান্নীর সা) জীবনের শেষ দিকে আরবের বিভিন্ন অঞ্চলে ‘আমিলে সাদাকা’ বা যাকাত আদায়কারী নিয়োগ করেন। উবাদাকেও কোন একটি অঞ্চলে নিয়োগ দান করেন; যদ্রুকালে রাসূলুল্লাহ (সা) তাঁকে উপদেশ দেন : আল্লাহকে ত্যজ করবে। এমন দেন না হয়, কিয়ামতের দিন চতুর্পদ জন্মুও তোমার বিরুদ্ধে অভিযোগ নিয়ে উপস্থিত হয়েছে। (উসুদুল গাবা- ৩/১০৬)

হযরত ‘উমারের (রা) খিলাফতকালে এক সময় তাঁকে ফিলিস্তীনের কাজী নিয়োগ করা হয়। সেই সময় উক্ত অঞ্চলটি ছিল হযরত মুঘাবিয়ার (রা) ইমারাতের অধীনে। এক সময় কোন একটি বিষয়ে দু’জনের মধ্যে মতবিরোধের সৃষ্টি হয় এবং এক পর্যায়ে হযরত মুঘাবিয়া (রা) তাঁর প্রতি কিছু কঠোর তাষা প্রয়োগ করেন। তিনিও প্রত্যন্তের মুঘাবিয়াকে বলেন, আগমনিতে আপনি যেখানে থাকবেন আমি সেখানে থাকবো না। তিনি ইমারাত চলে আসেন, খৌকী উমার (রা) এভাবে তাঁর চলে আসার কারণ জিজ্ঞেস করলে তিনি পুরো ঘটনা খুলে বলেন। সবকিছু শেনার পর ‘উমার (রা) বলেন : আপনার স্থানে আবার আপনি ফিরে যান। এ যদীন আপনার মত লোকদের জন্য ঠিক আছে। আপনিও আপনার মত লোকেরা যেখানে নেই আল্লাহ সেই স্থানের মঙ্গল করুন। অতঃপর তিনি আমীর মুঘাবিয়াকে (রা) একটি চিঠি লিখে জানিয়ে দেন : আমি উবাদাকে তোমার কর্তৃত্ব থেকে বাধীন করে দিলাম। (উসুদুল গাবা- ৩/১০৬) ফিলিস্তীনের বিচার বিভাগের এই পদটি সর্বপুরুষ ‘উবাদার হাতে ন্যস্ত করা হয়। ইমাম আওয়াজি বলেন : উবাদা ফিলিস্তীনের প্রথম কাজী। (উসুদুল গাবা- ৩/১০৬)

হযরত আবু ‘উবায়দাহ (রা) যখন শামের আমীর তখন তিনি ‘উবাদা ইবনুস সামিতকে হিমসে স্থীর প্রতিনিধি হিসাবে নিয়োগ করেন। এই হিমসে অবস্থানকালে তিনি লাজিকিয়া জয় করেন। এই অভিযানে তিনি এক নতুন সামরিক টেকনিক প্রয়োগ করেন। তিনি এমন সব বড় বড় গত খনন করেন যে, তার মধ্যে একজন অশারোহী তার অশসহ অতি সহজে লুকিয়ে থাকতে পারতো। (ফুতুহল বুলদান- ১৩৯)

হযরত ‘উবাদা জীবনের শেষ দিন পর্যন্ত শামে (বৃহস্তুর সিরিয়া) বসবাসরত ছিলেন। তাঁর মৃত্যুর সন ও স্থান সম্পর্কে মতভেদ আছে। হিজরী ৩৪/৬৫৪ সনে রামলা মতাস্তরে বায়তুল মাকদাসে ৭২ (বাহাতুর) বছর বয়সে মৃত্যুবরণ করেন। ইবন ‘আসাকির ‘উবাদার জীবনীতে মুঘাবিয়ার (রা) সাথে তাঁর এমন কিছু ঘটনার উল্লেখ করেছেন যাতে ধারণা হয় তিনি হযরত মুঘাবিয়ার (রা) খিলাফতকালেও জীবিত ছিলেন। এ কারণে অনেকে মনে করেছেন তিনি হিজরী ৪৫ (পঁয়তাল্লিশ) সন পর্যন্ত বেঁচে ছিলেন। ইবনুল আসীর বলেন, পূর্বের মতটিই সঠিক। (তাবাকাত- ৩/৫৪৬, আল ইসাবা- ২/২৬৯, উসুদুল গাবা- ৩/১০৭, আনসাবুল আশরাফ- ১/২৫১)

তিনি মৃত্যুর পূর্বে অসুস্থ হয়ে পড়েছেন। তাঁকে শেষ বারের মত একটু দেখার জন্য অনেকে আসা যাওয়া করছে। হযরত শান্দাদ ইবন আউসও এসেছেন কিছু লোক সংগে করে। তিনি জিজ্ঞেস করলেন : কেমন আছেন? জবাব দিলেন : আল্লাহর অনুগ্রহে তালো আছি।

মৃত্যুর পূর্ব ঘূর্তে ছেলে এসে কিছু অসীমাত করার অনুরোধ করলো। বললেন, আমাকে একটু উঠিয়ে বসাও। তারপর বললেন : বেটা, তাকদীরের ওপর দৃঢ় বিশ্বাস রাখবে, অন্যথায় ইমানে কোন কল্যাণ নেই। (মুসলাদে আহমাদ-৫/৩১৭, বুলুগুল আমানী : শরহ মুসলাদে আহমাদ-২২/২৭৬)

এই সময়ে তাঁর ছাত্র ‘সানাবিহী’ আসলেন। প্রিয় শিক্ষকের এই অন্তিম অবস্থা দেখে কাঁদতে শুরু করলে। উবাদা তাকে কাঁদতে নিষেধ করে বললেন : সর্ব অবস্থায় আমি সন্তুষ্ট। তুমি কাঁদছো কেন? যদি সাক্ষ্য দিতে বল, দিব। যদি কারও জন্য শুপারিশ করি, তোমার জন্য করবো। তারপর বললেন, আমার কাছে রাসূলুল্লাহর (সা) যত হাদীস সংরক্ষিত ছিল সবই তোমাদের কাছে পৌছে দিয়েছি। তবে একটি হাদীস অবশিষ্ট ছিল তা এখন বর্ণনা করছি। হাদীসটি কারও কাছে এ পর্যন্ত বর্ণনা করিনি। আমি রাসূলুল্লাহকে (সা) বলতে শুনেছি: যে ব্যক্তি সাক্ষ্য দিবে আল্লাহ ছাড়া আর কোন ইলাহ নেই এবং মূল্যায়ন আল্লাহর রাসূল, আল্লাহ তার জন্য জাহানামের আগুন হারাম করে দেবেন। (বুলুগুল আমানী-২২/২৭৬) হাদীসটি বর্ণনার পর পরই তিনি শেষ নিশাস ত্যাগ করেন। তখন হ্যরত উসমানের খিলাফতকাল চলছে।

তাঁকে কোথায় দাফন করা হয় সে সম্পর্কে মতভেদ আছে। ইবন সা'দ লিখেছেন, তাঁকে রামলায় দাফন করা হয়। অন্য একটি বর্ণনা মতে বায়তুল মাকদাসের পবিত্র মাটিই হচ্ছে তাঁর শেষ শয্যা এবং সেখানে তাঁর কবরটি এখনও প্রসিদ্ধ। ইমাম বুখারী তাঁর দাফন স্থল ফিলিস্তিন বলে উল্লেখ করেছেন। মূলতঃ সে সময় ফিলিস্তীন ছিল একটি প্রদেশ এবং উল্লেখিত স্থল দু'টি ছিল তার তিনি দু'টি জেলা। আল-আ'লাম' প্রত্কার যিরিকলী বলেন, তিনি শামের কিবরিসে মৃত্যুবরণ করেন। অন্যাবধি সেখানে তাঁর কবর মানুষের যিয়ারতগাহ হিসাবে বিদ্যমান। খলীফা 'উমারের (রা) পক্ষ থেকে তিনি সেখানকার ওয়ালী ছিলেন। (আ'লাম-৪/৩০)

হ্যরত 'উবাদার মরণ সন্ধ্যা যখন ঘনিয়ে আসে তিনি চাকর-বাকর, পাড়া-প্রতিবেশী, আত্মীয়-বজন সকলকে হাজির করার নির্দেশ দেন। সবাই উপস্থিত হলে বলেন : আজকের এ দিনটিই দুনিয়ায় আমার শেষ দিন, আর আগত রাতটি আমার আখিরাতের প্রথম রাত। আমার হাত বা জিহবা দিয়ে যদি তোমাদেরকে কোন রকম কষ্ট দিয়ে থাকি তোমরা এখনই তাঁর ‘কিসাস’ বা প্রতিশোধ নিয়ে নাও। আমি নিজেকে তোমাদের সামনে পেশ করছি। তাঁর বললো, আপনি আমাদের পিতা, আমাদের শিক্ষক। বর্ণনাকারী বলেন : তিনি কখনও কোন খাদেমকে খারাপ কথা বলেননি। তারপর তিনি তাঁদের অসীমাত করেন : আমি মারা গেলে কেউ কাঁদবে না। তোমরা ভালো করে অঙ্গু করে মসজিদে শিয়ে নামায পড়বে। নামায শেষে উবাদা ও তোমাদের নিজেদের জন্য দু'য়া করবে। কারণ, আল্লাহ বলেছেন : তোমরা ছবর ও সালাতের মাধ্যমে আল্লাহর সাহায্য প্রার্থনা কর (সূরা বাকারাহ-৪৫, ১৫৩)। আমাকে তোমরা খুব তাড়াতাড়ি কবর দেবো। (হায়াতুস সাহাবা- ৩/৪৬)

রাসূলুল্লাহর (সা) জীবদ্ধশায় যে পাঁচজন আনসারী ব্যক্তি সমর্থ কুরআন হিফজ (মুখস্ত) করেন 'উবাদা তাঁদের অন্যতম। তিনি ছিলেন শিক্ষিত ও সম্মানিত সাহাবীদের একজন, ইলমুল কিরয়াতে ছিল তাঁর বিশেষ পারদর্শিতা। হ্যরত রাসূলে কার্যামের (সা) জীবদ্ধশায় মদীনায় আসহাবে সুফ্ফার জন্য ইসলামের প্রথম যে মাদ্রাসাতুল কিরায়াহ প্রতিষ্ঠিত হয় তিনি ছিলেন তাঁর দায়িত্বে। অতি সম্মানিত ও মর্যাদাবান আসহাবে সুফ্ফার সাহাবীরা তাঁর কাছে

শিক্ষা নাত করেন। এই মাদ্রাসায় কুরআনের তালীমের সাথে সাথে লেখাও শিখানো হত। বহু লোক এই মাদ্রাসা থেকে কিন্নিয়াত ও লেখার তা'জীম নিয়ে বের হন। (উসুদুল গাবা-৩/১০৬, মুসনাদে আহমাদ ৫/৩১৫)

এই মাদ্রাসায় অধ্যয়নরত কোন কোন ছাত্রের থাকা যাওয়ার ব্যবস্থাও তিনি করতেন। এক ব্যক্তি তাঁর বাড়ীতে থাকতেন এবং রাতের থাবার তাঁরই সাথে থেতেন। লোকটি ফিরে যাওয়ার সময় একটি উৎকৃষ্ট ধনুক তাঁকে দান করেন। তিনি একথা রাসূলুল্লাহকে (সা) জানালেন। রাসূল (সা) তাঁকে ধনুকটি নিতে নিষেধ করলেন। (মুসনাদে আহমাদ ৫/৩২৪, হয়তুস সাহাবা-৩/২৩০) হযরত উমার তাঁকে এক সময় শামের মুসলমানদের বিশুদ্ধভাবে কুরআন শিকাদানের জন্য পাঠান।

হাদীস বর্ণনার ক্ষেত্রে তিনি কয়েকটি বিশেষ টেকনিক প্রচলন করেন। তাঁর সমসাময়িক যে সুকল সাহাবী হাদীস বর্ণনা করতেন, তাঁরা বলতেন : ‘আমি একথা রাসূলুল্লাহর (সা) নিকট থেকে শুনেছি।’ অনেকে কিছু অতিরিক্ত শব্দ ব্যবহার করতেন, যা পরবর্তীকালে হাদীস বর্ণনার একটি অংশ হিসেবে প্রতিষ্ঠিত হবে যাব। উবাদাও এমন কিছু শব্দ প্রচলন করেন। যেহেন তিনি একটি হাদীস বর্ণনা করতে গিয়ে বলেন : ‘রাসূলুল্লাহ (সা) আমার সামনাসামনি বলেন : আমি একথা বলছিলে যে, অমুক অমুক আমার কাছে এ হাদীস বর্ণনা করেছেন।’

এমনিভাবে এক সমাবেশে তিনি একটি ভাষণ দিলেন। ভাষণে একটি হাদীস বর্ণনা করলে শ্রোতাদের মধ্য থেকে হযরত মুয়াবিয়া (রা) হাদীসটির সত্যতা সম্পর্কে একটু সন্দেহ প্রকাশ করেন। উবাদা তখন বলেন : ‘আমি সাক্ষ্য দিছি রাসূলুল্লাহ (সা) নিকট থেকে আমি একথা শুনেছি।’

তিনি সর্ব অবস্থায় সরকল স্থানে রাসূলুল্লাহ (সা) হাদীস বর্ণনা করতেন। ওয়াজমাহফিল, জ্ঞান চৰ্চার বৈঠক, এমনকি কখনও গীর্জায় গেলে সেখানেও রাসূলুল্লাহ (সা) পরিত্র বাণী ইস্মায়ীদের কানে পৌছিয়ে দিতেন।

হযরত ‘উবাদা’ থেকে বর্ণিত হাদীসের সংখ্যা প্রায় ১৮১ (একশো একশি)। তাঁর মধ্যে ছয়টি মুভাফিক আলাইছি। (আল-আ’লাম ৪/৩০) অনেক বড় বড় সাহাবী এবং তাবে’ঈ তাঁর নিকট থেকে এসব হাদীস বর্ণনা করেছেন। সাহাবীদের মধ্যে আনাস ইবন মালিক, জাবির ইবন আবদিল্লাহ, আবু উমামা, ছালামা ইবন মাহবাক, মাহমুদ ইবন রাবী মিকদাম ইবন মা’দিকারব, রাফায়া ইবন রাফে, আউস ইবন আবদিল্লাহ আস-সাকাফী, প্ররাহবীল ইবন হাসানা প্রমুখ এবং তাবে’ঈদের মধ্যে আবদুর রহমান ইবন উসায়লা সানালজী, হিত্তান ইবন আবদিল্লাহ রাক্কানী, আবুল আশ’য়াস সাগানী, জুবাইর ইবন নাদীর, জুনাদাহ ইবন আবী উমাইয়া, আসওয়াদ ইবন সা’লাবা, আতা ইবন আবী ইয়াসার, আবু মুসলিম যাওলানী, আবু ইদরীস যাওলানী বিশেষ উল্লেখযোগ্য। (উসুদুল গাবা-৩/১০৬) ফিলাহ শান্ত্রেও তিনি ছিলেন সুপ্রতিতি। সাহাবায়ে কিরাম তাঁর এ পাতিত্যের সম্মান করতেন। খালিদ ইবন মা’দান বলেন : ‘শামে রাসূলুল্লাহ (সা) সাহাবীদের মধ্যে উবাদা ও শান্দাদ ইবন আউস অপেক্ষা অধিকতর বড় কোন ফকীহ এবং বিশ্বস্ত ব্যক্তি আর কেউ নেই।’ (হয়তুস সাহাবা-৩/৮২)

হযরত মুয়াবিয়া (রা) একটি ভাষণে আমওয়াসের প্রেগের কথা উল্লেখ করেন। তিনি বলেন, এ ব্যাপারে আমার উবাদার সাথে আলোচনা হয়েছে। তবে তিনি যা বলেছেন তাই সঠিক। তোমরা তাঁর থেকে ফায়দা হাসিল কর। কারণ, তিনি আমার চেয়েও বড় ফকীহ।

জুনাদাহ যান উবাদার সাথে সাক্ষাৎ করতে, তারপর তিনি বর্ণনা করেন, উবাদা আল্লাহর দীনের তত্ত্বজ্ঞান হাসিল করেছেন। (আল-ইসাবা-২/২৬৮, সীয়ারে আনসার ২/৫৬)

শাসকের মুখ্যমূল্যী হক কথা বলা ছিল তাঁর চরিত্রের অন্যতম বৈশিষ্ট্য। তিনি অতি উৎসাহের সাথে এ দায়িত্ব পালন করতেন। শামে গিয়ে দেখেন, সেখানে ক্রয়-বিক্রয়ে শরীয়তের বিধি-নিষেধ লঙ্ঘিত হচ্ছে। তিনি এমন এক জ্ঞানাময়ী ভাষণ দেন যে, গোটা সমাবেশে দারুণ চাক্ষুল্যের সৃষ্টি হয়। সেই সমাবেশে হযরত মুয়াবিয়াও উপস্থিত হিলেন। তিনি বলে উঠেন, হযরত রাসূলে কারীয় (সা) উবাদাকে একথা বলেননি। তখন 'উবাদার ইমানী জোশ তীব্র আকার ধারণ করেন। তিনি বলেন, মুয়াবিয়ার সাথে থাকার কোন ইচ্ছা আমার নেই। আমি সাক্ষ্য দিছি, রাসূলগুলাহ (সা) একথা আমাকে বলেছিলেন। (উসুদুল গাবা-৩/১০৭, (মুসনাদে আহমাদ- ৫/৩১৯)

উপরোক্ত ঘটনাটি ছিল হযরত উমারের (রা) খিলাফত কালের। তবে খলীফা উসমানের (রা) যুগে আমীর মুয়াবিয়া (রা) খলীফার দরবারে লেখেন : উবাদা গোটা শামের অবস্থা বিপর্যস্ত করে ভুলেছে। হয় আপনি তাঁকে মদীনায় ডেকে পাঠান, নয়তো আমিই শাম ছেড়ে চলে আসবো। জবাবে আমীরল্ল মু'বিনীন তাঁকে মদীনায় পাঠিয়ে দিতে বলেন। খলীফার নির্দেশের পর উবাদা শাম থেকে সোজা মদীনায় চলে যান। তিনি যখন খলীফার নিকট পৌছেন তখন তিনি একজন মুহাজির ব্যক্তির সাথে কথা বলছিলেন। খলীফার ঘরের বাইরে তখন বহু লোক সমবেত ছিল। ডেতের প্রবেশ করে তিনি এক কোণায় চূপ করে বসে পড়েন। খলীফা দৃষ্টি উঠাতেই তাঁকে দেখতে পান। তিনি প্রশ্ন করেন, কি ব্যাপার? সাথে সাথে তিনি দাঁড়িয়ে সমবেত লোকদের উদ্দেশ্যে বলতে শুরু করেন : রাসূলগুলাহ (সা) বলেছেন, আমার পরে শাসকরা তালোকে মন্তে এবং মন্দকে তালোতে পরিণত করবে। কিন্তু অন্যায় কাজে আনুগত্য সিদ্ধ নয়। তোমরা কখনও পাপ কাজে লিঙ্গ হবে না। (মুসনাদে আহমাদ- ৫/৩১৯) তাঁর কথার মাঝখালে হযরত আবু হুরাইরা (রা) কিছু বলার চেষ্টা করেন। উবাদা গর্জে উঠে বলেন : রাসূলগুলাহ (সা) হাতে আমরা যখন বাই'য়াত করি তোমরা তখন ছিলে না। (সুতরাং অথবা নাক গলাবে না) আমরা রাসূলগুলাহ (সা) হাতে এই শর্তাবলীর শুরু বাই'য়াত করি যে, সর্ব অবস্থায় আমরা তাঁর কথা মানবো, সচ্ছলতা ও অসচ্ছলতা উভয় অবস্থায় আর্থিক সাহায্য দান করবো। মানুষকে তালো কাজের আদেশ দেব এবং খারাপ কাজ থেকে বিরত রাখবো। সত্যকথা বলতে কারণও তয় করবো না। রাসূলগুলাহ (সা) ইয়াসিরিবে আসলে তাঁকে সাহায্য করবো। আমাদের জীবন, ধন-সম্পদ ও সন্তান-সন্তির মত তাঁর রক্ষণাবেক্ষণ করবো। আর আল্লাহর ব্যাপারে কোন নিম্নুকের নিম্নার কোন পরোয়া করবো না। আমাদেরকে জানাতের আকারে এ সকল কাজের প্রতিদিন দেওয়া হবে। পরিপূর্ণ রূপে এ সব অঙ্গীকার পালন করা আমাদের কর্তব্য। আর কেউ পালন না করলে সেজন্য সেই জিম্মাদার। (আনসাবুল আশরাফ-১/২৫৩, মুসনাদে আহমাদ- ৫/৩২৫, ইমাম বুখারী ও ইমাম মুসলিমও হাদীসটি বর্ণনা করেছেন।)

হযরত 'উবাদা আমর বিল মা'রফের দায়িত্ব সর্বক্ষণ, এমনকি পথ চলতে চলতেও পালন করতেন। একবার কোথাও যাচ্ছেন। দেখলেন, আবদুল্লাহ ইবন আব্বাদ যারকী পায়ী শিকার করছেন। তাঁর হাত থেকে পায়ী ছিনিয়ে নিয়ে শূন্যে উড়িয়ে দেন। তাঁকে বলেন এ হানটি হারামের অস্তর্ভুক্ত, এখানে শিকার নিষিদ্ধ। (মুসনাদে আহমাদ- ৫/৩১৭)

হযরত রাসূলে কারীমের (সা) প্রতি উবাদার ছিল তীব্র তালোবাসা। প্রথম দফা সাক্ষাতের

পর আরও দু'বার মঢ়ায় গিয়ে তাঁর সাথে সাক্ষাৎ করে বাইয়াত করে আসেন। হযরত রাসূলে  
কারীমের (সা) মদীনায় আসার পর এমন কোন ঘটনা বা যুদ্ধ পাওয়া যায়না যাতে  
যোগদানের সৌভাগ্য থেকে তিনি বঞ্চিত হয়েছেন। এ কারণে তিনিও রাসূলুল্লাহর (সা) অতি  
প্রিয় পাত্র ছিলেন। একবার তিনি রোগাক্রান্ত হলে রাসূল (সা) তাঁকে দেখতে আসেন।  
আনসারদের কিছু লোকও সংগে ছিল। রাসূল (সা) জিজ্ঞেস করলেন : তোমরা কি জান  
শহীদ কে ? সবাই চুপ করে রইল। উবাদা স্ত্রীকে বলেন, আমাকে একটু বালিশে ঠেস দিয়ে  
বসিয়ে দাও। বসার পর তিনি রাসূলুল্লাহর (সা) প্রশ্নের জবাব দিলেন : যে ব্যক্তি ইসলাম  
প্রহণ করার পর হিজরাত করে, অতঃপর যুদ্ধে নিহত হয়। রাসূল (সা) বললেন, না। এমনটি  
হলে তো শহীদদের সংখ্যা খুবই কম হবে। নিহত হওয়া, কলেরা বা পানিতে ডুবে মারা  
যাওয়া এবং মেয়েদের সন্তান প্রসবকালীন মৃত্যুবরণ- এ সবই শাহাদাতের মধ্যে গণ্য হবে।  
(মুসনাদে আহমাদ- ৫/৩১৭) তিনি যতদিন অসুস্থ ছিলেন রাসূল (সা) সকাল-সন্ধিয়া তাঁকে  
দেখতে যেতেন। এ অবস্থায় তাঁকে একটি দু'আ শিখিয়ে দিয়ে বলেন, এটা জিবরাইল  
আমাকে শিখিয়ে দিয়েছেন। (মুসনাদে আহমাদ- ৫/৩২৩)

হযরত উবাদার স্ত্রী সম্পর্কে হায়াতুস সাহাবা গ্রহে একটি বর্ণনা দেখা যায়। একদিন  
রাসূলুল্লাহ (সা) মিলহানের মেয়ের কাছে গিয়ে কিছুতে ঠেস দিয়ে বসলেন। তারপর হেসে  
উঠলেন। সে হাসির কারণ জিজ্ঞেস করলে তিনি বললেন, আমার উমাতের কিছু লোক  
আল্লাহর রাস্তায় সাগর পাড়ি দেবে। সে আরজ করলো, ইয়া রাসূলুল্লাহ, আমার জন্য দোয়া  
করুন আমিও যেন তাদেরই একজন হতে পারি। রাসূল (সা) দু'আ করলেন, হে আল্লাহ,  
তুমি তাকে তাদেরই একজন করে দাও। তারপর আবার তিনি হেসে উঠলেন। সে আবার  
জিজ্ঞেস করলে একই জবাব দিলেন। এবারও সে পূর্বের মত দু'আর আবেদন করলো। এবার  
তিনি বললেন, তুমি তাদের প্রথম দিকের লোক হবে, তবে শেষ দিকের নও। আনস বলেন,  
এই মহিলাকে উবাদা বিয়ে করেন। পরবর্তীকালে মুয়াবিয়া ইবন আবী সুফিয়ানের স্ত্রী  
কারাভার সাথে যুদ্ধের উদ্দেশ্যে সমুদ্র পাড়ি দেন। তারপর বাহনের পিঠ থেকে পড়ে গিয়ে  
মৃত্যুবরণ করেন। (হায়াতুস সাহাবা- ১/৫৯২)

উসমান ইবন সাওদো বলেন, আমি উবাদা ইবনুস সামিতকে দেখলাম, উয়াদী  
জাহানামের মসজিদের দেওয়ালে বুক টেকিয়ে কাঁদছেন। আমি বললাম, আবুল উয়ালীদ,  
আপনি এভাবে কাঁদছেন কেন ? তিনি জবাব দিলেন, এটা সেই স্থান, যেখানে রাসূলুল্লাহ (সা)  
জাহানাম দেখতে পেয়েছেন বলে আমাদেরকে বলেছেন। (হায়াতুস সাহাবা- ২/৬২৬)

হযরত সুফিয়ান ইবন উয়াইনা অতি অল্প কথায় হযরত উবাদার (রা) পরিচয় ও মর্যাদা  
তুলে ধরেছেন এভাবে :

উবাদা আকাবী, উহদী, বদরী, শাজারী, উপরন্তু তিনি নাকীব।” (বুলুগুল আমানীঃ শরহ  
মুসনাদে আহমাদ- ২২/২৭৫) হ্যা, প্রকৃতই তিনি ছিলেন, বাইয়াতুল আকাবার একজন  
সদস্য, বদর-উহদের যোদ্ধা। বায়য়াতুশ শাজারা তথা বাইয়াতুর রিদওয়ান- যা হৃদাইবিয়ার  
সঙ্গির সময় অনুষ্ঠিত হয়- এরও অন্যতম সদস্য। উপরন্তু তিনি ছিলেন মদীনার দ্বাদশ  
নাকীবের একজন।

# জাবির ইবন আবদুল্লাহ (রা)

নাম জাবির, কুনিয়াত বা ডাকনামের ব্যাপারে মতভেদ আছে। যথা : আবু 'আবদুল্লাহ, আবু 'আবদির রহমান, ও আবু মুহাম্মাদ। ইবনুল আসীর প্রথমটি অধিকতর সঠিক বলে মনে করেছেন। (উসুদুল গাবা-১/২৫৭, আল-ইসাবা-১/২১৩, তাহজীবুল আসমা ওয়া আল-দুগাত-১/১৪৪) পিতা 'আবদুল্লাহ ইবন 'আমর এবং মাতা নাসীবা বিনতু উকবা। তাঁর বৎশের উর্ধ্বতন পুরুষ হারাম ইবন কা'ব-এর মাধ্যমে পিতা-মাতা উভয়ের বংশ একত্রে মিলিত হয়েছে। জাবিরের পিতৃবৎশের উর্ধ্বতন পুরুষ সালামা-র বংশধরণ মদীনার হারামা ও মসজিদে কিবলাতাইন পর্যন্ত বিস্তৃত ছিল। তবে তাঁর নিজ গোত্র বনু হারামের বসতি ছিল কবরস্তান ও ছেট্ট একটি মসজিদের মধ্যবর্তী স্থানে। তাঁর পিতা 'আবদুল্লাহ ইবন আমর ছিলেন শেষ 'আকাবায় মনোনীত অন্যতম 'নাকীব'। (তাবাকাত-৩/৬২০, ৬৬১, উসুদুল গাবা-১/২৫৬)

জাবিরের দাদা 'আমর ছিলেন তাঁর খান্দানের রায়িস বা নেতা। 'আয়নুল আরযাক' নামক যে কুয়োটি শারওয়ান ইবন হাকাম হযরত মু'য়াবিয়ার (রা) খিলাফতকালে সংস্কার করেন, সেটা ছিল তাঁরই মালিকানায়। বনু সালামার কয়েকটি দুর্গ ছাড়াও জাবির ইবন 'আতীকের নিকটবর্তী আরও কয়েকটি দুর্গ তাঁরই অধীনে ছিল। 'আমরের মৃত্যুর পর এ সকল সম্পদের মালিক হন তাঁর পুত্র 'আবদুল্লাহ। এই 'আবদুল্লাহর পুত্র জাবির চৌধুরি (৩৪) 'আয়ুল ফীল (হাতীর বছর) মৃত্যবিক ৬১১ মতান্তরে ৬০৭ খৃষ্টাব্দে মদীনায় জন্মগ্রহণ করেন। (আল-আ'লাম-২/৯২, সীয়ারে আনসার-১/২৯৪)

সর্বশেষ 'আকাবার বাই'য়াতে পিতা 'আবদুল্লাহর সাথে জাবিরও অংশগ্রহণ করেন। হতে পারে, তিনি এই বাই'য়াতের সময় অথবা এর পূর্বেই মদীনায় মুসলিম ইবন 'উমাইরের হাতে ইসলাম গ্রহণ করেন। বাই'য়াতের পর রাসূল (সা) তাঁর পিতাকে বনু সালামা-র নাকীব বা দায়িত্বশীল মনোনীত করেন। জাবির বলেন, আমি ছিলাম এই 'আকাবার কনিষ্ঠতম ব্যক্তি। ইবন সা'দের বর্ণনামতে এই সময় তাঁর বয়স ছিল ১৮ অথবা উনিশ বছর। ইবনুল আসীর বলেন, জাবির তখন একজন বালকমাত্র। (আনসাবুল আশরাফ-১/২৪৮, ২৪৯, ২৫২, তাবাকাত-৩/৫৬১, উসুদুল গাবা-১/২৫৭, তাবাকাত আল-মাশাহীর ওয়া আল-আ'লাম-১/১৮১)

জাবির বদর ও উহুদ যুদ্ধ ছাড়া আর সকল যুদ্ধে রাসূলুল্লাহর (সা) সাথে যোগদান করেন। বদর ও উহুদে তাঁর যোগদানের ব্যাপারে সীরাত বিশেষজ্ঞদের মতভেদ আছে। ইবন 'আসাকির তাঁর তারীখে একটি বর্ণনা সংকলন করেছেন। জাবির বলতেন, আমি বদরের দিন আমার পিতার জন্য অঙ্গলি তরে পানি নিয়েছিলাম। মুহাম্মাদ ইবন সা'দ বলেন, আমি মুহাম্মাদ ইবন উমারকে এই বর্ণনাটি শুনালাম। তিনি বললেন, এটা ইরাকীদের একটি ভিত্তিহীন ধারণা

মাত্র। তিনি বদরে জাবিরের অংশগ্রহণের কথা অস্বীকার করলেন। তাছাড়া জাবির নিজেই বলতেন, আমি বদর ও উহুদে অংশগ্রহণ করিনি। আমার পিতা আমাকে বিরত রেখেছেন। এই দুইটি ছাড়া আর কোন যুদ্ধ থেকে কক্ষণও আমি পেছনে থাকিনি। (তারীখু ইবন ‘আসাকির-৩/৩৮৬, উসুদুল গাবা-১/২৫৭, তাহজীবুল আসমা ওয়া আল-লুগাত-১/১৪৩, তাজকিরাতুল হফ্ফাজ-১৪৩)

জাবির উহুদ যুদ্ধে যোগদান করেননি। তিনি কেন যোগদান করেননি তাঁর কারণ এই বর্ণনার মধ্যে পাওয়া যায়। ইবন হিশাম বললেন : ‘হামরা-উল-আসাদ’ মদীনা থেকে ৮/৯ মাইল দূরে অবস্থিত একটি স্থান। কুরাইশরা উহুদ থেকে সরে গিয়ে সেখানে সমবেত হয়। এটা ছিল হিজরী ৩ সালের আট অথবা নয় শাওয়ালের ঘটনা। রাসূল (সা) এ খবর পেয়ে ঘোষণা দিলেন : উহুদে যারা অংশগ্রহণ করেছিলে তারা ছাড়া আর সবাই শক্তদের খৌজে বের হয়ে পড়। লোকেরা, এমনকি উহুদের আহতরাও বের হয়ে পড়লো। সংখ্যায় তারা অনেক হয়ে গেল। জাবির রাসূলুল্লাহর (সা) খিদমতে হাজির হয়ে ‘আরজ করলেন : ইয়া রাসূলুল্লাহ ! গতকাল আমি জিহাদে যোগদান থেকে বন্ধিত হয়েছি। আমার পিতা আমাকে বিরত রেখেছিলেন। তিনি আমাকে আমার সাতটি বোনের তদারকিতে রেখে যান। তিনি আমাকে বললেন : ‘বেটা, কোন পুরুষ লোক তাদের কাছে থাকবে না, এমন অবস্থায় তাদের রেখে যাওয়া তোমার ও আমার উচিত হবে না। আর আমি রাসূলুল্লাহর (সা) সাথে জিহাদে যাওয়ার ব্যাপারে আমার নিজের ওপর তোমাকে অগ্রাধিকার দিতে পারিনে।’ জাবির বলেন, অতঃপর রাসূল (সা) আমাকে যুদ্ধে বের হওয়ার অনুমতি দান করেন। (আনসাবুল আশরাফ-১/৩৩৮, সীরাতু ইবন হিশাম-২/২০৭) বদর ও উহুদ ছাড়া তিনি কতগুলি যুদ্ধে রাসূলুল্লাহর (সা) সাথে যোগ দেন সে ব্যাপারে ঐতিহাসিকদের মতভেদ আছে। কোন বর্ণনায় উনিশটি, কোন বর্ণনায় আঠাত্রোটি, আবার কোন বর্ণনায় সতেরোটি যুদ্ধে তিনি রাসূলুল্লাহর (সা) সাথে যোগ দেন বলে জানা যায়। (আল-আ’লাম-২/৯২, উসুদুল গাবা-১/২৫৭, আল-ইসাবা-১/৩১৩, তাহজীবুল আসমা-১/১৪৩)

জাবিরের পিতা ‘আবদুল্লাহ উহুদ যুদ্ধে যোগ দেন এবং শহীদ হন। জাবির বলেন, উহুদ যুদ্ধের আগের রাতে আমার পিতা আমাকে ডেকে বললেন, রাসূলুল্লাহর (সা) সাহাবীদের মধ্যে যারা প্রথম দিকে শহীদ হবে, আমি নিজেকে তাঁদের কাতারেই দেখতে চাই। রাসূলুল্লাহর (সা) পরে একমাত্র তুমি ছাড়া অধিকতর প্রিয় আর কাউকে আমি রেখে যাচ্ছিনে। আমার কিছু দেনা আছে, তুমি তা পরিশোধ করে দেবে। আর তোমার বোনদের সাথে তালো আচরণের উপদেশ দিচ্ছি। জাবির বলেন, সকাল হলো, আমার পিতা হলেন প্রথম শহীদ। (হায়াতুস সাহাবা-৩/৫৯৩) সুফইয়ান ইবন ‘আবদি শায়স আস-সুলামী নামক এক কাফির জাবিরের পিতা আবদুল্লাহকে হত্যা করে তাঁর অঙ্গ-প্রত্যঙ্গ কেটে বিকৃত করে ফেলে। এই কাফিরে দেহের বিচ্ছিন্ন অঙ্গ একটি কাপড়ে সঞ্চাহ করা হয়। জাবির লাশ দেখতে চাইলে লোকেরা তাঁকে নিষেধ করে; কিন্তু রাসূল (সা) অনুমতি দান করেন। তাঁর ফুফু পাশেই দাঁড়িয়ে ছিলেন। ভাইয়ের এ দৃশ্য দেখে তিনি চিৎকার দিয়ে উঠেন। রাসূল (সা) জিজ্ঞেস করেন, কে ? লোকেরা বললো, ‘আবদুল্লাহর বোন। তিনি বললেন : তোমরা কাঁদ বা

না কৌদ, যতক্ষণ লাশ না উঠাবে ফিরিশতারা ডানা দিয়ে ছায়া দিতে থাকবে।  
(মুসলিম-২/৩৪৬, বুখারী-২/৫৮৪, তাবাকাত-৩/৫৬১)

জাবিরের বোনেরা তাদের পিতার লাশ উহদ থেকে নেওয়ার জন্য একটি উট পাঠায়। তারা ইচ্ছা করেছিল, বনু সালামার গোরস্তানে তাদের পিতাকে দাফন করবে। জাবির পিতার লাশ নেওয়ার জন্য প্রস্তুত হচ্ছেন।— এ কথা রাসূল (সা) জানতে পেয়ে বললেন : তাঁর অন্য সব শহীদ ভাইকে যেখানে দাফন করা হয়েছে তাকেও সেখানে দাফন করা হবে। এতাবে উহদের অন্যান্য শহীদের সাথে তাঁকেও উহদের প্রান্তরে দাফন করা হয়। (তাবাকাত-৩/৫৬২)

একটি বর্ণনায় এসেছে, জাবির বললেন : আমার পিতা উহদে শহীদ হওয়ার খবর পেয়ে আমি আসলাম। লাশটি কাপড় দিয়ে ঢাকা ছিল। আমি কাপড় সরিয়ে তাঁর মুখে চুম্ব দিতে লাগলাম। রাসূল (সা) দেখেছিলেন কিন্তু নিষেধ করেননি। (তাবাকাত-৩/৫৬১) তিনি আরও বলেন : আমি কৌদছিলাম। রাসূল (সা) আমাকে বললেন, তুমি কৌদছো কেন? আয়শা তোমার মা ও আমি বাবা হই, তাতে কি তুমি খুশী নও? এ কথা বলে তিনি আমার মাথায় হাত ঘষে দেন। আজ মাথার সব চুল সাদা হয়ে গেলেও যেখানে রাসূলের (সা) হাতের স্পর্শ লেগেছিল সেখানে কালো আছে। (তারীখ ইবন 'আসাকির-৩/৩৮৬)

জাবির তাঁর পিতার লাশ দাফনের ব্যাপারে বললেন : আমি অন্য একজন শহীদের সাথে এক কবরে তাঁকে দাফন করলাম। কিন্তু তাতে আমার মন তুষ্ট হলো না। ছয় মাস পর কবর খুড়ে লাশটি বের করলাম। দেখা গেল একমাত্র কান ছাড়া মাটি লাশ মোটেই স্পর্শ করেনি। লাশটি এমন অবিকৃত অবস্থায় আছে যেন আজই দাফন করা হয়েছে। (তাবাকাত-৩/৫৬২, তাহজীবুল আসমা-১/১৪৩, হায়াতুস সাহাবা-৩/৫৯২)

জাবির বললেন : এর চল্লিশ বছর পর মু'য়াবিয়া যখন উহদে কুপ খনন করায় তখন সেখানে সমাহিত কতিপয় শহীদের সাথে আমার পিতার লাশটিও উঠে আসে এবং তা সম্পূর্ণ অবিকৃত অবস্থায় ছিল। (হায়াতুস সাহাবা-৩/৫৯৩) একটি বর্ণনায় এসেছে, উহদে জাবিরের পিতা শহীদ হলে আল্লাহ তাঁকে জীবিত করে জিজেস করেন : 'আবদুল্লাহ, তুমি কি চাও?' তিনি বললেন, আমি দুনিয়ায় ফিরে যেতে চাই এবং আবার শহীদ হতে চাই। (তাহজীবুল আসমা-১/১৪৩)

জাবিরের পিতা ছিলেন একজন ঝণগ্রস্ত মানুষ। তাঁর মৃত্যুর পর জাবির এই সব ঝণ নিয়ে বিপক্ষে পড়লেন। কিভাবে তা পরিশোধ করবেন, এই চিত্তায় অস্থির হয়ে উঠলেন। সম্পদের মধ্যে মাত্র দুইটি বাগিচা। তার সব ফলও ঝণ পরিশোধের জন্য যথেষ্ট নয়। তিনি রাসূলুল্লাহর (সা) নিকট ছুটে গেলেন এবং পাওনাদার ইহুদীদের ডেকে কিছু মওকুফ করিয়ে দেওয়ার আবেদন করেন। রাসূল (সা) পাওনাদারদের ডেকে জাবিরের বক্তব্য পেশ করলেন। যেহেতু তারা ছিল ইহুদী, তাই তারা রাসূলুল্লাহর (সা) আবেদনে সাড়া দিলনা। তিনি তাদেরকে অর্ধেক করে দুই বছরে দুইটি কিস্তিতে গ্রহণের অনুরোধ জানালেন। তারা তাতেও রাজী হলো না। তখন তিনি জাবিরকে বললেন, আমি অমুক দিন তোমার বাড়ীতে যাব। তিনি নির্ধারিত দিনে উপস্থিত হলেন এবং অজু করে দুই রাকায়াত নামায আদায় করলেন। তারপর তাবুতে এসে স্থির হয়ে বসলেন। কিছুক্ষণের মধ্যে আবু বকর ও উমার উপস্থিত হলেন। রাসূল (সা) যেজুর সূপ করে তাগ করার নির্দেশ দিলেন এবং তিনি একটি সূপের ওপর উঠে বসলেন। জাবির

ভাগ শুরু করলেন, আর রাসূল (সা) বসলেন দু'আ করতে। আল্লাহর ইচ্ছায় ঝণ পরিশোধের পরেও অনেক অবশিষ্ট থেকে গেল। জাবির খুব খুশী হয়ে রাসূলাল্লাহর (সা) নিকট এসে বললেন, ঝণ পরিশোধ হয়েছে এবং এত পরিমাণ অবশিষ্ট আছে। রাসূল (সা) আল্লাহ পাকের শুকরিয়া আদায় করেন। আবু বকর ও উমার (রা) দুইজনই খুব খুশী হলেন। (বুলুগুল আমানী মিন আসরারি ফাতহির রাবানী-২২/২০৮, ২০৯, তাবাকাত-৩/৫৬৪, হায়াতুস সাহাবা-৩/৬৩১)

হিজরী পঞ্চম সনে ‘জাতুর রম্কা’ যুদ্ধে জাবির যোগ দেন। তিনি একটি উৎকৃষ্ট উটের ওপর সাওয়ার ছিলেন। চলতে চলতে উটটি হঠাৎ থেমে যায়। জাবির তাকে উঠিয়ে চালাবার চেষ্টা করছেন, এমন সময় পেছন থেকে রাসূলাল্লাহর (সা) কঠুন্দ তেসে এল : জাবির কী হয়েছে? বললেন, উট চলছে না। রাসূল (সা) নিকটে এসে উটের গায়ে চাবুকের একটি ঘা মারেন। সাথে সাথে উটটি দ্রুত চলতে থাকে এবং সবার আগে চলে যায়। অন্য একটি বর্ণনায় এসেছে, এই সফরে এক অঙ্কাকার রাতে জাবিরের উটটি হারিয়ে যায়। জাবির রাসূলাল্লাহর (সা) পাশ দিয়ে উটের পেঁজে যাচ্ছেন। রাসূল (সা) জিজ্ঞেস করলেন, কী হয়েছে? বললেন, উট হারিয়ে গেছে। রাসূল (সা) বললেন : এই যে, এই দিকে তোমার উট, যাও নিয়ে এস। জাবির দৌড়ালেন সেই দিকে; কিন্তু বহু খোঁজাখুজির পরও না পেয়ে ফিরে এসে বললেন : ইয়া রাসূলাল্লাহ (সা) পেলাম না। রাসূল (সা) দ্বিতীয় ও তৃতীয় বার একই কথা বললেন এবং জাবিরও প্রত্যেক বারই ফিরে আসলেন। অবশেষে রাসূল (সা) জাবিরকে হাত ধরে উটের কাছে নিয়ে গেলেন এবং উটটি ধরে জাবিরকে বললেন, এই ধর তোমার উট। ইত্যবসরে কাফিলার লোকেরা অনেক দূর চলে গিয়েছিল। জাবির তাঁর উটের ওপর সাওয়ার হতেই উটটি এত দ্রুত গতিতে চললো যে, সবার আগে পৌছে গেল। রাসূল (সা) জাবিরের নিকট থেকে উটটি খরীদ করার প্রস্তাব করেন। জাবির মূল্য ছাড়াই বিক্রি করতে রাজী হন। রাসূল (সা) বললেন, না তা হবে না, মূল্য তোমাকে নিতে হবে এবং মদীনা পর্যন্ত এর ওপর সাওয়ার হয়ে যাবে। এ ভাবে পথে উট কেনা বেচা হয়ে গেল। মদীনা পৌছে জাবির উট নিয়ে রাসূলাল্লাহর (সা) দরযায় হাজির হলেন। রাসূল (সা) উটটি ঘুরে ঘুরে দেখলেন আর বললেনঃ খুব সুন্দর। তারপর বিলালকে ডেকে নির্দেশ দিলেন, এক উকিয়া সোনা ওজন করে দাও এবং একটু বেশী দাও। অতঃপর রাসূল (সা) জাবিরকে জিজ্ঞেস করলেন, তিনি উটের দাম পেয়েছেন কিনা। জাবির বললেন, হাঁ, পেয়েছি। তখন রাসূল (সা) জাবিরের হাতে উটটি তুলে দিয়ে বললেনঃ এই উট ও মূল্য দুইটিই নিয়ে যাও, সবই তোমার। জাবির খুব খুশী মনে উটসহ বাড়ী ফেরেন এবং ফুরুকে বলেন, দেখুন রাসূল (সা) আমাকে এক উকিয়া সোনা এবং উটটিও দান করেছেন। (বুলুগুল আমানী মিন আসরারি ফাতহির রাবানী-২২/২০৯, ২১০)

উপরোক্ত উটের ঘটনাটি বিভিন্ন বর্ণনায় তিনি রকম বর্ণিত হয়েছে। ইবন 'আসাকির তাঁর তারীখে উট কেনা বেচার ঘটনাটি জাবির থেকে এতাবে বর্ণনা করেছেন : রাসূল (সা) বললেন, “জাবির এই উটটি আমার নিকট বিক্রি করবে?

-হাঁ, করবো।

-কত দামে?

- এক দিরহামে।
- এক দিরহামে একটি উট কেনা যায়?
- তাহলে দুই দিরহামে।
- না, আমি চল্লিশ দিরহামে তোমার উটটি কিনলাম এবং আল্লাহর রাস্তায় তোমাকে আমি ওর পিঠে ঢাকবো। তারপর পূর্বে উল্লেখিতভাবে মদীনায় পৌছে উট কেনা-বেচার বাকী কাজ সম্পন্ন হয়। (তারীখু ইবন 'আসাকির- ৩/৩৮৭)।

মূল্যের অতিরিক্ত যে অর্থ জাবিরকে দেওয়া হয় তা ছিল রাসূলুল্লাহ (সা) দান। এ কারণে জাবির সেই অর্থ তিনি একটি থলিতে ভরে ঘরে ফিঙ্গতে রেখে দেন। হাররা-র ঘটনার দিন শামবাসীরা তাঁর বাড়ীতে হামলা চালিয়ে অন্যান্য জিনিসের সাথে সেই থলিটিও লুট করে নিয়ে যায়। (মুসনাদ- ৩/৩০৮, সীরাতু ইবন হিশাম- ২/২০৬, ২০৭)

উল্লেখ্য যে, ইয়ায়ীদ ইবন মু'য়াবিয়ার শাসন আমলে একবার মদীনায় ব্যাপক গণহত্যা ও লুটত্রাজ হয়। এই চরম সন্ত্রাসী কর্মকাণ্ডের নায়ক ছিল মুসলিম ইবন 'উকবা আল-মুররী, মদীনাবাসীরা তাকে বলতো মুসরিফ ইবন 'উকবা। এর কারণ হলো, মদীনাবাসীরা ইয়ায়ীদ ইবন মু'য়াবিয়াকে খলীফা বলে মেনে নিতে অবীকৃতি জানিয়ে তাঁর নিয়োগকৃত গভর্নর মারওয়ান ইবনুল হাকামকে মদীনা থেকে তাড়িয়ে দেয় এবং তাঁর স্থলে 'আবদুল্লাহ ইবন হানজালাকে নিজেদের আমীর মনোনীত করে। অবশ্য এ কাজের সাথে সে সময়ে জীবিত কোন বিশিষ্ট সাহাবী একমত ছিলেন না।

হযরত জাবির তখন অঙ্গ। তিনি মদীনার রাস্তাধাটে বেড়াতেন, তাঁরই সামনে বাড়ী-ঘর লুট হতো ও সন্ত্রাসী কাজ চলতো। তিনি মৃতদেহের সাথে হোচ্চ খেতেন, আর বলতেন যারা রাসূলুল্লাহকে (সা) তয় দেখাচ্ছে, তাদের জন্য ধ্রংস। মূলতঃ তিনি রাসূলুল্লাহর (সা) এই বাণীর প্রতি ইঙ্গিত করতেন : 'যে মদীনাকে তয় দেখাবে প্রকৃতপক্ষে সে আমার দুই পার্শ্বদেশের মধ্যে যা আছে তাকেই তয় দেখাবে।' সন্ত্রাসীরা তাঁকে হত্যার জন্য ধরে নিয়ে যায়। তবে মারওয়ান নিজে তাঁকে নিরাপত্তা দান করে নিজ বাড়ীতে আশ্রয় দেন। (সীরাতু ইবন হিশাম- ২/২০৭, টীকা নঁ ৫)

জাবির বলেন, রাসূলুল্লাহর (সা) দানকৃত উটটি আমার নিকট খলীফা 'উমারের খিলাফতকাল পর্যন্ত ছিল। তিনি সেটা আমার নিকট থেকে নিয়ে সাদাকার উটের সাথে দিয়ে তাকে ভালো খাবার ও সুস্বাদু পানি দেওয়ার নির্দেশ দান করেন। (তারীখু ইবন আসাকির- ৩/৩৮৭)

'জাতুর রুক্মা' যদের পর হিজরী পঞ্চম সনেই খন্দকের যুদ্ধ হয়। জাবির বলেন, আমরা খন্দক খনন করছিলাম। এক সময় একটা কঠিন পাথর আমাদের সামনে পড়লো যা কোন ভাবেই আমরা কাটতে পারছিলাম না। বিষয়টি রাসূলুল্লাহ (সা)কে অবহিত করা হলো। তিনি বললেন, আমি নেমে দেখছি। রাসূল (সা) একটি বড় কুড়াল নিয়ে আঘাত করলে পাথরটি চূণ বিচূর্ণ হয়ে গেল। (হায়াতুস সাহাবা- ১/৩২০, ২/১১১)

রাসূল (সা) কুড়াল নিয়ে পাথর সরানোর জন্য যখন আসেন, জাবির তখন দেখেন ক্ষুধার জ্বালায় তিনি পেটে পাথর বেঁধে রেখেছেন। (বুখারী- ২/৫৮৮, ৭৮৯) এ দৃশ্য দেখে তিনি

রাসূলুল্লাহর (সা) নিকট থেকে অনুমতি নিয়ে বাড়ীতে যান এবং স্ত্রীকে বলেন, আজ আমি এমন এক দৃশ্য দেখেছি, যাতে ধৈর্য ধারণ করা যায় না। ঘরে কিছু থাকলে রাখা কর। তিনি ছাগলের একটি বাচ্চা জবেহ করে দিয়ে রাসূলুল্লাহর (সা) খিদমতে হাজির হয়ে আরজ করলেন, ইয়া রাসূলুল্লাহ ! আমার বাড়ীতে একটু আসুন এবং যা কিছু আছে তাই একটু থেঁয়ে নিন। রাসূলুল্লাহর (সা) বাড়ীতে তিনদিন যাবত কোন খাবার ছিল না। তিনি দাওয়াত কবুল করলেন। শুধু কবুল নয় তিনি খন্দকে কর্মরত সকলের মাঝে সাধারণ ঘোষণাও দিয়ে দিলেন যে, জাবির তোমাদের সকলকে খাবারের দাওয়াত দিয়েছে। জাবির তো শুধু রাসূল (সা) ও সেই সাথে অতিরিক্ত দুই তিন জনের খাবার প্রস্তুত করেছিলেন। রাসূলুল্লাহর (সা) এই ঘোষণা শুনে তিনি অপ্রস্তুত হয়ে পড়লেন; কিন্তু আদর ও ভদ্রতার খাতিরে চূপ থাকলেন। রাসূল (সা) খন্দকবাসীদের সংগে করে জাবিরের বাড়ীতে পৌছালেন এবং সেই প্রস্তুত খাবার সকলে পেট তরে খাবার পরেও কিছু বেঁচে গেল। (বুখারী-২/৭৮৯) রাসূল (সা) জাবিরের স্ত্রীকে বললেন, বেঁচে যাওয়া খাবার তোমরা খাও এবং অন্য লোকদের কাছেও কিছু পাঠিয়ে দাও। কারণ, তারা অভূত আছে। (সীরাতু ইবন হিশাম-২/২১৮, ২১৯, হায়াতুস সাহাবা-২/১৯১, ১৯২, ১৯৩)

হিজরী ষষ্ঠি সনে বনু মুসতালিকের যুদ্ধ হয়। রাসূল (সা) যাত্রার উদ্দেশ্যে বের হয়ে নামায পড়তে লাগলেন। এর পূর্বেই তিনি জাবিরকে কোন কাজে কোথাও পাঠিয়েছিলেন। জাবির ফিরে এলে রাসূল (সা) রণওয়ানা হওয়ার নির্দেশ দান করেন। বনু মুসতালিকের পর আনমারের যুদ্ধ হয়। এ যুদ্ধেও জাবির শরীর ছিলেন। (বুখারী, গুয়ওয়াতু আনমার)

এই বছরই হযরত রাসূলে কারীম (সা) 'উমরাহ' আদায়ের উদ্দেশ্যে মক্কায় রওয়ানা হলেন। জাবির বলেন, এই সফরে আমরা মোট চৌদশত লোক ছিলাম। (সীরাতু ইবন হিশাম-২/৩০৯) বাই'য়াতুর রিদওয়ানের প্রসিদ্ধ ঘটনা এই সফরেই ঘটে। হযরত জাবিরও বাই'য়াতের (শপথ) স্টোর্ভাগ্য অর্জন করেন। বাই'য়াতের সময় 'উমার রাসূলুল্লাহর (সা)' হাত এবং জাবির 'উমারের হাত ধরে রেখেছিলেন। (মুসনাদ-৩/৩৬৯) জাবির বলেন, একমাত্র আল-জান্দু ইবন কায়স ছাড়া আর সকলেই বাই'য়াত করেছিল। আল্লাহর কসম, আমি যেন আজও দেখতে পাচ্ছি, সে তার উটের বগলের সাথে মিশে লুকিয়ে আছে, যাতে কেউ দেখতে না পায়। (সীরাতু ইবন হিশাম-২/৩১৬)

জাবির যখন রাসূলুল্লাহর (সা) হাতে বাই'য়াত করছিলেন তখন রাসূল (সা) বলেছিলেন : তোমরা সারা দুনিয়ার মধ্যে উত্তম ব্যক্তি। (বুখারী, গুয়ওয়াতু হৃদাইবিয়া) এই বাই'য়াত সম্পর্কে অন্যান্য সাহাবীরা পরবর্তীকালে বলতেন, আমরা মৃত্যুর ওপর বাই'য়াত করেছিলাম। কিন্তু জাবির বলতেন, আমরা মৃত্যুর ওপর বাই'য়াত করিনি। আমরা বাই'য়াত করেছি এই কথার ওপর যে, আমরা পালিয়ে যাব না। (সীরাতু ইবন হিশাম-২/৩১৫)

সাহাবীরা হৃদাইবিয়া থেকে চলা শুরু করেন। পথে 'সুকইয়া' নামক স্থানে যাত্রা বিরতি হয়। সেখানে পানি ছিল না। হযরত মু'য়াজ ইবন জাবালের (রা) মুখ দিয়ে ঘোষণা হলো— কেউ যদি পানি পান করাতো। ঘোষণা শুনে জাবির (রা) কয়েকজন আনসারকে সংগে করে পানির সঞ্চানে বের হলেন। তেইশ মাইল দূরে 'কুরসায়া' নামক স্থানে পানির সঞ্চান পান। সেখানে থেকে মশকে তরে পানি আনেন। 'ঈশার নামাযের পর দেখেন, এক ব্যক্তি উটে

সাওয়ার হয়ে হাউজের দিকে যাচ্ছে। তিনি ছিলেন হ্যুরত রাসূলে কারীম (সা)। জাবির (রা)। রাসূলগ্রাহুর (সা)। উটের লাগাম টেনে ধরে উট বসিয়ে দেন। রাসূল (সা) নেমে নামায আদায় করেন। জাবির নিজেও রাসূলের (সা) পাশে দাঁড়িয়ে নামাযে শরীক হন। (মুসনাদ- ৩/৩৮০)

হিজরী অষ্টম সনে রাসূলগ্রাহ (সা) উপকূলীয় অঞ্চলের দিকে একটি বাহিনী পাঠান। এই বাহিনীর আমীর ছিলেন আবু ‘উবাইদা। ইসলামের ইতিহাসে এই অভিযান ছিল একটি আচর্যজনক পরীক্ষা। মুসলমানরা এ পরীক্ষায় পূর্ণরূপে কামিয়াব হয়। জাবিরও ছিলেন এই বাহিনীর একজন সদস্য। বাহিনীর লোকদের খাদ্য খাবার সব শেষ হয়ে গেল। তারা গাছের পাতা খাওয়া শুরু করলো। হঠাৎ একদিন তারা সাগর তীরে বিশাল এক মরা মাছ দেখতে পেল। লোকেরা আগ্রাহী দান ও অনুগ্রহ মনে করে মাছটি খাওয়া শুরু করলো।

মাছটি এত বড় ছিল যে, বাহিনীর আমীর মাছটির পাঁজরের একটি কাটা সোজা করে ধরেন এবং তার নীচ দিয়ে সবচেয়ে উচু উটটি পার হয়ে গেল। জাবির পাঁচজন লোকের সাথে মাছটির একটি চোখের গর্তের মধ্যে বসে পড়েন; কিন্তু তাতে তাঁদের কোন কষ্ট হলো না। তিন শো লোক পনেরো দিন পর্যন্ত মাছটি খেয়েছিল। মাছটির নাম ছিল ‘আশুর। (মুসনাদ আহমাদ- ৩/৩০৮) হায়াতুস সাহাবা- ২/২০৮, ২০৯, ৩/৩৬৯, ৬৪০)

সীরাত লেখকরা হনাইন ও তাবুক অভিযানে জাবিরের যোগদানের কথা উল্লেখ করেছেন। হিজরী দশম সনে বিদায় হজ্জেও তিনি শরীক ছিলেন। (মুসনাদ- ৩/৩৪৯, ২৯২) তবে তিনি খাইবার অভিযানে অনুপস্থিত ছিলেন। তা সন্ত্রেও রাসূল (সা) তাঁকে অংশগ্রহণকারী লোকদের সমান গনীমাত্রের অংশ দান করেন। (সীরাতু ইবন হিশাম- ২/৩৪৯) হিজরী ৩৭ সনে হ্যুরত আলী ও হ্যুরত মুয়াবিয়ার (রা) মধ্যে সংঘটিত সিফকীনের যুদ্ধে জাবির আলীর (রা) পক্ষে যুদ্ধ করেন। (উসুদুল গাবা- ১/২৫৭)

হিজরী ৪০ সনে আমীর মু’য়াবিয়ার গভর্নর (আমিল) বুসর ইবন আরতাত হিজায ও ইয়ামনে অধিকার প্রতিষ্ঠার জন্য আসেন এবং মদীনায় এক ভাষণ দান করেন। ভাষণে তিনি বলেন, যতক্ষণ জাবির আমার সামনে হাজির না হবে ততক্ষণ বনু সালামাকে আমান বা নিরাপত্তা দেওয়া হবে না। জাবির জীবনের আশংকা করছিলেন। তিনি উস্মুল মুমিনীন হ্যুরত উস্মু সালামার (রা) নিকট গিয়ে পরামর্শ করেন। উস্মু সালামা তাঁকে বলেন, আমি আমার ছেলেদেরকেও বাই’য়াত (আনুগত্যের শপথ) করতে বলেছি, তুমিও বাই’য়াত করে নাও। জাবির বলেন, এটা তো হবে গোমরাহীর ওপর বাই’য়াত। উস্মু সালামা বলেন, না, এটা হবে মজবুরী বা বাধ্য অবস্থার বাই’য়াত। আমার মত এটাই। তাঁর পরামর্শ মত জাবির বুসরের সামনে হাজির হন এবং হ্যুরত আমীর মু’য়াবিয়ার খিলাফতের সপক্ষে বাই’য়াত করেন।

হিজরী ৭৪ সনে হাজ্জাজ ছিলেন মদীনার গভর্নর। তাঁর যুন্ম অত্যাচার থেকে সাহাবীরাও নিরাপদ ছিলেন না। তিনি কিছু সংখ্যক সাহাবীর ওপর এতেকু করুণা করেন যে, তাঁদের ঘাড়ে, আর জাবিরের হাতে সীল মোহর যেরে দেন। (উসুদুল গাবা- ২/৩৬৬) শেষ জীবনে জাবির বলতেন, আমি আকাবায় উপস্থিত ছিলাম। হাজ্জাজ ও তার কর্মকাণ্ডও প্রত্যক্ষ করেছি। আমার চোখের মত কান দু’টিও যদি নষ্ট হয়ে যেত, কতই না ভালো হতো। তাহলে অনেক কিছুই আমাকে শুনতে হতো না। হাজ্জাজ বলতেন, জাবিরের এই কথা যখন আমার কানে গেল তখন তাঁকে হত্যা না করার যে অনুশোচনা অনুরূপ অনুশোচনা অন্য কোন

ব্যাপারে আমার হয়নি। এ কথা শুনে 'আবদুল্লাহ ইবন 'উমার (রা) তাকে বলেন, তাইলে আল্লাহ তোমাকে জাহানামে নিষ্কেপ করতেন। (আনসাবুল আশরাফ-১/২৪৯)

হয়রত জাবির শেষ জীবনে অত্যন্ত দুর্বল হয়ে পড়েন। চোখেও দেখতেন না। তার ওপর সরকারের জুলুম অত্যাচার তাঁকে আরও কাহিল করে দেয়। তাঁর মৃত্যুসন ও মৃত্যুর সময় বয়স কত হয়েছিল সে সম্পর্কে ঘততেড় আছে। মৃত্যুসন হিজরী ৭৮, ৭৭, ৭৪ অথবা ৭৩ বলা হয়েছে। তবে সর্বাধিক প্রসিদ্ধ ঘতে হিজরী ৭৮ সনে ৯৪ বছর বয়সে তিনি মারা যান। তিনি ছিলেন তৃতীয় আকাবায় অংশগ্রহণকারী ব্যক্তিদের মধ্যে সর্বশেষ দুনিয়া থেকে বিদায় গ্রহণকারী। (শাজারাতুজ জাহাব ফীমান জাহাব-১/৮৪, তারীখ ইবন আসাকির-৩/৩৮৬, আল-ইসাবা-১/২৪৮)

ওয়াকিদী বলেন, জাবির ছিলেন মদীনায় রাসূলুল্লাহর (সা) সাহাবীদের মধ্যে সর্বশেষ ব্যক্তি। কাতাদাহও এই মত সমর্থন করেছেন। ইমাম বাগাবী বলেন, এটা একটা ভিত্তিহীন ধারণামাত্র। প্রকৃত পক্ষে সাহল ইবন সা'দই দুনিয়া থেকে বিদায় গ্রহণকারী মদীনার সর্বশেষ সাহাবী। তিনি হিজরী ৯১ সনে মারা যান। (আল-ইসাবা-১/২১৩), শাজারাতুজ জাহাব-১/৪, আনসাবুল আশরাফ-১/২৪৮)

তৃতীয় আকাবায় যাঁরা উপস্থিত ছিলেন তাঁদের মধ্যে এ সময় পর্যন্ত একমাত্র জাবিরই জীবিত ছিলেন। আর সাহাবীদের মুগ্ধ তখন শেষ হতে চলেছিল, অর্থ সংখ্যক সাহাবী জীবিত ছিলেন। এই কারণে তৎকালীন মুসলিম উম্মাহর জন্য তাঁর অস্তিত্ব ছিল রহমত ও বরকত স্বরূপ।

হাজ্জাজের যুলুম অত্যাচার তিনি প্রত্যক্ষ করেছিলেন এবং নিজেও সহ্য করেছিলেন। তাই মৃত্যুর পূর্বে অসীমত করে যান যে, হাজ্জাজ যেন তাঁর জানায়ার নামায না পড়ায়। এ কারণে হয়রত 'উসমানের ছেলে আবান ইবন 'উসমান জানায়ার নামায পড়ান। ইমাম বুখারী ও তাবারী তাদের তারীখে উল্লেখ করেছেন যে, হাজ্জাজ তাঁর জানায়ায় অংশগ্রহণ করেছিলেন। তবে তাহজীবুত তাহজীব এন্টে বলা হয়েছে যে, হাজ্জাজই জানায়ার নামায পড়িয়েছিলেন। (আল-ইসাবা-১/২১৩, তারীখ ইবন আসাকির-৩/৩৯১)

হয়রত জাবির পিতার শাহাদাতের পর এক সতীচ্ছদা (সায়িবা) মহিলাকে বিয়ে করেন। এ সম্পর্কে মুসনাদে আহমাদ ও বুখারীতে একটি হাদীস বর্ণিত হয়েছে। একবার রাসূলুল্লাহর (সা) সাথে জাবির এক সফর থেকে ফিরেছিলেন। মদীনার কাছাকাছি পৌছলে তিনি রাসূলুল্লাহর (সা) নিকট 'আরজ করলেন : ইয়া রাসূলুল্লাহ, আমি নতুন বিয়ে করেছি। আপনি অনুমতি দিলে আমি একটু তাড়াতাড়ি পরিবারের সাথে মিলিত হতে পারি। রাসূল (সা) জিজ্ঞেস করলেন : তুমি বিয়ে করেছো? তিনি বললেন : হ্যাঁ। আবার প্রশ্ন করলেন : কৃমারী না (সাহিয়বা) সতীচ্ছদা মহিলা? বললেন : সতীচ্ছদা। রাসূল (সা) তখন বললেন : তুমি একটি কৃমারী মেয়ে বিয়ে করলে না কেন? তাহলে তোমরা পরম্পর খেল তামাশা করতে পারতে। জাবির বললেন, আমার পিতা উহুদে শহীদ হন এবং আমার ওপর কতকগুলি ছোট মেয়ের দায়িত্ব দিয়ে যান। আমি তাদেরই মত কাউকে বিয়ে করতে চাইনি। আমার প্রয়োজন ছিল কোন বয়ঙ্কা মহিলার যে তাদের চিরন্মী করে দিতে পারে, বেনী বাঁধতে পারে এবং কাপড় সেলাই করে পরিয়ে দিতে পারে। তাঁর কথা শুনে রাসূল (সা) বললেন : তুমি ঠিক

কাজটি করেছ। (বুলুগুল আমানী মিন আসরারি ফাতহির রাবানী-৬/১৪৬, ২২/২০৯, মুখ্যারী-২/৫৮০, সীরাতু ইবন হিশাম-২/২০৭)। বনু সালামা গোত্রে তিনি দ্বিতীয় বিয়ে করেন। ইসলামে পাত্রী দেখে বিয়ের বিধান দেওয়া হয়েছে। এ কারণে তিনি বিয়ের পয়গামের পর লুকিয়ে পাত্রী দেখে নেন। প্রথম স্তুর নাম সুহাইলা বিনতু মাসউদ। তিনি বনু জুফার গোত্রের কন্যা ও সাহাবিয়া ছিলেন। দ্বিতীয় স্তুর নাম উশুল হারিস। তিনি আউস গোত্রের সমানিত সাহাবী মুহাম্মদ ইবন মাসলামার কন্যা। তাঁর সন্তানদের মধ্যে 'আবদুর রহমান, 'আকীল, মুহাম্মদ, হামিদা, মায়মুনা ও উশু হাবীব এই কয়জনের নাম ইতিহাসে পাওয়া যায়।

হয়রত জাবিরের জ্ঞান অর্জনের সূচনা হয় হয়রত রাসূলে কারীমের (সা) দারসগাহ বা শিক্ষা নিকেতনে। তাছাড়া মাদ্রাসা-ই-নববীর কৃতি ছাত্রদের হালকা-ই-দারস থেকেও ইলম হাসিল করেন। আবু বকর সিদ্দীক, 'উমার, আলী, আবু 'উবাইদা, তালহা, মু'য়াজ ইবন জাবাল, 'আমার ইবন ইয়াসির, খালিদ ইবনুল ওয়ালীদ, আবু বারদাহ ইবন নায়ার, আবু কাতাদাহ, আবু হুরাইরা, আবু সা'ঈদ আল-খুদৰী, আবু হুমাইদ সা'ঈদী, 'আবদুল্লাহ ইবন উনাইস উশু, শুরাইক, উশু মালিক, উশু মুবাশির, উশু কুলসুম বিনতু আবী বকর (রা)- এই মহান ব্যক্তিবর্গের সকলেই ছিলেন তাঁর সমানিত শিক্ষক। (তাহজীবু আসমা ওয়াল লুগাত-১/১৪২)

হাদীস শোনা ও সংগ্রহের প্রতি তাঁর আগ্রহ এত প্রবল ছিল যে, একটি মাত্র হাদীস শোনার জন্য মাসের পর মাস ভ্রমণ করতেন। জাবির বলেন : খোদ রাসূলুল্লাহর (সা) মুখ থেকে শুনেছিল এমন এক ব্যক্তির বর্ণিত একটি হাদীস আমি শেলাম। অতঃপর আমি একটি উট খরীদ করে প্রস্তুত করলাম এবং তার ওপর সাওয়ার হয়ে এক মাস পর শামে (সিরিয়া) পৌছলাম। সেখানে পৌছে দেখি তিনি 'আবদুল্লাহ ইবন উনাইস। আমি তাঁর দারোয়ানকে বললাম : বল, জাবির দরযায় দাঁড়িয়ে। তিনি জিজ্ঞেস করলেন : 'আবদুল্লাহর ছেলে জাবির? বললাম : হাঁ। তিনি কাপড় টানতে টানতে ছুটে এসে আমার সাথে কোলাকুলি করলেন। বললাম : কিসাস-এর ব্যাপারে আপনি রাসূলুল্লাহর (সা) মুখ থেকে একটি হাদীস শুনেছেন বলে আমি জেনেছি। হাদীসটি আপনার মুখ থেকে শোনার আগেই আমি অথবা আপনি মারা যান কিনা, এই ভয়ে ছুটে এসেছি। তারপর আবদুল্লাহ ইবন উনাইস তাঁর কাছে হাদীসটি বর্ণনা করেন। (হায়াতুস সাহাবা-৩/১৯৬)

এমনিভাবে একটি মাত্র হাদীস শোনার জন্য তিনি মিসর সফর করেন। মাসলামা ইবন মুখ্যারাদ (রা) থেকে তাবারানী তাঁর 'আল-আসওয়াত' গ্রন্থে বর্ণনা করেছেন। তিনি বলেন : আমি যখন মিসরে তখন একদিন দারোয়ান এসে বললো, একজন বেদুইন উটের পিঠে দরযায় অপেক্ষমান, আপনার সাথে দেখা করতে চায়। আমি জিজ্ঞেস করলাম : কে আপনি? বললেন : জাবির ইবন 'আবদিল্লাহ আল-আনসারী। আমি বললাম : আমি নিচে আসবো না আপনি উপরে উঠে আসবেন। বললেন : আপনার নেমে আসার দরকার নেই, আর আমিও উঠবো না। শুনেছি আপনি 'সাতর্বল মুমিন' সম্পর্কিত একটি হাদীস রাসূলুল্লাহ (সা) থেকে বর্ণনা করে থাকেন, আমি সেই হাদীসটি আপনার মুখ থেকে শোনার জন্যই এসেছি। আমি হাদীসটি বর্ণনা করলাম। হাদীসটি শুনেই তিনি উটকে চাবুক মেরে মদীনার দিকে যাত্রা করেন। (হায়াতুস

সাহাৰা-৩/১৯৭, তাৱীখু ইবন 'আসাকিৰ-৩/৩৮৬, সীয়াৱে আনসাৱ-১/৩০১)

ইলম হাসিলেৰ পৰ্ব শ্ৰে কৱে তিনি তাদৰীসেৰ (শিক্ষা দান) আসনে বসেন। যসজিদে নববীতে তাৱ একটি হালকা-ই-দারস ছিল। (আল-আ'লাম-২/৯২) যকা, যদীনা, ইয়ামন, কুফা, বসরা, মিসৰ প্ৰভৃতি স্থানেৰ ছাত্ৰৱা তাৱ দারসে শ্ৰীক হতো। হাদীসেৰ প্ৰচাৱ ও প্ৰসাৱ ছিল তাৱ জীবনেৰ অন্যতম লক্ষ্য। তিনি প্ৰচুৱ সংখ্যক হাদীস বৰ্ণনা কৱেছেন। তাৱ বৰ্ণিত হাদীসেৰ মোট সংখ্যা-১৫৪০ (এক হাজাৰ পাঁচ শো চতুৰ্থি)। তাৱ মধ্যে ৬০টি (ষাট) মুত্তাফাক 'আলাইহি, ২৬টি (ছাৰিশ) বুখাৰী ও ১২৬টি (একশো ছাৰিশ) মুসলিম এককতাৰে বৰ্ণনা কৱেছেন। (তাহজীবুল আসমা শুয়াল লুগাত-১/১৪২, আল-আ'লাম-২/৯২) তিনি হাদীস বৰ্ণনার ক্ষেত্ৰে অত্যন্ত সৰ্তকতা অবলম্বন কৱতেন। যেমন : একটি হাদীস বৰ্ণনাকালে 'সামি'ত' (আমি শুনেছি) শব্দটি বলতে গিয়ে থেমে যান। পৰে নিজেৰ পক্ষ থেকে হাদীসটি 'মাওকুফ' হিসেবে বৰ্ণনা কৱেন। কাৱণ, হাদীসটিৰ সবগুলি শব্দ তিনি নিজ কানে রাস্তুল্লাহৰ (সা) মুখ থেকে শোনাৰ ব্যাপাৱে নিশ্চিত হতে পাৱেননি। (মুসনাদ-৩/৩৩৩)

তাৱ ছাত্ৰদেৱ নামেৰ তালিকা অনেক দীৰ্ঘ। তাৱে'ঈদেৱ সব ক'টি শ্বেতৱে বিশিষ্ট মুহাদিসীন তাৱ ছাত্ৰ ছিলেন। বিশেষ খ্যাতিমান কয়েকজন তাৱে'ঈদেৱ নামঃ সা'ঈদ ইবনুল মুসায়িব, আবু সালামা, সা'ঈদ ইবন মীনা, সা'ঈদ ইবন আবী বিলাল, আসিম ইবন উমার ইবন কাতাদাহ, আবু আয়-যুবাইর, মুহাম্মাদ ইবনুল মুনকাদিৰ, আশ-শা'বী, আবু সুফাইয়ান তালহা ইবন নাফি, আল-হাসান আল-বাসরী, মুহাম্মাদ আল-বাকি, 'আতা', সালিম ইবন আবীল জু'দ, 'আমৱ ইবন দীনার, মুজাহিদ, মুহাম্মাদ আল-বাকিৰ, আল-হাসান ইবন মুহাম্মাদ আল-হানফিয়া প্ৰমুখ। (তাজকিৰতুল হফ্ফাজ-১/৪৪, তাহজীবুল আসমা' শুয়ালগাত-১/১৪৪) তাৱে'ঈদা ছাড়াও সাহাবীদেৱ বিৱাট একটি দল তাৱ থেকে হাদীস বৰ্ণনা কৱেছেন। (আল-আ'লাম-২/৯২) আল্লামা জাহৰী তাৱ 'তাজকিৰতুল হফ্ফাজ' গ্ৰন্থে প্ৰথম তবকার (শ্ৰেণী) মুহাদিসীনেৰ মধ্যে জাবিৱেৱ নামটি উল্লেখ কৱেছেন।

হাদীস ছাড়া তাফসীৰ ও ফিকাহ শাস্ত্ৰেও তাৱ অগাধ পাঞ্চিত্য ছিল। তাফসীৰ শাস্ত্ৰে তাৱ বৰ্ণনা কম পাওয়া গেলেও যা আছে তা অত্যন্ত নিৰ্ভৱযোগ্য। সব মানুষেৰ জাহানামে অবতৱণেৰ ব্যাপাৱে লোকদেৱ মতভেদ ছিল। কেউ মনে কৱতো, কোন মুসলমান জাহানামে প্ৰবেশ কৱবে না। অনেকেৰ ধাৰণা ছিল, সব মানুষই একবাৱ জাহানামে যাবে, তবে মুসলমানৱা মুক্তি পাৰে। এ ব্যাপাৱে জাবিৱকে জিজেস কৱা হলে বলেন, নেককাৱ ও বদকাৱ উভয়ই জাহানামে যাবে। তবে নেককাৱদেৱ গায়ে আগুনেৰ ছৌয়া লাগবে না। তাৱপৰ মুত্তাকীৱা (খোদাতীৱ) মুক্তি পাৰে এবং যালিমৱা জাহানামেই থেকে যাবে। (মুসনাদ-৩/৩২৯)

তালাক ইবন হাবীব 'শাফা'য়াত' (শুফাইশ) অধীকাৱ কৱতেন। এ ব্যাপাৱে তিনি 'খুলুদ ফিল্নার' (অনন্তকাল জাহানামে অবস্থান) সম্পর্কিত যাবতীয় আয়াত তিলাওয়াত কৱে জাবিৱেৱ সাথে মুনাজিৱা ও তৰ্ক-বাহাচ কৱেন। হয়ৱত জাবিৱ তাৱ সব কথা শোনাৰ পৰ বলেন : সম্ভবতঃ তুমি নিজেকে কুৱান-হাদীসেৰ জ্ঞানে আমাৱ চেয়ে বড় জ্ঞানী মনে কৱচো। তালাক ইবন হাবীব বলেন : আসতাগফিৰল্লাহ। এমনটি কল্পনা কৱতে পাৱিলে। তখন জাবিৱ বলেন, শোন! এ সব আয়াতেৰ উদ্দেশ্য মুশৱিৰকগণ। যাদেৱকে শান্তি দেওয়াৱ

পর জাহানাম থেকে মুক্তি দেওয়া হবে তাদের উল্লেখ এ সব আয়াতে নেই। তবে রাসূলুল্লাহ (সা) হাদীসে তাদের কথা উল্লেখ করেছেন। (মুসনাদ-৩/৩৩০, হায়াতুস সাহাবা-৩/১৯)

জাবির বললেন : সূরা আল মুয়্যাখিলের প্রথম দুইটি আয়াত দ্বারা আমাদের ওপর ‘কিয়ামুল লাইল’ ফরয করা হয়। রাতে নামাযে দাঁড়িয়ে থাকতে থাকতে আমাদের পা ফুলে যেত। পরে আল্লাহ একই সূরার ২০ নং আয়াত নাযিল করে পূর্বোক্ত আদেশ রাহিত করেন। (হায়াতুস সাহাবা-৩/১৪১) জাবিরের মতে কুরআনের সর্বপ্রথম যে আয়াত নাযিল হয় তা সূরা আল মুন্দাসুসিরের কয়েকটি আয়াত (আনসাবুল আশরাফ-১/১০৭)

ফিকাহ শাস্ত্রেও তাঁর প্রভৃতি দখল ছিল। যে সব মাসযালা সমূহে বিভিন্ন সময়ে তিনি ফাতওয়া দিয়েছেন তা সংকলিত হলে ছোটখাট একটা গ্রন্থে পরিণত হবে। তিনি ছিলেন মদীনার অন্যতম মুফতী। (হায়াতুস সাহাবা-৩/২৫৫) ইসলামী আখলাক বা নৈতিকতার মূল ভিত্তি হচ্ছে ইকামাতে হৃদুদিল্লাহ (আল্লাহর নির্ধারিত শাস্তি বাস্তবায়ন), দৈমানী আবেগ, সত্য প্রকাশের সৎ সাহস, আমর বিল মা'রফ (সৎ কাজের আদেশ), রাসূলুল্লাহর (সা) প্রতি ভালোবাসা, ইন্ডেবা-ই-স্মাত (স্মাতের অনুসরণ), অন্য মুসলমানের প্রতি দরদ ও সহানুভূতি ইত্যাদি। হ্যরত জাবিরের মধ্যে এই সব গুণের প্রত্যেকটির কিছু না কিছু বিকাশ ঘটেছিল।

ইকামাতে হৃদুদিল্লাহ প্রত্যেক মুসলমানের ওপর ফরয। এ ক্ষেত্রে জাবিরের নিকট আপন-পর কোন প্রতেদ ছিল না। হ্যরত মা'য়িয় আল-আসলামী (রা) ছিলেন মদীনার বাসিন্দা ও রাসূলুল্লাহর (সা) অন্যতম সাহাবী। তাঁকে ‘রজম’ (যিনার শাস্তি) করার সময় জাবির উপস্থিত থেকে নিজ হাতে তাঁর ওপর পাথর নিষ্ফেপ করেন। (মুসনাদ-৩/৩৮১)

সত্য প্রকাশের ক্ষেত্রে কারও প্রতাব-প্রতিপন্থি তাঁকে কক্ষণও বিরত রাখতে অথবা বিপথগামী করতে সক্ষম হয়নি। হ্যরত সা'দ ইবন মু'য়াজ (রা) ছিলেন আউস গোত্রের নেতা। তাছাড়া একজন উচ্চ মর্যাদার সাহাবী। তিনি ইন্তিকাল করলে হ্যরত রাসূলে কারীম (সা) বললেন : আজ আরশ কেইপে উঠেছে। এ হাদীসটি সাহাবী হ্যরত বারা’ ইবন ‘আযিবের (রা) জানা ছিল। কিন্তু তিনি ‘আরশ’ শব্দটির পরিবর্তে ‘সারীর’ (খাটিয়া) শব্দ বলতেন। যার অর্থ শববাহী খাটিয়া দূলে পঠা। বারা’ ইবন ‘আযিবের (রা) এমন কথা জাবিরকে বলা হলে তিনি বললেন : প্রকৃত হাদীস তো হচ্ছে তাই যা আমি বর্ণনা করেছি। আর বারা’ – এর কথা হিংসা-বিদ্রে দ্বারা প্রতিবিত। কারণে, ইসলাম পূর্ব যুগে আউস ও খায়রাজ গোত্রদ্বয়ের মধ্যে ঝগড়া ও বিবাদ ছিল। উল্লেখ্য যে, হ্যরত জাবির (রা) ছিলেন খায়রাজ গোত্রের লোক। তাস ত্বেও বারা ইবন ‘আযিবকে সমর্থন না করে যা সত্য তাই প্রকাশ করে দেন।

হাজ্জাজ ইবন ইউসুফ মদীনার গর্তন্তর হয়ে আসার পর নামাযের সময়ে কিছু আগে-পিছে করেন। লোকেরা জাবিরের কাছে ছুটে আসে। তিনি ঘোষণা করেন, রাসূল (সা) জুহরের নামায দুপুরের পরে, ‘আসর সূর্য স্বচ্ছ ও উজ্জ্বল থাকা পর্যন্ত, সূর্যাস্তের সময় মাগরিব ও ফজরের নামায অন্ধকারে আদায় করতেন। আর ‘ঈশার সময় লোকদের জন্য অপেক্ষা করতেন। তাড়াতাড়ি লোক সমাগম হলে তাড়াতাড়ি আদায় করতেন। অন্যথায় দেরী করতেন। (মুসনাদ-৩/৩৬৯)

একবার ‘আবদুল্লাহ ইবন জাবির তাঁর বাগানের ফল তিনি বছরের জন্য বিক্রি করেন।

জাবির (সা) এ কথা জানতে পেয়ে কিছু লোক সৎগে করে মসজিদে আসেন এবং সকলের সামনে ঘোষণা করেন যে, রাসূলুল্লাহ (সা) এমন ধরনের বেচা-কেনা নিষেধ করেছেন। ফল যতক্ষণ খাওয়ার উপযোগী না হয় ততক্ষণ তা বেচা-কেনা জায়েয় নয়। (সুতরাং ফল হওয়ার পূর্বেই তা কিভাবে জায়েয় হতে পারে?) মুসনাদ- ৩/৩৯৫)

রাসূলুল্লাহর (সা) ইতেবা 'বা অনুসরণের আবেগ-উৎসাহ এত প্রবল ছিল যে, যে সকল বিষয়ে অনুসরণ আদৌ প্রয়োজনীয় নয় সে ক্ষেত্রেও অনুসরণ করতেন। একবার রাসূলুল্লাহকে (সা) মাত্র একখানা কাপড়ে নামায আদায় করতে দেখেন। এ কারণে তিনিও সেই ভাবে নামায আদায় করলেন। লোকেরা যখন বললো আপনি এভাবে নামায আদায় করলেন, অথচ আপনার নিকট অতিরিক্ত কাপড় আছে। তিনি বললেন, এটা এই জন্য করলাম যে, তোমরা রাসূলুল্লাহর (সা) এই অনুমতিকে দেখে বুঝতে পার।

হযরত রাসূলে কারীম (সা) মসজিদে ফাত্হ-এ তিনি দিন দু'আ করেছিলেন। তৃতীয় দিন নামাযের মধ্যে দু'আ করুল হলে চেহারা মুবারকে এক প্রকার নূরের চমক খেলে যায়। হযরত জাবির এ দৃশ্য প্রত্যক্ষ করেছিলেন। তাই যখনই তিনি কোন বিশেষ সমস্যার সম্মুখীন হতেন, একটা নির্দিষ্ট সময়ে সেখানে গিয়ে দু'আ করতেন। (মুসনাদ- ৩/৩৩২)

রাসূলুল্লাহর (সা) প্রতি তাঁর ছিল গভীর ভালোবাসা এবং তাঁর জন্য জীবন উৎসর্গ করার প্রবল অগ্রহ। আর এর বহিঃপ্রকাশ ঘটেছিল তৃতীয় 'আকাবার বাই'য়াতে। তাছাড়া আরও বহু ঘটনায় দেখা যায় রাসূলকে (সা) খুশী করার কী প্রাণস্তুতি চেষ্টাই না তিনি করছেন।

একবার কিছু উৎকৃষ্টমানের খেজুর রাসূলের (সা) খিদমতে পেশ করেন। তিনি দেখে বলেন, আমি মনে করেছিলাম গোশত। জাবির বাড়ি ফিরে গিয়ে স্ত্রীকে কথাটি বলেন। তারপর তক্ষুণি বকরী জবেহ করে গোশত রান্না করে দেন।

একবার রাসূল (সা) জাবিরের বাড়ীতে আসলেন। জাবির একটি বকরী জবেহ করে দেন। জবেহের সময় বকরীটি কিছু ডাকাডাকি করছিল। তাই শুনে তিনি বললেন, বৎশ ও দুধ শেষ করে দিছ কেন? জাবির বললেন : এটা এখনও বাচ্চা, খেজুর খেয়ে এমন মোটা হয়েছে।

একবার তিনি ঢালে করে খেজুর নিয়ে যাচ্ছেন, এমন সময় রাসূলকে (সা) সামনে দিয়ে যেতে দেখে খাওয়ার আহান জানালেন। রাসূল (সা) আহবানে সাড়া দিলেন। আর একবার জাবির রাসূলকে (সা) বাড়ীতে নিয়ে গিয়ে গোশত, খুরমা ও পানি উপস্থাপন করেন। রাসূল (সা) বলেন, তোমরা হয়তো জান আমি গোশত খুব পসন্দ করি। বিদায় বেলা অন্দর মহল থেকে জাবিরের স্তৰ কঠস্বর তেসে এল : ইয়া রাসূলুল্লাহ। আমার ও আমার স্তৰীর জন্য দু'আ করুন। তক্ষুণি তিনি বললেন : আল্লাহহ্যা সাল্লি আলাইহিম- হে আল্লাহ, তাদের সকলের উপর রহমত বর্ষণ করুন। (মুসনাদ- ৩/২৯৭, ৩০৩, বুখারী- ২/৫৮০)

একবার কোন এক বিশেষ ঘটনায় রাসূল (সা) তাঁর জন্য পঁচিশবার মাগফিরাত কামনা করেন। একবার জাবিরের অসুস্থ হলো। রাসূল (সা) দেখতে আসলেন। জাবির বেঁশ ছিলেন। রাসূল (সা) অ্যু করে পানির ছিটা দিলে তাঁর হঁশ হলো। তখন পর্যন্ত জাবিরের কোন স্তৱানাদি ছিল না। পিতাও মারা গিয়েছিলেন। শরী'য়াতের পরিভাষায় এমন ব্যক্তিকে 'কালালাহ' বলে। যেহেতু জীবন সম্পর্কে হতাশ হয়ে পড়েছিলেন, তাই রাসূলকে (সা) জিজেস করলেন, আমি

মারা গেলে আমার মীরাস বা উত্তারাধিকার কিভাবে বাস্তিত হবে? আমি কি  $\frac{1}{2}$  (দুই তৃতীয়াংশ) বোনদের দেব? বললেন; বেশ, দাও। আবার আরজ করলেন :  $\frac{1}{2}$  (অর্ধেক) দিই? বললেন; হাঁ, তাও দিতে পার। একথা বলে রাসূল (সা) বাইরে বেরিয়ে আসেন। তারপর আবার ফিরে গিয়ে বললেন : জাবির, তুমি এ অসুখে মরবে না। তোমার সম্পর্কে আয়ত নাখিল হয়েছে। এই বলে তিনি সূরা নিসার ১৭৬ নং আয়াতুল কালাহ পাঠ করেন : ‘হে নবী, লোকে তোমার নিকট ব্যবস্থা জানতে চায়। বল, পিতা-মাতাহীন নিঃসন্তান ব্যক্তি সবকে তোমাদেরকে ব্যবস্থা জানাচ্ছেন ।।।।’ (তারীখ ইবন আসাকির-৩/৩৯০, হায়াতুস সাহাবা-২/৫০৯, মুসলাদ-৩/২৯৮, ৩৭২)

হয়রত রাসূলে কারীম (সা) কোথাও থাবারের দাও'য়াত পেলে জাবিরকে মাঝে মাঝে সংৎগে নিয়ে যেতেন। মাঝে মাঝে নিজের ঘরে নিয়ে গিয়েও আহার করাতেন। একদিন জাবির তাঁর বাড়ির পাশে বসে ছিলেন। এমন সময় সামনে দিয়ে রাসূলকে (সা) যেতে দেখলেন। দৌড়ে কাছে গেলেন এবং আদব রক্ষার্থে পেছনে চলতে লাগলেন। রাসূল (সা) বললেন : পাশে এস। তারপর জাবিরের হাত ধরে নিজ বাড়ীতে নিয়ে যান এবং পর্দা সরিয়ে তেতরে বসতে দেন। তেতর থেকে তিনি টুকরো রূপটি ও একটু সিরকা আসলো। রাসূল (সা) রূপটি তিনটি সমান দুই ভাগে তাগ করলেন এবং বললেন : সিরকা খুব উপাদেয় তরকারি। জাবির বলেন : আমি সেই দিন থেকে সিরকা খুব তালোবাসি। (মুসলাদ-৩/৩৭৯, ৪০, হায়াতুস সাহাবা-২/১৮৩)

একবার রাসূল (সা) ঘোড়ার পিঠ থেকে পড়ে যান। জাবির তাঁকে দেখতে যান (মুসলাদ-৩/৩০০)। রাসূলগ্রাহর (সা) কখনও খণ্ডের প্রয়োজন হলে জাবিরের নিকট থেকে গ্রহণ করতেন। একবার খণ্ড নিয়ে পরিশোধের সময় সন্তুষ্ট চিত্তে আসলের ওপর কিছু বেশী দান করেন। (মুসলাদ-৩/৩০২)

রাসূলগ্রাহর (সা) জীবনের শেষ পর্যায়ে একবার বাহরাইন থেকে মাল আসছিল। তিনি সেই মাল থেকে জাবিরকে কিছু দেওয়ার অঙ্গিকার করেন। ইত্যবসরে রাসূল (সা) ইনতিকাল করেন। হয়রত আবু বকর (রা) খলীফা হয়ে ঘোষণা দেন যে, রাসূল (সা) যদি কাউকে কিছু দেওয়ার অঙ্গিকার করে থাকেন অথবা কারও নিকট খণ্ড থাকেন, সে যেন আমার নিকট থেকে তা গ্রহণ করেন। হয়রত জাবির রাসূলগ্রাহর (সা) অঙ্গিকারের কথা বললে আবু বকর (রা) তা পূরণ করেন।

মুসলিম উম্মার প্রতি হয়রত জাবিরের ছিল গভীর মমতা ও তালোবাসা। তিনি ছিলেন ‘রহামাউ বাইনাহম’- (পরম্পর পরম্পরের প্রতি দয়ালু)- এর বাস্তব প্রতিষ্ঠিতি। একবার তাঁর এক প্রতিবেশী কোথাও সফরে যায়। সফর থেকে ফিরে আসলে জাবির তার সাথে দেখা করতে যান। লোকটি মানুষের মধ্যে বিত্তে, দলাদলি, বিদ্যুত্যাতের প্রচলন ইত্যাদি যা সে দেখেছিল, বর্ণনা করলো। যে সাহাবায়ে কিরাম রজ্জের বিনিময়ে ইসলাম প্রতিষ্ঠা করেছিলেন তাঁরা এমন কথা সহ্য করবেন কেমন করে। তাঁর চোখ দু’টি সজল হয়ে উঠলো। তিনি বললেন, রাসূল (সা) সত্যই বলেছেন, মানুষ যেমন দলে দলে আল্লাহর দ্বিনে প্রবেশ করছে, তেমনি বের হয়েও যাবে। (মুসলাদ-৩/৩৪৩)

তাঁর বাসস্থান ছিল মসজিদে নববী থেকে এক মাইল দূরে। এত দূর থেকে প্রতিদিন পাঁচ ওয়াক্ত নামায আদায় করতে মসজিদে নববীতে আসতেন। একবার মসজিদে নববীর পাশে কিছু বাড়ী-ঘর খালি হয়। জাবির ও বনু সালামার অন্য এক ব্যক্তি এই সব শূন্য বাড়ী-ঘরে চলে আসার ইচ্ছা করলেন। তাহলে নামায আদায় করা সহজ হবে। তাঁরা রাসূলগ্রাহর (সা) নিকট বিষয়টি উপাগন করলে তিনি বললেন : তোমরা যে সেখান থেকে আস, তাতে তোমাদের প্রতি কদমে সাওয়াব লেখা হয়। চিন্তা করে দেখ তো কত সাওয়াব হয়েছে? তাঁরা দু'জন মনে প্রাণে রাসূলগ্রাহর (সা) কথা মেনে নেন। শেষ জীবনে বাড়ীর পাশে একটি মসজিদ তৈরী করেন।

জাবির বলেন : রাসূলগ্রাহ (সা) আবু 'উবাইদার নেতৃত্বে আমাদেরকে একটি অভিযানে পাঠান। একটি থলিতে কিছু খেজুর ছাড়া আমাদের সাথে আর কিছুই ছিল না। আবু 'উবাইদা আমাদেরকে প্রতিদিন মাত্র একটি করে খেজুর দিতেন। আমরা সেটি বাচাদের মত চূতাম আর পানি পান করতাম। এভাবে একটি খেজুর দিয়ে রাত্রি পর্যন্ত চালাতাম (হায়াতুস সাহাবা-১/৩২১)

ইবন হিব্বান তাঁর 'সহীহ' প্রঙ্গে আবুল মুসাবিহ আল-মুকরায়ী থেকে বর্ণনা করেছেন। তিনি বলেন, মালিক ইবন 'আবদিল্লাহ আল-খাস'য়ামীর নেতৃত্বে আমরা একবার রোমের ঘাটিতে চলছিলাম। একদিন মালিক জাবিরের পাশ দিয়ে যাওয়ার সময় দেখলেন, তিনি তাঁর বাহন খচরটিকে লাগাম ধরে টেনে নিয়ে চলছেন। মালিক বললেন : আবু আবদিল্লাহ, আল্লাহ আপনাকে বাহন দিয়েছেন, তার পিঠে আরোহণ করল্ল। জাবির বললেন : আমি তাকে একটু বিশ্রাম দিছি, আমি রাসূলগ্রাহকে (সা) বলতে শুনেছি, আল্লাহর রাস্তায় যে দু'টি পা ধুলি-মলিন হয়েছে, তার জন্য আল্লাহ জাহানামের আগুন হারাম করে দিয়েছেন। (হায়াতুস সাহাবা-১/৪৭৬, ৪৭৭)

হ্যরত জাবির হজ্জ আদায় করেছেন কয়েকবার। হাদীসে তাঁর দু'টি হজ্জের আলোচনা দেখা যায়। একটি বিদায় হজ্জ ও অন্য আর একটি।

সরলতা মুসলমানদের উন্নতির মূল রহস্য। হ্যরত জাবির ছিলেন অত্যন্ত সরল ও অনাড়ুর। একবার সাহাবায়ে কিরামের একটি দল তাঁর বাড়ীতে আসলেন। বাড়ীর ভেতর থেকে ঝটি ও সিরকা পাঠিয়ে দেওয়া হলো। তিনি বললেন : বিসমিল্লাহ বলে খেয়ে নিন। সিরকার খুব র্যাদার কথা বলা হয়েছে। মানুষের কাছে তার আত্মীয় বস্তুদের কেউ আসলে উপস্থিত খাবার যা কিছু থাকে সামনে দিতে হবে, কোন রকম ইতস্ততা করা উচিত নয়। তেমনি তাবে উপস্থিত লোকদের সামনে যা কিছু খাবার হাজির করা হয় সন্তুষ্ট চিন্তে আহার করা উচিত। হেয় দৃষ্টিতে তা দেখা উচিত নয়। কারণ, তিনিতার মধ্যে উভয়ের ক্ষৎসের উপকরণ বিদ্যমান। (হায়াতুস সাহাবা-২/১৮১, মুসনাদ-৩/৩৭১) মানুষের সাথে মেলামেশায় তিনি ছিলেন আন্তরিক ও উদার।

হ্যরত রাসূলে কারীমের (সা) প্রতিটি অভ্যাস ও আচরণ তাঁর মন-মগ্নে স্থায়ী আসন গেড়ে বসেছিল। হুদাইবিয়ায় 'বাই'য়াতে রিদওয়ান' একটি গাছের নীচে অনুষ্ঠিত হয়েছিল। লোকেরা স্থানটিকে বরকত ও কল্যাণময় মনে করে সেখানে নামায আদায় করতে শুরু করে। এ অবস্থা দেখে হ্যরত উমার (রা) গাছটি কেটে ফেলেন। মুসায়্যাব ইবন দুখন বলেন, পরের বছরই

আমরা সেই গাছটি ও স্থানের কথা তুলে যাই। (বুখারী-২/৫৯৯) কিন্তু বহু বছর পর্যন্ত জাবিরের তা মনে ছিল। শেষ বয়সে তিনি অঙ্ক হয়ে যান। হৃদাইবিয়ার প্রসঙ্গ উঠলে একবার বললেন : আজ যদি চোখ থাকতো, সেই স্থানটি আমি দেখিয়ে দিতে পারতাম। (বুখারী-২/৫৯৮)

হ্যরত জাবির বলতেন, হৃদাইবিয়ার সন্ধিই হচ্ছে কুরআনে উল্লেখিত প্রকৃত ফাত্হ বা বিজয়। (হায়াতুস সাহাবা-৩/১৮) জাবির আরও বলতেন, রাসূলগুলাহর (সা) নবুওয়াত প্রাণ্ডির খবর সর্বপ্রথম মদীনায় আসে এক জিনের মাধ্যমে। মদীনার এক মহিলার অনুগত একটি জিন ছিল। একদিন জিনটি একটি সাদা পাথীর রূপ ধরে মহিলার বাড়ির দেওয়ালে এসে বসে। মহিলা তাকে বললো : নীচে নেমে এসো আমরা কথা বলি, যবর আদান-প্রদান করি। জিন বললো : মক্ষায় এক নবীর আবির্ভাব হয়েছে। তিনি যিনা (ব্যভিচার) হারাম করেছেন এবং আমাদেরকে যমানে থাকতে নিষেধ করেছেন। (হায়াতুস সাহাবা-৩/৫৭৩)

জাবির (রা) বললেন--ঃ আমি একবার এক দিরহামের গোশত কিনলাম। 'উমার একথা শুনে আমার কাছে এসে বললেন : জাবির, এটা কি? বললাম : আমার পরিবারের লোকদের গোশ্ত খেতে খুব ইচ্ছা করেছে তাই এক দিরহামের গোশত কিনেছি।' 'উমার কয়েকবার আমার কথাটি আওড়ালেন, 'আমার পরিবারের লোকদের গোশ্ত খেতে খুব ইচ্ছা করেছে।' তখন আমার ইচ্ছা হলো, যদি আমার দিরহামটি হারিয়ে যেত অথবা 'উমারের সাথে দেখা না হতো। অন্য একটি বর্ণনা মতে 'উমার বলেন, তোমাদের কোন ইচ্ছা হলেই এভাবে কিনে থাক? (হায়াতুস সাহাবা-২/৩০২, ৩০৩)

এভাবে হাদীস ও সীরাতের এই সমূহে হ্যরত জাবিরের (রা) জীবনের বিভিন্ন দিকের অনেক টুকরো টুকরো কথা পাওয়া যায়, যার মধ্যে মুসলমানদের শিক্ষার অনেক কিছুই লুকিয়ে আছে।

# ଆବୁ ଆଇଟ୍‌ବ ଆଲ-ଆନସାରୀ (ରା)

ନାମ ଖାଲିଦ, ଡାକ ନାମ ଆବୁ ଆଇଟ୍‌ବ। ପିତା ଯାଇନ୍ ଇବନ କୁଲାଇବ ଆଲ-ନାଜାରୀ ଆଲ-ଖାଫରାଜୀ। କେଉ କେଉ ମାଲିକ ଇବନ ନାଜାରେର ସାଥେ ସଂସକ୍ରେର କାରଣେ 'ଆଲ-ମାଲିକୀ' ଏବଂ ଆନସାରଦେର 'ଆୟଦୀ' ହେୟାର କାରଣେ ତାକେ 'ଆଲ-ଆୟଦୀ' ବଲେଓ ଉତ୍ତ୍ରେଖ କରେ ଥାକେନ। (ଦୋଯିରା-ଇ ମା'ଯାରିଫ-ଇ-ଇସଲାମିଯ୍ୟା, ଉର୍ଦୁ ୧/୧୪୨), ମାତା ହିନ୍ଦୀ ବିନ୍ତୁ ସା'ଦ। (ଉସ୍‌ବୁଲ ଗାବା-୨/୮୦) ତବେ ଇବନ ସା'ଦେର ମତେ ଯାହରା ବିନ୍ତୁ ସା'ଦ। (ତାବାକାତ-୩/୪୮୪) 'ଯାହରା' ଆବୁ ଆଇଟ୍‌ବରେ ପିତାର ମାମାତୋ ବୋନ। ଆବୁ ଆଇଟ୍‌ବ ଚାଟିଶ 'ଆମୁଲ ଫୌଲ' (ହଣ୍ଟି ବନ୍ଦର) ଅର୍ଥାତ ହିଜରାତର ଏକତ୍ରିଶ ବହର ପୂର୍ବେ ଇଯାସାରିବେ ଜନ୍ମପ୍ରହଳଣ କରେନ। ଇତିହାସେ ତିନି 'ଆବୁ ଆଇଟ୍‌ବ' ଡାକ ନାମେ ପରିଚିତ। (ଦୋଯିରା-ଇ-ମା'ଯାରିଫ-ଇ-ଇସଲାମିଯ୍ୟା, (ଉର୍ଦୁ)-୧/୧୪୨) ନାଜାର ଖାନାନଟି ଇଯାସାରିବେର ଅନ୍ୟତମ ଅଭିଜାତ ଖାନାନ। ଆର ସେଇ ଅଭିଜାତ୍ ଆରଓ ବୃଦ୍ଧି ପେଯେହେ ରାସ୍‌ଗୁଲ୍ବାହର (ସା) ମାତ୍ତୁଲ ଗୋତ୍ର ହେୟାର କାରଣେ। ଆବୁ ଆଇଟ୍‌ବ ଏଇ ଅଭିଜାତ ନାଜାର ଗୋଡ଼ର ରାଯିସ ବା ନେତା।

ରାସ୍‌ଗୁଲ୍ବାହ (ସା) ମଙ୍କାଯ ଇସଲାମେର ଦାଓୟାତ ଦିଯେ ଚଲେହେନ। ଇସଲାମୀ ଦାଓୟାତର ଜନ୍ୟ ଘର୍ଷାର ପ୍ରତିକ୍ରିୟା ଅବଶ୍ୟକ ଦିନ ଦିନ ଅବନତିର ଦିକେଇ ଧାରିତ ହଛେ। ଇତୋମଧ୍ୟେ ଇଯାସାରିବେଓ ଇସଲାମେର ଦାଓୟାତ ଛଢିଯେ ପଡ଼େହେ। ନବୁଯାତର ଦଶମ ବହରେ ଛୟ ଜନ, ଏକାଦଶ ବହରେ ବାରୋଜନ ଏବଂ ଦ୍ୱାଦଶ ବହରେ ତିହାତର ମତାତରେ ପୌଚାତର ଜନ ଇଯାସାରିବାସୀ (ମଦୀନା ବାସୀ) ହଞ୍ଜ ଉପଲକ୍ଷେ ମଙ୍କାଯ ଏମେ ରାସ୍‌ଗୁଲ୍ବାହର (ସା) ହାତେ ହାତ ରେଖେ ଇସଲାମ ଗ୍ରହଣ କରେନ ଏବଂ ଏକଟି ଶପଥ ବାକ୍ୟ ଉଚ୍ଚାରଣ କରେନ। ଇତିହାସେ ଯା 'ଆକାବାର ୧ମ, ୨ୟ ଓ ୩ୟ ଶପଥ' ନାମେ ପରିଚିତ। ଏଇ ଶେଷ ଶପଥେ ଆବୁ ଆଇଟ୍‌ବ ଉପହିତ ଛିଲେନ ଏବଂ ରାସ୍‌ଗୁଲ୍ବାହର (ସା) ହାତେ ବାଇୟାତ ହେୟ ଇଯାସାରିବେ ଫିରେ ଯାନ। (ଉସ୍‌ବୁଲ ଗାବା-୨/୮୦, ତାବାକାତ ୩/୪୮୪) ତିନି ଯେ ମହାସତ୍ୟର ସନ୍ଧାନ ନିଯେ ଫିରେ ଏବେଳେ ତା ଅନ୍ୟଦେରକେ ନା ଜାନାନ୍ତେ ପର୍ଯ୍ୟନ୍ତ ହିଜରାତ ହେତେ ପାରିଲେନ ନା। ନିକଟ ଆଜ୍ଞାଯି, ବଞ୍ଚୁ-ବାନ୍ଦାବ ଓ ପରିବାରେ ଆପନଙ୍ଗଦେର ନିକଟ ଇସଲାମେର ଦାଓୟାତ ପେଶ କରିଲେନ। ଶିଗଗିରଇ ସ୍ତ୍ରୀକେ ସ୍ଥର୍ମେ ଟେନେ ଆନିଲେନ।

ଆକାବାର ଶପଥଗୁଲିତେ ମଦୀନାର ବେଶ କିଛୁ ଲୋକ ଇସଲାମ ଗ୍ରହଣ କରାଯ ଏବଂ ମଦୀନାଯ ପ୍ରେରିତ ରାସ୍‌ଗୁଲ୍ବାହର (ସା) ପ୍ରତିନିଧି ମୁସ୍‌ସାବ ଇବନ 'ଉମାଇରେର (ରା) ପ୍ରଟ୍ଚୋଟୀଯ ସେଖାନେ ଇସଲାମୀ ଦାଓୟାତ ଖୁବ ଦ୍ରୁତ ଛଢିଯେ ପଡ଼ିଲୋ। ଏଦିକେ ରାସ୍‌ଗୁଲ୍ବାହର (ସା) ନିର୍ଦ୍ଦେଶେ ଅନେକ ନିର୍ଯ୍ୟାତିତ ମୁସଲମାନ ମଙ୍କା ଥେକେ ଚାପେ ଚାପେ ହିଜରାତ କରେ ମଦୀନାଯ ଚଲେ ଆସତେ ଶୁରୁ କରିଲେନ। କିନ୍ତୁ ହ୍ୟରତ ରାସ୍‌ଲେ କାରୀମ (ସା) ତଥନାନ କୁରାଇଶଦେର ବୈରୀ ପରିବେଶେର ମଧ୍ୟେ ମଙ୍କାଯ ଅବଶ୍ୟନ କରିତେ ଲାଗିଲେନ। ଅବଶ୍ୟେ ନବୁଯାତର ଏଯୋଦଶ ବହରେ ଆହାର ନିର୍ଦ୍ଦେଶେ ତିନିଓ ମଦୀନାର ଦିକେ ବେରିଯେ ପଡ଼ିଲେନ।

ମଦୀନାବାସୀରା ଅଧିର ଆଗ୍ରହେ ମହାନବୀର ଆଗମନ ଅପେକ୍ଷାୟ ଛିଲ। ଆନସାରଦେର ଏକଟି

দল- আবু আইউর তাদের একজন- নিয়মিত প্রতিদিন সকালে মদীনার ৪/৫ মাইল দূরে 'হাররা' নামক স্থানে চলে যেত এবং রাসূলগ্রাহর (সা) সভাব্য আগমন পথের দিকে তাকিয়ে দুপুর পর্যন্ত অপেক্ষা করতো। তারপর এক সময় তারা ফিরে যেত। এমনিতাবে একদিন তারা ফিরে যাচ্ছে, এমন সময় জনৈক ইয়াহুদী বহু দূর থেকে রাসূলগ্রাহকে (সা) দেখতে পেয়ে তাদেরকে সুসংবাদ দেয়। আনসাররা অস্ত্র-সজ্জিত হয়ে মহানবীকে স্বাগতম জন্য দ্রুত ছুটে যায়। বনু নাজ্জার ছিল তাদের মধ্যে সবচেয়ে অগ্রগামী।

মদীনার উপরঠে 'কুবা' গাঁতে হয়রত রাসূলে কারীম (সা) কয়েক দিন অবস্থান করলেন। অতঃপর তিনি মদীনার মূল শহরে যাওয়ার সিদ্ধান্ত নিলেন। কুবা থেকে মদীনার দিকে তাঁর যাত্রার সেই দিনটি ছিল মদীনার ইতিহাসের সর্বাধিক গৌরব ও কল্যাণময় দিন। বনী নাজ্জারসহ মদীনার সকল আনসার গোত্রের লোক মহানবীর চলার পথের দু'ধারে কাতারবন্দী হয়ে দাঁড়িয়ে, আর গোত্র-পতিরা নিজ নিজ ঘরের দরযায় অপেক্ষামান। পর্দানশীন মেয়েরা ঘর থেকে রাস্তায় নেমে এসেছে এবং হাবশী গোলামরা আনল-ফুর্তিতে সামরিক কলা-কোশল প্রদর্শনে মেতে উঠেছে। আর বনী নাজ্জারের ছোট ছেলে-মেয়েরা-'তালায়ল বাদরু আলাইনা'- স্বাগতম সঙ্গীতটি সমবেত কঠে গেয়ে চলেছে। এমনি এক জোকালো ও পবিত্র অভ্যর্থনার মধ্য দিয়ে মহানবী মদীনায় প্রবেশ করলেন।

মহানবীর আতিথেয়তার সৌভাগ্য কার হয় তা দেখার জন্য মদীনার প্রতিটি লোক অধীর আছাহে প্রতীক্ষা করছিল। তিনি পথ অতিক্রম করছেন, আর পাশবর্তী বিভিন্ন গোত্রের লোকেরা- আহলান, সাহলান ওয়া মারহাবান- স্বাগতম শুভাগমন ইত্যাদি বলে এগিয়ে এসে নিজ নিজ বাড়ীতে মেহমান হওয়ার আহবান জানাচ্ছে কিন্তু আল্লাহ পাক তো মহানবীর আতিথেয়তার জন্য আবু আইউবের বাড়ীটি নির্ধারণ করে রেখেছিলেন। রাসূলগ্রাহ (সা) তাঁর বাহন উটনীটির পথ রোধকারীদের বার বার বলছিলেন : 'তোমরা তার পথটি ছেড়ে দাও, সে (আল্লাহর তরফ থেকে) নির্দেশ প্রাপ্ত।' (উসুদুল গাবা-২/৮০) ইমাম মালিক বলেন, সেই সময় রাসূলগ্রাহ (সা) মধ্যে ওহীর অবস্থা বিরাজমান ছিল। তিনি অবতরণ স্থল নির্ণয়ের ব্যাপারে ওহীর প্রতীক্ষায় ছিলেন [সীয়ারে আনসার (উর্দু)-১/১১০]

উটনী চলতে চলতে এক সময় বনী মালিক ইবন নাজ্জারের মধ্যে এক স্থানে (পেরবর্তীকালে মসজিদে নববীর দরযায়) বসে পড়ে। তারপর একটু এদিক ওদিক তাকিয়ে আবার উঠে পড়ে এবং একটু এদিক সেদিক ঘূরে আবার পূর্ব স্থানে ফিরে এসে বসে পড়ে। রাসূলগ্রাহ (সা) নেমে পড়েন। নিকটেই ছিল আবু আইউবের বাড়ী। (উসুদুল গাবা-২/৮১) আবু আইউব এগিয়ে এসে আরজ করেন নিকটেই আমার বাড়ী, অনুমতি পেলে বাহনের পিঠ থেকে জিনিস পত্র নামাতে পারি। নিজের বাড়ীতে মেহমানদারি করার অভিলাষীদের ভিড় কিন্তু তখনও কমেনি। সবারই একান্ত ইচ্ছা রাসূলগ্রাহ (সা) তারই মেহমান হটেন। শেষমেষ লোকেরা নিজেদের মধ্যে কারয়া বা লটারী করে এবং তাতে আবু আইউবের নামটি উঠে। এভাবে আবু আইউব মহানবীর

মেহমানদারির মহাগৌর অর্জনের সুযোগ লাভ করেন। (সীয়ারে আনসার-১/১১১)

হয়রত রাসূলে কারীম (সা) মসজিদ ও মসজিদ সংলগ্ন তাঁর বাসস্থান তৈরী না হওয়া পর্যন্ত প্রায় ছয় মাস আবৃ আইউবের গৃহে অবস্থান করেন। অত্যন্ত প্রীতি ও বিনয়ের সাথে তিনি মেহমানদারির দায়িত্ব পালন করেন। তাঁর ঘরটি ছিল দুইতলা। তবে ছাদটি ছিল সাদামাটা ধরনের। আবৃ আইউব উপরতলা রাসূলুল্লাহর (সা) জন্য নির্ধারণ করেন। কিন্তু রাসূল (সা) নিজের ও সাক্ষাৎ প্রার্থীদের সুবিধার কথা চিত্ত করে নীচতলাই পছন্দ করেন। এভাবে দিন ক্ষেত্রে যেতে লাগলো। ঘটনাক্রমে একদিন উপর তলায় পানির একটি কলস তেঙ্গে পানি গড়িয়ে পড়লো। হাদ ছিল অতি সাধারণ। পানি নীচে গড়িয়ে পড়বে এবং তাতে রাসূলুল্লাহর (সা) কষ্ট হবে, এমন একটা ভীতি ও শক্তায় আবৃ আইউব ও তাঁর স্ত্রী উশু আইউব অস্থির হয়ে পড়লেন। তাঁদের ছিল একটি মাত্র লেপ। পানি চুম্ব নেওয়ার জন্য তাঁরা সেটি পানির উপর ফেলে দেন। সাথে সাথে তাঁরা নীচে নেমে আসার ইচ্ছা প্রকাশ করেন। (উসুদুল গাবা-২/৮১)

এতটুকু কষ্ট অবশ্য তাঁদের জন্য তেমন কিছু ছিল না। তাঁরা অন্য একটি তর্যে ভীত হয়ে পড়লেন। ‘আমরা উপরে আর ওহীর বাহক, আমাদের নীচে’ এমন একটা তীব্র অনুভূতি তাঁদেরকে অস্থির করে তুললো। একটি রাত তো তাঁরা ঘুমাতেই পারলেন না। স্বামী-স্ত্রী দু'জনই ঘরের এক কোণে শুট-শুট মেরে কোন মতে জেগে কাটিয়ে দিলেন। সকালে আবৃ আইউব রাসূলুল্লাহর (সা) নিকট উপস্থিত হয়ে গতরাতের ঘটনা ও তাঁদের অনুভূতির কথা ব্যক্ত করেন। হয়রত রাসূলে কারীম (সা) তাঁদের অনুভূতির প্রতি সম্মান দেখিয়ে তাঁদের আবেদন মন্তব্য করেন। তিনি উপরে চলে যান। (সীরাতু ইবন হিশাম-১/৪৯৮, হায়াতুস সাহাবা-২/৩২৮-৩২৯)

হয়রত আবৃ আইউবের মৃত্যুর পর এই বাড়িটি তাঁর আয়াদকৃত দাস আফলাহ-এর হাতে চলে যায়। ঘরটির দেওয়াল খসে গিয়ে বিরান হওয়ার উপক্রম হলে তাঁর নিকট থেকে এক হাঙ্গার দিনারের বিনিময়ে মুগীরা ইবন ‘আবদির রহমান ইবন হারিস ইবন হিশাম খরীদ করে সংস্কার করেন। আর আফলাহ সেই অর্থ মদীনার গরীব-মিসকীনদের মধ্যে বন্টন করে দেন। (সীরাতু ইবন হিশাম-১/৪৯৮, টীকা নং-৩)

হয়রত রাসূলে কারীম (সা) আবৃ আইউবের গৃহে অবস্থানকালে সাধারণতঃ আনসারগণ পালাক্রমে অথবা আবৃ আইউব নিজে তাঁর জন্য খাবার পাঠাতেন। খাওয়ার পর যা বেঁচে যেত তিনি আবৃ আইউবের কাছে পাঠিয়ে দিতেন। আবৃ আইউব খাবারের থালায় রাসূলুল্লাহর (সা) আঙ্গুলের ছাপ দেখে দেখে যে দিক থেকে তিনি খেয়েছেন সেখান থেকেই থেতেন। ঘটনাক্রমে একদিন রাসূল (সা) খাবার স্পর্শ না করে, সবই ফেরত পাঠান। দিখা ও সংকোচের সাথে তিনি রাসূলুল্লাহর (সা) নিকট উপস্থিত হয়ে খাবার গ্রহণ না করার কারণ জানতে চান। তিনি বলেন, খাবারে রসুন ছিল। আমি রসুন পছল করিনে। তবে তোমরা খাবে। আবৃ আইউব বললেন, ‘আপনার যা পছন্দ নয়, আমিও তা পছন্দ করবো না।’ (মুসলিম-২/১৯৮, সীরাতু ইবন হিশাম-১/৪৯৯, উসুদুল গাবা-২/৮১)

হিজরাতের পর হযরত রাসূলে কারীম (সা) হযরত আনাসের বাড়ীতে আনসার ও মুহাজিরদের সমবেত করেন এবং রুচি, সামাজিক মর্যাদা, ঘোক প্রবণতা ইত্যাদি বৈশিষ্ট্য অনুসারে একজন মুহাজির ও একজন আনসারের মধ্যে মুওয়াখাত বা দীনী ভাত্সম্পর্ক কায়েম করে দেন। ইয়াসরিবে ইসলামের প্রথম মুবান্নিগ (প্রচারক) মুস'য়াব ইবন 'উমাইয়ার আল-কুরাইশীর সাথে আবু আইউবের ভাত্সম্পর্ক স্থাপিত হয়। (তাবাকাত ৩/৪৮৪) মুস'য়াব প্রাণ-প্রাচুর্যে তরা এক উৎসাহী সাহাবী। ইসলামী দাওয়াতের পথে তিনি বহু কঠিন পরীক্ষার সম্মুখীন হয়েছেন। রাসূলগ্লাহ (সা) মদীনায় হিজরাতের পূর্বে সর্বপ্রথম দারী (প্রচারক) হিসাবে তাঁকে মদীনায় পাঠান। তাঁর সাথে আবু আইউবের ভাত্সম্পর্ক স্থাপনের তাৎপর্য হল, তাঁর মধ্যেও মুসলিমের মত উৎসাহ উদ্দীপনা বিদ্যমান হিল। পরবর্তীকালে তাঁর জীবনের ঘটনাবলী একধার সত্যতা প্রমাণ করেছে।

বদর, উহদ, খন্দক, বাইয়াতুর রিদওয়ান সহ সকল যুদ্ধ ও অভিযানে আবু আইউব রাসূলগ্লাহ (সা) সাথে অংশগ্রহণ করেন। (উসুদুল গাবা-২/৮০, আল-ইসাবা-১/৪০৫) আল্লাহ রাবুল আলামীনের নিকট তিনি সভিয়াকারেই জীবন ও ধন-সম্পদ বিক্রী করে দিয়েছিলেন। রাসূলে পাকের (সা) ওফাতের পর খলীফাদের যুগে যত যুদ্ধ হয়েছে, হাজারো দুঃখ-কষ্ট সংযোগে তিনি তাঁর একটি খেকেও পিছিয়ে থাকেননি। রাত-দিন, প্রকাশ্যে ও নিরিবিলিতে সর্বক্ষণ তাঁর শ্রোগান ছিল আল্লাহর এই বাণী-'ইনফিল দিফাফান ওয়ানিকালান'- তোমরা হালকা এবং ভারী উভয় অবস্থায় যুদ্ধে বেরিয়ে পড়! (তাওবা-৪১) অর্থাৎ একাকী ও দলবদ্ধভাবে, উদ্দী ও হতোদ্দম অবস্থায়, যৌবনে ও বার্ধক্যে, প্রাচুর্য ও দারিদ্র্যের মধ্যে- মোটকথা সর্ব অবস্থায়। (ফাতহল কাদীর-২/২৬৩) তিনি বলতেন : আমি নিজেকে সব সময় খাফীফ ও সাকীল'-ই পেয়েছি। (হায়াতুল সাহাবা-১/৪৫৭-৪৫৮; তাবাকাত-৩/৪৮৫)

রাসূলগ্লাহ (সা) ইনতিকালের পর মাত্র একটি বার তিনি ঘর থেকে বের হননি। সেই যুদ্ধে খলীফা একজন ক্ষম ব্যক্তিকে সেনাপতি নিয়োগ করেন। যার নেতৃত্বের প্রতি তিনি সন্তুষ্ট হতে পারেননি। সীরাত বিশেষজ্ঞদের মতে সেই সেনাপতি হলেন ইয়ায়ীদ ইবন মু'য়াবিয়া (রা)। তবে বেশী দিন ঘরে বসে থাকতে পারেননি। তিনি ধিধা-ঘন্টের আবর্তে দেল থেকে থাকেন, অনুশোচনায় দন্তিভূত হন। অন্ন দিনের মধ্যেই সিদ্ধান্তে পৌছে যান। আপন মনে বলে ওঠেন : কে আমার আমার, তাতে আমার কী আসে যায়? এমন চিন্তার পর একটি মুহূর্তও নষ্ট না করে সাথে সাথে ঘর থেকে বেরিয়ে পড়েন। ইসলামী সেনা দলের একজন সৈনিক হিসাবে বেতে থাকা, তার পতাকাতলে যুদ্ধ করে ইসলামের মর্যাদা সমৃত্ত রাখা- তিনি জীবনের পরম প্রাপ্তি বলে মনে করেন। (রিজালুন হাওলার রাসূল-৪০৬, হায়াতুল সাহাবা ১/৪৫৮) তিনি জিহাদের উদ্দেশ্যে এশিয়া, আফ্রিকা ও ইউরোপ তিনটি মহাদেশেই গমন করেন। (দায়িরা-ই মা'য়ারিফ-ই-ইসলামিয়া-১/৭৪৩)

হিজরী ৩৫ সনে হযরত 'উসমান (রা) যখন বিদ্রোহীদের দ্বারা অবরুদ্ধ হন তখন আবু আইউব মদীনায়। সেই দুর্যোগময় সময়ে মাঝে মাঝে তিনি মসজিদে নববীতে

নামাযের ইমাম হতেন। আলী ও মু'য়াবিয়ার (রা) মধ্যে দন্ত ও সংযোগকালীন সেই সংকটময় সময়ে তিনি বিনা দ্বিধায় আলীর (রা) পক্ষ অবলুপ্ত করেন। কারণ, তাঁর মতে, তিনিই ইমাম, মুসলমানরা তাঁর প্রতি আনুগত্যের শপথ নিয়েছে। (রিজালুন হাওলার রাসূল-৪০৭) ইবনুল আলীরের মতে আলীর (রা) সাথে তিনি সকল যুক্তে অংশগ্রহণ করেন। (উসুলুল গাবা-২/৮১) মাস'উদী 'মুরজ আজ-জাহব' গ্রন্থে হিঃ ৩৬ সনে আলীর (রা) সাথে উটের যুক্তে তাঁর অংশগ্রহণের কথা বলেছেন। ইবন আবদিল বার 'আল-ইসতী'য়াব' গ্রন্থে মাস'উদীর কথা সমর্থন করেছেন। তবে হিঃ ৪৬ শতকের ঐতিহাসিক মাস'উদীর পূর্বের কোন ঐতিহাসিক আবু আইউবের উটের যুক্তে যেগুলোরের কথা বলেছেন বলে জানা যায় না। খারেজীদের বিরুদ্ধে পরিচালিত 'নাহরাওয়ানের' যুক্তে তিনি যোগদান করেন। যুক্তের পূর্বে যাঁরা খারেজীদের সাথে আপোষণকার চেষ্টা করেন তাঁদের মধ্যে আবু আইউবও একজন। তিনি আলীর (রা) সাথে 'মাদায়িন' গমন করেন। তাঁর প্রতি আলীর (রা) ছিল গভীর বিশ্঵াস ও আশ্চর্য। মদীনা থেকে 'দারুল খিলাফা' (রাজধানী) কৃষ্ণ স্থনান্তরিত হলে আলী (রা) তাঁকে মদীনায় স্থলাভিষিক্ত করে যান। আবু আইউব সেই সময় মদীনায় আমীরের দায়িত্ব পালন করেন। [সৈয়ারে আনসার-১/১১১; দায়িরা-ই ম'য়ারিফ-ই-ইসলামিয়া-উদ্দু (১/৭৪৩)]

হযরত আলীর (রা) শাহাদাতের সময় আবু আইউব মদীনায়। তাঁরপর হযরত মু'য়াবিয়া (রা) খিলাফতের দায়িত্বভার গ্রহণ করলেন। আবু আইউব চাওয়া-পাওয়ার লোক ছিলেন না। তাঁর একমাত্র বাসনা ছিল জিহাদের ময়দানে ও মুজাহিদদের সারিতে একটুখালি স্থান। হিজরী ৪২ সনে বাইজেন্টাইন রোমানদের বিরুদ্ধে মুসলমানদের অভিযান বৃদ্ধি পায়। তিনি এ সময় খালিদ ইবনুল খয়ানীদের পুত্র আবদুর রহমানের নেতৃত্বে জিহাদে শরিক হন। তখন তাঁর বয়স ৭৫ বছর। হিঃ ৪২ সনে সামুদ্রিক যুক্তে যোগদানের জন্য মিসর গমন করেন।

হযরত রাসূলে কারীম (সা) বাইজেন্টাইন রোমানদের ঘৌষি কনষ্ট্যান্টিনোপল বিজয়ের ডাবিয়েরাণী করে যান। কার হাতে এ বিজয়-কর্ম সমাধা হয় তা দেখার জন্য মুসলিম আমীরগণ সব সময় উৎসুক ছিলেন। হিঃ ৫২ মতান্তরে ৪৯ সনে হযরত মু'য়াবিয়া (রা) রোমানদের বিরুদ্ধে জিহাদ ঘোষণা করেন। তিনি দ্বীপ পুত্র ইয়ায়ীদকে সেনাপতির দায়িত্ব দিয়ে কনষ্ট্যান্টিনোপল অবরোধের নির্দেশ দেন। এই বাহিনীতে ইবন 'উমার, ইবন 'আব্দাস ও ইবন যুবাইরের মত ফর্যাদাবান সাহবীদের সাথে আবু আইউবও একজন সাধারণ সৈনিক হিসাবে যোগ দেন।

মিসর, সিরিয়াসহ মুদলিম খিলাফতের বিভিন্ন অঞ্চল থেকে তিনি তিনি সেনা ইউনিট এ যুক্তে বোগ দেয়। মিসরীয় সেনা ইউনিটের কর্মসূচি ছিলেন তথাকার গর্ভণর প্রথ্যাত সাহবী হযরত 'উকবা ইবন 'আমির আল-জুহানী। তাছাড়া ফুদালা ইবন 'উবাইদ ও আবদুর রহমান ইবন খালিদ ইবন খয়ানীদের নেতৃত্বেও দু'টি সেনা ইউনিট যোগদেয়।

রোমানরা যুদ্ধের পূর্ণ প্রস্তুতি গ্রহণ করে মুসলিম বাহিনীর বিরুদ্ধে লড়ার জন্য এগিয়ে আসে। মুসলমানদের প্রস্তুতিও কম ছিল না। তাদের সংখ্যাও প্রায় শত্রুসংখ্যার সমান। মুসলিম সৈনিকদের মধ্যে আবেগ উৎসাহ এত তীব্র ছিল যে, কোন কোন ক্ষেত্রে একজন মাত্র মুসলিম সৈনিক রোমানদের একটি পুরো সারির বিরুদ্ধে লড়তে থাকে। একজন মুসলিম সৈনিক একবার একাই রোমানদের বৃহ তেজ করে তাদের ভেতরে ঢুকে পড়ে। তার এই দুঃসাহস দেখে অন্যান্য মুসলমানদের মুখ থেকে সমস্বরে এ কুরআনের আয়াতটি ধ্রনিত হয়ে উঠে : লা তুলকু আয়দীকুম ইলাত তাহলুকাহ'-তোমরা নিজেরা নিজেদেরকে ধূসের মধ্যে নিক্ষেপ করোনা। (আল-বাকারা-১৯৫) তাদের একথা শুনে আবু আইউব এগিয়ে গিয়ে বললেন : তোমরা আয়াতটির এই অর্থ বুঝলে? এ আয়াতটি তো নাবিল হয়েছিল ব্যবসায় ও বাণিজ্য ক্ষেত্রে আনসারদের লক্ষ্য ও উদ্দেশ্য সম্পর্কে। একবার আনসাররা বলল, গত বছর জিহাদে যোগদানের জন্য

ব্যবসায়ের যে ক্ষতি হয়েছে এবছর তা পূর্ষিয়ে নিতে হবে। সেই প্রেক্ষাপটে এ আয়াতের অবতরণ। আয়াতটির তৎপর্য হল, ধূস জিহাদে নয়, জিহাদ ত্যাগ করা ও অতিরিক্ত ধন-সম্পদ আহরণে ব্যস্ত থাকার মধ্যেই ধূস। (সৌয়ারে আনসার-১/১১২; হায়াতুস সাহাবা-১/৪৭০-৪৭১, ৪৮৮-৪৯৯; তাবাকাত-৩/৪৮৪-৪৮৫) ।

এই কনষ্ট্যান্টিনোপল অভিযানের সফরে এক মহামারি দেখা দেয়। বহু মুজাহিদ সেই মহামারিতে মারা যান। আবু আইউবও আক্রান্ত হলেন। তিনি অতিম রোগ শ্যায়। মুসলিম বাহিনীর সেনাপতি ইয়ায়ীদ ইবন মুয়াবিয়া শেষ বারের মত তাঁকে দেখতে এলেন। তিনি জানতে চাইলেন,

‘আবু আইউব, আপনার কিছু চাওয়ার আছে কি? আমি আপনার অতিম ইচ্ছা প্ররূপের চেষ্টা করবো।’

কিন্তু যে ব্যক্তি জানাতের বিনিময়ে নিজের সবকিছু বিক্রী করে দিয়েছেন, এ নথর পৃথিবীতে তাঁর চাওয়ার কী থাকতে পারে? তিনি জীবনের অতিম মুহূর্তে ইয়ায়ীদের কাছে যা আশা করলেন তা কোন মানুষের কম্পনায়ও আসতে পারে না। তিনি ধীর-হ্রিতাবে বললেন, আমি মারা গেলে তোমরা আমার মৃতদেহটি ঘোড়ার উপর উঠিয়ে শত্রু-ভূমির অভ্যন্তরে যতদূর সম্ভব নিয়ে যাবে এবং শেষ প্রান্তে দাফন করবে। মুসলিম বাহিনীকে এই পথে দ্রুত তাড়িয়ে নিয়ে যাবে যাতে তাদের অশ্বের পদাঘাত আমার কবরের শুপর পড়ে এবং আমি বুঝতে পারি, তারা যে সাহায্য ও কামিয়াবী চায় তা তারা লাভ করতে পেরেছে। (রিজালুন হাওলার রাসূল-৪০৭, আল-ইসাবা-১/৪০৫)

আবু আইউবের মৃত্যুর পর তাঁর অতিম ইচ্ছার বাস্তবায়ন করা হয়। একদিন রাতে মুসলিম বাহিনী অন্ত সজ্জিত হয়ে নাশটি উঠিয়ে নেয় এবং কনষ্ট্যান্টিনোপলের (আধুনিক ইস্তাম্বুল) নগর প্রাচীরের গা ঘেঁষে তাঁকে দাফন করে। মুসলিম বাহিনীর সকল সদস্য তাঁর জানায় অংশগ্রহণ করে। বিধমীরা তাঁর মায়ারের অবমাননা করতে পারে, এই চিন্তায় ইয়ায়ীদ কবরটি মাটির সাথে সমান করে দেন। পরদিন সকালে

ରୋମାନରା ମୁନଲିଯ ମୁଜାହିଦଙ୍କର କାହେ ଜାନତେ ଚାଇଲୋ, କାଳ ରାତେ ଆପନାଙ୍କର ଏକଟୁ ବ୍ୟକ୍ତ ଦେଖା ଗେଲ, କୀ ହେଁଛିଲ? ତା'ରା ଜ୍ଵାବ ଦିଲେନ, ଆମାଙ୍କର ନୀର ଏକଜନ ଅତି ସମ୍ମାନିତ ସଂଗୀର ମୃତ୍ୟୁ ହେଁଛେ, ତା'ରେ ଦାଫନ କାଜେ ଆମରା ବ୍ୟକ୍ତ ଛିଲାମ। ଯେଥାନେ ଦାଫନ କରା ହେଁଛେ ତୋମରା ତା ଜାନ। ଯଦି ତା'ର ମାୟାବେର ଅବମାନନା କରା ହୁଏ ତାହିଲେ ଜେଣେ ରାଖ, ବିଶାଳ ଇସଲାମୀ ବିଳାଫତେର କୋଥାଓ ତୋମାଙ୍କେ 'ନାକୁସ' ଅନ୍ତର ବାଜରେ ନା। (ମୌର୍ୟବେ ଆଲସାର-୧/୧୧୩) ଇନ୍ତାବୁଲେର ସରିକଟେ ହୟରତ ଆବୁ ଆଇଉବେର କବିତି ଆଜାତ ବର୍ଣ୍ଣ ଓ ଧର୍ମତ ନିରିଶେଷେ ସକଳ ମାନୁମେର ଏକ ତୀର୍ଥ-ସ୍ଥାନ। ରୋମାନରା ତାଙ୍କର ଦୁର୍ଭିକ୍ଷ ଓ ସରାର ସମୟ ତା'ର କବରେର ନିକଟ ସମବେତ ହେଁ ଆଗ୍ରାହର ରହମତ କାମନା କରତୋ ଏବଂ ପାନି ଚାଇତୋ। (ଦୋହିରା-ଇ ମାୟାରିଫ-ଇ-ଇସଲାମିଯ୍ୟା-୧/୭୪୫, ଉସ୍ତୁଦୁଲ ଗାବା-୨/୮୨)

ହୟରତ ଆବୁ ଆଇଉବେର ମୃତ୍ୟୁମନ ସମ୍ପର୍କେ ମତତେଦ ଆହେ। ଇବନ୍ ଆସିର ଉସ୍ତୁଦୁଲ ଗାବା (୨/୮୧) ଗଛେ ତିନଟି ମତେର ଉତ୍ସ୍ତେଖ କରରେନେ। ସଥା ହିଜରୀ ୫୦, ୫୧ ଓ ୫୨ ମନ୍ଦିର ତବେ ହିଜରୀ ୫୨ ମନ ଅଧିକାଂଶେର ଯତ ବଲେ ତିନି ମନ୍ତ୍ରବ୍ୟ କରରେନେ। ଇବନ ଆସାକିର ତା'ର ଏକଟି ଯତ ହିଜରୀ ୫୫ ମନ ବଲେ ଉତ୍ସ୍ତେଖ କରରେନେ। ମୃତ୍ୟୁକାଳେ ତା'ର ବୟସ ହେଁଛିଲ ପ୍ରାୟ ଆଶିବର୍ଷ।

ହୟରତ ଆବୁ ଆଇଉବେର ଫଜିଲାତ ଓ ମର୍ଯ୍ୟାଦା ସମ୍ପର୍କେ ବହ କଥା ହାଦୀସ ଓ ସୀରାତ ହରସମ୍ବୂହେ ପାଇୟା ଯାଏ। ତା'ର ଜୀବନେର ଏମନ ଅନେକ ଘଟନା ଜାନା ଯାଏ ଯା ଖୁବଇ ଶିକ୍ଷଣୀୟ। ଏ ସଂକଷିତ ପ୍ରବନ୍ଧକେ ଦେଶବ ବିଜ୍ଞାରିତ ବର୍ଣ୍ଣନା କରା ସମ୍ଭବ ନନ୍ଦ।

ହୟରତ ଇବନ 'ଆଦାସ ବଲେନ, 'ଏକଦା ପ୍ରଚାନ୍ତ ଗରଦେର ଦିଲେ ଠିକ ଦୁପୁରେର ସମୟ ଆବୁ ବକର ଘର ଥେକେ ବେରିଯେ ମସଜିଦେର ଦିକେ ଆସଲେନ। 'ଉମାର ତା'କେ ଦେଖେ ପ୍ରଶ୍ନ କରଲେନ, - ଏମନ ଅନ୍ୟମୟ ବେର ହେଲେ ଯେ?

- କୀ କରବୋ, ଦୁଃଖ କୁଧା ତାଡ଼ିଯେ ନିଯେ ଏମେହେ।

- ଆଗ୍ରାହର କସମ, ଆମାର ଏକଇ ଦଶା। ତାଙ୍କର ଦୁଃଖନେର କଥା ଶେଷ ନା ହତେଇ ହୟରତ ରାସ୍‌ଲେ କାରୀମ (ସା) ମେଖାନେ ଉପର୍ତ୍ତି ହେଁ ତାଙ୍କରକେ ଦେଖେ ବଲେନ :

- କି ବ୍ୟାପାର, ଏ ଅନ୍ୟମୟ ତୋମରା ଏଥାନେ?

- କୁଧାର ଜ୍ଵାଲାଯ ଆମରା ସର ଥେକେ ବେରିଯେ ଏମେହେ।

ରାସ୍‌ଲ (ସା) ବଲେନ : ଯାର ହାତେ ଆମାର ଜୀବନ ମେହେ ସନ୍ତାର ଶପଥ, ଆମିଓ କୁଧାର ଜ୍ଵାଲାଯ ସରେ ଥାକିତେ ପାରିନି। ଏମେ ତୋମରା ଆମାର ସାଥେ ।

ତା'ରା ତିନ ଜନ ଇଟିତେ ଇଟିତେ ଆବୁ ଆଇଉବେର ବାଡ଼ିର ଦରଜାଯ ପୌଛଲେନ। ଆବୁ ଆଇଉବେର ଅଭ୍ୟାସ ଛିଲ, ପ୍ରତିଦିନ ରାସ୍‌ଲେ କାରୀମେର (ସା) ଜନ୍ୟ ଥାବାର ତୈରୀ ରାଖା। ତିନି ଦେଇ କରଲେ ବା ନା ଖେଲେ ତା'ର ପରିବାରେର ଲୋକେରା ତା ଭାଗ କରେ ଥେଯେ ଫେଲତୋ; ତାଙ୍କର ତିନଙ୍କରେ ନାହିଁ ପେଯେ ଉଚ୍ଚ ଆଇଉବ (ଆବୁ ଆଇଉବେର କ୍ଷେତ୍ର) ବେରିଯେ ଏମେ ବଲେନ,

- ଆଗ୍ରାହର ରାସ୍‌ଲ ଓ ତା'ର ସନ୍ଧିଦୟ, ଆହଲାନ ଓ ଯାନାହଲାନ ।

- ଆବୁ ଆଇଉବ କୋଥାଯ?

ଆବୁ ଆଇଟ୍‌ବ ନିକଟେଇ ତୌର ଖେଜୁର ବାଗାନେ କାଜ କରିଛିଲେନ । ତିନି ରାମ୍‌ଶ୍ରୀହାର (ସା) ଗଲାର ଆଓଯାଯ ଶୁଣେ ଏହି କଥା ବଲତେ ଛୁଟେ ଆସଲେନ :

-ଇହା ରାମ୍‌ଶ୍ରୀହାର, ଏମନ ସମୟ ତୋ ଆପନାର ଶୁଭାଗମନ ହୁଏ ନା ।

-ତୋମାର କଥାଇ ଠିକ ।

ଆବୁ ଆଇଟ୍‌ବ ଦୌଡ଼େ ବାଗାନେ ଗେଲେନ ଏବଂ ଏକ ଫୌଧି ଶୁକନୋ ଓ ପାକା-କୌଚ ଖେଜୁର କେଟେ ନିଯେ ଆସଲେନ ।

ରାମ୍‌ଶ୍ରୀ (ସା) ବଲଲେନ : ତୁମି ଏଟା କେଟେ ଆନ ତା କିନ୍ତୁ ଆମି ଚାଇନି ।

-ଆପନି ଏଇ ଥେବେ କିଛୁ ଶୁକନୋ, ପାକା ଓ କୌଚ ଖେଜିର ଥାନ- ଏଟାଇ ଆମାର ଏକାନ୍ତ ଇଚ୍ଛା । ଆମି ଆପନାଦେଇ ଜନ୍ୟ ଏକ୍ଷୁଣି ବକରୀ ଜବେହ କରିବ । ରାମ୍‌ଶ୍ରୀ (ସା) ବଲଲେନ : ଜବେହ କରିଲେ ଦୁଧାଳୋ ବକରୀ ଜବେହ କରିବେ ନା ।

ଆବୁ ଆଇଟ୍‌ବ ଦୁଧ ଦେଇ ନା ଏମନ ଏକଟି ବକରୀ ଜବେହ କରିଲେନ । ଶ୍ରୀକେ ବଲଲେନ : ଗୋଶତ ତୁନା କର ଏବଂ ଝଟି ବାନାଓ । ତୁମି ତୋ ଝଟି ବାନାତେ ଦକ୍ଷ । ଆବୁ ଆଇଟ୍‌ବ ଲେଗେ ଗେଲେନ ବକରୀର ଅର୍ଧେକଟା ରାମା କରିଲେ । ରାମାର କାଜ ଶେଷ କରେ ତା ରାମ୍‌ଶ୍ରୀହାର (ସା) ଓ ତୌର ସନ୍ତୀହରେ ସାମନେ ହାଜିର କରିଲେନ ।

ରାମ୍‌ଶ୍ରୀ (ସା) ଏକ ଟୁକରୋ ଗୋଶତ ଉଠିଯେ ଏକଟି ଝଟିର ଓପର ରେଖେ ବଲଲେନ :

-ଆବୁ ଆଇଟ୍‌ବ, ଶିଗଗିର ତୁମି ଏହି ଟୁକରୋଟି ଫାତିମାକେ ଦିଯେ ଏସ । ବହ ଦିନ ମେ ଏମନ ଥାବାର ଦେଖେ ନା ।

ତୌରା ସକଳେ ପେଟ ଭରେ ଖେଲେନ । ତାରପର ରାମ୍‌ଶ୍ରୀ (ସା) ବଲଲେନ, 'ଝଟି, ଗୋଶତ, ଖୁରମା, ପାକା ଓ ଆଧାପାକା ଖେଜୁର ।' ତୋଥ ଦୁ'ଟି ତୌର ପାନିତେ ଭରେ ଗେଲ । ତାରପର ବଲଲେନ : 'ଯାର ହାତେ ଆମାର ଜୀବନ ସେଇ ସଙ୍ଗାର ଶପଥ । ଏଇ ନି'ଯାମତ (ଦାନ, ଅନୁହାତ) ସମ୍ପର୍କେ କିମ୍ବାମତେର ଦିନ ତୋମାଦେଇ ଜିଜାମା କରା ହବେ । ତୋମରା ଏହି ନିଯାମତ ଲାଭ କରିଲେ 'ବିଶିଷ୍ଟାହ' ବଲେ ତାତେ ହାତ ଦେବେ ଏବଂ ପେଟ ଭରେ ଥାଓଯାର ପର ବଲବେ 'ଆଦହାମଦୁଲିଗ୍ନାହ ଆଦ୍ଵାଜୀ ଆଶଦା'ଯାନା ଓଯା ଆନ'ଯାମା ଆଲାଇନା ଫା ଆଫଦାଲା ।'

ରାମ୍‌ଶ୍ରୀହାର (ସା) ବିଦ୍ୟାଧ୍ୟ ନେନ୍ଦ୍ରୀଯାର ସମୟ ଆବୁ ଆଇଟ୍‌ବକେ ବଲଲେନ :

-ଆଗାମୀ କାଳ ଆମର ସାଥେ ଦେଖା କରିବେ ।

ପରଦିନ ଆବୁ ଆଇଟ୍‌ବ ରାମ୍‌ଶ୍ରୀହାର (ସା) ନିକଟ ଉପର୍ଦ୍ଦିତ ହଲେନ । ତିନି ଛୋଟ ଏକଟି ଦାସୀକେ ଆବୁ ଆଇଟ୍‌ବରେ ହାତେ ତୁଳେ ଦିତେ ଦିତେ ବଲଲେନ : ଆବୁ ଆଇଟ୍‌ବ, ତାର ସାଥେ ଭାଲୋ ବ୍ୟବହାର କରିବେ । ଆମର କାହେ ଯତଦିନ ଛିଲ, ଆମରା ତାର ମଧ୍ୟେ ଭାଲୋ ଛାଡ଼ା ମନ୍ଦ କିଛୁଦେଖିନି ।

ଦାସୀଟି ସଂଗେ କରେ ଆବୁ ଆଇଟ୍‌ବ ବାଡି ଫିରିଲେନ । ଶ୍ରୀ ପ୍ରଶ୍ନ କରିଲେନ : ଆଇଟ୍‌ବରେ ବାପ, ଏଟା ଆବାର କାରା ?

ରାମ୍‌ଶ୍ରୀହାର (ସା) ଆମାଦେଇକେ ଦାନ କରିଛେନ । 'ଦାତା' ଅତି ମହାନ, ଦାନଚିତ୍ର ଅତି ସମ୍ମାନିତ'—ଶ୍ରୀ ମନ୍ତ୍ୟ କରିଲେନ ।

-ରାମ୍‌ଶ୍ରୀହାର (ସା) ତୌର ପ୍ରତି ଭାଲୋ ଆଚରଣେର ଉପଦେଶ ଦିଯିଛେନ ।

-ଉପଦେଶ କିତାବେ ବାନ୍ତବାୟନ କରିବେ ?

-ତାକେ ଆଯାଦ କରେ ଦେଓଯା ଛାଡ଼ା ରାମ୍‌ଶ୍ରୀହାର (ସା) ଉପଦେଶ ବାନ୍ତବାୟନେର ଆର କୋଳ ଉତ୍ତମ ପଥା ନେଇ ।

- তুমি সঠিক হিদায়াত পেয়েছ। তুমি আল্লাহর সাহায্যপ্রাণ ব্যক্তি।

অতঃপর তাঁরা দাসীটি আযাদ করে দিলেন। (সুওয়ারুম মিন হায়াতিস সাহাবা-১/১২৪-১৩০; হায়াতুস সাহাবা-১/৩০৮-৩১০)

উস্মুল মুমিনীন হযরত সাফিয়া বিনতু হয়াই-এর সাথে যে রাতে রাসূলুল্লাহর (সা) প্রথম বাসর হয়, সে রাতে সকলের অজ্ঞাতসারে আবু আইউব রাসূলুল্লাহর (সা) দরযায় কোষমুক্ত তরবারি হাতে সারারাত দাঁড়িয়ে থাকেন। প্রত্যুমে রাসূল (সা) বের হয়ে আবু আইউবকে দেখতে পান। আবু আইউবের বলেন : ইয়া রাসূলুল্লাহ আপনি তাঁর বাপ, তাই ও স্বামীকে ইত্যা করেছেন- এজন্য আমি আপনাকে নিরাপদ মনে করিনি। তাঁর কথা শুনে রাসূল (সা) হেসে দেন এবং তাঁর জন্য দু'আ করেন। (আনসাবুল আশরাফ-১/৪৪৩, হায়াতুস সাহাবা-২/৭৬৩)

সাহাবা সমাজের মধ্যে তাঁর মর্যাদা এত উচুতে ছিল যে, অন্যান্য সাহাবীরা তাঁর 'নিকট বিভিন্ন বিষয়ে মাসযালা জিজ্ঞেস করতেন। ইবন 'আবাস, ইবন 'উবর, বারা' ইবন আবিব, আনাস ইবন মালিক, আবু উমায়া, যাযিদ ইবন খালিদ আল-জুহানী, মিকদাম ইবন মা'দিকারাব, জ্বারির ইবন সুমরা, আবদুল্লাহ ইবন ইয়ায়ীদ আল-খাতামী প্রমুখের ন্যায় বিশিষ্ট সাহাবীরা তাঁর সূত্রে হাদীস বর্ণনা করেছেন। আর সাইদ ইবনুল মুসায়িব, 'উরণ্যা ইবন যুবাইর, সালিম ইবন 'আবদিল্লাহ, 'আতা ইবন ইয়াসার, 'আতা ইবন ইয়ায়ীদ, লায়নী, আবু সালামা, আবদুর রহমান ইবন আবী-লায়লার মত বিশিষ্ট তাবে'ইগণও ছিলেন তাঁর শাগরিদ। তাঁরা সকলে তাঁর সূত্রে হাদীস বর্ণনা করেছেন। (উস্মুল গাবা-২/৮১; আল-ইসাবা-১/৪০৫)

আবু আইউব ছিলেন সাহাবাদের কেন্দ্রবিন্দু। কেন মাসযালায় সাহাবাদের মধ্যে মতভেদ দেখা দিলে সবাই তাঁর কাছে ছুটে যেতেন। একবার ইহুরাম অবস্থায় জানাবাতের গোসলের সময় হাত দিয়ে মাথ ঘৰা যায় কিনা- এ ব্যাপারে ইবন 'আবাস ও মিসওয়ার ইবন মায়েরামার মধ্যে মতভিপ্রোধ দেখা দিল। তাঁরা বিষয়টি জানার জন্য আবদুল্লাহ ইবন হসাইনকে পাঠালেন আবু আইউবের নিকট। আবদুল্লাহ যখন পৌছলেন তখন ঘটনাক্রমে আবু আইউবের গোসল করছিলেন। আবদুল্লাহর উদ্দেশ্য জানতে পেরে তিনি মাথাটি বাইরে বের করে দিয়ে তা ঘষতে ঘষতে বলেন, দেখ, এভাবে রাসূলুল্লাহ (সা) গোসল করতেন। (বুখারী-১/২৪৮)

হযরত আমির মু'য়াবিড়ার (রা) খিলাফতকালে 'উকবা ইবন 'আমির আল-জুহানী যখন মিসরের গভর্নর তখন আবু আইউব দুইবার মিসর ভ্রমণ করেন। প্রথম সফরটি হাদীসের অব্যেষণে। তিনি শুনেছিলেন, 'উকবা রাসূলুল্লাহর (সা) একটি হাদীস বর্ণনা করেন। 'উকবার মুখ থেকে সেই একটিমাত্র হাদীস শোনার জন্য মদীনা থেকে মিসর প্রস্তুত এত দীর্ঘপথ প্রাঢ়ি দেন। মিসর পৌছে তিনি মাসলামা ইবন মাখলাদের বাড়ীতে যান। মাসলামা তাঁকে স্বাগতম জানিয়ে বুকে বুক মিলান। আবু আইউব তাঁকে বলেন, 'আমাকে একটু 'উকবার বাড়ীটি দেখিয়ে দাও।' সেখানে পৌছে তিনি 'উকবাকে বলেন, 'একটি কথা আমি আপনাকে জিজ্ঞেস করতে চাই। রাসূলুল্লাহ (সা) সাহাবীদের মধ্যে যারা সেই সময় উপস্থিত ছিলেন, আমি ও আপনি ছাড়া তাঁদের আর

কেউ এখন বৈঁচে নেই। আচ্ছা, 'সতর্কল মুসলিম'- মুসলমানের সতর সম্পর্কে রাসূলগ্রাহকে (সা) আপনি কী বলতে শুনেছেন?' 'উকবা বলেন, আমি রাসূলগ্রাহকে (সা) বলতে শুনেছি : 'দুনিয়াতে যে ব্যক্তি কোন মুমিলের কোন গোপন বিষয় গোপন রাখবে আগ্রাহ কিয়ামতের দিন তার দোষ-শুণ্ঠি গোপন রাখবেন।' এতটুকু শুনেই আবু আইউর মদীনার দিকে যাত্রা করেন। বাহনটিকে ছেড়ে দিয়ে একটু বিশ্রামও নিলেন না। অতঃপর হাদীসটি তিনি এভাবে বর্ণনা করতেন। (হায়াতুস সাহাবা-৩/১৯৮; মুসলাদে ইমাম আহমাদ-৪/১৫৪)

হয়রত আবু আইউবের জ্ঞান আহরণ ও তার প্রচার প্রসারের প্রতি এত তীব্র আকর্ষণ ছিল যে, মৃত্যু শয্যায়ও তা থেকে বিরত থাকেননি। মৃত্যুর পূর্বক্ষণে তিনি রাসূলগ্রাহকে (সা) এমন দু'টি হাদীস বর্ণনা করেন যা আগে কখনও করেননি। তাঁর মৃত্যুর পর সাধারণ ঘোষণার মাধ্যমে হাদীস দু'টি মানুষের মধ্যে প্রচার করা হয় (মুসলাদে আহমাদ-৫/৪১৪)

হয়রত আবু আইউব কুরআনের হাফেজ ছিলেন। ইবন সাদ বর্ণনা করেনঃ রাসূলগ্রাহকে (সা) যুগে আনসারদের মধ্যে পাঁচ জন কুরআন সংগ্রহ করেন। মা'য়াজ ইবন জাবাল, 'উবাদাহ ইবন সামিত, উবাই ইবন কা'ব, আবু আইউব ও আবু দারদা। দ্বিতীয় খ্লীফা 'উমারের খিলাফতকালে ইয়ায়ীদ ইবন আবী সুফইয়ান (রা) খ্লীফাকে লিখলেন : 'শামের অধিবাসীরা নানা পদ্ধতিতে কুরআন পাঠ করছে। তাদেরকে সঠিকভাবে কুরআন শিক্ষা দিতে পারে এমন কিছু বিজ্ঞ শিক্ষক সেখানে পাঠান। এই চিঠি পেয়ে 'উমার উপরোক্ত পাঁচ জনকে ডেকে পাঠান। তাঁরা উপস্থিত হলে বলেন : 'তোমাদের শামবাসী তাইয়েরা কুরআন শিক্ষার ব্যাপারে আমার সাহায্য চেয়েছে। তোমাদের মধ্য থেকে অন্ততঃ তিনজন এ ব্যাপারে আমাকে সাহায্য কর। আর ইচ্ছা করলে তোমরা সবাই অংশগ্রহণ করতে পার।' তাঁরা খ্লীফার আবেদনে সাড়া দিলেন। তাঁরা বললেন : 'আবু আইউব বয়সের ভারে দুর্বল, আর উবাই ইবন কা'ব রোগগ্রস্ত।' অতঃপর বাকী তিনজন যাবার জন্য প্রস্তুত হলেন। (হায়াতুস সাহাবা-৩/১৯৫)

হয়রত আবু আইউব থেকে দেড়শো হাদীস বর্ণিত হয়েছে বলে সীরাত গ্রন্থসমূহে উল্লেখ করা হয়েছে। তবে 'জালা' আল-কুলূব'-এর গ্রন্থকার তাঁর বর্ণিত হাদীসের সংখ্যা ২১০টি বলে উল্লেখ করেছেন। তার মধ্যে পিচটি হাদীস মুন্তাফাক আলাইছি। ইমাম আহমাদ তাঁর 'মুসলাদ'-এর ৫ম খণ্ডে ৪১২ থেকে ৪২৩ পৃষ্ঠায় ১১২টি এবং ১১৩-১১৪ পৃষ্ঠায় তাঁর বর্ণিত আরও কিছু হাদীস সংকলন করেছেন। [দায়িরা-ই-মা'য়ারিফ-ই-ইসলামিয়া (উর্দু)-১/৭৪৫]

হয়রত আবু আইউবের চরিত্রে তিনটি বৈশিষ্ট বিশেষতাবে বিদ্যমান ছিল। ১. রাসূলগ্রাহকে (সা) প্রতি গভীর ভালোবাসা, ২. ঈমানী তেজ ও উদ্দীপনা, ৩. সত্য ভাষণ। রাসূলগ্রাহকে (সা) এত গভীরতাবে ভালোবেসেছিলেন যে, তাঁর ওফাতের পর রওঝা পাকের কাছে গিয়ে পড়ে থাকতেন।

তাঁর ঈমানী তেজ ও দৃঢ়তার প্রমাণ এই যে, রাসূলগ্রাহকে (সা) যুগে সংঘটিত কোন

একটি যুদ্ধেও তিনি অনুপস্থিত থাকেননি। আর জীবনের শেষ প্রান্তে আশি বছর বয়সেও মিসরের পথে রোম সাগর পাড়ি দিয়ে ইস্তাবুলের নগর প্রাচীরের সঞ্চিকটে ইসলামী দা'ওয়াতের দায়িত্ব পালনের জন্য গমন করেন।

আর ব্যক্তি বা রাষ্ট্র- কারও ভয়েই তিনি সত্য কথা বলা থেকে কখনও বিরত থাকেননি। একবার মিসরের গভর্নর 'উকবা ইবন 'জামির আল-জুহানী'-যিনি একজন সাহাবী, কোন কারণবশতঃ মাগরিবের নামায পড়াতে একটু বিলম্ব করলেন। আবু আইউব উঠে প্রশ্ন ছুঁড়ে মারলেন 'মা হাজিহিস সালাতু ইয়া উকবা'- উকবা এটা কেমন নামায? উকবা বললেন, একটি কাজে আটকে গিয়ে দেরী হয়ে গেছে। আবু আইউব বললেন : 'আপনি রাসূলুল্লাহ (সা) সাহাবী, আপনার এই কাজের দ্বারা মানুষের ধারণা হবে রাসূলুল্লাহ (সা) এই সময় নামায আদায় করতেন। অর্থচ মাগরিবের নামায তাড়তাড়ি আদায়ের জন্য তিনি কত তাকীদ দিয়েছেন।' (মুসনাদে আহমাদ-৫/৪১৭)

ইসলামী বিধি-বিধান তিনি নিজে যেমন পরিপূর্ণরূপে অনুসরণ করতেন তেমনি অন্যদের নিকট থেকেও অনুমতি অনুসরণ আশা করতেন। কারও মধ্যে সামান্য বিচ্ছুতি লক্ষ্য করলেও তা সংশোধন করে দিতেন। একবার হযরত খালিদ ইবনুল উয়ালীদের ছেলে আবদুর রহমান কোন এক যুদ্ধে চারজন বন্দীকে হাত-পা বেঁধে হত্যা করেন। এ কথা আবু আইউব জানতে পেরে তাঁকে বলেন, 'পশুর মত এভাবে হত্যা করা থেকে রাসূলুল্লাহ (সা) নিষেধ করেছেন। আমি তো এভাবে একটি মুরগীও জবেহ করা পছল করিনে।' (মুসনাদে আহমাদ-৫/৪২২)

রোমানদের সাথে যুদ্ধের সময় জাহাজে একজন অফিসারের তত্ত্বাবধানে বহ সংখ্যক যুদ্ধবন্দী ছিল। একদিন আবু আইউব দেখতে পেলো একজন মহিলা কয়েটী বড় ব্যাকুল হয়ে কাঁদছে। তিনি মহিলাটির এভাবে কাঁদার কারণ জিজেস করলেন। লোকেরা বলল, 'তার স্তোন থেকে তাকে বিছির করে দেওয়া হয়েছে।' আবু আইউব ছেলেটির হাত ধরে মহিলার হাতে তুলে দেন। অফিসার আবু আইউবের বিরক্তে কমান্ডারের নিকট অভিযোগ করেন। কমান্ডারের প্রশ্নের জবাবে আবু আইউব বলেন, 'রাসূলুল্লাহ (সা) এ ধরনের কষ্ট দিতে নিষেধ করেছেন।' (মুসনাদে আহমাদ-৫/৪১২)

তিনি সিরিয়া ও মিসরে গেলেন। দেখলেন, সেখানকার পায়খানাসমূহ কিবলামূর্যী করে তৈরী করা। তিনি বার বার শুধু বলতে লাগলেন, 'কী বলবো? এখানে পায়খানা কিবলামূর্যী করে তৈরী করা, অর্থ রাসূল (সা) এমনটি করতে নিষেধ করেছেন।' (মুসনাদে আহমাদ-৫/৪১২)

সালিম ইবন 'আবদিল্লাহ ইবন 'উমার বলেন : 'আমার পিতার (আবদুল্লাহ ইবন 'উমার) জীবন্দশায় একবার আমাদের বাড়ীতে একটি বিয়ের অনুষ্ঠান হল। আমার পিতা অন্যদের সাথে আবু আইউবকেও দাওয়াত দিলেন। সুন্দর সুন্দর সবুজ চাদর দিয়ে আমাদের বাড়ীর দেওয়াল ঢেকে দেওয়া হল। আবু আইউব এসেই মাথা উচু করে একবার তাকিয়ে দেখলেন। তারপর গভীরভাবে বললেন : 'আবদুল্লাহ, তোমরা

দেওয়াল ঢেকে দিয়েছ?’ সালেম বলেন : ‘আমার পিতা সজ্জিত হয়ে জবাব দিলেন, ‘আবু আইউব, মহিলারা আমদেরকে কাবু করে ফেলেছে।’ আবু আইউব বললেন : ‘সবার ব্যাপারে এ আশংকা আমার আছে। তবে তোমার ব্যাপারে এমন আশংকা ছিলনা। আমি তোমার বাড়ীতে চুকবো না, আহারও করবো না।’ (হায়াতুস সাহাবা-২/৩০৫)

হযরত আবু আইউব যে কত উন্নত চরিত্রের অধিকারী ছিলেন, তার প্রমাণ পাওয়া যায় ইফ্ক-এর ঘটনায়। এই ইফ্ক বা হযরত ‘আয়িশার (রা) প্রতি অপবাদ আরোপের ঘটনায় তাঁর ভূমিকা ছিল অত্যন্ত সুস্থি। একদিন তাঁর স্ত্রী তাঁকে বললেন : ‘আবু আইউব, ‘আয়িশার সম্পর্কে লোকেরা যা বলাবলি করছে, তা কি তুমি শুনেছ?’ বললেন : ‘হাঁ, শুনেছি। ডাহা মিথ্যে কথা। উম্ম আইউব, তুমি কি এমন কাজ করতে পার?’ বললেন : ‘আগ্রাহের কসম। এমন কাজ আমি কঙ্গণণ করতে পারিনে।’ আবু আইউব বললেন : ‘তাহলে ‘আয়িশা- যিনি তোমার চেয়েও উন্নত, তিনি কিভাবে করতে পারেন?’ (সৌরাতু ইবন হিশাম-২/৩০২)

কনষ্ট্যান্টিনোপল যুদ্ধের সময় একদিন একদল মুসলিম সৈনিক তাদের জাহাজে আবু আইউবকে খাবারের দাঁওয়াত দিল। তিনি হাজির হলেন এবং বললেন, ‘তোমরা আমাকে দাওয়াত দিয়েছ; অথচ আজ আমি রোধা রেখেছি। তোমাদের দাওয়াতে সাড়া দেওয়া ছাড়া আমার আর কোন উপায় ছিল না। কারণ আমি রাসূলুল্লাহকে (সা) বলতে শুনেছি : একজন মুসলমানের উপর তার অন্য এক মুসলিম ভাইয়ের ছয়টি অধিকার আছে। তার কোন একটি ছেড়ে দিলে একটি অধিকার ছেড়ে দেওয়া হবে। ১. দেখা হলে তাকে সালাম দিতে হবে। ২. দাওয়াত দিলে সাড়া দিতে হবে। ৩. হাঁচি দিয়ে ‘আল-হামদুল্লাহ’ বললে তার জবাবে ‘ইয়ারহামুকল্লাহ’ বলে জবাব দিতে হবে। ৪. অসুস্থ হলে দেখতে যেতে হবে। ৫. মারা গেলে তার জ্ঞানাধার শরিক হতে হবে। ৬. কোন ব্যাপারে উপদেশ চাইলে উপদেশ দিতে হবে।’ (হায়াতুস সাহাবা-২/৫০৫)

হযরত আবু আইউব ছিলেন অত্যন্ত নাজুক প্রকৃতির। কুয়োর ধারে গোসলের সময়েও চারিদিকে কাপড় টানিয়ে ধিরে নিতেন। (বুখারী-১,২৪৮)

কফির মুনাফিকদের প্রতি তিনি ছিলেন অত্যন্ত কঠোর। এ কঠোরতা বিভিন্ন সময়ে নানাত্বাবে প্রকাশ পেয়েছে। সে সময় মদীনার মুনাফিকরা (কপট) মসজিদে আসতো, মুসলমানদের নানা কথা কান পেতে শুনতো। বাইরে গিয়ে তারা মুসলমানদের ধীন নিয়ে হাসি-ঠাট্টা করতো। একদিন কতিপয় মুনাফিক মসজিদে নববীতে একত্রিত হল। তারা যখন প্রস্তর গায়ে গা মিশিয়ে নিচুরে নিজেদের মধ্যে শলাপরামর্শ করছে, ঠিক সেই সময় রাসূল (সা) তাদেরকে দেখে ফেলেন। তিনি তাদেরকে মসজিদ থেকে বের করে দেওয়ার নির্দেশ দিলেন। সাথে সাথে আবু আইউব ছুটে গিয়ে ‘আমর ইবন কায়েসের একটি ঠ্যাং ধরে টানতে টানতে মসজিদের বাইরে নিয়ে গেলেন। তিনি তার ঠ্যাং ধরে টানছেন আর সে চেঁচিয়ে চেঁচিয়ে বলছে : আবু আইউব, তুমি এভাবে আমাকে বনী-সা’লাবের মিরবাদ (খৌয়াড়) থেকে বের করে করে দিছ? (মসজিদের স্থানে পূর্বে উট-বকরীর খৌয়াড় ছিল) তারপর আবু আইউব রাফে ইবন ওয়াদীয়ার দিকে

ধেয়ে যান এবং তার গলায় চাদর পেচিয়ে টানতে টানতে ও লাথি-চড় মারতে মারতে মসজিদ থেকে বের করে দেন। আবু আইউব টানছেন আর মুখে বলছেন : ‘পাপাত্তা মুনাফিক দূর হ। যে পথে এসেছিস সেই পথে চলে যা।’ (সীরাতু ইবন হিশাম-১/৫২৮)

হযরত আবু আইউব ও তাঁর স্ত্রী যেভাবে রাসূলুল্লাহকে (সা) আশ্রয় দেন এবং প্রাণ দিয়ে তাঁর সেবা করেন তাতে নবী-খান্দানের লোকদের নিকট বিশেষভাবে, আর সাধারণভাবে সকল মুসলমানের নিকট তাঁরা এক বিশেষ মর্যাদার আসন লাভ করেন, হযরত আলীর খিলাফতকালে হযরত ইবন ‘আববাস (রা) যখন বসরার গর্ভর তখন একবার আবু আইউব গেলেন সেখানে। ইবন ‘আববাস তাঁকে বলেন, ‘আমার ইচ্ছা, যেভাবে আপনি রাসূলুল্লাহর (সা) জন্য ঘর খালি করে দিয়েছিলেন, আজ আমিও তেমনিভাবে আপনার জন্য ঘর খালি করে দিই।’ একথা বলে তিনি পরিবারের সকল সদস্যকে অন্যত্র সরিয়ে নিয়ে সকল সাজ সরঞ্জামসহ বাড়ীটি তাঁর থাকার জন্য ছেড়ে দেন। (হায়াতুস সাহাবা-১/৪০৫)

রাসূলুল্লাহর (সা) উফাতের পর সাহাবা-ই-কিরামের পূর্ববর্তী সেবা ও আত্মত্যাগ অনুযায়ী প্রত্যেকের ভাতা নির্ধারিত হয়। আবু আইউবের ভাতা প্রথমে ৪০০০ (চার হাজার) দিরহাম নির্ধারিত হয়। হযরত আলী তা বাড়িয়ে বিশ হাজার করেন। তাঁর ভূমি চাষাবাদের জন্য প্রথমে ৮ (আট) টি দাস নিযুক্ত ছিল, হযরত আলী (রা) তা চাল্লিশ জনে উন্নীত করেন।

হযরত আবু আইউবের তাগ্যবর্তী স্ত্রীর নাম উচ্চ হাসান বিনতু যায়িদ। অভিজ্ঞাত আনসারী মহিলা। ইবন সা’দের বর্ণনা মতে, তাঁর গর্তে একমাত্র ছেলে ‘আবদুর রহমান জন্মগ্রহণ করেন।

যদিও হযরত আবু আইউবের (রা) জীবন যুদ্ধের ময়দানে কেটেছে এবং তরবারি কাঁধ থেকে নামিয়ে একটু বিশাম নেওয়ার সময় পাননি, তথাপি সে জীবন ছিল প্রভাতের মৃন্দমন্দ শীতল বায়ুর ন্যায় প্রশংসন। কারণ তিনি রাসূলুল্লাহর (সা) মুখ থেকে শুনেছিলেন :

“তুমি যখন নামায আদায় করবে, তা যে শেষবারের মত আদায় করছো, এমনভাবে করবে। এমন কথা কক্ষণও বলবে না যার জন্য পরে কৈফিয়াত দিতে হয়। মানুষের হাতে যা আছে তা পাওয়ার আশা কক্ষণও করবে না।”

কোন ঝগড়া-বিবাদে কক্ষণও তাঁর জিহবা অস্থিত হয়নি। কোন জালসা তাঁর অন্তরকে কক্ষণও কাবু করতে পারেনি। একজন ‘আবেদের মত, দুনিয়া থেকে এই মুহূর্তে একজন বিদায় গ্রহণকারীর মত সারাটি জীবন তিনি অতিবাহিত করে গেছেন। (রিজালুন হাওলার রাসূল-৪০৮)

## সাঁদ ইবন মু'য়াজ (রা)

আসল নাম সাঁদ, ডাকনাম আবু 'আমর, লকব বা উপাধি সায়িদুল আউস। মদীনার বিখ্যাত আউস গোত্রের আবদুল আশহাল শাখার সন্তান। পিতার নাম মু'য়াজ ইবন নু'মান, মাতা কাবশা মতান্তরে কুবাইশা 'বিনতু রাফি'। প্রখ্যাত সাহাবী হযরত আবু সাঁইদ আল খুদুরীর চাচাতো বোন। জাহিনী যুগেই পিতা মু'য়াজের মৃত্যু হয়। তবে মাতা কাবশা হিজরাতের পরে ঈমান আনেন এবং সাঁদের ইনতিকালের পরেও বহু দিন জীবিত ছিলেন। গোটা আউস গোত্রের মধ্যে আবদুল আশহাল শাখাটি ছিল সর্বাধিক অভিজ্ঞত এবং বৎশান্ত্রমে নেতৃত্ব ছিল তাদেরই হাতে। সাঁদ ছিলেন তাঁর সময়ে একজন বড় মাপের নেতৃ। (দ্রঃ সীরাতু ইবন ইশাম-২/২৫২, উসুদুল গাবা-২/২৯৬, তাবাকাত-৩/৪২০, তাহজীবুত তাহজীর-৩/৪৮১) তাঁর জন্ম সন সম্পর্কে তেমন কোন তথ্য পাওয়া যায় না।

আকাবার প্রথম বাইয়াতের পর থেকে যদিও মদীনায় ইসলামের প্রভাব পড়তে থাকে তবে তা প্রকৃতপক্ষে হযরত মুস'য়াব ইবন 'উমাইরের ব্যক্তিত্বের সাথে জড়িত ছিল। আকাবার শপথের পর মদীনাবাসীদের অনুরোধে হযরত রাসূলে কারীম (সা) মুস'য়াবকে দা'ই-ই-ইসলামের (আহবানকারী) দায়িত্ব দিয়ে মদীনায় পাঠান। ইসলামের ইতিহাসে তিনি একজন সফল দা'ই হিসেবে চিহ্নিত হয়ে আছেন। তিনি নিরলস চেষ্টার মাধ্যমে মদীনার প্রতিটি লোকের কানে ইসলামের দা'ওয়াত পৌছে দেন। হযরত মুস'য়াব মদীনায় এসে যখন ইসলামের দা'ওয়াত দিতে শুরু করলেন তখন সাঁদ ইবন মু'য়াজ একজন চরম অস্বীকারকারী। তাঁর এ অবস্থা বেশী দিন থাকেনি। অনতিবিলম্বে তিনিও মুস'য়াবের দা'ওয়াতে সাড়া দেন। ইবন ইসহাক তাঁর ইসলাম গ্রহণের কাহিনী এভাবে বর্ণনা করেছেন :

একদিন আস'য়াদ ইবন যুরারা রাসূলুল্লাহর (সা) প্রেরিত দা'ই (আহবানকারী) মুস'য়াব ইবন 'উমাইরকে সংগে করে দা'ওয়াতী কাজে বনী আবদুল আশহাল ও বনী জাফার গোত্রে গেলেন। তাঁরা 'মারাক' নামক একটি কুয়োর ধারে দেওয়ালের ওপর বসলেন। আর ইসলাম গ্রহণ করেছিলেন এমন কিছু লোক তাঁদের পাশে জড় হলেন। সাঁদ ইবন মু'য়াজ ও উসাইদ ইবন হুদাইর উভয়ই তখন বনী আবদুল আশহাল গোত্রের নেতৃ। তখনও তাঁরা মুশ্রিক বা পৌন্তলিক। উল্লেখ্য যে, সাঁদ ছিলেন আস'য়াদ ইবন যুরারার খালাতো ভাই। যাই হোক, যবরটি সাঁদ ও উসাইদের কানে গেল। সাথে সাথে সাঁদ উসাইদকে বললেনঃ 'তোমার বাপের সর্বনাশ হোক। তুমি এখনই এ দু'জন লোকের কাছে যাও। তাঁরা আমাদের দুর্বল লোকদের বোকা বানাতে আমাদের বাড়ীর ওপর ঢ়োও হয়েছে। তাদের তাড়িয়ে দাও, এপথ মাড়াতে নিষেধ কর। যদি এই দ্বিতীয় লোকটির সাথে আমার খালাতো ভাই আস'য়াদ ইবন যুরারা না থাকতো তাহলে তোমাকে পাঠাতাম না, আমি নিজেই যেতাম। তাঁর সামনে আমার যাওয়া শোভন হবে না।' উসাইদ অস্ত্র সজ্জিত হয়ে তাঁদের নিকট গেলেন। উন্টো ফল ফললো। তাড়াতে গিয়ে নিজেই তাঁদের কথায় প্রভাবিত হলেন এবং ইসলাম কবুল করলেন। তিনি

মুস'য়াব ও আস'য়াদকে বললেনঃ ‘আমি পিছনে এমন এক ব্যক্তিকে রেখে এসেছি, যদি তিনি তোমাদের কথা শোনেন তাহলে গোত্রের একটি লোকও তোমাদের থেকে দূরে থাকবে না। আমি এখনই সা’দ ইবন মু’য়াজকে পাঠিয়ে দিচ্ছি। এই বলে তিনি নিজ গোত্রের দিকে ফিরে চললেন। সা’দ তখন গোত্রীয় এক আড়ায় বসা। উসাইদকে ফিরে আসতে দেখে তিনি মন্তব্য করলেনঃ ‘আমি আল্লাহর নামে কসম করে বলছি, উসাইদ যে চেহারায় গিয়েছিল তার থেকে ভির এক চেহারা নিয়ে তোমাদের কাছে ফিরছে।’ উসাইদ কাছাকাছি এসে পৌছালে সা’দ জিজ্ঞেস করলেনঃ কী করেছে? উসাইদ জবাব দিলেনঃ

আমি তাদের দু’জনের সাথে কথা বলেছি, তাদের মধ্যে তেমন খারাপ কিছু দেখিনি। তবুও তাদেরকে এখানে আসতে নিষেধ করে দিয়েছি। তারাও বলেছে, তোমরা যা তালো মনে কর, তাই হবে। তবে আমি শুনেছি, বনী হারিছার লোকেরা আস'য়াদ ইবন যুরারাকে হত্যার উদ্দেশ্যে বেরিয়ে পড়েছে। তারা তো একথা জানে, আস'য়াদ তোমার খালাতো ভাই।’

সা’দ সাথে সাথে উভেজিতভাবে উঠে দাঁড়ালেন এবং বর্ণাটি হাতে তুলে নিয়ে তাঁদের দু’জনের দিকে ছুটলেন। নিকটে পৌছে যখন তিনি দেখলেন, তাঁরা অত্যন্ত শান্ত ও স্থিরভাবে বসে আছেন তখন তিনি বুঝলেন, উসাইদ তাঁকে ধোকা দিয়ে তাঁদের কথা শুনাতে চেয়েছে। তিনি তাঁদের দু’জনকে গালাগালি করতে করতে আস'য়াদকে বললেনঃ ‘শোন আবু উসামা! তোমার ও আমার মধ্যে যদি আত্মীয়তার সম্পর্ক না থাকতো তাহলে আমি এত কথা বলতাম না। আমরা যা পছন্দ করিনে তাই তুমি আমাদের বাড়ির ওপর এসে করে যাচ্ছ।’ এ দিকে সা’দকে আসতে দেখে আস'য়াদ, মুস্যাবকে বলেছিলেনঃ ‘মুস’য়াব! আপনার নিকট একজন গোত্র নেতা আসছেন। এব্যক্তি যদি আপনার কথা মেনে নেন তাহলে গোত্রের দু’ব্যক্তিও আপনার থেকে দূরে থাকতে পারবে না।’

মুস’য়াব অত্যন্ত নরম ঘিয়াজে সা’দকে বললেনঃ ‘আপনি কি একটু বসে আমার কথা শুনবেন? আমার কথা পসন্দ হলে, তালো লাগলে, মানবেন। আর পসন্দ না হলে, খারাপ লাগলে আমরা চলে যাব।’ সা’দ বললেনঃ ‘এ তো খুব ইনসাফের কথা।’ তিনি মাটিতে বর্ষাটি গেঁড়ে বসে পড়লেন। মুস’য়াব অত্যন্ত স্বীর- স্থিরভাবে তাঁর সামনে ইসলামের দা’ওয়াত পেশ করলেন, তাঁকে কুরআন পাঠ করে শোনালেন। মুস’য়াব ও আস'য়াদ দু’জনেই বর্ণনা করেছেনঃ ইসলামের দাওয়াত পেশ করার পর সা’দ কোন কথা বলার পূর্বেই আমরা তাঁর চেহারায় ইসলামের দীন্তি লক্ষ্য করেছিলাম। ইসলামের দা’ওয়াত শোনার পর সা’দ তাঁদের কাছে জানতে চান? ‘তোমাদের এই ইসলাম, এই দ্বিনে প্রবেশ করতে হলে কি কি কাজ করতে হয়?’ তাঁরা বললেন, ‘গোসল করে পবিত্র হতে হয়, পোশাক পরিচ্ছন্ন করতে হয়, তারপর কালিমা শাহাদাত উচ্চারণ করে দু’রাকা’য়াত সালাত আদায় করতে হয়।’ সা’দ তাই করলেন। তারপর বর্ণাটি হাতে তুলে নিয়ে উসাইদের সাথে গোত্রীয় আড়ার দিকে রওয়ানা দিলেন।

তাঁদেরকে ফিরতে দেখে গোত্রীয় লোকেরা বলাবলি করতে লাগলোঃ ‘সা’দ যে চেহারা নিয়ে গিয়েছিলেন এখন তাঁর সেই চেহারা নেই। তাঁকে ভির এক চেহারায় দেখা যাচ্ছে।’ সা’দ নিকটে এসে গোত্রীয় লোকদের বললেনঃ ‘ওহে আবদুল আশহাল গোত্রের লোকেরা! বিভিন্ন ব্যাপারে তোমরা আমার কাজ-কর্ম কেমন দেখে থাক? তাঁরা সময়ের জবাব দিলঃ ‘আপনি আমাদের নেতা, আমাদের মধ্যে সর্বোত্তম মতামতের অধিকারী ব্যক্তি এবং আমাদের বিশ্বস্ত

নাকীব বা দায়িত্বশীল।' সা'দ বললেনঃ তাহলে যতক্ষণ পর্যন্ত না তোমরা আল্লাহ ও তাঁর রাসূলের (সা) প্রতি ইয়ান আনবে তোমাদের কোন নারী-পুরুষের সাথে কথা বলা আমার জ্ঞান হারাম।'

আস'য়াদ ও মুস'য়াব বলেনঃ 'আল্লাহর কসম। সা'দের এই ঘোষণার পর সম্ভ্যা হতে না হতে বনী আবদুল আশহালের সকল নারী-পুরুষ ইসলাম গ্রহণ করে। সা'দের ইসলাম গ্রহণের পর আস'য়াদ ও মুস'য়াব তাঁর বাড়ীতে অবস্থান করে ইসলামের দা'ওয়াত দিতে থাকেন। ফলে রাসূলপ্রাহর (সা) মদীনায় হিজরাতের পূর্বে সেখানে এমন কোন বাড়ী বা গোত্র ছিল না যেখানে দুই/একজন লোক ইসলাম গ্রহণ করেনি। এরপর সা'দ ইবন মু'য়াজ ও উসাইদ ইবন হুদাইর দুইজন মিলে বনী আবদুল আশহালের মৃত্যি গুলি তাঁতে শুরু করেন। (দুঃ তাবাকাত-৩/৪২০, ৪২১; সীরাতু ইবন হিশাম-১/৪৩৫, ৪৩৭, ৪৭৯; আল-বিদায়া-৩/১৫২; উস্দুল গাবা-৩/২৯৬; হায়াতুস সাহাবা-১/১৮৭-১৯০)

মদীনায় ইসলামের দা'ওয়াত ও তাবলীগের ক্ষেত্রে হ্যরত সা'দের অবদান ছিল অনন্য। এই গৌরবে অন্য কোন সাহাবী তাঁর জুড়ি নেই। কারণ, একজন মানুষের ইসলাম গ্রহণের প্রভাবে গোটা গোত্রের ইসলাম গ্রহণের ঘটনা শুধু তাঁর ক্ষেত্রে ছাড়া আর কোথাও দেখা যায় না। এই কারণে রাসূল (সা) বলেছেনঃ 'আনসারদের সর্বোত্তম গৃহ বনু নাজ্জার। তারপর আবদুল আশহালের স্থান।' হ্যরত সা'দ ও তাঁর গোত্রের ইসলাম গ্রহণের ঘটনাটি ছিল প্রথম ও দ্বিতীয় আকাবার মধ্যবর্তী সময়ে।

ইবন 'আসাকির বুঝারী ও কালবী থেকে একটি ঘটনা বর্ণনা করেছেন। রাসূল (সা) মক্কা থেকে হিজরাত করার পর কুরাইশরা তাঁর কোন খৌজ-খবর পাচ্ছে না। তাঁরা কা'বার পাশে তাদের পরামর্শ গৃহে বসে আছে। এমন সময় তারা জাবালে আবু কুবায়সের দিক থেকে একটি কবিতা আবৃত্তির কষ্ট শুনতে পেল। তার কিয়দাংশ নিরূপণঃ

'দুই সা'দ যদি ইসলাম গ্রহণ করে তাহলে বিরংবাদীদের ভয় থেকে মুহাম্মাদ নিরাপদ হয়ে যাবে। ওহে আউসের সা'দ, ওহে খায়রাজের সা'দ! তোমরা মুহাম্মাদের রক্ষক হয়ে যাও।' – এরূপ আরো কয়েকটি পঁতি।

এই কবিতা শুনে কুরাইশরা বুঝতে পারে, আউস ও খায়রাজ গোত্রে রাসূলপ্রাহর (সা) সাহায্যকারী দু'সা'দ হলেন— সা'দ ইবন মু'য়াজ ও সা'দ ইবন 'উবাদা। (তাহজীবে ইবন 'আসাকির-৬/৮৯)

ইসলাম গ্রহণের কিছু দিন পর সা'দ 'উমরার উদ্দেশ্যে মক্কায় গেলেন। মক্কার বিশিষ্ট কুরাইশ নেতা উমায়্যা ইবন খালাফ ছিল তাঁর অতুলন্য বন্ধু। সা'দ তাঁর বাড়ীতে উঠলেন। উময়াও মদীনায় এলে সা'দের বাড়ীতে উঠতো। তিনি উমায়্যাকে বললেন, হারাম শরীফ (কা'বার আশপাশ) যখন জনশূন্য হয় তখন আমাকে বলবে। দুপুর বেলা উমায়্যা তাঁকে সংগে করে হারামের উদ্দেশ্যে বের হলো। পথে আবু জাহলের সাথে দেখা। সে উমায়্যাকে জিজেস করলোঃ এ বাস্তি কে?

উমায়্যাঃ সা'দ ইবন মু'য়াজ।

আবু জাহলঃ এ তো খুবই আচর্মের বিষয় যে, তুমি একজন ধর্মত্যাগীকে আশ্রয় দিয়েছ এবং তার সাহায্যকারী হিসেবে মক্কায় দিবি ঘুরে বেড়াচ্ছ। তুমি তাঁর সাথে না থাকলে তাঁর বাড়ী ফেরা কঠিন হতো।

উল্লেখ্য যে, যারা ইসলাম গ্রহণ করতো কাফিররা তাদের ধর্মত্যাগী বলতো। হয়রত সা'দ সাথে সাথে আবু জাহলের সামনে একটি চ্যালেঞ্জ ছুড়ে দিলেন। বললেনঃ তুমি আমাকে বাধা দিয়েই দেখনা কেমন হয়। আমি তোমার মদীনার রাস্তা বন্ধ করে দেব।

উমায়্যা বললোঃ সা'দ! আবুল হাকাম (আবু জাহল) মক্কার একজন বিশিষ্ট নেতা। তার সামনে নিচু ঝরে কথা বল।

সা'দ বললেনঃ চলো যাই। আমি রাসূলের (সা) নিকট শুনেছি, মুসলমানরা তোমাদেরকে হত্যা করবে। আবু জাহল প্রশ্ন করলোঃ তারা কি মক্কায় এসে হত্যা করবে? সা'দ বললেনঃ তা আমার জানা নেই।

হিজরী ২য় সনের রাবিউল আওয়াল মাসে রাসূল (সা) কুরাইশ নেতা উমায়্যা ইবন খালাফের নেতৃত্বাধীন এক'শ লোকের একটি কাফিলার সন্ধানে বের হন। ইতিহাসে এটা ‘বাওয়াত’ অভিযান নামে খ্যাত। একটি বর্ণনা মতে রাসূল (সা) স্বীয় প্রতিনিধি হিসেবে সা'দ ইবন মু'য়াজকে মদীনায় রেখে যান। (আনসাবুল আশরাফ-১/২৮৭)

হয়রত রাসূলে কারীম (সা), আবু 'উবাইদা ইবনুল জাররাহ মতান্তরে সা'দ ইবন আবী ওয়াক্সাসের সাথে তাঁর মুওয়াখাত বা ভাতৃ সম্পর্ক প্রতিষ্ঠা করে দেন। (তাবাকাত-৩/৪২১; সীরাতু ইবন হিশাম-১/৫০৫)

হিজরী ২য় সনে ‘বাওয়াত’ অভিযানের পর ঐতিহাসিক বদর যুদ্ধ আসেন। হয়রত সা'দের ভবিষ্যদ্বানী সত্ত্বে পরিণত হওয়ার সময় সমাগত। মক্কার কুরাইশেরা মদীনা আক্রমণের জন্য তোড়জোড় শুরু করলো। খবর পেয়ে হয়রত রাসূলে কারীম (সা) বদরের দিকে যাত্রা করলেন। পথিমধ্যে কুরাইশ বাহিনীর সর্বশেষ গতিবিধি অবগত হয়ে তিনি সিদ্ধান্ত গ্রহণের জন্য মুহাজির ও আনসারদের সাথে পরামর্শ বসেন। মুহাজিরদের মধ্য থেকে আবু বকর, 'উমার, মিকদাদ (রা) প্রমুখ সাহাবী নিজ নিজ মতামত ব্যক্ত করেন। অতঃপর রাসূল (সা) আনসারদের লক্ষ্য করে বলেনঃ ‘ওহে লোকেরা, আপনারা আমাকে পরামর্শ দিন।’ সাথে সাথে সা'দ ইবন মু'য়াজ উঠে দাঁড়িয়ে বলেনঃ ‘ইয়া রাসূলাল্লাহ! সম্ভবতঃ আপনি আমাদেরকে উদ্দেশ্য করেছেন?’ রাসূল (সা) বললেনঃ ‘হা। ‘সা'দ বললেনঃ ‘আমরা আপনার প্রতি ইমান এনেছি, আপনাকে সত্যবাদী বলে জেনেছি, আর আমরা সাক্ষ্য দিয়েছি যে, যা কিছু আপনি নিয়ে এসেছেন তা সবই সত্য। আপনার কথা শোনার ও আপনার আনুগত্য করার আমরা অঙ্গিকার করেছি। ইয়া রাসূলাল্লাহ! আপনার যা ইচ্ছা আপনি করুন, আমরা আপনার সাথে আছি। সেই সন্তান নামে শপথ যিনি আপনাকে সত্য সহকারে পাঠিয়েছেন। যদি আপনি আমাদেরকে সাগরে ঝাপিয়ে পড়ার নির্দেশ দেন, আমরা ঝাপিয়ে পড়বো। আমাদের একজনও পিছনে থাকবে না। আগামী কালই আপনি আমাদেরকে নিয়ে শক্রের সম্মুখীন হোন, আমরা তাতে ক্ষুণ্ণ হবো না। যুদ্ধে আমরা দারুন ধৈর্যশীল, শক্রের মুকাবিলায় পরম সত্যনিষ্ঠ। আল্লাহ আমাদের থেকে আপনাকে এমন আচরণ প্রত্যক্ষ করাবেন যাতে আপনার চোখ জুড়িয়ে যাবে। আল্লাহর ওপর তরসা করে আমাদের সাথে নিয়ে আপনি অগ্রসর হোন।’ তিনি আরও বলেনঃ ‘আমরা তাদের মত হবো না যারা মুসাকে (আ) বলেছিল, আপনি আপনার রব যান এবং শক্রের সাথে যুদ্ধ করুন। আর আমরা এখানে বসে থাকি। বরং আমরা বলি, আপনি ও আপনার রব যান, আমরা আপনাদের অনুসৰণ করবো। হতে পারে এক উদ্দেশ্যে আপনি বেরিয়েছেন, কিন্তু আল্লাহ আর একটি করলেন। দেখুন, আল্লাহ আপনার দ্বারা কি করান।’ ঐতিহাসিকরা বলেছেন, আল্লাহ

সা'দের এই কথার সমর্থনে সুরা আনফালের ৫ নং আয়াতটি নাযিল করেন। সা'দের উপরোক্ত ভাষণে রাসূল (সা) তীব্র খুশী হন। সৈন্য মোতায়েনের সময় তিনি আউস গোত্রের বাঙ্গাটি সা'দের হাতে তুলে দেন। অন্য একটি বর্ণনা মতে এ যুদ্ধে গোটা আনসার সম্প্রদায়ের পতাকা ছিল সা'দের হাতে। (দুঃ সীরাতু ইবন হিশাম-১/৬১৩, ৬১৫; উসুদুল গাবা-২/২৯৯; তাবাকাত-৩/৪২১; আল-বিদায়া-৩/২৬২; হায়াতুস সাহাবা-১/৪১৫)

ইবন ইসহাক বর্ণনা করেন, বদর যুদ্ধ শুরুর প্রাক্কালে সা'দ ইবন মু'য়াজ বললেনঃ ‘ইয়া নবীয়াল্লাহ! আমরা আপনার জন্য একটি ‘আরীশ’ বা তাঁবু স্থাপন করে একটি বাহিনী মোতায়েল রাখিনা কেন? আমরা শক্র বিরুদ্ধে যুদ্ধে যাব। তাতে যদি আল্লাহ আমাদের সশ্রান্দ দান করেন, আমরা বিজয়ী হই, তাহলে তো আমাদের আশা পূর্ণ হলো। আর যদি এর বিপরীত কিছু ঘটে তাহলে আপনি এই বাহিনী সহ আমাদের পিছনে ছেড়ে আসা লোকদের সাথে গিয়ে মিলিত হবেন। হে আল্লাহর নবী! আমাদের যে সব লোক মদীনায় পিছনে রয়ে গেছে, আপনার প্রতি আমাদের ভালোবাসা তাদের থেকে একটুও বেশী নয়। যদি তারা বুঝতে পারতো আপনি যুদ্ধে জড়িয়ে পড়বেন, তবে তারা এভাবে পিছনে পড়ে থাকতো না। আল্লাহ তাদের দ্বারা আপনার হিফাজত করবেন। তারা আপনাকে সৎ উপদেশ দান করবে এবং আপনার সাথে শক্র বিরুদ্ধে জিহাদ করবে।’ এই বক্তব্যের জন্য রাসূল (সা) সা'দের প্রশংসা করে তাঁর জন্য দু'আ করলেন। এভাবে রাসূলুল্লাহর (সা) জন্য রন্ধনক্ষেত্রের অন্দরে একটি ‘আরীশ’ নির্মিত হয় এবং তিনি সেখান থেকে বদর যুদ্ধ পরিচালনা করেন। (আল-বিদায়া-৩/২৬৮; সীরাতু ইবন হিশাম-১/৬২০)

এই বদর যুদ্ধে কুরাইশ বাহিনী যখন প্রাণ নিয়ে পালিয়ে যেতে থাকে তখন মুসলিম মুজাহিদরা তাদের ধাওয়া করে ধরে বন্দী করতে শুরু করে। হযরত রাসূলে কারীম (সা) তখন ‘আরীশে’ অবস্থান করছেন। তাঁর ওপর অকস্মাৎ পান্তি আক্রমণ হতে পারে, এমন এক আশঙ্কায় সা'দ ইবন মু'য়াজ আরো কিছু আনসারী মুজাহিদকে সংগে নিয়ে অন্ত সংজ্ঞিত হয়ে ‘আরীশের’ দরযায় পাহারায় নিয়োজিত হন। রাসূল (সা) সা'দের চেহারায় অসন্তুষ্টির ছাপ লক্ষ্য করে বলেনঃ সা'দ! মনে হচ্ছে লোকদের কাজ তোমার পছন্দ হচ্ছে না। সা'দ বললেনঃ হী। পৌর্ণলিঙ্কদের সাথে এটা আমাদের প্রথম সংঘাত। তাদের পূর্বদের জীবিত রাখার চেয়ে হত্যা করাই আমার পছন্দ। (সীরাতু ইবন হিশাম-১/৬২৮) একটি বর্ণনা মতে, এ যুদ্ধে তিনি ‘আমর ইবন ‘উবাইদুল্লাহকে হত্যা করেন। এতে তাঁর একটি দাসও যোগদান করে। (আনসাবুল আশরাফ-১/২৯৭, ৪৭৯)

উহুদ যুদ্ধেও তিনি যোগদান করেন। এ যুদ্ধে তিনি রাসূলুল্লাহর (সা) অবস্থান স্থলের পাহারায় নিয়োজিত ছিলেন। সূচনাতেই রাসূলুল্লাহর (সা) ইচ্ছা ছিল মদীনার ভেতর থেকেই কাফিরদের প্রতিরোধ করার। মুনাফিক ‘আবদুল্লাহ ইবন উবাই ইবন সুলুলেরও ছিল একই ইচ্ছা। কিন্তু কিছু নওজোয়ান মুজাহিদ যাঁরা ছিলেন শাহাদাত লাভের চরম অস্তিত্বী, তাঁরা মদীনার বাইরে গিয়ে যুদ্ধ করার জন্য জিন ধরে বসেন। যেহেতু তাঁরা ছিলেন সংখ্যাগরিষ্ঠ, তাই রাসূল (সা) তাঁদের মতামত মেনে নেন এবং যুদ্ধের সাজে সংজ্ঞিত হওয়ার জন্য অন্দর মহলে প্রবেশ করেন। সা'দ ইবন মু'য়াজ ও উসাইদ ইবন হুদাইর তখন বললেনঃ তোমরা রাসূলকে (সা) মদীনার বাইরে যাওয়ার জন্য বাধ্য করেছ; অথচ তাঁর ওপর আসমান থেকে ওহী নাযিল হয়। তোমাদের উচিত, তোমাদের মতামত প্রত্যাহার করে নেওয়া এবং বিষয়টি

সম্পূর্ণরূপে রাসূলুল্লাহর (সা) ওপর ছেড়ে দেওয়া। এদিকে রাসূল (সা) যখন তরবারি, ঢাল, বর্ম ইত্যাদি যুক্ত সাজে সজ্জিত হয়ে ঘর থেকে বেরিয়ে এলেন তখন সবাই অনুত্তম হলেন। একযোগে তাঁরা বললেন, আপনার বিরক্তাচারণ আমাদের উদ্দেশ্য নয়। আপনার নির্দেশ আমাদের শিরোধৰ্য। রাসূল (সা) বললেনঃ এখন আমার করার কিছুই নেই। কারণ একজন নবী অস্ত্র সজ্জিত হলে যুদ্ধের সিদ্ধান্ত হয়ে যায়। এই সিদ্ধান্ত থেকে পিছিয়ে আসার কোন অবকাশ থাকে না। (তাবাকাত-২/২৬)

উহুদ পাহাড়ের পাদদেশে যুদ্ধ শুরু হলো। প্রথম দিকে মুসলিম বাহিনীর বিজয় হলেও শেষ পর্যন্ত প্রতিপক্ষের প্রবল আক্রমণের মুখে তারা পিছু হটে গেল। দারুল একটা বিপর্যয় ঘটে গেল। এ সময় হযরত রাসূলে কারীম (সা) অটল ও দৃঢ় থাকেন। অন্য যে পনেরো ব্যক্তি রাসূলের (সা) পাশে অটল থাকেন তাঁদের একজন সা'দ ইবন মু'য়াজ। এই উহুদে তাঁর ভাই 'আমর ইবন মু'য়াজ শাহাদাত বরণ করেন। (তাবাকাত-২/৩০; আনসাবুল আশরাফ-১/৩১৮, ৩২৯।)

উহুদ যুদ্ধের পর হযরত রাসূলে কারীম (সা) একদিন আনসারদের বনী আবদুল আশহাল ও জুফার গোত্রের পাশ দিয়ে যাচ্ছিলেন। তিনি শুনতে পেলেন, ঐ গোত্রদ্বয়ের মেয়েরা উহুদে শাহাদাত প্রাপ্ত তাদের লোকদের জন্য কানাকাটি ও মাতম করছে। দয়ার নবীর দু'টি চোখ পানিতে ভরে গেল। তিনিও কাঁদলেন। তারপর বললেনঃ 'কিন্তু 'হাময়ার' জন্য কাঁদার তো কেউ নেই।' সা'দ ইবন মু'য়াজ ও উসাইদ ইবন হুদাইর নিজ গোত্র বনী আবদুল আশহালে ফিরে যখন একথা শুনলেন তখন তাঁরা তাঁদের গোত্রের মহিলাদের নির্দেশ দিলেনঃ 'তোমরা রাসূলুল্লাহর (সা) বাড়ীতে যাও এবং তাঁর চাচা হাময়ার জন্য শোক ও মাতম কর।' (সীরাতু ইবন হিশাম-২/৯৯)

মদীনার ইহুদী গোত্রে বনী কুরায়জার নেতা কা'ব ইবন আসাদ তার গোত্রের পক্ষ থেকে রাসূলুল্লাহর (সা) সাথে একটি মৈত্রী চুক্তি সম্পাদন করেছিল। খন্দক যুদ্ধের সময় সে বনী নাদার গোত্রের নেতা হয়ে ইবন আখতাবের কুপরায়শ ও উক্কানিতে সেই চুক্তি ভেঙ্গে মুসলমানদের বিরুদ্ধে ঘৃড়যন্ত্রে মেতে ওঠে। একথা রাসূলুল্লাহ (সা) সহ মুসলমানদের কানে গেল। রাসূল (সা) ঘটনার যথার্থতা যাচাইয়ের জন্য আউস গোত্রের পক্ষ থেকে সা'দ ইবন মু'য়াজ ও খায়রাজ গোত্রের পক্ষ থেকে সা'দ ইবন উবাদাকে পাঠান। তাদের সাথে আরও যান আবদুল্লাহ ইবন রাওয়াহা ও খাওয়াত ইবন জুবায়র। তাঁরা বনী কুরায়জায় যান এবং তাদের সাথে আলোচনা ও বাস্তব পর্যবেক্ষণের মাধ্যমে বুঝতে পারেন যে, বিষয়টি সত্য। তাঁরা ফিরে এসে রাসূলুল্লাহর (সা) নিকট তাঁদের তদন্ত ও পর্যবেক্ষণ রিপোর্ট পেশ করেন। (সীরাতু ইবন হিশাম-২/২২১)

হযরত সা'দের দৃঢ়তার বহু কথা বিভিন্ন গ্রন্থে বর্ণিত হয়েছে। এমন একটি ঘটনা বালাজুরী ও ইবনুল আসীর বর্ণনা করেছেন। গাতফান গোত্রের নেতা আল-হারেস ইবন আউফ ও 'উয়ায়না ইবন হিসনের সাথে রাসূল (সা) এ শর্তে সন্ধির ব্যাপারে আলোচনা করলেন যে, তাদের পক্ষ থেকে মদীনার প্রতি কোন প্রকার হমকী থাকবে না এবং বিনিময়ে তারা মদীনায় উৎপন্ন শস্যের এক তৃতীয়াংশ সাত করবে। এর মধ্যে হিঃ ৫ম সনে খন্দক যুদ্ধের ডামাডোলে মদীনায় দারুণ অভাব দেখা দিল। রাসূলে কারীম (সা) এ সন্ধির ব্যাপারে সা'দ ইবন মু'য়াজ ও

সা'দ ইবন 'উবাদার সাথে পরামর্শ করলেন। তাঁরা দু'জন বললেন : 'হে আল্লাহর রাসূল! এ যদি আপনার পসন্দ হয়, আমরা তা পালন করবো। যদি আল্লাহর নির্দেশ হয় তা হলে তো অবশ্যই পালনীয়। তবে কি এটা আমাদের কথা চিন্তা করে করছেন?' তিনি বললেন : 'হ্যা, তোমাদের কথা চিন্তা করেই করছি। আমি দেখেছি, গোটা আরব এখন তোমাদের বিরুদ্ধে। আমি চেয়েছি, অস্ততঃ এর বিনিময়ে তাদের শক্রতা কিছুদিনের জন্য বন্ধ থাকুক।' একথা শুনে সা'দ ইবন মু'য়াজ বললেন : 'ইয়া রাসূলল্লাহ! তারা ও আমরা ছিলাম এক সাথে পৌত্রিক। আমরা কেউ আল্লাহর ইবাদাত করতাম না, তাঁকে জানতামও না। তখনও তারা ব্যবসা উপলক্ষে এবং অতিথি হিসেবে ছাড়া আমাদের একটি খেজুরও খাওয়ার আশা করেনি। আজ আমরা ইসলাম গ্রহণ করেছি, আল্লাহ ইসলাম ও আপনার দ্বারা আমাদেরকে সম্মানিত করেছেন। আর এখন কিনা আমাদের সম্পদের একটি অংশ তাদেরকে দিতে হবে? এমন সঙ্কির প্রয়োজন আমাদের নেই। আল্লাহ আমাদের ও তাদের মধ্যে চূড়ান্ত ফায়সালা না করা পর্যন্ত শুধু তরবারি ছাড়া আর কিছুই আমরা তাদেরকে দিব না।' রাসূল (সা) তাঁর কথা মেনে নিলেন। (আল-বিদায়া-৪/১০৪; আনসাবুল আশরাফ-১/৩৪৬, ৩৪৭)

যুদ্ধ শুরুর সময় প্রায় কাছাকাছি। সা'দ বর্ম পরে হাতে বর্ণ নিয়ে যুদ্ধ ক্ষেত্রের দিকে যাচ্ছেন। পথে বনী হারেছার দুর্গে তাঁর মা উস্মুল মুমিনীন হ্যরত 'আয়িশার (রা) পাশে বসে ছিলেন। তিনি দেখলেন, তাঁর ছেলে একটি কবিতার চরণ আবৃত্তি করতে করতে চলেছে। তাঁর একটি পৎক্ষি এমন : 'যখন আজল এসে যায় তখন আর মৃত্যুর জন্য আপত্তি কিসের।'

মা চেঁচিয়ে বললেন : 'ছেলে! তুমি তো পিছনে পড়ে গেছ, তাড়াতাড়ি যাও।' সা'দের যে হাতে বর্ণ ছিল সেই হাতটি বর্মের বাইরে বেরিয়ে ছিল। সে দিকে ইঙ্গিত করে হ্যরত আয়িশা বললেন : 'সা'দের মা! দেখ, তাঁর বর্মটি কত ছোট।' যুদ্ধ ক্ষেত্রে পৌছার সাথে সাথে তাঁকে লক্ষ্য করে ইব্বান ইবন 'আবদি মাল্লাফ একটি তীর ছোড়ে। কোন কোন বর্ণনায় ইব্বানের পরিবর্তে আবু উসামা অথবা খাফাজা ইবন 'আসিমের নাম এসেছে। তীরটি তাঁর হাতে লেগে মারাত্মক ক্ষতের সৃষ্টি করে। খুশীর চোটে ইব্বান বলে ওঠে 'আমি 'আরিকার পুত্র।' একথা শুনে রাসূল (সা), মতান্তরে সা'দ বলে ওঠেন : 'দোয়খের মধ্যে আল্লাহ তোমার মুখ্যমন্ত্র ঘামে নিমজ্জিত করুন।' উল্লেখ্য যে, 'আরাকার অর্থ ঘাম। (দ্রঃ সীরাতু ইবন হিশাম : ২/২২৬-২২৮; উসুদুল গাবা-২/২৯৬)

সেকালে মসজিদে নববীতে যুদ্ধে আহতদের সেবা ও চিকিৎসার জন্য একটি শিবির স্থাপন করা হয়েছিল। সম্ভবতঃ এই শিবিরের প্রতিষ্ঠা হয় উহুদ যুদ্ধের পর এবং তা ছিল রাসূলল্লাহর (সা) হজরার নিকটে। আসলাম গোত্রের 'রুফাইদ' নাম্বা এক সেবা পরায়না সংকরণশীলা মহিলা ছিলেন এই শিবিরের একজন সেবিকা। তিনি আহতদের সেবা ও চিকিৎসা করতেন। রোগীর সেবা ও ক্ষত চিকিৎসায় তিনি ছিলেন অভিজ্ঞ। খন্দক যুদ্ধে সা'দ ইবন মু'য়াজ আহত হলে রাসূল (সা) নির্দেশ দেন : 'তোমরা সা'দকে রুফাইদার তাঁরুতে রাখ। তাহলে আমি নিকট থেকেই তাঁর দেখাশুনা করতে পারবো।' সীরাতু ইবন হিশাম-২/২৩৯; উসুদুল গাবা-২/২৯৭; দায়িরা-ই-মা'রিফ-ইসলামিয়া, উদ্রূ-১১/৩৩)

হ্যরত রাসূলে কারীম (সা) প্রতিদিন এই শিবিরে এসে অসুস্থ সা'দের দেখাশুনা করতেন। তিনি নিজের জীবন সম্পর্কে হতাশ হয়ে পড়েন, তাই আল্লাহর দরবারে দু'আ করেন : 'হে

আল্লাহ! কুরাইশদের সাথে এ সংঘাত যদি এখনও অবশিষ্ট থাকে তবে আমাকে বাঁচিয়ে রাখুন। তাদের সাথে লড়াই করার আমার খুব সাধ। কারণ, আপনার রাসূলকে তারা কষ্ট দিয়েছে, তাঁকে অঙ্গীকার করেছে এবং মাতৃত্ব যক্ষা থেকে তাঁকে তাড়িয়ে দিয়েছে। আর যদি সংঘাত শেষ হওয়ার সময় হয়ে থাকে তাহলে এই ক্ষতের দ্বারাই আমাকে শাহাদাত দান করুন। আর বনী কুরায়জার ব্যাপারে আমার চোখে প্রশাস্তি না আসা পর্যন্ত আমার মরণ দিও না।' (সীরাতু ইবন হিশাম-২/২২৭; উসুদুল গাবা-২/২৯৬; বুখারী-২/৫৯১) আল্লাহ পাক তাঁর দু'আর শেষ কথাটি কবুল করেন।

খন্দক যুদ্ধে কুরাইশ ও তাদের মিত্র বাহিনীর পঞ্চাদাপসরণের পর রাসূল (সা) মদীনার যাবতীয় ফাসাদের উৎস ইহুদী গোত্র বনু কুরায়জাকে শাস্তি দানের সিদ্ধান্ত নেন। কারণ তারা চুক্তি ভঙ্গ ও বিশ্বাসঘাতকতা করেছিল। এই বনী কুরায়জার সাথে প্রাচীনকাল থেকে মদীনার আউস গোত্রের মৈত্রী চুক্তি ছিল। রাসূল (সা) যখন তাদেরকে শাস্তি দানের সিদ্ধান্ত নিলেন তখন আউস গোত্রের লোকেরা বললো : 'ইয়া রাসূলল্লাহ! আমাদের প্রতিপক্ষ খায়রাজ গোত্রের বিরুদ্ধে তারা ছিল আমাদের মিত্র। এর আগে আপনি আমাদের ভাই খায়রাজীদের মিত্র গোত্র বনী কায়নুকা'র বিরুদ্ধে যে ব্যবস্থা গ্রহণ করেছেন তা তো আপনার জানা আছে।' মুনাফিক সরদার আবদুল্লাহ ইবন উবাই ইবন সুলুলও একই রকম কথা বললো। আসলে তারা রাসূলল্লাহর (সা) পক্ষ থেকে বনী কুরায়জার ব্যাপারে কোন কঠিন দণ্ডের আশংকা করছিল। রাসূল (সা) বললেন : 'ওহে আউস গোত্রের লোকেরা! তোমাদের গোত্রের কেউ একজন তাদের ব্যাপারে ফায়সালা দিলে তোমরা কি তাতে খুশী হবে?' তারা বললো : হুৰি, খুশী হবো।' রাসূল (সা) বললেন : 'তাদের ব্যাপারে সা'দ ইবন মু'য়াজ রায় দেবে।'

বনী কুরায়জার ভাগ্য নির্ধারণের জন্য রাসূল (সা) এভাবে সা'দ ইবন মু'য়াজকে বিচারক নিয়োগ করলেন। সা'দ তো তখন আহত অবস্থায় দারুণ অসুস্থ। আউস গোত্রের লোকেরা উটের পিঠে গদি বসিয়ে তার ওপর সা'দকে উঠিয়ে রাসূলের (সা) নিকট নিয়ে গেল। তারা সা'দকে বললো : 'আবু 'আমর! আপনার মিত্রদের সাথে একটু ভালো আচরণ করবেন। সম্ভবতঃ এ জন্যই রাসূল (সা) আপনাকে বিচারক মনোনীত করেছেন।' তারা বেশী বাড়াবাড়ি শুরু করলে সা'দ বললেন : 'আল্লাহর হৃকুম বাস্তবায়নের ক্ষেত্রে কোন নিম্নুকের নিন্দার বিন্দুমাত্র পরোয়া সা'দের নেই।' সা'দ যখন রাসূলের (সা) নিকট পৌছলেন তখন রাসূল (সা) আশেপাশে বসা আনসার ও মুহাজিরদের লক্ষ্য করে বললেন : 'কু মু ইলা সায়িদিকুম- তোমাদের নেতৃত্ব সম্মানার্থে তোমরা উঠে দাঁড়াও।' সা'দের গোত্রের লোকেরা বিচারের ক্ষেত্রে একটু নমনীয় হওয়ার জন্য যখন আবারও পীড়াপীড়ি শুরু করলো তখন তিনি বললেন : 'এ ব্যাপারে তোমাদের আল্লাহর সাথে কৃত অঙ্গীকার ও চুক্তি অনুসরণ করা উচিত।' তারপর রাসূল (সা) সা'দকে লক্ষ্য করে বলেন : 'এই লোকেরা তোমার রায়ের অপেক্ষায় আছে।' সা'দ বললেন, 'আমি আমার রায় ঘোষণা করছি : তাদের মধ্যে যারা যুদ্ধ করার উপযুক্ত তাদেরকে হত্যা করা, তাদের নারী ও শিশুদেরকে দাস-দাসীতে পরিণত করা এবং তাদের ধন-সম্পদ বন্টন করে দেওয়া হোক।' তাঁর এই রায় শুনে রাসূল (সা) বলেন : 'সাত আসমানের ওপর থেকে আল্লাহ যে ফায়সালা দিয়েছেন তুমিও ঠিক একই ফায়সালা দিয়েছ।' (সীরাতু ইবন হিশাম-২/২৩৯, ২৪০; উসুদুল গাবা-২/২৯৭; আল-ইসাবা-২/৩৮)

বনী কুরায়জার ব্যাপারে সা'দের রায় বাস্তবায়িত হওয়ার পর অল্প কিছু দিন তিনি জীবিত ছিলেন। একদিন রাসূল (সা) নিজ হাতে তাঁর ক্ষতে সেঁক দেন। তাতে রক্ত ঝরা বন্ধ হয়ে ফুলে যায়। হঠাৎ একদিন ক্ষতটি ফেটে তীব্র বেগে রক্ত ঝরতে থাকে। ইবন 'আব্রাস বলেনঃ যখন সা'দের ক্ষত থেকে রক্ত প্রবাহ শুরু হয় তখন রাসূল (সা) দৌড়ে এসে তাঁর মাথাটি কোলের ওপর উঠিয়ে নেন। সা'দের রক্তে রাসূলের (সা) চেহারা ও দাঢ়ি ভিজে যায়। রাসূল (সা) একটি সাদা চাদর দিয়ে তাঁর দেহটি ঢেকে দেন। চাদরটি এত ছোট ছিল যে, মাথা ঢাকলে পা এবং পা ঢাকলে মাথা বেরিয়ে যাচ্ছিল। সা'দ ছিলেন ফর্সা মোটা মানুষ। রাসূল (সা) তখন সা'দের জন্য দু'আ করেন এই বলেঃ 'হে আল্লাহ! সা'দ তোমার রাস্তায় জিহাদ করেছে, তোমার নবীকে সত্য বলে বিশ্বাস করেছে এবং তাঁর পথে চলেছে। তুমি তাঁর জন্ম সর্বোত্তমভাবে কবূল কর।' রাসূলের (সা) এই দু'আ শুনে সা'দ চোখ খোলেন এবং বলেনঃ 'আস-সালামু আলাইকা ইয়া রাসূলুল্লাহ।' আমি সাক্ষ্য দিছি, আপনি আল্লাহর রাসূল। (তাবাকাত- ৩/৪২৬; হায়াতুস সাহাবা-২/৪৫৭)

হযরত সা'দ ইন্তিকাল করলেন। ইবন ইসহাক বলেনঃ 'সা'দ ইবন মু'য়াজ শেষ নিঃশ্বাস ত্যাগ করার পর রাতের বেলা একটি রেশমী পগড়ী মাথায় বেঁধে জিবরীল (আ) রাসূলুল্লাহর (সা) নিকট এসে বলেনঃ 'ইয়া মুহাম্মদ! এ মৃত্যু ব্যক্তিটি কে, যার জন্য আসমানের সবগুলি দরযা খুলে গেছে এবং 'আরশ কেন্দ্রে উঠেছে?' রাসূল (সা) কাপড় টানতে খুব দ্রুত সা'দের নিকট গিয়ে দেখলেন, তিনি ইন্তিকাল করেছেন। (তাবাকাত- ৩/৪৩২; সীরাতু ইবন হিশাম- ২/২৫০, ২৫১)

রাসূল (সা) সা'দের মাথাটি কোলের মধ্যে নিয়ে বসে থাকলেন। তখনও তাঁর হাত থেকে রক্ত ঝরছিল। চতুর্দিক থেকে মানুষ ছুটে আসতে লাগলো। আবু বকর (রা) দৌড়ে এসে লাশ দেখে চিৎকার দিয়ে উঠলেন। রাসূল (সা) তাঁকে এমনটি করতে নিষেধ করলেন। 'উমার (রা) কাঁদতে কাঁদতে 'ইলালিল্লাহি ওয়াইলালাইহি রাজিউন' পাঠ করলেন। গোটা তাঁরুতে একটা কানার রোল পড়ে গেল। সা'দের দুখিনী মা কাঁদতে কাঁদতে একটি কবিতা আবৃত্তি করতে লাগলেন। 'উমার (রা) তাঁকে কবিতা পড়তে নিষেধ করলেন; কিন্তু রাসূল (সা) বললেনঃ থাক, তাকে পড়তে দাও। অন্য বিলাপ কারিনীরা মিথ্যা বলে থাকে; কিন্তু সা'দের মা সত্য বলছে।' (সীরাতু ইবন হিশাম- ২/২৫২; তাবাকাত- ৩/২২৮, ২২৯)

হযরত রাসূলে কারীম (সা) সা'দের মৃত্যুর পর তাঁর বাড়ীতে যাচ্ছিলেন। সাহাবীরাও সংগে ছিলেন। তিনি এত দ্রুত চলছিলেন যে, সাহাবীরা তাঁর অনুসরণ করতে গিয়ে অক্ষম হয়ে পড়ছিলেন। একজন তো বলেই বসলেন; 'আপনি এত দ্রুত চলছেন কেন? আমরা তো সীমিত ক্লান্ত হয়ে পড়ছি?' রাসূল (সা) বললেনঃ 'আমার ভয় হচ্ছে, আমাদের আগেই ফিরিশ্তারা তাকে গোসল না দিয়ে ফেলে, যেমন দিয়েছিল হানজালাকে।' (হায়াতুস সাহাবা- ৩/৫৪৫)

রাসূল (সা) সা'দের জানায়ার সাথে গোরস্তানে গিয়েছিলেন। মুনাফিকরাও গিয়েছিল। তাঁর লাশ হালকা বোধ হচ্ছিলো। এজন্য মুনাফিকরা লাশবলি করছিল, এমন হালকা লাশ তো আমরা আর কখনও দেখিনি। সম্ভবতঃ বনী কুরায়জার ব্যাপারে সে যে রায় দিয়েছিল, এটা তারই কুফল। কথাটি রাসূলুল্লাহর (সা) কানে গেলে তিনি বললেন; 'যাঁর হাতে আমার জীবন

তাঁর নামের শপথ! ফিরিশতাকুল তাঁর খাটিয়া বহন করছে।' ইবন 'উমার (রা) থেকে বর্ণিত, রাসূল (সা) আরও বললেনঃ 'নিশ্চয় এই সা'দ অতি নেক্কার বান্দা। তার জন্য আল্লাহর 'আরশ দুলে উঠেছে, আসমানের দরযাসমূহ খুলে গেছে এবং তাঁর জানায় এমন ৭০ হাজার ফিরিশতা যোগদান করেছে যারা এর আগে আর কখনও পৃথিবীতে আসেনি।' (তাবাকাত-৩/৪৩০; উসুদুল গাবা-২/২৯৭, সীরাতু ইবন হিশাম-২/২৫১)

ইবন ইসহাক জাবির থেকে বর্ণনা করেছেন। তিনি বললেনঃ 'সা'দকে দাফনের সময় আমরা রাসূলল্লাহ (সা) সাথে ছিলাম। তিনি প্রথমে, একবার জোরে 'সুবহানাল্লাহ' উচ্চারণ করলেন। লোকেরাও তাঁর সাথে 'সুবহানাল্লাহ' পড়লেন। তারপর তিনি 'তাকবীর' শব্দ দিলেন, লোকেরাও 'তাকবীর' দিল। লোকেরা জিজ্ঞেস করলোঃ ইয়া রাসূলল্লাহ! এভাবে 'তাসবীহ' পড়লেন কেন? বললেনঃ এ নেক্কার লোকটির কবর বড় সংকীর্ণ হয়ে গিয়েছিল। অতঃপর আল্লাহ পাক প্রশ্ন করে দিয়েছেন।' (তাবাকাত-৩/৪৩২; সীরাতু ইবন হিশাম-২/২৫১, ২৫২)

হযরত সা'দকে দাফনের পর রাসূলে কারীমকে (সা) দারূণ বিমর্শ দেখাচ্ছিল। চোখ দিয়ে ক্রমাগতভাবে পানি গড়িয়ে পড়ছিল। আল-ইস্তীয়াব প্রত্যক্ষার বলেছেনঃ 'খন্দক যুদ্ধের একমাস এবং বনী কুরায়জার ঘটনার কয়েক রাত্রি পর ইহুরী পঞ্চম সনে সা'দের ওফাত হয়।' (টীকাঃ আল-ইসাবা-২/২৮)

মদীনার বাকী গোরস্তানে তাঁকে দাফন করা হয়। মৃত্যুকালে তাঁর বয়স হয়েছিল ৭৩ বছর। (আল-আ'লাম-৩/১৩৯) ইবন ইসহাক তাঁকে খন্দক যুদ্ধে বনী 'আবদিল আশহালের শাহাদাত প্রাপ্তদের মধ্যে গণ্য করেছেন। (সীরাতু ইবন হিশাম-২/২৫২)

হযরত সা'দের ওফাতের ঘটনাটি ছিল ইসলামের ইতিহাসের এক অসাধারণ ঘটনা। তিনি ইসলামের যিদিমতে যে অবদান রাখেন এবং তাঁর মধ্যে যে ইয়ানী চেতনা বিদ্যমান ছিল, তার জন্য তাঁকে আনসারদের 'আবু বকর' বলে গণ্য করা হতো। 'ইফক' বা হযরত আয়িশার প্রতি মিথ্যা অপবাদের ঘটনার পরিপ্রেক্ষিতে একদিন রাসূল (সা) ক্ষোভের সাথে বললেনঃ 'এ আল্লাহর দুশ্মন (আবদুল্লাহ ইবন উবাই, মুনাফিক সর্দার) আমাকে ভীষণ কষ্ট দিয়েছে। তোমাদের মধ্যে এমন কেউ কি আছে যে এর প্রতিবিধান করতে পারে? 'সাথে সাথে সা'দ উঠে দাঁড়িয়ে বলেছিলেনঃ 'আউস গোত্রের কেউ থাকলে আমাকে বলুন, আমরা তার গর্দান উড়িয়ে দিচ্ছি। আর যদি আমাদের তাই খায়রজীদের কেউ হয়, আমাদেরকে নির্দেশ দিন, আঘাত আপনার নির্দেশ বাস্তবায়ন করবো।' (শাহীরাতুন নিসা ফিল 'আলম আল-ইসলামী-৫), তাঁর মৃত্যুর ঘটনাটি যে কতখানি গুরুত্বপূর্ণ ছিল তা বুঝা যায় তাঁর জানায় ফিরিশতাদের অংশগ্রহণ এবং আল্লাহর 'আরশ কেঁপে উঠার মাধ্যমে। তাই একজন আনসারী কবি গবর করে বলেছিলেনঃ 'একমাত্র সা'দ আবু 'আমরের মৃত্যু ছাড়া আর কোন মরণীলের মৃত্যুতে আল্লাহর আরশ কেঁপে উঠেছে, এমন কথা আমরা কখনও শুনিনি।' এমনিভাবে রাসূলল্লাহ (সা) দরবারী কবি হাস্সান ইবন সাবিতও তাঁর অনেক কবিতায় সা'দের প্রতি শ্রদ্ধা ও শোক জ্ঞাপন করেছেন। (সীরাতু ইবন হিশাম-২/২৫২, ২৬৯, ২৭০, ২৭২)

হযরত সা'দ ছিলেন ফর্মা, দীর্ঘদেহী, সুদৰ্শন পুরুষ। মৃত্যুকালে 'আমর ও আবদুল্লাহ নামে দুই ছেলে রেখে যান। তাঁরা দু'জনই বাই'য়াতে রিদওয়ানে শরীক হওয়ার গৌরব অর্জন করেন।

তাঁদের মা হিন্দা বিনতু সামাকও ছিলেন রাসূলুল্লাহর (সা) সম্মানিতা সাহাবিয়্য।  
(তাবাকাত-৪২০, ৪৩৩)

মদীনায় ইসলামের প্রথম ভাগেই হয়রত সা'দের ওফাত হয়। জীবনের মাত্র পাঁচটি বছর  
রাসূলুল্লাহর (সা) সাহচর্য লাভের সৌভাগ্য অর্জন করেন। এ অল্প সময়ে তিনি হয়তো বহু  
হাদীস শুনে থাকবেন; কিন্তু হাদীস বর্ণনার সিলসিলা যেহেতু রাসূলুল্লাহর (সা) দুনিয়া থেকে  
বিদায় নেওয়ার পর শুরু হয়, এ কারণে তাঁর বর্ণনা প্রচারিত হয়নি। তবে সহীহ বুখারীতে  
'আবদুল্লাহ ইবন মাস'উদের একটি বর্ণনা এসেছে যাতে সা'দের 'উমরার কথা আছে এবং  
উছদে সা'দ ইবন রাবী'র শাহাদাতের ঘটনা প্রসঙ্গে আনাস (রা) তাঁর থেকে একটি হাদীস  
বর্ণনা করেছেন। এটাও বুখারীতে এসেছে। (তাহজীব আত-তাহজীব-৩/৪৮২)

নৈতিক চরিত্রের দিক দিয়ে হয়রত সা'দ ইবন মু'য়াজ ছিলেন অতি উচ্চমানের লোক।  
'আয়শা (রা) বলেনঃ 'রাসূলুল্লাহর (সা) পরে বনী 'আবদুল আশহালে তিন ব্যক্তি থেকে উত্তম  
আর কেউ নেই। তাঁরা হলেনঃ সা'দ ইবন মু'য়াজ, উসাইদ ইবন হুদাইর ও 'আবাদ ইবন  
বিশর।' (আল-ইসাবা-২/৯৭) সা'দ নিজেই বলতেনঃ আমি একজন সাধারণ মানুষ, তবে  
তিনটি বিষয়ে যে পর্যন্ত পৌছানো উচিত, আমি সেখানে পৌছেছি। ১. রাসূলুল্লাহর (সা) মুখ  
থেকে যে বাণী আমি শুনি তা সবই আল্লাহর পক্ষ থেকে বলে বিশ্বাস করি। ২. নামাযের মধ্যে  
অন্য কোন চিন্তা আমার মনে জাগে না। ৩. মৃত ব্যক্তির জানায়ার কাছে থাকলে মূন্কির-  
নাকীরের প্রশ্নের চিন্তা ছাড়া আমার মধ্যে আর কিছু থাকে না। টীকাঃ আল ইসতীয়াব; আল  
ইসাবা-২/৩৩; তাহজীব আত তাহজীব-৩/৪৮২)

হয়রত সা'দের 'আমলের উপর হয়রত রাসূলে কানিমের (সা) যে দারুণ আস্থা ছিল সে  
কথা একটি হাদীসে জানা যায়। হয়রত 'আয়শা (রা) থেকে বর্ণিত হয়েছে। রাসূল (সা)  
বলেছেনঃ 'কবরের একটি চাপ অবশ্যই আছে। যদি কেউ এই চাপ থেকে রেহাই পেয়ে থাকে,  
তাহলে সে সা'দ ইবন মু'য়াজ।' (সীরাতু ইবন হিশাম-২/২৫২; তাবাকাত-৩/৪৩২। তাছাড়া  
ইমাম আহমাদ ও বায়হাকীও হাদীসটি বর্ণনা করেছেন)

কিন্দার রাজা উকায়দারকে খালিদ ইবন উয়ালীদ বন্দী করে মদীনায় নিয়ে এলেন। তাঁর  
মৃত্যুবান পোশাক দেখে, মতান্তরে রাসূলকে (সা) উপহার দেওয়া একখানা কাপড় দেখে  
সাহাবীরা অভিভূত হয়ে গেলেন। তাঁদের এ অবস্থা দেখে রাসূল (সা) বললেনঃ 'তোমরা এই  
দেখে অবাক হচ্ছে? জানাতে সা'দ ইবন মু'য়াজের রূমালগুলিও এর থেকে সুন্দর হবে।'  
(আনসাবুল আশরাফ-১/৩৮৩; তাবাকাত-৩/৪৩৬; উসুদুল গাবা-২/২৯৭, ইবন হিশাম-  
২/৫২৬; সহীহ বুখারী-১/৫৩৬)

আবু সাউদ আল-খুদরী (রা) বলেনঃ 'যাঁরা বাকী গোরস্তানে সা'দের কবর ঝুঁড়েছিল আমি  
তাঁদের একজন। আমরা কবরের মাটি খোঁড়ার সময় মিশকের স্থাগ পাছিলাম। শুরাহবীল ইবন  
হাসানা বলেনঃ এক ব্যক্তি সা'দের কবরের মাটি থেকে এক মুঠ মাটি নিয়ে ঘরে রেখে দেয়।  
কিছুদিন পরে সে দেখে, তা মাটি নয়; বরং মিশ্ক। (তাবাকাত-৩/৪৩১; হায়াতুস সাহাবা-  
৩/৫৯৫) ■

## সা'দ ইবন 'উবাদা (রা)

আসল নাম সা'দ, ডাকনাম আবু কায়স ও আবু সাবিত। প্রথমটি অধিকতর প্রসিদ্ধ। (উসুদুল গাবা-২/২৮৩) লকব বা উপাধি সায়িদুল খায়রাজ। মদীনার বিখ্যাত খায়রাজ গোত্রের 'সায়িদাহ' শাখার সন্তান। পিতার নাম 'উবাদা ইবন দুলাইম' এবং মাতার নাম 'উমরা বিল্তু মাস'উদ। 'উমরা সাহাবিয়া' (মহিলা সাহাবী) ছিলেন এবং ইঞ্জরী ৫ম সনে ইস্তিকাল করেন। সা'দ তখন রাসূলুল্লাহর (সা) সাথে 'দুয়াতুল জান্মাল' যুক্তে যোগদানের জন্য মদীনার বাইরে। মদীনায় ফিরে রাসূল (সা) তাঁর মার করে যান এবং তাঁর জন্য দু'আ করেন। (তাবাকাত-৩/৬১৪; আল-ইসাবা-২/৩০)

হয়রত সা'দের সম্মানিত দাদা 'দুলাইম' ছিলেন খায়রাজ গোত্রের সবচেয়ে বড় নেতা। তাছাড়া মদীনার জনকল্যাণমূলক কাজেও তাঁর খ্যাতি ছিল। সায়িদাহ খান্দানের সম্মান ও গৌরব মূলতঃ তিনিই প্রতিষ্ঠা করেন। তিনি ছিলেন স্পোর্টসিক। দেবী 'মানাত'-এর পূজা করতেন। এ দেবীর মূর্তি ছিল মক্কার নিকটে 'মুসালাহ' নামক স্থানে। তিনি প্রতি বছর সেখানে দশটি উট বলি দিতেন। তাঁর মৃত্যুর পর 'উবাদা, তারপর সা'দ ইসলাম' গ্রহণের পূর্ব পর্যন্ত এ কাজ অব্যাহত রাখেন। ইসলামী ঘূর্ণে সা'দের ছেলে কায়স পূর্ব প্রুণয়ের ধারা বজায় রেখে উটগুলি কা'বার চতুরে কুরবানী করতেন। একবার হয়রত আবু 'উবাইদা ও হয়রত 'উমার (রা) কায়সকে এ কাজ থেকে বিরত থাকার জন্য অনুরোধ করেন; কিন্তু কায়স তাঁদের কথার প্রতি মোটেও কর্ণপাত করেননি। তাঁরা কায়সের বিরুদ্ধে রাসূলুল্লাহর (সা) নিকট অভিযোগ করেন। তখন রাসূল (সা) বলেনঃ কায়স তো দানশীল পরিবারের সন্তান। (আল-ইসতী'য়াবঃ ঢীকা আল-ইসাবা-২/৩৭)

সা'দের পিতা 'উবাদা ছিলেন পিতার যোগ্য উত্তরসূরী। পিতার মত একইভাবে জীবন কাটিয়ে ছেলে সা'দের জন্য ক্ষমতা ও নেতৃত্বের আসন সুপ্রতিষ্ঠিত করে যান। ছেলেকে তিনি পরিকল্পিতভাবে গড়ে তোলেন। 'সা'দ' সেই জাহিলী আরবেই 'কামিল' উপাধি লাভ করেন। কারণ, তৎকালীন আরবে হাতে গোনা যে ক'জন লোক আরবী লিখতে জানতো, তিনি ছিলেন তাদের একজন। তাঁর আরবী লেখা ছিল চমৎকার। তাছাড়া তিনি ছিলেন সে সময়ের আরবের একজন শ্রেষ্ঠ সৌতারু ও দক্ষ তীরন্দাজ্য আর এ বিদ্যাগুলি যারা বিশেষভাবে রফ্ত করতো। আরববাসী শুধু তাদেরকেই 'কামিল' উপাধি দিত। (দ্রঃ তাহজীব আত-তাহজীব-৩/৪৭৫; আল ইসাবা-২/৩০; তাবাকাত-৩/৬১৩)

শেষ 'আকাবার বাই'য়াতের সময় সা'দ ইসলাম গ্রহণ করেন। হয়রত রাসূলে কারীম (সা) তাঁকে বনী সায়িদার 'নাকীব' (দায়িত্বশীল) নিয়োগ করেন। (আনসাবুল আশরাফ-১/২৫০; উসুদুল গাবা-২/২৮৩) তাঁকে উচু স্তরের সাহাবী গণ্য করা হতো। বুখারী শরীফে তাঁর সম্পর্কে বলা হয়েছে- 'ওয়া কানা জা কিদামিন ফিল ইসলাম'- ইসলামে তিনি ছিলেন প্রথম স্তরের মানুষ।

'আকাবার শেষ বাই'য়াত যেতাবে সম্পর্ক হয়, আনসারদের যে সংখ্যক মানুষ তাতে

অংশগ্রহণ করেন এবং যে সকল শুরুত্বপূর্ণ শর্তের ওপর তা অনুষ্ঠিত হয় তাতে তা গোপন থাকা সম্ভব ছিল না। যদিও তা রাতের অঙ্ককারে গোপনে হয়েছিল। কারণ, রাস্তাকে (সা) নিয়ে কুরাইশদের চিন্তার অন্ত ছিল না। তারা সর্বক্ষণ তাঁর প্রতি সতর্ক দৃষ্টি রাখতো। সুতৰাং রাতের যে লক্ষ্যে রাস্তা (সা) 'আকাবায় মদীনা থেকে আগত লোকদের নিকট থেকে বাই'য়াত গ্রহণ করেন, ঠিক সেই সময়ে; কেউ একজন মক্কার 'জাবালে আবু কুরাইশের ওপর দৌড়িয়ে চোচিয়ে বলেছিল; 'দেখ সা'দ যদি মুসলমান হয়ে যায় তালে মুহাম্মাদ একেবারেই নিষিক হয়ে যাবে।' (দ্রঃ উসুদুল গাবা-২/২৮৪; আল ইসতী'য়াব; আল ইসাবা-২/৩৭)

এ আওয়ায় কুরাইশদের কানে পৌছানেও প্রথমে তারা বিশেষ শুরুত্ব দেয়নি। তারা সা'দ বলতে 'কাদায়া' ও তামীর গোত্রের সা'দ নামের লোকগুলিকে বুঝেছিল। পরের রাতে ঐ পাহাড় থেকে আবার একটি কবিতার কিছু চরণ আবৃত্তি করতে শোনা গেল। তাতে পরিষ্কার তাবে সা'দের নাম ও পরিচয় ছিল। কুরাইশরা দার্শণ বিশ্বের মধ্যে পড়ে গেল। বিষয়টি খতিয়ে দেখার জন্য তারা 'দার্শণ নাদওয়া' বা পরামর্শ গৃহে সমবেত হলো। তারা মদীনার আউস গোত্রের সর্দার আবদুল্লাহ ইবন 'উবাই ইবন সুলুলের সাথে কথা বললো, কিন্তু সে বিষয়টি সম্পর্কে সম্পূর্ণ অজ্ঞতা প্রকাশ করলো। কুরাইশরা চারিদিকে গোয়েন্দা নিয়োগ করে যার যার মত বাড়ীতে ফিরে গেল। আর মদীনাবাসী মুসলমানরা 'ইয়াজজ'-এর পথে স্বদেশ অভিযুক্ত যাত্রা করলো।

ইবন ইসহাক ঘটনাটি এভাবে বর্ণনা করেছেন: 'নাকীবগণ 'আকাবার রাতে রাসুলুল্লাহ সা'দ হাতে বাই'য়াত শেষ করে ছত্রজঙ্গ হয়ে গেল। কেউ কেউ মক্কা ছেড়ে স্বদেশের পথ ধরলো। এদিকে বাই'য়াতের কথা লোকমুখে প্রচার হয়ে গেল। খৌজ-খবর নিয়ে কুরাইশরা বুঝতে পারলো, ব্যাপারটি সত্য। তারা বাই'য়াতকারীদের ধরার জন্য বেরিয়ে পড়লো এবং সা'দ ইবন 'উবাদা ও আল মুনজির ইবন 'উমারকে পেয়ে গেল। তবে সা'দকে ধরতে পারলোও আল মুনজির ইবন 'উমার পালিয়ে যেতে সক্ষম হলেন। সা'দের মাথার চুল ছিল লো। তারা সেই চুল ধরে টেনে-হেঁচড়ে নিয়ে চললো। সা'দ বলেন: আল্লাহর কসম! আমি তাদের হাতে বন্দী। কুরাইশদের কয়েকজন লোক আমার কাছে আসলো। তাদের মধ্যে একজন উজ্জল সুর্দশন যুবককে দেখে আমি ভাবলাম, যদি এ সম্প্রদায়ের কারও মধ্যে তালো কিছু থাকে তাহলে হয়তো এর মধ্যেই আছে। সে ছিল সুহাইল ইবন 'আমর। কিন্তু সে আমার আশার মুখে ছাই দিয়ে কাছে এগিয়ে এসে আমার গায়ে জোরে এক ঘূর্ষি বসিয়ে দিল। আমি তখন মনে মনে বললাম; আল্লাহর কসম! এরপর এ সম্প্রদায়ের অন্য কারও কাছে তালো কিছু আশা করা বৃথা। একজন প্রশ্ন করলো; তুমি কি মুহাম্মাদের দীন কবুল করেছ? আমি বললাম; হাঁ, কবুল করেছি। তখন তাঁরা আমাকে দড়ি দিয়ে কষে বাঁধলো। এসময় একজন আমার উরুন্তে টোকা মেরে বললোঃ কুরাইশদের কারও সাথে তোমার কি কোন চুক্তি আছে? বললামঃ হাঁ আছে। মৃত্যুযোগী ইবন 'আদী ও আল-হারিস ইবন উমায়া যখন আমাদের আবাসস্থিতে যায়, আমি তাদের নিরাপত্তা দিয়ে থাকি। সে বললোঃ তোমার বাপ নিপাত যাক। শিগগিরই তাদের নাম ধরে জোরে জোরে সাহায্য চাও। আমি তাই করলাম। লোকটি ছুটে তাদের দু'জনের কাছে গিয়ে বললোঃ কুরাইশদের কয়েক ব্যক্তি যে লোকটিকে বন্দী করে মারধোর ও অপমান করছে সে তোমাদের দু'জনের নাম ধরে ডাকছে। সে বলছে, তোমাদের সাথে নাকি তাঁর মৈত্রী ছুক্তি আছে। তারা জিজেস করলোঃ লোকটি কে? সে বললোঃ সা'দ ইবন 'উবাদা। তারা

বললোঃ সে সত্য বলেছে। তারপর মুত্তিয়িম ইবন 'আদী ও আল হারিস ইবন উমায়া ছুটে এসে তাদের হাত থেকে আমাকে উদ্ধার করে মদীনার পথ ধরিয়ে দেয়।'

এই মুত্তিয়িম ইবন আদী ছিলেন মক্কার এক অতি ভদ্র ও সম্মানিত ব্যক্তি। ইসলামের সূচনা পর্বে মক্কায় তিনি রাসূলকে (সা) নানাতাবে সাহায্য করেছেন। আর যে ব্যক্তি তাকে খবর দিয়েছিল, সে ছিল আবুল বাখতরী ইবন হিশাম।

যাইহোক, সা'দ এভাবে বন্দী হওয়ায় মদীনা অভিমুখী আনসারদের কাফেলায় দারুণ উৎসেজন সৃষ্টি হয়। তারা পরামর্শ বৈঠকে সিদ্ধান্ত নেয়, জীবনের ঝুকি থাকলেও মক্কায় ফিরে সা'দের সঙ্গে নিতে হবে। এর মধ্যে সা'দকে ফিরে আসতে দেখা গোল। তারা তাঁকে সংগে করে সোজা মদীনার পথ ধরলো। (দ্রঃ তারীখু ইবন 'আসাকির-৬/৮৫, ৮৬; আনসাবুল আশরাফ-১/২৫৪, ২৫৫; সীরাতু ইবন হিশাম-১/১৫০, ১৫১; তাবাকাত-১/১৫০)

সা'দের বন্দীর বিষয়টি নিয়ে কুরাইশ পক্ষের কবি দাররার ইবনুল খান্তাব ইবন মিরদাস একটি কবিতা রচনা করে। কবি হাস্সান ইবন সাবিত তার জবাবে বড় একটি কবিতা সেখেন। তাতে সা'দের প্রশংসা ও কুরাইশদের নিল্পা করা হয়েছে। আনসাবুল আশরাফ ও সীরাতু ইবন হিশামসহ বিভিন্ন গ্রন্থে তার কিছু অংশ সংকলিত হয়েছে। (দ্রঃ আনসাবুল আশরাফ-১/২৫৫; সীরাতু ইবন হিশাম-১/১৫০, ১৫১)

উপরোক্ত ঘটনার কয়েক মাস পর রাসূল (সা) মক্কা থেকে মদীনায় হিজরাত করেন। এ উপরক্ষে মদীনার প্রতিটি অলি-গলিতে আনন্দ উৎসবের বন্যা বয়ে যায়। তিনি আবু আইউবের বাড়ীতে পৌছতেই সেখানে হাদিয়া তোহফা আসা শুরু হয়ে যায়। হ্যরত সা'দ তাঁর বাড়ী থেকে বড় এক পাত্র সারীদ ও 'উরাক পাঠিয়ে দেন। (তাবাকাত-১/১৬১)

হিজরাতের কয়েক মাস পর থেকে ইসলামী আন্দোলন তীব্র রূপ ধারণ করতে থাকে। হিজরাতের দ্বাদশ মাস সফরে হ্যরত রাসূলে কারীম (সা) কুরাইশদের গতিবিধি লক্ষ্য করার জন্য ছোট একটি বাহিনী নিয়ে মক্কার দিকে 'আবওয়া' নামক স্থানে যান। এটাকে 'ওয়াদ্দান' অভিযানও বলা হয়। এ বাহিনীতে কোন আনসার মুজাহিদ ছিল না। এ সময় পনেরোটি রাত রাসূল (সা) মদীনার বাইরে ছিলেন। তিনি সা'দ ইবন 'উবাদাকে স্থীর প্রতিনিধি হিসেবে মদীনায় রেখে যান। (আনসাবুল আশরাফ-১/২৮৭; তাবাকাত-১/৩)

হিজরী দ্বিতীয় সনে ঐতিহাসিক বদর যুদ্ধ সংঘটিত হয়। এতে হ্যরত সা'দের অংশ গ্রহণের ব্যাপারে সীরাত বিশেষজ্ঞদের দার্শণ মতভেদ আছে। ইয়াকুব ইবন সুফইয়ান, মুসা ইবন 'উকবা, খলীফা ইবন খায়্যাত, আল ওয়াকিনী, আল মাদায়িনী, ইবনুল কালবী প্রমুখ সীরাত বিশেষজ্ঞ তাঁকে বদরী যোদ্ধা বলে উল্লেখ করেছেন। আবু আহমাদ তাঁর 'আল কুনা' গ্রন্থে বলেছেন, তিনি রাসূলুল্লাহের (সা) সাথে বদরে অংশগ্রহণ করেন।(দ্রঃ উসুদুল গাবা-২/২৮৩; আল ইসতীয়াব ; আল ইসাবা-২/৩৬; তারীখ ইবন 'আসাকির-৬/৮৪, ৮৫) পক্ষান্তরে ইবন ইসহাক তাঁকে বদরী যোদ্ধাদের মধ্যে উল্লেখ করেননি। ইবন সা'দ ও বালাজুরী বলেনঃ সা'দ বদরে যাওয়ার জন্য প্রস্তুতি গ্রহণ করেন। কিন্তু যাত্রার প্রাক্কালে তাঁকে কুকুরে কামড়ায়। এ কারণে তিনি যেতে পারেননি। রাসূল (সা) তাঁর সম্পর্কে বলেনঃ যদিও সা'দ বদরে হাজির হয়নি, তবে সে যাওয়ার জন্য আগ্রহী ছিল। কোন কোন বর্ণনা মতে রাসূল (সা) তাঁকে বদরের গনীমতের অংশ দিয়েছিলেন। ইবন আসাকির বলেন, এটা সর্বসম্মত ও প্রমাণিত

নয়। (দ্রঃ তাকরীবুত তাহজীব-১/২৮৮; উসুদুল গাবা ২/২৮৩, আল ইসবা ২/৩০; তারীখ ইবন 'আসকির ৬৮৪, ৮৫) ইমাম বুখারী ও ইমাম মুসলিম সা'দের বদরে অংশগ্রহণের বিষয়টি প্রমাণ করার চেষ্টা করেছেন। তবে এটাই সঠিক যে, তিনি বদরে শরীক হননি। আল্লামা ইবন হাজার 'আসকিলানীর মতও এটাই। তিনি ইমাম মুসলিমের ভাষা দ্বারা নিজ মতের স্বপক্ষে খুব সুস্পষ্টভাবে প্রমাণ গ্রহণ করেছেন। (দ্রঃ ফাতহল বারী-৫/২২৪)

বদর যুদ্ধ ছিল রাসূলুল্লাহর (সা) জীবনের যুদ্ধগুলির মধ্যে প্রথম এবং সর্বাধিক প্রসিদ্ধ। এর পূর্বে যদিও চারটি গায়ওয়া ও চারটি সারিয়া সংঘটিত হয়েছিল, কিন্তু তাতে কোন আনসারী সৈনিক অংশগ্রহণ করেনি। এর নামা কারণ থাকতে পারে। একটি এই হতে পারে যে, 'আকাবার বাই'য়াতের সময় আনসারদের পক্ষ থেকে শুধু এ প্রতিশ্রূতি দেওয়া হয়েছিল যে, যারা মদীনা আক্রমণ করবে শুধু তাদেরকেই তারা প্রতিরোধ করবে। মদীনার বাইরে কোন সংঘাত হলে সে বিষয়ে তাদের ভূমিকা কী হবে তার কোন উল্লেখ তাতে ছিল না। আরেকটি কারণ এই হতে পারে যে, রাসূল (সা) প্রথমতঃ মদীনার মূল বাসিন্দাদেরকে কুরাইশদের শক্তি হিসেবে দাঁড় করাতে চাননি।

অতএব রাসূল (সা) যখন বদরে যাত্রার মত শুরুত্বপূর্ণ সিদ্ধান্ত নিতে যাবেন তখন আনসারদের সাথে পরামর্শ করা ও তাদের মতামত গ্রহণ প্রয়োজন মনে করেন। মদীনার সকল গোত্রের লোকদের একটি বৈঠকে ডাকা হলো। সেখানে যুদ্ধের বিষয়টি উঠলো। হযরত আবু বকর (রা) উঠে তাঁর মতামত পেশ করলেন। হযরত 'উমার (রা)' কিছু বলার জন্য উঠলেন, কিন্তু রাসূল (সা) তাঁর প্রতি দৃষ্টিপাত করলেন না। সেই বৈঠকে হযরত সা'দ ইবন 'উবাদাও ছিলেন। তিনি বুবালেন, রাসূল (সা) তাঁদের মতামত চাচ্ছেন। তিনি বললেনঃ হে আল্লাহর রাসূল! যার হাতে আমার জীবন, তাঁর জাতের কসম, আপনি যদি আমাদেরকে সম্মুদ্র অভিযানের নির্দেশ দেন, আমরা তা দলিত মথিত করে ছাড়বো। আর যদি শুকনো মাটিতে অভিযানের আদেশ দেন তাহলে ইয়ামনের 'বারকে গিমাদ' পর্যন্ত উট ছুটিয়ে নিয়ে যাব। (সহীহ মুসলিম-২/৮৪; আল-বিদায়া-৩/২৬৩; কানযুল 'উম্মাল-৫/২৭৩; হায়াতুস সাহাবা-১/৪২৪)

উল্লেখিত বর্ণনার ভিত্তিতে সীরাত লেখকদের অনেকে এই সিদ্ধান্তে পৌছেছেন যে, তিনি বদরে যোগদান করেছিলেন। অথচ সহীহ মুসলিমের এ বর্ণনাতেই উল্লেখ আছে সিরিয়া থেকে আবু সুফিইয়ানের বাণিজ্য কাফিলা আসার খবর যখন রাসূলুল্লাহ (সা) পেলেন তখন তিনি পরামর্শ করেন। মূলতঃ এ বাণিজ্য কাফেলা প্রতিরোধের উদ্দেশ্যে রাসূল (সা) মদীনা থেকে বের হন; যুদ্ধের উদ্দেশ্যে নয়। (মুসলিম-২/৮৪) কিন্তু পরে তিনি জানতে পারেন, যেকোন থেকে কুরাইশ বাহিনী বদরের দিকে এগিয়ে আসছে। আর তখনই রাসূল (সা) যুদ্ধের সিদ্ধান্ত গ্রহণ করেন। এ কারণে মদীনাবাসীদের অনেকেই বুঝতে পারেননি যে, রাসূল (সা) বদরে একটি যুদ্ধে জড়িয়ে পড়বেন। তাই তাদের অনেকে রাসূলুল্লাহর (সা) সাথে মদীনা থেকে বের হননি। আর তাদেরই একজন সা'দ ইবন 'উবাদা। (আনসাবুল আশরাফ-১/২৮৮)

বদরের পর উহদের যুদ্ধ সংঘটিত হয়। যেকোন পৌত্রলিঙ্গ শক্তি এমন তোড়েজোড় সহকারে থেয়ে আসে যে মদীনায় একটা ভৌতিক সঞ্চার হয়। গোটা মদীনায় সারা রাত পাহারার ব্যবস্থা করা হয়। মদীনার কয়েকজন শ্রেষ্ঠ সন্তান যথা সা'দ ইবন মু'য়াজ, 'উসাইদ ইবন হুদাইর

প্রমুখের সাথে তিনিও অস্ত্র হাতে রাস্তুল্লাহর (সা) গৃহের হিফাজতে দাঁড়িয়ে যান। তাঁরা সারা রাত মদীনা পাহারা দেন। শাওয়ালের ৬ তারিখ জুম'আর দিন যুদ্ধের প্রস্তুতি গ্রহণ করা হয়। হযরত রাসূলে কারীম (সা) আনসার গোত্র খায়রাজের পতাকাটি সা'দ ইবন 'উবাদার হাতে তুলে দেন। (আনসাবুল আশরাফ-১/৩১৪, ৩১৭) প্রস্তুতি শেষ হলে রাসূল (সা) ঘোড়ায় সাওয়ার হয়ে বের হন। আউস ও খায়রাজ গোত্রের দুই নেতা সা'দ ইবন মু'য়াজ ও সা'দ ইবন 'উবাদা নিজ নিজ গোত্রের ঝাড়া হাতে নিয়ে আগে আগে চললেন। মধ্যে রাসূল (সা) এবং ডানে বাঁয়ে অন্যান্য আনসার-মুহাজির মুজাহিদগণ। এমন শান শওকাতে হযরত রাসূলে কারীমকে (সা) বের হতে দেখে কাফির ও মুনাফিকরা বিশ্বয়ে হতবাক হয়ে যায়।

শনিবার উহুদ পাহাড়ের পাদদেশে যুদ্ধ শুরু হলো। সংঘর্ষ এমন তীব্র ছিল যে, এক পর্যায়ে মুসলিম বাহিনী ছত্রভঙ্গ হয়ে পড়লো। তবে রাসূল (সা) ময়দানে অটল থাকলেন। এ সময় মাত্র ১৪ ব্যক্তি নিজেদের জীবন বাজি রেখে লড়াই করেন এবং রাসূলুল্লাহর (সা) সামনে থেকে কাফিরদের হটিয়ে দেন। অনেকের মতে এ ১৪ জনের একজন সা'দ ইবন 'উবাদা। (যারকানী-২/৪০)

হিজরী ৫ম সনে সংঘটিত হয় বনী মুসতালিক বা মুরাইসী'র যুদ্ধ। এতে আউস ও খায়রাজ উভয় গোত্রের ঝাড়া তাঁরই হাতে অর্পণ করা হয়। (তাবাকাত, মাগায়ী অধ্যায়-৪৫) এ যুদ্ধ থেকে ফেরার পথে উচ্চু মুমিনীন হযরত 'আয়িশাকে (রা) কেল্প করে একটি অবাস্তুত ঘটনা ঘটে। মুনাফিকরা সুযোগ পেয়ে যায়। তারা হযরত 'আয়িশার (রা) চরিত্র সম্পর্কে কিছু অশোভন উত্তি করে এবং তাতে কিছু সরল মুসলমানও জড়িয়ে পড়ে। এ অপ্রত্যাশিত ঘটনায় রাসূল (সা) তীষণ কষ্ট পান এবং একটা বিবৃতকর অবস্থায় পড়েন। ইসলামের ইতিহাসে ঘটনাটি 'ইফ্ক' বা বানোয়াট কাহিনী নামে পরিচিত হয়েছে।

এই 'ইফ্ক'-এর ঘটনার এক পর্যায়ে হযরত রাসূলে কারীম (সা) যিস্রে দাঁড়িয়ে বলেন, আবদুল্লাহ ইবন উবাই ইবন সুলুল আমার পরিবারের প্রতি যিথা কলঙ্ক আরোপ করেছে। এতে আমি দারুণ কষ্ট পেয়েছি। তোমাদের মধ্যে এমন কেউ কি আছে যে এর প্রতিবিধান করতে পারে? সাথে সাথে আউস গোত্রের নেতা সা'দ ইবন মু'য়াজ বলে ওঠেন; আমি প্রস্তুত। আপনি যে হকুম দেবেন তা পালন করবো। সে যদি আউস গোত্রের লোক হয় এখনই তার গর্দান উড়িয়ে দেওয়া হবে। আর খায়রাজ গোত্রের হলে আপনার নির্দেশ পালনের জন্য প্রস্তুত আছি। উক্তেখ্য যে প্রাচীন কাল থেকে আউস ও খায়রাজ এই দুই গোত্রের মধ্যে শক্রতা ও রেষারেষি চলে আসছিল। প্রাক-ইসলামী যুগে তাদের মধ্যে বড় ধরনের অনেক যুদ্ধও হয়েছিল। ইসলাম তাদের সেই বৈরিতা দূর করে দেয়। তা সন্ত্রেও তাদের অস্তরে পূর্ব শক্রতার কিছুটা রেশ বিদ্যমান ছিল। এ কারণে সা'দ ইবন মু'য়াজের কথায় খায়রাজ গোত্রের নেতা সা'দ ইবন 'উবাদা অপমান বোধ করেন। কথাটি তিনি সহজভাবে নিতে পারলেন না। উঠে দাঁড়িয়ে বললেন, ওহে সা'দ ইবন মু'য়াজ! তুমি ঠিক বলোনি। তোমরা কক্ষনো খায়রাজকে হত্যা করতে পারবে না, তাদেরকে পরাভূত করতেও সক্ষম হবে না। যদি তোমার নিজ গোত্র আবদুল আশহালের ব্যাপার হতো তাহলে তোমার মুখ থেকে এমন কথা বের হতো না। উসাইদ ইবন হুদাইর ছিলেন সা'দ ইবন মু'য়াজের খালাতো বা মামাতো ভাই। তিনি সা'দ ইবন 'উবাদাকে লক্ষ্য করে বললেন; আপনি এসব কী বলছেন। রাসূলুল্লাহর (সা) নির্দেশ পেলে

আমরা অবশ্যই তা পালন করবো। তারপর দুই গোত্র উভেজিতভাবে মুখোযুথি দাঁড়িয়ে গেল। রাসূল (সা) মিথরে ছিলেন। তিনি উভেজনা দূর করে পরিস্থিতি নিয়ন্ত্রণে আনেন। (ফাতহুল বারী-৮/৩২; সহীহ বুখারী-৭/৩৩৫; সীয়ারে আনসার-২/৩৩)

হিজরী ৫ম সনে খন্দক যুদ্ধের সময় মদীনার মুসলমানদের অবস্থা যখন অতি সঙ্কটজনক তখন হয়রত রাসূলে কারীম (সা) গাত্ফান গোত্রের দুই নেতা 'উয়াইনা ইবন হিস্ন' ও আল হারিস ইবন 'আউফের সাথে একটি চুক্তি করার ইচ্ছা করলেন। তিনি তাদের সাথে এই শর্তে চুক্তি করতে চাইলেন যে, মদীনায় উৎপাদিত ফলের এক তৃতীয়ৎশের বিনিয়মে তারা কুরাইশদের সাথে যোগ দিয়ে মদীনা আক্রমণ থেকে বিরত থাকবে। রাসূল (সা) পরামর্শের জন্য সা'দ ইবন মু'য়াজ ও সা'দ ইবন 'উবাদাকে ডাকলেন। তাঁরা উপস্থিত হলে রাসূল (সা) বললেন; আমি 'উয়াইনা ও আল হারিসকে মদীনায় উৎপাদিত ফলের এক তৃতীয়ৎশ এই শর্তে দিতে চাই যে, তারা কুরাইশদের পক্ষ ত্যাগ করে ফিরে যাবে; কিন্তু তারা অর্ধেক দাবী করছে। এ ব্যাপারে তোমাদের মত কী?

সা'দ ইবন 'উবাদা বললেনঃ ইয়া রাসূলুল্লাহ। এ যদি ওহীর নির্দেশ হয় তাহলে তো দ্বিমত পোষণের অবকাশ নেই। আর তা যদি না হয় তাহলে তাদের দাবীর জবাব তো শুধু তরবারি। আল্লাহর কসম! আমরা তাদেরকে ফলের পরিবর্তে তরবারির ধার উপহার দেব।

রাসূল (সা) বললেনঃ 'ওহী নয়। ওহী হলে তো তোমাদের সাথে পরামর্শের কোন প্রশ্নই উঠতো না। সা'দ বললেনঃ 'তাহলে তরবারির মাধ্যমে তাদেরকে জবাব দিতে হবে। জাহিলী যুগেও এমন অপমান আমরা চিন্তা করিনি। আর এখন তো আল্লাহ তা'য়ালা আপনার মাধ্যমে হিদায়াত দান করে আমাদেরকে সম্মানিত করেছেন। এখন দেব আমরা আমাদের ফসলের একাংশ তাদেরকে?' রাসূল (সা) তাঁদের দুই জনের সাথে আলোচনা করে খুব খুব হলেন এবং তাঁদের জন্য দু'আ করলেন। তারপর সা'দ ইবন উবাদা খসড়া চুক্তি পত্রটি হাতে নিয়ে ছিড়ে টুকরো টুকরো করে ফেলেন। (দ্বঃ সীরাতু ইবন হিশাম- ২/২২১-২২৩; উসদুল গাবা- ২/২৮৪; আনসাবুল আশরাফ- ১/৩৪৬, ৩৪৭, হায়াতুস সাহাবা- ২/৪৪, ৪৫) এই খন্দক যুদ্ধেও আনসারদের ঝাভা সা'দ 'উবাদার হাতে ছিল।

মদীনার ইহুদী গোত্র বনু নাদীরের অবরোধের সময় সা'দ ইবন উবাদা নিজ খরচে মুসলিম সৈনিকদের মধ্যে খেজুর বন্টন করেন। তেমনিতাবে বনু কুরাইজার অবরোধের সময় তিনি মুসলিম সৈনিকদের রসদপত্র সরবরাহ করেন। (দায়িরা-ই-মা'খারিফ ইসলামিয়া- ১১/৩২)

হিজরী ৬ষ্ঠ সনে রাসূল (সা) 'গাবা' অভিযান পরিচালনা করেন। তিনি সা'দকে ৩০০ সদস্যের একটি বাহিনীর অফিসার বানিয়ে মদীনার নিরাপত্তাৰ দায়িত্বে রেখে যান। ওয়াকিদী বর্ণনা করেনঃ গাবা অভিযানের সময় সা'দ ইবন 'উবাদা তাঁর গোত্রের তিন শো লোক নিয়ে রাসূলুল্লাহর (সা) না ফেরা পর্যন্ত পাঁচ রাত্রি মদীনার নিরাপত্তা নিশ্চিত করেন। তাহাড়া রাসূল (সা) যখন 'জিক্রকারাদ' নামক স্থানে অবস্থান করছিলেন তখন সাহায্যের জন্য মদীনায় খবর পাঠান। হয়রত সা'দ ইবন 'উবাদা দশটি উট বোঝাই করে খেজুর পাঠান। রাসূলুল্লাহর (সা) এই বাহিনীতে সা'দের ছেলে কায়সও ছিলেন একজন অশ্বারোহী সৈনিক। তিনি পিতা প্রেরিত উট ও খেজুর যখন রাসূলুল্লাহর (সা) নিকট পেশ করলেন তখন তিনি বললেনঃ হে কায়স! তোমার পিতা তোমাকে ঘোড় সওয়ার করে পাঠিয়েছেন, মুজাহিদদের শক্তিশালী করেছেন

এবং শক্তির আক্রমণ থেকে রক্ষার জন্য মদীনা পাহারা দিয়েছেন। তারপর তিনি দু'আ করেন : হে আল্লাহ! সা'দ ও তার পরিবার- পরিজনের ওপর রহম করুন! সা'দ ইবন 'উবাদা কতই না ভালো মানুষ। তখন খায়রাজ গোত্রের লোকেরা বলে ওঠে : ইয়া রাসূলাল্লাহ! তিনি আমাদের খান্দানের লোক, আমাদের নেতা এবং নেতার ছেলে। (তারীখে ইবন আসাকির- ৬/৮৮; তাবাকাত : মাগার্যী- ৫৮)

হিজরী ৭ম সনে খাইবার যুদ্ধের সময় মুসলিম বাহিনীতে তিনটি ঝান্ডা ছিল। তার একটি ছিল সা'দ ইবন 'উবাদার হাতে। (তাবাকাত : মাগার্যী- ৭৭) তাবুক যুদ্ধের সময় রাসূল (সা) সাহাবায়ে কিরামের নিকট বস্তুগত সাহায্যের আবেদন জানালে অন্যদের মত সা'দ ইবন 'উবাদাও তাঁর হাতে বিপুল অর্থ তুলে দেন। (হায়াতুস সাহাবা- ১/৪২১; দায়িরা- ই-মা'য়ারিফ ইসলামিয়া- ১১/৩২)

মঙ্গা বিজয়ের দিন খোদ রাসূলাল্লাহ (সা) ঝান্ডাটি হ্যরত সা'দের হাতে ছিল। মুসলিম সৈনিকদের একটি দল 'কাদায়'র দিক দিয়ে শহরে প্রবেশ করছিল। আবু সুফিইয়ান হ্যরত 'আব্বাসের সাথে দাঁড়িয়ে এ দৃশ্য দেখছিলেন। তিনি এর আগেই ইসলাম গ্রহণ করেছিলেন। আনসারদের একটি দলের পুরোভাগে ছিলেন সা'দ ইবন 'উবাদা। তাদের দৃশ্য ভঙ্গিতে চলা দেখে আবু সুফিইয়ানের দু' চোখ ছানাবড়া হয়ে যায়। তিনি 'আব্বাসকে জিজেস করেন : এ কারা? আব্বাস জবাব দিলেন : আনসার। এদের কমান্ডার সা'দ ইবন 'উবাদা। ঝান্ডা তাঁরই হাতে।

সা'দ আবু সুফিইয়ানের কাছাকাছি এসে তাঁকে লক্ষ্য করে চেঁচিয়ে বলে ওঠেন, 'দেখবে আজ কেমন তুমুল যুদ্ধ হয়। আজ কা'বা হালাল (রাজপ্রাত বৈধ) হয়ে যাবে।' একথা শুনে আবু সুফিইয়ানের অন্তরে ভৌতির সংশ্লার হয়। তিনি 'আব্বাসকে বলেন, 'আজ তো তুমুল লড়াই হবে।' সা'দের বাহিনী অতিক্রমের পরই রাসূলাল্লাহ (সা) দলটি উপস্থিত হয়। তাঁকে দেখে আবু সুফিইয়ান চেঁচিয়ে বলে ওঠেন : 'ইয়া রাসূলাল্লাহ! আল্লাহর ওয়াস্তে আপনার সম্পদায়ের প্রতি সদয় হোন। আল্লাহ আপনাকে দয়ালু ও সৎকর্মশীল করে সৃষ্টি করেছেন। সা'দ আমাকে ডয় দেখিয়ে গেছে। আজ নাকি ঘোরতর যুদ্ধ হবে, কুরাইশদের বিনাশ ঘটবে। আবু সুফিইয়ানের কথা সমর্থন করে আরও কয়েকজন একই কথা বললেন। অন্য একটি বর্ণনা মতে হ্যরত 'উমার সা'দের কথা শুনে তা রাসূলকে (সা) অবহিত করেন। হ্যরত 'উসমান ও হ্যরত 'আবদুর রহমান ইবন 'আউফ বললেন : 'আমাদের ডয় হচ্ছে, সা'দের মধ্যে প্রতিশোধ স্পৃহা জেগে না ওঠে।' দার্রার ইবন খাতাব আল-ফিহ্রী একটি কবিতা আবৃত্তিগ্রহণ করলেন। এক ব্যক্তি তাঁকে বললেন, রাসূলাল্লাহ (সা) সামনে গিয়ে কবিতার মাধ্যমে ফরিয়াদ কর। দার্রারারের সেই সব কবিতার অংশবিশেষ 'আল-ইসতী'য়াব' গ্রহে সংকলিত হয়েছে। তাঁর একটি কবিতার কয়েকটি পংক্তি নিম্নরূপ :

'হে আল্লাহর রাসূল! আপনার নিকট কুরাইশরা এমন সময় আশ্রয় নিয়েছে যখন তাদের আর কোন আশ্রয় স্থল নেই, আর দুনিয়া প্রশংস্ত হওয়া সত্ত্বেও যখন তাদের জন্য সংকীর্ণ হয়ে পড়েছে এবং আসমানের আল্লাহ তাদের শক্তি হয়ে গেছে। সা'দ মঙ্গাবাসীদের মেরুদণ্ড ভেঙ্গে ফেলতে চেয়েছে।'

কবিতা শুনে রাসূল (সা) বললেন : 'সা'দ ঠিক বলেনি। আজ কা'বার সম্মান আরও বৃদ্ধি

পাবে। তার গায়ে গিলাফ চড়ানো হবে।' তিনি আলীকে (সা) বললেন, 'তুমি ছুটে যাও। সা'দের হাত থেকে ঝাভাটি নিয়ে তার ছেলে কায়সের হাতে দাও। আলী ছুটে গিয়ে ঝাভাটি চাইলেন। সা'দ তা দিতে অশ্বীকার করে বললেন, সত্যিই যে রাসূল (সা) তোমাকে পাঠিয়েছেন তার প্রমাণ কি? রাসূল (সা) তাঁর পাগড়িটি পাঠালেন। তখন সা'দ ঝাভাটি নিজের ছেলের হাতে তুলে দিলেন। কিন্তু যে আশঙ্কা সা'দকে নিয়ে ছিল, একই আশঙ্কা তাঁর ছেলেকে নিয়েও দেখা দিল। আবেদন জানানো হলো : সা'দের ছেলে কায়সের হাত থেকে ঝাভাটি অন্য কারণে হাতে দেওয়া হোক। তখন রাসূল (সা) ঝাভাটি নিয়ে যুবাইর ইবনুল 'আওয়ামের হাতে ছিল, তার তাৎপর্য এটাই। (দৃঃ সীরাতু ইবন হিশাম- ২/৪০৬, ৪০৭; উসুদুল গাৰা- ২/২৮৪; হায়াতুস সাহাবা- ১/১৬৯; আল-ইসতীয়াব : আল-ইসাবার পার্শ টীকা-২/৩৯; বুখারী- ২/৬১৩; ফাতহল বারী- ৮/৭)

মক্কা বিজয়ের পর হনাইন অভিযান পরিচালিত হয়। এতে খায়রাজ গোত্রের ঝাভা সা'দের হাতে ছিল। (তোবাকাত : মাগায়ী- ১০৮) উল্লেখিত যুদ্ধগুলি ছাড়া রাসূলুল্লাহ (সা) মদীনায় উপস্থিতির পর থেকে তাঁর মৃত্যু পর্যন্ত ছোট-বড় যত যুদ্ধ হয়েছে তাঁর সবগুলিতে সা'দ অংশ গ্রহণ করেছিলেন, প্রতিটি অভিযানেই তিনি ছিলেন আনসারদের পতাকাবাহী।

হিজরী ১১ সনে হয়রত রাসূলে কারীমের (সা) ওফাত হয়। প্রাচীন কাল থেকে মদীনার মালিকানা ছিল আনসারদের। ইসলামের সূচনা পর্ব থেকেই তাঁরা রাসূলকে (সা) সবচেয়ে বেশী সাহায্য করেছিল। যে সময় ইসলামের কোন আবাসভূমি ছিল না, রাসূল (সা) ব্যাকুল হয়ে একটি আশ্রয় খুঁজছিলেন, কুরাইশদের তরয়ে যখন আরবের কোন একটি গোত্র তাঁকে আশ্রয় দিতে দুঃসাহস করেনি তখন আনসারদের ৭২/৭৫ জনের একটি দল মক্কায় এসে আরব-আজমের বিরুদ্ধে যুদ্ধ করার শর্তে রাসূলুল্লাহ (সা) হাতে বাই'য়াত (শপথ) করেন এবং সকল ভয়-ভীতি উপেক্ষা করে রাসূলকে (সা) মদীনায় যাওয়ার আমন্ত্রণ জানান।

হয়রত রাসূলে কারীমের (সা) জীবনকালে যত যুদ্ধ সংঘটিত হয়েছে, তাতে জীবন ও সম্পদ কুরবানীর দিক দিয়ে আনসাররা ছিল সকলের অগ্রগামী। হয়রত কাতাদা বলতেন, আরব গোত্রসমূহের মধ্যে কোন একটি গোত্র আনসারদের সমসংখ্যক শহীদ উপস্থাপন করতে পারবে না। আমি আনসারের নিকট শুনেছি, উহদে সন্তুর জন, বীরে মা'উনায় সন্তুর জন এবং ইয়ামামায় সন্তুর জন আনসার শাহাদাত বরণ করেন। (বুখারী- ২/৫৮৪; সীয়ারে আনসার- ২/২১) তাছাড়া কুরআনের বহু আয়াত এবং রাসূলুল্লাহ (সা) বহু হাদীসে আনসারদের অনেক ফজীলত ও মর্যাদা ঘোষিত হয়েছে। এসব কারণে তাদের অন্তরে খিলাফতের নেতৃত্বাত্মক করার আকাঙ্ক্ষা সৃষ্টি হওয়া ছিল অতি স্বাভাবিক।

মদীনার আনসারগণ সেই প্রাচীনকাল থেকে পরম্পর প্রতিদ্বন্দ্বী দু'টি গোত্রে বিভক্ত ছিল। গোত্র দু'টি আউস ও খায়রাজ। লোকসংখ্যা ও নেতৃত্বের দিক দিয়ে খায়রাজ গোত্রটি ছিল তুলনামূলকভাবে একটু বেশী বরেণ্য। এর নেতা সা'দ ইবন 'উবাদা। তিনি ছিলেন রাসূলুল্লাহ (সা) মনোনীত দ্বাদশ নাকীবের অন্যতম। অপর দিকে সা'দ ইবন মু'য়াজ ছিলেন আউস গোত্রের নেতা। তবে তিনি রাসূলুল্লাহ (সা) জীবনকালে উহদ যুদ্ধের পর মদীনায় ইন্তিকাল করেন। সুতরাং রাসূলুল্লাহ (সা) ওফাতের সময় সা'দ ইবন 'উবাদা মদীনার আনসার সম্পদায়ের

অপ্রতিদ্বন্দ্বী নেতা।

সাদ'দ ইবন 'উবাদার বাড়িটি ছিল মদীনার বাজার সংলগ্ন। তাঁর ঘরের সাথেই ছিল একটি ছাউনী। এর মালিকানা ছিল খায়রাজ গোত্রের বনী সায়িদা শাখার লোকদের। এ জন্য তা 'সাকীফা বনী সায়িদা' নামে প্রসিদ্ধ। এটাকে আনসাররা মক্কার 'দারুল্ল নাদওয়ার' মত পরামর্শ গৃহ হিসাবে ব্যবহার করতো।

হ্যরত রাসূলে কারীমের (সা) ওফাতের খবর ছড়িয়ে পড়লে আউস ও খায়রাজ গোত্রের বিশিষ্ট আনসারগণ উক্ত সাকীফায় সমবেত হলেন। সাদ'দ ইবন 'উবাদা তখন ভীষণ অসুস্থ। লোকেরা তাঁকেও ধরাধরি করে মঞ্চে এনে বসিয়ে দিল। তিনি বালিশে হেলান ও কাপড় মুড়ি দিয়ে বসলেন। তাদের এই সমাবেশের উদ্দেশ্য, আনসারদের মধ্য থেকেই রাসূলুল্লাহর (সা) একজন খলীফা নির্বাচন। সাদ'দ ইবন 'উবাদা সমবেত লোকদের উদ্দেশ্যে একটি ভাষণ দিতে চাইলেন। তিনি নিকটতম লোকদের বললেন, আমার আওয়াজ হয়তো সবার কানে পৌছবে না। আমি যা বলবো তোমরা তা জোর গলায় সবার কানে পৌছে দেবে। তারপর তিনি আনসারদের মর্যাদা, কার্যাবলী, রাসূলুল্লাহর (সা) সাহায্য-সহযোগিতা ইত্যাদি দিক তুলে ধরে একটি ভাষণ দান করেন। ভাষণটির সারকথা ছিল এরূপঃ

'আনসারদের যে সম্মান এবং দীনের ক্ষেত্রে যে অগ্রগামিতা তা আরবের আর কোন গোত্রের নেই। রাসূল (সা) দশ বছরের বেশী সময় ধরে নিজ গোত্রে ছিলেন, কিন্তু কেউ তাঁর কথা শোনেনি। যাঁরা শুনেছিলেন তাঁদের সংখ্যাও অতি নগণ্য। তাঁদের না ছিল রাসূলকে (সা) নিরাপত্তা দানের শক্তি, আর না ছিল তাঁদের দীনের আওয়াজ বুলবুল করার ক্ষমতা। তাঁরা নিজেদের নিরাপত্তা বিধানেই ছিল অক্ষম।'

আল্লাহ তা'য়ালা তোমাদের সম্মানিত করতে চাইলেন। তাই তিনি তোমাদেরকে এক সাথে দু'টি উপাদান শরবরাহ করলেন। তোমরা ঈমান আনলে, রাসূল (সা) ও তাঁর সাহাবাদের আশ্রয় দিলে এবং নিজেদের থেকেও আল্লাহর রাসূলকে (সা) প্রিয় মনে করলেও তাঁর বিরুদ্ধবাদীদের সাথে জিহাদ করলে। শেষ পর্যন্ত গোটা আরব ইচ্ছায় বা অনিচ্ছায় ইসলামের বশ্যতা স্থীকার করে নেয় এবং নিকট ও দূরের সকলেই মন্তক অবনত করে দেয়। সুতরাং এই বিজিত অঞ্চলের সবটুকু তোমাদের তলোয়ারের নিকট দায়বদ্ধ।'

রাসূলুল্লাহ (সা) আজীবন তোমাদের প্রতি সন্তুষ্ট ছিলেন এবং ওফাতের সময় সন্তুষ্ট চিঠ্ঠে বিদায় নিয়েছেন। এ সকল কারণে এ খিলাফতের একমাত্র হকদার তোমরা এবং এ ব্যাপারে আর কেউ তোমাদের প্রতিদ্বন্দ্বী হতে পারেন।'

তাঁর ভাষণ শেষ হলে উপস্থিত আনসারমণ্ডলী সমবেত কঢ়ে বলে উঠলো, আপনার কথা খুবই যুক্তিসম্মত। আমাদের মতে এ পদের জন্য আপনার চেয়ে অধিকতর যোগ্য আর কেউ নেই। আমরা আপনাকেই খলীফা বানাতে চাই। তারপর নিজেদের মধ্যে আলোচনা চললো। একজন বললো, যদি মুহাম্মদ মানতে অস্থীকার করে তাহলে তাদের কি জবাব দেওয়া যাবে? অন্য একজন তাকে বললো, আমরা তখন তাদেরকে বলবো, তাহলে আমীর দু'জন হবে— একজন আমাদের আর একজন তোমাদের। এছাড়া আর কিছুতেই আমরা রাজী হবো না। তার একথা শুনে সাদ'দ মন্তব্য করেনঃ এ হলো প্রথম দুর্বলতা। এদিকে আনসারদের এ সমাবেশের কথা হ্যরত 'উমারের (রা) কানে পৌছে গেল। তিনি হ্যরত আবু বকরকে (রা)

সৎগে নিয়ে সাকীফা বনী সায়িদার সমাবেশে উপস্থিত হলেন। হয়রত 'উমারের (রা) কঠোর প্রকৃতি আনসারদের উত্তেজিত করে তুললো। আনসারী বঙ্গারাও বারবার উত্তেজনামূলক বক্তৃতা করছিল। হয়রত 'উমার (রা) এবং তাদের মধ্যে কথা কাটাকাটি, এমন কি তরবারির ভয়-ভীতি দেখানো পর্যন্ত পৌছে। অবস্থা বেগতিক দেখে ধীর ও হির প্রকৃতির মানুষ হয়রত আবু বকর (রা) 'উমারকে (রা) নিবৃত্ত করেন এবং নিজেই এক আবেগময় ভাষণ দেন। ভাষণে তিনি রাস্তুল্লাহর (সা) সেই বিখ্যাত বাণী- 'আল আয়িমশ্বাতু মিন কুরাইশ'- ইয়াম হবে কুরাইশদের তিতর থেকে- উল্লেখ করেন। ভাষণ শেষ হওয়ার সাথে সাথে সমাবেশের ঝল্প তিনি দিকে ঘোড় নেয়। তারপর হয়রত 'উমার (রা) দাঁড়িয়ে আবু বকরের (রা) ফজীলাত ও মর্যাদা বর্ণনা করেন। সেই বর্ণনা শুনে আনসাররা চেঁচিয়ে বলতে থাকে- 'না'উয়ুবিল্লাহ আন নাতাকাদামা আবা বকর'- আবু বকরের আগে যাওয়ার ব্যাপারে আমরা আল্লাহর পানাহ চাই।

'উমারের ভাষণ শেষ হওয়ার সাথে সাথে মুহাজিরদের মধ্য থেকে যথাক্রমে 'উমার, আবু 'উবাইদা এবং আনসারদের মধ্য থেকে খায়রাজ গোত্রের বাশীর ইবন সা'দ সর্ব প্রথম আবু বকরের হাত স্পর্শ করে বা'ইয়াত (আনুগত্যের শপথ) গ্রহণ করেন। তারপর সমবেত জনতা বা'ইয়াতের উদ্দেশ্যে একযোগে দাঁড়িয়ে গেলে লোকেরা এই বলে চেঁচাতে শুরু করে যে, সাবধান! সা'দ যেন পায়ে না যায়। একথা শুনে 'উমার (রা) বললেনঃ আল্লাহ তাকে পিষে ফেলুক। এমনিতেই সা'দ নিজের কৃতকর্মের জন্য অনুশোচনায় জর্জরিত হচ্ছিলেন। 'উমারের একথায় তিনি দার্শন ক্ষুক হয়ে লোকদের বললেনঃ তোমরা আমাকে এখান থেকে নিয়ে চলো। (দ্রঃ মুসনাদ-১/২১; তারীখুল উচ্চাহ আল-ইসলামিয়া-১/১৬৮, ১৬৯; তাবারীঃ হিজরী ১১ সনের ঘটনাবলী-১৮৪৩; বুখারী-২/১০১০; হায়াতুস সাহাবা-২/১২-১৮)

আল্লামা যিরিক্লী 'ফিল বুদয়ি ওয়াত তারীখ' (৫/১৩২) গ্রন্থের বরাতে উল্লেখ করেছেন যে, মুসলমানরা যখন আবু বকর (রা) উদ্বৃত্ত হাদীস 'আল-আয়িমশ্বাতু মিন কুরাইশ' মেনে নিয়ে তাকেই খলীফা নির্বাচন করে তখন সা'দ বলেনঃ 'না ওয়াল্লাহ! না উবাই'উ কুরাশিয়াম আবাদা'- আল্লাহর কসম, না। আমি কঙ্কণে কোন কুরাইশীর হাতে বা'ইয়াত করবো না। (আল-আ'লাম-৩/১৩৫)

বেশ কিছু দিন খলীফা হয়রত আবু বকর (রা) তাঁকে কোন রকম ঘোটাঘোটি করলেন না। শেষে একদিন এক ব্যক্তিকে বলে পাঠালেন যে, সা'দ যেন এসে বাই'য়াত করে যান। সা'দ বাই'য়াত করতে সরাসরি অঙ্গীকার করলেন। হয়রত 'উমার (রা) খলীফাকে বললেন, তাঁর থেকে আপনি অবশ্যই বাই'য়াত নিন। সেখনে হয়রত বাশীর ইবন সা'দ আল-আনসারীও ছিলেন। তিনি বললেন, একবার যখন তিনি বাই'য়াত করতে অঙ্গীকৃতি জানিয়েছেন তখন আর কোন ভাবেই তাঁর থেকে বাই'য়াত নেওয়া যাবেনা। চাপাচাপি করলে রক্তাভির পর্যায়ে পৌছে যেতে পারে। তিনি রুখে দাঁড়ালে তাঁর পরিবার ও বৎশরের লোকেরাও তাঁর পাশে এসে দাঁড়াবে। শেষ পর্যন্ত গোটা খায়রাজ গোত্রেই তাঁর পিছনে দাঁড়িয়ে যাবে। এতাবে একটি ঘূর্মন্ত ফিত্না জাগিয়ে তোলা উচিত হবে না। আমার মতে তাঁকে ধাকতে দিন, একটি লোক কী আর করবে? বাশীরের এ যত সবাই পছন্দ করলেন। হয়রত সা'দ (রা) খলীফা হয়রত আবু বকরের (রা) খিলাফতের শেষ পর্যন্ত মদীনায় ছিলেন। অবশেষে মদীনা ছেড়ে শামে চলে যান এবং দিমাশ্কের নিকটবর্তী- 'হাওরান' নামক একটি উর্বর ও সবুজ স্থান বসবাসের জন্য নির্বাচন

করেন। আমরণ সেখানেই বসবাস করেন। (উসুদুল গাবা-২/৮৪; আনসাবুল আশরাফ-১/৫৮৯; তারীখু ইবন আসাকির-৬/৯০)

হয়রত সা'দের মদীনা ত্যাগের ব্যাপারে বর্ণিত আছে যে, হয়রত 'উমার (রা) খলীফা হওয়ার পর বাই'য়াত থেকে দূরে থাকার জন্য একবার তাঁকে তিরঙ্গার করেন। জবাবে সা'দ বলেনঃ আপনার বক্তু আবু বকর আমার কাছে আপনার চেয়ে বেশী পছন্দনীয় ছিলেন। আল্লাহর কসম। আপনার প্রতিবেশীত্ব আমাকে অতিষ্ঠ করে তুলেছে। 'উমার বলেনঃ কেউ তার প্রতিবেশীকে পছন্দ না করলে দূরে সরে যেতে পারে। এরপর সা'দ কালবিলহ না করে শামে চলে যান। (আল-আ'লাম-৩/১৩৫; তারীখু ইবন 'আসাকির-৬/৮৪)

হয়রত সা'দ ইবন 'উবাদার মৃত্যু সন নিয়ে বিস্তুর মতভেদ আছে। বিভিন্ন গ্রন্থে হিজরী ১১, ১৪ ও ১৫ সনের কথা উল্লেখ আছে। ইবন আসাকির হিজরী ১৪ সনটি অধিকতর নির্ভরযোগ্য মনে করেছেন। (তারীখ-৬/৯১) আবু 'উবাইদ কাসেম ইবন সাল্লামের মতে তিনি 'হাওরানে' মারা যান। এবং সেখানেই দাফন করা হয়। আর দিমাশ্কের 'আল-মুনীহ' নামক স্থানে তাঁর যে কবরের কথা বিভিন্ন গ্রন্থে বর্ণিত হয়েছে ইবন আসাকির তা সঠিক বলে মনে করেননি। (তারীখু ইবন আসাকির-৬/৯১; আল-ইসতী'য়াব; টিকা আল-ইসাবা-২/৪০; উসুদুল গাবা-২/২৮৪)

হয়রত সা'দ ইবন 'উবাদার স্বাভাবিক মৃত্যু হয়নি। তিনি আততায়ীর হাতে নিহত হন। এ হত্যা সম্পর্কে নানা রূপ বর্ণনা ইতিহাসের গ্রন্থসমূহে পাওয়া যায়। বালাজুরী বলেনঃ সা'দ ইবন 'উবাদা শামে হিজরাত করেন এবং সেখানে নিহত হন। তিনি আবু বকরের হাতে বাই'য়াত করেননি। 'উমার (রা) তাঁর কাছে একজন লোক পাঠান। তাঁকে বলে দেন তাঁকে বাই'য়াত করতে বলবে। যদি অঙ্গীকার করে তাহলে আল্লাহর সাহায্য কামনা করবে। লোকটি শামে গেল এবং সা'দকে 'হাওরানের' একটি প্রাচীর বেষ্টিত উদ্যানে পেল। সে তাঁকে বাই'য়াত করতে বললো। তিনি বললেনঃ আমি কোন কুরাইশের হাতে বাই'য়াত করবো না। লোকটি বললোঃ তাহলে আমি আপনাকে হত্যা করবো। তিনি বললেনঃ আমাকে হত্যা করলেও আমি বাই'য়াত করবো না। লোকটি তখন বললোঃ তাহলে গোটা উম্মাত যাতে ঢুকেছে আপনি কি তার বাইরে? বললেন; বাই'য়াতের সাথে আমার কোন সম্পর্ক নেই। আমি তাদের বাইরে।

লোকটি তখন তীর নিক্ষেপ করে তাঁকে হত্যা করে। (আনসাবুল আশরাফ-১/৫৮৯) ডঃ হামীদুল্লাহ বলেন, এটা চরমপন্থী শিয়াদের একটি মনগড়া কথা। (আনসাবুল আশরাফঃ টিকা-১/২৫০) অন্য একটি বর্ণনা মতে, কেউ তাঁকে হত্যা করে গোসল খানায় ফেলে রাখে। বাড়ীর লোকেরা যখন দেখতে পায় তখন তীর প্রাণ স্পন্দন থেমে গেছে। তাঁর সারা দেহ নীল হয়ে যায়। ঘাতকের সন্ধান করেও কোন খৌজ পাওয়া যায়নি। শুধু দূর থেকে তেসে আসা কবিতার একটি চরণ আবৃত্তির শব্দ শোনা যায়, যার অর্থ এন্঱পঃ 'আমরা খায়রাজ নেতা সা'দ ইবন 'উবাদাকে হত্যা করেছি। আমরা দুইটি তীর নিক্ষেপ করেছি এবং তাঁর কলিজা তেদ করতে ভুল করিনি।' যেহেতু ঘাতকের কোন খৌজ পাওয়া যায়নি এবং শব্দ শোনা গেছে, এজন অনেকের ধারণা হয়েছিল যে, তাঁকে জীনে হত্যা করেছে। (দৃঃ উসুদুল-গাবা-২/২৮৫; আল-ইসতী'য়াবঃ আল-ইসাবাৰ পার্শ টিকা-২/৪০; আনসাবুল আশরাফ-১/২৫০)

হয়রত সা'দের দুই স্তৰি ছিল-গাযিয়া বিনতু সা'দ ইবন খলীফা ও ফুকাইহা বিনতু 'উবায়েদ ইবন দুলাইম। ফুকাইহা ছিলেন সা'দের চাচাতো বোন। তিনি সাহাবিয়াও ছিলেন। গাযিয়ার গর্তে সা'দের তিনি ছিলেন সা'ঈদ, মুহাম্মদ ও আবদুর রহমান। এবং ফুকাইহার গর্তে দুই ছিলে কায়স, সাদুস ও এক মেয়ে উমামা জন্মগ্রহণ করেন। (তাবাকাত-৩/৬১৩; আল-ইসতীয়াব: আল-ইসাবার পার্শ্ব টীকা-২/৫৩৮)

হয়রত সা'দের প্রচুর বিষয় সম্পত্তি ছিল, মদীনা ত্যাগের পর সবই ছিলে মেয়েদের মধ্যে ভাগ-বাটোয়ারা করে দেন। এক ছিলে তখন পেটে। তিনি তার অংশ দিয়ে যাননি। সে ভূমিষ্ঠ হওয়ার পর 'উমার (রা) কায়সকে ডেকে বলেন, ভূমি তোমার পিতার ভাগ বাতিল করে দাও। কারণ, মৃত্যুর পর তাঁর একটি ছিলে হয়েছে। কায়স বললেন, আমার পিতার ভাগ ঠিক থাকবে। তবে ইচ্ছা করলে সে আমার অংশটি নিতে পারে। (আল-ইসতীয়াব-২/৫৩৯)

হয়রত সা'দের বাড়ীটি ছিল মদীনার বাজারের শেষ প্রান্তে। সেখানে একটি মসজিদ ও কয়েকটি দুর্গও ছিল। বনু হারিস পঞ্চাতে তাঁর আর একটি বাড়ি ছিল। (খুলাসাতুল ওফা'-৮৮)

হয়রত রাসূলে কারীমের (রা) হাদীসের প্রতি সা'দ অসাধারণ শুরুত্ব দিতেন। সাহাবীদের যুগে ব্যাপকভাবে লেখালেখি শুরু হয়ে যায়। কুরআন ও লেখা হয়েছিল। তাসত্ত্বেও হাদীস লেখার ব্যাপক প্রচলন তখন হয়নি। তবে সা'দ হাদীস লিখেছিলেন। মুসলাদে ইমামআহমাদে এ রকম একটি বর্ণনা এসেছেঃ 'কায়স ইবন সা'দ ইবন 'উবাদা তাঁর পিতা সা'দ থেকে বর্ণনা করেছেন। তাঁরা এ হাদীসটি সা'দ ইবন 'উবাদার পুত্রক বা পুত্রকসমূহে পেয়েছেন।' (মুসলাদ-৫/২৮৫) হয়রত সা'দ হাদীস লেখার সাথে সাথে তা শিক্ষাদানের মাধ্যমে প্রচারণ করেন। একারণে তাঁর ছিলে কায়স ও সাঈদ, পৌত্রতুরাহবীল, প্রখ্যাত সাহাবী আবদুল্লাহ ইবন আব্রাস আবু 'উমামা ইবন সাহূল, তাবে'ঈ ইবন মুসায়িব প্রমুখ ব্যক্তিগণ তাঁর থেকে বহু হাদীস বর্ণনা করেছেন। (তারিখু ইবন 'আসাকির-৬/৮৪)

হয়রত সা'দের চরিত্রে দানশীলতার শুণ্টির চরম বিকাশ ঘটেছিল। 'আসমাউর রিজাল' শাস্ত্রকারদের প্রায় প্রত্যেকে তাঁর চরিত্র ঝুপায়ণ করতে গিয়ে বলেছেনঃ 'তিনি ছিলেন অত্যন্ত দানশীল।' শুধু তিনি নন, পুরুষনাকৃমে তাঁরা ছিলেন আরবের বিখ্যাত দানশীল। তাঁর চার পুরুষ বদান্যতার জন্য খ্যাতি অর্জন করেছিল। এমন গৌরব সে যুগে খুব কম লোকেরই ছিল। তাঁর দাদা দুলাইম, পিতা 'উবাদা, পুত্র কায়স এবং তিনি নিজে-প্রত্যেকেই ছিলেন আপন আপন সময়ের বিখ্যাত জনহিতৈষী ও অতিথি সেবক। (আল-ইসতীয়াবঃ টীকা আল-ইসাবা-২/৩৬)

তাঁর দাদার সময় আতিথেয়তা এত ব্যাপক ছিল যে, একজন ঘোষক দুর্গের চূড়ায় উঠে চিন্তকার করে আহবান জানাতো, যারা গোশ্ত, চরি ও উপাদেয় খাবার খেতে চায় তারা যেন আমাদের অতিথি হয়। হয়রত 'আবদুল্লাহ ইবন 'উমার (রা) একবার সা'দের দুর্গের পাশ দিয়ে যাইছিলেন। তিনি নাফে'কে ডেকে হাত দিয়ে ইশারা করে বলেন, এ হচ্ছে সা'দের দাদার দুর্গ। একজন ঘোষক এ দুর্গের চূড়ায় উঠে ঘোষণা করতোঃ কেউ চরি-গোশ্ত খেতে চাইলে দুলাইমের বাড়ীতে এসো। দুলাইম মারা গেলে তাঁর ছিলে 'উবাদার সময়েও একই রকম ঘোষণা দেওয়া হতো। সা'দের সময়ও এ ধারা অব্যাহত থাকে। আমি সা'দের ছিলে কায়সকেও একই রকম করতে দেখেছি। কায়স ছিলেন মানুষের মধ্যে সর্বাধিক দানশীল। (আল-ইসতীয়াবঃ টীকা আল-ইসাবা-২/৩৬-৩৭)

প্রথ্যাত তাবে'ই হয়রত 'উরওয়া ইবন যুবাইর বলেনঃ আমি সা'দ ইবন 'উবাদাকে তাঁর দুর্গের ওপর দাঁড়িয়ে এই ঘোষণা দিতে দেখেছিঃ কেউ চবি ও গোশ্ত পছন্দ করলে সা'দ ইবন 'উবাদার বাড়ীতে এসো। তারপর তাঁর ছেলেকেও আমি একই রকম করতে দেখেছি। যৌবনে একদিন আমি মদীনার রাস্তায় হাঁটছি। এমন সময় 'আবদুল্লাহ ইবন 'উমার আমার পাশ দিয়ে 'আওয়ালীতে তাঁর ক্ষেত্রে দিকে যাচ্ছিলেন। আমাকে বললেনঃ বালক, দেখতো সা'দ ইবন 'উবাদার দুর্গের ওপর থেকে কেউ আহবান জানাচ্ছে কিনা। আমি তাকিয়ে দেখে বললামঃ না। তিনি বললেনঃ তুমি ঠিকই বলেছ। (তাবাকাত-৩/৬১৩; হায়াতুস সাহাবা-২/১৮৯) এমন ব্যাপক অভিযোগতা ও দানশীলতা বনী সা'যিদাকে মদীনার 'হাতেম' বানিয়ে দিয়েছিল।

ইসলাম ও হয়রত রাসূলে কারীমের (সা) প্রতি সা'দের বদান্যতার অনেক মুখরোচক কাহিনী বিভিন্ন গ্রন্থে ছড়িয়ে ছিটিয়ে আছে। এখানে দু'একটি সত্য কাহিনী সংক্ষেপে তুলে ধরা হলো।

হয়রত রাসূলে কারীম (রা) যখন হিজরাত করে মদীনায় আসলেন তখন সা'দের বাড়ী থেকে রাসূল (রা) ও তাঁর পরিবারের জন্য প্রতিদিন নিয়মিত খাবার আসতো। প্রতিদিন বড় এক গামলা গোশ্ত অথবা দুধের সারীদ অথবা সিরকা ও তেল বা ঘিয়ের সারীদ আসতো, এই পাত্রটি রাসূল (রা) ও তাঁর সহধর্মীদের গৃহে চক্কর দিত। (আল-ইসাবা-২/৩০; তাবাকাত-৩/৬১৪; হায়াতুস সাহাবা-২/৭০০)

একবার সা'দ ইবন 'উবাদা হয়রত রাসূলে কারীমের (সা) জন্য বরতন ভর্তি রান্না করা মগজ নিয়ে আসলেন। রাসূল (রা) বললেনঃ এটা কি? সা'দ বললেনঃ যিনি সত্য সহকারে আপনাকে পাঠিয়েছেন সে সন্তার নামে শপথ, আমি আজ ৪০টি তাজা-মোটা উট নহর (জবেহ) করেছি। আমার ইচ্ছা হলো আপনাকে একটু পেট ভরে মগজ খাওয়াই। রাসূল (সা) খেলেন এবং তাঁর কল্যাণ কামনা করে দু'আ করলেন। (কানযুল 'উশ্বাল-৭/৮০; হায়াতুস সাহাবা-২/১৮৯)

সাহাবীদের 'আসহাবে সুফ্ফা' নামে একটি দল ছিল। যৌরা বহু দূর-দূরান্ত থেকে ঘর-বাড়ী ছেড়ে মদীনায় এসেছিলেন। তাদের এখানে আসা ও অবস্থানের একমাত্র উদ্দেশ্য ছিল 'ইসলাম হাসিল এবং দীনের প্রশংসক লাভ করা। রাসূল (সা) তাদেরকে সচ্ছল সাহাবীদের সাথে সম্পৃক্ত করে দিতেন। অন্যরা যেখানে দুই একজন করে সাথে নিয়ে যেতেন, সেখানে হয়রত সা'দ প্রতিদিন সন্ধ্যায় ৮০ জনকে আহার করানোর জন্য নিয়ে যেতেন। (আল-ইসাবা-২/৩০; কানযুল 'উশ্বাল-৫/১৯০; হায়াতুস সাহাবা-২/১৯৬)

ইয়াহইয়া ইবন 'আবদুল 'আয়ীয় থেকে বর্ণিত আছে। সা'দ ইবন 'উবাদা ও তাঁর ছেলে কায়স ইবন সা'দ পালাক্রমে জিহাদে যেতেন। একবার সা'দ লোকদের সাথে জিহাদে গেলেন। এদিকে রাসূলুল্লাহের (সা) নিকট বাইরের অনেক অভিধি এলো। সেনা শিবিরে বসে সা'দ একথা জানতে পেয়ে বললেনঃ কায়স যদি আমার ছেলে হয় তাহলে আমার দাস নিস্তাসকে ডেকে বলবে, চাবি দাও, আমি রাসূলুল্লাহের (সা) প্রয়োজন মেটানোর জন্য খাবার বের করে নিই। তখন হয়তো নিস্তাস বলবেঃ তোমার আবার চিঠি নিয়ে এসো। এতে কায়স হয়তো ক্ষেপে গিয়ে তার নাকে ঘূরি মেরে চাবিটি ছিনিয়ে নেবে এবং রাসূলুল্লাহের (সা) প্রয়োজন মত খাদ্য বের করে নেবে। আসলে ব্যাপারটিও তাই হয়েছিল। সেবার কায়স রাসূলুল্লাহের (সা) জন্য এক শো ওয়াসক খাদ্য নিয়েছিল। (হায়াতুস সাহাবা-২/২০০)

ওয়াকিদী বলেনঃ বিদায় হজ্জের সময় একদিন হ্যরত রাসূলে কারীমের (সা) তারবাহী পশ্চিম হারিয়ে গেল। সা'দ ও কায়স সাথে সাথে একটি পশ্চিম নিয়ে রাসূলুল্লাহর (সা) কাছে গিয়ে দেখলেন তিনি দরজায় দাঁড়িয়ে। আল্লাহ তাঁর পশ্চিম ফিরিয়ে দিয়েছেন। সা'দ আরজ করলেন। ইয়া রাসূলুল্লাহ! আমরা জেনেছি, আপনার পশ্চিম হারিয়ে গেছে। তাই এ পশ্চিম নিয়ে এসেছি। রাসূল (সা) বললেনঃ আল্লাহ আমার বাহনটি ফিরিয়ে দিয়েছেন। তোমরা এটি নিয়ে যাও। আল্লাহ তোমাদের বরকত দিন। শুহে আবু সাবিত। আমি মদীনায় আসার পর থেকে তোমরা যে সমাদর করেছ তাকি যথেষ্ট নয়? সা'দ বললেনঃ ইয়া রাসূলুল্লাহ! আমাদের সম্পদ থেকে যা আপনি গ্রহণ করেন না তার চেয়ে যা কিছু আপনি গ্রহণ করেন তাই আমাদের নিকট অধিকতর প্রিয়। রাসূল (সা) তাঁর কথা সমর্থন করে বলেনঃ আবু সাবিত। সত্য বলেছ। সুসংবাদ শও। তুমি সফলকাম হয়েছ। (তারীখু ইবন আসাকির-৬/৮৮)

হ্যরত ইবন 'আব্রাস (রা) থেকে বর্ণিত হয়েছে। সা'দ ইবন 'উবাদা রাসূলুল্লাহর (সা) নিকট জানতে চান যে, তাঁর মা একটি মারত মেনেছিলেন; কিন্তু তা পূরণ না করেই মারা গেছেন। এখন তিনি কি তা পূরণ করে দেবেন? রাসূল (সা) তাঁকে পূরণ করে দিতে বলেন। এমনি তাবে তাঁর মা'র পক্ষ থেকে সাদাকা করার কথা জিজ্ঞেস করলে রাসূল (সা) তাঁকে বলেনঃ হাঁ তুমি তা করতে পার। তখন সা'দ রাসূলকে (সা) সাক্ষী রেখে তাঁর 'আল-মিরাফ' বাগিচাটি দান করার কথা ঘোষণা করেন। সা'দ ইবনুল মুসায়িব থেকে বর্ণিত হয়েছে। সা'দ তাঁর মা'র মৃত্যুর পর একবার রাসূলকে (সা) জিজ্ঞেস করেনঃ কোন সাদাকা সবচেয়ে তালো? তিনি বলেনঃ তুমি মানুষকে পানি পান করাও।

সা'দ মদীনার মসজিদে তাঁর মায়ের নামে পানি পানের ব্যবস্থা করেন। যা বহু দিন যাবত 'সিকায়া আলে সা'দ' নামে প্রসিদ্ধ ছিল। একবার এক ব্যক্তি হ্যরত হাসানের (রা) নিকট জানতে চায় যে, সা'দের মায়ের নামে যে পানির ব্যবস্থা তাতো সাদাকা। সে পানি কি আমি পান করতে পারি? হাসান (রা) জবাব দিলেনঃ আবু বকর ও 'উমার যখন পান করেছেন তখন তোমার আপন্তি কিসে? (তাবাকাত-৩/৬১৪, ৬১৫; মুসনাদে ইমাম আহমাদ-৫/২৮৫)

'জাতুল ফুদুল' নামে সা'দ ইবন 'উবাদার একটি বর্ম ছিল। রাসূল (সা) যে দিন বদরের উদ্দেশ্যে বের হন, সা'দ বর্মটি তাঁকে দান করেন। সেই সাথে 'আল-আদব' নামে একখানি তরবারিও দান করেন। এ দু'টি মৃদ্ধাঙ্গ রাসূল (সা) বদরে ব্যবহার করেন। এই বদরে রাসূল (সা) 'জুল-ফিকার' তরবারিটি গনীমাত হিসাবে শান্ত করেন। ওয়াকিদীর মতে ঐ তরবারিটি ছিল কফির সৈনিক মূলাব্বিহ অথবা নাবীহ ইবন হাজ্জাজের। কালবীর মতে আল-আ'স ইবন মুলাব্বিহ ইবন হাজ্জাজের। (আনসাবুল আশরাফ-১/৫২১)

ইবন 'আসাকির হ্যরত আনাস (রা) থেকে বর্ণনা করেছেন, একবার সা'দ ইবন 'উবাদা নবী কারীমকে (সা) আহারের দাও'য়াত দিলেন। তিনি উপস্থিত হলে সা'দ খেজুর ও হাড়সহ গোশ্চত হাজির করলেন। রাসূল (সা) তা খেলেন এবং এক পেয়ালা দুধও পান করলেন। শেষে বললেনঃ নেক্কার লোকেরা তোমার খাবার খেয়েছে, রোয়াদাররা ইফ্তার করেছে এবং ফিরিশ্তারা তোমাদের জন্য দু'আ করেছে। হে আল্লাহ! সা'দ ইবন 'উবাদার পরিবার-পরিজনের ওপর রহমত বর্ষণ করলন। (কানযুল 'উমাল-৫/৬৬; হায়াতুস সাহাবা-২/১৮৯, ৩৬৪)

এভাবে হ্যরত সা'দের আতিথেয়তা, দানশীলতা, উদারতা ও বদান্যতার বহু কথা সীরাত গ্রন্থসমূহে পাওয়া যায়।

রাসূলগুহাহর (সা) প্রতি হয়রত সা'দের তালোবাসার রূপ এমন ছিল যে, রাসূল (সা) সম্পর্কে তাঁর গোত্রের অতি গোপন কথাটিও তিনি তাঁর নিকট পৌছে দিতেন। হাওয়ায়িন যুদ্ধের সময় রাসূল (সা) 'তালীফে কুরুবের' জন্য কুরাইশ বংশের নও মুসলিমদেরকে গনীমতের বড় বড় অংশ দিলেন এবং আনসারদেরকে কিছুই দিলেন না। এতে অনেক আনসার যুবক ক্ষুক হয়ে বললোঃ রাসূল (সা) হগোত্রীয় লোকদের দিলেন এবং আমাদেরকে মাহরম করলেন। অর্থাতঃ আমাদের তরবারি হতে এখনো কুরাইশদের রক্ত ঘরছে। সা'দ ইবন 'উবাদা সাথে সাথে বিষয়টি জানিয়ে দিলেন। তিনি সা'দকে জিজেস করলেনঃ তোমার মত কি? বললেনঃ আমিও আমার সম্পদায়ের একজন। তবে এমন কথা বলিন। রাসূল (সা) তাঁকে বললেনঃ যাও, লোকদের অযুক তাঁবুতে সমবেত কর। ঘোষণা শুনে মুহাজির ও আনসার উভয় সম্পদায়ের লোক উপস্থিত হলো। সা'দ শুধু আনসারদের থাকতে বলে মুহাজিরদের চলে যেতে বললেন। তারপর রাসূল (সা) এসে এক আবেগময় ভাষণ দান করলেন। সে ভাষণের কিছু অংশ ছিল এরূপঃ তোমরা কি এতে খুশী নও যে, অন্যরা ধন—সম্পদ নিয়ে ফিরে যাক, আর তোমরা আমাকে নিয়ে ফিরবে? রাসূলগুহাহর (সা) এমন প্রশ্নে সবাই কান্নায় তেক্ষে পড়ে। সময়ের তারা জবাব দেয়, আপনার পরিবর্তে গোটা দুনিয়া কিছুই না। (বুখারী-২/৬২০; মুসলিম-৩/৭২০; সীরাতু ইবন হিশাম-২/৪৯৮, ৪৯৯; হায়াতুস সাহাবা-১/৩৯৮)

উহদ যুদ্ধের সময় গোটা মদীনা একটা মারাত্মক হয়কির ঘণ্ট্যে পড়ে। এ সময় সা'দ ইবন 'উবাদা নিজের বাড়ী ছেড়ে রাসূলগুহাহর (সা) বাড়ী পাহারা দিয়েছিলেন। হয়রত রাসূলে কারীমও (সা) তাঁকে গভীরভাবে তালোবাসতেন। প্রায়ই তাঁর বাড়ীতে যেতেন। সা'দের ছেলে কায়স বলেনঃ একবার রাসূল (সা) আমাদের বাড়ীতে আসলেন। দরজায় দৌড়িয়ে তিনি সালাম দিলেন। সা'দ সালাম শুনে খুব নিচু স্বরে জবাব দিলেন। কায়স বললেনঃ আপনি কি রাসূলকে (সা) তিতরে আসার অনুমতি দেবেন না? সা'দ বললেনঃ দেরী কর। তাঁকে আমাদের ওপর একটু বেশী করে সালাম দেওয়ার সুযোগ দাও। রাসূল (সা) তিনবার সালাম দিয়ে কোন জবাব না পেয়ে ফিরে চললেন। সা'দ তখন দৌড়ে গিয়ে পিছন থেকে ডাক দিয়ে বললেনঃ ইয়া রাসূলগুহাহ। আমি আপনার সালাম শুনেছি। জবাবও দিয়েছি একটু আন্তে আন্তে। আমি চেয়েছি, আপনি আমাদের ওপর একটু বেশী সালাম দিন। রাসূল (সা) সা'দের সাথে আবার ফিরে আসলেন। সেদিন তিনি সা'দের বাড়ীতে আহার করে তাঁর পরিবারের সকলের জন্য দু'আ করেন। (উসুদুল গাবা-২/২৮৩ হায়াতুস সাহাবা-২/৪৯১, ৫১৫; ৩/৩১৪)

একবার রাসূল (সা) এক দু'আয় বলেনঃ হে আল্লাহ! আনসারদের সর্বোক্তম প্রতিদান দান করুন। বিশেষ করে 'আবদুল্লাহ ইবন 'আমর ইবন হারাম ও সা'দ ইবন 'উবাদাকে।

একবার হয়রত সা'দ ইবন 'উবাদা সাক্ষাতের উদ্দেশ্যে রাসূলগুহাহর (সা) বাড়ী গেলেন। তিনি সোজা দরকার সামনে গিয়ে দৌড়িয়ে প্রবেশের অনুমতি চাইলেন। রাসূল (সা) তাঁকে ইশারায় দূরে সরে যেতে বললেন। কিছুক্ষণ পর তিনি আবার দরজার সামনেই থাকবে, অনুমতির প্রয়োজন পড়ে না। (হায়াতুস সাহাবা-২/৫১৬)

একবার রাসূলগুহাহ (সা) যাকাত আদায়কারী হিসাবে সা'দকে নিয়োগ করলেন। একদিন রাসূল (সা) তাঁর কাছে গিয়ে বললেনঃ কিয়ামতের দিন যাতে তোমাকে উট কাঁধে করে উঠতে

না হয় সে ব্যাপারে সতর্ক থাকবে। সা'দ বললেনঃ হে আল্লাহর রাসূল! যদি আমি তেমন কিছু করি তাহলে সত্য এমন হবে? তিনি বললেনঃ হৈ। সা'দ আরজ করলেনঃ আমাকে অব্যাহতি দিন। রাসূল (সা) তাঁর আবেদন মঙ্গল করে অব্যাহতি দান করেন। (তারীখ ইবন আসাকির- ৬/৮৯; মুসনাদ- ৫/২৮৫)

একবার হয়রত সা'দ অসুস্থ হলে রাসূল (সা) সাহাবীদের সংগে করে তাঁকে দেখতে যান। সা'দ অচেতন ছিলেন। সাহাবীদের মধ্য থেকে নানাজনে নানারকম মন্তব্য করলেন। কেউ বললেন, শেষ হয়ে গেছে। কেউ বললেন, না এখনো দম আছে। একথা শুনে রাসূল (সা) কেঁদে ফেলেন। সাথে সাথে গোটা মজলিসে কানা শুরু হয়ে যায়। (বুখারী- ২/১৭৪)

আর একবার রাসূল (সা) যায়িদ ইবন সাবিতকে বাহনের পিছনে বসিয়ে অসুস্থ সা'দকে দেখতে তাঁর বাড়ী গিয়েছিলেন। (আনসাবুল আশরাফ- ১/৪৬৯)

একবার রাসূল (সা) সা'দকে দেখতে যাচ্ছেন। পথে মুনাফিক আবদুল্লাহ ইবন উবাই ইবন সুলুল বসে ছিল। সে রাসূলকে (সা) কিছু কটু কথা বললো। উপস্থিত সাহাবায়ে কিরাম উত্তেজিত হয়ে উঠলেন। উভয় পক্ষের মধ্যে লড়াই শুরু হয় হয় অবস্থা। রাসূল (সা) সকলকে নিযৃত করলেন এবং সা'দের বাড়ী উপস্থিত হলেন। তিনি বললেনঃ সা'দ! আজ আমাকে আবু হুবাব (ইবন উবাই) যে সব কথা বলেছে তাকি শুনেছ? সা'দ আরজ করলেনঃ ইয়া রাসূলল্লাহ! তাঁর অপরাধ ক্ষমা করে দিন। আসল কথা হলো, ইসলাম আসার পূর্বে মানুষ ধারণা করেছিল সে মদীনার বাদশাহ হবে। কিন্তু যখন আল্লাহ আপনাকে সত্য সহকারে পাঠালেন তখন তাদের সে ধারণা চুরমার হয়ে গেল। এটা হলো সেই বেদনার বাহিগ্রকাশ। এবার রাসূল (সা) তাঁর অনুরোধে ইবন উবাইকে ক্ষমা করে দেন। (বুখারী- ২/৬৫৬; হায়াতুস সাহাবা- ২/৫০৯) হয়রত সা'দ যে নরম প্রকৃতির ও শান্তিপ্রিয় স্বত্বাবের ছিলেন উপরোক্ত ঘটনা দ্বারা তা বুঝা যায়।

ইবন 'আসাকির হয়রত যায়িদ ইবন সাবিত থেকে বর্ণনা করেছেন। একদিন সা'দ ইবন 'উবাদা তাঁর ছেলেকে সংগে নিয়ে রাসূলল্লাহ (সা) নিকট আসলেন। সালাম বিনিময়ের পর রাসূল (সা) তাঁকে বললেনঃ এখানে, এখানে। এই বলে তাঁকে ডান পাশে বসালেন। তারপর বললেনঃ মারহাবান বিল আনসার, মারহাবান বিল আনসার- আনসারদের প্রতি স্বাগতম, আনসারদের প্রতি স্বাগতম। ছেলেটি রাসূলল্লাহ (সা) সামনে দাঁড়িয়েছিল। রাসূল (সা) বসতে বললেন। সে বসে পড়লো। একটু পরে তিনি তাঁকে কাছে আসতে বললেন। সে এগিয়ে এসে রাসূলল্লাহ (সা) হাতে ও পায়ে চুমু দিল। রাসূল (সা) বললেনঃ আমি আনসারদের একজন। সা'দ তখন বললেনঃ আল্লাহ আপনাকে সম্মানিত করলেন যেমন আপনি আমাদের সম্মান দেখিয়েছেন। রাসূল (সা) বললেন, আমার সম্মান দেখানোর আগেই আল্লাহ তোমাদের সম্মানিত করেছেন। আমার পরে তোমরা অনেক কষ্ট ভোগ করবে। তখন সবর করবে। অবশেষে হাউজে কাওসারের নিকট আমার সাথে তোমাদের আবার সাক্ষাত হবে। (হায়াতুস সাহাবা- ১/৪০৮)

হয়রত সা'দের একটি বৃত্ত্ব শিক্ষা মজলিস ছিল। একদিন রাসূল (সা) সেখানে গিয়ে কিভাবে রাসূলের (সা) উপর দরদ ও সালাম পেশ করতে হয় তা শিখিয়েছিলেন। (হায়াতুস সাহাবা- ৩/৩১৪)

হয়রত সালমান আল-ফারেসী (রা) ইসলাম গ্রহণের পর মনিবের হাত থেকে মুক্তি লাভের

উদ্দেশ্যে তার সাথে একটি চুক্তি করেন। তার একটি শর্ত ছিল, তিনি মনিবকে ৩০০ (তিনি শো) খজুরের চারা লাগিয়ে দেবেন। হযরত সা'দ ইবন 'উবাদা তাঁকে ষাটটি (৬০) চারা দিয়ে সাহায্য করেন। (আনসাবুল আশরাফ-১/৪৮৭)

এক সময় হযরত রাসূলে কারীমের (সা) দশটি গর্ভবতী উট ছিল। তার তিনটিই সা'দ তাঁকে দান করেন। তার একটির নাম ছিল 'মুহুরাহ'। (আনসাবুল আশরাফ-১/৫১২)

সাফওয়ান ইবন মু'য়াত্তাল বন্দীদশা থেকে মুক্তি পাওয়ার পর সা'দ ইবন 'উবাদা পরার জন্য তাঁকে কাপড় দান করেন। সেই কাপড় পরে রাসূলপ্রাহার (সা) সামনে গেলে তিনি বলেনঃ যে তাকে কাপড় পরিয়েছে আল্লাহ ভাকে জালাতের কাপড় পরাবেন। সাফওয়ান তখন বলেঃ আমাকে সা'দ ইবন 'উবাদা কাপড় দান করেছেন। (তারীখ ইবন 'আসাকির-৬/৮৯)

হযরত ইবন 'আবাস থেকে বর্ণিত হয়েছে। যখন সুরা আন-নুরের ৪ নং আয়াত- 'যারা সাধী রমনীর প্রতি অপবাদ আরোপ করে এবং চারজন সাক্ষী উপস্থিত করে না, তাদেরকে আশিচ্ছি দুর্গ্রা লাগাবে এবং কখনো তাদের সাক্ষী গ্রহণ করবে না। তারাই ফাসিক'- নাযিল হয় তখন সা'দ ইবন 'উবাদা বলে গৃঢ়েনঃ ইয়া রাসূলপ্রাহ। এটা এভাবে নাযিল হয়েছে? তাঁর মধ্যে বিশ্বয়ের ভাব দেখে রাসূল (সা) বলেনঃ ওহে আনসারগণ। শোন, তোমাদের নেতার কথা শোন। তারা বললোঃ ইয়া রাসূলপ্রাহ তিনি একজন প্রতির আত্মর্যাদাবোধসম্পর ব্যক্তি। আল্লাহর কসম। তিনি কুমারী ছাড়া কোন মেয়ে বিয়ে করেননি। তেমনিভাবে তাঁর তালাক দেওয়া কোন মহিলাকেও কেউ কখনো বিয়ে করতে সাহস করেননি। এর একমাত্র কারণ, তাঁর তীক্ষ্ণ আত্মর্যাদাবোধ। সা'দ বললেনঃ 'ইয়া রাসূলপ্রাহ আমি জানি এটি সত্য এবং আল্লাহর নিকট থেকে এসেছে। কিন্তু আমি আচর্য হাচি যে, একজন দুরাচারীকে আমার স্তুর সাথে কুর্কম করতে দেখেও তাকে কিছুই না বলে চারজন সাক্ষীর তালাশে বেরিয়ে যাব এবং তাকে নির্বিঘে তার কুর্কম শেষ করার সুযোগ করে দেব। আল্লাহর কসম। আমি যখন সাক্ষী নিয়ে ফিরে আসবো তখন তো তার কাজ শেষ হয়ে যাবে।' অন্য একটি বর্ণনায় এসেছে, সা'দ বলেনঃ কক্ষগো না। সেই সন্তার নামে শপথ যিনি আপনাকে সত্য সহকারে পাঠিয়েছেন। আমি অবশ্যই তরবারি দিয়ে তাকে হত্যা করবো। তখন রাসূল (সা) আনসারদের ডেকে বলেন, শোন, তোমাদের নেতার কথা শোন। সে অবশ্যই আত্মর্যাদাবোধসম্পর লোক। তবে তার থেকেও আমি এবং আমার থেকেও আল্লাহ বেশী র্যাদাবোধের অধিকারী। (দ্রঃ তারীখ ইবন 'আসাকির-৬/৮৯; হায়াতুস সাহাবা-২/৬৩৮, ৬৩৯)

মালিক থেকে বর্ণিত হয়েছে। যখন আবু 'উবাইদাহ, মু'য়াজ, বিলাল ও সা'দ ইবন 'উবাদার মত প্রথম শ্রেণীর সাহাবীরা শামে গেলেন তখন সেখানের একজন খৃষ্টান রাহিব (সাধক) তাদেরকে দেখে মন্তব্য করেনঃ হযরত 'ঈসার যে সকল হাওয়ারীকে (সাধী) শূলীতে ঢ়ানো হয়েছিল এবং করাত দিয়ে দু'ফলি করে ফেলা হয়েছিল তারাও সংগ্রামে মুহাম্মাদের (সা) এ সকল সাহাবীদের সমকক্ষ ছিলেন না। (তারীখ ইবন 'আসাকির-৬/৯১) ■

## সা'দ ইবনুর রাবী' (রা)

সা'দ ইবনুর রাবী আল-আনসারী মদীনার খায়রাজ গোত্রের বনু আল-হারিস শাখার সন্তান। হায়সাম উল্লেখ করেছেন, 'আবুর রাবী' তাঁর কুনিয়াত বা ডাকনাম। পিতা আর-রাবী ও মাতা হয়েইনা বিন্তু ইন্বা। সীরাত বিশেষজ্ঞরা তাঁর জন্মসন সম্পর্কে নীরব। (আনসাবুল আশরাফ-১/২৪৪, তাবাকাত-৩/৫২২, উস্দুল গাবা-২/২৭৭)

সা'দ ইবনুর রাবী'র ইসলাম গ্রহণের সময়কাল সম্পর্কে মতভেদ দেখা যায়। আবু নু'য়াইম তাঁর 'দালায়িল' গ্রন্থে 'আকীল ইবন আবী তালিব ও যুহুরী থেকে বর্ণনা করেছেন, প্রথম 'আকাবায়, যে বার ছয়জন ইয়াসরিববাসী মকায় রাসূলুল্লাহর হাতে (সা) ইসলাম গ্রহণ করে বায়'যাত করেন তাঁদের একজন ছিলেন সা'দ। সেই ছয় ব্যক্তি হলেন : ১. আস'য়াদ ইবন যুরারা ২. আবুল হায়সাম ইবন আত-তায়িহান ৩. আবদুল্লাহ ইবন রাওয়াহা ৪. সা'দ ইবনুর রাবী' ৫. আন-নু'মান ইবন হারিসা ও ৬. 'উবাদা ইবনুস সামিত। (হায়াতুস সাহাবা-১/১০৫) পক্ষান্তরে কোন কোন বর্ণনায় বুরা যায়, তিনি দ্বিতীয় আকাবায় বারো সদস্যের অন্যতম সদস্য ছিলেন। তিনি এই দ্বিতীয় 'আকাবায় ইসলাম গ্রহণ করেন। তৃতীয় আকাবায় তিহাতের মতান্তরে পঁচাত্তর জন লোকের সংগে তিনি যোগ দেন। হ্যরত রাসূলে কারীম (সা) তাঁকে ও 'আবদুল্লাহ ইবন রাওয়াহকে তাঁদের গোত্র বনু আল-হারিস ইবনুল খায়রাজের যুগ্ম 'নাকী' বা দায়িত্বশীল নিয়োগ করেন। (তারীখুল ইসলাম ওয়া তাবাকাতুল মাশাইর ওয়াল আ'লাম-১/১৮১, তাবাকাত-৩/৫২২, উস্দুল গাবা-২/২৭)

ইবন হিশাম বর্ণনা করেন : হ্যরত রাসূলে কারীম (সা) কুবা থেকে যে দিন মদীনায় উপস্থিত হন, মদীনার সকল শ্রেণীর মানুষ তাঁকে স্বাগতঃ জানায়। তিনি বিভিন্ন গোত্রের তিতর দিয়ে চলছিলেন, আর সেই গোত্রের লোকেরা তাঁর বাহনের পথ রোধ করে তাদের ওখানে অবতরণের আবেদন জানাচ্ছিল। যখন তিনি বনু আল-হারিস ইবনুল খায়রাজের মধ্য দিয়ে এগিয়ে যাচ্ছিলেন, তখন সা'দ ইবনুর রাবী খারিজা ইবন যায়িদ ও আবদুল্লাহ ইবন রাওয়াহ বনী হারিসার আরও কিছু লোক সংগে নিয়ে রাসূলুল্লাহর (সা) সাওয়ারীর সামনে এসে দাঁড়িয়ে 'আরজ করলেনঃ ইয়া রাসূলুল্লাহ ! আপনি আমাদের সংখ্যা, সাজ-সরঞ্জাম ও প্রতিরক্ষার দিকে আসুন। (অর্থাৎ আপনাকে সম্মানের সাথে অশ্রয় দানের মত ক্ষমতা আমাদের আছে) রাসূল (সা) বললেন : তোমরা আমার বাহনের পথ ছেড়ে দাও। সে আল্লাহর নির্দেশ প্রাপ্ত। তাঁরা সবাই পথ থেকে সরে দাঁড়ালেন। (সীরাতু-ইবন হিশাম-১/৪৯৫)

যুহুরী ও মুহাম্মদ ইবন ইসহাক বলেন : রাসূলুল্লাহ (সা) সাদ ইবনুর রাবী ও আবদুর রহমান ইবন 'আউফের মধ্যে তাত্ত্ব সম্পর্ক প্রতিষ্ঠা করে দেন। হ্যরত সা'দ তাঁর এই মুহাজির তাইয়ের প্রতি যে নিষ্ঠা ও আতরিকতা দেখান দুনিয়ার ইতিহাসে তাঁর কোন তুলনা পাওয়া যাবে না। অন্যান্য আনসারগণ নিজ নিজ অর্থ-সম্পদ, জয়গা-জমি সবই অর্ধেক তাঁর দ্বিনী মুহাজির তাইকে ভাগ করে দেন; কিন্তু হ্যরত সা'দ অর্থ-সম্পদ ছাড়াও একজন স্তুকে তালাক দিয়ে তাঁর দ্বিনী তাইকে দেওয়ার প্রস্তাব করেন। আর আব্দুর রহমান

যদিও সে সময় রিক্ত ও নিঃস্ব, তবে তাঁর অন্তরটি ছিল অত্যন্ত প্রশংসন। তিনি সা'দের সব প্রস্তাব প্রত্যাখ্যান করেন। এ সম্পর্কে আনস ইবন 'আউফ থেকে বর্ণিত হয়েছে : 'সা'দ তাঁর দ্বিনী ভাইকে সংগে করে নিজ গৃহে নিয়ে যান এবং এক সাপ্তাহে আহার করেন। তারপর বলেন : 'আল্লাহর নামে আপনি আমার ভাই। আপনার স্ত্রী নেই; কিন্তু আমার দুই স্ত্রী। একজনকে আমি তালাক দেব, আপনি তাঁকে বিয়ে করবেন। আদুর রহমান বলেন : 'আল্লাহর কসম। কক্ষনো না। সা'দ বললেন : 'আমার বাগানে চলুন, আধা-আধি ভাগ করে নিই। আদুর রহমান বললেন : না। আল্লাহ আপনার ছেলে-মেয়ে ও মাল-দৌলতে বরকত ও সমৃদ্ধি দান করল্ল। এসবের কোন কিছুর প্রয়োজন আমার নেই। আমাকে শুধু বাজারের পথটি একটু দেখিয়ে দিন। (আল-ইসাবা-৩/২৬, উসুদুল গাবা-২/২৭৮, তাবাকাত-৩/৫২৩)

হয়রত সা'দ বদর যুদ্ধে অংশগ্রহণ করেন। এ যুদ্ধে তিনি বনী মাখযুমের রিফা'য়া ইবন রিফা'য়াকে হত্যা করেন। (সীরাতু ইবন হিশাম-১/১১১, তাবাকাত-৩/৫২৩)

উহুদ যুদ্ধের প্রাক্কালে মক্কার কুরাইশরা ব্যাপক প্রস্তুতি প্ররূপ করলো। তাদের সেই সমর প্রস্তুতির খবর দিয়ে একটি চিঠি মক্কা থেকে রাসূলল্লাহর (সা) চাচা আবাস ইবন 'আবদিল মুসালিব গোপনে মদিনায় রাসূলল্লাহর (সা) নিকট পাঠালেন। চিঠিতে তিনি তাদের প্রস্তুতির বিবরণ দিয়ে এ কথাও লিখেন যে, 'তারা তোমাদের ওপর আগতি হলে, তোমরা যা ভালো মনে কর তাই করবে এবং সেই জন্য প্রস্তুতি নাও।' বনী গিফারের একটি লোক অত্যন্ত বিশ্বস্তার সাথে কুবায় রাসূলল্লাহর (সা) হাতে চিঠিটি পৌছে দেয়। রাসূল (সা) সর্বপ্রথম তা উবাই ইবন কা'বকে পড়তে দেন এবং গোপন রাখতে বলেন। তারপর সা'দ ইবনুর রাবী'র নিকট আসেন এবং তাঁকেও বিষয়টি অবহিত করেন। তাঁকেও কথাটি কারণ নিকট ফাঁস না করার নির্দেশ দেন। রাসূল (সা) চলে যাওয়ার পর সা'দের স্ত্রী সা'দকে জিজেস করলো : 'রাসূল (সা) তোমাকে কি বললেন ?

সা'দ : তোমার মা নিপাত যাক। তোমার তা শোনার কি প্রয়োজন ?

স্ত্রী : আমি তোমাদের সব কথা শুনেছি। এই বলে তিনি সব কথা সা'দকে শোনান। সা'দ ইন্নালিল্লাহ পাঠ করে বললেন : দেখছি, তুমি আমাদের কথা আঁড়ি পেতে শুনে থাক। সা'দ তাঁর স্ত্রীকে সংগে করে রাসূলল্লাহর (সা) নিকট হাজির হলেন এবং সব ঘটনা খুলে বলার পর আরজ করেন ইয়া রাসূলল্লাহঃ আমার তয় হচ্ছে, খবরটি হয়ত ছড়িয়ে পড়বে, আর আপনি ধারণা করবেন আমিই তা ছড়িয়েছি। রাসূল (সা) বললেন : বিষয়টি ছেড়ে দাও। (আনসাবুল আশরাফ-১/৩১৩-৩১৪)

হিজরী তৃতীয় সনে সংঘটিত উহুদ যুদ্ধে তিনি অংশগ্রহণ করেন এবং অত্যন্ত বীরত্বের সাথে যুদ্ধ করে শাহাদত বরণ করেন। তাঁকে একদল প্রতিপক্ষ যোদ্ধা পরাত্ত করে হত্যা করে। (আল-আ'লাম-৩/১৩৪, উসুদুল গাবা-২/২৭৭, আনসাবুল আশরাফ-১/৩৩০) তাঁর দেহে তীর-বর্ণার মোট বারোটি আঘাত লাগে। তিনি যখন মৃগ্রস্ত অবস্থায় যুদ্ধের ময়দানে পড়ে আছেন তখন মালিক ইবন দুখশান তাঁর কাছে এসে জিজেস করেন : 'মুহাম্মাদ (সা) নাকি নিহত হয়েছেন, তুমি জান ?' সা'দ জবাব দেন, তিনি নিহত হলেও আল্লাহ চিরজীব, তাঁর মৃত্যু নেই। তুমি তোমার দ্বিনের পক্ষে জিহাদ কর। মুহাম্মাদ (সা) তো তাঁর রবের বাণী ও দ্বিনের বিধি-বিধান পৌছানোর দায়িত্ব পূর্ণরূপে পালন করে গেছেন। (আনসাবুল আশরাফ-১/৩২৭, তাবাকাত-৩/৫২৩)

উহদের যুক্ত শেষে হয়েরত রাসূলে কারীম (সা) বললেন : কেউ সা'দ ইবনুর রাবী'র খৌজ নিয়ে আসতো। এক ব্যক্তি বললেন : আমি যাচ্ছি। যারকানী বলেন, লোকটি পড়ে থাকা লাশগুলির চারপাশে চক্কর দিয়ে সা'দের নাম ধরে জোরে ডাক দিলেন। কোন সাড়া পাওয়া গেলনা। কিন্তু যখন তিনি এই কথা বলে চিংকার করলেন যে, রাসূলগ্লাহ (সা) তোমার খৌজে আমাকে পাঠিয়েছেন। তখন শ্ফীণকষ্টের একটা আওয়াজ ভেসে এল; আমি মৃতদের মধ্যে। তখন তাঁর জীবনের শেষ মৃহূর্ত। শাস-প্রশাস বন্ধ হয়ে আসছে, জিহ্বাও আয়তে নেই। অন্য একটি বর্ণনা মতে, লোকটি যখন তাঁর খৌজে ঘূরাঘূরি করছে, তখন সা'দই তাঁকে ডাক দেন। যাই হোক, সেই অবস্থায় সা'দ তাঁকে বললেন, রাসূলগ্লাহকে (সা) আমার সালাম পৌছিয়ে বলবেন, আমাকে বারোটি আঘাত করা হয়েছে। আমিও আমার হত্যাকারীকে হত্যা করেছি। আর আনসারদের বলবেন, যদি দৃত্যাগ্যবশতঃ রাসূল (সা) নিহত হন, আর তোমাদের একজনও জীবিত ফিরে যাও, আল্লাহকে মুখ দেখানোর যোগ্য তোমরা থাকবে না। কারণ, ‘লাইসাতুল আকাবায়’ (আকাবার রাত্রি) তোমরা রাসূলগ্লাহর (সা) জন্য জীবন উৎসর্গ করার শপথ নিয়েছিলে। কোন কোন বর্ণনায় এই ব্যক্তির নাম উবাই ইবন কা'ব বলা হয়েছে। তিনি সেখানে দাঁড়িয়ে থাকা অবস্থায় সা'দের পবিত্র ঝুহ তাঁর নশ্বর দেহ থেকে বেরিয়ে যায়। (তাবাকাত- ৩/৫২৩-২৪, আল-ইসতীয়াব- ২/৩৪, তাহজীবুল আসমা ওয়াল লুগাত- ১/২১০, আল-ইসাবা- ২/২৭)

হয়রত উবাই ইবন কা'ব ফিরে এসে রাসূলগ্লাহকে (সা) সা'দের অন্তিম কথাগুলি পৌছালে তিনি বলেন, আল্লাহ তার ওপর করুণা বর্ষণ করলন। জীবন-মরণ উভয় অবস্থায় সে আল্লাহ ও তাঁর রাসূলকে উপদেশ দিয়েছে। (উসুদুল গাবা- ২৭৭) উহদের অন্য এক শহীদ খারিজা ইবন যাযিদ ও সা'দকে উহদের প্রান্তরে একই কবরে দাফন করা হয়। খারিজা ছিলেন সম্পর্কে সা'দের চাচা।

সা'দের মৃত্যুর পর তাঁর ভাই জাহিলী প্রথা অনুসারে তাঁর সকল সম্পত্তি দখল করে নেয়। সা'দ গর্তবতী স্ত্রী ও দুই কন্যা সন্তান রেখে যান। তখনও মীরাসের (উন্নরাধিকার) আয়াত নাযিল হয়নি। জাবির ইবন আবদিল্লাহ বর্ণনা করেন। সা'দের মৃত্যুর পর তাঁর স্ত্রী একদিন তাঁর দুই কন্যাকে সংগে করে রাসূলগ্লাহর (সা) নিকট এসে বলেন : ইয়া রাসূলগ্লাহ। এরা সা'দের কন্যা। ওদের পিতা উহদে শাহাদত বরণ করেছে। আর ওদের চাচা সকল সহায়-সম্পত্তি আত্মসাঙ্ক করে বসেছে, ওদেরকে কিছুই দেয়নি। অর্থ-সম্পদ ছাড়া ওদের বিয়ে শাদী হবে কেমন করে? রাসূল (সা) বললেন : আল্লাহ তা'য়ালা ওদের ব্যাপারে ফায়সালা দেবেন। এর পরই সূরা নিসার ১১ নং আয়াতের এই অংশটুকু নাযিল হয় : ‘যদি কন্যা কেবল দুই-এর অধিক হয় তাহলে তাদের জন্য পরিত্যক্ত সম্পত্তির দুই-তৃতীয়াংশ।’

উপরোক্ত আয়াত নাযিলের পর হয়েরত রাসূলে কারীম (সা) মেয়ে দু'টির চাচাকে ডেকে নির্দেশ দেন : সা'দের পরিত্যক্ত সম্পত্তির দুই-তৃতীয়াংশ তার দুই মেয়েকে, এক-অষ্টমাংশ তাদের মাকে দেওয়ার পর বাকীটা ভূমি গ্রহণ কর। (আল-ইসাবা- ২/২৭, তাবাকাত- ৩/৫২৪, উসুদুল গাবা- ২/২৭৮, তাহজীবুল আসমা ওয়াল লুগাত- ১/২১০, তাছাড়া ইমাম আহমাদ, আবু দাউদ, তিরমিজি ও ইবন মাজা এই হাদীসটি বর্ণনা করেছেন)

হয়রত রাসূলে কারীম (সা) যখন সা'দের কন্যা ও স্ত্রীদের জন্য এই ফায়সালা দান করেন

তথনও মাত্রগর্তের সন্তানের কোন মীরাস বা উন্নয়নাধিকার নির্ধারিত হয়নি। এই ঘটনার অনেক পরে গর্তের সন্তানের মীরাস দেওয়ার বিধান হয়। সা'দের স্ত্রীগর্তের সেই সন্তানটি ভূমিষ্ঠ হয়। তাঁর নাম রাখা হয় উন্মু সা'দ বিনতু সা'দ এবং পরবর্তীকালে তিনি যায়িদ ইবন সাবিতের স্ত্রী হন। খলীফা হযরত 'উমারের (রা) খিলাফতকালে যায়িদ তাঁর স্ত্রীকে বললেন, তুমি ইচ্ছা করলে তোমার পিতার মীরাসের ব্যাপারে আমীরলু মুমিনীনের সাথে কথা বলতে পার। বর্তমানে তিনি গর্তের সন্তানদের মীরাসের অংশ দান করছেন। উন্মু সা'দ বললেন : আমি আমার বোনদের কাছে কিছুই দাবী করবো না। (আনসাবুল আশরাফ-১/৩৩৮)

সেই জাহিলী আরবে যখন লেখার খুব কম প্রচলন ছিল, হযরত সা'দ লেখা জানতেন। (তাবাকাত-৩/৫২২, তাহজীবুল আসমা-১/২১০) যেহেতু তিনি গোত্রীয় নেতার সন্তান ছিলেন, তাই শিক্ষার বিশেষ সুযোগ সাত করেছিলেন এবং লেখাও শিখেছিলেন। হযরত রাসূলে কারীমের (সা) মুখ থেকে শোনা কিছু হাদীসও মুখস্থ করেছিলেন। (উসদুল গাবা-২/২৭৮)

তাঁর 'ঈমানী জোশ ও রাসূলুল্লাহর (সা) প্রতি প্রবল তালোবাসার প্রকাশ ঘটেছিল আকাবার বাই'য়াত, উহদের যুদ্ধ এবং মৃত্যুর পূর্বে করে যাওয়া অসীয়াতের মধ্যে।

এই সব কারণে সাহাবায়ে কিরামের নিকট হযরত সা'দের একটা বিশেষ মর্যাদা ও সম্মান ছিল। তাঁর এক কন্যা একবার হযরত আবু বকরের (রা) নিকট আসলে তিনি তাঁর বসার জন্য নিজের কাপড় বিছিয়ে দেন। তা দেখে হযরত উমার (রা) জিজ্ঞেস করেন : মেয়েটি কার ? খলীফা বললেন : এ সেই ব্যক্তির মেয়ে - যিনি তোমার ও আমার চেয়ে উন্নত ছিলেন। আবার প্রশ্ন করলেন : এমন মর্যাদা কি জন্য ? বললেন : তিনি রাসূলুল্লাহর (সা) জীবদ্দশায় জানাতে পৌছে গেছেন আর তুমি-আমি এখনও এখানে পড়ে আছি। (আল-ইসাবা-২/২৭)

আবু বকর আয়-যুবায়ীর বর্ণনা করেন : এক ব্যক্তি খলীফা আবু বকরের কাছে গিয়ে দেখলেন, তিনি সা'দ ইবনুর রাবীর ছেট্ট একটি মেয়েকে বুকের মধ্যে নিয়ে তাঁর লালা মুছে দিচ্ছেন ও চুম্ব খাচ্ছেন। লোকটি জিজ্ঞেস করল, মেয়েটি কে ? তিনি জবাব দিলেন, এ এমন এক ব্যক্তির মেয়ে যিনি তোমার ও আমার চেয়ে উন্নত। এ সা'দ ইবনুর রাবীর মেয়ে। তিনি ছিলেন 'আকাবার নাকীব, বদরের যোদ্ধা ও উহদের শহীদ। (সৌরাতু ইবন হিশাম-২/৯৫)

# ‘ଆବଦୁଲ୍ଲାହ ଇବନ ରାଓୟାହା (ରା)

‘ଆବଦୁଲ୍ଲାହ ନାମ। କୁନିଯାତ ବା ଉପନାମେର ସ୍ୟାପାରେ ମତଭେଦ ଆଛେ। ସଥା : ଆବୁ ମୁହାମ୍ମଦ, ଆବୁ ରାଓୟାହା ଅଥବା ଆବୁ ‘ଆମରା। ‘ଶାପିଯିରକ ର ସୁଲିଲ୍ଲାହ’ - ‘ରାସୂଲ୍ଲାହର (ସା) କବି’ ତୌର ଉପାଧି। ମଦୀନାର ଥାଯରାଜ ଗୋତ୍ରେର ବଳୀ ଆଲ-ହାରିସ ଶାଖାର ସନ୍ତାନ। ପିତା ରାଓୟାହା ଇବନ ସା’ଲାବା ଏବଂ ମାତା କାବଣୀ ବିନତୁ ଓୟାକିଦି। ସାହାବିଯ୍ୟା ‘ଆମରାହ ବିନତୁ ରାଓୟାହା ତୌର ବୋନ ଏବଂ କବି ସାହାବୀ ନୁ’ମାନ ଇବନ ବାଶିର ତୌର ତାଙ୍ଗେ। ଇତିହାସେ ତୌର ଜନ୍ମର ସମୟକାଳ ମ୰୍ମକେ କୋନ ତଥ୍ୟ ପାଓୟା ଯାଇ ନା। ତିନି ଜାହିଲୀ ଓ ଇସଲାମୀ ଉତ୍ସ ଜୀବନେ ଅତି ମର୍ଯ୍ୟାଦାବାନ ବ୍ୟକ୍ତି ଛିଲେନ। (ତାବାକାତ- ୩/୫୨୫, ଆଲ-ଆ’ଲାମ- ୪/୨୧୭, ତାହଜୀବୁଲ ଆସମା ଓୟାଲୁଗୁତ- ୧/୨୬୫

ତିନି ତୃତୀୟ ଆକାବାୟ ସନ୍ତର ଜନ (୭୦) ମଦୀନାବାସୀର ସାଥେ ଅଂଶଗ୍ରହଣ କରେ ରାସୂଲ୍ଲାହର (ସା) ହାତେ ବାଇ’ଯାତ କରେନ ଏବଂ ସା’ଦ ଇବନ୍‌ନୁର ରାବୀ’ର ସାଥେ ତିନିଓ ବନ୍ଦ ଆଲ-ହାରିସାର ‘ନାକୀବ’ (ଦ୍ୟାଯିତ୍ଵଶୀଳ) ମନୋନୀତ ହନ। (ସୀରାତୁ ଇବନ ହିଶାମ- ୧/୪୪୩, ୪୫୮, ତାବାକାତ- ୩/୫୨୬, ଆନସାବୁଲ ଆଶରାଫ- ୧/୨୫୨, ତାରୀଖୁଲ ଇସଲାମ ଓ ତାବାକାତୁଲ ମାଶାହିର- ୧/୧୮୧) ତବେ ସମ୍ଭବତ: ତିନି ଏହି ତୃତୀୟ ‘ଆକାବାର’ ପୂର୍ବେହି ଇସଲାମ ଗ୍ରହଣ କରେନ। କୋନ କୋନ ବର୍ଣନାୟ ଦେଖା ଯାଇ ତିନି ପ୍ରଥମ ଆକାବାୟ ଛୟାଜନେର ସାଥେ ଇସଲାମ ଗ୍ରହଣ କରେ ରାସୂଲ୍ଲାହର (ସା) ହାତେ ବାଇ’ଯାତ କରେନ। (ହାୟାତୁସ ସାହାବା- ୧/୧୦୫)

ଇସଲାମ ଗ୍ରହଣେ ପର ମଦୀନାୟ ଇସଲାମେର ତାବଣୀଗ ଓ ଦାଓୟାତେର କାଜେ ଆତ୍ମନିଯୋଗ କରେନ। ରାସୂଲ୍ଲାହ (ସା) ଯକ୍ଷା ଥେକେ ହିଜରାତ କରେ କୁବାୟ ଉପର୍ଥିତ ହଲେନ। ତିନି ଯେ ଦିନ କୁବା ଥେକେ ସର୍ବପ୍ରଥମ ମଦୀନାୟ ପଦାର୍ପଣ କରେନ, ସେଦିନ ଆବଦୁଲ୍ଲାହ ଇବନ ରାଓୟାହ, ସା’ଦ ଇବନ୍‌ନୁର ରାବୀ ଓ ଖାରିଜା ଇବନ ଯାହିଦ ତାଦେର ଗୋତ୍ର ବନ୍ଦ ଆଲ-ହାରିସାର ଲୋକଦେର ସଂଗେ ନିଯେ ରାସୂଲ୍ଲାହର (ସା) ଉଟନୀର ପଥରୋଧ କରେ ଦୌଡ଼ନ ଏବଂ ତାଙ୍କେ ତାଦେର ଗୋତ୍ରେ ଅବତରଣେର ବିନୀତ ଆବେଦନ ଜାନାନ। ହୟରତ ରାସୂଲେ କାରୀମ (ସା) ତାଙ୍କେ ବସେନ, ଉଟନୀର ପଥ ଛେଡ଼େ ଦାଓ। ସେ ଆତ୍ମାହର ନିର୍ଦେଶମତ ଚଲଛେ, ଆତ୍ମାହର ସେଥାନେ ଇଚ୍ଛା ସେଥାନେଇ ଧାରବେ। ତୌରା ପଥ ଛେଡ଼େ ଦେନ। (ସୀରାତୁ ଇବନ ହିଶାମ- ୧/୪୯୫) ହୟରତ ରାସୂଲେ କାରୀମ (ସା) ମିକଦାଦ ଇବନ ଆସଓୟାଦ ଆଲ-କିନ୍ଦୀର ସାଥେ ତୌର ଭାତ୍ସମ୍ପକ ପ୍ରତିଷ୍ଠା କରେ ଦେନ।

ବଦର, ଉତ୍ତର, ଖନ୍ଦକ, ହୁଦାଇବିଯା, ଖାଇବାର, ‘ଉତ୍ତରାତୁଲ କାଦା- ପ୍ରତ୍ୟେକଟି ଅଭିଯାନେ ତିନି ଅଂଶଗ୍ରହଣ କରେନ। କେବଳ ହିଜରୀ ଚତୁର୍ଥ ସନେ ସଂଘଟିତ ‘ବଦର ଆସ-ସୁଗରା’ ଅଭିଯାନେ ଯୋଗଦାନ କରତେ ପାରେନନି। ରାସୂଲ୍ଲାହ (ସା) ତାଙ୍କେ ମଦୀନାୟ ଶ୍ରୀ ସ୍ତଲାଭିରିକ୍ଷଣ କରେ ଯାନ। (ତାବାକାତ- ୩/୫୨୬, ସୀରାତୁ ଇବନ ହିଶାମ- ୧/୪୫୮) ଉତ୍ସେଖ୍ୟ ଯେ, ଉତ୍ତର ଥେକେ ପ୍ରତ୍ୟାବର୍ତ୍ତନେର ସମୟ କୁରାଇଶ ନେତା ଆଶ୍ରୁ ସୁଫିଇଯାନ ଇବନ ହାରବ ଘୋଷଣା ଦେଇ ଯେ, ଏଥନ ଥେକେ ଠିକ ଏକ ବହୁରେ ମାଥାଯ ‘ବଦର ଆସ-ସୁଗରା’ ତେ ଆବାର ତୋମାଦେର ମୁଖୋମୁଖି ହବ। ରାସୂଲ୍ଲାହ (ସା) ଓ ମୁସଲମାନରା ଏ ଚ୍ୟାଲେଞ୍ଜ ଗ୍ରହଣ କରେ ସଥାସମୟେ ସେଥାନେ ଉପର୍ଥିତ ହନ। କିନ୍ତୁ କୁରାଇଶରା ଅଶୀକାର ପାଲନେ ବ୍ୟର୍ଥ ହୁଏ। ଏହି ବଦର ଆସ-ସୁଗରା-ତେ ରାସୂଲ (ସା) ବାହିନୀର ଆଟ ଦିନ

অপেক্ষা করেন। এটা হিজৱী চতুর্থ সনের জ্বলকা'দ মাসের ঘটনা। (আনসাবুল আশরাফ-  
১/৩৩৯-৩৪০)

বদর যুদ্ধের সূচনা পর্বে কুরাইশ পক্ষের বাহাদুর 'উত্বা ইবন রাবীয়া' তার ভাই শাইবা  
ইবন রাবীয়া ও ছেলে আল-ওয়ালীদ ইবন উত্বাকে সৎগে করে প্রতিপক্ষ মুসলিম বাহিনীকে  
হন্ত যুদ্ধের আহবান জানায়। তার আহবানে সাড়া দিয়ে মুসলিম বাহিনীর মধ্য থেকে 'আউফ,  
মুয়াওয়াজ ও আবদুল্লাহ ইবন রাওয়াহা সর্বপ্রথম এগিয়ে যান। 'উত্বা তাঁদের জিঞ্জেস করে :  
তোমরা কারা? তৌরা জ্বাব দেন : আনসাবুল একটি দল। 'উত্বা বলল, তোমাদের সাথে  
আমরা লড়তে চাইন। (সীরাতু ইবন ইশাম-১/৬২৫)

বদরের বিজয় বার্তা দিয়ে হযরত রাসূলে কারীম (সা) মদীনার চতুর্দিকে লোক পাঠান।  
তিনি 'আবদুল্লাহ ইবন রাওয়াহকে পাঠান মদীনার উচ্চ অঞ্চলের দিকে। (সীরাতু ইবন  
ইশাম-১/৬৪২)

রাসূলুল্লাহ (সা) বদর যুদ্ধের পর মুসলমানদের হাতে বন্দী কুরাইশদের সম্পর্কে  
সাহাবীদের মতামত জানতে চান। তাঁদের সম্পর্কে নানাজন নানা মত প্রকাশ করেন।  
'আবদুল্লাহ ইবন রাওয়াহা বলেন : ইয়া রাসূলুল্লাহ প্রচুর জ্বলানী কাঠে পরিপূর্ণ একটি  
উপত্যকায় তাদেরকে জড় করে তার মধ্যে ফেলে দেওয়া হোক। তারপর আমিই সেই কাঠে  
আগুন ধরিয়ে পুড়িয়ে মেরে ফেলবো। (হায়াতুস সাহাবা-২/৪২)

খন্দক যুদ্ধের সময় হযরত রাসূলে কারীম (সা) আবদুল্লাহ ইবন রাওয়াহার রচিত কবিতা  
বার বার আবৃত্তি করেছিলেন। তার কিছু অংশ নিম্নরূপ :

"হে আল্লাহ, তোমার সাহায্য না হলে আমরা হিদায়াত পেতাম না,

আমরা যাকাত দিতাম না, সালাত আদায় করতাম না

তুমি আমাদের ওপর প্রশান্তি নাখিল কর,

যুদ্ধে আমাদেরকে অটল রাখ।

যারা আমাদের ওপর জুলুম করেছে,

তারা বিপর্যয় সৃষ্টি করলে, আমরা অবীকার করবো।"

(সীয়ারেআনসার-২/৫৯)

এই খন্দক যুদ্ধের সময় মদীনার ইহুদী গোত্র বনু কুরাইজার নেতা কাব ইবন আসাদ  
রাসূলুল্লাহর (সা) সাথে সম্পাদিত তাদের চুক্তি ভঙ্গ করে গোপন ষড়যন্ত্র মেতে ওঠে।  
খবরটি রাসূলুল্লাহর (সা) কানে পৌছে। তিনি খবরের সত্যতা যাচাইয়ের জন্য কয়েকজন  
লোককে কা'বের নিকট পাঠান। তাদের মধ্যে 'আবদুল্লাহ ইবন রাওয়াহাও ছিলেন। (সীরাতু  
ইবন ইশাম-২/২২১, আসাহ আস-সীয়ার-১৯০)

খন্দক যুদ্ধের সময় রাসূলুল্লাহর (সা) একটি মু'জিয়া বা অলৌকিক কর্মকান্ডের কথা  
সীরাত গ্রন্থসমূহে বর্ণিত হয়েছে। আর তার সাথে আবদুল্লাহ ইবন রাওয়াহার নামটি উচ্চারিত  
হয়েছে। ঘটনাটি সংক্ষেপে এইরূপ :

'আবদুল্লাহ ইবন রাওয়াহার ভাগী তথা নু'মান ইবন বাশীরের বোন বলেন : একদিন  
আমার মা 'উমরাহ বিনতু রাওয়াহা আমাকে ডেকে আমার কাপড়ে কিছু খেজুর বেঁধে দিয়ে  
বললেন : এগুলি তোমার বাবা বাশীর ও মামা 'আবদুল্লাহ ইবন রাওয়াহাকে দিয়ে এস, তৌরা দুপুরে  
খাবেন। আমি সেগুলি নিয়ে রাসূলুল্লাহর (সা) পাশ দিয়ে যাচ্ছি, আর আমার বাবা ও মামাকে

খোজ করছি। রাস্তে (সা) আমাকে দেখে ডাক দিলেন : এই যেয়ে, এদিকে এস। তোমার কাছে কি? বললাম : খেজুর। আমার মা আমার বাবা বাশীর ইবন সা'দ ও মামা 'আবদুল্লাহর দুপুরের খাবারের জন্য পাঠিয়েছেন। বললেন : আমার কাছে দাও। আমি খেজুরগুলি রাস্তুল্লাহর (সা) দুই হাতে ঢেলে দিলাম, কিন্তু হাত ভরলো না। তিনি কাপড় বিছাতে বললেন এবং খেজুরগুলি কাপড়ের ওপর ছড়িয়ে দিলেন; তারপর পাশের সোকটিকে বললেন : যাও, খন্দকবাসীদের দুপুরের খাবার খেয়ে যেতে বল। ঘোষণার পর, সবাই চলে এল এবং খাবার খেতে শুরু করল। তাঁরা খাচ্ছে, আর খেজুরও বাড়ছে। তাঁরা পেট ভরে খেয়ে চলে গেল, আর তখনও কাপড়ের ওপর কিছু খেজুর ছড়িয়ে ছিটিয়ে পড়ে থাকলো। (সীরাতু ইবন হিশাম-২/১১৮, হায়াতুস সাহাবা-৩/৬৩১)

ষষ্ঠ হিজরীতে হৃদাইবিয়ার সন্ধি ও বাই'য়াতে রিদওয়ানেও 'আবদুল্লাহ যোগদান করেন।

আবু রাফে'র পরে উসাইর ইবন রায়িম ইহুদীকে খাইবারের শাসক নিয়োগ করা হয়েছিল। ইসলামের শক্রতায় সে ছিল উপযুক্ত উত্তরাধিকারী। সে গাতফান গোত্রে ঘূরাঘূরি করে তাদেরকে বিদ্রোহী করে তোলে। হযরত রাস্তে কারীম (সা) খবর পেয়ে ষষ্ঠ হিজরীর রমাদান মাসে তিরিশ সদস্যের একটি দলের সাথে 'আবদুল্লাহকে খাইবারে পাঠান। তিনি গোপনে উসাইর ইবন রায়িমের সকল তথ্য সংগ্রহ করে রাস্তুল্লাহকে (সা) অবহিত করেন। রাস্তে (সা) তিরিশ সদস্যের একটি বাহিনী 'আবদুল্লাহর অধীনে নিয়ন্ত করে উসাইরকে হত্যার নির্দেশ দেন। (আনসাবুল আশরাফ-১/৩৭৮)

আবদুল্লাহ ইবন রাওয়াহ উসাইরের সাথে দেখা করে বলেন, যদি আপনি নিরাপত্তার আশাস দেন তাহলে একটি কথা বলি। সে আশাস দিল। 'আবদুল্লাহ বললেন : রাস্তুল্লাহ (সা) আমাকে আপনার নিকট পাঠিয়েছেন। আপনাকে খাইবারের নেতা বানানো তাঁর ইচ্ছা। তবে আপনাকে একবার মদীনায় যেতে হবে। সে প্রলোভনে পড়ে এবং তিরিশজন ইহুদীকে সংগে করে 'আবদুল্লাহর বাহিনীর সাথে চলতে শুরু করলো। পথে 'আবদুল্লাহ প্রত্যেক ইহুদীর প্রতি নজর রাখার জন্য একজন করে মুসলমান নিদিষ্ট করে দিলেন। এতে উসাইরের মনে সন্দেহের উদ্বেক্ষ হল এবং ফিরে যাওয়ার চেষ্টা করলো। ধোকা ও প্রতারণার অপরাধে মুসলিম মুজাহিদরা খুব দ্রুত আক্রমণ চালিয়ে তাদের সকলকে হত্যা করেন। এই ঘটনার পর খাইবারের মাথাচাড়া দেওয়া বিদ্রোহ দমিত হয়। (সীরাতু ইবন হিশাম-২/৬১৮, সীয়ারে আনসার-২/৬০)

পরে হযরত রাস্তুল্লাহ (সা) 'আবদুল্লাহকে খাইবারে উৎপাদিত খেজুর পরিমাপকারী হিসাবে আবারও সেখানে পাঠান। কিছু লোক রাস্তুল্লাহর (সা) নিকট 'আবদুল্লাহর কঠোরতার বিরুদ্ধে অভিযোগ আনলো। এক পর্যায়ে তারা ঘৃষণ দিতে চাইল। ইবন রাওয়াহ তাদেরকে বললেন : ওহে আল্লাহর দুশমনরা। তোমরা আমাকে হারাম খাওয়াতে চাও? আমার প্রিয় ব্যক্তির পক্ষ থেকে আমি এসেছি। আমার নিকট তোমরা বানর ও শুবর থেকেও ঘৃণিত। তোমাদের প্রতি ঘৃণা এবং তাঁর প্রতি তালোবাসা তোমাদের ওপর কোন রকম ভুলমের দিকে নিয়ে যাবে না। একথা শুনে তাঁরা বলল : এমন ন্যায়পরায়ণতার ওপরই আসমান ও যমীন প্রতিষ্ঠিত। (হায়াতুস সাহাবা-২/১০৮, আল বিদায়া-৪/১৯৯)

হৃদাইবিয়ার সন্ধি অনুযায়ী সে বছরের মূলতবী 'উমরাহ রাস্তে (সা) পরের বছর হিজরী

সপ্তম সনে আদায় করেন। একে ‘উমরাতুল কাদা’ বা কাজা ‘উমরা বলে। এই সফরে রাসূলে কারীম (সা) যখন মঙ্গায় প্রবেশ করেন এবং উটের পিঠে বসে ‘হাজারে আসাওয়াদ’ চুম্বন করেন তখন আবদুল্লাহ তার বাহনের লাগাম ধরে একটি স্বরচিত কবিতা আবৃত্তি করেছিলেন। কবিতাটির কিছু অংশের মর্ম নিম্নরূপ :

ওরে কাফিরের সন্তানরা! তোরা তৌর পথ থেকে সরে যা, তোরা পথ ছেড়ে দে। কারণ, সকল সৎকাজ তো তৈরই সাধে। আমরা তোদের মেরেছি কুরআনের ব্যাখ্যার ওপর, যেমন মেরেছি তার নায়িলের ওপর। এমন মার দিয়েছি যে, তোদের মন্তক দেহ থেকে বিচ্ছিন্ন হয়ে গেছে। বন্ধু ভুলে ফেলে গেছে তৌর বন্ধুকে। প্রভু আমি তৌর কথার ওপর ইমান এনেছি। (তাবাকাত- ৩/৫২৬-৫২৭, আল-ইসাবা-২/৩০৭)

এক সময় হয়রত উমার (রা) ধর্মক দিয়ে বলেন : আল্লাহর হারামে ও রাসূলুল্লাহর (সা) সামনে এতাবে কবিতা পাঠ ? রাসূল (সা) তাঁকে শান্ত করে বলেন : ‘উমার! আমি তার কথা শুনছি। আল্লাহর কসম! কাফিরদের ওপর তার কথা তৌর বর্ণার চেয়েও বেশী ত্রিয়াশলী। (আল-ইসাবা-২/৩০৭) তিনি আবদুল্লাহকে বলেন : তুমি এতাবে বল : ‘লা-ইলাহ ইল্লাল্লাহ ওয়াহাদাহ, নাসারা ‘আবদাহ ওয়া ‘আয়াতু জুন্দাহ, ওয়া হায়ামাল আহয়াবা ওয়াহাদাহ’ – এক আল্লাহ ছাড়া কোন ইলাহ নেই। তিনি তৌর বাস্তাকে সাহায্য করেছেন, তৌর সেনাবাহিনীকে শক্তিশালী করেছেন এবং একাই প্রতিপক্ষের সম্মিলিত বাহিনীকে পরাজিতকরেছেন।

‘আবদুল্লাহ ইবন রাওয়াহা উপরোক্ত বাক্যগুলি আবৃত্তি করেছিলেন, আর তার সাথে কঠ মিলিয়ে উচ্চারণ করেছিলেন সমবেত মুসলিম জনমশুলী। তখন মঙ্গার উপত্যকা সমূহে সেই ধ্বনি প্রতিধ্বনি হয়ে ফিরেছিল। ( সীয়ারে আনসার-২/৮১)

হিজরী অষ্টম সনের জামাদি-উল-আওয়াল মাসে মৃতার যুদ্ধ সংঘটিত হয়। রাসূলুল্লাহ (সা) বসরার শাসকের নিকট দৃত মারফত একটি চিঠি পাঠান। পথে মৃতা নামক স্থানে এক গাসসানী ব্যক্তির হাতে দৃত নিহত হয়। দৃতের হত্যা মূলতঃ যুদ্ধ ঘোষণার ইঙ্গিত। রাসূল (সা) খবর পেয়ে যায়িদ ইবন হারিসার নেতৃত্বে তিনি হাজার সৈন্যের একটি বাহিনী মৃতায় পাঠান। যাত্রার প্রাকালে হয়রত রাসূলে কারীম (সা) বলেন : যায়িদ হবে এ বাহিনীর প্রধান। সে নিহত হলে জা’ফর ইবন আবী তালিব তার স্থলাভিষিক্ত হবে। জা’ফরের পর হবে আবদুল্লাহ ইবন রাওয়াহা। আর সেও যদি নিহত হয় তাহলে মুসলমানরা আলোচনার মাধ্যমে নিজেদের আশীরবানিয়ে নেবে।

বাহিনী মদীনা থেকে যাত্রার সময় হয়রত রাসূলে কারীম (সা) ‘সানিয়্যাতুল বিদা’ পর্যন্ত অগ্নসর হয়ে তাদের বিদায় জানান। বিদায় বেলা মদীনাবাসীরা তাদেরকে বলল : তোমরা নিরাপদে থাক এবং কামিয়াব হয়ে ফিরে এসো। আবদুল্লাহ ইবন রাওয়াহা কাঁদতে লাগলেন। লোকেরা বলল : কাঁদার কী আছে? তিনি বললেন, দুনিয়ার মুহাবৃতে আমি কাঁদছিন। তিনি সুরা মারইয়াম এর ৭১ নং আয়াত- ‘তোমাদের প্রত্যেককেই তা (পুনিসিরাত) অতিক্রম করতে হবে। এটা তোমার রব-এর অনিবার্য সিদ্ধান্ত’ – পাঠ করেন। তারপর তিনি বলেন, আমি কি সেই পুনিসিরাত পার হতে পারবো? লোকরা তাকে সাম্রণ দিয়ে বলল : আল্লাহ তোমাকে রাসূলুল্লাহর (সা) সাথে আবার মিলিত করবেন। তখন তিনি স্বরচিত একটি কবিতা

আবৃষ্টি করেন। কবিতাটির অর্থ নিম্নরূপ। ‘তবে আমি রহমানের কাছে মাগফিরাত কামনা করি, আর কামনা করি অসির অন্তরভুদী একটি আঘাত, অথবা কলিজা ও নাড়িতে পৌছে যায় নিয়ার এমন একটি খোঁচা, আমার কবরের পাশ দিয়ে অতিক্রমকারী যেন বলে— হায় আল্লাহ, সে কত ভালো যোদ্ধা ও গাজী ছিল।’ (সীরাতু ইবন হিশাম-২/৭৪, ৩৭৩ হায়াতুস সাহাবা-১/৫২৯, ৫৩০)

কোন কোন বর্ণনায় এসেছে, যাইদি ও জা’ফর বাহিনীসহ সকালে মদীনা ত্যাগ করলেন। ঘটনাক্রমে স্টো ছিল জুয়ার দিন। ‘আবদুল্লাহ বললেন : আমি রাসূলুল্লাহর (সা) সাথে জুয়ার নামায আদায় করে রওয়ানা হব। তিনি নামায আদায় করলেন। রাসূল (সা) নামায শেষে তাঁকে দেখে বললেন : সকালে তোমার সংগীদের সাথে যাওনি কেন? ’আবদুল্লাহ বললেন, আমি ইচ্ছা করেছি, আপনার সাথে জুম’য়া আদায় করে তাদের সাথে মিলিত হব। রাসূল (সা) বললেন, তুমি যদি দুনিয়ার সবকিছু খরচ কর তবুও তাদের সকালে যাত্রার সাওয়াবের সমকক্ষতা অর্জন করতে পারবে না।(হায়াতুস সাহাবা-১/৪৬৩)

মদীনা থেকে শামের ‘মা’য়ান’ নামক স্থানে পৌছে তাঁরা জানতে পারেন যে, রোমান সম্রাট হিরাকুল এক লাখ রোমান সৈন্যসহ ‘বালক’-র ‘মা’ব’ নামক স্থানে অবস্থান নিয়েছে। আর তাদের সাথে যোগ দিয়েছে লাখম, জুজাম, কায়ন, বাহরা, বালী-সহ বিভিন্ন গোত্রের আরও এক লাখ লোক। এ খবর পেয়ে তাঁরা মায়ানে দুই দিন ধরে চিন্তা-ভাবনা ও পরামর্শ করেন। মুসলিম সৈনিকদের কেউ কেউ মত প্রকাশ করে যে, আমরা শক্রপক্ষের সৈন্যসংখ্যা ও প্রশুতির সব খবর রাসূলকে (সা) অবহিত করি। তারপর তিনি আমাদেরকে অতিরিক্ত সৈন্য দিয়ে সাহায্য করবেন অথবা অন্য কোন নির্দেশ দেবেন এবং আমরা সেই মোতাবিক কাজ করব।

আবদুল্লাহ ইবন রাওয়াহা তখন সৈনিকদের উদ্দেশ্যে এক জ্বালাময়ী ভাষণ দেন। তিনি বলেন, ওহে জনমন্দলী, এখন তোমরা শক্রের মুখোমুখি হতে পসন্দ করছো না; অথচ তোমার সবাই শাহাদাত লাভের উদ্দেশ্যে বের হয়েছো। আমরা তো শক্রের সাথে সংখ্যা, শক্তি ও আধিক্যের দ্বারা লড়বো না। আমরা লড়বো দীনের বলে বলীয়ান হয়ে— যে দীনের দ্বারা আল্লাহ তা’য়ালা আমাদেরকে সম্মানিত করেছেন। তোমরা সামনে ঝাপিয়ে পড়। তোমাদের সামনে আছে দুইটি কল্যাণের যে কোন একটি— হয় বিজয়ী হবে নতুনা শাহাদাত লাভ করবে। সৈনিকরা তাঁর কথায় সায় দিয়ে বলল : আল্লাহর কসম! ইবন রাওয়াহা ঠিক কথাই বলেছেন। তাঁরা তাদের সকল দ্বিধা-বন্ধু বেড়ে ফেলে দিয়ে সামনের দিকে অগ্রসর হন। আবদুল্লাহ ইবন রাওয়াহাও একটি স্বরচিত কবিতা আবৃষ্টি করতে করতে তাদের সাথে চলেন। (সীরাতু ইবন হিশাম-২/৩৭৫, আসাহ আস-সীয়ার-২৮০)

তাঁরা ‘মা’য়ান’ ত্যাগ করে মৃত্যু পৌছে শিবির স্থাপন করেন। এখানে অমুসলিমদের সাথে এক রক্তক্ষয়ী অসম যুদ্ধ হয়। ইতিহাসে এই যুদ্ধ ‘মৃতার যুদ্ধ’ নামে থ্যাত। মুসলিম বাহিনীর সংখ্যা যাত্র তিনহাজার আর শক্রবাহিনীর সংখ্যা অগণিত। (সীয়ারে আনসার-২/৬২)

প্রচল যুদ্ধ শুরু হল। সেনাপতি যাইদি ইবন হারিসা যুদ্ধক্ষেত্রে শহীদ হলেন। জা’ফর তাঁর পতাকাটি তুলে নিলেন। কিছুক্ষণ পর তিনিও শাহাদাত বরণ করলেন। এবার আবদুল্লাহ ইবন রাওয়াহা ঝাভা হাতে তুলে নিয়ে সামনে অগ্রসর হলেন। তিনি ছিলেন যোড়ার পিঠে।

ଘୋଡ଼ାର ପିଠ ଥେକେ ନାମାର ମୁହଁରେ ତୌର ମନେ ଏକଟୁ ଦିଖାର ଭାବ ଦେଖା ଦିଲ । ତିନି ସବ ଦିଖା ବେଢ଼େ ଫେଲେ ଦିଯେ ଆଗନ ମନେ ଏକଟି କବିତା ଆବୃତ୍ତି କରତେ ଶାଗଲେନ । ତାର କିଛୁ ଅଂଶ ନିମ୍ନଲିପି :

‘ହେ ଆମାର ପ୍ରାଣ ! ଆମି କମ୍ବ କରେଛି, ତୁମି ଅବଶ୍ୟଇ ନାମବେ, ତୁମି ସେଚ୍ଛାୟ ନାମବେ ଅଥବା ନାମତେ ବାଧ୍ୟ କରା ହବେ । ମାନୁଷେର ଚିତ୍କାର ଓ କ୍ରମନ ଧରି ଉଥିତ ହେଛେ, ତୋମାର କୀ ହେଯେଛେ ଯେ, ଏଥନ୍ତି ଜାଗାତକେ ଅବଜ୍ଞା କରିଛୋ ? ସେଇ କତ ଦିନ ଥେକେ ନା ଏଇ ଜାଗାତେର ପ୍ରତ୍ୟାଶା କରେ ଆସିଛୋ, ପୂର୍ବାନୋ ଫୁଟୋ ମଶକେର ଏକ ବିଲ୍ଲ ପାନି ଛାଡ଼ା ତୋ ତୁମି ଆର କିଛୁ ନାହିଁ । ହେ ଆମାର ପ୍ରାଣ, ଆଜ ତୁମି ନିହତ ନା ହଲେଓ ଏକଦିନ ତୁମି ମରବେ, ଏଇ ମୃତ୍ୟୁର ହାତ୍ମାମ ଏଥାନେ ଉତ୍ସନ୍ନ କରା ହେବେ । ତୁମି ଯା କାମନା କରତେ ଏଥିନ ତୋମାକେ ତାଇ ଦେଉୟା ହେଯେଛେ, ତୁମି ତୋମାର ସଙ୍କଳିତରେ କରମହା ଅନୁସରଣ କରଲେ ହିଦାଯାତ ପାବେ ।’

ଉପରୋକ୍ତ କବିତାଟି ଆବୃତ୍ତି କରତେ କରତେ ତିନି ଘୋଡ଼ା ଥେକେ ନେମେ ପଡ଼େନ । ତଥାନ ତୌର ଏକ ଚାଚାତୋ ଭାଇ ଗୋଶତସହ ଏକଟୁକରୋ ହାଡ଼ ନିଯେ ଏସେ ତାର ହାତେ ଦେଲ । ତିନି ସେଟା ହାତେ ନିଯେ ଯେଇ ନା ଏକଟୁ ଚାଟା ଦିଯେଛେନ, ଠିକ ତଥାନଇ ପ୍ରଚାନ୍ତ ଯୁଦ୍ଧର ଶୋରଗୋଲ ଭେସେ ଏଲୋ । ‘ତୁମି ଏଥନ୍ତି ବୈଚେ ଆହଁ’- ଏ କଥା ବଲେ ହାତେର ହାଡ଼ଟି ଛୁଡ଼େ ଫେଲେ ଦିଯେ ତରବାରି ହାତେ ତୁଲେ ନିଯେ ଯୁଦ୍ଧ ବୌପିଯେ ପଡ଼େନ । ଶକ୍ରପକ୍ଷର ଏକ ସୈନିକ ଏମନ ଜୋରେ ତୌର ନିକ୍ଷେପ କରେ ଯେ, ମୁସଲିମ ବାହିନୀର ମଧ୍ୟେ ତାସେର ସୃଷ୍ଟି ହୟ । ଏକଟି ତୌର ତୌର ଦେହେ ବିନ୍ଦ ହୟ । ତିନି ରଙ୍ଗରଙ୍ଗିତ ଅବହ୍ୟା ସାଥୀଦେର ଆହବାନ ଜାନାନ । ସାଥୀରା ଛୁଟେ ଏସେ ତୌକେ ଘିରେ ଫେଲେ ଏବଂ ଶକ୍ର ବାହିନୀର ଓପର ବୌପିଯେ ପଡ଼େ । ଇତିମଧ୍ୟେ ତିନି ମୃତ୍ୟୁର କୋଳେ ଢଳେ ପଡ଼େନ । ଇନ୍ଦିଲିଲାହି ଓସା ଇନ୍ଦା ଇନ୍ଦାଇହି ରାଜେଟନ । (ତାବାକାତ- ୩/୫୨୯, ସୀରାତୁ ଇବନ ହିଶାମ- ୨/୩୭୯, ହଯାତୁସ ସାହାବା- ୧/୫୩୩, ସୀଯାରେ ଆନସାର- ୨/୬୩, ଆନସାବୁଲ ଆଶରାଫ- ୧/୩୮୦, ୨୪୪)

ମୃତ୍ୟୁ ଅବହ୍ୟାନକାଳେ ଶାହାଦାତେର ପୂର୍ବେ ଏକଦିନ ରାତେ ତିନି ଏକଟି ମର୍ମମଳୀ କବିତା ଆବୃତ୍ତି ଶୁଣେ ଯାଯିଦ ଇବନ ଆରକାମ କୌଦତେ ଶୁଣୁ କରେନ । ତିନି ଯାଯିଦରେ ମାଥାର ଓପର ଦୂରରା ଉଚ୍ଚ କରେ ଧରେ ବଲେନ : ତୋମାର କୀ ହେଯେଛେ ? ଆହ୍ଵାହ ଆମାକେ ଶାହାଦାତ ଦାନ କରଲେ ତୋମରା ନିଚିତ୍ତେ ଘରେ ଫିରେ ଯାବେ । (ଆଲ- ଇସାବା- ୨/୩୦୭)

ହୟରତ ରାସ୍‌ଲେ କାରୀମ (ସା) ଓହିର ମାଧ୍ୟମେ ମୃତାର ପ୍ରତି ମୁହଁରେର ଖବର ଲାଭ କରେ ମଦୀନାଯ ଉପର୍ଚିତ ଲୋକଦେର ସାମନେ ବର୍ଣନା କରଛିଲେନ । ସହୀହ ବୁଖାରୀତେ ଆନାସ (ରୋ) ଥେକେ ବର୍ଣିତ ହେଯେଛେ । ତିନି ବଲେନ, ମୃତାର ଖବର ଆସାର ପୂର୍ବେଇ ରାସ୍‌ଲେ (ସା) ମଦୀନାଯ ଯାଯିଦ, ଜା'ଫର ଓ ଆଦୁଲ୍ଲାହର ଶାହାଦାତର ଖବର ଦାନ କରେନ । ତିନି ବଲେନ : ଯାଯିଦ ଝାଭା ହାତେ ନେଯ ଏବଂ ଶହୀଦ ହୟ । ତାରପର ଜା'ଫର ତୁଲେ ନେଯ, ମେଓ ଶହୀଦ ହୟ । ଅତଃପର ଆବଦୁଲ୍ଲାହ ତୁଲେ ନେଯ ଏବଂ ମେଓ ଶହୀଦ ହୟ । ତିନି ଏକଥା ବଲଛିଲେନ ଆର ତୌର ଦୁଇ ଚୋଖ ଥେକେ ଅର୍କ ଗଡ଼ିଯେ ପଡ଼ିଛିଲ । (ଆସାହ ଆସ- ସୀଯାର- ୨୮୧) କୋନ କୋନ ବର୍ଣନାଯ ଏସେହେ, ଯାଯିଦ ଓ ଜା'ଫରର ଶାହାଦାତର ଖବର ଦେଓୟାର ପର ରାସ୍‌ଲେ (ସା) ଏକଟୁ ଚୂପ ଥାକେନ । ଏତେ ଆନସାରଦେର ଚେହାରା ବିବର ହୟେ ଯାଯ । ତାରା ଧାରଣା କରେ ଯେ, ‘ଆବଦୁଲ୍ଲାହର ଏମନ କିଛୁ ଘଟେଛେ ସା ତାଦେର ମନ : ପୂତ ନୟ । ତାରପର ରାସ୍‌ଲେ (ସା) ବଲେନ : ଅତଃପର ଆବଦୁଲ୍ଲାହ ଇବନ ରାଓୟାହା ପତାକା ଉଠିଯେ ନେଯ ଏବଂ ଯୁଦ୍ଧ କରେ ଶହୀଦ ହୟ । ତିନି ଆରଓ ବଲେନ, ତାଦେର ସକଳକେ ଜାଗାତେ ଆମାର କାହେ ଆନା ହେଯେଛେ । ଆମି ଦେଖଲାମ, ତାରା ସୋନାର ପାଲଙ୍କେ ଶୁଯେ ଆଛେ । ତବେ ‘ଆବଦୁଲ୍ଲାହର ପାଲଙ୍କଟି ତାର ଅନ୍ୟ ଦୁଇ ସଙ୍ଗୀର ଥେକେ

একটু বাকা। আমি জিজ্ঞেস করলাম : এটা এমন কেন? বলা হল : তারা দুইজন দ্বিধাইন চিন্তে ঝাপিয়ে পড়ে, কিন্তু আবদুল্লাহর চিন্ত দ্বিঃ-সংকোচে একটি দোল খায়। তারপর সে ঝাপিয়ে পড়ে। (সীরাতু ইবন হিশাম-২/৩৮০)

মূতার তিন সেনাপতির মৃত্যুর খবর রাসূলুল্লাহর (সা) নিকট পৌছলে তিনি উঠে দাঁড়ান এবং তাঁদের কর্মকাণ্ড বর্ণনা করে এই বলে দুआ করেন : আল্লাহ তুমি যায়দিকে ক্ষমা করে দাও। একথা তিনবার বলেন, তারপর বলেন : আল্লাহ তুমি জাফর ও আবদুল্লাহ ইবন রাওয়াহাকে ক্ষমা করে দাও। (হায়াতুস সাহাবা-৩/৩৪৪)

মৃত্যু যাওয়ার পূর্বে একবার মদীনায় অসুস্থ অবস্থায় অচেতন হয়ে পড়েন। তখন তাঁর বোন 'উমরাহ নানাভাবে ইনিয়ে বিনিয়ে আরবদের প্রথা অনুযায়ী বিলাপ শুরু করেন। চেতনা ফিরে পেয়ে তিনি বোনকে বলেন, তুমি আমার সম্পর্কে অতিরিজ্জন করে যা কিছু বলছিলে, তার সবই আমার কাছ থেকে সত্যায়িত করা হচ্ছিল। এই কারণে তাঁর মৃত্যুর সময় তারই উপদেশ মত সকলে 'সবর' (ধৈর্য) অবলম্বন করে। সহীহ বুখারীতে এসেছে- তিনি যখন মারা যান তাঁর জন্য কানাকাটি বা বিলাপ করা হয়নি। (উসুদুল গাবা- ৩/১৫৭-১৫৯, সীরাতু ইবন হিশাম-২/৩৮০)

মৃতা রওয়ানা হওয়ার সময় তাঁর স্ত্রী ও সন্তান ছিল। কিন্তু উসুদুল গাবা গ্রন্থকার বলেছেন, তিনি নিহত হন এবং কোন সন্তান রেখে যাননি। (উসুদুল গাবা- ৩/১৫৯, সীয়ারে আনসার- ২/২৬৫)

'আবদুল্লাহ ইবন রাওয়াহার স্ত্রী সম্পর্কে আল-ইসতীয়াব গ্রন্থে একটি কাহিনী বর্ণিত হয়েছে। বিশেষ এক ঘটনার পরিপ্রেক্ষিতে তাঁর স্ত্রী তাঁকে বলেন, তুমি যদি পাক অবস্থায় থাক তাহলে একটু কুরআন তিলাওয়াত করে শুনাও। তখন 'আবদুল্লাহ চালাকির আশ্রয় গ্রহণ করে একটি কবিতা আবৃত্তি করেন। যার কিছু নিম্নরূপ :

"আমি সাক্ষ্য দিছি, আল্লাহর উয়াদা সত্য,  
কাফিরদের ঠিকানা দোষখ,  
'আরশ ছিল পানির ওপর,  
'আরশের ওপর ছিলেন বিশ্বের প্রতিপালক,  
আর সেই আরশ বহন করে তাঁরই শক্তিশালী ফিরিশতারা।"

তাঁর স্ত্রী কুরআনে পারদর্শী ছিলেন না। এই কারণে তিনি বিশ্বাস করেন যে, আবদুল্লাহ কুরআন থেকেই তিলাওয়াত করেছেন। তিনি বলেন, আল্লাহ সত্যবাদী, আমার চোখ দেখতে তুল করেছে। আমি অহেতুক তোমাকে দোষারোপ করছি। দাসীর সাথে উপগত হওয়ার পর স্ত্রীর ক্রোধ থেকে বাঁচার জন্য হ্যরত আবদুল্লাহ এমন বাহানার আশ্রয় নেন। তিনি পরদিন সকালে এ ঘটনা রাসূলুল্লাহকে (সা) জানালে তিনি হেসে দেন। (আল-ইসতীয়াব-১/৩৬২, হায়াতুস সাহাবা- ৩/১৫)

সামরিক দক্ষতা ছাড়াও হ্যরত আবদুল্লাহ ইবন রাওয়াহার আরও অনেক যোগ্যতা ছিল। একারণে রাসূলুল্লাহ (সা) তাঁকে সমাদর করতেন। সেই জাহিলী আরবে যে মুষ্টিমেয় কিছু লোক আরবীতে লেখা জানতো, 'আবদুল্লাহ তাদের অন্যতম।' ইসলাম গ্রহণের পর রাসূল (সা) তাঁকে স্বীয় 'কাতিব' (লেখক) হিসাবে নিয়োগ করেন। তবে কখন কিভাবে তিনি লেখা শিখেছিলেন, সে সম্পর্কে ইতিহাস কিছু বলে না।

তিনি ছিলেন তৎকালীন আরবের একজন বিখ্যাত কবি। ডষ্টের 'উমার ফাররুখ' বলেন, 'মদীনায় ইসলাম রাষ্ট্রক অর্জন করলে আরবের মুশরিকগণ আরও শক্তিশালী হয়ে পড়ে। মকার পৌত্রিক কবিগণ বিশেষতঃ 'আবদুল্লাহ ইবন আয়-যিবা'রী, কা'ব ইবন যুহাইর ও আবু সুফিয়ান ইবন আল-হারিস রাসূলপ্রাহ (সা) ও ইসলামের নিম্না ও কৃৎসা রটনা করে কবিতা নিখতো। তখন মদীনায় হাস্সান ইবন সাবিত, 'আবদুল্লাহ ইবন রাওয়াহা ও কা'ব ইবন মালিক তাদের প্রতিপক্ষ হিসাবে দাঁড়িয়ে সমৃচ্ছিত জবাব দেন এবং ইসলামের সৌল্য তুলে ধরেন। মক্কা বিজয়ের পূর্ব পর্যন্ত দু'পক্ষের এ কবিতার যুদ্ধ চলতে থাকে। 'আবদুল্লাহ ছিলেন তাঁর যুগের ভালো কবিদের একজন। তিনি হাস্সান ও কা'বের সম্পর্কায়ের কবি। জাহিলী যুগে তিনি কবি কায়েস ইবনুল খুতাইম-এর সাথে ব্যক্ত-বিদ্রূপ মূলক কবিতা লিখে প্রতিযোগিতা করতেন। আর ইসলামী যুগে রাসূলের (সা) প্রশংসন এবং মুশরিক কবিদের প্রতিবাদ ও নিম্নায় কবিতা রচনা করতেন। (তারীখুল আদাব আল-আরাবী-১/২৫৮, ২৬১, ২৬২)

জুরয়ী যাহাদান বলেন : 'মক্কার পৌত্রিক কবিদের মধ্যে যারা মুসলমানদের নিম্না করে কবিতা বলতো তাদের মধ্যে আবদুল্লাহ ইবন আয়-যিবা'রী, আবু সুফিয়ান ইবন আল-হারিস ও 'আমর ইবন আল-'আস ছিল সর্বাধিক প্রসিদ্ধ। একদিন নবী (সা) বললেন : যারা তাদের অঙ্গের দ্বারা আল্লাহর রাসূলকে সাহায্য করেছে, জিহ্বা দিয়ে তাঁকে সাহায্য করতে তাদেরকে কিসে বিরত রেখেছে? এই কথার পর যে তিনি কবি উপরোক্ত কবিদের প্রতিরোধে দাঁড়িয়ে যান তাঁরা হলেন, হাস্সান, কা'ব ও আবদুল্লাহ। রাসূল (সা) মনে করতেন, এই তিনি কবির কবিতা শক্রদের মধ্যে দারুণ প্রতিক্রিয়া সৃষ্টি করে। তিনি বলেছেন : এই তিনি কবি কুরাইশদের কাছে তীরের ফলার চেয়েও বেশী শক্তিশালী। (তারীখুল আদাব আল-লুগাহ আল-'আরাবিয়াহ-১/১১১)

কবি হাস্সান কুরাইশদের বংশ ও রক্তের উপর আঘাত হানতেন, কবি কা'ব কুরাইশদের যুদ্ধ-বিগ্রহ ও অতীত ইতিহাস বর্ণনা করে তাদের দোষ-ক্রটি তুলে ধরতেন। পক্ষান্তরে আবদুল্লাহ ইবন রাওয়াহা তাদের কুফরীর জন্য নিম্না ও ধিক্কার দিতেন। (উসুদুল গাবা-৪/২৪৮) আবুল ফারাজ আল-ইম্পাহানী বলেন : হাস্সান ও কা'ব প্রতিপক্ষ কুরাইশ কবিদের মত যুদ্ধ বিগ্রহ ও গৌরবমূলক কাজ-কর্ম নিয়ে কবিতা রচনা করতেন এবং তার মধ্যে কুরাইশদের বিভিন্ন দোষ-ক্রটি তুলে ধরতেন। আর আবদুল্লাহ ইবন রাওয়াহ তাদের কুফরীর জন্য ধিক্কার ও নিম্না জানাতেন। কুরাইশদের ইসলাম গ্রহণের পূর্ব পর্যন্ত পূর্বোক্ত দু'জনের কবিতা ছিল তাদের নিকট 'আবদুল্লাহর কবিতা অপেক্ষা অধিকতর শীড়দায়ক। কিন্তু যখন তারা ইসলাম গ্রহণ করে তার মর্মবাণী উপলক্ষ্য করলো তখন 'আবদুল্লাহর কবিতা সর্বাধিক প্রভাবশালী ও শীড়দায়ক বলে তাদের নিকট প্রতিভাত হলো। (কিতাবুল আগানী-৪/১৩৬)

আবদুল্লাহ ছিলেন স্বত্বাব কবি। উপস্থিত কবিতা রচনায় দক্ষ ছিলেন। হ্যরত যুবাইর ইবনুল আওয়াম (রা) বলেন : তৎক্ষণিক কবিতা বলার ক্ষেত্রে আমি 'আবদুল্লাহ অপেক্ষা অধিকতর সক্ষম আর কাউকে দেখিনি। (তাহজীবুল আসমা ওয়াল লুগাত-১/২৬৫) একদিন তিনি মসজিদে নববীতে গেলেন। পূর্বেই সেখানে হ্যরত রাসূলে কানীম (সা) একদল সাহাবীর সাথে বসে ছিলেন। তিনি 'আবদুল্লাহকে কাছে ঢেকে বলেন, তুমি এখন মুশরিকদের সম্পর্কে কিছু কবিতা শোনাও।' আবদুল্লাহ কিছু কবিতা শোনালেন। কবিতা শুনে রাসূল (সা) একটু

হাসি দিয়ে বলেন, আল্লাহ তোমাকে অটল রাখুন। (আল-ইসতীয়াব-১/৩৬২, তাবাকাত-৩/৫২৮, আল-ইসাবা-২/৩০৭)

হ্যরত আবু হুরাইরা (রা) ওয়াজ নসীহাতের সময় বলতেন, তোমাদের এক তাই আবদুল্লাহ ইবন রাওয়াহ অঙ্গীল কথা বলতেন। তারপর তিনি 'আবদুল্লাহর একটি কবিতা আবৃষ্টি করতেন। ইয়াম আহমাদ তৌর মুসলমান গ্রন্থে কবিতাটি সংকলন করেছেন। (আল-ফাতহর রাবানী, শরহ মুসলমান আহমাদ-২২/২৮৭)

'আবদুল্লাহ ইবন রাওয়াহার সব কবিতা কালের গর্ভে হারিয়ে গেছে। তবে এখনও পঞ্চাশটি প্রোক (verse) সীরাত ও ইতিহাসের বিভিন্ন গ্রন্থে সংরক্ষিত আছে। সীরাতু ইবন হিশামে তার অধিকাংশ পাওয়া যায়। (দায়িরা-ই-মা'য়ারিফ ইসলামিয়া (উর্দু)-১২/১৮০)

যখন সূরা শু'য়ারা-এর ২২৪-২২৬ নং আয়াতগুলি- 'কবিদেরকে তারাই অনুসরণ করে যারা বিজ্ঞান। তুমি কি দেখনা তারা উদ্বৃষ্ট হয়ে প্রত্যেক উপত্যকায় ঘুরে বেড়ায়? এবং যা করে না তাই বলে বেড়ায়'- নাযিল হয় তখন হাস্সান, আবদুল্লাহ ও কাব এত ভীত হয়ে পড়েন যে, তাঁরা কাঁদতে কাঁদতে রাসূলল্লাহর (সা) নিকট ছুটে যান। তাঁরা বলেন : ইয়া রাসূলল্লাহ, এই আয়াত নাযিলের সময় আল্লাহ তো জানতেন আমরা কবি। তখন রাসূল (সা) আয়াতের পরবর্তী অংশ- 'কিন্তু তারা ব্যতীত যারা ইয়ান আনে ও সৎকাজ করে, আল্লাহকে বার বার আরণ করে ও অভ্যাচারিত হওয়ার পর প্রতিশোধ গ্রহণ করে'- পাঠ করেন এবং বলেন এই হচ্ছে তোমরা। (আল-ইসাবা-২/৩০৭, তাবাকাত-৩/৫২৮, হায়াতুস সাহাবা-৩/৭৭, ১৭২)

আবদুল্লাহ ইবন রাওয়াহ থেকে কয়েকটি হাদীস বর্ণিত হয়েছে। তিনি হাদীসগুলি খোদ রাসূল (সা) ও বিলাল থেকে বর্ণনা করেছেন। আর তাঁর থেকে বর্ণনা করেছেন ইবন 'আবাস, উসামা ইবন যায়িদ, আনাস ইবন মালিক, নু'মান ইবন বাশীর ও আবু হুরাইরা। (আল-ইসাবা-২/৩০৬)

আবদুল্লাহ ইবন রাওয়াহ ছিলেন একজন দুনিয়া বিরাগী 'আবিদ ও সব সময় আল্লাহকে শরণকারী (জাকির) ব্যক্তি। আবুদ দারদা বলেন : এমন কোন দিন যায়না যেদিন আমি তাঁকে আরণ করিনা। আমার সঙ্গে একত্র হলেই তিনি বলতেন, এস, কিছুক্ষণের জন্য আমরা মুসলমান হয়ে যাই। তারপর বসে 'জিকর' শুরু করতেন। 'জিকর' শেষ হলে বলতেন, এটা ছিল ঈমানের মজলিস। (উসুদুল গাবা-৩/১৫৭)

আনাস ইবন মালিক বলেন। 'আবদুল্লাহ ইবন রাওয়াহার সাথে রাসূলল্লাহর (সা) কোন সাহাবীর দেখা হলে বলতেন, এস, আমরা কিছু সময়ের জন্য ঈমান আনি। একদিন এক ব্যক্তি তাঁর এমন কথায় খুব রেঁগে গেল। সে সেজা রাসূলল্লাহর (সা) নিকট অভিযোগ করে বললঃ ইয়া রাসূলল্লাহ, আপনি কি দেখেন না, ইবন রাওয়াহ আপনার ঈমান ত্যাগ করে কিছুক্ষণের ঈমানকে পসন্দ করছে? তিনি বললেন, আল্লাহ ইবন রাওয়াহার উপর রহম করুন। সে এমন সব মজলিস পসন্দ করে যার জন্য ফিরিশতারাও ফর্খর করে থাকে।

একবার তো তাঁর এমনি ধরনের আহবানে এক ব্যক্তি প্রতিবাদ করে বলে বসলো, কেন আমরা কি মুমিন নই? তিনি বললেন : হী, আমরা মুমিন। তবে আমরা জিকর করবো, তাতে আমাদের ঈমান বৃদ্ধি পাবে। (আল-ফাতহর রাবানী-২২/২৮৬, হায়াতুস সাহাবা-৩/১৫)

তাঁর স্তৰী বৰ্ণনা করেন, যখন তিনি ঘৰ থেকে বেৱ হতেন, দুই রাকায়াত নামায আদায় কৰতেন। আবাৰ ঘৰে ফিৱে এসে ঠিক একই রকম কৰতেন। এ ব্যাপারে কক্ষণও অলসতা কৰতেন না। (আল-ইসাবা-২/৩০৭, হায়াতুস সাহাবা-৩/১৪৮)

একবাৰ এক সফৱে এত প্ৰচণ্ড গৱম ছিল যে, মানুষ সূৰ্যেৰ তেজ থেকে বৌচাৰ জন্য নিজ নিজ মাথাৱ ওপৱ হাত দিয়ে রেখেছিল। এমন গৱমে কে রোয়া রাখে? কিন্তু তাৰ মধ্যেও কেবল হয়ৱত রাসূলে কাৰীম (সা) ও 'আবদুল্লাহ ইবন রাওয়াহা 'সাওম' পালন কৰেন। (সহীহ বুখারী-১/২৬১, মৃশিলম-১/৩৫৭, হায়াতুস সাহাবা-১/৪৭৯, তাহজীবুল আসমা ওয়াল লুগাত-১/২৬৫)

জিহাদেৱ প্ৰতি ছিল তাঁৰ দুনিবাৱ আকৰ্ষণ। বদৱ থেকে নিয়ে মৃতা পৰ্যন্ত যত যুদ্ধ হয়েছে তাৰ একটিতেও তিনি অনুপস্থিত থাকেননি। রিজাল শান্তিবিদৱা (চৱিত অভিধান) বলেছেন : আবদুল্লাহ সবাৱ আগে যুদ্ধে বেৱ হতেন এবং সবাৱ শেষে ঘৰে ফিৱতেন। (আল-ইসাবা-২/৩০৭)

হয়ৱত রাসূলে কাৰীমেৱ (সা) আদেশ-নিষেধ তিনি অক্ষৱে অক্ষৱে পালন কৰতেন। একটি ঘটনায় এৱ সুস্পষ্ট প্ৰমাণ পাওয়া যায়। একবাৰ হয়ৱত রাসূলে কাৰীম (সা) মসজিদে খুতবা (তাৰণ) দিচ্ছেন। আৱ ইবন রাওয়াহা যাচ্ছেন মসজিদেৱ দিকে। তিনি যখন মসজিদেৱ বাইৱেৱ রাত্তায় এমন সময় তিনি শুনতে পেলেন রাসূল (সা) বলছেন, তোমৱা নিজ নিজ স্থানে বসে পড়। এই নিৰ্দেশ ইবন রাওয়াহার কানে যেতেই সেখানে বসে পড়েন। রাসূল (সা) খুতবা শেষ কৱাৱ পৱ কোন এক ব্যক্তি ইবন রাওয়াহার ব্যাপারটি তাঁকে শোনান। শুনে তিনি মন্তব্য কৱেন : আল্লাহ ও তাঁৰ রাসূলেৱ আনুগত্যেৱ লালসা আল্লাহ তাৱ মধ্যে আৱও বৃঞ্জি কৱে দিন। (আল-ইসাবা-২/৩০৬, হায়াতুস সাহাবা-২/৩৫৬)

হয়ৱত আবদুল্লাহ ইবন রাওয়াহা যেমন রাসূলকে (সা) গভীৱতাবে তালোবাসতেন তেমনি রাসূল (সা) ও তাঁকে তালোবাসতেন। একবাৱ আবদুল্লাহ অসুখে পড়ে সংজ্ঞা হাৱিয়ে ফেলেন। রাসূল (সা) দেখতে গেলেন। তিনি দু'আ কৱলেন : হে আল্লাহ, যদি তাৱ মৃত্যুৱ সময় ঘনিয়ে এসে থাকে তাহলে সহজে তাৱ মৱণ দাও অন্যথায় তাকে তালো কৱে দাও। (আল-ইসাবা-২/৩০৬)

উসামা ইবন যায়িদ বলেন : সা'দ ইবন 'উবাদা অসুখ হলে রাসূল (সা) তাঁকে দেখাৱ জন্য বেৱ হলেন। আমাকেও বাহনেৱ পিছনে বসিয়ে নিলেন। 'আবদুল্লাহ ইবন উবাই তাৱ মুয়াহিম দুৰ্গেৱ ছায়ায় নিজ গোত্ৰেৱ আৱও কিছু লোকেৱ সাথে বসে ছিল। রাসূল (সা) মনে কৱলেন, কোন কথা না বলে তাদেৱ পাশ দিয়ে চলে যাওয়া শিষ্টাচাৱেৱ পৱিষ্ঠী। তাই তিনি বাহনেৱ পিঠ থেকে নামলেন এবং সালাম দিয়ে কিছুক্ষণ বসলেন। তাৱপৱ কুৱানেৱ কিছু আয়াত তিলাওয়াত কৱে তাদেৱ সকলকে ইসলামেৱ দাওয়াত দিলেন। এতক্ষণ 'আবদুল্লাহ ইবন উবাই চুপ কৱে ছিল। রাসূলুল্লাহ (সা) কথা শেষ হলে সে বলল : দেখুন, আপনাৱ কথা সত্য হলে বাড়ীতে গিয়ে বসে থাকুন। কেউ আপনাৱ কাছে গেলে তাকে যত পাৱেন শুনাবেন। এমন অবাঙ্গিতভাবে কোন মজলিসে উপস্থিত হয়ে কাউকে বিৱৰণ কৱবেন না। সেখানে উপস্থিত মুসলমানদেৱ মধ্যে 'আবদুল্লাহ ইবন রাওয়াহাৰ ছিলেন। তিনি গঞ্জে উঠলেন : ইয়া রাসূলুল্লাহ : তাৱ কথা কক্ষণও মানবেন না। আপনি আসবেন! আপনি আমাদেৱ মজলিসে, ঘৰে ঘৰে এবং বাড়ীতে আসবেন। আমৱা সেটাই পসন্দ কৱি। আপনাৱ

আগমনের দ্বারা আল্লাহ আমাদেরকে সম্মানিত করেছেন, আমাদেরকে হিদায়াত দান করেছেন। (সীরাতু ইবন হিশাম-১/৫৮৭, হায়াতুস সাহাবা-২/৫০৯)

একদিন আবদুল্লাহ তাঁর স্ত্রীর কোলে মাথা রেখে কাঁদা শুরু করলেন। তাই দেখে স্ত্রীও কাঁদতে শাগলেন। তিনি জিজ্ঞেস করলেন : তুমি কাঁদছো কেন? স্ত্রী বললেন : তোমাকে কাঁদতে দেখে আমি কাঁদছি। তখন তিনি সূরা মরিয়াম-এর ৭১ নং আয়াতটি তিলাওয়াত করে বলেন, আমি এই আয়াতটি শরণ করে কাঁদছি। জানিনে আমি জাহানাম থেকে মৃত্তি পাব কিনা। (হায়াতুস সাহাবা-৩/৪৫)

বিখ্যাত আনসারী সাহাবী আবু দারদা-র ইসলাম গ্রহণের ব্যাপারে আবদুল্লাহর ভূমিকাটি বিশেষ উল্লেখযোগ। জাহিলী যুগে উভয়ের মধ্যে গভীর সম্পর্ক ছিল। 'আবদুল্লাহর ইসলাম গ্রহণের পরও আবু দারদা মৃত্তি উপাসক থেকে যান। তাঁর বাড়ীতে ছিল বিরাট এক মৃত্তি। একদিন আবু দারদা বাড়ী থেকে বের হলেন, আর ঠিক সেই সময় তিনি পথ দিয়ে আবদুল্লাহ বাড়ীর মধ্যে প্রবেশ করলেন। তিনি আবু দারদা-র স্ত্রীকে জিজ্ঞেস করলেন : আবু দারদা কোথায়? স্ত্রী জবাব দিলেন : এই মাত্র বেরিয়ে গেলেন। আবদুল্লাহ মৃত্তির ঘরে প্রবেশ করে সেখানে রক্ষিত একটি হাতুড়ী দিয়ে মৃত্তি তেঙ্গে চুরমার করে ফেললেন। শব্দ শুনে আবু দারদার-র স্ত্রী ছুটে গেলেন। আবদুল্লাহ কাজ শেষ করে চলে গেলেন। এ দিকে আবু দারদা-র স্ত্রী তয়ে মাথায় হাত দিয়ে কাঁদতে শুরু করলেন। আবু দারদা ঘরে ফিরে স্ত্রীর নিকট সব কিছু শুনে প্রথমে খুব রেগে গেলেন। কিন্তু পরক্ষণেই চিন্তা করলেন, যদি মৃত্তির কোন ক্ষমতা থাকতো তাহলে সে নিজেকে রক্ষা করতে সক্ষম হতো। এই উপলক্ষ্যের পর তিনি আবদুল্লাহকে সংগে করে রাসূলুল্লাহর (সা) নিকট যান এবং ইসলামের ঘোষণা দেন। (হায়াতুস সাহাবা-১/৩৩২, ৩৩৩)

একবার কবি হাস্সান ইবন সাবিত, একটি কবিতায় সাফতওয়ান ইবন আল-মুয়াত্তাল ও তাঁর গোত্রের নিম্না করেন। সাফতওয়ান ক্ষেপে গিয়ে কবিকে মারাপিট করে এবং তাঁকে দু'হাত গলার সাথে বেঁধে বনু আল-হারিসের পল্লীতে নিয়ে যায়। আবদুল্লাহ ইবন রাওয়াহা তাকে ছাড়িয়ে দেন এবং বিষয়টি রাসূলুল্লাহকে (সা) অবহিত করেন। তাদের দু'জনকেও রাসূলুল্লাহর (সা) দরবারে নিয়ে আসেন। তিনি তাদের ঝাগড়া মিটমাট করে দেন (সীরাতু ইবন হিশাম-২/৩০৫)

উপরে উল্লেখিত বৈশিষ্ট্যসমূহের কারণে রাসূল (সা) তাঁর প্রশংসায় বলেছেন : 'নি'মার রাজু আবদুল্লাহ ইবন রাওয়াহ' – আবদুল্লাহ ইবন রাওয়াহ কতই না ভালো মানুষ। (আল-ইসাবা-২/৩০৬)

## আবু তালহা আল-আনসারী (রা)

নাম যাযিদ, ডাকনাম আবু তালহা। এ নামেই ইতিহাসে প্রসিদ্ধ। হিজরাতের ৩৬ বছর পূর্বে ৫৮৫ খ্রীষ্টাব্দে ইয়াসরিবে জন্মগ্রহণ করেন। (আল-আ'লাম-৩/৯৮) পিতা সাহল ইবন আল-আসওয়াদ ইবন হারাম। বনু জাজীলার সন্তান। মাতা 'উবাদাহ বিনতু মালিক। প্রাচীন জাহিলী যুগে ইয়াসরিবে আবু তালহার খান্দান বিশেষ মর্যাদার অধিকারী ছিল। তাঁর পিতৃ ও মাতৃ বৎশের মধ্যেও আজ্ঞায়তার সম্পর্ক ছিল। বর্তমান মসজিদে নববী সংলগ্ন পক্ষিয় দিকে তাঁর খান্দানের বসতি ছিল। তিনি তাঁর সময়ে খান্দানের রায়িস বা নেতা ছিলেন। (আনসাবুল আশরাফ-১/৪২, আল-ইসতীয়াব-৪/১১৩, তাহজীবুল আসমা-১/৪৪৫)

ইসলাম-পূর্ব জীবনে সাধারণ আরববাসীর মত মূর্তি পূজারী ছিলেন। তাঁর মদ পানের আসরটিও ছিল বেশ জৌকজমকপূর্ণ। পানের আসরে নিয়মিত আড়া জমতো। সেই জাহিলী যুগে তিনি ইয়াসরিবের হাতেগোনা গুটি কয়েক সাহসী ভীরপ্রায়দের মধ্যে গণ্য হতেন। (বুখারী-২/৬৬৪, আল-আ'লাম-৩/৯৮)

আবু তালহা যখন কৃত্তি/বাইশ বছরের যুবক তখন মুক্ত হয়রত রাসূলে কারীম (সা) নবুওয়াত লাভ করেন। প্রথম কয়েক বছর ইয়াসরিবে এর কোন প্রভাব তেমন একটা না পড়লেও পরের বছরগুলিতে ধীরে ধীরে পড়ে থাকে। রাসূলুল্লাহর (সা) মদীনায় হিজরাতের কয়েক বছর পূর্বে মক্কা থেকে হয়রত মুস'য়াব ইবন 'উমাইরকে সেখানে পাঠান ইসলাম প্রচারের জন্য। তাঁরই নিকট মদীনার এক মহিলা মহিলা উম্মু সুলাইম ইসলাম গ্রহণ করেন। এই মহিলার প্রচেষ্টায় পরবর্তীকালে আবু তালহা মূর্তি পূজা ত্যাগ করে মুসলিম হন এবং তাঁকে বিয়ে করেন।

আবু তালহা কখন ইসলাম গ্রহণ করেন, বিভিন্ন বর্ণনা পর্যালোচনা করলে সে সম্পর্কে দুইটি ধারণা পাওয়া যায়। একটি এই যে, রাসূলুল্লাহর (সা) মদীনায় হিজরাতের পূর্বে মুস'য়াব ইবন 'উমাইরের হাতে ইসলাম গ্রহণ করেন এবং তাঁর সাথে হজ্জ উপলক্ষে মুক্ত হয়ে সর্বশেষ 'আকাবায় তিহাতের মতান্তরে পঠাতের জন্যের সাথে রাসূলুল্লাহর (সা) হাতে বাই'য়াত (আনুগত্যের শপথ) করেন। এই বাই'য়াতে উপস্থিত লোকদের মধ্য থেকে রাসূল (সা) যে বারো জন নাকীব বা দায়িত্বশীল মনোনীত করেন তাঁদের একজন ছিলেন আবু তালহা। অন্যটি হলো, রাসূলুল্লাহ (সা) মদীনায় আসার পর আবু তালহা ইসলাম গ্রহণ করেন। তবে প্রথম ধারণাটি সর্বাধিক প্রসিদ্ধ এবং অধিকাংশ সীরাত বিশেষজ্ঞ একথাই বর্ণনা করেছেন। (তারিখুল ইসলাম ওয়া তাবাকাতুল মাশাইর ওয়াল আ'লাম-২/১১৯, শাজারাতুজ জাহাব-১/৪০, উসুদুল গাবা-৫/২৩০)

আবু তালহার ইসলাম গ্রহণ এবং উম্মু সুলাইমের সাথে বিয়ের ঘটনার মধ্যে একটি যোগসূত্র আছে। হয়রত রাসূলে কারীমের (সা) খাদিম প্রখ্যাত সাহাবী হয়রত আনাস ইবন মালিকের সম্মানিতা মা হলেন হয়রত উম্মু সুলাইম। আনাসের পিতা মালিক ছিল তাঁর ইসলাম-পূর্ব জীবনের স্বামী। উম্মু সুলাইম ইসলাম গ্রহণ করলে দুঃখ ও ক্ষেত্রে মালিক স্ত্রী-পুত্র ফেলে

শামে চলে যায় এবং সেখানে মারা যায়। তারপর আবু তালহা উচ্চ সুলাইমকে বিয়ের প্রস্তাব দেন। এই বিয়ে সম্পর্কিত কয়েকটি বর্ণনা এখানে আমরা তুলে ধরছি।

আনাস থেকে বর্ণিত হয়েছে। আবু তালহা উচ্চ সুলাইমকে বিয়ের প্রস্তাব দিলেন। উচ্চ সুলাইম বললেন : ‘কোন মুশরিককে বিয়ে করা আমার উচিত হবে না। আচ্ছা আবু তালহা, তুমি কি দেখনা তোমাদের এইসব ইলাহ, যার তোমরা ‘ইবাদাত করে থাক, তা তো অমুকের ওখানে তৈরী। আগুন লাগালে তা জ্বলে যায়।’ কথাগুলি শনে আবু তালহা উঠে চলে গেলেন। তবে অন্তরে একটা ভাবনা দেখা দিল। কিছুতেই ঘূর্ম এলো না। অন্য এক বর্ণনায় এসেছে। উচ্চ সুলাইম বলেছিলেন : ‘তোমার এই প্রস্তাবে তো আমার কোন আপত্তি নেই। তবে সমস্যা হলো, তুমি যে একজন কাফির ব্যক্তি, আর আমি একজন মুসলিম নারী। তুমি যদি ইসলাম গ্রহণ কর, তবে তো কোন সমস্যাই নেই। তখন তোমার ইসলামই হবে আমার মোহর। তাছাড়া অন্য কিছুই আমি চাইনা।’ আবু তালহা ইসলাম গ্রহণ করেন এবং উচ্চ সুলাইমকে বিয়ে করেন। সাবিত বলতেন : উচ্চ সুলাইমের মোহরের চেয়ে উত্তম মোহরের কথা আমরা আর শুনিনি। তাঁর সেই মোহর ছিল ইসলাম। ইবন ‘আসাকির বলেন, তাবারানী, আবু নু’ঈম ও ইবন দুরাসতাওয়াইহ উপরোক্ত কথা বর্ণনা করেছেন। (তারীখে ইবন ‘আসাকির-৬/৫) ‘উরওয়া, মুসা ইবন ‘উকবা, আল্লামা জাহবী, ইবনুল ‘ইমাদ আল-হাফ্জী, ইবনুল আসীর প্রমুখ ঐতিহাসিক বলেন, এটা রাসূলুল্লাহর (সা) মদীনায় হিজরাতের পূর্বের ঘটনা। কারণ, আবু তালহা আকাবায় রাসূলুল্লাহর (সা) হাতে বাই’য়াত করেন ও নাকীব মনোনীত হন।

ইবন ‘আসাকির বলেন : উচ্চসুলাইমের সাথে আবু তালহার বিয়ের যেসব বর্ণনা এসেছে তাতে ধারণা জন্মে যে, তিনি রাসূলুল্লাহর (সা) মদীনায় হিজরাতের পরে ইসলাম গ্রহণ করেছেন। এ সম্পর্কে তিনি নাদর ইবন আনাস থেকে বর্ণিত হাফেজ ও বায়হাকীর একটি বর্ণনা উদ্বার করেছেন। নাদর বলেন : আনাসের পিতা মালিক একদিন তাঁর স্ত্রী উচ্চ সুলাইমকে বললো : এ ব্যক্তি [ রাসূল (সা)] তো দেখছি মদ হারাম করেছেন। তারপর সে স্ত্রী ও সন্তান ফেলে শামে চলে যায় এবং সেখানে মারা যায়।

অতঃপর আবু তালহা উচ্চ সুলাইমকে বিয়ের প্রস্তাব দেন উচ্চ সুলাইম বললেন : ‘শোন আবু তালহা, তোমার মত ব্যক্তিকে ফেরানো যায় না। তবে তুম কাফির, আর আমি মুসলিম। সমস্যাটি এখানেই। এ বিয়ে হতে পারে না।’ আবু তালহা বললেন : ‘তুমি সোনা-রূপো চাও?’ উচ্চ সুলাইম বললেন : ‘না, আমি তা চাইনা। আমি শুধু তোমার ইসলাম চাই।’ আবু তালহা বললেন : ‘এ ব্যাপারে আমাকে কে সাহায্য করবে?’ বললেন : ‘রাসূলুল্লাহ (সা)।’

আবু তালহা চললেন রাসূলুল্লাহর (সা) কাছে। তিনি তখন সাহাবীদের নিয়ে বসে ছিলেন। আবু তালহাকে আসতে দেখে বললেন : আবু তালহা আসছে। ইসলামের দীপ্তি তার কপালে দেখা যাচ্ছে। আবু তালহা এসে উচ্চ সুলাইম যা বলেছিলেন সেই কথাগুলি রাসূলুল্লাহকে (সা) বললেন। এভাবে আবু তালহা ইসলাম গ্রহণ করেন এবং উচ্চ সুলাইমকে বিয়ে করেন। (তারীখে ইবন ‘আসাকির-৬/৫, হায়াতুস সাহাবা-১/১৯৬)

রাসূলুল্লাহ (সা) মদীনায় এসে যকুব মুহাজির ও মদীনার আনসারদের মধ্যে দ্বিনী ভাত্তা সম্পর্কের প্রচলন করেন। আবু তালহার দীনী ভাই কে হয়েছিলেন, সে সম্পর্কেও নানা জনের নানা কথা আছে। প্রখ্যাত কুরাইশ মুহাজির আবু ‘উবায়দাহ ইবনুল জাররাহর (রা) সাথে তাঁর

ভাত্ত সম্পর্ক প্রতিষ্ঠিত হয়েছিল- এটা সংখ্যাগরিষ্ঠ সীরাত সেখকের মত। রাসূলুল্লাহর (সা) নিকট থেকে এই আবু 'উবায়দাহ' 'আমীনুল উম্মাহ' খিতাবসহ জানাতের সুসংবাদ লাভ করেছিলেন। ইবন 'আসাকির বলেন : হযরত রাসূলে কারীম (সা) আবু তালহা ও বিলালের হাত ধরে তাঁদের ভাত্ত সম্পর্ক প্রতিষ্ঠা করে দিয়েছিলেন। (তারীখে ইবন 'আসাকির-৬/৯) ইবন সা'দ এ সম্পর্কে 'আসিম ইবন 'উমারের একটি বর্ণনা পেশ করেছেন। রাসূল (সা) আবু তালহা ও আরকাম ইবন আল-আরকাম আল-মাথ্যুমীর মধ্যে ভাত্ত সম্পর্ক কায়েম করেন। (তাবাকাত-৩/৫০৫)

বদর, উহদ, বন্দকসহ সকল যুদ্ধ ও অভিযানে আবু তালহা রাসূলুল্লাহর (সা) সাথে যোগ দেন। যুদ্ধের ময়দানে তিনি প্রায়ই এই চৱণটি আওড়াতেন : 'আমি আবু তালহা, আমার নাম যাইব। প্রতিদিন আমার অঙ্গে থাকে একটি শিকার।' (তাহজীবুল আসমা-১/৪৪৫; তারীখে ইবন আসাকির-৫/৪)

ইসলামের ইতিহাসের প্রথম যুদ্ধ বদর। আবু তালহা অতি উৎসাহের সাথে এ যুদ্ধে অংশগ্রহণ করেন। ইবন সা'দ তাঁর তাবাকাতে বদরী সাহাবীদের নামের তালিকায় তাঁর নামটি উল্টে করেছেন। তিনি বলেছেন : বদরে তন্দুরাছন অবস্থায় আমার হাত থেকে তরবারি পড়ে গিয়েছিল। একবার নয়, তিনবার। আর এই সম্পর্কে আল্লাহ বলেছেন : 'শ্রবণ কর, তিনি তাঁর পক্ষ হতে ব্যক্তির জন্য তোমাদেরকে তন্দুরায় আচ্ছন্ন করেন।' (সূরা আল-আনফাল-১১) (তারীখে ইবন আসাকির-৬/৮) উল্টেখ্য যে, বদর যুদ্ধের ময়দানে এক সময় ক্ষণিকের জন্য মুসলিম বাহিনী তন্দুরাছন হয়। এতে তাঁদের ঝান্তি ও ভয়ভীতি দূর হয়ে যায়।

উহদ যুদ্ধে তিনি আল্লাহর নবীর জন্য আত্মত্যাগের এক উজ্জ্বল দৃষ্টান্ত স্থাপন করেন। এ যুদ্ধে তিনি ছিলেন তৌরন্দায় বাহিনীর সদস্য। (আনসাবুল আশরাফ-১/১২৫) প্রচল যুদ্ধের এক পর্যায়ে মুসলিম বাহিনী বিক্ষিণ্ড ও বিপর্যস্ত হয়ে রাসূলুল্লাহর (সা) নিকট থেকে দূরে ছিটকে পড়ে। তখন আবু তালহাসহ মুষ্টিমেয়ে কিছু সৈনিক নিজেদের জীবন বাজি রেখে রাসূলুল্লাহকে (সা) ধিরে শক্র বাহিনীর আক্রমণ প্রতিহত করেন। এদিন তিনি রাসূলুল্লাহকে (সা) নিজের পেছনে আড়াল করে রেখে শক্রদের দিকে তীর ছুড়েছিলেন। একটি তীর ছুড়লে রাসূল (সা) একটু মাথা উঁচু করে দেখেছিলেন, তা কোথায় গিয়ে পড়ছে। আবু তালহা রাসূলুল্লাহর (সা) বুকে হাত দিয়ে বিসিয়ে দিয়ে বলেছিলেন : ইয়া রাসূলুল্লাহ! বসুন। এভাবে থাকুন। তাহলে আপনার গায়ে কোন তীর লাগবে না। তিনি একটু মাথা উঁচু করলেই আবু তালহা খুব দ্রুত তাঁকে আড়াল করে দাঁড়াচ্ছিলেন। সেদিন তিনি রাসূলকে (সা) আরও বলেছিলেন, আমার এ বুক আপনার বুকের সামনেই থাকবে। এক পর্যায়ে তিনি রাসূলকে (সা) বলেন : আমি শক্রিশালী সাহসী মানুষ। আপনার যা প্রয়োজন আমাকেই বলুন। তিনি শক্রদের বুক লক্ষ্য করে তীর ছুড়েছিলেন আর গুন গুন করে কর্বিতার একটি পংক্তি আওড়াচ্ছিলেন :

'আমার জীবন হোক আপনার জীবনের প্রতি উৎসর্গ, আমার মুখমণ্ডল হোক আপনার মুখমণ্ডলের ঢাল।' আবু তালহা ছিলেন বলবান বীর পুরুষ। এই উহদ যুদ্ধে তিনি দুই অর্থে তিনখানি ধনুক ভেঙ্গেছিলেন।

আক্রমণের প্রচলতায় তাঁর হাত দুইখানি অবশ হয়ে পড়েছিল। তবুও তিনি একবারও একটু উহু শব্দ উচ্চারণ করেননি। কারণ, তখন তাঁর একমাত্র চিন্তা ছিল রাসূলুল্লাহর (সা) হিফাজত

ও নিরাপত্তা। (উসুদুল গাবা-৫/২৩৪, তারীখে ইবন 'আসাকির-৬/৭, তাবাকাত-৩/৫০৭, বুখারী-কিতাবুল মাগায়ী)

হ্যরত আবু তালহা খাইবার যুদ্ধে ঘোগদান করেন। এই যুদ্ধের সময় তাঁর ও রাসূলুল্লাহ (সা) উভয়ের উট খুবই নিকটে পাশাপাশি ছিল এবং রাসূল (সা) গাধার গোশত হারাম ঘোষণা করার জন্য ঘোষক হিসেবে তাঁকেই মনেন্নীত করেন। (মুসনাদে আহমাদ-৩/১২১)

এই অভিযান থেকে ফেরার সময় হ্যরত রাসূলে কারীম (সা) ও হ্যরত সাফিয়া ছিলেন এক উটের ওপর। মদীনার কাছাকাছি এসে উটটি হৌচট খায় এবং আরোহীদ্বয় ছিটকে মাটিতে পড়ে যান। আবু তালহা দ্রুত নিজের উট থেকে লাফিয়ে পড়ে রাসূলুল্লাহ (সা) কাছে পৌছে বলেন : ইয়া রাসূলুল্লাহ। আমাকে আল্লাহ আপনার প্রতি উৎসর্গ করুন। আপনি কি কষ্ট পেয়েছেন? বললেন : না। তবে মহিলার খবর লও। আবু তালহা রঞ্জাল দিয়ে মুখ ঢেকে হ্যরত সাফিয়ার নিকটে যান এবং উটের হাওদা ঠিক করে আবার তাঁকে বসিয়ে দেন। (মুসনাদে আহমাদ-৩/১৮০)

হ্যাইন যুদ্ধেও তিনি দারুণ বাহাদুরী দেখান। এই যুদ্ধে তিনি একাই বিশ মতাত্তরে একুশজন কাফিরকে হত্যা করেন। রাসূল (সা) ঘোষণা করেছিলেন কেউ কোন কাফিরকে হত্যা করলে সে হবে নিহত ব্যক্তির সকল জিনিসের মালিক। এ দিন আবু তালহা একুশ ব্যক্তির সাজ-সরঞ্জামের অধিকারী হন। ইজরী অষ্টম সনে সংঘটিত এই যুদ্ধ ছিল রাসূলুল্লাহর (সা) জীবনের সর্বশেষ যুদ্ধ। (তারীখুল ইসলাম ওয়া তাবাকাতুল মাশাহীর-২/১১৯, তারীখে ইবন 'আসাকির-৬/৭, উসুদুল গাবা-৫/২৩৫)

এই যুদ্ধের সময় তিনি হাসতে হাসতে রাসূলুল্লাহর (সা) কাছে এসে বললেন : ইয়া রাসূলুল্লাহ! উম্ম সুলাইমের হাতে একটি খঞ্জ, আপনি কি তা দেখেছেন? রাসূল (সা) বললেন, উম্ম সুলাইম, এই খঞ্জের দিয়ে কি করবে? বললেন : মুশরিকরা কেউ আমার নিকটে এলে এটা দিয়ে তাঁর পেট ফেঁড়ে ফেলবো। একথা শুনে রাসূল (সা) হাসতে লাগলেন। সীরাতু ইবন হিশায়-২/৪৪৬, ৪৪৭, হায়াতুস সাহাবা-১/৫৯৭)

বিদায় হচ্ছে আবু তালহা রাসূলুল্লাহর (সা) সাথে ছিলেন। মিনায় রাসূল (সা) মাথা 'হলক' (চুল ছেঁচে ফেলা) করছিলেন। তিনি মাথার ডান দিকের কর্তিত চুল একটি/দুইটি করে পাশে বসা সাহাবীদের মধ্যে বস্টন করে দেন। কিন্তু মাথার বাম পাশের চুলগুলির সবই আবু তালহাকে দান করেন। (তারীখে ইবন 'আসাকির-৬/৭) ইয়াম মুসলিমও একথা বর্ণনা করেছেন।

হ্যরত রাসূলে কারীমের (সা) ইনতিকালের কাছাকাছি সময় মদীনায় সাধারণতঃ দুই ব্যক্তি কবর খুড়তেন। মুহাজিরদের মধ্যে আবু 'উবায়দাহ ইবনুল জাররাহ। তিনি খুড়তেন মককাবাসীদের মত। আর আনসারদের মধ্যে আবু তালহা। তিনি খুড়তেন মদীনাবাসীদের মত। হ্যরত রাসূলে কারীমের (সা) ওফাতের পর সাহাবায়ে কিরাম মসজিদে নববীতে বসে দাফন-কাফনের বিষয় পরামর্শ শুরু করলেন। প্রশ্ন দেখা দিল, কে এবং কোন পদ্ধতিতে কবর তৈরী করবে? উপরোক্ত দুই ব্যক্তি তখন এই মজলিসে উপস্থিত ছিলেন না। হ্যরত 'আববাস (রা) একই সময়ে দুইজনের নিকট লোক পাঠালেন, তাদেরকে ডেকে আনার জন্য। সিদ্ধান্ত হলো, এই দুইজনের মধ্যে মুনি আগে পৌছবেন তিনিই এই সৌভাগ্যের অধিকারী হবেন। তাঁদের

ডাকার জন্য লোক পাঠিয়ে দিয়ে হযরত 'আববাস (রা) সহ উপস্থিতি সাহাবীরা দু'আ করতে লাগলেন : হে আল্লাহ, আপনার নবীর জন্য এই দুই জনের একজনকে নির্বাচন করুন। কিছুক্ষণের মধ্যে যে ব্যক্তি আবু তালহার খৌজে গিয়েছিল, তাঁকে সংগে করে ফিরে আসে। অতঃপর আবু তালহা মদীনাবাসীদের নিয়ম অনুযায়ী রাসূলুল্লাহর (সা) কবর তৈরী করেন। (আনসাবুল আশরাফ-১/৫৭৩, ৫৭৪, আসাহ আস-সীয়ার-৮৫৭)

হযরত রাসূলে কারীমের (সা) ওফাতের পর বহু সাহাবী মদীনা ছেড়ে শামে আবাসন গড়ে তোলেন। আবু তালহাও তথাকার অধিবাসীদের একজন। তবে যখনই কোন দুঃখ ও দুচিত্তায় পিট হতেন, তখনই এই মাসাধিক কালের দীর্ঘ পথ পাড়ি দিয়ে রাসূলুল্লাহর (সা) পবিত্র মায়ারে হাজির হতেন এবং মানসিক প্রশান্তি লাভ করতেন। (তারীখে ইবন আসাকির-৬/৪)

হযরত আবু বকরের (রা) খিলাফত কাল আবু তালহা মোটামুটি শামে (সিরিয়া) কাটান। হযরত ফারাকে 'আজমের খিলাফত কালের বেশীর তাগ সময় সেখানেই ছিলেন। হযরত উমারের (রা) বাইতুল মাকদাস সফরের সময় তিনি শামে ছিলেন। আনাস থেকে বর্ণিত। 'উমার ইবনুল খাত্তাব শাম সফরে গেছেন। আবু তালহা ও আবু 'উবায়দাহ ইবনুল জাররাহ তাঁকে অভ্যর্থনা জানাতে এসে বললেন : আপনার সাথে 'রাসূলুল্লাহর (সা) বাছ বাছ সাহাবীরা আছেন। অর্থে আমরা পিছনে রেখে এসেছি এক প্রজ্ঞালিত আগুন। (তাঁরা মহামারি আকারে প্রেগের দিকে ইঙ্গিত করেছেন।) আপনি এ যাত্রা শামে প্রবেশ না করে মদীনায় ফিরে যান। 'উমার ফিরে গেলেন। পরের বছর তিনি এই স্থগিত সফর শেষ করেন।' (তারীখে ইবন 'আসাকির-৬/৪)

হযরত 'উমারের (রা) অস্তি সময়ে আবু তালহা মদীনায় ছিলেন। তাঁর ব্যক্তিত্ব ও মর্যাদার প্রতি খলীফা 'উমারের (রা) প্রবল আস্থা ও বিশ্বাস ছিল। তিনি যখন জীবনের প্রতি হতাশ হয়ে পড়লেন, তখন পরবর্তী খলীফা পদের জন্য ছয়জন সর্বজনমান্য বিপিট ব্যক্তিকে মনোনয়ন দান করলেন। তারপর আবু তালহাকে ডেকে বললেন : আপনাদের দ্বারাই আল্লাহ তা'য়ালা ইসলামের সম্মান ও মর্যাদা প্রতিষ্ঠা করেছেন। আমার মৃত্যুর পর আপনি ৫০ জন আনসারকে সংগে নিয়ে এই ছয় ব্যক্তির কার্যকলাপের প্রতি লক্ষ্য রাখবেন। যদি তাঁদের চারজন এক দিকে যায় আর দুই জন বিরোধিতা করে তাহলে ঐ দুইজনের গর্দান উড়িয়ে দিবেন। আর তাঁরা সমান দুই ভাগে বিভক্ত হয়ে গেলে যে দলে 'আবদুর রহমান ইবন 'আউফ থাকবে না সে দলকে হত্যা করবেন। তিনি দিনের মধ্যে কোন সিদ্ধান্তে উপনীত হতে না পারলে তাদের সকলের দেহ থেকে মাথা বিচ্ছিন্ন করে ফেলবেন। আমার মৃত্যুর পর পরবর্তী খলীফা নির্বাচিত না হওয়া পর্যন্ত আপনিই হবেন অন্তরবর্তীকালীন খলীফা। (কানযুল 'উমাল-৩/১৫৬, ১৫৭, হায়াতুস সাহা-২/৩৪)

হযরত মিসওয়ার ইবন মাখরামার গৃহে ঐ ছয় ব্যক্তির বৈঠক বসলো। আবু তালহা সঙ্গীদের নিয়ে নিরাপত্তা প্রহরী হিসেবে বাড়ীর দরযায় দাঁড়িয়ে গেলেন। বনু 'হাশিম প্রথম থেকেই এই পরামর্শের বিরোধী ছিল। কারণ, তারা ছিল 'আলীকে (রা) খলীফা বানানোর অভিলাষী। হযরত 'আববাস (রা) সেই সময় চূপে চূপে 'আলীকে (রা) বলেছিলেন, আপনি নিজের বিষয়টি ঐ লোকদের হাতে ছেড়ে দেবেন না। আপনি নিজেই ফায়সালা করুন। 'আলী (রা) কিছু একটা জবাব দিয়েছিলেন। আবু তালহা পাশে দাঁড়িয়ে তাঁদের এ সংলাপ শুনেছিলেন। হঠাৎ তাঁর প্রতি

'আলীর দৃষ্টি পড়তেই তিনি কিছু একটা যেন চিন্তা করলেন। আবু তালহা তা বুঝতে পেরে বলেছিলেন : আবুল হাসান, তয়ের কিছু নেই।

একদিন এই ছয় ব্যক্তির গোপন বৈঠক চলছে। আবু তালহাও তাঁর বাহিনী নিয়ে দরযায় দাঁড়িয়ে। এমন সময় 'আমর ইবনুল 'আস ও মুগীরা ইবন শু'বা এসে দরযায় বসে পড়েন। আবু তালহা তাঁদেরকে তেমন কিছু বললেন না; তবে সা'দ ইবন আবী ওয়াক্কাস ছিলেন অত্যন্ত কঠোর প্রকৃতির মানুষ। তিনি ওদের দুইজনের ভাব-ভঙ্গিমায় স্থির থাকতে পারলেন না। তিনি কঙ্কর উঠিয়ে তাঁদের প্রতি নিষ্কেপ করে বললেন : এরা এসেছে মদীনায় একথা প্রচার করতে যে, আমরাও শূরার সদস্য ছিলাম। কঙ্কর নিষ্কেপ করায় 'আমর ও মুগীরা ক্ষুক্ষ হন এবং ঝাগড়া শুরু করেন। আবু তালহা বিরক্ত হয়ে বললেন : আমার আশঁকা হচ্ছে, আপনারা এমন অহেতুক ঝাগড়ায় জড়িয়ে পড়ে আসল বিষয়টি ছেড়ে না দেন। সেই সন্তার নামে শপথ, যিনি 'উমারেক মৃত্যু দান করেছেন, আমি তিনদিনের বেশী একটুও সময় দেব না। খলিফা নির্বাচনের ব্যাপারটি শেষ হওয়ার পর আবু তালহা মন্তব্য করেন : খলাফতের দায়িত্ব লাভের জন্য এই ছয় ব্যক্তি প্রতিযোগিতা করবে, এমন আশঁকার চেয়ে আমার বেশী ভয় ছিল তাঁরা এই দায়িত্ব থেকে দূরে সরে থাকে কিনা। কারণ, 'উমারের মৃত্যুর পর প্রতিটি গৃহে দ্বিন ও দুনিয়ার ঘাটতি দেখা দিয়েছিল। (হায়াতুস সাহাবা-২/৪৭৩)

খলিফা নির্বাচনের পর আবু তালহা সম্পূর্ণ নির্জনে চলে যান এবং বাকী জীবন একাগ্রচিত্তে আল্লাহর ইবাদাতে কাটিয়ে দেন।

হ্যরত উম্মু সুলাইমের (রা) গর্তে আবু তালহার একাধিক সন্তান হয়; কিন্তু তাঁদের কেউই বেশী দিন বাঁচেনি। তাঁর এক ছেলের নাম ছিল আবু 'উমাইর। ছেট বেপায় তাঁর ছিল একটি ছেট পাখী। পাখীটি মারা গেল। একদিন রাসূল (সা) তাঁদের বাড়ীতে গিয়ে তাঁকে খুবই বিমর্শ দেখতে পেলেন। তাঁর এমন অবস্থার কারণ জানতে চাইলে লোকেরা রাসূলকে (সা) প্রকৃত ঘটনা খুলে বললে। রাসূল (সা) তাঁকে হাসানোর জন্য একটু কাব্য করে বললেন : 'ইয়া আবা 'উমাইর, মা ফা'য়ালান নুগাইর'- ওহে আবু উমাইর তোমার ছেট পাখীটি কী করলো? (হায়াতুস সাহাবা-২/৫৭০, আল-ইসতী'য়াব)

আবু তালহার অন্য একটি ছেলে কিছু দিন রোগ তোগের পর মারা যায়। ছেলেটির অসুস্থতার মধ্যে আবু তালহা একদিন মসজিদে নববৌতে যান এবং তখন সে মারা যায়। উম্মু সুলাইম ছেলের বাবার জন্য অপেক্ষা না করে তাঁকে দাফন করে দেন এবং বাড়ীতে লোকদের বলেন, তাঁরা যেন ছেলের দাফন-কাফনের কথা আবু তালহাকে না বলে। এদিকে আবু তালহা মসজিদ থেকে আরও কয়েকজন মেহমানসহ বাড়ী ফিরলেন। জিঞ্জেস করলেন, ছেলে কেমন আছে? ছেলের মা বললেন : আগের চেয়ে তাঁলো। আবু তালহা মেহমানদের সাথে কথা বলতে লাগলেন। খাবার এলো এবং সবাই এক সাথে বসে থেয়ে নিলেন। মেহমান বিদায় নিলে আবু তালহা তিতর বাড়ীতে আসলেন। রাতে স্বামী-স্ত্রী এক বিছানায় কাটালেন এবং মিলিত হলেন। শেষ রাতে উম্মু সুলাইম ছেলের মৃত্যুর খবর সহ কাফন-দাফনের কথা প্রকাশ করে বললেন : সে ছিল আমাদের কাছে আল্লাহর এক আমানত। তিনি সেই আমানত ফিরিয়ে নিয়েছেন। এতে কার কি আপত্তি থাকতে পারে? আবু তালহা 'ইন্নালিল্লাহ ওয়া ইন্না ইলাইহি রাজেউন' উচ্চারণ করলেন তবে এভাবে খবরটি গোপন করাতে তিনি একটু ক্ষুক্ষ হলেন। পরদিন সকালে

আবু তালহা বিষয়টি রাস্তাহারকে (সা) অবহিত করলে তিনি বলেন : আল্লাহ তোমাদের গত রাতের বরকত দান করুন। সেই রাতেই উচ্চ সুলাইম গর্ভবতী হন। গর্ভের এই স্তান প্রসব করার পর উচ্চ সুলাইম তাকে আনাসের হাতে রাসূলুল্লাহর (সা) নিকট পাঠান। রাসূল (সা) একটু খেজুর চিবিয়ে শিশুর গালে দেন এবং সে মুখ নেড়ে একটু চুমতে থাকে। তাই দেখে তিনি বললেন : দেখ, আনসারদের খেজুরের প্রতি স্বাভাবগত টান রয়েছে। তিনি এই শিশুর নাম রাখেন 'আবদুল্লাহ। রাসূলুল্লাহর (সা) এই পবিত্র লালার বদৌলতে উত্তরকালে এই ছেলে অন্যান্য আনসার নওজোয়ানদের মধ্যে সর্বক্ষেত্রে শ্রেষ্ঠত্ব অর্জন করেন। এই 'আবদুল্লাহ'র মাধ্যমে আবু তালহার বংশধারা চলেছে। ইসহাক ও 'উবাইলুল্লাহ' নামে তাঁর ছিল দুই ছেলে, আর ইয়াহইয়া নামে ইসহাকের এক ছেলে। এরা সবাই ছিলেন তাঁদের যুগের অন্যতম হাদীস বিশারদ। (মুসনাদে আহমাদ-৩/২৫৭, তারীখ ইবন 'আসাকির-৬/৬, বুখারী ও মুসলিমেও বিভিন্নভাবে উপরোক্ত ঘটনা বর্ণিত হয়েছে।)

হযরত আবু তালহার মৃত্যুসন সম্পর্কে মতভেদ আছে। ইমাম নাওয়াবী বলেন : 'তিনি হিজরী ৩২ অথবা ৩৪ সনে ৭০ বছর বয়সে মদীনায় মারা যান। তাঁর মদীনায় মৃত্যুর কথা অধিকাংশ সীরাত বিশেষজ্ঞ বলেছেন। তবে আবু যুর'য়া আদ-দিমাশ্কী বলেছেন, তিনি শায়ে মারা গেছেন। আবার কেউ বলেছেন, তিনি সম্মুখ পথে অভিযানে বেরিয়ে মারা যান। আবু যুর'য়া আদ-দিমাশ্কী থেকে বর্ণিত হয়েছে, আবু তালহা রাসূলুল্লাহর (সা) ইন্তিকালের পর চল্লিশ বছর একাধারে রোয়া রেখে জীবন কাটান। এই বর্ণনা উপরে উল্লেখিত মৃত্যুসনের পরিপন্থী। কারণ, তিনি যদি হিজরী ৩২ অথবা ৩৪ সনে মারা যান তাহলে রাসূলুল্লাহর (সা) ওফাতের পর ৪০ বছর রোয়া রেখে বীচার প্রশ্নাই গঠে না। যাঁরা বলেছেন তিনি মদীনায় মারা গেছেন, তাঁরা একথাও বলেছেন যে, খলীফা হযরত 'উসমান (রা) তাঁর জানায়ার নামায পড়ান। (তাহজীবুল আসমা ওয়াল লুগাত-১/৪৪৫, ৪৪৬)

বসরাবাসীরা বলেন, তিনি শেষ জীবনে সমৃদ্ধ পথে অভিযানে বেরিয়ে পথিমধ্যে মারা যান। এই মতে তাঁর মৃত্যুসন হিজরী ৫১। বিভিন্ন গ্রন্থে আবু তালহার এই জিহাদে যাওয়ার চমকপ্রদ ঘটনার বিবরণ পাওয়া যায়। একদিন সূরা 'তাওবাহ' তিলাওয়াত করছেন। যখন 'ইনফিল খিফাফান ওয়া সিকালান'- অভিযানে বের হয়ে পড়, তারি অবস্থায় হোক অথবা হালকা অবস্থায় (আয়াত ৪১) – এ পর্যন্ত পৌছেন তখন তাঁর মধ্যে জিহাদের প্রবল উদ্দীপনা সৃষ্টি হয়। তিনি পরিবারের লোকদের বললেন : আল্লাহ যুবক-বৃন্দ সকলের ওপর জিহাদ ফরয করেছেন। আমি জিহাদে যেতে চাই, তোমরা আমার সফরের ব্যবস্থা কর। একথা দুইবার উচ্চারণ করেন। একেতো বার্ষিক্য, তাহাড়া ক্রমাগত সিয়াম পালন করতে করতে তিনি শীর্ণকায় ও দুর্বল হয়ে পড়েছিলেন। পরিবারের লোকেরা বললো : আল্লাহ আপনার ওপর রহম করুন। আপনি রাসূলুল্লাহর (সা) যুগের সকল যুক্তে অংশগ্রহণ করেছেন, আবু বকর ও 'উমারের যুগেও ধারাবাহিকভাবে জিহাদে লিঙ্গ থেকেছেন। এখনও আপনার জিহাদের লোভ আছে? আপনি বাড়ীতে থাকুন, আমরা আপনার পক্ষ থেকে জিহাদে বেরিয়ে পড়ছি। শাহাদাতের অদম্য আবেগ যাকে ধাক্কাচ্ছে তাঁকে ঠেকাচ্ছে কে? বললেন : আমি যা বলছি তাই কর। নিতান্ত অনিষ্ট সত্ত্বেও তাঁর সফরের ব্যবস্থা করা হয়। সত্ত্বেও এই বৃন্দ আল্লাহর নাম নিয়ে ঘর থেকে বেরিয়ে পড়েন। মুসলিম বাহিনী প্রস্তুত ছিল। অভিযানটি ছিল সাগর পথে। আবু তালহা

জাহাজে চড়ে সামনে এগিয়ে যাচ্ছেন। তীব্র প্রতীক্ষা, কখন শক্রসেনার মুখোমুখি হবেন। এমন সময় তাঁর ডাক এসে যায়। তিনি মৃত্যুরণ করেন।

সাগর পথে কোথাও একটু ভূমির চিহ্ন দেখা গেল না। প্রবল বায়ু ও বিক্ষুক সাগর জাহাজটি অজানা লক্ষ্যের দিকে ঠেলে নিয়ে গেল। এই মুমিন মুজাহিদের লাশ সাত দিন জাহাজের ডেকে পড়ে রইল। অবশেষে একটি অজানা ধীপ পাওয়া গেল এবং সেখানেই দাফন করা হলো। এত দিনেও লাশে পচন ধরেনি বা সামান্য বিকৃতি ঘটেনি। (তাবাকাত-৩/৫০৭, তারীখ ইবন 'আসাকির-৬/৭, তারীখুল ইসলাম ওয়া তাবাকাতুল মাশাইর-২/১২০, উসুদুল গাবা-৫/২৩৫, আনসাবুল আশরাফ-১/২৪২)

হাদীস বর্ণনার ক্ষেত্রে আবু তালহা অতিরিক্ত সতর্কতা অবলম্বন করতেন। তাঁর বর্ণিত হাদীস সমূহে বিভিন্ন মাসয়ালা অথবা যুদ্ধ-বিগ্রহের আলোচনা থাকতো। দীর্ঘ দিন তিনি রাসূলুল্লাহ (সা) সাহচর্য লাভে ধন্য হয়েছেন, অর্থ 'আমলের ফজীলাত বিষয়ক কোন বর্ণনা তাঁর থেকে পাওয়া যায় না। তাঁর বর্ণিত হাদীসের মোট সংখ্যা ৯২ টি (বিরানবুই)। তাঁর মধ্যে বুখারী ও মুসলিম প্রত্যেকে একটি করে হাদীস বর্ণনা করেছেন। 'আবদুল্লাহ ইবন 'আববাস ও আনাস ইবন মালিকসহ সাহাবীদের একটি দল এবং বিশিষ্ট 'তাবে'ইদের একটি দলও তাঁর নিকট থেকে হাদীস শুনেছেন ও বর্ণনাও করেছেন। (তাহজীবুল আসমা-১/৪৪৫, তারিখে ইবন 'আসাকির-৬/৪)

হ্যরত আবু তালহার এক দল ছাত্র ও তত্ত্ব একবার তাঁর অসুস্থ অবস্থায় দেখতে আসলো। তাঁরা দেখলো, দরয়ায় একটি ছবিযুক্ত পর্দা টাঙ্গানো। তাঁরা পরম্পর পরম্পরের দিকে তাকাতে লাগলো। একটু সাহস করে যায়িদ ইবন খালিদ বলেই ফেলেন : গতকাল তো আপনি ছবি নিষিদ্ধ হওয়া সম্পর্কিত হাদীস বর্ণনা করলেন। তিনি 'উবাইদুল্লাহ খাওলানীকে বললেন : হাঁ, তা করেছিলাম। তবে এ কথাও তো বলেছিলাম, কাপড়ে যে ছবি থাকে তা এর আওতায় পড়বেন। (মুসনাদ-৪/২৮)

একদিন আবু তালহা আহার করছেন। সাথে উবাই ইবন কা'ব এবং আনাস ইবন মালিকও আছেন। আহার শেষে আনাস অঙ্গুর জন্য পানি চাইলেন। আবু তালহা ও 'উবাই দুই জনই বললেন : গোশত খাওয়ার কারণে হয়তো অঙ্গুর কথা মনে হয়েছে? আনাস বললেন : জী হৈ! আবু তালহা বললেন : তোমরা 'তায়িবাত'- পবিত্র বস্তুসমূহ থেঁয়ে অঙ্গু করছো অর্থ রাসূল (সা) এমনটি করতেন না। (মুসনাদ-৩/২৭৯, তারীখ ইবন 'আসাকির-৬/১০)

আবু তালহা একদিন নফল রোয়া রেখেছিলেন। ঘটনাক্রমে সেই দিনই বরফ পড়েছিল। তিনি কয়েকটি তুষার খন্ড হাতে নিয়ে থেঁয়ে ফেলেন। 'আপনি তো রোয়ার মধ্যে থাচ্ছেন'- সোকেরা এ কথা বললে তিনি মন্তব্য করেন : এ একটা রবকত, এর ফিছু অর্জন করা উচিত। এ কোন খাদ্যও নয়, পানীয়ও নয়।' (মুসনাদ-৩/২৭৯, তারীখ ইবন 'আসাকির-৬/১০)

হ্যরত আবু তালহার মধ্যে কাব্য-গ্রীতি ও প্রতিভা ছিল। তিনি কবিতা রচনা করতেন, আবৃত্তিও করতেন। প্রচন্ড যুদ্ধের সময় তিনি শুন শুন করে কবিতার পঁক্তি আওড়াতেন। সীরাতের বিভিন্ন গ্রন্থে তাঁর কিছু পঁক্তি সংকলিত হয়েছে। (দ্রঃ আল-ইসাবা-৪/১১৩, তারিখ ইবন 'আসাকির-৬/৭ আল-ইসতীয়াব)

হ্যরত আবু তালহার চরিত্রের সবচেয়ে বড় বৈশিষ্ট হর্ষে রাসূল-বা রাসূলুল্লাহ (সা) প্রতি

গভীর প্রেম ও ভালোবাসা। যুদ্ধের ময়দানে শক্তি পক্ষের প্রচন্ড আক্রমণে যখন সাথীরা বিক্ষিণ্ণ হয়ে পড়েছে তখনও তিনি রাসূলুল্লাহর (সা) জন্য নিজের জীবনকে বাজি রেখে ঝুঁকে দাঁড়িয়েছেন। নিজের গোটাদেহ আড় করে দিয়ে তাঁকে হিফাজত করেছেন। প্রিয় নবীর গায়ে যেন আঁচড় লাগতে না পারে— এই আশায় তীর-বর্ণার আঘাত নিজের বুকে ধারণ করেছেন। তাঁর প্রেমের গভীরতা এর দ্বারাই কিছুটা মাপা যায়। তিনি সাধারণতঃ সকল অভিযানে রাসূলুল্লাহর (সা) সাথে থাকতেন এবং দুই জনের উটও প্রায় পাশাপাশি চলতো।

একবার মদীনায় শক্তির আক্রমণের তীতি ছড়িয়ে পড়ে। হয়রত রাসূলে কারীম (সা) আবু তালহার 'মানদূর' নামক ঘোড়াটি চেয়ে নিলেন এবং যে দিক থেকে শক্তির আক্রমণের আশঙ্কা ছিল সেই দিকেই যাত্রা করলেন। আবু তালহাও রাসূলুল্লাহর (সা) নিরাপত্তার কথা চিন্তা করে পিছনে পিছনে চললেন। কিন্তু তাঁর পৌছতেই রাসূল (সা) আবার ফিরে আসলেন এবং পথে আবু তালহার সাথে দেখা হয়ে গেল। তিনি আবু তালহাকে বললেন : সেখানে কিছু না। তোমার ঘোড়াটি খুব দ্রুতগতি সম্পর্ক।

হয়রত রাসূলে কারীমের (সা) প্রতি যে তাঁর গভীর ভালোবাসা ছিল, খুব ছোট ছোট ব্যাপারেও তা প্রকাশ পেত। তাঁর বাড়ীতে কোন জিনিস এলে তার কিছু রাসূলুল্লাহর (সা) বাড়ীতেও পাঠিয়ে দিতেন। একবার হয়রত আনাস একটি খরগোশ ধরে আনলেন। আবু তালহা খরগোশটি জবেহ করে তার একটি রান নবীগৃহে পাঠিয়ে দিলেন। একবার আবু তালহার স্তু উম্ম সুলাইম এক ধালা খেজুর পাঠালেন। রাসূল (সা) খেজুরগুলি আযওয়াজে মুতাহরাত ও অন্যান্য সাহাবীদের মধ্যে ভাগ করে দিলেন। (মুসনাদ-৩/১২৫, ১৭১)

হয়রত রাসূলে কারীমের (সা) শেষ রোগ যত্নগায়— যাতে তিনি ইত্তিকাল করেন, একদিন আবু তালহা গেলেন তাঁকে দেখতে। রাসূল (সা) তাঁকে বললেন : তোমার কাওমকে (আনসার) আমার সালাম বলবে। কারণ, তারা যা বৈধ ও উচিত নয় তা থেকে নিজেদেরকে দূরে রাখে এবং ধৈর্য ধারণ করে। (হায়াতুস সাহাবা-১/৪০১)

আবু তালহা বলেন : আমি একদিন রাসূলুল্লাহর (সা) কাছে গেলাম। তখন তাঁর চামড়া ও চেহারায় এমন এক অবস্থা দেখলাম যা এর পূর্বে আর কখনও দেখিনি। ইয়া রাসূলুল্লাহ! এমন অবস্থায় আমি আপনাকে আর কঙ্গণও দেখিনি। বললেন : আবু তালহা : এমন অবস্থা হবে না কেন। এইমাত্র জিবরীল বেরিয়ে গেলেন। তিনি আমার রবের পক্ষ থেকে সুসংবাদ নিয়ে এসেছিলেন। তিনি বলে গেলেন : আল্লাহ আমাকে আপনার কাছে এই সুসংবাদ দিয়ে পাঠিয়েছেন যে, আপনার উম্মাতের কেউ আপনার ওপর একবার দরুণ ও সালাম পেশ করলে আল্লাহ ও তাঁর ফিরিশতাগণ তার ওপর দশবার দরুণ ও সালাম পাঠ করবেন। (উসুদুল গাবা-৫/২৩৫) আহমাদ ও নাসাই অন্যভাবে হাদীসটি বর্ণনা করেছেন। তাতে আছে, জিবরীল বললেন, আপনার উম্মাতের মধ্যে যে ব্যক্তি আপনার ওপর দরুণ ও সালাম পাঠ করবে আল্লাহ তার জন্য ১০টি নেকী শিখবেন, তার ১০টি গুনাহ মাফ করবেন এবং তার ১০টি মর্যাদা বৃদ্ধি করবেন। (হায়াতুস সাহাবা-৩/৩১৩)

মদ হারাম হওয়ার পূর্বে একদিন তিনি খেজুর থেকে তৈরী 'ফাদীখ' নামক এক প্রকার মদ পান করছিলেন। এমন সময় এক ব্যক্তি এসে খবর দিল, মদ হারাম ঘোষিত হয়েছে। সাথে সাথে তিনি আনাসকে বললেন : মদের এই কলসটি তেজে ফেল। আনাস নির্দেশ পালন করলেন। (বুখারী-২/১০৭)

যখন সূরা আলে 'ইমরানের এই আয়াত-'তোমরা কোন কল্যাণই লাভ করতে পারবে না যতক্ষণ না তোমরা এমন সব জিনিস (আল্লাহর রাস্তায়) খরচ কর যা তোমাদের নিকট সর্বাধিক প্রিয়' - নাফিল হলো তখন আনসারদের যার কাছে যে সব মূল্যবান জিনিস ছিল সবই রাসূলুল্লাহর (সা) নিকট নিয়ে গেল এবং আল্লাহর রাস্তায় বিলিয়ে দিল। আবু তালহা রাসূলুল্লাহর (সা) নিকট উপস্থিত হয়ে তাঁর 'বীরাহ' নামক বিশাল তৃ-সম্পত্তি আল্লাহর রাস্তায় ওয়াক্ফ করে দিলেন। এখানে তাঁর একটি কুয়ো ছিল। কুয়োটির পানি ছিল সুশাদু এবং রাসূল (সা) এর পানি খুব পছন্দ করতেন। আবু তালহার এই দানে রাসূল (সা) খুব খুশী হয়েছিলেন। (শাজারাতুজ জাহাব-১/১০, তারীখ ইবন 'আসাকির-৬/৮, হায়াতুস সাহাবা-২/১৫৭)

আবদুল্লাহ ইবন আবী বকর থেকে বর্ণিত। একদিন আবু তালহা তাঁর একটি বাগিচার' দেয়ালের পাশে নামাযে দাঁড়িয়ে ছিলেন। এমন সময় একটি ছোট পাখী- এদিক শুধিক উড়ে বেরোনোর পথ খুঁজতে থাকে; কিন্তু ঘন খেজুর গাছের জন্য বেরোনোর পথ পেল না। আবু তালহা নামাযে দাঁড়িয়ে কিছুক্ষণ এই তামাশা দেখলেন। এদিকে নামায কত রাকায়াত পড়েছেন তা আর স্মরণ করতে পারলেন না। তাবলেন, এই সম্পদই আমাকে ফিতনায় (বিপর্যয়ে) ফেলেছে। নামায শেষ করে তিনি ছুটে গেলেন রাসূলুল্লাহর (সা) কাছে। ঘটনার বর্ণনা দিয়ে তিনি বললেন : ইয়া রাসূলুল্লাহ! এ সবই আমি সাদাকা (দান) করে দিলাম। এই সম্পদ আপনি আল্লাহর পথে কাজে লাগান। রাসূল (সা) তাঁকে বললেন : এই সম্পদ তোমার নিকট আত্মাদের মধ্যে বটন করে দাও। নির্দেশমত তিনি যাঁদের মধ্যে বটন করে দেন তাঁদের মধ্যে হাসমান ইবন সাবিত ও উবাই ইবন কা'বও ছিলেন। (তারীখ ইবন 'আসাকির-৬/৮, হায়াতুস সাহাবা-৩/৯৭, মুসনাদে আহমাদ-৩/১৪১)

একবার এক ব্যক্তি মদীনায় এলো, সেখানে থাকা-খাওয়ার কোন সংস্থান তার ছিল না। রাসূল (সা) ঘোষণা করলেন, যে এই লোকটিকে অতিথি হিসেবে গ্রহণ করবে আল্লাহ তার ওপর সদয় হবেন। আবু তালহা সাথে সাথে বললেন : আমিই নিয়ে যাচ্ছি। বাড়ীতে ছোট ছেলে-মেয়েদের খাবার ছাড়া অভিযন্ত কোন খাবার ছিল না। আবু তালহা স্ত্রীকে বললেন : এক কাজ কর, তুমি ভুলিয়ে-ভালিয়ে বাচ্চাদের ঘুম পাঢ়াও। তারপর মেহমানের সামনে খাবার হাজির করে কোন এক ছুতোয় আলো নিতিয়ে দাও। অঙ্ককারে আমরা খাওয়ার ভান করে শুধু মুখ নাড়াচাড়া করবো, আর মেহমান একাই পেট ভরে যেয়ে নেবে। যেই কথা সেই কাজ। স্থামি-স্ত্রী মেহমানকে পরিতৃপ্তি সহকারে আহার করালেন; কিন্তু ছেলে-মেয়ে সহ নিজেরা উপোস থাকলেন। সকালে আবু তালহা আসলেন রাসূলুল্লাহর (সা) নিকট। তিনি 'তাদের তীব্র প্রয়োজন থাকা সত্ত্বেও তারা অন্যকে নিজেদের ওপর প্রাধান্য দান করে' (সূরা হাশর-৯)

-এই আয়াতটি তাঁকে পাঠ করে শোনান। তারপর আবু তালহাকে বলেন, অতিথির সাথে তোমাদের রাতের আচরণ আল্লাহর খুব পছন্দ হয়েছে। (মুসলিম-২/১৯৮, হায়াতুস সাহাবা-২/১৬০, ১৬১)

নিষ্ঠা ও আন্তরিকতা ছিল আবু তালহার বিশেষ গুণ। খ্যাতি ও প্রদর্শনী থেকে তিনি সব সময় দূরে থাকতেন। 'বীরাহ' সম্পত্তি দান করার সময় তিনি কসম যেয়ে রাসূলুল্লাহকে (সা) বললেন, একথা যদি গোপন রাখতে সক্ষম হতাম তাহলে কক্ষণও প্রকাশ করতাম না। (মুসনাদ-৩/১১৫)

আবুতালহা ছিলেন বলিষ্ঠ কঠস্বরের অধিকারী। আনাস (রা) বলেন : রাসূল (সা) বলতেন, সৈন্যদের মধ্যে আবু তালহার একটি জোর আওয়ায় একদল সৈনিক থেকেও উত্তম। অন্য বর্ণনা মতে ‘এক হাজার মানুষের চেয়েও উত্তম।’ অন্য একটি বর্ণনায় এসেছে : ‘মুশরিকদের জন্য আবু তালহার একটি হংকার একদল সৈন্যের চেয়েও ত্যাংকর।’ (তারীখুল ইসলাম ওয়া তাবাকাতুল মাশাইর-২/১১৯, তারীখু ইবন ‘আসাফির-৬/৭, উসুদুল গাবা-৫/২৩৫)

হযরত রাসূলে কারীম (সা) আবু তালহার পরিবারের জন্য দু’আ করেছেন। (তারীখু ইবন ‘আসাফির-৬/৯) হযরত আনাস (রা) বলেন : রাসূলগুলাহর (সা) ওফাতের পর সারা বছরই আবু তালহা রোয়া পালন করতেন। শুধু দুই ‘ঈদ ছাড়া কখনও রোয়া ত্যাগ করতেন না। কারণ, রাসূলের (সা) জীবন্দশায় সব সময় জিহাদে ব্যস্ত থাকায় তখন রোয়া রাখতে পারতেন না। (তাহজীবুল আসমা-১/২৪৬)

ইবন হাজার ‘আল-ইসাবা’ এন্তে আবু তালহার সমান ও মর্যাদার প্রতি ইঙ্গিত করেছেন এই বলে, তিনি ছিলেন উচু শুরের মর্যাদাবান সাহাবীদের অন্যতম।

## আবু মাস'উদ আল-বদরী (রা)

আবু মাস'উদ ডাক নাম, আর এ নামেই তিনি ইতিহাসে প্রসিদ্ধ। আসল নাম 'উকবা এবং পিতার নাম 'আমর ইবন সা'লাবা। সর্বশেষ বাই'য়াতে 'আকাবায় যোগ দিয়ে সেখানেই ইসলাম গ্রহণ করেন। ওয়াকিদী বলেন : আবু মাস'উদ'আকাবায় অংশগ্রহণ করেন, তবে বদরে অনুপস্থিত ছিলেন। মুহাম্মদ ইবন ইসহাক বলেন : 'আকাবায় অংশগ্রহণকারীদের মধ্যে তিনি ছিলেন সর্বকনিষ্ঠ। (আনসাবুল আশরাফ-১/২৪৫; সৌরাতু ইবন হিশাম-১/৪৫৯; উসুদুল গাবা-৫/২৯৬) সৌরাতের কোন কোন গ্রন্থে আবু মাস'উদ আল-আনসারী নামে উল্লেখিত ব্যক্তি, আর এই আবু মাস'উদ আল-বদরী মূলতঃ একই ব্যক্তি। ইবনুল আসীর তাঁর 'উসুদুল গাবা' গ্রন্থে (৫/২৯৬) এ বিষয়টি স্পষ্টভাবে উল্লেখ করেছেন।

উহুদ এবং উহুদ পরবর্তী কাফিরদের বিরুদ্ধে পরিচালিত সকল যুদ্ধে তিনি রাসূলুল্লাহর (সা) সাথে যোগ দেন। তবে তাঁর বদর যুদ্ধে যোগদানের ব্যাপারে সৌরাত বিশেষজ্ঞদের অনেক মতভেদ আছে। অধিকাংশের মতে, তিনি বদরে যোগ দেন এবং এ কারণেই তাঁকে বদরী বলা হয়। ইমাম বুখারী খুব দৃঢ়তর সাথে বলেছেন, তিনি বদরে যোগ দিয়েছেন। আর এর স্বপক্ষে তিনি তাঁর সহীহ গ্রন্থে দলীল হিসেবে একাধিক হাদীস উপস্থাপন করেছেন। যেমন, বাশীর ইবন আবী মাস'উদ বর্ণিত একটি হাদীস। তাতে এসেছে : মুগীরা আসরের নামায দেরী করে পড়লে আবু মাস'উদ 'উকবা ইবন 'আমর তার প্রতিবাদ করেন। এ আবু মাস'উদ হচ্ছে যাযিদ ইবন হাসানের নানা এবং তিনি বদরে অংশগ্রহণ করেছিলেন। আবু 'উতবা, ইবন সালাম এবং মুসলিম 'আল-কুনা' গ্রন্থে তাঁর বদরে যোগদানের কথা বলেছেন। ইবনুল বারকী বলেন : ইবন ইসহাক তাঁকে বদরীদের মধ্যে উল্লেখ করেননি। তাবারানী বলেন : কুফাবাসীরা দাবী করেন, তিনি বদরে যোগ দিয়েছেন। কিন্তু মদীনাবাসীরা তাঁকে বদরীদের মধ্যে উল্লেখ করেন না। ইবন সা'দ আল-ওয়াকিদী থেকে বর্ণনা করেছেন। তিনি বলেছেন : আবু মাস'উদ যে বদরে যোগ দেননি, এ ব্যাপারে আমাদের সংগী-সাথীদের মধ্যে কোন মতভেদ নেই। তিনি বদরে বসবাস করেছিলেন, এ কারণে তাঁকে বদরী বলা হয়। (আল-ইসাবা-২/৮৯০, ৮৯১; সৌরাতু ইবন হিশাম-১/৪৫৯; উসুদুল গাবা-৫/২৯৬)

নবুওয়াতের যুগ ও প্রথম তিন খ্লীফার সময় পর্যন্ত আবু মাস'উদ মদীনায় ছিলেন। জীবনের কোন এক পর্যায়ে কিছু দিনের জন্য বদরের পানির ধারে বসবাস করেছিলেন। হ্যরত 'আলীর খিলাফতকালে মদীনা ছেড়ে কুফায় চলে যান এবং সেখানে বাড়ী তৈরী করে বসবাস করেন। (আল-ইসাবা-৪/২৫২; আনসাবুল আশরাফ-১/২৪৫)

হ্যরত 'আলী (রা) ও হ্যরত মু'য়াবিয়ার (রা) মধ্যে বিরোধের সময় আবু মাস'উদের ভূমিকার বিষয়ে পরম্পর বিরোধী বর্ণনা দেখা যায়। একটি বর্ণনা মতে, তিনি ছিলেন হ্যরত মু'য়াবিয়ার (রা) ঘনিষ্ঠজনদের একজন। হ্যরত মু'য়াবিয়ার (রা) যখন সিফ্ফাই যুদ্ধে যান তখন তাঁকে কুফায় নিজের স্থলাভিষিক্ত করে যান। তাঁর না ফেরা পর্যন্ত আবু মাস'উদ কুফার আমীরের দায়িত্ব পালন করেন। (আল-ইসাবা-২/৮৯১) পক্ষান্তরে অন্য একটি বর্ণনা মতে,

তিনি ছিলেন হযরত 'আলীর (রা) সহচর। 'আলীর (রা) সময়ে তিনি কুফায় যান এবং 'আলী (রা) সিফ্ফীনে যাওয়ার সময় তাঁকে কুফার আমীরের দায়িত্ব দিয়ে যান। (আনসাবুল আশরাফ-১/২৪৫; আল-আ'লাম-৪/২৪১) শেষের বর্ণনাটিই সঠিক। কারণ সিফ্ফীন যুদ্ধের সময় কুফা ছিল হযরত 'আলীর (রা) অধীনে, মু'য়াবিয়ার (রা) অধীনে নয়।

হযরত আবু মাস'উদ্দেশ্যমূল্যের সন ও স্থান সম্পর্কে মতভেদ আছে। কেউ কেউ বলেছেন, সিফ্ফীন যুদ্ধের পর তিনি কুফা থেকে জন্মাতৃমি মদীনায় ফিরে আসেন এবং সেখানে মারায়ান। আবার অনেকে বলেছেন, তাঁর মৃত্যু হয় কুফায়। (আল-ইসাবা-২/৪৯১; আল-আ'লাম-৪/২৪১)

তাঁর মৃত্যুর সন সম্পর্কেও মতভেদ আছে। হিজরী ৪১ ও ৪২ দু'টি তাঁর মৃত্যু সন বলে কথিত হয়েছে। আবার অনেকে বলেছেন, হযরত মু'য়াবিয়ার (রা) খিলাফতের শেষ দিকে হিজরী ৬০ সনে তাঁর মৃত্যু হয়। (উসুদুল গাবা-৫/২৯৬) তবে এটা ঠিক যে হযরত মুগীরা ইবন শু'বার (রা) কুফার শাসন কর্তৃত্বের সময় তিনি জীবিত ছিলেন। নিচিতভাবে তা ছিল হিজরী ৪০ সনের পরে। (আল-ইসাবা-২/৪৯১)

হযরত আবু মাস'উদের এক পুত্র ও এক কন্যার পরিচয় জানা যায়। পুত্রের নাম বাশীর এবং কন্যা ছিলেন হযরত ইমাম হাসানের (রা) সহধর্মিনী। তাঁরই গর্তে জন্মগ্রহণ করেন হযরত যায়িদ ইবন হাসান। বাশীরের জন্ম হয় রাসূলুল্লাহর (সা) জীবন্দশায় বা তার কিছু পরে।

হযরত আবু মাস'উদ (রা) রাসূলুল্লাহর (সা) হাদীসের প্রচার-প্রসারের দায়িত্ব অত্যন্ত শুরুত্বের সাথে পালন করেন। হাদীস বর্ণনাকারী সাহাবীদের তৃতীয় তবকা বা স্তরে তাঁকে গণ্য করা হয়। হাদীসের বিভিন্ন গ্রন্থে তাঁর বর্ণিত ১০২ (একশো দুইটি) হাদীস পাওয়া যায়। (আল-'আলাম-৪/২৪১) তাবে'ঈদের মধ্যে যাঁরা তাঁর থেকে হাদীস বর্ণনা করেছেন তাঁদের খ্যাতিমান কয়েকজনের নাম :

বাশীর, আবদুল্লাহ ইবন ইয়ায়ীদ খুতায়ী, আবু ওয়ায়িল, 'আলকামা, কায়স ইবন আবী হাতেম, 'আবদুর রহমান ইবন ইয়ায়ীদ নাখ'ঈ, ইয়ায়ীদ ইবন শুরাইক, মুহাম্মদ ইবন 'আবদিল্লাহ ইবন যায়িদ ইবন 'আবদি রাবিহি-আনসারী প্রমুখ।

রাসূলুল্লাহর (সা) জীবনাচারের অনুসরণ এবং 'আমর বিল মা'রফ ছিল তাঁর চরিত্রের প্রধান বৈশিষ্ট্য। রাসূলুল্লাহর (সা) আদেশ-নিষেধকে অত্যন্ত শ্রদ্ধাভরে পালন করতেন। একবার তিনি তাঁর এক দাসকে মারছেন। এমন সময় পিছন থেকে আওয়ায় ভেসে এলা : 'আবু মাস'উদ! একটু ভেবে দেখ। যে আল্লাহ তোমাকে তার উপর ক্ষমতাবান করেছেন, তিনি তাকেও তোমার উপর ক্ষমতাবান করতে পারতেন।' আওয়ায়টি ছিল রাসূলুল্লাহর (সা)। আবু মাস'উদ তাঁষণ প্রতিবিত হন। সেই মুহূর্তে তিনি শপথ করেন, আগামীতে কোন দিন আর কোন দাসের গায়ে হাত তুলবেন না। আর সেই দাসটিকে তিনি আয়াদ (মুক্ত) করে দেন। (মুসনাদ-৫/২৭৩,২৭৪)

আমর বিল মা'রফের দায়িত্ব পালন থেকেও তিনি কক্ষণে উদাসীন ছিলেন না। আর এ ব্যাপারে ছোট-বড় কারো পরোয়া করতেন না। হযরত মুগীরা ইবন শু'বা (রা) তখন কুফার আমীর। একদিন তিনি একটু দেরীতে আসেরের নামায পড়ালেন। সাথে সাথে আবু মাস'উদ প্রতিবাদ করলেন। তিনি বললেন : আপনার জানা আছে, রাসূল (সা) পৌঁচ ওয়াক্ত নামায জিবরীলের বর্ণনা মত সময়ে আদায় করতেন, আর বলতেনঃ এভাবেই আমাকে নির্দেশ দেওয়া হয়েছে। (বুখারী-২/৫৭১)

তিনি নিজে রাস্তুল্লাহর (সা) সূন্নাতের হবহ অনুসরণ করতেন। একদিন তিনি লোকদের জিজ্ঞেস করলেন, তোমরা কি জান রাস্তুল্লাহ (সা) কিভাবে নামায আদায় করতেন? তারপর তিনি নামায আদায় করে তাদেরকে দেখিয়ে দেন। (মুসনাদ-৫/১২২)

নামাযের জামা'য়াতে গায়ে গা মিশিয়ে দৌড়ানো রাসূলের (সা) সূন্নাত। তিনি যখন দেখলেন, লোকেরা তা পুরোপুরি পালন করছে না, তখন বলতেনঃ এমনভাবে দৌড়ানোর ফায়দা এ ছিলো যে, তাঁরা ঐক্যবদ্ধ ছিলেন। এখন তোমরা দূরে দূরে দৌড়াও, এ জন্যেই তো বিরোধ সৃষ্টি হয়েছে।

হ্যরত আবু মাস'উদকে (রা) মুফতী সাহাবীদের মধ্যে গণ্য করা হয় না। তবে তিনি মাঝে মধ্যে ফাতওয়া দিতেন। ইবন 'আবদিল বার তাঁর 'জামি'উল 'ইলম' গ্রন্থে (২/১৬৬) ইবন সৈরীন থেকে বর্ণনা করেছেন। তিনি বলেনঃ খলিফা 'উমার একবার আবু মাস'উদকে বলেনঃ আমাকে কি অবহিত করা হয়নি যে, তুমি ফাতওয়া দান করে থাক? ফাতওয়ার উষ্ঠতা তার জন্য ছেড়ে দাও যে তার শৈত্যের স্পর্শ দাঙ করেছে। অর্থাৎ আমীরের জন্য। আর ভূমি তো আমীর নও। (হায়াতুস সাহাবা-২/২৫৩) ■

## আবু কাতাদাহ আল-আনসারী (রা)

হয়রত আবু কাতাদাহ মদীনার বিখ্যাত খায়রাজ গোত্রের বনী সুলামা শাখার সন্তান। তাঁর আসল নামের ব্যাপারে মতভেড় আছে। কেউ বলেছেন ‘আল হারিস’; আবার কেউ বলেছেন ‘আমর’। আল-কালবী ও ইবন ইসহাকের মতে ‘আন-নু’মান’। তবে ‘আল-হারিস’ অধিকতর প্রসিদ্ধ। ইতিহাসে তিনি ‘আবু কাতাদাহ’ এ ডাক নামেই খ্যাত। পিতা রাব’য়ী ইবন বালদামা এবং মাতা কাবশা বিনতু মুতাহহির। তিনিও খায়রাজ গোত্রের বনী সুলামার সাওয়াদ ইবন গানাম শাখার মেয়ে। রাসূলুল্লাহর (সা) মদীনায় হিজরাতের ১৮ বছর পূর্বে ৬০৪ খ্রীষ্টাব্দে মদীনায় জন্ম গ্রহণ করেন। (উসুদুল গাবা-৫/২৭৪, আল ইসাবা-৪/১৫৮; আল-আ’লাম-২/১৫৪) তাবুক যুদ্ধে যোগদান না করার কারণে যে কা’ব ইবন মালিক আল-আনসারীর শাস্তি হয় এবং পরে আল্লাহ পাক যাঁকে ক্ষমা করেন, তিনি আবু কাতাদাহৰ চাচাতো ভাই। সে সময় তিনিও অন্য সকলের মত কা’বকে বয়কট করেন। (হায়াতুস সাহাবা-১/৪৬৭)

শেষ ‘আকাবার’ পরে কোন এক সময় তিনি ইসলাম গ্রহণ করেন। বদর যুদ্ধে তাঁর অংশ গ্রহণের ব্যাপারে সীরাত বিশেষজ্ঞদের মতবিরোধ আছে। অনেকে তাঁকে বদরী সাহাবী বলেছেন। তবে মুসা ইবন ‘উকবা বা ইবন ইসহাক, এঁদের কেউই বদরী সাহাবীদের তালিকার মধ্যে তাঁর নামটি উল্লেখ করেননি। উছদসহ পরবর্তী সকল যুদ্ধে রাসূলুল্লাহর (সা) সাথে যোগ দেন। (আল-ইসাবা-৪/১৫৮; উসুদুল গাবা-৫/২৭৪)

৬ হিজরীর রবীউল আউয়াল মাসে জীকারাদ বা গাবা অভিযান পরিচালিত হয়। সেই অভিযানে তিনি দারুন দুঃসাহসের পরিচয় দান করেন। হয়রত রাসূলে কারীমের (সা) উটগুলি জীকারাদ নামক একটি পল্লীতে চরতো। রাসূলুল্লাহর (সা) দাস রাবাহ ছিলেন সেই উটগুলির দায়িত্বে। গাতফান গোত্রের কিছু লোক রাখালদের হত্যা করে উটগুলি লুট করে নিয়ে যায়। প্রথ্যাত সাহাবী হয়রত সালামা ইবন আকওয়া এ সংবাদ পেয়ে আরবের প্রচলিত নিয়ম অনুযায়ী পাহাড়ের চূড়ায় দাঁড়িয়ে মদীনার দিকে মুখ করে শক্তির আক্রমণের সতর্ক ধ্বনি ‘ইয়া সাবাহাহ!’ বলে তিনিবার চিন্কার দেন। অন্যদিকে রাবাহকে দ্রুত রাসূলুল্লাহর (সা) নিকট পাঠিয়ে দিয়ে নিজে গাতফানী লুটেরাদের পিছে ধাওয়া করেন। হয়রত রাসূলে কারীম (সা) তাঁকে সাহায্যের জন্য দ্রুত তিনজন অশ্বারোহীকে পাঠিয়ে দেন এবং তাঁদের পিছনে তিনি নিজেও বেরিয়ে পড়েন। সালামা ইবন আকওয়া মদীনার সাহায্যের প্রতীক্ষায় ছিলেন। কিছুক্ষণের মধ্যে তিনি দেখতে পেলেন, আবু কাতাদাহ আল-আনসারী, আল-আখরাম আল-আসাদী এবং তাঁদের পিছনে মিকদাদ আল-কিন্দী বাতাসের বেগে ঘোড়া ছুটিয়ে আসছেন। এই অশ্বারোহীদের দেখে গাতফানীরা উট ফেলে পালানোর চেষ্টা করে। কিন্তু আল-আখরাম আল-আসাদীর মধ্যে তখন শাহাদাতের তীব্র বাসনা কাজ করছে। তিনি সালামার নিষেধ অমান্য করে গাতফানীদের পিছে ধাওয়া করেন। এক পর্যায়ে তাঁর ও ‘আবদুর রহমান গাতফারী’র মধ্যে হাতাহাতি লড়াই হয় এবং আল-আখরাম শাহাদাত বরংগ করেন। আবদুর রহমান আল-আখরামের ঘোড়াটি নিয়ে পালানোর চেষ্টা করে। এমন সময় আবু কাতাদাহ এসে উপস্থিত হন এবং তিনি বর্ণার এক খৌচায় আবদুর রহমানকে হত্যা করেন। (আল-কামিল ফী আত-

তারীখ-২/১৮৯-১৯১; আল-ইসাবা-৪/১৫৮; হায়াতুস সাহাবা-১/৫৬১; সাহীহ মুসলিম-২/১০১)

অন্য একটি বর্ণনা মতে এই জীকারাদ যুদ্ধে আবু কাতাদাহ যাকে হত্যা করেন তার নাম হাবীব ইবন 'উয়াইনা ইবন হিস্ন। তিনি হাবীবকে হত্যা করে নিজের চাদর দিয়ে লাশটি ঢেকে শক্তর পিছনে আরও এগিয়ে যান। পিছনের লোকেরা যখন দেখতে পেল, আবু কাতাদাহর চাদর দিয়ে একটি লাশ ঢাকা তখন তারা মনে করলো, নিচয় এ আবু কাতাদাহর লাশ। সাথে সাথে তারা 'ইমালিল্লাহ' উচ্চারণ করলো। তারা নিজেরা বলাবলি করতে লাগলো; আবু কাতাদাহ নিহত হয়েছে। একথা শুনে রাসূল (সা) বললেন; আবু কাতাদাহ নয়; বরং আবু কাতাদাহর হাতে নিহত ব্যক্তির লাশ। সে একে হত্যা করে নিজের চাদর দিয়ে ঢেকে রেখে গেছে, যাতে তোমরা বুঝতে পার, এর ঘাতক সেই। এ যুদ্ধে আবু কাতাদাহর ঘোড়াটির নাম ছিল 'হায়ওয়া'। (সৈরাতু ইবন হিশাম-২/২৮৪)

আবু কাতাদাহ বলেন, জীকারাদের দিন অভিযান শেষে রাসূলল্লাহর (সা) সাথে আমার দেখা হলে তিনি আমার দিকে তাকিয়ে দু'আ করেন : হে আল্লাহ! তুমি তার কেশ ও তৃকে বরকত দাও। তার চেহারাকে কামিয়াব কর। আমি বললাম : ইয়া রাসূলল্লাহ ! আল্লাহ আপনার চেহারাও কামিয়াব করোন! (উসুদুল গাবা-৫/২৭৫) এ দিন তাঁর বীরত্ব ও সাহসিকতার বর্ণনা শুনে রাসূল (সা) মন্তব্য করেনঃ 'আবু কাতাদাহ আজ আমাদের সর্বোত্তম অশারোহী।' (আল-কামিল ফী আত-তারীখ-২/১৯১; আল-ইসাবা-৪/১৫৮)

হুদাইবিয়া সন্ধির সফরে রাসূলল্লাহর (সা) সাথে আবু কাতাদাহও ছিলেন। এ সফরে ফেরার পথে একদিন রাসূলসহ (সা) তাঁর সফর সঙ্গীদের ফজরের নামায কাজা হয়ে যায়। সে কাজা নামায কখন কিভাবে রাসূল (সা) আদায় করেছিলেন তার একটা বিবরণ আবু কাতাদাহ বর্ণিত একটি হাদীস থেকে জানা যায়। (হায়াতুস সাহাবা-৩/২৯)

হিজরী সপ্তম অথবা অষ্টম সনে রাসূল (সা) আবু কাতাদাহর নেতৃত্বে একটি বাহিনী 'ইদাম' -এর দিকে পাঠান। এই 'ইদাম' একটি স্থান বা একটি পাহাড়ের নাম এবং মদীনা থেকে শামের রাত্তায়। তাঁর 'ইদাম' উপত্যকায় পৌছানোর পর তাঁদের পাশ দিয়ে 'আমের ইবন আল-আদবাত আল-আশজা'য়ী যাচ্ছিলেন। তিনি আবু কাতাদাহ ও তাঁর বাহিনীর সদস্যদের সালাম দিলেন। তা সত্ত্বেও পূর্ব শক্রতার কারণে এ বাহিনীর সদস্য মুহাম্মদ ইবন জাসসামা ইবন কায়েস তাঁকে হত্যা করেন এবং তাঁর উট ও অন্যান্য জিনিস ছিনিয়ে নেন। তাঁরা রাসূলল্লাহর (সা) নিকট উপস্থিত হয়ে যখন তাঁকে এ ঘটনা অবহিত করেন তখন সূরা আন নিসার ৯৪ নং আয়াতটি নাখিল হয়। (আনসাবুল আশরাফ-১/৩৮১; হায়াতুস সাহাবা-২/৩৮৯)

'হে মুমিনগণ! তোমরা যখন আল্লাহর পথে যাত্রা করবে তখন পরীক্ষা করে নেবে কেউ তোমাদেরকে সালাম দিলে ইহ-জীবনের সম্পদের আকাঙ্ক্ষায় তাকে বলো না, 'তুমি মুমিন নও'। কারণ, আল্লাহর নিকট অন্যাসলভ্য সম্পদ প্রচুর আছে। তোমরা তো পূর্বে এরূপই ছিলে, অতঃপর আল্লাহ তোমাদের প্রতি অনুগ্রহ করেছেন। সুতরাং তোমরা পরীক্ষা করে নেবে। তোমরা যা কর আল্লাহ সে বিষয়ে বিশেষভাবে অবহিত'<sup>১</sup> (সূরা আন নিসা-৯৪)

হিজরী ৮ম সনের শা'বান মাসে রাসূল (সা) নাজুদের 'খাদরাহ' নামক স্থানের দিকে পনেরো সদস্যের একটি বাহিনী পাঠান। আবু কাতাদাহ ছিলেন এই বাহিনীর আধীর। সেখানে

গাতফান গোত্রের বসতি ছিল। তারা ছিল মুসলমানদের চরম শক্তি এক লুটেরো গোত্র। তাদের ওপর অতর্কিত আক্রমণের উদ্দেশ্য ছিল। একারণে সারা রাত চলতেন এবং দিনে কোথাও লুকিয়ে থাকতেন। এভাবে হঠাৎ তাঁরা গাতফান গোত্রে পৌছে যান। তারাও ছিল ভীষণ সাহসী। সাথে সাথে বহলোক উপস্থিত হয়ে গেল এবং যুদ্ধ শুরু হলো। আবু কাতাদাহ সঙ্গীদের বললেন, যারা তোমাদের সাথে লড়বে শধু তাদেরকেই হত্যা করবে। সবাইকে ধাওয়া করার কোন প্রয়োজন নেই। এমন নীতি গ্রহণের ফলে দ্রুত যুদ্ধ শেষ হয়ে গেল। মাত্র ১৫ দিন পর প্রচুর গণীমতের মাল সংগে নিয়ে মদীনায় ফিরে আসলেন। গণীমতের মালের মধ্যে ছিল দু'শৈল উট, দু' হাজার ছাগল এবং বহু বন্দী। এই মালের এক পক্ষরাখ পৃথক করে রেখে বাবী সবই তাঁদের মধ্যে বন্টন করে দেওয়া হয়।

এ ঘটনার কিছু দিন পর আল্লাহর রাসূল (সা) রমজান মাসে ৮ জন লোকের একটি দল ‘বাতানে আখাম’-এর দিকে পাঠান। এন্দেরও নেতা ছিলেন আবু কাতাদাহ। ‘বাতানে আখাম’-এর অবস্থান হচ্ছে জী-খাশাব ও জী-মারওয়ার মাঝামাঝি মদীনা থেকে মক্কার দিকে তিন মানসিল দূরে। রাসূল (সা) মক্কায় সেনা অভিযান পরিচালনার সিদ্ধান্ত নিয়েছিলেন। মানুষ যাতে একথা মোটেই বুঝতে না পারে এ জন্য এই দলটিকে পাঠান। মূলতঃ মানুষের চিন্তা অন্য দিকে ঘুরিয়ে দেওয়ার উদ্দেশ্যেই একাজ করেন। জী-খাশাব পৌছার পর এ দলটি জানতে পেল যে, রাসূল (সা) মক্কার দিকে বেরিয়ে পড়েছেন। সুতরাং তাঁরা ‘সুকাইয়া’ নামক স্থানে রাসূললুহর (সা) বাহিনীর সাথে মিলিত হন। (তাবাকাতঃ মাগায়ী অধ্যায়-১১)

মক্কা বিজয়ের পর হনাইন অভিযান পরিচালিত হয়। এ অভিযানে লড়াই এত তীব্র ছিল যে, মুসলমানদের অনেক বড় বড় বীরও পিছু হঠতে বাধ্য হন। আবু কাতাদাহ এ যুদ্ধে দারুল বীরত্ব প্রদর্শন করেন। এক স্থানে একজন মুসলমান ও একজন মুশৰিক সৈনিকের মধ্যে হাতাহাতি লড়াই হচ্ছে। দ্বিতীয় একজন পিছুন দিক থেকে মুসলিম সৈনিককে আক্রমণের পায়তারা করছে। ব্যাপারটি আবু কাতাদাহর নজরে পড়লো। তিনি চুপিসারে এগিয়ে গিয়ে পিছুন দিক থেকে লোকটির কাঁধে তরবারির ঘা বসিয়ে দিলেন। লোকটির একটি হাত কেটে পড়ে গেল; কিন্তু অতর্কিতে সে দ্বিতীয় হাতটি দিয়ে আবু কাতাদাহর গলা পেঁচিয়ে ধরলো। লোকটি ছিল অতি শক্তিশালী। সে এত জোরে আবু কাতাদাহকে চাপ দিল যে, তাঁর প্রাণ বেরিয়ে যাবার উপক্রম হলো। দু'জনের মধ্যে ধন্তাধন্তি চলছে, এর মধ্যে লোকটির দেহ থেকে প্রচুর রক্তক্ষরণ হওয়ায় সে দুর্বল হয়ে পড়ে। এই সুযোগে আবু কাতাদাহ লোকটির দেহে আরেকটি ঘা বসিয়ে দেন। লোকটি মাটিতে লুটিয়ে পড়ে।

আবু কাতাদাহ যখন তার হত্যা কর্মে ব্যস্ত তখন মক্কার এক মুসলিম সৈনিক সেই পথে যাচ্ছিল। সে নিহত ব্যক্তির সকল সাজ-সরঞ্জাম ও জিনিসপত্র হাতিয়ে নিয়ে গেল। এরপর মুসলিম বাহিনীর মধ্যে দারুল ত্রাস ছড়িয়ে পড়ে। তারা ময়দান থেকে যে যেদিকে পারে, পালিয়ে যাচ্ছিল। আবু কাতাদাহও এক দিকে যাচ্ছেন। পথে এক স্থানে হযরত ‘উমারের (রা)’ সাথে দেখা। আবু কাতাদাহ তাঁকে জিজেস করলেনঃ কী ব্যাপার? ‘উমার (রা)’ বললেনঃ আল্লাহর যা ইচ্ছা। এর মধ্যে মুসলমানরা দুর্বলতা বেড়ে ফেলে পান্টা আক্রমণ শুরু করে এবং রণফোর্মে আধিপত্য বিস্তার করে।

আবু কাতাদাহ বলেনঃ যুদ্ধ থেমে গেল। আমরাও বিশ্রাম নিচ্ছি। এমন সময় রাসূললুহ (সা)

ঘোষণা করলেনঃ কেউ কোন ব্যক্তিকে হত্যা করলে হত্যাকারী নিহত ব্যক্তির পরিত্যক্ত জিনিস লাভ করবে। আমি বললামঃ ইয়া রাসূলাল্লাহ! আমি একজন সাজ-সরঞ্জামবিশিষ্ট ব্যক্তিকে হত্যা করেছি। আমি যখন তার হত্যা কর্মে ব্যস্ত তখন কে একজন তাঁর জিনিস ছিনিয়ে নিয়ে গেছে। আমি তাকে চিনিনে। তখন মক্কার সেই ব্যক্তি বললোঃ ইয়া রাসূলাল্লাহ! সে সত্য বলেছে। নিহত ব্যক্তির জিনিস আমার কাছে আছে। সেগুলি আমাকে দেওয়ার জন্য তাঁকে একটু রাজী করিয়ে দিন।

সাথে সাথে আবু বকর (রা) বলে উঠলেনঃ আল্লাহর কসম! রাসূল (সা) তাকে রাজী করাবেন না। একজন শেরে খোদা আল্লাহর রাহে জিহাদ করেছে, আর তুমি তার প্রাপ্য জিনিস হাতানোর মতলবে আছ? নিহত ব্যক্তির জিনিস তাকে দিয়ে দাও। তখন রাসূল (সা) বললেনঃ আবু বকর সত্য বলেছে। তুমি তার লুঁষ্টিত দ্রব্য ফিরিয়ে দাও। আবু কাতাদাহ্ বললেনঃ আমি সেই জিনিসগুলি নিয়ে বিক্রী করি এবং সে অর্থ দিয়ে দশটির মত খেজুর গাছ ক্রয় করি�। ইসলাম গ্রহণের পর এই ছিল আমার প্রথম কোন সম্পদ ক্রয়। (সীরাতু ইবন হিশাম-২/৪৪৮, ৪৪৯; হায়াতুস সাহাবা-২/১০০, ১১; মুসনাদ-৫/৩০৬)

রাসূলাল্লাহর (সা) ইন্তিকালের পর খলীফাদের সময়ে আবু কাতাদাহ্ কর্মকাণ্ডের বিস্তারিত তেমন কোন তথ্য পাওয়া যায় না। হ্যরত 'উসমান (রা) যখন বিদ্রোহীদের দ্বারা মদীনায় নিজ গৃহে ঘেরাও অবস্থায়, তখন হজ্জ মওসুম। সে সময় একদিন আবু কাতাদাহ্ অন্য একজন লোককে সংৎগে করে খলীফা 'উসমানের (রা) নিকট গিয়ে হজ্জে যাওয়ার অনুমতি চান। তিনি তাদেরকে অনুমতি দেন। তখন তারা খলীফার নিকট জানতে চানঃ যদি এই বিদ্রোহীরা বিজয়ী হয় তাহলে তাঁরা কার সাথে থাকবেন? খলীফা বললেনঃ সংখ্যা গরিষ্ঠ জামা'য়াতের সাথে। তাঁরা আবার প্রশ্ন করেনঃ যদি এই সংখ্যা গরিষ্ঠ জামা'য়াতেই আপনার ওপর বিজয়ী হয় তখন কার সাথে থাকবো? সংখ্যা গরিষ্ঠ দল যারাই হোক না কেন তাদের সাথে থাকবে। (হায়াতুস সাহাবা-২/১২৬)

হ্যরত আলী (রা) তাঁকে একবার মক্কার আমীর নিয়োগ করেন। পরে তাঁর স্থলে কুছাম ইবন 'আবুসকে নিয়োগ করেন। হিজরী ৩৬ সনে উটের যুদ্ধ এবং এর পরের বছর সিফাফীনের যুদ্ধ সংঘটিত হয়। হ্যরত আবু কাতাদাহ্ (রা) দু'টি যুদ্ধেই হ্যরত আলীর (রা) পক্ষে যোগ দেন। (আল-আ'লাম-২/১৫৪; আল-ইসাবা-৪/১৫৮) হিজরী ৩৮ সনে খারেজীরা বিদ্রোহের পতাকা উড়ত্বীন করে। হ্যরত আলী (রা) যে বাহিনী নিয়ে তাদের বিরুদ্ধে অভিযান পরিচালনা করেন, আবু কাতাদাহ্ ছিলেন তার পদাতিক দলের অফিসার।

হ্যরত আবু কাতাদাহ্ (রা) মৃত্যু সন নিয়ে দারূল্ম মতভেদ আছে। কুফাবাসীদের মতে হিজরী ৩৮ সনে তিনি কুফায় মারা যান এবং হ্যরত আলী (রা) সাত তাকবীরের সাথে তাঁর জানায়ার নামায পড়ান। ইমাম শা'বী বলেন, সাত নয়, বরং ছয় তাকবীরের সাথে। হাসান ইবন 'উসমান বলেন, তিনি হিজরী-৪০ সনে মারা যান। ওয়াকিদী বলেন, হিজরী ৫৪ সনে ৭২ বছর বয়সে মদীনায় মারা যান। আবার কেউ বলেছেন, ৭২ নয়; বরং ৭০ বছর বয়সে। ইমাম বুখারী 'আল-আওসাত' গ্রন্থে যারা হিজরী ৫০ থেকে ৬০ সনের মধ্যে মারা গেছেন, তাঁদের মধ্যে আবু কাতাদাহ্ নামটি উল্লেখ করেছেন। তিনি আরো বলেছেন, মারওয়ান যখন মু'য়াবিয়ার (রা) পক্ষ থেকে মদীনার ওয়ালী তখন তিনি আবু কাতাদাহকে একবার দেখা করার জন্য ডেকে পাঠান

এবং তিনি মারওয়ানের সাথে দেখা করেন। এর সমর্থনে আর একটি বর্ণনা দেখা যায়। মু'য়াবিয়া (রা) যখন মদীনায় আসেন তখন সবশ্রেণীর মানুষ তাঁর সাথে দেখা করে। তখন তিনি আবু কাতাদাহকে ডেকে বলেনঃ শুধু আপনারা—আনসাররা ছাড়া সব মানুষই আমার সাথে দেখা করেছে। এসব বর্ণনা দ্বারা নিচিতভাবে বুঝা যায় তিনি হিজরী ৪০ সনের পরে মারা গেছেন। (দ্রঃ আল-ইসাবা/১/১৫৯; আল-আ'লাম-২/১৫৪; উসুলুল গাবা-৫/২৭৫)

হয়রত আবু কাতাদাহ্র (রা) দৈহিক আকার-আকৃতি সম্পর্কে তেমন কিছু জানা যায় না, তবে তিনি ঘাড় পর্যন্ত চুল রাখতেন যাকে 'হায়িয়া' বলা হয়। চুলে মাঝে মাঝে চিরক্রনী করতেন। হয়রত রাসূলে কারীম (সা) একবার তাঁর চুলের অ্যত্ব ও বিক্ষিপ্ত অবস্থা দেখে বলেন, এগুলি একটু ঠিক কর। মানুষের উচিত চুল রাখলে তার যত্ন নেওয়া। অন্যথায় সে রাখায় ফায়দা কি?

তাঁর ছিল চার ছেলেঃ আবদুল্লাহ, মা'বাদ, আবদুর রহমান ও সাবিত। শেষের জন ছিলেন দাসীর গর্ভজাত। তাঁর স্ত্রীর নাম ছিল সালাফা বিনতু 'বারা' ইবন মা'রর ইবন সাখার। সুলামা খান্দানের এক অভিজাত ঘরের মেয়ে। তিনি নিজেও একজন 'সাহাবিয়া' (মহিলা সাহাবী) এবং তাঁর পিতা 'বারা' ইবন মা'রর ইবন সাখারও ছিলেন একজন খ্যাতিমান সাহাবী।

হয়রত আবু কাতাদাহ কুরআন-হাদীসের প্রচার প্রসারের দায়িত্ব সম্পর্কে মোটেই উদাসীন ছিলেন না। হাদীস বর্ণনার ব্যাপারে ছিলেন দারুল সতর্ক। রাসূলুল্লাহর (সা) নিকট থেকে 'কিজব 'আলার রাসূল'- বা রাসূলের প্রতি মিথ্যা আরোপের হাদীস শোনার পর থেকে হাদীসের ব্যাপারে দারুল সতর্কতা আবলম্বন করেন। (মুসনাদ-৫/২৯২)

একদিন তাবেঙ্গদের একটি মজলিসে হাদীসের চর্চা হচ্ছিল। প্রত্যেকেই বলছিলেন, 'রাসূল (সা) এমন বলেছেন, রাসূল (সা) এমন বলেছেন'। আবু কাতাদাহ তাঁদের এসব আলোচনা শুনে বললেন; হতভাগার দল, তোমাদের মুখ থেকে এসব কী বের হচ্ছে? রাসূল (সা) মিথ্যা হাদীস বর্ণনাকারীদের জাহানামের শাস্তির কথা বলেছেন। (মুসনাদ-৫/৩১০)

এত সতর্কতা সত্ত্বেও তাঁর বর্ণিত হাদীসের সংখ্যা ১৭০ (একশত সত্ত্ব)। তাঁর থেকে হাদীস বর্ণনাকারীদের মধ্যে যেমন শ্রেষ্ঠ সাহাবাগণ আছেন, তেমনি আছেন শ্রেষ্ঠ তাঁবে'ইগণও। যেমনঃ আনাস ইবন মালিক, জাবির ইবন 'আবদিল্লাহ, আবু মুহাম্মাদ নাফে, (তাঁর আযাদকৃতদাস), সা'ঈদ ইবন কা'ব ইবন মালিক, কাবশা বিনতু কা'ব ইবন মালিক, 'আবদুল্লাহ ইবন রাবাহ, 'আতা ইবন ইয়াসার, আবু সালামা ইবন 'আবদির রহমান ইবন 'আউফ, 'উমার ইবন সুলাইম যারকী, 'আবদুল্লাহ ইবন মা'বাদ, মুহাম্মাদ ইবন সীরান, সা'ঈদ ইবন মুসায়িব প্রমুখ। উল্লেখিত ব্যক্তিগণের সকলেই হাদীস শাস্ত্রের এক একজন উজ্জ্বল নক্ষত্র।

হয়রত আবু কাতাদাহ্র মধ্যে ইসলামী উখুওয়াত বা আত্মের চরম বিকাশ ঘটেছিল। একবার রাসূলুল্লাহর (সা) সামনে এক আনসারী ব্যক্তির মৃতদেহ আনা হলো জানায়ার জন্য। রাসূল (সা) প্রথমে জানতে চাইলেন, তর ওপর কোন ঝণ আছে কিনা। লোকেরা বললো তার দু'দীনার ঝণ আছে। তিনি আবার জানতে চাইলেন, সে কোন সম্পদ রেখে গেছে কিনা। লোকেরা বললো, না, সে কিছুই রেখে যায়নি। তখন রাসূল (সা) বললেনঃ তোমরা তার নামায পড়। হয়রত আবু কাতাদাহ আরজ করলেনঃ ইয়া রাসূলুল্লাহ আমি যদি তার ঝণ পরিশোধ

করে দেই, আপনি কি নামায পড়াবেন? বললেনঃ হী। আবু কাতাদাহ লোকটির ঝণ পরিশোধ করে রাসূলকে (সা) খবর দিলেন। রাসূল (সা) এসে জানায়ার নামায পড়ান। (মুসনাদ-৫/২৯, ২০৩)

একজন মুসলমান তাঁর কাছে কিছু ঝগী ছিল। যখন তিনি তাগাদায় যেতেন তখন সে ঝুকিয়ে থাকতো। একদিন তিনি লোকটির বাড়ীতে গেলেন এবং তার ছেলের কাছে খবর পেলেন, সে খাবার থাচ্ছে। তিনি চেচিয়ে বললেনঃ তুমি বেরিয়ে এসো, আজ আমি জেনে ফেলেছি। আজ ঝুকিয়ে কাজ হবে না। সে বেরিয়ে এলে আবু কাতাদাহ তার ভাবে ঝুকানোর কারণ জিজ্ঞেস করলেন। লোকটি বললোঃ আসল কথা হলো, আমি খুবই গরীব। আমার কাছে কিছুই নেই। তার ওপর আছে পরিবার-পরিজনের বোঝা। আবু কাতাদাহ বললেনঃ সত্যিই কি তোমার এমন দুরবস্থা? সে বললোঃ হী। আবু কাতাদাহ চোখ পানিতে ভরে গেল। তিনি তার ঝণ মাফ করে দিলেন। (মুসনাদ-৫/৩০৮)

হযরত আবু বকরের (সা) খিলাফতকালে রিদ্দার যুদ্ধ হয়। এ যুদ্ধের এক পর্যায়ে খলীফা খালিদ ইবন উয়ালীদকে পাঠালেন মালিক ইবন নুওয়াইরা ইয়ারব'য়ির বিরুদ্ধে। মালিক ইবন নুওয়াইরা ইসলাম কুবল করেন। তা সত্ত্বেও যে কোন কারণেই হোক খালিদ তাঁকে হত্যা করেন। খালিদের একাজে আবু কাতাদাহ এতই ক্ষুক হন যে, খলীফার নিকট আবেদন করেন; আমি খালিদের অধীনে থাকতে রাজী নই। সে একজন মুসলমানের রক্ত বরিয়েছে।

অতি ক্ষুদ্র বিষয়েও তিনি মানুষকে সঠিক আকীদা বিশাসের কথা খরণ করিয়ে দিতেন। একবার তিনি ছাদে দাঁড়িয়ে আছেন। এমন সময় একটা উদ্ধা ছুটে আসতে থাকে। মানুষ সে দিকে তাকিয়ে দেখতে থাকে। তিনি তাদেরকে লক্ষ্য করে বললেনঃ এটা বেশী দেখা নিষেধ (মুসনাদ-৫/২৯৯)

হযরত আবু কাতাদাহ (রা) রাসূলুল্লাহর (সা) সার্বক্ষণিক সাহচর্য ও খিদমতের সৌভাগ্য অর্জন করেছিলেন। একবার এক সফরে তিনি রাসূলুল্লাহর (সা) সঙ্গী ছিলেন। রাসূল (সা) সাহাবীদের বললেন, পানি কোথায় আছে তা খুঁজে বের কর অন্যথায় সকালে ঘূম থেকে পিপাসিত অবস্থায় উঠতে হবে। লোকেরা পানির তালাশে বেরিয়ে গেল। কিন্তু হযরত আবু কাতাদাহ (রা) রাসূলুল্লাহর (সা) সাথেই থেকে গেলেন। রাসূল (সা) উটের ওপর সওয়ার ছিলেন। ঘূম কাতর অবস্থায় তিনি যখন এক দিকে ঝুঁকে পড়েছিলেন তখন আবু কাতাদাহ এগিয়ে গিয়ে নিজের হাত দিয়ে সে দিকে ঠেস দিছিলেন। একবার তো রাসূল (সা) পড়ে যাবারই উপক্রম হলেন। আবু কাতাদাহ দ্রুত হাত দিয়ে ঠেকালেন। রাসূল (সা) চোখ মেলে জিজ্ঞেস করলেনঃ কে? বললেনঃ আবু কাতাদাহ। রাসূল (সা) আবার জিজ্ঞেস করলেনঃ কখন থেকে আমার সাথে আছ? বললেনঃ সক্ষা থেকে। তখন রাসূল (সা) তাঁর জন্য দু'আ করলেন এই বলেঃ হে আল্লাহ! আপনি আবু কাতাদাহকে হিফাজত করুন যেমন সে সারা রাত আমার হিফাজত করেছে। (মুসনাদ-৫/২৯৮; হায়াতুস সাহাবা-৩/৩৪৭; আল-ইসাবা-৪/১৫৯)

একবার হযরত আবু কাতাদাহ (রা) রাসূলুল্লাহর (সা) একটি মু'জিয়া প্রত্যক্ষ করেন। আবু নু'য়ায়িম 'আদ-দালায়িল' গ্রন্থে (১৪৪) ইবন মাস'উদ (রা) থেকে বর্ণনা করেছেন। তিনি বললেনঃ আমরা এক সফরে রাসূলুল্লাহর (সা) সংগে ছিলাম। এক সময় যাত্রা বিরতিকালে তিনি জিজ্ঞেস করলেনঃ তোমাদের সাথে কি পানি আছে? বললামঃ হী। আমার কাছে একটি পাত্রে

কিছু পানি আছে। বললেনঃ নিয়ে এসো। আমি পানির পাত্রটি নিয়ে এলাম। তিনি বললেনঃ এর থেকে কিছু পানি নিয়ে তোমরা সবাই অঙ্গু কর। অঙ্গুর পর সেই পাত্রে এক ঢেক মত পানি থাকলো। রাসূল (সা) বললেনঃ আবু কাতাদাহ, তুমি এ পানিটুকু হিফাজতে রেখে দাও। খুব শিগগিরই এর একটি খবর হবে। আস্তে আস্তে দুপুরের প্রচণ্ড গরম শুরু হলো। রাসূল (সা) সংগীদের সামনে উপস্থিত হলেন। তারা সবাই বললেনঃ ইয়া রাসূলুল্লাহ! পিপাসায় তো আমাদের জীবন যায় যায় অবস্থা। তিনি বললেনঃ না, তোমরা মরবে না। এই বলে তিনি আবু কাতাদাহকে ডেকে পানির পাত্রটি নিয়ে আসতে বললেন। আবু কাতাদাহ বলেনঃ আমি পাত্রটি নিয়ে এলাম। রাসূল (সা) বললেনঃ আমার পিয়ালাটি নিয়ে এসো। পিয়ালা আনা হলো। তিনি পাত্র থেকে একটু করে পানি পিয়ালায় ঢেলে মানুষকে পান করাতে লাগলেন। পানি পানের জন্য রাসূলুল্লাহর (সা) চারপাশে তীড় জমে গেল। দারম্ব হড়েছড়ি পড়ে গেল। রাসূল (সা) বললেনঃ তোমরা ভদ্রভাবে শান্ত থাক, সবাই পান করতে পারবে। আবু কাতাদাহ বলেনঃ একমাত্র রাসূল (সা) ও আমি ছাড়া সকলের পান শেষ হলে তিনি বললেনঃ আবু কাতাদাহ, এবার তুমি পান কর। আমি বললাম! আপনি আগে পান করুন। তিনি বললেনঃ সম্প্রদায়ের যিনি সাকী বা পানি পান করান, তিনি সবার শেষে পান করেন। অতঃপর আমি পান করলাম এবং সবার শেষে রাসূল (সা) পান করলেন। সবার পান করার পরেও পাত্রে ঠিক যতটুকু পানি ছিল তাই থেকে গেল। বর্ণনাকারী বলেনঃ সে দিন তিন শো লোক ছিল। অন্য একটি বর্ণনা মতে, লোক সংখ্যা ছিল সাতশো। (হায়াতুস সাহাবা-৩/৬২০, ৬২১)

তিনি স্বত্বাবগতভাবেই ছিলেন কোমল। জীবের প্রতি ছিল তাঁর দারম্ব দয়া। একবার ছেলের বাড়ি গেলেন। ছেলের বউ অঙ্গুর জন্য পানি রেখেছিল। একটি বিড়াল তাতে ঘুঁথ দিয়ে পান করতে শুরু করলো। হয়রত আবু কাতাদাহ (রা) বিড়ালটি না তাড়িয়ে পাত্রটি তার দিকে আরো একটু কাত করে দিলেন, যাতে সে তালো করে পান করতে পারে। পাশে দাঁড়িয়ে ছেলের বউ এ দৃশ্য দেখিছিল। তিনি ছেলে-বউকে বললেনঃ এতে অবাক হওয়ার কিছু নেই। রাসূলুল্লাহ (সা) বলেছেনঃ বিড়ালের এটো না পাক নয়। কারণ, এরা ঘরের মধ্যে বিচরণকারী জীব। (মুসলিম-৫/৩০৩)

শিকার করা ছিল তাঁর বিশেষ শখ। একবার হয়রত রাসূলে কারীমের (সা) সাথে যাইছিলেন। পথে যাত্রা বিরতিকালে কয়েকজন সংগী নিয়ে শিকারে বেরিয়ে পড়লেন। স্থানটি ছিল পাহাড়ী এলাকা। খুব দ্রুত পাহাড়ে উঠার অভ্যাস ছিল তাঁর। তিনি সংগীদের নিয়ে পাহাড়ের উপর উঠে গেলেন। সেখানে একটি জন্ম দেখতে পেলেন। আবু কাতাদাহ একটু এগিয়ে গিয়ে তালো করে দেখে সংগীদের জিজেস করলেনঃ তোমরা বলতো এটা কি জন্ম? তাঁরা বললেনঃ আমরা তো ঠিক বলতে পারছিনা। তিনি বললেনঃ এটা একটা বন্য গাধা। আবু কাতাদাহ পাহাড়ে উঠার সময় তাঁর চাবুকটি ভুলে রেখে গিয়েছিলেন। তিনি সংগীদের চাবুকটি নিয়ে আসতে বললেন। তাঁরা ছিলেন ইহুরাম অবস্থায়। একারণে তাঁরা শিকারে কোন রকম সহযোগিতা করলেন না। শেষে তিনি নিজেই বশি নিয়ে জন্মটির পিছু ধাওয়া করে হত্যা করেন। তারপর সেটি ওঠানোর জন্য সংগীদের সাহায্য চান; কেউ তাঁকে সাহায্য করলেন না। অবশেষে তিনি একাই সেটা উঠিয়ে আনেন এবং গোশত তৈরী করে রান্না করেন। কিন্তু সংগীরা খেতে বিধাবোধ করেন।

কেউ কেউ সেই গোশ্ত খেলেন, আবার অনেকে খেতে অস্বীকৃতি জানালেন। আবু কাতাদাহ্‌  
বললেন, আচ্ছা আমি রাসূলুল্লাহর (সা) নিকট জিজ্ঞেস করে কিছুক্ষণের মধ্যেই তোমাদেরকে  
বলছি। তিনি রাসূলুল্লাহর (সা) সাথে দেখা করে ঘটনাটি খুলে বললেন। রাসূল (সা) শুনে  
বললেনঃ ওটা খেতে অসুবিধা কি? ওটা তো আল্লাহ তোমাদের জন্য পাঠিয়েছেন। যদি কিছু  
অবশিষ্ট থাকে তাহলে আমার জন্য কিছু নিয়ে এসো। গোশ্ত সামনে আনা হলে রাসূল (সা)  
সাহাবীদের বললেনঃ তোমরা খাও। (ফাতহুল বারী-১/৫২৮)

তিনি ছিলেন অত্যন্ত মিশুক প্রকৃতির। একারণে তাঁর বন্ধুদের একটা দল ছিল। হৃদাইবিয়ার  
সফরে তিনি রাসূলুল্লাহর (সা) সঙ্গী ছিলেন। তিনি ইয়ার-বন্ধুদের সাথে হামি-তামাশা ও  
কৌতুক করতে করতে পথ চলছিলেন। আবু মুহাম্মাদও ছিলেন তাঁর বাস্তব মজলিসের একজন  
সদস্য। (মুসনাদ-৫/২৯৫; ৩০১)

হযরত আবু কাতাদাহ (রা) একবার একটি ‘আদনী’ (আদনে তৈরী) চাদর গায়ে জড়িয়ে  
হযরত মু’য়াবিয়ার (রা) দরবারে যান। তখন সেখানে আবদুল্লাহ ইবন মাস’যাদাহ্‌ বসা ছিলেন।  
ঘটনাক্রমে আবু কাতাদাহুর গায়ের চাদরটি আবদুল্লাহর গায়ে খসে পড়ে। অত্যন্ত রাগের সাথে  
আবদুল্লাহ সেটি ছুঁড়ে ফেলে দেন। আবু কাতাদাহ্‌ প্রশ্ন করেনঃ আমীরুল্ল মুমিনীন! লোকটি কে?  
বললেনঃ আবদুল্লাহ ইবন মাস’যাদাহ্‌। আবু কাতাদাহ্‌ বললেনঃ আল্লাহর কসম! আমি তাঁর  
পিতার বুক বর্ণ দিয়ে প্রতিরোধ করেছি- যে দিন সে যদীনার উপরকণ্ঠে আক্রমণ করেছিল।  
একথা শুনে ‘আবদুল্লাহ চৃপ থাকে। (আনসাবুল আশরাফ-১/৩৪৯) উল্লেখ্য যে, আবু কাতাদাহ্‌  
জীকারাদ অভিযানের প্রতি ইঙ্গিত করেছেন। সেই গাতফানী লুটেরাদের মধ্যে এই ‘আবদুল্লাহর  
পিতাও ছিল। ■

## আবু সাইদ আল-খুদারী (রা)

নাম সা'দ, ডাক নাম আবু সা'ইদ। খুদরাহ বংশের সন্তান হওয়ার কারণে খুদারী বা খুদরী বলা হয়। তাঁর পিতা মালিক ইবন সিনান উহদের অন্যতম শহীদ। এ যুক্তি হয়েরত রাসূলে কারীম (সা) আহত হলে তিনি রাসূলের (সা) পরিত্র খুন চুম্ব গিলে ফেলেন। রাসূল (সা) তখন মন্তব্য করেন : ‘আমার রক্ত যার রক্তে মিশেছে তাকে জাহানামের আগুন স্পর্শ করবে না।’ (সীরাতু ইবন হিশাম-২/৮০, তাজিকিরাতুল হফ্ফাজ-১/৪৪) তাঁর মা উনায়সা বিনতু আবী হারিসা বনু 'আদী ইবন নাজ্জারের কন্যা। দাদা সিনান ছিলেন মহস্ত্রার রয়িস। তিনি ছিলেন একটি কিল্বার অধিগতি ও ইসলাম পূর্ব যুগের একজন বিচারক।

তাঁর মার প্রথম স্বামী ছিল আউস গোত্রের 'আমান নামক এক ব্যক্তি। সে মারা যায়। রাসূলুল্লাহর (সা) মদীনায় আগমনের পূর্বে তিনি মালিক ইবন সিনানকে দ্বিতীয় স্বামী হিসাবে গ্রহণ করেন। তাঁদেরই সন্তান আবু সা'ইদ হিজরাতের দশ বছর পূর্বে ৬১৩ খ্রিষ্টাব্দে ইয়াসরিবে জন্মগ্রহণ করেন। (আল-ইসাবা-৪/৮৮, আল-আ'লাম-৩/১৩৮) প্রথ্যাত বদরী সাহাবী কাতাদাহ ইবন নু'মান (রা)- উহদ যুক্তে যাঁর চোখ আহত হয় এবং রাসূলুল্লাহর (সা) দু'আর বরকতে আবার ভালো হয়ে যায়- আবু সা'ইদের বৈপিত্রীয় ভাই। হিজরী ২৩ সনে এই কাতাদাহ মারা গেলে আবু সা'ইদ তাঁকে কবরে নামিয়ে দাফন করেন। (আনসাবুল আশরাফ-১/২৪২, উসুদুল গাবা- ৫/২১১)

বাই'য়াতে আকাবা থেকেই মোটামুটি মদীনায় ইসলাম প্রচারের কাজ শুরু হয়। মদীনাবাসীদের অনেকেই তখন ইসলামী দা'ওয়াত ও তাবলীগের কাজে আত্মনির্যাগ করেন। এই সময় মালিক ইবন সিনান ইসলাম করুন করেন। স্বামীর সাথে স্ত্রীও মুসলমান হন। সুতরাং আবু সা'ইদ মুসলিম মা-বাবার কোলেই বেড়ে ওঠেন।

হিজরাতের প্রথম বছরেই মসজিদে নববীর নির্মাণ কাজ শুরু হয়। আবু সা'ইদ এই নির্মাণ কাজে অংশগ্রহণ করেন। তিনি হয়েরত রাসূলে কারীমের (সা) সাথে মোট বারোটি যুক্ত যোগ দেন। (তাহজীবুল আসমা-২/২৩৭, আল-আ'লাম-৩/১৩৮) অল্প বয়সের কারণে বদর যুক্তে যোগ দিতে পারেননি। উহদ যুক্তের সময় তার বয়স ছিল ১৩ বছর। যুক্তের পূর্বে পিতার সাথে তিনি রাসূলুল্লাহর (সা) নিকট যান। রাসূল (সা) তার পা থেকে শাথা পর্যন্ত নিরীক্ষণ করেন এবং এখনও যুক্তের বয়স হয়নি- এই বলে ফিরিয়ে দেন। পিতা মালিক তখন রাসূলুল্লাহর (সা) হাত ধরে বলেন, ছেলের বয়স কম হলে কি হবে, তার হাত দু'টি পুরুষের মত সবল। তবুও রাসূল (সা) তাকে যুক্তে যাওয়ার অনুমতি দিলেন না। (আল-ইসাবা-২/৩৫; আনসাবুল আশরাফ-১/৩৩০)

এই উহদ যুক্তি হয়েরত রাসূলে কারীমের (সা) পরিত্র মুখমণ্ডল আহত হয়ে রক্ত রঞ্জিত হয়। মালিক ইবন সিনান সেই রক্ত পান করেন। রাসূল (সা) মন্তব্য করেন : ‘যদি কারও এমন ব্যক্তিকে দেখার ইচ্ছা হয় যার রক্ত আমার রক্তের সাথে মিশেছে, সে যেন মালিক ইবন সিনানকে দেখে। এরপর বীরের মত যুদ্ধ করে মালিক শাহাদাত বরণ করেন।

আবৃ সা'ইদের পিতা কোন সম্পদশালী ব্যক্তি ছিলেন না। এ কারণে পিতার মৃত্যুতে তিনি পর্বত পরিমাণ বিপদের সম্মুখীন হলেন। দারিদ্র্য ও অনাহারে সময় সময় পেটে পাথর বেঁধে কাটাতেন। একদিন তিনি প্রচণ্ড ক্ষুধায় পেটে পাথর বেঁধে আছেন। তখন তাঁর স্ত্রী (মতান্তরে মা অথবা দাসী) তাঁকে বললেন : নবীর (সা) কাছে যাও, তাঁর কাছে কিছু চাও। অমুক এসে সাহায্য চেয়েছিল, তাঁকে তিনি দিয়েছেন। আবৃ সা'ইদ বলেন : আমি যখন রাসূলুল্লাহর (সা) নিকট গেলাম তিনি তখন ভাষণ দিচ্ছেন এবং বলছেন : 'যে ব্যক্তি কোন কিছু চাওয়া থেকে বিরত থাকবে, আল্লাহও তাকে চাওয়া থেকে বিরত রাখবেন। আর যে নিজেকে গন্তী বা ধনী মনে করে আল্লাহও তাকে ধনবান করে দেন। আর যে আমার কাছে কোন কিছু চাওয়া থেকে বিরত থাকে সে ঐ ব্যক্তির থেকেও আমার বেশী প্রিয় যে আমার কাছে চায়।' একথা শুনে আমি আর কিছু চাইলাম না। আমি বাড়ী ফিরে এলাম। অতঃপর আল্লাহ তা'য়ালা আমাদের রিয়কে বরকত বা সমৃদ্ধি দান করতে লাগলো। অবশেষে, আনসারদের মধ্যে কোন বাড়ী আমাদের চেয়ে বেশী বিস্তৃশালী ছিল বলে আমি জানতাম না। (মুসনাদ-৩/৪৪৯; হায়াতুস সাহাবা-২/২৫৭)

খন্দক ও বনী মুসতালিকের যুদ্ধে তিনি যোগ দেন। তবে 'উসুদুল গাবা' প্রস্তরে একটি বর্ণনায় এসেছে : 'আবৃ সা'ইদ বলেন : খন্দকের দিন আমার পিতা আমার হাত ধরে রাসূলুল্লাহর (সা) সামনে নিয়ে বলেন : 'ইয়া রাসূলুল্লাহ! এর হাড় খুব শক্ত।' এরপরও তিনি আমাকে যুদ্ধে যাওয়ার অনুমতি না দিয়ে ফিরিয়ে দেন। তিনি আরও বলেন : 'আমি রাসূলুল্লাহর (সা) সাথে বনী মুসতালিক যুদ্ধে যোগ দিই।' ওয়াকিদী বলেন : 'তখন আবৃ সা'ইদের বয়স পনেরো বছর।' (উসুদুল গাবা-৫/২১, আনসাবুল আশরাফ-১/৩৪৪)

ইমাম আহমাদ আবৃ সা'ইদ খুদারী থেকে বর্ণনা করেন। তিনি বলেন, আমরা খন্দকের দিন বললাম : 'ইয়া রাসূলুল্লাহ। আমাদের প্রাণ তো গলায় এসে ঠেকেছে। এমন কোন দু'আ কি আছে যা আমরা পাঠ করতে পারি?' বললেন : হী। বল : আল্লাহশ্মা উসতুর 'আওরাতিনা ওয়া আমিন রাও'য়াতিনা- হে আল্লাহ আমাদের গোপন বিষয় গোপন রাখ এবং আমাদের ভীতিকে নিরাপত্তা দান কর।' (হায়াতুস সাহাবা- ১/৪৮৮)

তিনি 'বাই'য়াতুল শাজারা' বা 'বাই'য়াতুর রিদওয়ানে' অংশগ্রহণ করেন। (শাজারাতুজ জাহাব-১/৮১; তাজকিরাতুল হফ্ফাজ-১/৪৪) হিজরী ৮ম সনের সফর মাসে 'আবদুল্লাহ ইবন গালিব লায়সীর নেতৃত্বে একদল সৈন্য ফিদাক যায়। তিনিও এই বাহিনীতে ছিলেন। আবদুল্লাহ সৈন্যদের তাকীদ দেন, তারা যেন বিচ্ছিন্ন না হয়। এই উদ্দেশ্যে তিনি বাহিনীর সদস্যদের পরম্পরের সাথে মুওয়াখাত বা ভাতৃত্ব প্রতিষ্ঠা করে দেন। তাঁকেও একজন বিশিষ্ট সাহাবীর সাথে আত্ম কায়েম করে দেন।

হিজরী ৯ম সনের রাবী'উস সানী মাসে 'আরকামা ইবন মুখাররকে ছোট একটি বাহিনীসহ একটি অভিযানে পাঠানো হয়। আবৃ সা'ইদ ছিলেন এ বাহিনীর অন্যতম সদস্য। (মুসনাদ-৩/২৭০; হায়াতুস সাহাবা-২/৬৭)

উপরোক্ত যুদ্ধগুলি ছাড়াও মক্কা বিজয়, হনাইন, তাবুক, আওতাস প্রভৃতি অভিযানে তাঁর অংশগ্রহণের কথা সীরাত প্রস্তুত মোট ১২টি যুদ্ধে তিনি অংশগ্রহণের গৌরব অর্জন করেন। তিনি তাবুক যুদ্ধে মুসলমানদের চরম অভাব ও দুর্ভিক্ষ সম্পর্কে বর্ণনা করেছেন। হনাইন যুদ্ধে লক্ষ

গনীমাত্রের বেশীর ভাগ যখন রাসূল (সা) মক্কাবাসী নওমুসলিমদের খুশী (তালীফে কুলুব) করার জন্য দান করেন তখন মদীনার আনসারদের অনেকে একটু ক্ষুণ্ণ হন। এ সম্পর্কিত ঘটনা আবু সা'ঈদ বর্ণনা করেছেন। (হায়াতুস সাহাবা-১/৩৯৭-৩৯৮; ৩/৬২৫) তাঁর থেকে বর্ণিত হয়েছে, ‘আমরা রাসূলুল্লাহের (সা) সাথে যুদ্ধে গিয়েছি রমজান মাসে। আমাদের কেউ সাওম পালন করতো, আবার কেউ করতো না। তবে একে অপরকে কোন রকম হিংসা করতো না। তারা প্রত্যেকেই জানতো যে, যে ব্যক্তি নিজেকে সক্ষম মনে করবে সে সাওম পালন করবে, আর এটাই তার জন্য উত্তম। আর যে নিজেকে দুর্বল ও অক্ষম মনে করবে সে সাওম পালন করবে না। আর এটাই ‘তার জন্য উত্তম।’ (হায়াতুস সাহাবা- ১/৪৭৯)

একবার হয়রত রাসূলে কারীম (সা) তাঁদেরকে একটি ছোটখাটি অভিযানে পাঠালেন। বাহিনীর সর্বমোট সদস্য তিরিশজন এবং নেতা আবু সা'ঈদ। যাত্রা পথে তাঁরা একটি স্থানে তাঁবু স্থাপন করে যাত্রা বিরতি করেন। নিকটেই ছিল একটি জনপদ। তাঁরা সেই জনপদের লোকদের বললেন, আমরা আপনাদের অতিথি। কিন্তু তারা অতিথিদের সেবা করতে পরিষ্কার অঙ্গীকার করলো। ঘটনাক্রমে সেইদিন উক্ত জনপদের প্রধানকে বিচ্ছুতে কামড়ায়। নানা জনে নানা রকম চিকিৎসা চালালো; কিন্তু কিছুতেই কিছু হলো না। তাদেরকে কেউ পরামর্শ দিল, তোমরা এই অতিথিদের কাছে যাও, তাদের মধ্যে কারও হয়তো কোন চিকিৎসা জানা থাকতে পারে। পরামর্শমত তারা এসে বিষয়টি জানালো। আবু সা'ঈদ বললেন, ‘আমি ঝাড়-ফুঁক জানি, তবে পারিশ্রমিক হিসেবে তিরিশটি ছাগল দিতে হবে। তারা রাজি হয়ে গেল। আবু সা'ঈদ তাদের সাথে গেলেন এবং সূরা মুহাম্মাদ পাঠ করে দংশিত স্থানে একটু থু থু লাগিয়ে দিলেন। তাতেই লোকটি সম্পূর্ণ সুস্থ হয়ে গেল। সাহাবায়ে কিরাম তিরিশটি ছাগল নিয়ে মদীনার দিকে যাত্রা করলেন। তাঁদের মনে দিখা ও সংশয় ছিল, এভাবে ছাগলগুলি নেওয়া ঠিক কিনা। অবশ্যে সিদ্ধান্ত হলো যে, বিষয়টি রাসূলুল্লাহকে (সা) জানানো হবে। মদীনায় পৌছেই তাঁরা রাসূলুল্লাহকে (সা) ঘটনাটি খুলে বলেন। সবকিছু শুনে তিনি একটু মুচকি হাসি দেন। তারপর বলেন, তোমরা কিভাবে জানলে যে, এই সূরা ঝাড়-ফুঁকের কাজ দেয়? তোমরা ঠিকই করেছ। বকরীগুলি তোমরা তাগ করে নেবে এবং আমাকেও একটি অংশ দিতে ভুল করবে না। (সহীল বুখারী- ১/২৫১)

হয়রত রাসূলে কারীমের (সা) ইন্তিকালের পর তিনি মদীনাতেই অবস্থান করেন। খলীফা হয়রত 'উমার ও হয়রত 'উসমানের (রা) যুগে ফাতওয়ার দায়িত্বে নিয়োজিত ছিলেন। যিয়াদ ইবন ফীনা'র সূত্রে ইবন সা'দ বর্ণনা করেছেন : ইবন 'আব্রাস, ইবন 'উমার, আবু সা'ঈদ খুদারী, আবৃহুরাইরা, আবদুল্লাহ 'আমর ইবনুল 'আস, জাবির ইবন 'আবদিল্লাহ প্রমুখ আসহাবে রাসূল 'উসমানের মৃত্যুর সময় থেকে তাঁদের মৃত্যু পর্যন্ত মদীনায় ফাতওয়া দিতেন এবং রাসূলুল্লাহর (সা) হাদীস বর্ণনা করতেন। (হায়াতুস সাহাবা- ৩/২৫৫)

হয়রত আলীর (রা) যুগে খারেজীদের বিরুদ্ধে নাহরাওয়ানের যুদ্ধে তিনি যোগ দেন। তখন তিনি বলতেন, তক্কীদের চেয়ে খারেজীদের বিরুদ্ধে যুদ্ধ করা আমি বেশী প্রয়োজন মনে করি। (মুসনাদ- ৩/৩৩, ৫৬) হয়রত ইমাম হসাইন যখন মদীনা ছেড়ে কুফায় যাওয়া হিসেবে তখন আরও অনেক সাহাবীর মত আবু সা'ঈদও তাঁকে এই সিদ্ধান্ত থেকে বিরত থাকার পরামর্শ দেন। (সুযুতী : তারীখুল খুলাফা)

হিজরী ৫৯ সনে হয়রত উম্মু সালামা (রা) ইন্তিকাল করলে আবু সা'ঈদ তাঁর জানায়া

শরীক ছিলেন। (আনসাবুল আশরাফ-১/৪৩২) হিজরী ৬১ সনে ইজ্যায়বাসীরা ইয়ায়ীদের বিরুদ্ধে বিদ্রোহ ঘোষণা করে রাসূলুল্লাহর (সা) ফুফাতো ভাইয়ের ছেলে আবদুল্লাহ ইবন যুবায়ের ইবনুল 'আওয়ামের (রা) হাতে বাই'য়াত করে। এই বাই'য়াতকারীদের মধ্যে হ্যরত আবু সা'ঈদও ছিলেন।

হিজরী ৬৩ সনে দারুল হিজরাহ মদীনার অধিবাসীরা ইয়ায়ীদের আনুগত্য প্রত্যাখ্যান করে গাসীলুল মালায়িকা হ্যরত হানজালার ছেলে হ্যরত 'আবদুল্লাহর হাতে বাই'য়াত করে তাঁকে নিজেদের আমীর বলে ঘোষণা দেয়। ইয়ায়ীদের বাহিনী মদীনা আক্রমণ করে মদীনাবাসীদের পরাভূত করে। হ্যরত 'আবদুল্লাহ ইয়ায়ীদ বাহিনীর বিরুদ্ধে বীরত্বের সাথে যুদ্ধ করে শাহাদাত বরণ করেন। বিজয়ী ইয়ায়ীদ বাহিনী সেই সময় মদীনায় হত্যা, লুঁঠন, ধর্ষণ ও ধ্বন্দ্বের তাত্ত্বিক সৃষ্টি করে। রাসূলুল্লাহর (সা) হারাম বা সম্মানিত শহর মদীনার এমন অসমান ও অবয়ননা সেই সময় জীবিত সাহাবীরা দেখে দারুল মর্যাদত হন। আবু সা'ঈদও এমন দৃশ্য দেখে সহ্য করতে না পেরে পাহাড়ের এক গুহায় আত্মগোপন করেন। কিন্তু সেখানেও তাঁর খোঁজে একজন পৌছে যায় এবং তাঁকে হত্যার জন্য তরবারি উঠায়। তিনি প্রথমতঃ তাঁকে ভয় দেখানোর জন্য তরবারি তুলে ধরেন। কিন্তু সৈন্যটি আরও এগিয়ে এলে তিনি তরবারি মাটিতে রেখে দিয়ে সূরা আল-মায়িদার ২৮ নং আয়াতটি পাঠ করেনঃ

'যদি তুমি আমাকে হত্যার উদ্দেশ্যে তোমার হাত বাড়াও তবুও আমি তোমাকে হত্যার উদ্দেশ্যে আমার হাত বাড়াবো না। কারণ, আমি আল্লাহ রাবুল 'আলামীনকে ভয় করি।'

সৈনিকটি থেমে যায়। সে প্রশ্ন করে, আল্লাহর ওয়াস্তে বলুন তো আপনি কে? বললেনঃ আমি আবু সা'ঈদ আল খুদারী। আপনি কি রাসূলুল্লাহর (সা) সাহাবী? বললেন! হ্যাঁ। সৈনিকটি গুহা ছেড়ে চলে গেল। (আল-ইসাবা-৩/৫৫) আবু সা'ঈদ গুহা থেকে বাড়ী আসলেন। নানা রকম জিজ্ঞাসাবাদ চললো এবং বন্দী করা হলো। অবশ্যে প্রচণ্ড চাপের মুখে ইয়ায়ীদের প্রতি বাই'য়াত করতে বাধ্য হলেন।

একথা হ্যরত 'আবদুল্লাহ ইবন 'উমার (রা) অবগত হয়ে তাঁর কাছে যান এবং বলেনঃ শুনেছি আপনি নাকি দুই আমীরের বাই'য়াত বা আনুগত্যের অঙ্গীকার করেছেন? বললেনঃ হ্যাঁ। প্রথমে 'আবদুল্লাহ ইবন যুবায়ের এবং বন্দী হওয়ার পরে ইয়ায়ীদের প্রতি বাই'য়াত করেছি। ইবন 'উমার বললেনঃ আমি এমনই আশংকা করেছিলাম। আবু সা'ঈদ বললেনঃ কিন্তু আমার করার কি ছিল? কারণ, আমি রাসূলুল্লাহকে (সা) বলতে শুনেছি, মানুষের প্রতিটি সকাল ও সন্ধ্যা কোন না কোন আমীরের অধীনে অতিরাহিত হওয়া উচিত। একথা শুনে ইবন 'উমার বললেন, যাই হোক না কেন, আমি দুই আমীরের প্রতি বাই'য়াত পছন্দ করিন। (মুসনাদ-৩/২৯, ৩০)

বেশী সংখ্যক বর্ণনা ঘটে তিনি হিজরী ৭৪ সনে (খ্রীঃ ৬৯৩) শুক্রবার মদীনায় মারা যান এবং তাঁকে মদীনার বাকী গোরস্থানে দাফন করা হয়। অপর একটি বর্ণনা ঘটে তাঁর মৃত্যু সন হিজরী ৬৪। মৃত্যুকালে অনেক বয়স হয়েছিল। বার্দ্ধক্যের দরুন হাত-পা কঁপতো। অনেক সীরাত বিশেষজ্ঞের ধারণা, তিনি ৭৪ বছর জীবন লাভ করেছিলেন। তবে আল্লামা জাহাবী লিখেছেন, তিনি ৮৬ বছর বয়সে মারা যান এবং এটাই সঠিক। (দ্বঃ তাজিকিরাতুল হফ্ফাজ-১/৩৭, তাহজীবুল আসমা ওয়াল লুগাত-২/২৩৭, আল-আ'লাম-৩/১৩৮, শাজারাতুজ জাহাব-১/৮১, উসুদুল গাবা-৫/২১১)

হ্যরত আবু সা'ঈদের ছিল দুই স্ত্রী। একজনের নাম যয়নাব বিনতু কা'ব ইবন আজযাহ।

কেউ কেউ বলেছেন, তিনি সাহাবিয়া ছিলেন। দ্বিতীয়জন উস্মু 'আবদিল্লাহ বিনতু 'আবদিল্লাহ নামে প্রসিদ্ধ। তাঁর সন্তানদের নাম : 'আবুর রহমান, হামিয়াহ ও সা'ইদ।

হযরত আবু সা'ইদ ছিলেন আহলুস সুফিফার অন্যতম সদস্য। তিনি ছিলেন তাঁর সময়ের একজন শ্রেষ্ঠ ফকীহ। কোন কৃত্তীয়ের নিকট কুরআন তিলাওয়াত শিখেছিলেন। তাঁর শিক্ষা জীবনে আনসারদের কয়েকটি হালকায়ে দারস ছিল। সেখানে আনসারদের 'আলিম ব্যক্তিরা দারস দিতেন। আবু সা'ইদের ছাত্র জীবনের যুগটি ছিল ইসলামের প্রথম যুগ। সেই সময় মানুষ ঠিক মত শরীর ঢাকার মত কাগড়ও সঞ্চাহ করতে পারতো না। হালকায়ে দারসে একজন আর একজনের আড়ালে আবড়ালে চুপে চুপে বসে যেত। একদিন এমন একটি হালকায়ে দারসে হযরত রাসূলে কারীম (সা) উপস্থিত হলেন। তাঁকে দেখে কৃতীর কিরাত খেমে গেল। তিনি সবাইকে গোল হয়ে বসতে বলে নিজেও তাদের সাথে বসে গেলেন। সেই হালকায়ে সে দিন যারা উপস্থিত ছিল তাদের মধ্যে একমাত্র আবু সা'ইদকে রাসূল (সা) চিনতেন। (মুসনাদ-৩/৬৩, হায়াতুস সাহাবা-৩/২০৪)

হাদীস ও ফিকাহর জ্ঞান তিনি সরাসরি রাসূল (সা) ও অন্য সাহাবীদের নিকট থেকে অর্জন করেন। চার খলীফা ও যায়িদ ইবন সাবিতের নিকট থেকে তিনি হাদীস শোনেন। অসংখ্য হাদীস তাঁর মুহূর্ষ ছিল। তাঁর বর্ণিত হাদীসের সংখ্যা মোট ১১৭০টি। যাঁরা বহু সংখ্যক হাদীস বর্ণনা করেছেন তিনি এমন একজন হাফেজে হাদীস। তাঁর বর্ণিত হাদীসের মধ্যে ৪৩টি মতান্তরে ৪৬টি মুওফিক 'আলাইহি (বুখারী ও মুসলিম সম্মিলিতভাবে বর্ণনা করেছেন।) এবং বুখারী ও মুসলিম প্রত্যেকেই এককভাবে যথাক্রমে ১৬টি ও ৫২টি হাদীস বর্ণনা করেছেন। যে সকল বিখ্যাত সাহাবী ও তাবে'ঈ তাঁর নিকট থেকে হাদীস শোনেন ও বর্ণনা করেন তাঁদের কয়েকজনের নাম নিম্নে দেওয়া গেল :

যায়িদ ইবন সাবিত, 'আবদুল্লাহ ইবন 'আব্রাস, আনাস ইবন মালিক, ইবন 'উমার, ইবন যুবাইর, জাবির, আবু কাতাদাহ, ইবন 'আমর, মাহ্মুদ ইবন নাবীদ, আবুতু তুফায়েল, আবু উমামা ইবন সাহল, সা'ইদ ইবনুল মুসায়িব, তারিক ইবন শিহাব, 'আতা, মুজাহিদ, আবু 'উসমান আন-নাহদী, 'উবায়দ ইবন 'উমায়র, 'আয়্যাদ ইবন আবী সারাহ, বুসর ইবন সা'ইদ, আবু নুদবাহ, ইবন সীরীন প্রমুখ। (দ্বঃ আল-ইসাবা-২/৩৫, তাজকিরাতুল হফ্ফাজ-১/৪৪, তাহজীবুল আসমা ওয়াল নুগাত-২/২৩৭, আল-আ'লাম-৩/১৩৮)

তাঁর হালকায়ে দারস সব সময় ছাত্রে পরিপূর্ণ থাকতো। কেউ কোন প্রশ্ন করতে চাইলে অনেক প্রতীক্ষার পর সুযোগ পেত। (মুসনাদ-৩/৩৫) দারসের সময় ছাড়াও যে কোন সময় লোকে তাঁর কাছে বিভিন্ন মাসয়ালা জানতে পারতো। প্রশ্ন করলে তিনি উত্তর দিতেন। একবার ইবন 'আব্রাস ছেলে 'আলী ও দাস 'আকরামাকে বললেন, যাও তো আবু সা'ইদের নিকট থেকে হাদীস শুনে এস। তারা যখন পৌছলেন, আবু সা'ইদ তখন বাগিচায়, তিনি তাদের সাথে বসেন এবং হাদীস শোনান। (মুসনাদ-৩/১৯০, ১১)

হাদীস বর্ণনার সাথে কিভাবে তিনি সে হাদীস শুনেছিলেন সে অবস্থারও বর্ণনা দিতেন। হযরত 'আবদুল্লাহ ইবন 'উমার (রা) কোন এক ব্যক্তির নিকট থেকে একটি হাদীস শোনেন। এই লোকটি আবু সা'ইদের সূত্রে হাদীসটি বর্ণনা করে। ইবন 'উমার ঐ লোকটিকে সংগে করে আবু সা'ইদের নিকট যান এবং প্রশ্ন করেনঃ এই ব্যক্তি কি অনুক হাদীসটি আপনার নিকট থেকে শুনেছে? আর আপনি কি তা রাসূলুল্লাহর (সা) মুখ থেকে শুনেছেন?

তিনি বললেন : আমার দু'চোখ দেখেছে এবং দু'কান শুনেছে। (মুসনাদ- ৩/৪)

একবার কৃষ্ণ নামক একজন ছাত্রের নিকট একটি হাদীস খুব ভালো লাগে। তিনি জিজ্ঞেস করে বসলেন, হাদীসটি কি আপনি রাসূলুল্লাহর (সা) মুখ থেকে শুনেছেন? এমন প্রশ্নে তিনি একটু ক্ষুক হলেন। বললেন : তাহলে কি না শুনেই আমি বর্ণনা করছি? হাঁ, আমি শুনেছি। (মুসনাদ- ৩/৯১)

যে সকল হাদীস রাসূলুল্লাহর (সা) মুখ থেকে শোনা শব্দাবলীর ওপর আস্থা না হতো সেগুলি বর্ণনার ব্যাপারে দারুণ সতর্কতা অবলম্বন করতেন। যেমন একবার একটি হাদীস বর্ণনা করলেন; কিন্তু রাসূলুল্লাহর (সা) নামটি উচ্চারণ করলেন না। এক ব্যক্তি প্রশ্ন করে বসলো, এটা কি রাসূলুল্লাহ (সা) থেকে বর্ণিত? বললেন : আমিও জানি।

আবু সাইদ হ্যরত রাসূলে কারীমের (সা) উপদেশ মত তাঁর ছাত্রদের আন্তরিকভাবে স্বাগতম জানাতেন। ইমাম তিরিয়ী আবু হারুন থেকে বর্ণনা করেছেন। তিনি বলেন : আমরা আবু সাইদের কাছে গেলে বলতেন : রাসূলুল্লাহর (সা) অসীয়াতের (উপদেশ) প্রতি স্বাগতম। নবী (সা) বলেছেন : মানুষ তোমাদের অনুসরণ করবে। কিছু লোক নানা স্থান থেকে দ্বিনের গতীর জ্ঞান অর্জনের উদ্দেশ্যে তোমাদের কাছে আসবে। তারা যখন তোমাদের কাছে আসবে তোমরা তাদের ভালো উপদেশ দেবে। অন্য বর্ণনায় এসেছে, ‘তাদেরকে শিক্ষা দেবে এবং বলবে মারহাবা, মারহাবা, নিকটে এস।’ (হায়াতুস সাহাবা- ৩/২০২, কানযুল ‘উম্মাল- ৫/২৪৩)

আবু সাইদ আরও বর্ণনা করেন। ‘রাসূল (সা) আমাদের নির্দেশ দিয়েছেন, আমরা যেন তাদের (ছাত্রদের) মজলিসে বসার স্থান করে দিই, তাদের হাদীস শিখাই।’ কারণ, তোমরাই তো আমাদের পরবর্তী প্রতিনিধি, আমাদের পরবর্তী মুহাদ্দিস। তিনি তাঁর ছাত্রদের আরও বলতেন : তুমি কোন বিষয় না বুঝলে তা বুঝার জন্য বার বার প্রশ্ন করবে। কারণ, তুমি বুঝে আমার মজলিস থেকে উঠে যাও- এটা তোমার না বুঝে উঠে যাওয়া থেকে আমার নিকট অধিক প্রিয়। (হায়াতুস সাহাবা- ৩/২০৩, কানযুল ‘উম্মাল- ৫/২৪৩)

তিনি ছাত্রদের হাদীস লিখে দিতেন না। তাবরাবী আবু নাদরাহ থেকে বর্ণনা করেছেন। তিনি বলেন : আমি আবু সাইদকে বললাম, আপনি আমাদেরকে হাদীস লিখে দিন। তিনি বললেন : আমরা কক্ষণও লিখে দেবনা এবং কক্ষণও হাদীসকে কুরআন বানাবো না। তোমরা বরং আমাদের নিকট থেকে এমনভাবে গ্রহণ কর যেমন আমরা রাসূলুল্লাহর (সা) নিকট থেকে গ্রহণ করেছি। (হায়াতুস সাহাবা- ৩/২১৭)

হানজালা ইবন আবী সুফিইয়ান আল-জুমাহী তাঁর শায়খদের নিকট থেকে বর্ণনা করেছেন। তাঁরা বলেছেন! আবু সাইদ আল-খুদারী অপেক্ষা রাসূলুল্লাহর (সা) ঘটনাবলীর অধিকতর সমবাদার ব্যক্তি আর কেউ নেই। (তাহজীবুল আসমা ওয়াল লুগাত- ২/২৩৭)

অ্যান্ত সত্যভাবী ছিলেন তিনি। বলতেন : আমি রাসূলকে (সা) সত্য ভাষণের প্রতি জোর তাকীদ দিতে শুনেছি। হায়, যদি তা না শুনতাম। (মুসনাদ- ৩/৫) একবার সত্য ভাষণের হাদীসটির আলোচনা উঠলে তিনি কেবলে ফেলেন। তারপর বলেন : হাদীসটি তো অবশ্যই শুনেছি; কিন্তু তার ওপর ‘আমল মোটেও হচ্ছেন। (মুসনাদ- ৩/৬১, ৭১)

হ্যরত আবীর মু'য়াবিয়ার (রা) শাসনকালে অনেক বিদ'য়াতের প্রচলন হতে থাকে। তিনি দীর্ঘ পথ পাড়ি দিয়ে মু'য়াবিয়ার (রা) কাছে যান এবং এক এক করে সকল বিদ'য়াতের কথা

তাঁর কর্ণগোচর করেন। (মুসনাদ-৩/৮৪) একবার আমীর মু'য়াবিয়ার সাথে তাঁর আনসারদের সম্পর্কে কথা হয়। তিনি বলেন, রাসূল (সা) আমাদের কঠে ধৈর্য ধরার নির্দেশ দিয়েছেন। তখন আমীর মু'য়াবিয়া বললেন : তাহলে তোমরা ধৈর্য ধর। (মুসনাদ-৩/৮৯)

একবার উমাইয়্যা খলীফা মারওয়ানের দরবারে বসে সাহাবীদের ফজীলাত ও মর্যাদা সম্পর্কে তাঁকে রাসূলুল্লাহর (সা) হাদীস শোনালেন। মারওয়ান বিশ্বাস করতে চাইলেন না। উক্ত বৈঠকে হয়রত যায়িদ ইবন সাবিত ও রাফে 'ইবন খাদীজও উপস্থিত ছিলেন। আবু সা'ঈদ প্রথমে তাদের দুইজনকে স্বাক্ষী মানলেন। তারপর বললেন : তাঁরাই বা কেন বলবে? একজনের তো সাদাকার দায়িত্ব থেকে অপসারণের ভয় আছে, আর অন্যজনের আপনার একটু ইশারাতেই গোত্রের নেতৃত্ব চলে যাওয়ার ভয়। এমন স্পষ্ট কথা শুন মারওয়ান তাঁকে কোড়া দিয়ে মারার জন্য উদ্যত হয়। তখন ঐ ব্যক্তিদ্বয় তাঁর কথার সত্যতা স্বীকার করেন। (মুসনাদ-৩/২৩)

এমনিভাবে এক 'ঈদের দিনে মারওয়ান যিদ্বার বের করেন এবং নামাযের পূর্বে খুতবা দেন। এক ব্যক্তি উঠে প্রতিবাদ করে বলে, এ দু'টি কাজই সুন্নাতের পরিপন্থী বিদ্যাত। মারওয়ান বললেন : পূর্বের পদ্ধতি পরিত্যক্ত হয়েছে। সেখানে আবু সা'ঈদ উপস্থিত ছিলেন। তিনি বললেন, যা কিছুই হোক না কেন, লোকটি তার দায়িত্ব পালন করেছে। আমি হয়রত রাসূলুল্লাহকে (সা) বলতে শুনেছি : যদি কোন ব্যক্তি কোন খারাপ কাজ করতে দেখে তাহলে তার উচিত শক্তি প্রয়োগে তা প্রতিরোধ করা। যদি তা সম্ভব না হয় তাহলে উচিত মুখে প্রতিবাদ করা, আর তাও সম্ভব না হলে কম্পক্ষে অন্তরে তা ঘৃণা করা উচিত। (মুসনাদ-৩/১০)

আমর বিল মাঝফের(সৎকাজের আদেশ) আবেগ এত তীব্র ছিল যে, একবার মারওয়ান হয়রত আবু হুরাইরার (রা) সাথে বসে ছিলেন। এমন সময় তাঁদের সামনে দিয়ে একটি লাশ অতিক্রম করলো। এই লাশের সাথে আবু সা'ঈদও ছিলেন। মারওয়ান লাশ দেখেও উঠলেন না। তখন আবু সা'ঈদ তাঁকে বললেন : আমীর, জানায়ার জন্য ওঠো। কারণ, রাসূল (সা) উঠতেন। একথা শুনে মারওয়ান দাঁড়িয়ে যান। (মুসনাদ-৩/৮৭, ৯৭) ইবন সা'দের মতে এই জানাযাটি ছিল উশ্মুল মুসিমীন হযরত হাফসার (রা)। (আনসাবুল আশরাফ-১/৪২৮)

হয়রত মুস'য়াব ইবন 'উমাইয়ার যখন মদীনার গভর্নর তখন একবার 'ঈদুল ফিতরের দিন জিজ্ঞেস করলেন, নামায এবং খুতবার ব্যাপারে রাসূলুল্লাহর (সা) কর্মপথা কি ছিল? আবু সা'ঈদ বললেন : রাসূল (সা) খুতবার আগে নামায পড়াতেন। মুস'য়াব তাঁর কথামত কাজ করেন। (মুসনাদ-৩/৪)

একবার শাহর ইবন হাওশাব 'তূর' পাহাড় ভ্রমণের ইচ্ছা করেন। তিনি আবু সা'ঈদের সাথে দেখা করতে আসেন। আবু সা'ঈদ তাঁকে বলেন, তিনটি মসজিদ ছাড়া অন্য কোন পবিত্র ভূমির প্রতি সফর নিষেধ করা হয়েছে।

ইবন আবী সা'সার জঙ্গ খুব পছন্দ ছিল। আবু সা'ঈদ তাঁকে বললেন : তুমি সেখানে এমন জোরে আয়ান দেবে যেন গোটা জঙ্গে তাকবীরের ধূনি প্রতিধ্বনিত হয়ে ওঠে। (মুসনাদ-৩/৯৫, ৪/৯৩)

তাঁর বোন কোন কিছু পানাহার ছাড়াই ধারাবাহিকভাবে সাওম পালন করতেন। রাসূলুল্লাহ (সা) এ ধরনের সাওম পালনে নিষেধ করতেন। আবু সা'ঈদও সব সময় তাঁকে এ কাজ থেকে বিরত রাখার চেষ্টা করতেন।

তিনি ছিলেন পরিপূর্ণভাবে রাসূলুল্লাহর (সা) সুন্নাতের অনুসারী। হযরত আবু হুরাইরাহ এক মসজিদে নামায পড়াতেন। একবার তিনি অসুস্থ হয়ে পড়েন বা কোন কারণে আসতে পারলেন না। তাঁর পরিবর্তে আবু সা'ঈদ নামায পড়ালেন। তাঁর নামাযের পদ্ধতির সাথে লোকেরা কিছুটা দিমত পোষণ করলো। তিনি মিথারের কাছে দাঁড়িয়ে ঘোষণা করলেন, আমি যেভাবে রাসূলুল্লাহকে (সা) নামায আদায় করতে দেখেছি ঠিক সেইভাবে পড়িয়েছি। এখন তোমরা আমার সাথে দিমত পোষণ করলে তাতে আমার কিছু যায় আসেনা।

তিনি ছিলেন ধৈর্যশীল। একবার তাঁর পায়ে ব্যথা হলো। তিনি পায়ের উপর পা রেখে শুয়ে ছিলেন। তাঁর ভাই এসে হঠাৎ সেই পায়ে হাত দিয়ে একটি থাবা মারেন। তাতে ব্যথা আরও বেড়ে যায়। তিনি অত্যন্ত নরমতাবে বললেন, আমাকে ব্যথা দিলে? তুমি তো জানতে আমার পায়ে ব্যথা। তাই বললেন : হী, জানতাম। তবে এভাবে শুতে রাসূল (সা) নিষেধ করেছেন।

সরলতা ছিল তাঁর চরিত্রের অন্যতম বৈশিষ্ট। একবার একটি জানায়ার নামাযের জন্য তাঁকে ডাকা হয়। সবার শেষে একটু দেরীতে তিনি পৌছলেন। লোকেরা তাঁর অপেক্ষায় বসে ছিল। তাঁকে দেখে সবাই উঠে দাঁড়িয়ে তাঁর জন্য স্থান খালি করে দেয়। তিনি বললেন : এ উচিত নয়। মানুষের উচিত ফাঁকা জায়গায় বসা। একথা বলে তিনি একটি ফাঁকা স্থানে বসে পড়েন।

আবু সালামা নামে তার এক ছাত্র ছিলেন। তিনি ছিলেন তাবে'ঈ। তাঁর সাথে ছিল চমৎকার বন্ধুত্বপূর্ণ সম্পর্ক। একবার আবু সালামা তাঁকে ডাক দিলেন। তিনি গায়ে চাদর জড়িয়ে বাইরে বেরিয়ে এলেন। আবু সালামা বললেন, একটু বাগিচা পর্যন্ত চলুন। আপনার সাথে কিছু কথা আছে। তিনি আবু সালামার সাথে চললেন।

তিনি ইয়াতীমদের প্রতিপালন করতেন। লায়স ও সুলায়মান ইবন 'আমর তাঁরই পালিত। তিনি হাতে একটি ছড়ি নিয়ে ঘুরতেন। হালকা-পাতলা ছড়ি তাঁর পছন্দ ছিল। খেজুরের ডাল সোজা করে তিনি ছড়ি বানাতেন। এক্ষেত্রেও তিনি ছিলেন রাসূলুল্লাহর (সা) অনুসারী। (মুসনাদ-৩/৬৫)

আনাস বলেন : আনসারদের ২০ জন যুবক সর্বক্ষণ রাসূলুল্লাহর (সা) সেবায় নিয়োজিত থাকতো। যে কোন প্রয়োজনে রাসূল (সা) তাদের কাউকে পাঠাতেন। আবদুর রহমান ইবন 'আউফ বলেন, চার অথবা পাঁচজন সাহাবী তো কক্ষণও রাসূলুল্লাহর (সা) বাড়ির দরয়া থেকে উঠতো না। আবু সা'ঈদ বলেন, আমরা পালাত্রমে রাসূলুল্লাহর (সা) কাছে থাকতাম। (হায়াতুস সাহাবা-২/৬৮৭)

একবার এক ওয়ালিমার অনুষ্ঠানে তাঁকে দাঁওয়াত করা হয়। তিনি উপস্থিত হয়ে দেখেন, নানা পদের খাবার প্রস্তুত। বাড়ির লোকদের বললেন, তোমরা কি জাননা, রাসূল (সা) যে দিন দুপুরে খেতেন সে দিন রাতে উপোস যেতেন এবং সকালে নাস্তা করলে দুপুরে খেতেন না? (হায়াতুস সাহাবা-২/৩০৮)

সিফ্ফীন যুদ্ধে হযরত 'আবদুল্লাহ ইবন 'আমর ইবনুল 'আস পিতা 'আমর ইবনুল 'আসের সাথে হযরত 'আলীর (রা) বিঝন্দে রন্ধনে যান। এ কারণে হযরত হাসান ইবন 'আলী বহুদিন যাবত তাঁর সাথে কথা বলা বন্ধ রাখেন। হযরত আবু সা'ঈদ (রা) এ কথা জানতে পেরে 'আবদুল্লাহকে সংগে নিয়ে হাসানের নিকট যান এবং তাঁদের দু'জনের মনোমালিন্য দূর করে সম্প্রীতি ও সৌহার্দ পুনঃ প্রতিষ্ঠা করে দেন। (হায়াতুস সাহাবা-২/৪৩৪)

## মু'য়াজ ইবন জাবাল (রা)

নাম মু'য়াজ, ডাকনাম আবু আবদির রহমান এবং লকব বা উপাধি 'ইমামুল ফুকাহা, কান্যুল 'উলামা ও রাবানিয়ুল কুলুব।' মদীনার খায়রাজ গোত্রের উদায় ইবন সা'দ শাখার সন্তান। অনেকে তাঁকে সালামা ইবন সা'দ শাখার সন্তান বলে উল্লেখ করেছেন। মুহাম্মদ ইবন ইসহাক বলেছেন, প্রকৃত পক্ষে তিনি ছিলেন বনু কুদাচিত গোত্রের সন্তান, উদায় ইবন সা'দ গোত্রের নন। এ গোত্রের লোকেরা তাঁকে নিজেদের গোত্রের লোক বলে দায়ী করতো। (আনসাবুল আশরাফ-১/২৪৭, আল-ইসাবা-৪/৪২৭, সীরাতু ইবন হিশাম-১/৪৬৪), উসুদুল গাবা-৪/৩৭৬) হিজরাতের ২০ বছর পূর্বে ৬০৩ খৃষ্টাব্দে ইয়াসরিবে (মদীনায়) জন্মগ্রহণ করেন। (আল-আ'লাম-৮/১৬৬)

তাঁর বৎশের উর্ধ্বতন পুরুষ সা'দ ইবন আলীর ছিল দুই ছেলে। তাদের নাম সালামা ও উদায়। সালামার বৎশকে বলা হয় বনু সালামা। এই বৎশে আবু কাতাদাহ, জাবির ইবন আবদিন্দ্বাহ, কা'ব ইবন মালিক, 'আবদুল্লাহ ইবন 'আমর ইবন হারাম-এর মত বিখ্যাত সাহাবী জন্মগ্রহণ করেন। উল্লেখিত ব্যক্তিবৃন্দ ছাড়াও আরও বহু বিশিষ্ট বক্তির এই বৎশের সাথে সম্পর্ক ছিল। কিন্তু সালামার ভাই উদায়-এর বৎশে রাসূলুল্লাহর (সা) মদীনায় হিজরাতের সময় শুধু এক মু'য়াজ-ই জীবিত ছিলেন এবং হিজরী ১৮ অথবা ১৯ সনে তাঁর মৃত্যুর সাথে এই বৎশধারা চিরদিনের জন্য বিলীন হয়ে যায়।

ইমাম সাম'য়ানী 'কিতাবুল আনসাব' গ্রন্থে হসাইন ইবন মুহাম্মদ ইবন তাহিরকে এই উদায়-এর বৎশের লোক বলে উল্লেখ করেছেন। কিন্তু এ তথ্য সঠিক নয়। কারণ নির্ভরযোগ্য বর্ণনাসমূহ দ্বারা একথা প্রমাণিত যে, ইসলামের প্রাথমিক পর্বে এই খালানের দুই ব্যক্তি জীবিত ছিলেন। তাঁদের একজন মু'য়াজ ইবন জাবাল এবং দ্বিতীয় জন তাইরই ছিল 'আবদুর রহমান। আর তাঁরা উভয়ে শামের 'আমওয়াসের মহামারিতে আক্রান্ত হয়ে মারা যান। (উসুদুল গাবা-৪/৩৭৬)

বনু উদায়-এর বাসস্থান তাদের চাচাতো গোষ্ঠী বনু সালামের পাশে মসজিদুল কিবলাতাইন-এর ধারে কাছেই ছিল। হ্যরত মু'য়াজের বাট্টাটিও ছিল এখানে।

হ্যরত মু'য়াজের পিতা জাবাল ইবন আমর এবং মাতা হিন্দা বিনতু সাহল আল-জুহাইনিয়া। বদরী সাহাবী হ্যরত আবদুল্লাহ ইবনুল জান্দ (রা) তাঁর বৈপিত্রীয় ভাই। (তাবাকাত-৩/৫৭১, ৫৮৩) মু'য়াজের ছেলের নাম ছিল আবদুর রহমান। এ জন্য তাঁকে আবু 'আবদির রহমান বলে ডাকা হতো। (তাবাকাত-৩/৫৮৩)

মক্কা থেকে মদীনায় প্রেরিত রাসূলুল্লাহর (সা) দা'ঈ-ই-ইসলাম হ্যরত মুস'য়াব ইবন উমাইরের (রা) হাতে নবুওয়াতের দাদশ বছরে হ্যরত মু'য়াজ যখন ইসলাম গ্রহণ করেন তখন তাঁর বয়স ১৮ বছর। (উসুদুল গাবা-৪/৩৭৬) তাঁর ইসলাম গ্রহণের পর পরবর্তী হজ্জ মওসুমে মুস'য়াব ইবন 'উমাইর মক্কায় চললেন। মদীনাবাসী নবদীক্ষিত মুসলমান ও মুশারিকদের একটি দলও হজ্জের উদ্দেশ্যে তাঁর সঙ্গী হলো। হ্যরত মুয়াজও ছিলেন এই কাফিলার একজন সদস্য। মক্কার আকাবায় তাঁরা গোপনে রাসূলুল্লাহর (সা) দীদার লাভ করে তাঁর হাতে বাইয়াত করেন।

এটা ছিল আকাবার তৃতীয় বা শেষ বাইয়াত। এই দলটি মক্কা থেকে ফিরে আসার পর মদীনার ঘরে ঘরে ইসলামের দা'ওয়াত ছড়িয়ে পড়ে।

অবৰ বয়স্ক মু'য়াজ্জ যখন মক্কা থেকে ফিরলেন, ইমানী আবেগে তাঁর অন্তর তখন ভরপুর। এখন কারও বাড়ী মূর্তি থাকাটা তাঁর নিকট অসহনীয়। মদীনায় ফিরে তিনি এবং তাঁর মত আরও কিছু যুবক সিদ্ধান্ত নিলেন তাঁরা প্রকাশে বা গোপনে যেভাবেই হোক মদীনাকে প্রতীমামুক্ত করবেন। তাঁদের এই আন্দোলনের ফলে হয়রত 'আমর ইবনুল জামুহ প্রতীমা পূজা ত্যাগ করে ইসলাম গ্রহণ করেন।

'আমর ইবনুল জামুহ ছিলেন মদীনার বনু সালামা গোত্রের অতি সশ্রান্তি সরদার। অন্য নেতাদের মত তাঁরও ছিল একটি অতি প্রিয় কাঠের প্রতীমা। প্রতীমাটির নাম ছিল মানাত। এই প্রতীমাটির প্রতি ছিল 'আমরের অত্যধিক ভক্তি ও প্রিয়। তিনি অতি যত্নসহকারে সুগন্ধি মাখিয়ে রেশমী কাপড় দিয়ে সেটি সব সময় ঢেকে রাখতেন।

মক্কা থেকে ফেরা এই তরুণরা রাতের অঙ্ককারে একদিন চূপে চূপে মূর্তিটি তুলে নিয়ে বনু সালামা গোত্রের ময়লা-আবর্জনা ফেলার গর্তে ফেলে দেয়। ইবন ইসহাক এই উৎসাহী তরুণদের তিনজনের নাম উল্লেখ করেছেন। তাঁরা হলেন : মু'য়াজ্জ ইবন জাবাল, আবদুল্লাহ ইবন উনাইস ও সালামা ইবন গানামা। (সীরাতু ইবন হিশাম-১/৬৯৯)

সকালে ঘূম থেকে উঠে 'আমর ইবন জামুহ যথাস্থানে প্রতীমাটি না পেয়ে খৌজা-খুজি শুরু করলেন। এক সময় ময়লা-আবর্জনার স্তুপে প্রতীমাটি মুখ পুরুড়ে পড়ে থাকতে দেখে ব্যথিত কষ্টে বলেন : তোমাদের সর্বনাশ হোক। গত রাতে আমাদের ইলাহ'র সাথে কারা এমন আচরণ করলো? তিনি প্রতীমাটি সেখান থেকে তুলে ধূয়ে মুছে পরিষ্কার করে আতর-সুগন্ধি লাগিয়ে আবার যথাস্থানে রেখে দিলেন। প্রতীমাকে সংৰক্ষণ করে বলেন : ওহে মানাত, আমি যদি জানতাম, কারা তোমার সাথে এমন আচরণ করেছে।

পরদিন রাতে আবার একই ঘটনা ঘটলো। সকালে 'আমর খুজতে খুজতে অন্য একটি গর্ত থেকে প্রতীমাটি উদ্ধার করে ধূয়ে মুছে আগের মত রেখে দেন। পরের রাতে একই ঘটনা ঘটলো। তিনিও আগের মত সেটি কুড়িয়ে এনে একই স্থানে রেখে দিলেন। তবে এ দিন তিনি প্রতীমাটির কাঁধে একটি তরবারি বুলিয়ে দিয়ে বলেন :

"আল্লাহর কসম! তোমার সাথে কে বা কারা এমন আচরণ করছে, আমি জানিনে। তবে তুমি তাদের দেখেছো। হে মানাত, তোমার মধ্যে যদি কোন ক্ষমতা থাকে তুমি তাদের থেকে আত্মরক্ষা কর। এই থাকলো তোমার সাথে তরবারি।"

রাত হলো। তরুণরা আজও এলো। তাঁরা প্রতীমার কাঁধ থেকে তরবারি তুলে নিয়ে একটি মৃত কুকুরের সাথে সেটি বাঁধলো। তাঁরপর প্রতীমাসহ কুকুরটি একটি নোংরা গর্তে ফেলে চলে গেল। 'আমর সকালে খুজতে বেরিয়ে মূর্তিটির এমন দশা দেখে তাকে লক্ষ্য করে একটি কবিতা আবৃত্তি করেন। তাঁর প্রথম লাইনটি এমন :

'আল্লাহর কসম! তুমি যদি সত্যিই ইলাহ হতে তাহলে এমনভাবে কুকুর ও তুমি এক সাথে গর্তে পড়ে থাকতে না।' (সীরাতু ইবন হিশাম-১/৪৫৩-৪৫৪)

এভাবে 'আমর ইবন জামুহ মূর্তিপূজার প্রতি বীত্তশুद্ধ হয়ে ইসলামের সুশীলন ছায়ায় অশ্রয় গ্রহণ করেন। (দ্রঃ সুওয়ারুম মিন হায়াতিস সাহাবা-৭/১২২-১২৬, হায়াতুস সাহাবা-১/২৩০, সীরাতু ইবন হিশাম-১/৪৫২, ৪৫৩, ৬১৯)

হয়রত মু'য়াজ্জের ইসলাম গ্রহণের অর্কাল পরে হয়রত রাসূলে কারীম (সা) মদীনায়

হিজরাত করেন। ইবন সা'দ বলেন : রাসূলে কারীম (সা) মু'য়াজ ও আবদুল্লাহ ইবন মাস'উদের মধ্যে আত্-সম্পর্ক প্রতিষ্ঠা করে দেন। এ বিষয়ে কোন মতবিরোধ নেই। তবে মুহাম্মাদ ইবন ইসহাক থেকে একটি বর্ণনায় এসেছে যে, রাসূল (সা) জা'ফর ইবন আবী তালিবের সাথে মু'য়াজের দীনী আত্ম কায়েম করেন। মুহাম্মাদ ইবন 'উমার ইবন ইসহাকের এ বর্ণনা সম্পর্কে প্রশ্ন উত্থাপন করে বলেছেন : এটা কেমন করে হতে পারে? দীনী মুওয়াখাত বা আত্-সম্পর্কের বিষয়টি ছিল রাসূলুল্লাহর (সা) মদীনায় আগমনের পর বদর যুদ্ধের পূর্বে। বদর যুদ্ধের পর মীরাসের আয়াত নাযিল হলে মুওয়াখাতের রীতি রাহিত হয়ে যায়। আর জা'ফর ইবন আবী তালিব এর অনেক আগে মক্কা থেকে হাবশায় হিজরাত করেন। রাসূল (সা) যখন মদীনায় এ মুওয়াখাত বা আত্মের রীতি চালু করেন জা'ফর তখন হাবশায় এবং এই ঘটনার প্রায় সাত বছর পর তিনি মদীনায় আসেন। সূতরাং জা'ফর ইবন আবী তালিবের সাথে হ্যরত মু'য়াজের আত্-সম্পর্ক প্রতিষ্ঠিত হয়েছিল—মুহাম্মাদ ইবন ইসহাকের এমন ধারণা একটি মারাত্মক আন্তি। (দ্রঃ তাবাকাত-৩/৫৮৪, আনসাবুল আশরাফ-১/২৭৭, তাহজীবুল আসমা ওয়াল লুগাত-২/৯৮, আল-আলাম-৮/১৬৬, সীরাতু ইবন হিশাত-১/৫০৫)

ইবন সা'দ বলেন : মু'য়াজ বিশ অথবা একশু বছর বয়সে বদর যুদ্ধে যোগদান করেন। এরপর উৎসুক সকল যুদ্ধে রাসূলুল্লাহর (সা) সাথে যোগ দেন। (তাবাকাত-৩/৫৮৪, আল-আলাম-৮/১৬৬)

হ্যরত মু'য়াজ রাসূলুল্লাহর (সা) জীবদ্ধশায় কুরআন মজীদ হিফজ করেন। রাসূলে কারীমের (সা) জীবনকালে যে ছয় ব্যক্তি কুরআন সংগ্রহ ও সংৰক্ষণ করেন তিনি তাঁদের অন্যতম। (আল-আলাম-৮/১৬৬)

রাসূলুল্লাহর (সা) জীবদ্ধশায় বনু সালামার মহস্তায় একটি মসজিদ নির্মিত হলে হ্যরত মু'য়াজ এই মসজিদের ইমাম নিযুক্ত হন। একদিন তিনি 'ঈশার নামাযে সূরা বাকারাহ পাঠ করেন। পিছনে মুকতাদীদের মধ্যে ছিলেন কর্মকৃত এক ক্ষেত্র মজুর। হ্যরত মু'য়াজের নামায শেষ করার আগেই তিনি নামায ছেড়ে চলে যান। নামায শেষে মু'য়াজ বিষয়টি জানতে পেরে মন্তব্য করেন : সে একজন মূলফিক (কপট মুসলমান)। লোকটি রাসূলুল্লাহর (সা) নিকট মু'য়াজের বিরুদ্ধে নালিশ জানালো। রাসূলুল্লাহ (সা) মু'য়াজকে ডেকে বলেন : মুয়াজ। তুম কি মানুষকে ফিতনায় ফেলতে চাও? তারপর তিনি বলেন : ছোট ছোট সূরা পাঠ করবে। কারণ, তোমার পিছনে বৃন্দ, দুর্বল ও ব্যস্ত লোকও থাকে। তাদের সবার কথা তোমার শরণে থাকা উচিত। (বুখারী-১/৯৮)

হিজরী নবম সনে হ্যরত রাসূলে কারীম (সা) তাৰুক অভিযান শেষ করে সবে মাত্র মদীনায় ফিরেছেন। এমন সময় রমজান মাসে ইয়ামনের হিমায়ার গোত্রের শাসকের দৃত মদীনায় খবর নিয়ে আসে যে, ইয়ামনবাসীরা ইসলাম গ্রহণ করেছে। এ খবর পেয়ে রাসূল (সা) স্থানকার আমীর হিসাবে মু'য়াজ ইবন জাবালকে মনোনীত করেন।

আমীর মনোনীত হওয়ার পূর্বে হ্যরত মু'য়াজের সকল সহায় সম্পত্তি খণ্ডের দায়ে বিক্রী হয়ে গিয়েছিল। হ্যরত জাবির ইবন 'আবদিল্লাহ বলেন : চেহারা-সুরৎ, খ্বতাব-চরিত্র ও দানশীলতার দিক দিয়ে মু'য়াজ ছিলেন সর্বোত্তম লোকদের অন্যতম। দরায় হস্তের কারণে তিনি প্রচুর ঝণগ্রস্ত হয়ে পড়েন। পাওনাদাররা তাগাদা দিতে শুরু করলে কিছুদিন তিনি বাড়ীতে লুকিয়ে থাকেন। তারা তাদের পাওনা আদায় করে দেওয়ার জন্য রাসূলুল্লাহকে (সা) অনুরোধ করলো। রাসূল (সা) মু'য়াজকে ডাকলেন। পাওনাদার হাজির হলো। তাঁরা বললোঃ ইয়া রাসূলুল্লাহ,

মু'য়াজের নিকট থেকে আমাদের পাওনা আদায় করে দিন। রাসূল (সা) মু'য়াজের দুর্দশা দেখে পাওনাদারদের বললেন : যে তার পাওনা মাফ করে দেবে আল্লাহ তার ওপর রহমত বর্ষণ করবেন। রাসূলুল্লাহর (সা) এ কথার পর কিছু পাওনাদার তাদের দাবী ছেড়ে দেয়। তবে অনেকে দাবী ছাড়তে নারাজি প্রকাশ করে। তখন রাসূল (সা) বললেন : মু'য়াজ, তুমি ধৈর্য ধর। তারপর তিনি মু'য়াজের সকল সম্পদ পাওনাদারদের মধ্যে ভাগ করে দিলেন। তাতেও তার সব খণ্ড পরিশোধ হলো না। তখন তিনি পাওনাদারদের বললেন : এর অতিরিক্ত তোমরা পাবেনা, এই গুলিই নিয়ে যাও।

রাসূলুল্লাহর (সা) দরবার থেকে হ্যরত মু'য়াজ রিক্ত হল্টে বনু সালামার দিকে ফিরে গেলেন। সেখানে এক ব্যক্তি বললো : আবু আবদিল রহমান, তুমি রাসূলুল্লাহর (সা) নিকট কিছু সাহায্য চাইলে না কেন? আজ তো তুমি একেবারে কপর্দকহীন হয়ে পড়েছ। মু'য়াজ বললেন : চাওয়া আমার স্বতাব নয়। মু'য়াজের কথা রাসূলুল্লাহর (সা) খ্রণ ছিল। একদিন পর তিনি মু'য়াজকে ডাকলেন এবং তাঁকে ইয়ামনে আমীর হিসাবে নিযুক্তির কথা জানিয়ে বললেন : আশা করা যায় আল্লাহ তোমার ক্ষতি পূরিয়ে দেবেন এবং তোমার খণ্ড পরিশোধের ব্যবস্থা করবেন। (উসুদুল গাবা-৪/৩৭৭, তাজকিরাতুল হফ্ফাজ-১/২১, তাবাকাত-৩/৫৮)

যদিও হ্যরত মু'য়াজের আমীর হওয়ার ঘোগ্যতার ব্যাপারে রাসূলুল্লাহর (সা) পূর্ণ আস্থা ছিল, তবুও তাঁকে ইয়ামনে পাঠানোর পূর্বে একটি পরীক্ষা নেওয়া উচিত মনে করলেন। তিনি মু'য়াজকে ডেকে প্রশ্ন করলেন :

- আচ্ছা, তুমি ফায়সালা করবে কিভাবে?
- কুরআনের দ্বারা।
- যদি এমন কোন বিষয় আসে যার সমাধান কুরআনে না পাও, তখন কি করবে?
- আল্লাহর রাসূলের সুন্নাতের দ্বারা ফায়সালা করবো।
- যদি এমন কোন বিষয়ের সম্মুখিন হও যার সমাধান কুরআন অথবা সুন্নাতে পাচ্ছ না, তখন কি করবে?
- আমি নিজেই ইজতিহাদ করে ফায়সালা করবো।

হ্যরত মু'য়াজ পরীক্ষায় উত্তীর্ণ হলেন। তাঁর জবাবে রাসূল (সা) সন্তুষ্ট হয়ে বললেন : সকল প্রশংসা আল্লাহর, যিনি তাঁর রাসূলের রাসূলকে (দৃত) এমন জিনিসের তাওয়াকীক বা ক্ষমতা দান করেছেন যা তাঁর রাসূলের পছন্দ। (আল-ইসতী'য়াব; আল-ইসাবার পাখটিকা-৪/৪৫৮, তাবাকাত-২/১৪৭-১৪৮)

মু'য়াজের পরীক্ষা শেষ করে রাসূল (সা) ইয়ামনবাসীদের উদ্দেশ্যে একটি পত্র লেখেন। তাতে হ্যরত মু'য়াজের স্থান ও মর্যাদা স্পষ্ট হয়ে উঠেছে। (আল-আ'লাম-৮/১৬৬) তিনি লেখেন : 'ইমি বা'য়াস্তু লাকুম খায়রা আহলী-' - আমি আমার সর্বোক্তম আহল বা পরিজ্ঞকে তোমাদের নিকট পাঠালাম। তিনি আরও লিখলেন, তোমরা মু'য়াজ ও অন্য লোকদের সাথে তালো ব্যবহার করবে। সাদাকা ও জিয়িয়ার অর্থ তার নিকট জমা করবে। আমি মু'য়াজ ইবন জাবালকে ইয়ামনে বসবাসরত সকলের ওপর আমীর নিরোগ করছি। তাকে সন্তুষ্ট রাখবে এবং এমন যেন না হয় যে সে তোমাদের ওপর অসন্তুষ্ট হয়েছে।

সফরের সকল প্রস্তুতি সম্পর্ক করে হ্যরত মু'য়াজ গেলেন রাসূলুল্লাহর (সা) খিদমতে। সেখানে আরও লোক ছিল। হ্যরত রাসূলে কারীম (সা) তাঁকে কিছুদূর এগিয়ে দিয়ে বিদায় নেন। মু'য়াজ উটের ওপর সাওয়ার ছিলেন, আর তাঁর পাশে রাসূল (সা) পায়ে হেঁটে চলছিলেন।

দুই জনের মধ্যে কিছু কথাবার্তাও হচ্ছিল। রাসূল (সা) বললেন : মু'য়াজ তোমার দায়িত্ব অনেক। কেউ কিছু হাদিয়া দিলে তুমি তা গ্রহণ করবে। আমি তোমাকে তা গ্রহণের অনুমতি দিচ্ছি। বিদায়ের পূর্ব মুহূর্তে রাসূল (সা) বললেন : 'সম্ভবতঃ তোমার সাথে আমার আর দেখা হবে না। এরপর তুমি মদীনায় ফিরে আমার স্থলে আমার কবর ও মসজিদ যিয়ারত করবে।' সাথে সাথে মু'য়াজ কারায় ভেঙে পড়লেন। রাসূল (সা) বললেন : 'কেঁদো না। কারা শয়তানী কাজ। যাও আল্লাহ তোমাকে সব রকম বিপদ-আপদ থেকে ছিফাজত করল্ল।' একথা বলে রাসূল (সা) মু'য়াজকে ছেড়ে দেন। মু'য়াজ অত্যন্ত ব্যথা ভারাক্রান্ত হৃদয়ে মদীনার দিকে তাকিয়ে বলেন : মুন্তাকীরাই (খোদাতীরু) আমার নিকটতম মানুষ- তা তারা যে কেউ হোক না কেল এবং যেখানেই ধাকুক না কেল। (হায়াতুস সাহাবা-২/৩৩৬)

হযরত মু'য়াজ ইয়ামনে মাত্র দুই বছর ছিলেন। ইজরী নবম সনে 'আমীরের দায়িত্ব নিয়ে ইয়ামনে যান এবং ইজরী একাদশ সনে সবকিছু ছেড়ে দিয়ে বেছায় মদীনায় ফিরে আসেন।

হযরত মু'য়াজ ইয়ামন যাওয়ার কিছুদিন পর রাসূল (সা) ইনতিকাল করেন এবং হযরত আবু বকর (রা) খলীফা হন। তিনি আমীরে হজ্জের দায়িত্ব দিয়ে 'উমারকে মক্কায় পাঠালেন। এদিকে হযরত মু'য়াজকে হজ্জের উদ্দেশ্যে ইয়ামন থেকে সরাসরি তৌর লাটবহর সহ মক্কায় পৌছলেন। যিনায় দুইজনের সাক্ষাৎ, কুশল বিনিময় ও কোলাকুলি হলো। মু'য়াজের সাথে তৌর অনেকগুলি দাস ও লাটবহর দেখে 'উমার জিজেস করলেন :

- আবু 'আবদির রহমান, এসব কি?
- এগুলি আমার। আমি অর্জন করেছি।
- কিভাবে অর্জন করলে?
- লোকেরা আমাকে হাদিয়া দিয়েছে।
- তুমি আবু বকরকে এসব কথা জানাবে এবং সবকিছুই তাঁর হাতে তুলে দেবে। যদি তিনি তোমাকে কিছু দান করেন, তুমি তা গ্রহণ করবে।
- আমি তোমার কথা মানবো না। মানুষ আমাকে দান করেছে, আর আমি তা আবু বকরের হাতে তুলে দেব।

হযরত 'উমার (রা) মদীনায় ফিরে খলীফাকে পরামর্শ দিলেন, মু'য়াজের জীবন ধারণের মত কিছু অর্থ তাঁকে দিয়ে অবশিষ্ট সবকিছু বাইতুল মালে জমা করা হোক। আবু বকর জবাব দিলেন : তাঁকে 'আমীর নিয়োগ করেন খোদ রাসূলগ্লাহ (সা)। সে যদি নিজেই জমা দিতে ইচ্ছা করে এবং আমার কাছে নিয়ে আসে, আমি গ্রহণ করবো। অন্যথায় এক কপৰ্দকও গ্রহণ করবো না। হযরত 'উমার খলীফার জবাব পেয়ে আবার মু'য়াজের কাছে যান এবং পুনরায় তাঁকে জমা দেওয়ার তাক্ষিদ দেন। এবার মু'য়াজ বলেন : আমাকে রাসূল (সা) ইয়ামনে শুধু এই জন্য পাঠান যে, আমি যেন সেখানে থেকে নিজের ক্ষতি পুরিয়ে নিতে পারি। আমি কিছুই দেব না। হযরত 'উমার নীরবে উঠে চলে আসলেন। তবে তিনি নিজের সিদ্ধান্তে অটল থাকলেন।

হযরত মু'য়াজ তো 'উমারকে ফিরিয়ে দিলেন; কিন্তু শেষ পর্যন্ত অদৃশ্য সাহায্যে তিনি 'উমারের সাথে একসত পোষণ করেন। মু'য়াজ রাতে ঘুমিয়ে গেলেন। সকালে ঘুম থেকে উঠে সোজা 'উমারের নিকট গিয়ে বললেন : আপনার কথা মানা ছাড়া আমার আর উপায় নেই। রাতে আমি স্বপ্নে দেখলাম, আমাকে জাহারামের দিকে টেনে নিয়ে যাওয়া হচ্ছে, আর আপনি আমাকে টেনে ধরে রেখেছেন। অন্য একটি বর্ণনা মতে মু'য়াজ পানিতে ডুবে যাচ্ছেন এবং 'উমার তাঁকে উদ্ধার করছেন। তারপর মু'য়াজ সকল দাস-দাসী সংগে করে খলীফা আবু বকরের

নিকট হাজির হন এবং পুরো ঘটনার পর বলেন, আমার কাছে যা কিছু আছে সবই এনে হাজির করছি। আবুবকর (রা) বললেন : আমি তোমার নিকট থেকে কিছুই গ্রহণ করবো না, সবই তোমাকে হিবা বা দান করলাম। কারণ, আমি রাসূলকে (সা) বলতে শুনেছিঃ ‘আশা করা যায় আল্লাহ তোমার ক্ষতি পূরণ করে দেবেন।’ অন্য একটি বর্ণনা মতে আবু বকর তাঁর নিকট থেকে কিছু সম্পদ গ্রহণ করে তাঁর অবশিষ্ট ঝণ পরিশোধ করেন এবং বাকী সম্পদ সবই তাঁকে দান করেন। হ্যরত ‘উমার তখন মু’য়াজকে লক্ষ্য করে বলেন : এখন সবই তোমার কাছে রাখ। এখন তুমি অনুমতি প্রাপ্ত।

হ্যরত মু’য়াজ দাসদের সৎগে করে বাড়ী ফিরলেন। তাদের সাথে জামায়াতে নামায আদায় করলেন। সালাম ফিরিয়ে তাদের জিজ্ঞেস করলেন : তোমরা কার জন্য নামায আদায় করলে? তারা বললো : আল্লাহর জন্য। মু’য়াজ বললেন : তাহলে তোমরা মুক্ত, তোমরা তাঁরই জন্য। (তাবাকাত-৩/৫৮৬-৫৮৮, হায়াতুস সাহাবা-১৫২-১৫৪.)

রাসূলল্লাহ (সা) মু’য়াজকে ইয়ামনে পাঠালেন। একদিকে তিনি ইয়ামনের গর্তর্ণ, অন্যদিকে সেখানকার তাবলীগ ও দীনী তা’লীমের দায়িত্বশীলও। বিচারের দায়িত্ব ছাঢ়াও দীনী দায়িত্বও পালন করতেন। তিনি লোকদের কুরআন শিক্ষা দিতেন, ইসলামী বিধি-বিধানের প্রশিক্ষণ দিতেন।

তিনি ইয়ামনে থাকাকালীন একবার হাওলান গোত্রের এক মহিলা তাঁর নিকট এলো। তার ছিল বারোটি ছেলে। তবে সবচেয়ে ছেট ছেলেটিও তখন শুশ্রাম মভিত। এর দ্বারাই অনুমান করা যায় মহিলার বয়স কত হতে পারে। স্বামীকে একা বাড়ীতে রেখে বারোটি ছেলের সকলকে সৎগে করে সে এসেছে। দুই ছেলে তার দুইটি বাহ ধরে চলতে সাহায্য করেছে। মহিলা মু’য়াজকে প্রশ্ন করলো :

- আপনাকে কে পাঠিয়েছে?
- রাসূলল্লাহ(সা)।
- আপনি তাহলে রাসূলল্লাহর (সা) নির্বাচিত প্রতিনিধি? আমি আপনাকে কিছু প্রশ্ন জিজ্ঞাসা করতে চাই।
- করুন।
- স্ত্রীর ওপর স্বামীর হক বা অধিকার কতটুকু?
- যথাসন্তুষ্ট আল্লাহকে তয় করে তার আনুগত্য করবে।
- আল্লাহর কসম, আপনি একটু ঠিক ঠিক বলবেন।
- আপনি এতটুকুতে সন্তুষ্ট নন?
- ছেলেদের বাবা বৃদ্ধ হয়েছে, আমি তাঁর হক কিভাবে আদায় করবো?
- আপনি তার দায়িত্ব থেকে নিষ্কৃতি পেতে পারেন না। যদি কৃষ্ট রোগে তার দেহ পঁচে ফেটে যায়, রক্ত ও পুঁজি ঝরতে থাকে, আর আপনি তাতে মুখ লাগিয়ে চুষে নেন, তবুও তার হক পুরোপুরি আদায় হবে না। (মুসনাদ-৫/২৩৯, সীরাতু ইবন হিশাম-২/৫৯০-৯১, সীয়ারে আনসার-২/১৬৬)

হ্যরত রাসূলে কারীম (সা) গোটা ইয়ামনকে পীচটি ভাগে ভাগ করেন; সান’য়া, কিলাহ, হাদরামাউত, জানাদ, খুবাইদ। ইয়ামনের রাজধানী ছিল জানাদ, আর এখানেই থাকতেন হ্যরত মু’য়াজ। তিনিই জানাদের জামে’ মসজিদটির নির্মাতা। (শাজারাতুজ জাহাব-১/৩০) অবশিষ্ট চারটি স্থানে নিম্নলিখিত ব্যক্তিবর্গ শাসক নিযুক্ত হন :

সান'য়া- হ্যরত খালিদ ইবন সা'ঈদ, কিন্দাহ- হ্যরত মুহাজির ইবন আবী উমাইয়া, হাদরামাউত- হ্যরত যিয়াদ ইবন লাবীদ এবং খুবাইদ ও উপকূলীয় এলাকায়- হ্যরত আবু মূসা আল-আশয়ারী (রা)। উপরোক্ত ব্যক্তিগণ নিজ নিজ এলাকায় সাদাকা, জিয়া ইত্যাদি আদায় করে হ্যরত মু'য়াজের নিকট পাঠিয়ে দিতেন। রাজকোষের পূর্ণ দায়িত্বে ছিলেন হ্যরত মু'য়াজ। (শাজারাতুজ জাহাব-১/৩০)

হ্যরত মু'য়াজ বিভিন্ন সময়ে তাঁর অধীনস্থ শাসকদের এলাকাসমূহ ঘুরে ঘুরে তাঁদের বিচার ও সিদ্ধান্তসমূহ দেখাশুনা করতেন। প্রয়োজনবোধে তিনি নিজেও মুকাদ্দামার শুনানী করতেন। একবার হ্যরত আবু মূসার অঞ্চলে গিয়ে এভাবে একটি মুকাদ্দামার ফায়সালা করেন। এসব সফরে তিনি তাঁবুতে অবস্থান করতেন। আবু মূসার এখানেও তাঁর জন্য একটি তাঁবু নির্মাণ করা হয়। তিনি ও আবু মূসা দুই জনই পাশাপাশি তাঁবুতে অবস্থান করেন। (বুখারী-২/৬৩৩)

হ্যরত রাসূলে কারীম (সা) যখন মু'য়াজকে ইয়ামনে পাঠান তখন তাঁকে একটি নিখিত নির্দেশনামা দান করেন। তাতে গন্মীতাত, খুমুস, সাদাকাত, জিয়িয়াসহ বিভিন্ন বিধানের বিস্তারিত ব্যাখ্যা দেওয়া হয়েছে। হ্যরত মু'য়াজ সব সময় তারাই আলোকে কাজ করতেন।

একবার এক ব্যক্তি একপাল গরু নিয়ে এলো। গরুগুলি সংখ্যায় ছিল তিনিশটি। রাসূল (সা) তাঁকে তিরিশটি গরুতে একটি বাছুর নেওয়ার নির্দেশ দিয়েছিলেন। এ কারণে হ্যরত মু'য়াজ বললেন : আমি রাসূলগুলাহর (সা) কাছে না জেনে কিছুই গ্রহণ করবো না। কারণ এ ব্যাপারে রাসূল (সা) আমাকে কিছুই বলেননি। এ দ্বারা বুঝা যায় রাসূলগুলাহর (সা) ওয়ালীগণ দুনিয়ার অন্যান্য শাসকদের মত অত্যাচারী ছিলেন না। রক্ষক ও রক্ষিতের মাঝে যে সম্পর্ক ইসলাম ঘোষণা করেছিল, তারা সব সময় তা স্বরণে রাখতেন। আর রক্ষকের ওপর শরীয়ত যেসব দায়িত্ব অর্পণ করেছে তারা তা কঠোর তাবে অনুসরণ করতেন।

বিচার ও সিদ্ধান্তের সময়ও জনগণের অধিকার যাতে খর্ব না হয় সেদিকে সঙ্গাগ দৃষ্টি রাখতেন। তাদের আদালত সমূহে সর্বদা সত্য ও সততার বিজয় ছিল। এক ইয়াহদী মারা গেল। একমাত্র ভাই রেখে গেল উত্তরাধিকারী। সেও ইসলাম গ্রহণ করেছিল। বিষয়টি হ্যরত মু'য়াজের 'আদালতে উথাপিত হলো। তিনি ভাইকে উত্তরাধিকার দান করেন। (মুসলাদ-৫/২৩০)

হ্যরত মু'য়াজ ছিলেন জীবনের প্রথম থেকে অতি বৃদ্ধিমান। রাসূল (সা) মদীনায় আগমনের পর তিনি তাঁর সঙ্গ অবলম্বন করেন। অর্থ কিছু দিনের মধ্যে ফায়েজে নববীর বরকতে ইসলামী শিক্ষার সর্বোচ্চ মডেলের রূপ লাভ করেন এবং বিশিষ্ট সাহাবীদের মধ্যে পরিগণিত হন।

হ্যরত রাসূলে কারীম (সা) তাঁকে এত মুহারুত করতেন যে, অধিকাংশ সময় তাঁকে নিজের বাহনের পিছনে বসার সুযোগ দিয়ে নানা রকম ইলম ও মা'রফাত শিক্ষা দিতেন। একবার তিনি রাসূলগুলাহর (সা) বাহনের পিছনে বসেছিলেন। রাসূল (সা) ডাকলেন : মু'য়াজ। তিনি জবাব দিলেন : লাবাইকা ইয়া রাসূলগুলাহ ও সা'দাইকা- হাজির ইয়া রাসূলগুলাহ। রাসূল (সা) আবার ডাকলেন : মু'য়াজ। তিনিও অত্যন্ত আদব ও শ্রদ্ধার সাথে জবাব দিলেন। এভাবে রাসূল (সা) তিনবার ডাকলেন, আর মু'য়াজও প্রতিবার সাড়া দিলেন। তারপর রাসূল (সা) বললেন : 'যে ব্যক্তি আন্তরিকভাবে কালিমা-ই-তাওহীদ পাঠ করে আল্লাহ তার জন্য জাহানামের আগুন হারাম করে দেন।' মু'য়াজ আরজ করলেন : ইয়া রাসূলগুলাহ। আমি মানুষের কাছে এই সুসংবাদ কি পৌছে দেব? তিনি বললেন : না। কারণ, মানুষ আমল ছেড়ে দেবে। (বুখারী-১/২৪)

হয়রত মু'য়াজের প্রতি রাসূলুল্লাহর (সা) মেহের এত আধিক্য ছিল যে, তিনি নিজে কোন প্রশ্ন না করলে রাসূল (সা) বলতেন, তুমি একাকী পেয়েও আমার কাছে কিছু জিজ্ঞেস করছো না কেন?

একবার মু'য়াজ রাসূলুল্লাহর (সা) সাথে খচরের ওপর সাওয়ার ছিলেন। রাসূল (সা) চাবুক দিয়ে খচরের পিঠে মৃদু আঘাত করে বলেন : ‘তুমি কি জান বান্দার ওপর আল্লাহর হক কি?’ মু'য়াজ বললেন : আল্লাহ ও তাঁর রাসূলই ভালো জানেন। রাসূল (সা) বললেন : ‘বান্দা তাঁর ইবাদাত করবে এবং শিরক থেকে বিরত থাকবে।’ কিছুদূর যাওয়ার পর আবার জিজ্ঞেস করলেন : আছে বলতে পার, আল্লাহর নিকট বান্দার হক বা অধিকার কি? মু'য়াজ বললেন : এ ব্যাপারে তো আল্লাহ ও তাঁর রাসূলই বেশী জানেন। বললেন : ‘তিনি তাদেরকে জানাতে প্রবেশ করাবেন।’ (মুসনাদ-৫/২৩৮)

এভাবে হয়রত মু'য়াজ সর্বদা রাসূলুল্লাহর (সা) মেহ ও আদর সাতে ধন্য হয়েছেন। উঠতে বসতে সর্বক্ষণ রাসূলুল্লাহর (সা) নিকট শিক্ষার সুযোগ লাভ করেছেন। একবার তো দরযায় অপেক্ষমান দেখতে পেয়ে রাসূল (সা) তাঁকে একটি জিনিস শিখিয়ে দিলেন। আর একবার বললেন : আমি কি তোমাকে জানাতের দরযার কথা বলে দেব? বললেন : হী। ইরশাদ হল : ‘লা হাওলা ওয়ালা কুওয়াতা ইল্লা বিল্লাহ’ পাঠ করবে। (মুসনাদ-৫/২৩৮)

একবার এক সফরে তিনি রাসূলুল্লাহর (সা) সঙ্গী ছিলেন। একদিন সকালে যখন সৈন্যরা লক্ষ্যস্থলের দিকে এগিয়ে যাচ্ছে তখন তিনি রাসূলুল্লাহর (সা) কাছে বসা। তিনি আবদার জানালেন : ইয়া রাসূলুল্লাহ! আমাকে এমন কোন আশল শিখিয়ে দিন যা আমাকে জানাতে নিয়ে যায় এবং জাহানাম থেকে দূরে রাখে। রাসূল (সা) বললেন : ‘তুমি একটা কঠিন বিষয় জানতে চেয়েছ। তবে আল্লাহ যাকে তাওফীক বা সামর্থ দান করেন তার জন্য সহজ। শিরক করবে না, ইবাদাত করবে, নামায আদায় করবে, যাকাত দান করবে, রমজান মাসে সিয়াম পালন করবে এবং হজ্জ আদায় করবে।’ তিনি আরও বলেন : ‘কল্যাণের কয়েকটি দ্বার আছে। আমি তোমাকে বলছি, শোন : সাওয়- যা ঢালের কাজ করে, সাদাকা- যা পাপের আশুনকে পানির মত নিবিয়ে দেয় এবং যে নামায রাতের বিভিন্ন অংশে আদায় করা হয়। এরপর তিনি নীচের আয়াতটি তিলাওয়াত করেন :

‘তারা শয্যা ত্যাগ করে তাদের প্রতিপালককে ডাকে আশায় ও আশংকায় এবং আমি তাদেরকে যে রিয়ক দান করেছি তা থেকে তারা ব্যয় করে।’ (সূরা সাজদা-১৬)

তিনি আরও বলেন : ‘ইসলামের মাথা, খুটি ও চূড়ার কথা বলছি। মাথা ও খুটি হচ্ছে নামায এবং চূড়া হচ্ছে জিহবা।’ তারপর বললেন : ‘এইসব জিনিসের মূল হচ্ছে একটি মাত্র জিনিস। আর তা হলো ‘জিহবা’। তিনি নিজের ‘জিহবা’ বের করে হাত দিয়ে স্পর্শ করে বলেন, একে নিয়ন্ত্রণে রাখবে।’ মু'য়াজ প্রশ্ন করলেন : এই যে আমরা যা কিছু বলি, তার সব কিছুরই কি জবাবদিহি করতে হবে? বললেন : ‘মু'য়াজ! তোমার মার সর্বনাশ হোক! অনেকে শুধু এর জন্যই জাহানামে যাবে।’ (মুসনাদ-৫/২৩১)

একবার তো রাসূল (সা) মু'য়াজকে দশটি বিষয়ের অসীয়াত করলেন। ১. শিরক করবে না। তার জন্য কেউ যদি তোমাকে হত্যা করে অথবা আশুনে পুড়িয়েও মারে, তবুও না। ২. মাতা-পিতাকে কষ্ট দেবে না। তারা যদি তোমাকে তোমার সন্তান-সন্ততি ও বিষয়-সম্পদ থেকে বিছিন্ন করে দেয়, তবুও। ৩. ফরজ নামায ইচ্ছাকৃতভাবে কক্ষণও তরক করবে না। যে ইচ্ছাকৃতভাবে নামায তরক করে আল্লাহ তার জিম্মাদারী থেকে অব্যাহতি নিয়ে নেন। ৪. মদ

পান করবে না। কারণ, এ কাজটি সকল অশ্রীলতার মূল। ৫. পাপ কর্মে লিঙ্গ হবে না। পাপাচারে লিঙ্গ ব্যক্তির উপর আল্লাহর ক্রোধ বৈধ হয়ে যায়। ৬. জিহাদের যয়দান থেকে পালাবে না। যদি সকল সৈন্য রজু রজিত ও ধূলিমিলি হয়ে যায় এবং ব্যাপকভাবে মৃত্যুবরণ করে, তবুও না। ৭. মহামারি আকারে কোন রোগ-ব্যাধি দেখা দিলে অটেল থাকবে। ৮. নিজের সন্তানদের সাথে সম্মত করবে। ৯. তাদেরকে সর্বদা আদব ও শিষ্টাচার শিক্ষা দেবে। ১০. তাদেরকে খাওফে খোদা (আল্লাহর ভয়) শিক্ষা দেবে।

হয়রত রাসূলে কারীম (সা) একবার মু'য়াজকে পাঁচটি জিনিসের তাকিদ দিয়ে বলেছিলেন : যে এই 'আমলগুলি করে আল্লাহ তার জামিন হয়ে যান। ১. অসুস্থ ব্যক্তিকে দেখতে যাওয়া, ২. জানায়ার সাথে চলা, ৩. জিহাদে বের হওয়া, ৪. শাসককে ভীতি প্রদর্শন অথবা সম্মান দেখানোর জন্য যাওয়া, ৫. ঘরে চুপচাপ বসে থাকা- যেখানে সে নিরাপদ থাকে এবং মানুষও তার থেকে নিরাপদ হয়ে যায়।

রাসূল (সা) তাঁকে নৈতিক শিক্ষা দেন এভাবে : 'মু'য়াজ! একটি মন্দ কাজ করার পর একটি নেক কাজ কর। নেক কাজ মন্দ কাজটি বিলীন করে দেয়। আর মানুষের সামনে সর্বোত্তম নৈতিকতার দৃষ্টিতে উপস্থাপন কর।' (মুসনাদ-৫/২৩৮)

তিনি মু'য়াজকে এ কথাও শিক্ষা দেন : মাজলুম বা অত্যাচারিতের বদ দু'আ থেকে দূরে থাকবে। কারণ, সেই বদ দু'আ ও আল্লাহর মাঝে কোন প্রতিবন্ধক থাকে না। (বুখারী)

রাসূল (সা) যখন তাঁকে ইয়ামানের আয়ীর করে পাঠান তখন বলেছিলেন : 'মু'য়াজ! ভোগ-বিলাসিতা থেকে দূরে থাকবে। কারণ, আল্লাহর বাস্তা কক্ষণও আরামপ্রিয় ও বিলাসী হতে পারে না।' (মুসনাদ-৫/২৪৩) রাসূল (সা) তাঁকে সামাজিক জীবনের শিক্ষা দিয়েছেন এভাবে : 'মানুষের নেকড়ে হচ্ছে শয়তান। নেকড়ে যেমন দলছুট বকরীকে ধরে নিয়ে যায় তেমনি শয়তানও এমন মানুষের উপর প্রভৃতু লাভ করে যে জামা'য়াত থেকে বিছিন্ন হয়ে থাকে। সাবধান! সাবধান! কক্ষণও বিছিন্ন থাকবে না। সর্বদা জামা'য়াতের সাথে থাকবে।' (মুসনাদ-৫/২৪৩)

ইসলামের তাবলীগ ও দা'ওয়াত সম্পর্কে রাসূল (সা) তাকে বলেন : 'মু'য়াজ! তুমি যদি কেবলমাত্র একজন মুশরিককেও মুসলমান বানাতে পার তাহলে সেটা হবে তোমার জন্য দুনিয়ার সবকিছু থেকে উত্তম কাজ।' (মুসনাদ-৫/২৩৮)

এমন পরিত্র চিন্তা ও মহোত্তম শিক্ষা লাভ করেছিলেন হয়রত মু'য়াজ। একারণে মহান সাহাবী হয়রত ইবন মাসউদ তাঁকে শুধু একজন ব্যক্তি নয় বরং একটি উম্মাত মনে করতেন। তিনি বলেন : 'মু'য়াজ ছিলেন সরল-সোজা একটি আল্লাহ অনুগত উম্মাত। তিনি কখনও মুশরিকদের কেউ ছিলেননা।' ফারওয়া আল-আশজা'ই তাঁকে বললেন : 'এমন কথা তো আল্লাহ তা'আলা ইবরাহীম (আ) সম্পর্কেই বলেছেন।' ইবন মাস'উদ আবারও তাঁর কথার পুনরাবৃত্তি করলেন। ফারওয়া আল-আশজা'ই বলেন : 'আমি ইবন মাস'উদকে তাঁর কথার উপর অটেল থাকতে দেখে চুপ থাকলাম। তারপর তিনিই আমাকে প্রশ্ন করলেন : তুমি কি জান 'উম্মাত' মানে কি, বা 'কানিত' কাকে বলে? বললাম : আল্লাহই ভালো জানেন। তিনি বললেন, 'উম্মাত' হচ্ছে সেই ব্যক্তি যিনি মঙ্গলকে জানেন এবং যার ইকতিদা ও অনুসরণ করা যায়।' আর 'কানিত' বলে আল্লাহর অনুগত ব্যক্তিকে। এই অর্থে মু'য়াজ ছিলো যথার্থই মঙ্গল বা কল্যাণের শিক্ষাদানকারী এবং আল্লাহ ও রাসূলের (সা) অনুগত ব্যক্তি। (আল-ইস্তৌ'য়াব; আল-ইসাবা-৪/৩৬১, তাহজীবুল আসমা-২/১০০)

দ্বিতীয় খলীফা হয়রত 'উমারের (রা) খিলাফতকালেই মজলিসে শূরা প্রকৃতপক্ষে পূর্ণরূপ লাভ করে। তবে প্রথম খলীফার যুগেই তার একটি কাঠামো তৈরী হয়ে গিয়েছিল। ইবন সা'দের বর্ণনা মতে হয়রত আবু বকর (রা) খিলাফতের শুরুত্বপূর্ণ বিষয়ে যাঁদের সাথে পরামর্শ করতেন তাঁদের মধ্যে মু'য়াজও ছিলেন। হয়রত 'উমারের (রা) খিলাফতকালে যখন মজলিসে শূরার নিয়মিত অধিবেশন বসতো তখনও মু'য়াজ সদস্য ছিলেন। (কানযুল 'উম্মাল-১৩৪)

হয়রত 'উমারের খিলাফতকালে শামের ওয়ালী ইয়ায়ীদ ইবন আবী সুফইয়ান খলীফাকে লিখলেন কিছু কুরআনের মু'য়াল্লিম পাঠানোর জন্য। রাসূলুল্লাহর (সা) যুগে যাঁরা কুরআন সংগ্রহ করেছিলেন এমন পাঁচ ব্যক্তিকে খলীফা ডাকলেন। তাঁরা হলেন : মু'য়াজ ইবন জাবাল, 'উবাদা ইবনুস সামিত, আবু আইউব আল-আনসারী, উবাই ইবন কা'ব ও আবুদ দারদা। খলীফা তাঁদেরকে বললেন : শামবাসী ভাইয়েরা এমন কিছু লোক পাঠানোর অনুরোধ করেছে যাঁরা তাঁদেরকে কুরআনের তা'লীম ও দ্বিনের তারবিয়াত দান করবেন। এ ব্যাপারে আপনাদের পাঁচ জনের যে কোন তিনজন আমাকে সাহায্য করুন। আপনারা ইচ্ছা করলে লটারীর মাধ্যমেও তিন জনের নাম নির্বাচন করতে পারেন। অন্যথায় আমিই তিন জনকে বেছে নিব। তাঁরা বললেন : লটারী কেন? আবু আইউব একজন বৃক্ষ মানুষ, আর উবাইতো অসুস্থ। বাকী থাকলাম আমরা তিন জন। 'উমার (রা) তাঁদেরকে হিমস, দিমাশ্ক ও ফিলিস্তিনে যাওয়ার নির্দেশ দিলেন। মু'য়াজ গেলেন ফিলিস্তিনে। (সুওয়ারুম মিন হায়াতিস সাহাবা-৭/১৩২-১৩৪)

বিভিন্ন ঘটনা দ্বারা একথা স্পষ্ট বুঝা যায় যে, প্রথম খলীফা আবু বকরের (রা) যুগেই হয়রত মু'য়াজ শুরুত্বপূর্ণ রাষ্ট্রীয় দায়িত্ব পালনের জন্য শামে চলে যান। হয়রত 'উমার (রা) যখন খিলাফতের দায়িত্ব গ্রহণ করেন তখন তিনি সিরিয়ার এক ফ্রন্টে মুক্তরত। সেখান থেকে তিনি ও আবু 'উবাইদা সমতা ও ন্যায় বিচারের উপদেশ দান করে খলীফাকে একটি পত্র লেখেন। (হায়াতুস সাহাবা-২/১৩১) খলীফা 'উমারের খিলাফতকালে ইসলামী বিজয়ের প্রবল প্রাবন শামের ওপর দিয়েই বয়ে চলে। হয়রত মু'য়াজও একজন সৈনিক হিসাবে রণক্ষেত্রে চৱম বীরত্ব ও সাহসিকতা প্রকাশ করেন।

হয়রত রাসূলে কারীমের (সা) শিক্ষা ও প্রশিক্ষণের ফলে হয়রত মু'য়াজের মধ্যে বিচ্ছিন্ন প্রতিভার বিকাশ ঘটে। তাঁর মধ্যে দেখা দেয় বহুবিধ যোগ্যতা। তিনি হন একাধারে শরী'য়াতের মুক্তি, মজলিসে শূরার সদস্য, কুরআন ও হাদীসের শিক্ষক, প্রদেশের ওয়ালী, দৃত, সাহসী সেনাপতি, বিজয়ী যোদ্ধা ও যাকাত উস্লকারী ইত্যাদি।

দৌত্যগিরির দায়িত্ব যখন তাঁর ওপর অর্পিত হলো তিনি অতি দক্ষতার সাথে তা পালন করলেন। শামের 'ফাহল' নামক স্থানে যুদ্ধ প্রস্তুতি চলছিল, এমন সময় প্রতিপক্ষ রোমান বাহিনী সঙ্গের প্রস্তাৱ দিল। সেনাপতি আবু 'উবাইদা আলোচনার জন্য মু'য়াজকে নির্বাচন করলেন। মু'য়াজ চললেন রোমান সেনা ছাউনীতে। সেখানে পৌছে তিনি দেখলেন, দরবার অত্যন্ত জৌকজমকপূর্ণভাবে সাজানো হয়েছে। একটি তাঁবু খাটোনা হয়েছে যার অভ্যন্তরে সোনালী কারুকাজ করা গালিচা বিছানো। হয়রত মু'য়াজ তিতরে না ঢুকে থমকে বাইরে দাঁড়িয়ে গেলেন। একজন খৃষ্টান সৈনিক এগিয়ে এসে বললো : আমি ঘোড়াটি ধরছি, আপনি তিতরে যান। মু'য়াজ বললেন : আমি এমন শয্যায় বসিনা যা দরিদ্র লোকদের বন্ধিত করে তৈরী করা হয়েছে। একথা বলে তিনি মাটির ওপর বসে পড়লেন। খৃষ্টানরা দৃঃখ প্রকাশ করে বললো : আমরা আপনাকে সম্মান করতে চেয়েছিলাম; কিন্তু আপনি তা অবহেলা করলেন। হয়রত মু'য়াজ হাঁটুতে তর দিয়ে দাঁড়িয়ে বললেন : আমার এমন সম্মানের প্রয়োজন নেই। যদি মাটিতে বসা দাসদের অভ্যাস হয় তা হলে আমার চেয়ে আল্লাহর বড় দাস আর কে আছে? রোমানরা

হয়রত মু'য়াজের এমন স্বাধীন ও বেপরোয়া আচরণে হতবাক হয়ে গেল। এমনকি তাদের একজন জিজেস করেই বসলো, মুসলমানদের মধ্যে আপনার চেয়েও বড় কেউ কি আছে? তিনি জবাব দিলেনঃ ‘মায়াজ’আল্লাহ। (আল্লাহর পানাহ চাই) আমি হচ্ছি তাদের এক নিকৃষ্টতম ব্যক্তি।’ লোকটি চূপ হয়ে গেল।

হয়রত মু'য়াজ কিছুক্ষণ পর দোতাবীকে বললেন; রোমানদের বল, তারা কোন বিষয়ে আলোচনা করতে চাইলে আমরা বসবো, নইলে চলে যাব। আলোচনা শুরু হলো। রোমানরা বলল :

- আমাদের দেশ আক্রমণ করা হয়েছে কেন? অথচ হাবশা আরবের অতি নিকটে, পারস্যের সম্রাট মারা গেছেন এবং সাম্রাজ্যের কর্তৃত এক মহিলার হাতে। আপনারা ঐ সকল দেশ ছেড়ে আমাদের দিকে খাবিত হলেন কেন? অন্যদিকে আমাদের সম্রাট দুনিয়ার সকল সম্রাটদের সম্মাট এবং সংখ্য্যায় আমরা আসমানের তারকারাজি ও দুনিয়ার বালুকারাশির সমান।

মু'য়াজ বললেন : আমরা তোমাদেরকে যা বলতে চাই তার সারকথা হলো, তোমরা ইসলাম কবুল করে আমাদের কিবলার দিকে নামায আদায় কর, মদ পান ছেড়ে দাও, শুকরের মাস পরিহার কর। তোমরা যদি এইসব কাজ কর তাহলে আমরা তোমাদের ভাই। আর যদি একান্তই ইসলাম গ্রহণ করতে না চাও তাহলে জিয়িয়া দাও। তাও যদি না মান তাহলে যুদ্ধের ঘোষণা দিছি। যদি আসমানের তারকারাজি ও যমীনের বালুকারাশির পরিমাণ তোমাদের সংখ্যা হয় তাতেও আমাদের বিন্দুমাত্র পরোয়া নেই।

আর হ্যাঁ, তোমাদের এ জন্য গব যে, তোমাদের শাহানশাহ তোমাদের জান-মালের মালিক মুখতার। কিন্তু আমরা যাকে বাদশাহ বানিয়েছি কোন ক্ষেত্রেই তিনি নিজেকে আমাদের ওপর প্রাধান্য দিতে পারেন না। তিনি ব্যতিচার করলে তাকে দুরুয়া লাগানো হবে, চুরি করলে হাত কাটা হবে। তিনি গোপনে বসেন না, নিজেকে আমাদের চেয়ে বড় মনে করেন না। ধন-সম্পদেও আমাদের ওপর তাঁর প্রেষ্ঠত্ব নেই।’

রোমানরা মনোযোগ সহকারে তাঁর কথা শুনলো। তাঁর মুখে ইসলামী শিক্ষা ও সাম্যের কথা শুনে তারা হতবাক হয়ে গেল। তারা প্রস্তাব দিলঃ ‘আমরা আপনাদেরকে ‘বালকা’-এর সম্পূর্ণ এলাকা এবং ‘দূন’- এর যে অংশ আপনাদের অঞ্চলের সাথে মিশেছে, ছেড়ে দিছি। আপনারা আমাদের এই দেশ ছেড়ে পারস্যের দিকে চলে যান।’

এটা কোন কেনা-বেচার বিষয় ছিল না। তাই হয়রত মু'য়াজ নেতৃত্বাচক জবাব দিয়ে সেখান থেকে উঠে আসেন। (সৌয়ারে আনসার-২/১৬৯-১৭১) যুদ্ধ প্রস্তুতি শুরু হলো। এ যুদ্ধে তিনি এক শুরুত্বপূর্ণ পদ লাভ করেন। হয়রত আবু 'উবাইদা তাঁকে 'মায়মানা' (দক্ষিণ ভাগ)- এর কমান্ডিং অফিসার নিয়োগ করেন।

হিজরী ১৫ সনে ইয়ারমুকের যুদ্ধ হয়। খুবই ভয়াবহ যুদ্ধ। এ যুদ্ধেও তাঁকে 'মায়মানা'-র দায়িত্ব দেওয়া হয়। শক্রপক্ষের আক্রমণ এত তীব্র ছিল যে মুসলমানদের 'মায়মানা' মূল বাহিনী থেকে বিছিন হয়ে পড়ে। এ অবস্থায় হয়রত মু'য়াজ অত্যন্ত দৃঢ়তা ও শ্রির চিন্তার পরিচয় দেন। তিনি ঘোড়ার পিঠ থেকে লাফিয়ে পড়ে হংকার দিয়ে বলেনঃ আমি পায়ে হেঁটে লড়বো। কোন সাহসী বীর যদি ঘোড়ার হক আদায় করতে পারে, সে এই ঘোড়া নিতে পারে। রণক্ষেত্রে তাঁর পুত্রও ছিলেন। তিনি চিৎকার করে বলে শোচন, আমিই এ ঘোড়ার হক আদায় করবো। তারপর বাপ-বেটা দু'জন রোমান বাহিনীর বুহ তেদে করে ভিতরে ঢুকে যান এবং এমন সাহসিকতার সাথে যুদ্ধ করেন যে, বিক্ষিপ্ত মুসলিম বাহিনী আবার দৃঢ় অবস্থান ফিরে পায়।

হয়রত ফারুকে আ'জমের খিলাফতকালে সিরিয়ায় যুদ্ধরত গোটা মুসলিম বাহিনীর অধিনায়ক ছিলেন হয়রত আবু 'উবাইদা। ইজরী ১৮ সনে সিরিয়ায় মহামারি আকারে প্রেগ বা 'তা'উন' দেখা দেয়। ইতিহাসে এই মহামারি 'আমওয়াসের 'তা'উন' নামে প্রসিদ্ধ। 'আমওয়াস হচ্ছে রামলা ও বাইতুল মাকদাসের মধ্যবর্তী একটি গ্রামের নাম। সেনাপতি হয়রত আবু 'উবাইদা সহ বহু মুসলিম সৈনিক এই মহামারিতে আক্রম্য হয়ে মারা যান। হয়রত আবু 'উবাইদা মৃত্যুর পূর্বে হয়রত মু'য়াজকে নিজের স্থলভিয়েজ করে যান। হয়রত মু'য়াজ আবু 'উবাইদার জানাথার নামায পড়ান এবং অন্যদের সাথে কবরে নেমে তাঁকে কবরে শায়িত করেন। এ সময় তিনি সকলের উদ্দেশ্যে এক স্বদয়গ্রাহী ভাষণ দেন। আবু 'উবাইদার ইনতিকালের পর তিনি কিছু দিনের জন্য সেনাপতির দায়িত্ব পালন করেন। (হায়াতুস সাহাবা-১/৪৮, আল-ইসতীয়াব; আল ইসাবা-৪/৩৫৭, ৩৫৯)

মহামারি মারাত্মক আকারে ছড়িয়ে পড়লে মানুষ ভীত-সন্ত্রিত হয়ে পড়ে। হয়রত 'আমর ইবনুল আস বললেন : আমাদের উচিত এ স্থান ত্যাগ করে অন্যত্র চলে যাওয়া। এ রোগ নয়, এ যেন আশুন। তাঁর এ কথায় হয়রত মু'য়াজ দারুণ অস্তুষ্ট হলেন। তিনি সকলকে সরোধন করে একটি ভাষণ দেন। ভাষণের মধ্যে তিনি 'আমরের নিম্নাও করেন। তারপর বলেন, এই মহামারি আল্লাহর পক্ষ থেকে কোন বালা-মুসীবত নয়; বরং তাঁর রহমত ও নবীর দু'আ। আমি রাসূলুল্লাহকে (সা) বলতে শুনেছিলাম, মুসলমানরা শামে হিজরাত করবে। শাম ইসলামী পতাকাতলে আসবে। সেখানে একটি রোগ দেখা দেবে যা ফৌড়ার মত হয়ে শরীরে ক্ষতের স্ফটি করবে। কেউ তাতে মারা গেলে শহীদ হবে। তাঁর সকল 'আমল পাক হয়ে যাবে। হে আল্লাহ, যদি আমি একথা রাসূলুল্লাহর (সা) মুখ থেকে শুনে ধাকি তাহলে এই রহমত আমার ঘরেও পাঠাও এবং আমাকেও তার যথেষ্ট অংশ দান কর।' (উসদুল গাবা-৪/৩৭৭, হায়াতুস সাহাবা-২/৫৮১, ৫৮২)

ভাষণ শেষ করে তিনি পুত্র আবদুর রহমানের মিকট গেলেন। তখন তাঁর দু'আ করুল হয়ে গেছে। দেখেন, পুত্র রোগে আক্রান্ত হয়ে পড়েছে। পুত্র পিতাকে দেখে কুরআনের এ আয়াতটি তিলাওয়াত করলেন : 'আল-হাক্কু মির রাখিকা ফালা তাক্লুলা মিনাল মুমতারীন-' এই মৃত্যু যা সত্য, আল্লাহর পক্ষ থেকেই আসে। সুতৰাং কক্ষণও আপনি সলেহ পোষণকারীদের মধ্যে হবেন না। যেমন পুত্র তেমনই পিতা। পিতা জবাব দিলেন : 'সাতাজিদুনী ইনশা আল্লাহ মিনাস সাবিরীন'- ইনশাআল্লাহ তুমি আমাকে ধৈর্যশীলদের মধ্যেই পাবে। হয়রত আবদুর রহমান মারা গেলেন। পুত্রের মৃত্যুর পূর্বেই তাঁর দুই স্ত্রীও একই রোগে মারা যান। এখন হয়রত মু'য়াজ একাকী। নিদিষ্ট সময়ে তিনিও আল্লাহর এই রহমাতের অংশীদার হন। তাঁর ডান হাতের শাহাদাত আঁশুলে একটি ফৌড়া বের হয়। তিনি অত্যন্ত খৃশি ছিলেন। বলছিলেন, দুনিয়ার সকল সম্পদ এর তুলনায় মূল্যহীন। প্রচন্ড ব্যথায় জ্বান হারিয়ে ফেলছিলেন। যখনই চেতনা ফিরে পাছিলেন, বলছিলেন, 'হে আল্লাহ ! তুমি আমাকে আমার ব্যথায় ব্যথিত কর। আমি যে তোমাকে কত ভালোবাসি তা তুমি তালোই জান।'

হয়রত মু'য়াজ যে রাতে শেষ নিঃশ্঵াস ত্যাগ করেন খুব অস্থিরভাবে সেই রাতটি কাটান। বার বার শুধু জিজ্ঞেস করেন : দেখতো সকাল হলো কিনা? লোকেরা জবাব দেন : এখনও হয়নি। যখন বলা হলো, হাঁ, সকাল হয়েছে, তিনি বললেন : এমন রাত থেকে আল্লাহর পানাহ চাই যার প্রভাত জাহানামের দিকে নিয়ে যায়। স্বাগতম মৃত্যু, স্বাগতম। তুমি সেই বন্ধুর কাছে এসেছ যে একেবারে রিষ্ট ও নিঃশ্ব। ইয়া ইলাহী, আমি তোমাকে কতটুকু ভালোবাসি তা তুমি জান। আজ তোমার কাছে আমার বড় আশা। আমি কখনও দুনিয়া এবং দীর্ঘ জীবন এই জন্য

কামনা করিনি যে তা বৃক্ষ রোপণ ও নদী খননে ব্যয় করবো; বরং যদি কামনা করে থাকি ত'বে তা এ জন্য যাতে প্রচল গরমে মানুষের ত্বক নিবারণ করতে পারি, উদারতা ও দানশীলতার প্রসার ঘটাতে এবং জিকিরের মজলিসসমূহে আলেমদের সাথে বসাতে পারি। (হায়াতুস সাহাবা-৩/১৬২, তাহজীব আল আসমা-১/৩০) শেষ নিঃশ্বাস ত্যাগের পূর্বে তিনি কানায় তেঙ্গে পড়েন। লোকেরা সান্ত্বনা দিয়ে বলে : আপনি রাসূলুল্লাহর (সা) সাহাবী, উচ্চ মর্যাদা ও বৈশিষ্ট্যের অধিকারী ব্যক্তি, আপনি কৌদছেন কেন? তিনি বললেন : আমার না আছে মরণ তয়, আর না আছে দুনিয়া ছেড়ে যাওয়ার দৃঃখ। তবে তার দুইটি মৃষ্টি আছে আমার জানা নেই আমি তার কোন মৃষ্টিতে থাকবো। এই ভয়েই আমি কৌদছি। এই অবস্থায় তাঁর পবিত্র ঝুহ দেহ থেকে বেরিয়ে যায়। (উসুদুল গাবা-৪/৩৭৮, সীয়ারে আনসার-২/১৭৪, ১৭৫)

হয়রত মু'য়াজ্জের মৃত্যুসন এবং মৃত্যুর সময় বয়স সম্পর্কে বিস্তর মতভেদ আছে। তবে সর্বাধিক প্রসিদ্ধ মতে হিজরী ১৮ অথবা ১৯ সনে ৩৮ বছর বয়সে বাইতুল মাকদাস ও দিমাশকের মধ্যবর্তী এবং জর্দান নদীর তীরবর্তী 'বীসান' নামক স্থানে মারা যান। এরই নিকটবর্তী একটি স্থান যেখান থেকে আল্লাহ তা'আলা হয়রত 'ঈসাকে (আ) আসমানে উঠিয়ে নেন, সেখানেই তাঁকে দাফন করা হয়। (আল-'আ'লাম-৮/১৬৬, উসুদুল গাবা-৪/৩৭৮ তাজকিরাতুল হফ্ফাজ-১)

হয়রত মু'য়াজ্জের গায়ের রং ছিল সাদা, চেহারা উজ্জ্বল, দৈহিক কাঠামো দীর্ঘাকৃতির, চোখ কালো ও বড়, চূল শুরু ঘন এবং সামনের দৌত ধৰধৰে সাদা। কথা বলার সময় যেন মুক্তা ঝরতো। কষ্টস্বর ছিল খুবই মিষ্টি-মধুর। দৈহিক সৌন্দর্যের দিক দিয়ে ছিলেন সাহাবা সমাজের মধ্যমনি। জাবির ইবন আবদিল্লাহ (রা) বলেন : মু'য়াজ্জ ছিলেন সবার চেয়ে সুন্দর, সর্বোত্তম চরিত্রের অধিকারী এবং সর্বাধিক দানশীল ব্যক্তি। আবু নু'ইম বলেন : বিচক্ষণতা, লজ্জাশীলতা, ও বদান্যতার দিক দিয়ে তিনি ছিলেন আনসারদের সর্বোত্তম যুবক। ওয়াকিদী বলেন : তিনি ছিলেন সুন্দরতম পুরুষ। (আল-ইসাবা-৪/৪২৭, তাজকিরাতুল হফ্ফাজ-১/১৯, উসুদুল গাবা-৪/৩৭৭)

হয়রত মু'য়াজ্জ ৩৮ বছর বয়সে মারা যান। আল-মাদায়িনী, ওয়াকিদী প্রমুখ ঐতিহাসিক বলেছেন, তাঁর কোন সন্তানাদি হয়নি। তবে বিশ্বস্ত বর্ণনা সমূহে জানা যায় তাঁর এক পুত্র, মতান্তরে দুই পুত্র ছিল। তাদের একজনের নাম আবদুর রহমান এবং অন্যজনের নাম জানা যায় না। এই আবদুর রহমান ইয়ারমুক যুদ্ধে অংশগ্রহণ করেন এবং হিজরী ১৮ সনে 'আমওয়াসের' মহামারিতে পিতার আগে মারা যান। (আল-ইসতী'য়াব; আল-ইসাবা-৪/৩৫৬)

কুরআন, হাদীস ও ফিকাহ শাস্ত্রে হয়রত মু'য়াজ্জ ছিলেন একজন বিশেষজ্ঞ। 'আবদুল্লাহ ইবন 'আমর ইবনুল 'আস থেকে বর্ণিত একটি হাদীসে জানা যায়, সাহাবাদের মধ্যে যে চারজনের নিকট থেকে কুরআন গ্রহণের জন্য রাসূলুল্লাহ (সা) নির্দেশ দিয়েছেন, মু'য়াজ্জ তাঁদের অন্যতম। 'আবদুল্লাহ ইবন 'উমার থেকেও এ ধরনের একটি বর্ণনা আছে। এর কারণ 'হলো, রাসূলুল্লাহর (সা) জীবন্দশায় তিনি কুরআন হিফ্জ করেছিলেন। খায়রাজীরা বলতো : আমাদের চার ব্যক্তি রাসূলুল্লাহর (সা) যুগে কুরআন সংগ্রহ করেছে যা অন্যরা করেনি। তাঁদের একজন মু'য়াজ্জ। (আনসাবুল আশরাফ-১/২৬৪, হায়াতুস সাহাবা-১/৩৯৫)

হাদীস বর্ণনার ব্যাপারে তিনি ছিলেন খুবই সতর্ক। তাছাড়া রাসূলুল্লাহর (সা) যুগ থেকে আমরণ শুরুত্বপূর্ণ দায়িত্বসমূহ পালনের জন্য সব সময় মদীনা থেকে দূরে ছিলেন। এ কারণে তাঁর বর্ণিত হাদীসের সংখ্যা তুলনামূলকভাবে কম। তবে জীবনের শেষ মুহূর্ত পর্যন্ত হাদীস

বর্ণনার ধারবাহিকতা তিনি চালু রাখেন। প্রেগে আক্রান্ত হয়ে মৃত্যু শয্যায়ও এ মহান দায়িত্ব পালন করে গেছেন। (মুসনাদ-৫/২৩৩)

শেষ নিঃশ্বাস ত্যাগের পূর্বে জাবির ইবন 'আবদিল্লাহ (রা) ও আরও কিছু লোক তাঁর পাশে ছিলেন। অত্ম সময় ঘনিষ্ঠে এলে তিনি বললেন, আমি এমন একটি হাদীস বর্ণনা করবো যা আজ পর্যন্ত এই জন্য গোপন রেখেছিলাম যে তা শুনলে মানুষ হয়তো 'আমল ছেড়ে দিবে। তারপর তিনি হাদীসটি বর্ণনা করেন। (মুসনাদ-৫/৩৩৬)

হাদীস বর্ণনাকারী সাহাবীদের মধ্যে হয়রত মু'য়াজের নামটি তৃতীয় তবকায় গণনা করা হয়। তাঁর বর্ণিত হাদীসের সংখ্যা মোট ১৫৭ টি। তাঁর মধ্যে দুইটি মৃত্যুকাক আলাইছি, তিনটি বুখরী ও একটি মুসলিম এককভাবে বর্ণনা করেছেন। (আল-আ'লাম-৮/১৬৬, তাহজীবুল আসমা-২/৯৮)

হাদীস শাস্ত্রে তাঁর ছাত্রদের সংখ্যা অনেক। উচ্চ মর্যাদার সাহাবীদের বড় একটি দল তাঁর সূত্রে হাদীস বর্ণনা করেছেন। যেমন : 'উমার, আবু কাতাদাহ আল-আনসারী, আবু মুসা আল-আশ'য়ারী, জাবির ইবন 'আবদিল্লাহ, আবদুল্লাহ ইবন আবাস, আবদুল্লাহ ইবন 'উমার, আবদুল্লাহ ইবন 'আমর ইবনুল 'আস, আনাস ইবন মালিক, আবু উমায়া আল-বাহলী, আবু লায়লা আল-আনসারী, আবু তুফাইল ও আরও অনেকে। (আল-ইসাবা-৪/৪২৭, তাহজীবুল আসমা-২/৯৮)

বিশিষ্ট তাবে'ঈ ছাত্রদের মধ্যে ইবন 'আদী, ইবন আবী-আউফা আল-আশয়ারী, আবদুর রহমান ইবন সুমরা লা'বাসী, জাবির ইবন আনাস, আবু সা'লাবা খুশানী, জাবির ইবন সুমরা, মালিক ইবন নীহামীর, আবদুর রহমান ইবন গানাম, আবু মুসলিম খাওলানী, আবদুল্লাহ ইবন সানাবিহী, আবু শুয়ায়িল মাসরক, ভুনাদাহ ইবন আবী উমাইয়া, আবু ইদরীস খাওলানী, আসলাম মাওলা 'উমার, আসওয়াদ ইবন হিলাল, আসওয়াদ ইবন ইয়ায়ীদ প্রমুখ সর্বাধিক খ্যাতি সম্পর্ক। (উসুদুল গাবা-৪/৩৭৮, তাজকিরাতুল হফ্ফাজ-১/১৯)

রাসূলুল্লাহর (সা) জীবন কালেই হয়রত মু'য়াজ প্রের্ণ ফর্কীহদের মধ্যে পরিগণিত হন। খোদ রাসূলে কারীম (সা) তাঁর ফর্কীহ হওয়ার সাক্ষ্য দিয়েছেন, এর চেয়ে বড় সম্মান আর কী হতে পারে? তিনি বলেছেন : 'আ'লামুহম বিল হালালি ওয়াল হারামি মু'য়াজ ইবন জাবাল- তাদের মধ্যে মু'য়াজ ইবন জাবাল হালাল ও হারামের সবচেয়ে বড় 'আলিম।' (তাজকিরাতুল হফ্ফাজ-১/১৯) কা'ব ইবন মালিক বলেন : রাসূল (সা) ও আবু বকরের (রা) যুগে তিনি মদীনায় ফাতওয়া দিতেন। (হায়াতুল সাহাবা-১/৪৫২) ইবনুল আসীর বলেন : রাসূলুল্লাহর (সা) জীবদ্ধশায় মুহাজিরদের মধ্যে 'উমার, 'উসমান, আলী এবং আনসারদের মধ্যে মু'য়াজ, 'উবাই ইবন কা'ব ও যায়িদ ইবন সাবিত ফাতওয়া দিতেন। (উসুদুল গাবা-৪/৩৭৭, তাবাকাত-২/৩৫০)

হয়রত 'উমার (রা) একবার মু'য়াজ সম্পর্কে বলেন : 'লাওলা মু'য়াজ লাহালাকা 'উমার- মু'য়াজ না থাকলে 'উমার বিনাশ হতো।' এই মন্তব্য দ্বারা তাঁর ইজতিহাদী যোগ্যতা ও গবেষণা শক্তি সম্পর্কে ধারণা লাভ করা যায়। এছাড়া বিভিন্ন সময় হয়রত 'উমার তাঁর ফর্কীহ ও মৃজতাহিদ হওয়ার ঘোষণা দিয়েছেন। তিনি জাবিয়ায় প্রদত্ত খুতবায় বলেন : কেউ ফিকাহ শিখতে চাইলে সে যেন মু'য়াজের কাছে যায়। (তাজকিরাতুল হফ্ফাজ-১/২০)

প্রশ্ন হতে পারে এই বিশাল জ্ঞান তিনি কিভাবে অর্জন করলেন? উত্তরে বলা যায় তাঁর স্বত্ত্বাবগত অগ্রহ ও তীক্ষ্ণ মেধার বলে তিনি এ যোগ্যতা অর্জন করেন। তাছাড়া এমন

প্রতিভাবান ছাত্রের প্রতি রাসূলুল্লাহর (সা) বিশেষ যত্ন ও মনোযোগ দানও এর কারণ। হয়রত মু'য়াজ অধিকাংশ সময় রাসূলুল্লাহর (সা) আশেপাশে হাজির থাকতেন। তাছাড়া রাসূলুল্লাহর (সা) প্রত্যেকটি মজলিস ছিল শিক্ষা ও প্রশিক্ষণের এক একটি বৈঠক। তিনি সব সময় এই মজলিসের সুযোগ গ্রহণ করতেন।

হয়রত মু'য়াজ সুযোগ পেলেই রাসূলুল্লাহর (সা) সাথে একাকী থাকতেন। রাসূল (সা) এই একাকীত্বের সুযোগে তাঁকে বিভিন্ন বিষয় শিক্ষা দিতেন। কখনও কোন মাসযালা জানার প্রয়োজন হলে তখনই তিনি রাসূলুল্লাহর (সা) খিদমতে হাজির হতেন। তখন রাসূলকে (সা) না পেলে বহু দূর পর্যন্ত খৌজাখুজি করতেন। একবার তিনি গেলেন রাসূলুল্লাহর (সা) গৃহে। যেয়ে পুনরুদ্ধেন তিনি কোথাও বেরিয়ে গেছেন। তিনি মানুষের কাছে রাসূলুল্লাহর (সা) কথা জিজ্ঞেস করতে করতে এগুতে লাগলেন। এক সময় দেখলেন তিনি নামাযে দাঁড়িয়ে আছেন। মু'য়াজও রাসূলুল্লাহর (সা) পিছনে দাঁড়িয়ে গেলেন। রাসূলুল্লাহ (সা) দীর্ঘ নামায আদায় করলেন। নামায শেষে মু'য়াজ বললেন : আপনি আজ দীর্ঘ নামায আদায় করেছেন। রাসূল (সা) বললেন : এটা ছিল আশা ও ভীতির নামায। আমি আল্লাহর কাছে তিনটি জিনিস চেয়েছিলাম। দুইটি দেওয়া হয়েছে এবং একটি দেওয়া হয়নি। তারপর তিনি সেই তিনটি প্রার্থনার কথা মু'য়াজকে বলেন। (মুসনাদ-৫/২৪০)

হয়রত মু'য়াজ সব সময় সুযোগের সন্ধানে থাকতেন। সুযোগ পেলেই তিনি জানার জন্য রাসূলুল্লাহর (সা) নিকট প্রশ্ন করতেন। তবে রাসূলুল্লাহর (সা) মেয়াজ ও মজির প্রতি সর্বদা সতর্ক দৃষ্টি রাখতেন। তাৰুক যুক্তের পূর্বে লোকেরা সূর্যোদয়ের সময় বাহনের পিঠে ঘুমাচ্ছিল এবং উটগুলি এদিক সেদিক চরাচিল। হয়রত মু'য়াজ এমন একটি সুযোগ হাতছাড়া করতে চাইলেন না। তিনি রাসূলুল্লাহর (সা) নিকট গেলেন। তিনি তখন ঘুমিয়ে এবং উটটিও চরছে। মু'য়াজের উটটি হৌচট খেলো এবং তিনি লাগাম ধরে টান দিলেন। উটটি আরও ক্ষেপে গিয়ে লাফালাফি করতে লাগলো। রাসূলুল্লাহর (সা) ঘুম ভেঙ্গে গেল। তিনি পিছনের দিকে তাকিয়ে মু'য়াজকে দেখে ডাক দিলেন। মু'য়াজ সাড়া দিলেন। রাসূল (সা) বললেন : কাছে এস। মু'য়াজ এত নিকটে গেলেন যে রাসূলুল্লাহ (সা) ও তাঁর উট একদম পাশাপাশি এসে গেল। তিনি বললেন, দেখ তো মানুষ কত দূরে ? মু'য়াজ বললেন : সবাই ঘুমিয়ে আছে আর পশুগুলি চরছে। রাসূল (সা) বললেন : আমিও ঘূমাচ্ছিলাম। মু'য়াজ বললেন : ইয়া রাসূলুল্লাহ ! অনুমতি দিলে আমি আপনাকে এমন একটি বিষয়ে জিজ্ঞেস করতাম যা আমাকে ভীষণ চিত্তিত ও পীড়িত করে তুলেছে। রাসূল (সা) বললেন, তোমার যা ইচ্ছা প্রশ্ন করতে পার।

হয়রত মু'য়াজের স্বত্বাবেই ছিল জানার আগ্রহ। একবার এক ব্যক্তি রাসূলুল্লাহর (সা) নিকট একটি বিশেষ মাসযালা জিজ্ঞেস করলো। রাসূল (সা) যে জবাব দিলেন তা একজন সাধারণ লোকের জন্য যথেষ্ট ছিল। কিন্তু হয়রত মু'য়াজ ততটুকু যথেষ্ট মনে করতে পারলেন না। তিনি বললেন : ইয়া রাসূলুল্লাহ। এই হকুম কি বিশেষ এই ব্যক্তির জন্য, না সাধারণতাবে সকল মুসলমানের জন্য ? রাসূল (সা) বললেন, না, এটা একটি সাধারণ হকুম। (মুসনাদ-৫/২৪৪)

জ্ঞান ও বিভিন্ন বিষয়ে ইজতিহাদ ও গবেষণার যোগ্যতা অর্জন করে তিনি ফকীহ, মুজতাহিদ ও মু'য়াল্লিমের আসনে সমাপ্তী হন। রাসূলে কারীমের (সা) জীবনেই তিনি শিক্ষকের পদে নিযুক্তি লাভ করেন। হিজরী অষ্টম সনে মক্কা বিজয়ের পর মক্কাবাসীদের ফিকাহ ও সুন্নাতের তা'লীম দানের জন্য রাসূল (সা) তাঁকে সেখানে রেখে আসেন। (আনসাবুল আশরাফ-১/৩৬৫, সীরাতু ইবন হিশাম-২/৫০০, তাবাকাত-১/৯৯) তাছাড়া-হিজরী নবম সনে রাসূল (সা)

তাঁকে ইয়ামনে পাঠান। ইয়ামনের অন্যান্য দাগিত্বের সাথে সেখানকার লোকদের শিক্ষার দায়িত্বও তাঁর ওপর অপণ করেন।

মু'য়াজ যখন ফিলিস্তিনে তখন তাঁর শিক্ষাদানের গভি ফিলিস্তিনের বাইরেও বিস্তৃত ছিল। দিমাশ্ক, হিমস প্রভৃতি স্থানেও তাঁর হালকা-ই-দারস ছিল। এ সকল স্থানে তিনি ঘূরে ঘূরে দারস দিতেন। তাঁর দারসের পদ্ধতি ছিল, একটি বৈঠকে কিছু সাহাবী কোন একটি বিষয় নিয়ে আলোচনা করতেন, আর হ্যরত মু'য়াজ চুপ করে বসে শুনতেন। আলোচকরা কোন সিদ্ধান্তে উপনীত হতে না পারলে তিনি সিদ্ধান্ত ব্যক্ত করতেন।

আবু ইদরীস আল-খাওলানী একবার জামে' দিমাশ্ক-এ গিয়ে দেখলেন, এক সুদর্শন যুবককে ঘিরে লোকেরা গোল হয়ে বসে আছে। কোন বিষয়ে তাদের মতভেদ হলে সেই যুবকের দৃষ্টি আকর্ষণ করা হচ্ছে আর তিনি সন্তোষজনক জবাব দিচ্ছেন। তিনি যখন জিজ্ঞেস করলেন, যুবকটি কে? বলা হলো- মু'য়াজ ইবন জাবাল।

আবু মুসলিম আল-খাওলানী একবার জামে' হিমস-এ গিয়ে দেখলেন, বক্ত্রিশ জন প্রবীণ সাহাবী গোল হয়ে বসে আছেন। তাঁদের প্রত্যেকেই বার্দ্ধক্যে পৌছে গেছেন। তাঁদের মধ্যে একজন যুবকও আছেন। কোন মাসয়ালায় তাঁদের মধ্যে মতবিরোধ সৃষ্টি হলে এই যুবক যিমাংসা করে সিদ্ধান্ত দিচ্ছেন। পরে তিনি জানতে পারেন এই যুবক মু'য়াজ ইবন জাবাল। (তাজকিরাতুল হফ্ফাজ-১/২০, হায়াতুস সাহাবা-২/৬৩১, ৬৩৮) শাহর ইবন হাওশাব থেকে বর্ণিত হয়েছে, রাসূলুল্লাহর (সা) সাহাবীরা যখন কোন বিষয়ে আলোচনা করতেন, তাঁদের মধ্যে মু'য়াজ ইবন জাবাল উপস্থিত থাকলে সকলে তাঁর প্রতি সন্তুষ্টি দৃষ্টিতে তাকাতেন। হ্যরত আবদুল্লাহ ইবন মাস'উদ (রা) বলতেন, দুনিয়ায় 'আলিম যাত্র তিনজন। তাঁদের একজন শামে বসবাসরাত। একথা দ্বারা তিনি মু'য়াজের দিকেই ইঙ্গিত করতেন। হ্যরত আবদুল্লাহ ইবন 'উমার (রা) মানুষের কাছে জিজ্ঞেস করতেন, তোমরা কি জান 'আলিম মতান্তরে 'আকিল কারা? লোকেরা অজ্ঞতা প্রকাশ করলে বলতেন, 'আলিম হলেন মু'য়াজ ইবন জাবাল ও আবুদ দারদা। (তাবাকাত-২/৩৫০)

একজন মুজতাহিদের সবচেয়ে বড় গুণ সঠিক সিদ্ধান্তে উপনীত হওয়া। হ্যরত মু'য়াজ এমন সঠিক সিদ্ধান্তের অধিকারী ছিলেন যে খোদ রাসূল (সা) কোন কোন ক্ষেত্রে তাঁর সিদ্ধান্তের জন্য সন্তুষ্টি ব্যক্ত করেছেন। রাসূল (সা) তাঁকে ইয়ামনে পাঠানোর পূর্বে যে পরীক্ষা গ্রহণ করেন সে সময় তিনি যে জবাব দেন তাতে রাসূল (সা) দারূণ সন্তুষ্টি প্রকাশ করেন। মূলতঃ তাঁর এই জবাবের মাধ্যমে প্রতিষ্ঠিত হয় যে, ইসলামী শরী'য়াতের মৌলিক উৎস তিনটি : ১. কিতাবুল্লাহ, ২. সুন্নাহ ও ৩. কিয়াস।

ইসলামের প্রথম যুগে যারা একটু দেরীতে নামায়ের জামা'য়াতে হাজির হতো এবং দুই এক রাকা'য়াত ছুটে যেতারা নামাযে দাঁড়ানো লোকদের কাছে ইশারায় জিজ্ঞেস করে জেনে নিত কত রাকা'য়াত হয়েছে। নামায়িরাও ইশারায় তা জানিয়ে দিত। দেরীতে আসা লোকটি প্রথমে তার ছুটে যাওয়া নামায আদায় করে জামা'য়াতে শরীক হতো। এভাবে একদিন নামায হচ্ছে এবং প্রথম বৈঠক চলছে, এমন সময় মু'য়াজ আসেন এবং প্রচলিত নিয়মের খিলাফ প্রথমে জামা'য়াতে শরীক হয়ে গেলেন। রাসূল (সা) সালাম ফিরানোর পর মু'য়াজ উঠে ছুটে যাওয়া রাকা'য়াতগুলি আদায় করলেন। তাঁর এ কাজ দেখে রাসূল (সা) বললেন : 'কাদ সামা লাকুম ফা হাকাজা ফাসনা'য়-' মু'য়াজ তোমাদের জন্য একটি নতুন পদ্ধতি বের করেছে, তোমরাও এমনটি করবে। (মুসলাদ-৫/২৩৩, ২৪৬) হ্যরত মু'য়াজের জন্য এটা অতি সম্মান ও

গৌরবের বিষয় যে, তাঁরই একটা 'আমল গোটা মুসলিম জাতির জন্য ওয়াজিব করে দেওয়া হয়েছে এবং কিয়ামত পর্যন্ত তা জারী থাকবে।

একবার এক গৰ্ভবতী মহিলার স্বামী দুই বছর নিরুদ্ধেশ থাকে। এর মধ্যে মহিলা গৰ্ভবতী হয়, মানুষের মনে সন্দেহ হলে তারা বিষয়টি খলীফা 'উমারের নিকট উথাপন করে। 'উমার (রা) মহিলাকে রজম করার (যিনার শাস্তি) নির্দেশ দেন। মু'য়াজ বললেন : মহিলাকে রজম করার অধিকার আপনার আছে। কিন্তু পেটের সন্তানের রজম করার অধিকার আপনাকে কে দিয়েছে? 'উমার মহিলাকে তখনকার মত ছেড়ে দিয়ে সন্তান প্রসবের পর রজমের নির্দেশ দেন।

মহিলা একটি পুত্র সন্তান প্রসব করে। সন্তানটি ছিল অবিকল তাঁর পিতার 'আদলের। তখন পিতা সন্তান দেখে শপথ করে দাবী করে এ তো আমারই সন্তান। এ কথা শুনে 'উমার (রা) মন্তব্য করেন : 'মু'য়াজের মত সন্তান মহিলারা আর জন্ম দিতে পারবে না। মু'য়াজ না থাকলে 'উমার ধৰ্ম হয়ে যেত।' তিনি আরও বলতেন : 'মু'য়াজের মত সন্তান জন্ম দিতে মহিলারা অক্ষম হয়ে গেছে।' সাহাবী সমাজের মধ্যে তাঁর বিশাল ঘর্যাদা সম্পর্কে এমনই একটা ধারণা বিদ্যমান ছিল।

খলীফা 'উমারের অষ্টিম সময় ঘনিয়ে এলে লোকেরা তাঁর নিকট পরবর্তী খলীফা মনোনয়নের জন্য 'আরজ করলো। তখন তিনি একটি সংক্ষিপ্ত বক্তব্য রাখেন। তার মধ্যে এ কথাটিও বলেন যে, 'আজ মু'য়াজ ইবন জাবাল বেঁচে থাকলে তাঁকেই খলীফা বানিয়ে যেতাম। আস্ত্রাহ আমাকে জিজ্ঞেস করলে বলতাম, আমি এমন এক ব্যক্তিকে খলীফা বানিয়ে এসেছি যার সম্পর্কে রাসূলুল্লাহ (সা) বলেছেন : 'কিয়ামতের দিন মু'য়াজ সব 'আলিমদের থেকে এক অথবা দুই তাঁর নিষ্কেপের দূরত্ব আগে থাকবে। (উসুল গাবা-৪/৩৭৮, তাজকিরাতুল হফ্ফাজ-১/১৯)

খলীফা হযরত আবু বকর (রা) ইয়াবীদ ইবন আবী সুফইয়ানকে একবার অসীয়াত করেন : 'মু'য়াজ ইবন জাবালের প্রতি লক্ষ্য রাখবে। রাসূলুল্লাহ (সা) সাথে আমি তাঁর সকল অভিযান প্রত্যক্ষ করেছি। রাসূল (সা) একদিন তাঁর সম্পর্কে বলেছিলেন : কিয়ামতের দিন মু'য়াজ 'আলিমদের থেকে এক তাঁর নিষ্কেপের দূরত্ব আগে থাকবে। সে এবং আবু 'উবাইদার সাথে পরামর্শ ছাড়া কোন সিদ্ধান্ত গ্রহণ করবে না। তাতে তোমার মঙ্গল হবে না। (হয়াতুস সাহাবা-২/১১৮) অপর একটি বর্ণনায় এসেছে : কিয়ামতের দিন সকল 'আলিম মু'য়াজের পতাকাতলে উঠবে। (শাজারাত-১/৩০)

একবার খলীফা হযরত 'উমার (রা) মু'য়াজকে পাঠালেন বনু কিলাব গোত্রে যাকাত আদায় করে গরীবদের মধ্যে বন্টনের জন্য। মু'য়াজ সেখানে গিয়ে দায়িত্ব পালন করে স্ত্রীর নিকট ফিরে আসলেন। যাওয়ার সময় হাতে করে যে জিনিসগুলি নিয়ে গিয়েছিলেন ফেরার সময় শুধু সেইগুলিই হাতে করে ফিরলেন। স্ত্রী কাছে এসে বললেন : অন্যান্য শাসকরা ঘরে ফেরার সময় তাঁদের পরিবারের লোকদের জন্য নানা রকম উপটোকল নিয়ে আসে, দেখি তুমি আমার জন্য কি নিয়ে এসেছ? মু'য়াজ বললেন : আমার সাথে সবসময় একজন পাহারাদার ছিল। সে সতর্কভাবে আমাকে পাহারা দিয়েছে। স্ত্রী বললেন : তুমি ছিলে রাসূলুল্লাহ (সা) ও আবু বকরের পরম বিশ্বাসভাজন ব্যক্তি। আর 'উমার কিনা তোমার পিছনে পাহারাদার নিয়োগ করেছে?

ব্রাহ্মী-স্ত্রীর এ আলোচনা 'উমারের (রা) মেয়ে মহলের মাধ্যমে তাঁর কানে গেল। তিনি মু'য়াজকে ডেকে জিজ্ঞেস করলেন : আমি তোমার পিছনে পাহারাদার নিয়োগ করেছি? মু'য়াজ

বললেন : না, আপনি তা করবেন কেন? তবে আমার স্ত্রীকে বুঝ দেওয়ার জন্য এমন কথা না বলে উপায় ছিলনা। 'উমার একটু হেসে দিলেন। তারপর মু'য়াজের হাতে কিছু অর্থ দিয়ে বলেন, যাও, এইগুলি দিয়ে তোমার স্ত্রীকে খুশী কর। (সুওয়ারূম মিন্ হায়াতিস সাহাবা-৭/১৩১-১৩২)

তিনি ছিলেন অত্যন্ত দানশীল। একারণে তাঁর সকল বিষয়-সম্পত্তি একবার নিলামে উঠে বিক্রী হয়েছিল। তাঁর এই দানশীলতায় ইসলামের যথেষ্টকল্যাণ সাধিত হয়েছে।

খলীফা 'উমার (রা) একদিন সংগীদের বললেন : আছা বলতো তোমরা কে কি নেক আশা কর। একজন বললো, আমার বাসনা হলো, আমি যদি এই ঘর ভর্তি দিরহাম পেতাম এবং সবই আল্লাহর রাস্তায় খরচ করতে পারতাম। আরেকজন বললো : আমি যদি এই ঘর ভর্তি সোনাদানা পেতাম এবং আল্লাহর রাস্তায় বিলিয়ে দিতে পারতাম। এভাবে একেক রকম সৎ বাসনা প্রকাশ করলো। সবশেষে 'উমার (রা) বললেন : আমার বাসনা কি জান? আমি যদি এই ঘর ভর্তি পরিমাণ আবু 'উবাইদা ইবনুল জাররাহ, মু'য়াজ ইবন জাবাল ও হজায়ফা ইবনুল ইয়ামানের মত লোক পেতাম এবং তাদের সকলকে আল্লাহর আনুগত্যের কাজে লাগাতে পারতাম। তারপর তিনি বলেন, এখনই আমি পরীক্ষা করে প্রমাণ করে দিচ্ছি।

তিনি চাকরকে ডেকে চারশত দীনার ভর্তি একটি থলি তার হাতে দিয়ে বলেন, এগুলি আবু 'উবাইদাকে দিয়ে তার ব্যক্তিগত প্রয়োজনে খরচ করতে বলে এস। আবু 'উবাইদা থলিটি হাতে নিয়ে খলীফার চাকর হ্রাস ত্যাগের পূর্বেই দীনারগুলি বিভিন্ন ধরিতে ভরলেন এবং অভাবীদের মধ্যে বন্টন করে দিলেন। অনুরূপভাবে খলীফা আর একটি দীনার ভর্তি থলি পাঠালেন মু'য়াজ ইবন জাবালের কাছে। মু'য়াজও তক্ষণ দাসীকে ডেকে দীনারগুলি বিভিন্ন লোকের মধ্যে বন্টন শুরু করলেন। ধরিতে যখন মাত্র দুইটি দীনার বাকী তখন তাঁর স্ত্রী খবর পেলেন এবং দৌড়ে এসে বললেন, আমিও তো একজন যিসকীন, আমাকেও কিছু দাওন। মু'য়াজ দীনার দুইটি সহ থলিটি স্ত্রীর দিকে ছুড়ে মেরে বলেন : এই নাও। খলীফা চাকরের মুখে আবু 'উবাইদা ও মু'য়াজের এই আচরণের কথা শুনে দারুণ পুলকিত হন এবং মন্তব্য করেন : তারা প্রত্যেকেই পরস্পরের ভাই। (হায়াতুস সাহাবা-২/২৩১-২৩৩)

আল্লাহর প্রতি গভীর মুহাবত ও ভালোবাসা, তাঁর ইতা'য়াত ও আনুগত্য, 'ইবাদাত ও বন্দেগী এবং তাঁর ওপর তাওয়াক্কুল ও নির্ভরতা হচ্ছে একজন মুমিনের অন্যতম বৈশিষ্ট ও পরিচয়। হযরত মু'য়াজের মধ্যে এসব বৈশিষ্ট্যপূর্ণরূপ লাভ করে। গভীর রাতে তিনি আল্লাহর ইবাদাতে মশগুল হয়ে যেতেন। কাঁদতে কাঁদতে আল্লাহর দরবারে হাত উঠিয়ে দু'আ করতেন : 'হে আল্লাহ! এখন সকল চক্ষু নির্দিত। কিন্তু তুম চিরজগ্রত, চিরঝীব। হে আল্লাহ! জালাতের দিকে আমার যাত্রা বড় মহৱ এবং জাহানাম থেকে পলায়ন বড় দুর্বল। তুম আমার জন্য তোমার কাছে একটি হিদায়াত নির্দিষ্ট রাখ যা কিয়ামতের দিন আমি লাভ করতে পারি।' (উসুদুল গাবা-৪/৩৭১) তিনি যে কেত বড় আল্লাহনির্ভর লোক ছিলেন তার প্রমাণ পাওয়া যায় 'আমওয়াসের মহামারির সময়। হযরত 'আমার ইবনুল 'আস যখন সৈন্যদের হ্রাস ত্যাগের পরামর্শ দেন তখন তাঁর পরামর্শকে তাওক্কুলের পরিপন্থী মনে করে তিনি ভীষণ ক্ষেপে যান। শেষ পর্যন্ত তাওয়াক্কুলের ওপর অটল থেকেই সেই মহামারিতে মৃত্যুবরণ করেন।

একদিন হযরত 'উমার (রা) দেখলেন, মু'য়াজ কাঁদছেন। তিনি জিজেস করলেন। তুম কাঁদছো কেন? মু'য়াজ বলেন : আমি রাসূলুল্লাহকে (সা) বলতে শুনেছি : বিন্দুমাত্র 'রিয়া' ও এক ধরনের শিরক। আর আত্মগোপনকারী-মুস্তাকীরাই হচ্ছে আল্লাহর সর্বাধিক প্রিয় বান্দা।

তৌরা অদৃশ্য হলে হারায় না এবং দৃশ্যমান হলে চেনা যায়না। তৌরাই হলেন হিদায়াতের ইমাম ও ইস্লামের মশাল বা প্রদীপ। (হায়াতুস সাহাবা-২/৬২৪)

তাউস থেকে বর্ণিত হয়েছে। তিনি বলেন, একবার মু'য়াজ ইবন জাবাল আমাদের অঞ্চলে আসেন। আমাদের নেতারা বললো : আপনার অনুমতি পেলে আমরা পাথর ও ইট দিয়ে আপনার জন্য একটি মসজিদ বানিয়ে দিতাম। মু'য়াজ বলেন : কিয়ামতের দিন এই মসজিদ আমার পিঠে বহন করতে বলা হয় কিনা সে ব্যাপারে আমি শক্তি। (হায়াতুস সাহাবা-২/৬২১)

ইসলামী সাম্য ও ন্যায় বিচারে তিনি ছিলেন এক বাস্তব নমুনা। ছোট খাট ব্যাপারেও তিনি ইনসাফ থেকে বিচুৎ হতেন না। ইয়াহিয়া ইবন সা'ঈদ থেকে বর্ণিত হয়েছে। মু'য়াজের দুই স্ত্রী ছিল। তিনি তাদের মধ্যে সমতা বিধানের প্রতি ছিলেন দারুণ সতর্ক। যেদিন তিনি এক স্ত্রীর ঘরে অবস্থান করতেন সেদিন অন্যের ঘরে অঙ্গু করা বা এক গ্রাস পানিও পান করতেন না। দুই স্ত্রীই 'আমওয়াসের মহামারিতে এক সাথে মারা যান। দুইজনকে একই কবরে দাফন করা হয়। কবর খোঢ়া হলে কাকে আগে কবরে রাখা হবে সে ব্যাপারেও লটারী করে সিদ্ধান্ত গ্রহণ করেন। (হায়াতুস সাহাবা-২/৬১২)

রাসূলুল্লাহর (সা) প্রতি মু'য়াজের যে কত গভীর ভালোবাসা ছিল তার কিছু পরিচয় পূর্ববর্তী ভালোচনায় পরিসফূট হয়েছে। কখনও তাঁকে না পেলে তিনি অস্থির হয়ে তৌর খৌজে বেরিয়ে পড়তেন। রাসূলুল্লাহর (সা) নিয়ম ছিল সফরে রাত্রি যাপনের সময় মুহাজির সঙ্গীদের নিজের কাছেই রাখা। একবার তিনি কোন এক সফরে গেলেন। সাহাবীরাও সংগে ছিলেন। এক হালে রাত্রি যাপনের জন্য থামলেন। রাসূল (সা) মু'য়াজ সহ কঠিপয় সাহাবীর একটি বৈঠক থেকে কিছু না বলে কোথাও চলে গেলেন। মু'য়াজ অস্থির হয়ে পড়লেন। সক্ষ্য পর্যন্ত অপেক্ষা করলেন। তারপর আবু মুসাকে সংগে করে রাসূলুল্লাহর (সা) খৌজে বেরিয়ে পড়লেন। পথে রাসূলুল্লাহর (সা) কঠষ্ঠর শুনে এগিয়ে গেলেন। রাসূল (সা) তাঁদের দেখে প্রশ্ন করেন : তোমাদের কি অবস্থা? তাঁরা বললেন : আপনাকে না পেয়ে আমরা শক্তি হয়ে পড়লাম। তাই খুঁজতে বেরিয়েছি। (মুসনাদ-৫/২৩২)

হয়রত রাসূলে কারীমের (সা) প্রতি ছিল তাঁর সীমাহীন ভক্তি ও শ্রদ্ধা। একবার তিনি সফর থেকে ফিরে এসে রাসূলকে (সা) বললেন : আমরা ইয়ামানে একজন অন্যজনকে সিজদাহ করতে দেখেছি। আমরা কি আপনাকে সিজদাহ করতে পারিনে? রাসূল (সা) বললেন : আমি যদি কোন মানুষের জন্য সিজদাহ বিধানই রাখতাম তাহলে মহিলাদেরকে বলতাম তাঁদের নিজ নিজ স্বামীদেরকে সিজদাহ করতে। (মুসনাদ-৫/২২৭)

একবার মুনাফিক কায়েস ইবন মুতাতিয়া একটি মজলিসে উপস্থিত হলো। সেই মজলিসে হযরত সালমান আল-ফারেসী, সুহাইব আর রুমী ও বিলাল আল-হাবশী উপস্থিত ছিলেন। তাঁদের প্রতি ইঙ্গিত করে কায়েস বললো, এই আউস ও খায়রাজ না হয় এই ব্যক্তিকে (রাসূলুল্লাহকে) সাহায্য করলো; কিন্তু এই সব লোক সাহায্য করছে কেন? একথা বলার সাথে সাথে মু'য়াজ ইবন জাবাল লাফ দিয়ে উঠে তার বুকের ও গলার কাপড় মুট করে ধরে টানতে টানতে সোজা রাসূলুল্লাহর (সা) নিকট নিয়ে গেলেন। এ অবস্থা দেখে রাসূল (সা) রাগে ফেটে পড়লেন। তিনি লোকদের মসজিদে সমবেত হওয়ার আহবান জানাতে বললেন। জনগণ মসজিদে সমবেত হলে তিনি ঐক্য ও সংহতির উপর এক তাষণ দান করেন। তাষণ শেষ হলে মু'য়াজ বলেন, কিন্তু এই মুনাফিকের ব্যাপারে আপনি কি বলেন? রাসূল (সা) জবাব দিলেন : তাঁকে জাহানামের জন্য ছেড়ে দাও। মু'য়াজ ছেড়ে দিলেন। পরবর্তীকালে এই কায়েস মুরতাদ হয়ে

ইসলামী খিলাফতের বিরুদ্ধে বিদ্রোহী হয় এবং এ অবস্থায় মুসলিম মুজাহিদদের হাতে নিহত হয়। (হায়াতুস সাহাবা-২/৪৭৬, ৪৭৭)

একবার হযরত মু'য়াজ রাসূলুল্লাহর (সা) সংগে ছিলেন। রাসূল (সা) তাঁর একখানি হাত ধরে বললেন : মু'য়াজ, তোমার প্রতি আমার গভীর তালোবাসা। উত্তরে মু'য়াজ বললেন : আমার যা—বাবা আপনার প্রতি কুরবান হোক। আমিও অন্তর দিয়ে আপনাকে তালোবাসি। রাসূল (সা) বললেন : আমি তোমাকে একটি উপদেশ দিচ্ছি কক্ষণও তা অবহেলা করবে না। তারপর তাঁকে একটি দু'আ শিখিয়ে দিলেন। হযরত মু'য়াজ আমরণ সেই দু'আটি পাঠ করতেন। (মুসনাদ-৫/২৪৫)

হিজরী ১৬ সনে খলীফা হযরত 'উমার যখন বাইতুল মাকদাস সফর করেন তখন সেখানে হযরত বিলাল ও মু'য়াজও ছিলেন। 'উমার আযান দেওয়ার জন্য বিলালকে অনুরোধ করলেন। বিলাল বললেন : রাসূলুল্লাহর (সা) ওফাতের পর আমি সিদ্ধান্ত নিয়েছিলাম আর কারণও অনুরোধে কক্ষণও আযান দেবনা। কিন্তু আজ আপনার অনুরোধ রক্ষা করবো। তিনি আযান দিতে শুরু করলেন। আযানের ধ্রনিতে সাহাবীদের মনে রাসূলে পাকের (সা) জীবনকালের শৃতি ভেসে ওঠে। তাঁদের মধ্যে ভাবান্তর সৃষ্টি হয়। হযরত মু'য়াজ তো কাঁদতে অস্থির হয়ে পড়লেন।

হযরত মু'য়াবিয়া (রা) যখন শামের গতর্ণ তখন মু'য়াজ একবার সেখানে গিয়ে দেখলেন, লোকেরা 'বিতর' নামায আদায় করে না। তিনি মুয়াবিয়ার কাছে এর কারণ জানতে চাইলেন। বিষয়টি তাঁরও জানা ছিল না। তাই তিনি পাক্টা প্রশ্ন করলেন : বিতর কি ওয়াজিব? তিনি বললেন : হ্যাঁ। এতাবে আমর বিল মা'র্নপের ব্যৱারে তিনি কারণও পরোয়া করতেন না। (মুসনাদ-৫/২৪২)

তিনি ছিলেন সত্যবাদী। খোদ রাসূলুল্লাহ (সা) তাঁর সত্যবাদিতার সাক্ষ্য দিয়েছেন। একবার হযরত মু'য়াজ হযরত আনাসের নিকট একটি হাদীস বর্ণনা করলেন। তারপর আনাস রাসূলুল্লাহর (সা) নিকট গিয়ে জিজ্ঞেস করলেন, আপনি কি মু'য়াজকে একথা বলেছেন? জবাবে রাসূল (সা) তিনবার বললেন : মু'য়াজ সত্য বলেছে। (উসদুল গাবা-৪/৩৭৭)

তাঁর মরণ-সন্ধ্যা ঘনিয়ে এলে লোকেরা এই বলে বিলাপ শুরু করে দিল যে, ইলম উঠে যাচ্ছে। তারা মু'য়াজকে বললো, আপনি আমাদের বলে যান, আপনার মৃত্যুর পর আমরা কার নিকট যাব। তিনি বললেন : আমাকে একটু উঠিয়ে বসাও। বসানো হলে বললেন : শোন, ইলম ও ঈমান- এ দুইটি উঠার জিনিস নয়। যারা তালাশ করবে তারা লাভ করবে। কথাটি তিনবার বললেন। তারপর বললেন : তোমরা আবুদ দারদা, সালমান আল-ফারেসী, ইবন মাস'উদ ও আবদুল্লাহ ইবন সালাম- এই চার জনের নিকট থেকে ইলম হাসিল করবে। (মুসনাদ-৫/২৪৩)

সীরাত গ্রন্থসমূহে দেখা যায় পবিত্র কুরআনের বেশ কয়েকটি আয়াত নাযিলের ঘটনার সাথে হযরত মু'য়াজও প্রতিক্রিয়াবে জড়িত ছিলেন। একবার হযরত মু'য়াজ ইবন জাবালসহ আউস ও খায়রাজ গোত্রের কয়েকজন বিশিষ্ট ব্যক্তি ইহুদীদের কয়েকজন আহবারের নিকট তাওরাতের কয়েকটি বিষয় সম্পর্কে জানার জন্য প্রশ্ন করেন। কিন্তু তারা সত্যকে গোপন করার উদ্দেশ্যে তা জানাতে অবীকার করে। এই ঘটনার পরিপ্রেক্ষিতে আল্লাহ পাক সূরা বাকারার ১৫৯ নং আয়াতটি নাযিল করেন। (সীরাতু ইবন হিশাম-১/৫৫১)

হয়েরত রাসূলে কারীম (সা) মদীনার ইহুদীদেরকে ইসলাম গ্রহণের জন্য উৎসাহিত করেন। আল্লাহর সাথে অন্য কাউকে শরীক করার পরিণতি সম্পর্কে তাদেরকে সতর্ক করে দেন। তা সত্ত্বেও তারা রাসূলুল্লাহর (সা) কথা মানতে অস্বীকার করতে থাকে। তাদের এ অবস্থা দেখে হয়েরত মু'য়াজ সহ কতিপয় সাহাবী ইহুদীদেরকে বললেন : ইহুদী সম্প্রদায়! তোমরা আল্লাহকে ভয় কর। আল্লাহর কসম ! তোমরা অবশ্যই জান যে তিনি আল্লাহর রাসূল। আর একথা তো তোমরা তাঁর নবুওয়াত শান্তের পূর্বেই আমাদেরকে বলতে এবং তাঁর পরিচয়ও আমাদের কাছে তুলে ধরতে। একথার উপরে রাফে ইবন হয়ায়মালা ও ওয়াহাব ইবন ইহজা বললো : না, আমরা কক্ষণও তোমাদেরকে এমন কথা বলিনি। মুসার কিতাবের পর আর কোন কিতাব আল্লাহ নাযিল করেননি এবং আর কোন সুসংবাদ দানকারী ও তীতি প্রদর্শনকারীও আল্লাহ পাঠাননি। তখন আল্লাহ পাক সূরা আল-মায়িদার ১৯ নং আয়াতটি নাযিল করে ইহুদীদের কথার প্রতিবাদ করেন। (সৌরাতু ইবন হিশাম-১/৫৬৪)

হাদীস ও সীরাত গ্রন্থসমূহে হয়েরত মু'য়াজ ইবন জাবাল সম্পর্কে এ ধরনের বহু খন্দ খন্দ তথ্য ছড়িয়ে ছিটিয়ে রয়েছে যা মুসলিম সমাজ চেতনায় গুরুত্বপূর্ণ অবদান রাখতে পারে।

## হানজালা ইবন আবী 'আমির (রা)

নাম হানজালা, লকব বা উপাধি 'গাসীলুল মালায়িকা' ও তাকী। মদীনার আউস গোত্রের 'আমির ইবন' আউফ শাখার সত্তান। পিতার নাম আবু 'আমির 'আমির, মতাত্তরে 'আবদু 'আমির, মাতার নাম জানা যায় না। তবে এতটুকু জানা যায় যে, তিনি খায়রাজ নেতা মুনাফিক 'আবদুল্লাহ ইবন 'উবাইয়ের বোন ছিলেন। হানজালা জন্ম ও কৈশোর সম্পর্কে তেমন কোন তথ্য পাওয়া যায় না।

হানজালার পিতা আবু 'আমির ছিলেন আউস গোত্রের একজন সম্মানিত ও প্রভাবশালী ব্যক্তি। সেই জাহিলী আরবে দীনে হানীফের একজন বিশাসী হিসেবে তিনি নবৃত্যাত, রিসালাত, কিয়ামাত ইত্যাদি বিশাস করতেন। এই ধর্মীয় বিশাস তাঁকে 'রুহবানিয়াত' (বৈরাগ্য)-এর দিকে নিয়ে যায় এবং সব রকম পার্থিব নেতৃত্ব ছেড়ে ধর্মীয় নেতৃত্ব অর্জন করেন। জীবনের এক পর্যায়ে গেরুন্যা বসন পরিধান করে নির্জনবাস অবলম্বন করেন। একারণে তিনি 'রাহিব' (বৈরাগী) হিসেবে খ্যাতি শাত করেন। (আল-ইসাবা-১/৩৬১)

এদিকে রাসূলে কারীম (সা) নবৃত্যাত লাভ করেন এবং মককা থেকে মদীনায় হিজরাত করে ইসলামী ধিলাফতের ভিত্তি স্থাপন করেন। এতে আবু 'আমির ও 'আবদুল্লাহ ইবন উবাই উভয়ের নেতৃত্বে ভাট্টা পড়ে। 'আবদুল্লাহ ইবন 'উবাই মুনাফিকী (দ্বিমুখী) নীতি অবলম্বন করে মদীনাতেই বসবাস করতে থাকেন। কিন্তু আবু 'আমির তত্ত্বানি দৈর্ঘ্যধারণ করতে পারেননি। তিনি মদীনা ছেড়ে মককায় চলে যান এবং সেখানেই বসবাস শুরু করেন। উহুদ যুদ্ধে তিনি কুরাইশ বাহিনীর সাথে যোগ দিয়ে মদীনা আক্রমণে আসেন। একারণে হ্যরত রাসূলে কারীম (সা) তাঁকে 'ফাসিক' নামে অভিহিত করেন।

যুদ্ধ শেষে তিনি মককায় ফিরে যান এবং সেখানেই বসবাস করতে থাকেন। হিজরী অষ্টম সনে মুসলমানদের দ্বারা মককা বিজিত হলে আল্লাহর যমীন তাঁর জন্য আবার সংকীর্ণ হয়ে পড়ে। তিনি মককা ছেড়ে রোমান সম্রাট হিরাকলের দরবারে পৌছেন এবং সেখানেই হিজরী দশম সনে মারা যান।

এই তো ছিল আবু 'আমিরের কুফরী বা অবিশাসের চরম অবস্থা। অপর দিকে তাঁর ছেলে হ্যরত হানজালার ইমানী মজবুতীর চরম অবস্থাও লক্ষ্যণীয়। তিনি ইসলাম করুন করে আবেদন জানান : ইয়া রাসূলল্লাহ! আপনি নির্দেশ দিলে আমি আমার পিতা আবু 'আমিরকে হত্যা করতাম। কিন্তু রাসূল (সা) তাঁর এ আবেদন মঞ্জুর করেননি। মুনাফিক সরদার 'আবদুল্লাহ ইবন 'উবাইর ছেলে হ্যরত 'আবদুল্লাহ (রা) তাঁর পিতার ব্যাপারেও অনুরূপ আবেদন জানিয়েছিলেন এবং রাসূল (সা) তাঁকেও একইভাবে নিবৃত্ত করেছিলেন।

হ্যরত হানজালা বদর যুদ্ধে যোগ দেন নি। এর কারণ জানা যায় না। তবে উহুদ যুদ্ধে যোগ দিয়েছিলেন। আর এটাই ছিল তাঁর ইসলামী জীবনের প্রথম ও শেষ যুদ্ধ।

তিনি স্ত্রী উপগত হয়ে ঘরে শয়ে আছেন। এমন সময় ঘোষকের কষ্ট কানে গেল : 'এক্ষুনি জিহাদে বের হতে হবে।' জিহাদের ডাক শুনে 'তাহরাতের' (পবিত্রতা) গোসলের

কথা ভুলে গেলেন। সেই অশুচি অবস্থায় কোষমুক্ত তরবারি হাতে উহদের প্রান্তরে উপস্থিত হলেন। যুদ্ধ শুরু হলো। তিনি কৃরাইশ নেতা আবু সুফিইয়ান ইবন হারবের সাথে দুন্দু যুদ্ধে লিপ্ত হলেন। তাকে কাবু করে তরবারির আঘাত করবেন, ঠিক সেই সময় নিকট থেকে শান্দাদ ইবন আসওয়াদ আল-লায়সী দেখে ফেলে এবং দ্রুত হানজালার ওপর বাঁপিয়ে পড়ে তরবারির এক আঘাতে তাঁর মাথা দেহ থেকে বিস্তু করে ফেলে। ইন্নালিল্লাহ ওয়া ইব্রাইলাই রাজেউন। অনেকে বলেছেন, আবু সুফিইয়ান ও শান্দাদ দু'জনে একযোগে তাঁকে হত্যা করেন। তবে 'রাওদুল আন্ফ' গ্রহকার নাকে 'ইবন আবী নু'ইম- মাওলা জা'উনা ইবন খা' উকে হানজালার ঘাতক বলে উল্লেখ করেছেন। (সীরাতু ইবন হিশাম-২/৭৫, ১২৩)

বদর যুদ্ধে আবু সুফিইয়ানের পুত্র 'হানজালা' মুসলিম বাহিনীর হাতে নিহত হয়। তাই উহদে এই হানজালাকে হত্যার পর সে মন্তব্য করে : 'হানজালার পরিবর্তে হানজালা।'

হযরত হানজালা (রা) নাপাক অবস্থায় শহীদ হন। শাহাদাতের পর ফিরিশতারা তাঁকে গোসল দেয়। তাই দেখে হযরত রাসূলে কারীম (সা) সাহাবীদের বলেন, তোমরা তার স্ত্রীকে জিজ্ঞেস কর তো ব্যাপার কি? হিশাম ইবন 'উরওয়া বর্ণনা করেছেন। রাসূল (সা) হানজালার স্ত্রীকে জিজ্ঞেস করলেন : হানজালার ব্যাপারটি কি? স্ত্রী বলেন : হানজালা নাপাক ছিল। আমি তাঁর মাথার একাংশ মাত্র ধুইয়েছি, এমন সময় জিহাদের ডাক তাঁর কানে গেল। গোসল অসম্পূর্ণ রেখেই সেই অবস্থায় বেরিয়ে গেলেন এবং শাহাদাত বরণ করলেন। একথা শুনে রাসূল (সা) বললেন : এই জন্য আমি ফিরিশতাদেরকে তাঁকে গোসল দিতে দেখেছি। (আল-ইসতীয়াবঃ আল-ইসাবার টীকা-১/২৮১; হায়াতুস সাহাবা- ৩/৫৪৪) আর এখান থেকেই 'গাসীলুল মালায়িকা' (ফিরিশতাকুল কর্তৃক গোসলকৃত) নকব বা উপাধিতে ভূষিত হন।

হযরত হানজালা মৃত্যুর সময় 'আবদুল্লাহ নামে এক ছেলে রেখে যান। হযরত রাসূলে কারীমের (সা) মদীনায় আগমনের পর এই 'আবদুল্লাহ'র জন্ম হয় এবং রাসূলে কারীমের (সা) উফাতের সময় তাঁর বয়স হয় মাত্র সাত/আট বছর। পরিণত বয়সে তিনি পিতার সুযোগ্য উত্তরসূরী বলে নিজেকে প্রমাণ করেন। উমাইয়া শাসক ইয়ায়িদ ইবন মু'য়াবিয়ার কলঙ্কজনক কর্মকান্ডের প্রতিবাদে তাঁর প্রতি কৃত 'বাই'য়াত' (আনুগত্যের অঙ্গীকার) প্রত্যাখ্যান করে তিনি হযরত 'আবদুল্লাহ ইবন যুবায়রের (রা) প্রতি আনুগত্য প্রকাশ করেন। ইয়ায়ীদের বাহিনী মদীনা আক্রমণ করে। হযরত 'আবদুল্লাহ' অত্যন্ত সাহসিকতার সাথে মদীনাবাসীদের সাথে নিয়ে নিজেই সেনাপতি হিসেবে আক্রমণকারীদের বাধা দেন। অসংখ্য মদীনাবাসী শাহাদাত বরণ করেন। একের পর এক হযরত 'আবদুল্লাহ'র আট পুত্র ইয়ায়ীদ বাহিনীর বিরুদ্ধে যুদ্ধ করে শহীদ হন। এই হৃদয়বিদারক দৃশ্য হযরত 'আবদুল্লাহ' স্বচক্ষে অবলোকন করেন। অবশেষে তিনি নিজেই অগ্রসর হন। উহদে শাহাদাতপ্রাপ্ত পিতার রক্তরঞ্জিত পোশাক পরে তিনি শক্রুর ওপর বাঁপিয়ে পড়েন এবং শাহাদাত বরণ করেন। এ ছিল হিজরী ৬৩ সনের ছুঁতুলহজ্জ মাসের ঘটনা।

হযরত হানজালার পিতা 'ফাসিক' ছিলেন। আর এই 'ফাসিক' পিতার সন্তান হানজালা 'তাকী' (আল্লাহ তীরু) উপাধি লাভ করেন। এর দ্বারাই প্রমাণিত হয় যে তিনি কত উন্নত চরিত্রের অধিকারী ছিলেন। ইবন 'আসাকির বর্ণনা করেছেন, খলীফা 'উমায়ার যখন লোকদের তাতার ব্যবস্থা করেন তখন হানজালার ছেলে 'আবদুল্লাহ'র জন্য দুই হাজার দিরহাম নির্ধারণ

করেন। হ্যুমান তাঁর ভাইয়ের ছেলের হাত ধরে খলীফার নিকট নিয়ে গেলেন। খলীফা তাঁর জন্য কিছু কম অংক নির্ধারণ করলেন। তালহা বললেন : আমীরবল মুমিনীন। আপনি এই আনসারীকে আমার তাতীজার চেয়ে বেশি দিলেন ? খলীফা বললেন : হো। কারণ, তাঁর পিতা হানজালাকে আমি উহদে অসির নৌচে এমনভাবে হারিয়ে যেতে দেখেছি যেমন একটি উট হারিয়ে যায়। (হায়াতুস সাহাবা-২/২১৮)

একবার আনসারদের দুই গোত্র- আউস ও খায়রাজ নিজেদের গৌরব ও সম্মানের কথা বর্ণনা করছিল। তারা নিজ নিজ গোত্রের শ্রেষ্ঠ সন্তানদের নাম উচ্চারণ করল। আউস গোত্র সর্বপ্রথম উচ্চারণ করল হানজালা ইবন আবী আমিরের পুন্যময় নামটি। হ্যুমান আনসাস (রা) থেকে বর্ণিত। একবার আউস গোত্রের লোকেরা গর্ব করে বলল : আমাদের আছে হানজালা- যাঁকে ফিরিশতারা গোসল দিয়েছেন; আসিম ইবন সাবিত- আল্লাহ যাঁর দেহ মৌমাছি ও ভীমরূপের দ্বারা মুশরিকদের হাত থেকে হিফাজত করেছিলেন; খুয়ায়মা ইবন সাবিত- যাঁর একার সাক্ষ্য দুইজনের সাক্ষ্যের সমান; আর আছে সা'দ ইবন 'উবাদা- যাঁর মৃত্যুতে আল্লাহর 'আরশ কেঁপে উঠেছিল।

(দ্রঃ আল-ইসাবা- ১/৩৬১, আল-ইসতীয়াব : আল-ইসাবার টীকা- ১/২৮০-২৮২, সীরাতু ইবন হিশাম-২/৭৫, ১২৩) ■

## উবাই ইবন কা'ব আল-আনসারী (রা)

নাম উবাই, ডাকনাম আবুল মুনজির ও আবুত তুফাইল। (আল-আ'লাম-১/৭৮; আল-ইসাবা-১/১৯) সায়িদুল কুরারা, সায়িদুল আনসার প্রভৃতি তাঁর লকব বা উপাধি। মদীনার খায়রাজ গোত্রের নাজ্জার শাখার সন্তান। পিতার নাম কা'ব ইবন কাইস, মাতার নাম সুহাইলা। তিনি বনী 'আদী ইবন নাজ্জারের কল্যাণ এবং প্রখ্যাত সাহাবী হযরত আবু তালহা আল-আনসারীর ফুফু। সুতরাং উবাই, আবু তালহার ফুফাতো ভাই। উবাইর আবুল মুনজির কুনিয়াতটি খোদ রাসূল (সা) দান করেন এবং দ্বিতীয় কুনিয়াতটি হযরত 'উমার (রা) তাঁর ছেলে তুফাইলের নাম অনুসারে আবুত তুফাইল রাখেন। তাঁর জন্মের সঠিক সন-তারিখ জানা যায় না।

হযরত উবাইয়ের প্রথম জীবন সম্পর্কে তেমন কিছু জানা যায় না। তবে হযরত আনাস ইবন মালিকের বর্ণনায় এতটুকু জানা যায় যে, ইসলাম-পূর্ব জীবনে তিনি মদ পানে আসক্ত ছিলেন। হযরত আবু তালহার মদ পানের আড়ডার তিনি ছিলেন একজন শুরুত্বপূর্ণ সদস্য। তাঁকে মদীনার অন্যতম ইয়াহুদী ধর্মগুরু বলে গণ্য করা হতো। প্রাচীন আসমানী কিতাব সংযুক্তেও তাঁর জ্ঞান ছিল। সে যুগে লেখা-পড়ার তেমন প্রচলন ছিল না। তা সন্ত্রেণ তিনি লিখতে পড়তে জানতেন। এ কারণে ইসলাম গ্রহণের পর রাসূলুল্লাহর (সা) সেক্রেটারীর দায়িত্ব পালন করেন এবং কুরআনের অন্যতম লেখকে পরিগণ হন। (আল-আ'লাম-১/৭৮)

মদীনায় ইয়াহুদীদের যথেষ্ট ধর্মীয় প্রভাব ছিল। ইসলাম-পূর্ব জীবনে তিনি তাওরাতসহ অন্যান্য যে সকল ধর্মীয় গ্রন্থ পড়েছিলেন, মূলতঃ সেই জ্ঞানই তাঁকে ইসলামের দিকে টেনে আনে। যে সকল মদীনাবাসী মকায় গিয়ে সর্বশেষ আকাবায় রাসূলুল্লাহর (সা) হাতে বাই'য়াত করেন তিনিও তাঁদের একজন। আর এখান থেকেই তাঁর ইসলামী জীবনের সূচনা। (আল-ইসাবা-১/১৯)

হিজরাতের পর হযরত রাসূলে কারীয় (সা) 'আশারা মুবাশ্শারার অন্যতম সদস্য হযরত সা'ঈদ ইবন যায়দের সাথে উবাইয়ের মুওয়াখাত বা ভ্রাতৃ সম্পর্ক প্রতিষ্ঠা করে দেন। (সৌরাতু ইবন হিশাম-২/৫০৫) বালাজুরীর মতে, তালহা ইবন 'উবাইদুল্লাহর সাথে তাঁর ভ্রাতৃত্ব প্রতিষ্ঠিত হয়। (আনসাবুল আশরাফ-১/২৭১) রাসূল (সা) মদীনায় আগমনের পর হযরত আবু আইউব আল-আনসারীর বাড়ীতে অতিথি হন। তবে একটি বর্ণনা মতে, তাঁর বাহন উটনীটি উবাই ইবন কা'বের বাড়ীতে থাকে। (আনসাবুল আশরাফ-১/২৬৭)

হযরত উবাই বদর থেকে নিয়ে তায়িফ অভিযান পর্যন্ত রাসূলুল্লাহর (সা) জীবন্দশায় যত যুদ্ধ হয়েছে তার প্রত্যেকটিতে যোগদান করেন। (আল-ইসাবা-১/১৯; আল-আ'লাম-১/৭৮) কুরাইশরা বদরে পরাজিত হয়ে মকায় ফিরে প্রতিশোধ নেওয়ার তোড়জোড় শুরু করে দেয়। উহুদ যুদ্ধের প্রাক্কালে মকায় অবস্থানকারী রাসূলুল্লাহর (সা) চাচা হযরত 'আব্রাস ইবন 'আবদুল মুতালিব গোপনে বনী গিফার গোত্রের এক লোকের মাধ্যমে একটি পত্র রাসূলুল্লাহর(সা)

নিকট পাঠান। সেই পত্রে তিনি কুরাইশদের সকল গতিবিধি রাসূলকে (সা) অবহিত করেন। লোকটি মদীনার উপকর্তে কুবায় পত্রখানি রাসূলুল্লাহর (সা) নিকট হস্তান্তর করেন। রাসূল (সা) পত্রখানা সেখানে উবাই ইবন কা'বের দ্বারা পাঠ করিয়ে শোনেন এবং পত্রের বিষয় গোপন রাখার নির্দেশ দেন। (আনসাবুল আশরাফ-১/৩১৪) এই উহদ যুদ্ধে শক্ত পক্ষের নিষ্কিষ্ট তীরের আঘাতে তিনি আহত হন। হযরত রাসূল (সা) তাঁর চিকিৎসার জন্য একজন চিকিৎসক পাঠান। চিকিৎসক তাঁর রং কেটে সেই স্থানে সেঁক দেয়।

উহদ যুদ্ধের শেষে হযরত রাসূলে কারীম (সা) আহত-নিহতদের খৌজ-খবর নেওয়ার নির্দেশ দিলেন। এক পর্যায়ে তিনি বললেন : তোমাদের কেউ একজন সা'দ ইবন রাবী'র খৌজ নাও তো। একজন আনসারী সাহাবী তাঁকে মৃমূর্ষ অবস্থায় শহীদদের লাশের স্তুপ থেকে খুঁজে বের করেন। কোন কোন বর্ণনা মতে এই আনসারী সাহাবী হলেন উবাই ইবন কা'ব। (হায়াতুস সাহাবা-২/৯৫)

খন্দক যুদ্ধের প্রাক্কালে মককার কুরাইশ নেতা আবু সুফিয়ান, আবু উসামা আল-জাশামীর মারফত একটি চিঠি রাসূলুল্লাহর (সা) নিকট পাঠান। সেই চিঠিও রাসূল (সা) উবাইয়ের দ্বারা পাঠ করান। (আনসাবুল আশরাফ-১/৩৭০) তেমনিতাবে হিজরী ২য় সনের রঞ্জব মাসে রাসূল (সা) 'আবদুল্লাহ ইবন জাহাশ আল-আসাদীর নেতৃত্বে একটি বাহিনী নাখলা অভিযুক্ত পাঠান। যাত্রাকালে তিনি 'আবদুল্লাহর হাতে একটি সীলকৃত চিঠি দিয়ে বলেন : 'দুই রাত একাধারে চলার পর চিঠিটি খুলে পাঠ করবে. এবং এর নির্দেশ মত কাজ করবে।' রাসূল (সা) এই চিঠিটি উবাইয়ের দ্বারা লেখান। (আনসাবুল আশরাফ-১/৩৭১)

হিজরী ৯ম সনে যাকাত ফরজ হলে রাসূল (সা) আরবের বিভিন্ন অঞ্চলে যাকাত আদায়কারী নিয়োগ করেন। তিনি উবাইকে বালী, 'আজরা এবং বনী সা'দ গোত্রে যাকাত আদায়কারী হিসেবে পাঠান। তিনি অত্যন্ত দীনদারী ও সততার সাথে এই দায়িত্ব পালন করেন। একবার এক জনবসতিতে গেলেন যাকাত আদায় করতে। নিয়ম অনুযায়ী এক ব্যক্তি তার সকল গবাদিপশু উবাইয়ের সামনে হাজির করে, যাতে তিনি যেটা ইচ্ছা গ্রহণ করতে পারেন। উবাই উটের পাল থেকে দুই বছরের একটি বাচ্চা গ্রহণ করেন। যাকাত দানকারী বললেন : এতটুকু বাচ্চা নিয়ে কি হবে? এতো দুধও দেয় না, আরোহণেরও উপযোগী নয়। আপনি যদি নিতে চান এই মোটা তাজা উটনীটি নিন। উবাই বললেন : আমার দ্বারা সম্ভব নয়। রাসূলুল্লাহর (সা) নির্দেশের বিপরীত আমি কিছুই করতে পারি না। মদীনা তো এখন থেকে খুব বেশী দূর না, তুমি আমার সাথে চলো, বিষয়টি আমরা রাসূলকে (সা) জানাই। তিনি যা বললেন, আমরা সেই অনুযায়ী কাজ করবো। লোকটি রাজী হলো। সে তার উটনী নিয়ে উবাইয়ের সাথে মদীনায় উপস্থিত হলো। তাদের কথা শুনে রাসূল (সা) বললেন : এই যদি তোমার ইচ্ছা হয় তাহলে উটনী দাও, গ্রহণ করা হবে। আল্লাহ তোমাকে এর প্রতিদান দিবেন। লোকটি সন্তুষ্টচিন্তে উটনীটি দান করে বাড়ী ফিরে গেল। (মুসনাদ-৫/১৪২, কানযুল 'উম্মাল-৩/৩০৯, হায়াতুস সাহাবা-১/১৫১)

হযরত রাসূলে কারীমের (সা) ইন্তিকালের পর হযরত আবুকর (রা) খিলাফতের দায়িত্ব গ্রহণ করেন। এই সময় পবিত্র কুরআনের সংগ্রহ ও সংকলনের গুরুত্বপূর্ণ কাজ শুরু হয়। সাহাবা-ই-কিরামের যে দলটির ওপর এই দায়িত্ব অঙ্গিত হয়, উবাই ছিলেন তাঁদের নেতা।

তিনি কুরআনের শব্দাবলী উচ্চারণ করতেন, আর অন্যরা লিখতেন। এই দলটির সকলেই ছিলেন উচ্চ স্তরের 'আলিম। এই কারণে মধ্যে কোন কোন আয়াত সম্পর্কে তাঁদের মধ্যে আলোচনা ও তর্ক-বিতর্ক হতো। যখন সূরা আত-তাওবার ১২৭ নং আয়াতটি লেখা হয় তখন দলের অন্য সদস্যরা বললেন, এই আয়াতটি সর্বশেষ নায়িল হয়েছে। হ্যরত উবাই বললেন : না। রাসূল (সা) এর পরে আরও দু'টি আয়াত আমাকে শিখিয়েছিলেন। সূরা আল-তাওবার ১২৮ নং আয়াতটি সর্বশেষ নায়িল হয়েছে। (মুসলিম-৫/১৩৪)

হ্যরত আবুবকরের (রা) ইনতিকালের পর হ্যরত 'উমার (রা) তাঁর স্থলাভিষিক্ত হন। তিনি তাঁর খিলাফতকালে অসংখ্য জনকল্যাণ ও সংস্কারমূলক কাজের প্রবর্তন করেন। মজলিসে শূরা তাঁর মধ্যে একটি। বিশিষ্ট মুহাজির ও আনসার ব্যক্তিবৃন্দের সমবর্যে এই মজলিস গঠিত হয়। খায়রাজ গোত্রের প্রতিনিধি হিসেবে উবাই এই মজলিসের সদস্য ছিলেন। (কানযুল উচ্চাল-৩/১৩)

হ্যরত 'উমারের খিলাফতকালের গোটা সময়টা তিনি মদীনায় স্থায়ীভাবে বসবাস করে কাটান। বেশীর ভাগ সময় অধ্যয়ন ও শিক্ষাদানে ব্যয় করেন। যখন মজলিসে শূরার অধিবেশন বসতো বা কোন গুরুত্বপূর্ণ বিষয় উপস্থিত হতো খলীফা 'উমার (রা) তাঁর যুক্তি ও পরামর্শ গ্রহণ করতেন।

হ্যরত 'উমারের (রা) খিলাফতকালের পুরো সময়টা তিনি 'ইফতার' পদে আসীন ছিলেন। এছাড়া অন্য কোন পদ তিনি লাভ করেননি। একবার 'উমারকে (রা) জিজ্ঞেস করলেন, আপনি আমাকে কোন এক স্থানের ওয়ালী (শাসক) নিযুক্ত করেন না কেন? 'উমার (রা) বললেন : আমি আপনার দীনকে দুনিয়ার দ্বারা কলুষিত হতে দেখতে চাই না। (কানযুল 'উচ্চাল-৩/১২৩) হ্যরত 'উমার (রা) যখন তারাবীহর নামায 'জামা'য়াতের সাথে আদায়ের প্রচলন করেন তখন উবাইকে ইমাম মনোনীত করেন। (বুখারী : কিতাবু সালাতিত তারাবীহ) 'উমার যেমন তাঁকে সম্মান করতেন তেমনি ভয়ও করতেন। তাঁর কাছে ফাতওয়া চাইতেন।

খলীফা 'উমারের (রা) বাইতুল মাকদাস সফরে উবাই তাঁর সফরসঙ্গী ছিলেন। খলীফার ঐতিহাসিক জাবিয়া ভাষণের সময় উপস্থিত ছিলেন। বাইতুল মাকদাসের অধিবাসীদের সাথে হ্যরত 'উমার (রা) যে সঙ্গি চুক্তি সম্পাদন করেন তার লেখক ছিলেন হ্যরত উবাই। (আল-আ'লাম-১/৭৮; সিফাতুস সাফওয়া-১/১৮৮)

'উমারের পর হ্যরত 'উসমানের (রা) সময় খিলাফতের বিভিন্ন অঞ্চলে কুরআন মজীদের তিলাওয়াত ও উচ্চারণে বিভিন্নতা ছড়িয়ে পড়ে। খলীফা 'উসমান (রা) শক্তিত হয়ে পড়লেন। তিনি এই বিভিন্নতা দূর করার সিদ্ধান্ত গ্রহণ করলেন। তিনি প্রেষ্ঠ কর্তৃদের ডেকে পৃথকভাবে তাঁদের তিলাওয়াত শুনলেন। 'উবাই ইবন কা'ব, 'আবদুল্লাহ ইবন 'আবাস এবং মু'য়াজ ইবন জাবাল- প্রত্যেকেই উচ্চারণে কিছু পার্থক্য লক্ষ্য করলেন। অতঃপর তিনি বললেন, সকল মুসলমানকে একই উচ্চারণের কুরআনের উপর এক্যবিক্র করতে চাই।

সেই সময় কুরাইশ ও আনসারদের মধ্যে ১২ ব্যক্তি সম্পূর্ণ কুরআনে দক্ষ ছিলেন। খলীফা 'উসমান এই ১২ জনের ওপর এই গুরুত্বায়িত অর্পণ করেন। আর এই পরিষদের সভাপতির

দায়িত্ব দান করেন 'উবাই ইবন কা' বকে। তিনি শব্দাবলী উচ্চারণ করতেন, যায়িদ ইবন সাবিত নির্খতেন। আজ পৃথিবীতে যে কুরআন বিদ্যমান তা মূলতঃ হযরত উবাইয়ের পাঠের অনুলিপি। (কানযুল উচ্চাল-১/২৮২, ২৮৩)

হযরত উবাইয়ের মৃত্যু সন নিয়ে বিস্তর ঘটভেদ আছে। সর্বাধিক প্রসিদ্ধ ঘটে হযরত 'উসমানের (রা) খিলাফতকালে হিজরী ৩৯ সনের এক জুম'আর দিনে তিনি ইনতিকাল করেন। হযরত 'উসমান তাঁর জানায়ার নামায পড়ান এবং মদীনায় দাফন করা হয়। হাইসাম ইবন 'আবী ও অন্যদের মতে তিনি হিজরী ১৯ সনে মদীনায় মারা যান। আর ওয়াকিদী, মুহাম্মাদ ইবন 'আবদুল্লাহ প্রমুখের মতে তাঁর মৃত্যু হয় হিজরী ২২ সনে। (তাজক্রিয়াতুল হফ্ফাজ-১/১৭; শাজারাতুজ জাহাব-১/৩১) তবে বিভিন্ন বর্ণনা মাধ্যমে খলীফা 'উসমানের খিলাফতকালে বিভিন্ন কর্মকাণ্ডে তাঁর শরীক হওয়ার কথা জানা যায়। অতএব হিজরী ৩৯ সনে তাঁর মৃত্যুর ঘটটি সঠিক বলে মনে হয়।

**হযরত**                    **সন্তানদের সঠিক সংখ্যা জানা যায় না।** তবে যে সকল সন্তানদের নাম জানা যায় তারা হলেন : ১. তুফাইল, ২. মুহাম্মাদ, ৩. রাবী', ৪. উম্ম 'উমার। প্রথমোক্ত দুইজন হযরত রাসূলে কারীমের (সা) জীবদ্ধশায় জন্মগ্রহণ করেন। তাঁর স্ত্রীর ডাকনাম উম্ম তুফাইল। তিনি সাহাবিয়া ছিলেন। হাদীস বর্ণনাকারী মহিলা সাহাবীদের নামের তালিকায় তাঁর নামটিও দেখা যায়।

হযরত উবাইয়ের দৈহিক গঠন ছিল মধ্যম আকৃতির হালকা-পাতলা ধরনের। গায়ের রং ছিল উজ্জ্বল গৌর বর্ণের। বার্দক্যে মাথার চুল সাদা হয়ে গিয়েছিল; কিন্তু খিয়ার লাগাতেন না। (আল-ইসাবা-১/১৯; আল-'আ'লাম-১/৭৮; তাজক্রিয়াতুল হফ্ফাজ-১/১৭) স্বতাব ছিল একটু সৌখিন প্রকৃতির। বাড়িতে গদীর ওপর বসতেন। ঘরের দেওয়ালে আয়না লাগিয়েছিলেন এবং সেইদিকে মুখ করে নিয়মিত চিরন্তনি করতেন। একটু রূক্ষ প্রকৃতির ছিলেন। সাধারণতঃ স্বতাববিরোধী কোন কথা শুনলেই রেঁগে যেতেন। হযরত 'উমারের স্বতাবও ছিল একই রকম। এই কারণে মাঝে মাঝে তাদের দুইজনের মধ্যে ঝগড়া হয়ে যেত। বিভিন্ন বর্ণনায় এমন বহু ঝগড়ার কথা জানা যায়।

একবার হযরত উবাই একব্যক্তিকে একটি আয়াত শেখালেন। হযরত 'উমার (রা) লোকটির মুখে আয়াতটির পাঠ শুনে জিজ্ঞেস করেন, তুঁমি এ পাঠ কার কাহে শিখেছ? লোকটি উবাইয়ের নাম বললো। হযরত 'উমার লোকটিকে সংগে করে উবাইয়ের বাড়ীতে উপস্থিত হন এবং আয়াতটি সম্পর্কে জানতে চান। 'উবাই বললেন : আমি রাসূলুল্লাহর (সা) মুখ থেকে এতাবেই শিখেছি। হযরত 'উমার আরও নিশ্চিত হওয়ার জন্য আবার জিজ্ঞেস করেন, আপনি কি রাসূলুল্লাহর (সা) মুখ থেকে শিখেছেন? উবাই বললেন : হ্যাঁ। হযরত 'উমার (রা) প্রশ্নটির পুনরাবৃত্তি করেন। এবার উবাই ক্ষেপে ঘান। তিনি বলেন : আল্লাহর কসম! আল্লাহ তা'য়ালা এই আয়াতটি জিবরীলের (আ) মাধ্যমে মুহাম্মাদের (সা) অন্তকরণে নাখিল করেন। এই ব্যাপারে খাত্তাব ও তাঁর ছেলের সাথে পরামর্শ করার প্রয়োজন বোধ করেননি। এ কথা শুনে হযরত 'উমার (রা) কানে হাত দিয়ে তাকবীর পড়তে পড়তে তাঁর ঘর থেকে বেরিয়ে ঘান। (কানযুল 'উচ্চাল-১/২৮৭)

হযরত হাসান থেকে বর্ণিত! উবাই ইবন কা'বের একটি আয়াতের তিলাওয়াতের সাথে

'উমার ইবন খাত্বাব দিমত পোষণ করলেন। উবাই তাঁকে বললেন : আপনি যখন বাকী'র বাজারে কেনা-বেচা নিয়ে ব্যস্ত থাকতেন আমি তখন রাসূলুল্লাহর (সা) নিকট থেকে আয়াতটি শুনেছি।' উমার বললেন : সত্যি কথা বলছেন। কে সত্য বলে আমি শুধু তাই পরীক্ষা করতে চেয়েছি। অন্য একটি বর্ণনায় এসেছে : উবাই সুরা আল-মায়িদার ১০৭ নং আয়াতটি তিলাওয়াত করলে 'উমার বললেন : মিথ্যা বলছেন। উবাই বললেন : আপনি অধিকতর মিথ্যাবাদী। এক ব্যক্তি বললো : আপনি আমীরল্ল মুমিনীনকে মিথ্যাবাদী বললেন? উবাই বললেন : আমি আমীরল্ল মুমিনীনকে তোমার থেকে বেশী সম্মান করি; কিন্তু তাঁকে আমি কিতাবুল্লাহর তাসদীক বা প্রত্যায়নের ব্যাপারে মিথ্যাবাদী বলেছি। অর্থাৎ কিতাবুল্লাহর প্রতি অবিশ্বাস প্রকাশের ব্যাপারে আমি তাঁকে সত্যবাদী বলে বীকার করিনি। (কানযুল 'উমাল-১/২৮৫; হায়াতুস সাহাবা-১/৭৪)

হযরত আবু দারদা (রা) একবার শামের অধিবাসীদের বিরাট একটি দলকে কুরআন শিখানোর জন্য মদীনায় নিয়ে আসেন। তারা হযরত উবাইয়ের নিকট কুরআন শিখেন। একদিন তাদেরই একজন হযরত 'উমারের সামনে কুরআন পাঠ করেন। 'উমার তার তুল ধরেন। লোকটি বলে, আমাকে তো উবাই এভাবে শিখিয়েছেন।' 'উমার তার সৎগে একজন লোক দিয়ে বললেন : যাও, উবাইকে ডেকে নিয়ে এসো। তারা উবাইয়ের বাড়ীতে গিয়ে দেখেন তিনি উটকে খাবার দিচ্ছেন। তারা বললেন : আমীরল্ল মুমিনীন আপনাকে ডেকেছেন। তিনি জিজ্ঞেস করলেন, কী কাজে? তারা ঘটনাটি খুলে বললো। তিনি তাদের ওপর ভীষণ ক্ষেপে গিয়ে বললেন : তোমরা কি ক্ষ্যাতি দিবে না? রাগের চোটে সেই উটের খাবার হাতে নিয়েই 'উমারের কাছে ছুটে যান। উমার তাঁর ও যায়িদ ইবন সাবিতের নিকট থেকে আয়াতটি শোনেন। দুইজনের পাঠে কিছু তারতম্য ছিল। হযরত 'উমার যায়িদের পাঠ সমর্থন করেন। এতে উবাই ক্ষেপে গিয়ে বলেন : আল্লাহর কসম! 'উমার! আপনার ভালো জানা আছে, আমি যখন রাসূলুল্লাহর (সা) নিকট অন্দরে থাকতাম আর আপনারা তখন বাইরে দাঁড়িয়ে থাকতেন। আজ আমার সাথে এমন আচরণ করছেন। আল্লাহর কসম! আপনি যদি বলেন, আমি ঘরেই বসে থাকবো। আমরণ কারও সাথে কথা বলবো না, কাউকে কুরআনও শিখবো না।' 'উমার বললেন : না, এমন করবেন না। আল্লাহ আপনাকে যে ইলম দান করেছেন, আপনি অতি আগ্রহের সাথে তা শিখতে থাকুন। (কানযুল 'উমাল-১/২৮৫)

স্বত্ববগতভাবেই হযরত উবাই ছিলেন একটু স্বাধীনচেতা ও আত্মর্যাদাবোধসম্পন্ন। একবার হযরত ইবন আব্বাস (রা) মদীনার একটি গলি দিয়ে কুরআনের একটি আয়াত তিলাওয়াত করতে করতে যাচ্ছেন। এমন সময় তিনি শুনতে পেলেন, পিছন থেকে কেউ যেন তাঁকে ডাকছে। ঘাঢ় ফিরিয়ে তাকিয়ে দেখেন, 'উমার। কাছে এসে ইবন 'আবাসকে বললেন : তুমি আমার দাসকে সৎগে নিয়ে উবাই ইবন কা'বের নিকট যাবে এবং তাঁকে জিজ্ঞেস করবে যে, তিনি কি অমুক আয়াতটি এভাবে পড়েছেন? ইবন আবাবাস উবাইয়ের গৃহে পৌছলেন এবং পরপরই 'উমারও সেখানে হাজির হলেন। অনুমতি নিয়ে তাঁরা তিতরে প্রবেশ করলেন। উবাই তখন দেওয়ালের দিকে মুখ করে মাথার চুল ঠিক করছিলেন। 'উমারকে গদীর ওপর বসানো হলো। উবাইয়ের পিঠ ছিল 'উমারের দিকে এবং সেই অবস্থায়ই বসে থাকলেন, পিছনে তাকালেন না। কিছুক্ষণ পর বললেন : আমীরল্ল মুমিনীন, শাগত! আমার সৎগে সাক্ষাতের উদ্দেশ্যে না অন্য কোন প্রয়োজনে এসেছেন? 'উমার বললেন : একটি কাজে এসেছি। অতঃপর

একটি আয়ত তিলাওয়াত করে বললেন- এর উচ্চারণ তো খুব কঠিন। উবাই বললেন : আমি কুরআন তাঁর নিকট থেকেই শিখেছি, যিনি জিবরীলের নিকট থেকে শিখেছিলেন। এ তো খুব সহজ ও কোমল। 'উমার বললেন : আমি সন্তুষ্ট হতে পারলাম না।

হ্যরত 'উমারের (রা) খিলাফতকালে একবার একটি বাণিচা নিয়ে খলীফা ও উবাইয়ের মধ্যে বিবাদ সৃষ্টি হলো। উবাই কাঁদতে কাঁদতে অভিযোগ করলেন, আপনার খিলাফতকালে এমন কর্ম ? 'উমার বললেন : আমি তো এমনটি চাইনি। মুসলমানদের মধ্যে যার কাছে ইচ্ছা, আপনি বিচার চাইতে পারেন। তাতে আমার কোন আপত্তি নেই। উবাই বিচারক মানলেন যায়িদ ইবন সাবিতকে (রা)। 'উমার রাজী হলেন। হ্যরত যায়িদের এঙ্গলাসে মুকাদ্দামার শুনানীর দিন ধার্য হলো। নির্ধারিত দিনে খলীফাতুল মুসলিমীন এঙ্গলাসে হাজির হলেন। তিনি উবাইয়ের দাবী অস্বীকার করলেন এবং উবাইকে লক্ষ্য করে বললেন : আপনি ভূলে গেছেন, একটু চিন্তা করে মনে করার চেষ্টা করুন। উবাই বললেন : এখন আমার কিছুই শরণে আসছেন। তখন হ্যরত 'উমার ঘটনাটির পূর্ণ চিত্র উবাইয়ের সামনে তুলে ধরেন। বিচারক যায়িদ উবাইকে বললেন, আপনার কোন প্রশংসন আছে কি ? তিনি বললেন, না। যায়িদ বললেন : তাহলে আপনি আমীরবল মুমিনীনকে কসম দিতে বাধ্য করবেন না। তখন হ্যরত 'উমার বললেন : আমার ওপর কসম অপরিহার্য হলে কসম দিতে আমার কোন আপত্তি নেই। (কানযুল 'উম্মাল-৩/১৮১-১৮৪; হায়াতুস সাহাবা-১/৯৪)

একবার একব্যক্তি রাসূলুল্লাহর (সা) নিকট এসে বললো, অমুক তার পিতার স্তুর (সৎমা) সাথে সহবাস করে। উবাই সেখানে উপস্থিত ছিলেন। তিনি বলে উঠলেন : আমি এমন ব্যক্তির গর্দান উড়িয়ে দিতাম। একথা শুনে রাসূল (সা) একটু বুদ্ধি হেসে বললেন : উবাই কতই না আত্মর্যাদাসম্পন্ন। তবে আমি তাঁর চেয়েও বেশী আত্মর্যাদাবোধের অধিকারী। আর আল্লাহ আমার চেয়েও বেশী আত্মর্যাদাবোধের অধিকারী। (হায়াতুস সাহাবা-১/৬৩৮)

হ্যরত উবাই 'ইবন কা'বের পবিত্র জীবনের প্রতিটি মুহূর্ত জ্ঞান চর্চার জন্য নিবেদিত ছিল। মদীনার আনসার-মুহাজিরগণ যখন ব্যবসা-বাণিজ্য ও কৃষিকাজ নিয়ে দারুণ ব্যস্ত থাকতো, হ্যরত উবাই তখন মসজিদে নববীতে কুরআন-হাদীসের জ্ঞানের বিভিন্ন শাখার পঠন-পাঠনে সময় অতিবাহিত করতেন। আনসারদের মধ্যে তাঁর চেয়ে বড় কোন 'আলিম' কেউ ছিলেন না। আর কুরআন বুবার দক্ষতা এবং ফিজ্জ ও কিরআতে মুহাজির ও আনসারদের মধ্যে তাঁর প্রের্ণত্ব ছিল সর্বজন স্বীকৃত। খোদ রাসূলে কালীম (সা) মাঝে মাঝে তাঁর নিকট থেকে কুরআন তিলাওয়াত শুনতেন।

ইসলামী জ্ঞান ছাড়া প্রাচীন আসমানী কিতাবের জ্ঞানেও ছিল তাঁর সমান দক্ষতা। তাওরাত ও ইন্ঝীলের আলিম ছিলেন। অতীতের আসমানী গ্রন্থসমূহে রাসূল (সা) সম্পর্কে যে সকল ভবিষ্যদ্বাণী ও সুসংবাদ ছিল সে বিষয়ে তিনি ছিলেন একজন বিশেষজ্ঞ। তাঁর এই পারিত্যের কারণে হ্যরত ফারুকে আজম তাঁকে খুবই সমীহ ও সম্মান করতেন। এমন কি তিনি নিজেই বিভিন্ন মাসসংলালের সমাধান জ্ঞানের জন্য সময়-অসময়ে তাঁর গৃহে যেতেন।

ইসলামের ইতিহাসে গভীর জ্ঞান ও অসাধারণ মনীয়ার জন্য হ্যরত 'আবদুল্লাহ ইবন 'আববাস (রা) 'হিবরুল উম্মাত' নামে খ্যাত। তিনিও হ্যরত উবাইয়ের হালকা-ই-দারসে উপস্থিত হওয়াকে গৌরবজনক বলে মনে করতেন। তাঁর এই ফজীলাত ও মর্যাদা ছিল নবীর

(সা) নিকট থেকে অর্জিত জ্ঞানের কারণেই। তিনি নবীর (সা) নিকট থেকে এত বেশী পরিমাণ জ্ঞান অর্জন করেছিলেন যে, অন্য কারণও নিকট জ্ঞানের জন্য যাওয়ার প্রয়োজন তাঁর ছিল না। সাহাবায়ে কিরামের মধ্যে একমাত্র আবুবকর (রা) ছাড়া তাঁর সমকক্ষ আর কেউ ছিলেন না।

হযরত উবাই (রা) বিভিন্ন শাস্ত্রে পারদর্শী ছিলেন। তবে বিশেষভাবে কুরআন, তাফসীর, শানে নৃযুল, নাসিখ-মানসুখ, হাদীস ও ফিকাহ শাস্ত্রে ছিলেন ইমাম ও মুজতাহিদ। একজন মুজতাহিদ বা গবেষকের দৃষ্টিভঙ্গ নিয়ে কুরআন সম্পর্কে চিন্তা-ভাবনা করতেন। একদিন রাসূল (সা) তাঁকে জিজেস করলেন, আচ্ছা বলতো কুরআনের শ্রেষ্ঠতম আয়াত কোনটি? বললেন : আয়াতুল কুরসী। রাসূল (সা) দারুণ খুশী হলেন এবং বললেন : উবাই, এই ইন্দ্র তোমাকে খুশী করুক।

উপরোক্ত ঘটনা দ্বারা বুঝা যায় তিনি কুরআনের আয়াত নিয়ে কতখানি চিন্তা-ভাবনা করতেন। একবার এক ব্যক্তি উবাইকে বললো, আমাকে কিছু নসীহত বা উপদেশ দান করুন। তিনি বললেন : কুরআনকে পথের দিশারী মানবে, তার বিধি-নিষেধ ও সিদ্ধান্ত সমূহের ওপর রাজী থাকবে। হযরত রাসূলে কারীম (সা) তোমাদের জন্য এই জিনিসটিই রেখে গেছেন। তাতে আছে তোমাদের ও তোমাদের পূর্ববর্তীদের কথা এবং যা কিছু তোমাদের পরে হবে, সব কিছুই। (তাজিকিরাতুল হফ্ফাজ-১/১৭; হায়াতুস সাহাবা-৩/৫১৮)

উল্লেখিত মতামত দ্বারা উবাই মূলতঃ এই কথাগুলিই প্রকাশ করেছেন :

১. কুরআন ইসলামের পৃষ্ঠ জীবন বিধান।
২. কুরআন মুসলমানদের সর্বোক্তৃম জীবন বিধান।
৩. কুরআনের সকল কাহিনী ও বর্ণনা শিক্ষা ও উপদেশমূলক।
৪. এতে সকল জাতি-গোষ্ঠীর মোটামুটি আলোচনা এসেছে।

কোন ব্যক্তি যদি এইভাবে কুরআনকে দেখে তাহলে তাঁর জ্ঞানের পরিধি যে কত বিস্তৃত, গভীর ও সূক্ষ্ম হয় তা সহজেই অনুমান করা যায়।

ইসলাম গ্রহণের পর থেকেই হযরত উবাই কুরআনের সাথে অস্বাভাবিক প্রীতির সম্পর্ক গড়ে তোলেন। রাসূল (সা) মদীনায় আগমনের পর অহী লেখার সর্বপ্রথম গৌরব তিনিই অর্জন করেন। (আল-ইসাবা-১/১৭) তখন থেকেই তাঁর মধ্যে কুরআন হিফ্জ করার প্রবণতা দেখা দেয়। যতক্ষেত্রে কুরআন অবতীর্ণ হতো তিনি হিফ্জ করে ফেলতেন। এভাবে রাসূলুল্লাহ (সা) জীবনদশায় সমগ্র কুরআন হিফ্জ শেষ করেন। আনসারদের যে পাঁচ ব্যক্তি রাসূলুল্লাহ (সা) জীবনদশায় সম্পূর্ণ কুরআন হিফ্জ করেন তাদের মধ্যে উবাইয়ের স্থান ছিল সর্বোচ্চে। (হায়াতুস সাহাবা-৩/১৯৫) মদীনার খায়রাজ গোত্রের লোকেরা গর্ব করে বলতো : আমাদের গোত্রের চার ব্যক্তি ছাড়া আর কেউ রাসূলুল্লাহ (সা) জীবনদশায় সমগ্র কুরআন সংগ্রহ করেনি। তাদের অন্যতম হলেন উবাই ইবন কাব। (হায়াতুস সাহাবা-১/৩৯৫)

হযরত উবাই পরিত্র কুরআনের প্রতিটি হরফ রাসূলুল্লাহ (সা) পরিত্র মুখ থেকে শুনে হিফ্জ করেন। রাসূলও (সা) অত্যাধিক আগ্রহ দেখে তাঁর শিক্ষার প্রতি বিশেষভাবে দৃষ্টি দেন। রাসূলুল্লাহ (সা) প্রতি সীমাহীন শ্রদ্ধা ও ভীতির কারণে অনেক বিশিষ্ট সাহাবী অনেক সময় তাঁর কাছে প্রশ্ন করা থেকে বিরত থাকতেন; কিন্তু উবাই নিঃসংকোচে যা ইচ্ছা তাই প্রশ্ন করতেন। তাঁর এই আগ্রহের কারণে রাসূলও (সা) মাঝে মাঝে প্রশ্ন করার আগেই তাঁকে

অনেক কথা বলে দিতেন। একবার তাঁকে বললেন : আমি তোমাকে এমন একটি সূরার কথা বলছি, তাওরাত ও ইনজীলে যার সমকক্ষ কোন কিছু নেই। এমন কি কুরআনেও এর মত হিতীয়াটি নেই। এতটুকু বলে তিনি অন্য কথায় চলে গেলেন। উবাই বলেন, আমার ধারণা ছিল তিনি বলে দিবেন; কিন্তু তা না বলে বাড়ী যাওয়ার জন্য উঠে পড়লেন। আমিও পিছনে পিছনে চললাম। এক সময় তিনি আমার হাত মুট করে ধরে কথা বলতে আরম্ভ করলেন এবং বাড়ীর দরজা পর্যন্ত পৌছলেন। তখন আমি সেই সূরাটির নাম বলার জন্য 'আরজ করলাম। তিনি সূরাটির নাম আমাকে বলে দিলেন। (মুসনাদ-৫/১১৪)

একবার হযরত রাসূলে কারীম (সা) ফজরের নামায পড়ালেন এবং একটি আয়াত ভুলে বাদ পড়ে গেল। হযরত উবাই মাঝখানে নামাযে শরীক হন। নামায শেষে রাসূল (সা) প্রশ্ন করলেন, তোমাদের কেউ কি আমার কিন্তু আত্মের প্রতি মনোযোগী ছিলে? লোকেরা কেউ কোন জবাব দিল না। তিনি আবার জানতে চাইলেন, উবাই ইবন কা'ব আছ কি? হযরত উবাই ততোক্ষণে বাকী নামায শেষ করেছেন। তিনি বলে উঠলেন, আপনি অমৃক আয়াতটি পাঠ করেননি। আয়াতটি কি 'মানসুখ' (রহিত) হয়েছে নাকি আপনি পড়তে ভুলে গেছেন? রাসূল (সা) বললেন : মানসুখ হয়নি, আমি পড়তে ভুলে গেছি। আমি জানতাম তুমি ছাড়া আর কেউ হয়তো এইদিকে মনোযোগী হবে না। (মুসনাদ-৫/১২৩, ১৪৪)

উপরোক্ত ঘটনা দ্বারা একধা স্পষ্ট হয়ে উঠে যে, কোন বিষয় হযরত উবাইয়ের বোধগম্য না হলে অন্য সাহবীদের মত চুপ থাকতেন না; বরং বিষয়টি নিয়ে রাসূলুল্লাহর (সা) সাথে আলোচনা করতেন এবং বুঝে আসার পরই উঠতেন। একবার মসজিদে নববীতে হযরত 'আবদুল্লাহ ইবন মাস'উদ (রা) একটি আয়াত পাঠ করলেন। যেহেতু তিনি ছিলেন হজায়ল গোত্রের লোক, এ কারণে তাঁর উচ্চারণে একটু ভিন্নতা ছিল। হযরত উবাই তাঁর পাঠ শুনে প্রশ্ন করেন : আপনি এই আয়াত কার কাছে শিখেছেন? আমি রাসূলুল্লাহর (সা) নিকট আয়াতটির পাঠ এভাবে শিখেছি। 'আবদুল্লাহ ইবন মাস'উদ বললেন : আমাকেও তো রাসূল (সা) শিখিয়েছেন। উবাই বলেন, সেই সময় আমার অস্তরে ভাস্তু ধারণার প্রবাহ বয়ে যেতে লাগলো। আমি ইবন মাস'উদকে সংগে নিয়ে রাসূলুল্লাহর (সা) খিদমতে হাজির হয়ে 'আরজ করলাম: ইয়া রাসূলুল্লাহ। আমার ও তাঁর কুরআন পাঠে তারতম্য দেখা দিয়েছে। রাসূল (সা) আমার পাঠ শুনলেন এবং বললেন : তুমি ঠিক পড়েছ। তারপর ইবন মাস'উদের পাঠ শুনে বললেন : তুমি ও ঠিক পড়েছ। আমি হাত দিয়ে ইশারা করে বললাম : 'ইয়া রাসূলুল্লাহ! দুইজনের পাঠই সঠিক হয় কি করে?' এতক্ষণে হযরত উবাই ঘেমে একাকার হয়ে গেছেন। রাসূল (সা) এ অবস্থা দেখে তাঁর বুকের ওপর হাত রেখে বললেন : 'হে আল্লাহ! উবাইয়ের সংশয় দূর করে দাও।' পরিত্র হাতের স্পর্শে তাঁর হৃদয়ে পূর্ণ প্রত্যয় নেমে আসে।

কিরায়াত শান্ত্রে হযরত উবাই ছিলেন একজন বিশেষজ্ঞ। এই বিষয়ে তিনি এত পারদর্শী ছিলেন যে, স্বয়ং রাসূল (সা) তাঁর প্রশংসন করেছেন। সাহাবা-ই-কিরামের মধ্যে কতিপয় ব্যক্তির বিশেষত্ব রাসূল (সা) নিজে নির্ধারণ করে দিয়েছেন। সেইসব মহান ব্যক্তির একজন হযরত উবাই। তাঁর সম্পর্কে রাসূল (সা) বলেছেন : 'আকরাহম উবাই'- তাদের মধ্যে সবচেয়ে বড় কারী উবাই। (তাজকিরাতুল হফফাজ-১/১৬) মাসরুক থেকে বণিত, রাসূল (সা) বলেছেন : তোমরা ইবন মাস'উদ, উবাই ইবন কা'ব, মু'য়াজ ইবন জাবাল ও সালিম

মাওলা আবী হজায়ফা- এই চারজনের নিকট থেকে কুরআনের জ্ঞান অর্জন করবে।  
(আনসাবুল আশরাফ-১/২৬৪)

হযরত রাসূলে কারীমের (সা) ইন্তিকালের পর হযরত 'উমার (রা), উবাই সম্পর্কে রাসূলুল্লাহর (সা) এসব বাণী অনেকবার মানুষকে নতুন করে শ্বরণ করিয়ে দেন। একবার মসজিদে নববীর মিস্বরে দাঁড়িয়ে বলেন : উবাই সবচেয়ে বড় কুরী। সিরিয়া সফরের সময় 'জাবিয়া' নামক স্থানের ঐতিহাসিক ভাষণে তিনি আর একবার বলেন : তোমাদের কেউ কুরআন শিখতে চাইলে সে যেন উবাইয়ের কাছে আসে। (মুসনাদ-৫/১২৩; হায়াতুস সাহাবা-৩/২০১) হযরত 'উমার তাঁকে সায়িদুল মুসলিমীন নামে আখ্যায়িত করেছেন। (হায়াতুস সাহাবা-৩/৫১৯; তাজকিরাতুল হফ্ফাজ-১/১৭; আল-ইসাবা-১/১৯)

হযরত রাসূলে কারীম (সা) নিজে উবাইকে কুরআন তিলাওয়াত করে শুনাতেন। যে বছর তিনি ইন্তিকাল করেন সে বছরও উবাইকে কুরআন শোনান। আর একথাও বলেন যে, জিবরীল আমাকে বলেছেন, আমি যেন উবাইকে কুরআন শুনাই।

যখনই কুরআনের যে আয়াতটি বা সূরাটি নাযিল হতো রাসূল (সা) উবাইকে পাঠ করে শোনাতেন। শুধু তাই নয়, মুখ্য করিয়ে দিতেন। যখন সূরা 'আল-বায়িনাহ' নাযিল হয় তখন তিনি উবাইকে ডেকে বলেন, আল্লাহ তোমাকে কুরআন শিখানোর জন্য আমাকে নির্দেশ দিয়েছেন। উবাই জিজ্ঞেস করেনঃ আল্লাহ কি আমার নাম বলেছেন? রাসূল (সা) বলেনঃ ইঁ। উবাই তখন খুশীর আতিশয়ে কেঁদে ফেলেন। (আল-ইসাবা-১/১৯) 'আবদুর রহমান ইবন আবী আবয়া নামক উবাইয়ের এক ছাত্র উস্তাদের এই ঘটনা অবগত হয়ে তাঁকে জিজ্ঞেস করলেনঃ আবুল মুনজির! সম্ভবতঃ সেই সময় আপনি বিশেষ পুরুক ও আনন্দ অনুভব করেছিলেন? উবাই বললেনঃ কেন করবো না? একথা বলে তিনি সূরা ইউনুসের ৫৮ নং আয়াতটি পাঠ করেন। (মুসনাদ-৪/১১৩) কিরায়াত শান্তে তাঁর পারদর্শিতার কারণে বিশেষ এক ধরনের কিরায়াত সেকালে তাঁর নামে চালু হয় এবং 'কিরায়াতে উবাই' নামে পরিচিতি লাভ করে। বিশেষতঃ দিমাশ্কবাসীদের মধ্যে তা বেশী প্রচলিত ছিল।

হযরত উবাইয়ের জীবদ্ধশায় তাঁর কিরায়াত সারা মুসলিম বিশেষ ব্যাপকভাবে গৃহীত হওয়া উচিত ছিল, কিন্তু তা হয়নি। কারণ অনেক মানসূখ (রহিত) আয়াত তাঁর পাঠে বিদ্যমান ছিল। আর এ জন্য হযরত 'উমার (রা) তাঁর মর্যাদা উচ্চ কঠে স্বীকার করা সত্ত্বেও বহুবার বহু ক্ষেত্রে উবাইয়ের সাথে কুরআন পাঠের ব্যাপারে দ্বিমত পোষণ করেছেন। তিনি বার বার বলেছেন, উবাই আমাদের মধ্যে সবচেয়ে বেশী কুরআন জানেন। তা সত্ত্বেও কোন কোন ক্ষেত্রে আমাদেরকে তাঁর সাথে দ্বিমত পোষণ করতে হয়েছে। তিনি দাবী করে থাকেন, সবকিছুই তিনি রাসূলুল্লাহর (সা) নিকট থেকে শিখেছেন। তাঁর দাবী অবশ্য সত্য। কিন্তু যখন দেখা যায় বহু আয়াত মানসূখ (রহিত) হয়েছে অথচ তিনি তা জানেন না, তখন তাঁর কিরায়াতের উপর আমরা কেমন করে অটল থাকতে পারি? (মুসনাদ-৫/১১৩)

তবে পরবর্তীকালে তিনি সংশোধন হয়ে যান। হযরত 'উসমানের খিলাফতকালে যখন কুরআন সংকলন করা হয় তখন মানসূখ আয়াতের প্রতি সতর্কতা অবলম্বন করা হয়। তখন উবাইয়ের কিরায়াত সর্বজন স্বীকৃতি লাভ করে এবং সমগ্র মুসলিম খিলাফতে চালু হয়। (দ্রঃ সীয়ারে আনসার-১/১৬২-৬৩)

হয়রত উবাই (রা) মৃত্যুর সময় তাঁর কিরায়াত শান্তে দুইজন যোগ্য উত্তরসূরী রেখে যান যাঁরা বিশ্ব মুসলিমের সর্বজন প্রদেশে ব্যক্তিত্বে পরিণত হন। তীরা হলেনঃ হয়রত আবু হুরাইরা ও হয়রত 'আবদুল্লাহ ইবন' 'আব্রাস (রা)'। পরবর্তীকালে বিখ্যাত সাত কুরীর মধ্যে নাকে 'ইবন আবদুর রহমান ও আবু রহমান মাদানী'র সনদ আবু হুরাইরার মাধ্যমে এবং 'আবদুল্লাহ ইবন কাসীর মাক্কীর' সনদ আবদুল্লাহ ইবন 'আব্রাসের মাধ্যমে হয়রত উবাই ইবন কা'বে গিয়ে মিলিত হয়েছে।

সেকালে হয়রত উবাইয়ের 'মাদরাসাতুল কিরায়াহ' (কিরায়াত শান্তের শিক্ষালয়) একটি কেন্দ্রীয় শিক্ষা প্রতিষ্ঠানের মর্যাদা লাভ করে। আরব, রোম, শাম এবং ইসলামী খিলাফতের নানা অঞ্চলের ছাত্ররা মদীনায় এসে তাঁর শিক্ষালয়ে কিরায়াত শিখতো। বহু বড় বড় সাহাবী দূর-দূরান্ত থেকে উৎসাহী লোকদের সাথে করে মদীনায় নিয়ে আসতেন এবং উবাইয়ের মাদরাসায় ভর্তি করে দিতেন। হয়রত 'উমার তাঁর খিলাফতকালে হয়রত আবু দারদা আল-আনসারীকে (রা) লোকদের কুরআন শিক্ষালয়ের জন্য শামে পাঠান। তিনি ছিলেন সেই পাঁচ রাত্তের অন্যতম যাঁরা রাসূলুল্লাহর (সা) জীবন্দশায় গোটা কুরআন হিফজ করেন। তাসত্ত্বেও তিনি উবাইয়ের কিরায়াতের উপর নির্ভরতা কাটিয়ে উঠতে পারেননি। একবার হয়রত 'উমারের খিলাফতকালে শামবাসীদের একটি দল সংগে নিয়ে তিনি মদীনায় উবাইয়ের নিকট আসেন। তাঁর নিকট তাঁদের সাথে তিনি নিজেও কুরআন পড়েন।

ছাত্রদের শিক্ষা দানের ব্যাপারে হয়রত উবাইয়ের যদিও বিশেষ আগ্রহ ছিল, তবে মেয়াজ ছিল একটু উগ্র। এই কারণে তাঁর ধৈর্য খুব শিগগিরই ক্রোধে পরিণত হত। তিনি ক্ষেপে যান এই ভয়ে ছাত্ররা প্রশ্ন করতে ভয় পেত। হয়রত 'আবদুল্লাহ ইবন মাস' উদ্দের ছাত্র যার ইবন জাঁ'যশ, যিনি হয়রত উবাইয়ের ছাত্র হওয়ার গৌরবও অর্জন করেন- একদিন তাঁকে একটি প্রশ্ন করতে ইচ্ছা করেন, কিন্তু সাহস পাননি। একদিন এভাবে ভূমিকা দিয়ে একটি প্রশ্ন করেনঃ 'আমার প্রতি একটু অনুগ্রহের দৃষ্টি দিন। আমি আপনার নিকট থেকে ইলম হাসিল করতে চাই।' উবাই বললেনঃ হঁ, সম্ভবতঃ তোমার ইচ্ছা, কুরআনের কোন আয়াত যেন জিজ্ঞাসা থেকে বাকী না থাকে।

এই কারণে তাঁর মজলিস অর্থহীন প্রশ্ন থেকে মুক্ত থাকতো। তিনি সম্ভাব্য কোন সমস্যার উত্তর দিতেন না; বরং অসম্ভুষ্ট প্রকাশ করতেন। একদিন তাঁর ছাত্র প্রখ্যাত তাবে'ঈ মাসরুক এমন একটি প্রশ্ন করলে বললেনঃ এমনও কি আছে? মাসরুক বললেনঃ না। তিনি বললেনঃ তাহলে অপেক্ষা কর। যখন তেমন অবস্থা হয় তখন তোমার জন্য ইঝতিহাদের কষ্ট শীকার করা যাবে। তবে যুক্তি সঙ্গত প্রশ্ন করা হলে তিনি খুশী হতেন।

জুন্দুব ইবন 'আবদুল্লাহ আল-বাজলী বলেনঃ আমি ইলম হাসিলের উদ্দেশ্যে মদীনায় গেলাম, রাসূলুল্লাহর (সা) মসজিদে উপস্থিত হয়ে দেখলাম লোকেরা বিভিন্ন স্থানে হালকা করে বসে আলোচনা করছে। আমি একটি হালকার কাছে গিয়ে লক্ষ্য করলাম তার মধ্যস্থলে একজন বিমর্শ লোক, পরনে তার দুই প্রষ্ঠ কাপড়। তিনি যেন এই মাত্র সফর থেকে এসেছেন। আমি তাঁকে বলতে শুনলামঃ 'ক্ষমতাসীন শাসকরা ধৰ্মস হয়ে গেছে। তাদের প্রতি আমার কোন সমবেদনা নেই।' আমি বসলাম। তিনি কিছু কথা বলার পর চলে গেলেন। আমি মানুষের নিকট জিজ্ঞেস করলামঃ ইনি কে? তারা বললোঃ ইনি সায়িদুল মুসলিমীন উবাই ইবন কা'ব। আমি পিছনে পিছনে তাঁর বাড়ীতে গেলাম। বাড়ীটি অতি সাধারণ ভাঙ্গাচোরা। তিনি যেন

দুনিয়ার তোগ-বিলাসিতার প্রতি উদাসীন এক সাধক। আমি তাঁকে সালাম দিলাম। তিনি সালামের জবাব দিয়ে প্রশ্ন করলেনঃ কোথা থেকে আসা হয়েছে? বললামঃ ইরাক থেকে। তিনি বললেনঃ শোকেরা আমাকে খুব বেশী প্রশ্ন করে। একথা শুনে আমি একটু ক্ষুঁশ হলাম। আর কথা না বাড়িয়ে সোজা আমার বাহনের দিকে যেতে যেতে হাত উচিয়ে বলতে লাগলামঃ হে আল্লাহ আমি তোমার কাছে অভিযোগ পেশ করছি। আমরা অর্থ-কড়ি খরচ করে, দৈহিক ক্লেশ-তোগ করে, বাহন ছুটিয়ে ইলম হাসিলের উদ্দেশে আলিমদের নিকট যাই, আর তাঁরা কিনা আমাদের সাথে ক্লভ ব্যবহার করেন। আমার একথা শুনে উবাই কেঁদে ফেলেন এবং আমাকে খুশী করার চেষ্টা করেন। তিনি বলেনঃ ‘যদি ভূমি আমাকে জুম’আর দিন পর্যন্ত সময় দার্ঢ তাহলে রাসূলুল্লাহ (সা) থেকে আমি যা শুনেছি তার কিছু তোমাদের শোনাবো। এ ব্যাপারে কারো কোন সমালোচনার পরোয়া আমি করবো না।’ আমি ফিরে এসে জুম’আ বাবের অপেক্ষা করতে লাগলাম। বৃহস্পতিবারে কোন প্রয়োজনে আমি বের হয়ে দেখি মদীনার সব অলি-গলি লোকে সোকারন্য। আমি মানুষকে জিজ্ঞেস করলামঃ কী ব্যাপার? লোকেরা অবাক হয়ে বললোঃ মনে হচ্ছে আপনি বিদেশী। বললামঃ হু। তখন তারা বললোঃ সায়িদুল মুসলিমীন উবাই ইবন কা’বের ইনতিকাল হয়েছে। (হায়াতুস সাহাবা-৩/২০৬)

হযরত উবাইয়ের জীবনধারা ছিল অতি সাধারণ, তবে গান্ধীর পূর্ণ। বাড়ীর ভিতরে এবং বাইরে উভয় স্থানে গদীর ওপর বসতেন, আর ছাত্ররা বসতেন সাধারণ সারিতে। মজলিসে আসা এবং মজলিস থেকে যাওয়ার সময় তাঁর সম্মানে ছাত্ররা সোজা হয়ে দাঁড়িয়ে যেত। সে যুগে এই নিয়ম ছিল সম্পূর্ণ নতুন। একবার সুলায়ম ইবন হানজালা কোন একটি মাসয়ালা জানার জন্য উবাইয়ের নিকট আসলেন। যখন উবাই উঠলেন তখন ছাত্ররা তাঁর পিছনে পিছনে চলতে শুরু করলো। হযরত ‘উমার এ অবস্থা দেখে খুব অসন্তুষ্টি প্রকাশ করে বললেনঃ এটা আপনার জন্য ফিত্না এবং তাদের জন্য অপমান। (কানযুল ‘উমাল-৮/৬১; হায়াতুস সাহাবা-১/৬৯৮)

প্রথম জীবনে তিনি ছাত্রদের নিকট থেকে হাদীয়া তোহফা গ্রহণ করতেন। হযরত রাসূলে কারীমের (সা) জীবনকালে একবার তুফাইল ইবন ‘আমর আদ-দাওসীকে কুরআন শিখিয়েছিলেন। তিনি একটি ধনুক হাদীয়া দেন। উবাই ধনুকটি কাঁধে ঝুলিয়ে রাসূলুল্লাহর (সা) দিমতে হাজির হন। রাসূল (সা) জিজ্ঞেস করেনঃ এটা কোথায় পেয়েছ? বললেনঃ একজন ছাত্রের হাদীয়া। রাসূল (সা) বললেনঃ তাকে ফিরিয়ে দাও। তবিষ্যতে এমন হাদীয়া থেকে দূরে থাকবে।

আর একবার একজন ছাত্র কাপড় হাদীয়া দেয়। সেবারও একই অবস্থা দেখা দেয়। এই কারণে পরবর্তীকালে কোন রকম হাদীয়া তোহফা গ্রহণ করতেন না। শামের লোকেরা যখন তাঁর নিকট কুরআন শিখতে আসে, তখন তারা মদীনার কাতিবদের (লেখক) দ্বারা কুরআন লিখিয়েও নিত। বিনিময়ে তারা লেখকদের আহার করিয়ে পরিতৃষ্ঠ করতো। কিন্তু হযরত উবাই কোন দিন তাদের কোন খাবারে হাত দেননি। হযরত ‘উমার (রা) একদিন তাঁকে প্রশ্ন করেন, শামীদের খাবার কেমন? তিনি বলেনঃ আমি তাদের খাবার খাইনা। (হায়াতুস সাহাবা-৩/২৪১)

কিরায়াত শিক্ষাদানের সময় হরফের যথাযথ উচ্চারণের প্রতি জোর দিতেন। এতে মদীনা

ও তার আশে-পাশের লোকদের তেমন অসুবিধা হতো না। তবে মর্ম-বেদ্বৈল ও অন্য দেশের অধিবাসী, যারা আরবী বর্ণ-ধ্রনির বিশুদ্ধ উচ্চারণ জানতো না তাদের নিয়ে কঠিন সমস্যায় পড়তেন। অত্যন্ত ধৈর্যের সাথে এই সমস্যার সমাধান করতেন। হ্যারত রাস্তে কারীমের (সা) জীবন্ধশায় এক ইরানীকে তিনি কুরআন শিখাতেন। যখন আদ-দুখানের ৪৩ নং আয়াত ‘ইরান শাজারাতুজ যাকুম, তা’য়ামুল আছীম’ পর্যন্ত পৌছেন তখন লোকটির ‘আছীম’ শব্দের উচ্চারণে কিছুট দেখা দেয়। হ্যারত উবাই উচ্চারণ করেন ‘আছীম’ আর লোকটি উচ্চারণ করে ‘ইয়াতীম’। একদিন উবাই তাকে শব্দটির উচ্চারণ ম্যাক করাচ্ছেন, এমন সময় রাসূল (সা) সেই পথ দিয়ে যাচ্ছিলেন। তিনি উবাইয়ের অস্থিরতা ও দৃঢ়চিন্তা দেখে তাঁর সাহায্যে এগিয়ে এলেন। তিনি ইরানী লোকটিকে প্রথমে বলেনঃ বল, ‘তা’য়ামুজ জালিম’। লোকটি পরিকারভাবে তা উচ্চারণ করলো। তখন তিনি উবাইকে বলেনঃ প্রথমে তার জিহবা ঠিক কর এবং তাকে বর্ণ-ধ্রনির উচ্চারণ শিখাও। আপ্তাই তোমাকে প্রতিদান দিবেন।

হ্যারত উবাই (রা) রাসূলগ্লাহর (সা) নিকট যতটুকু কুরআন পড়তেন, ঘরে ফিরে তা লিখে রাখতেন। কিরায়াত শাস্ত্রের ইতিহাসে এই কুরআনই ‘মাসহাফে উবাই’ নামে প্রসিদ্ধ। এই মাসহাফ হ্যারত’ উসমানের (রা) খিলাফতকাল পর্যন্ত বিদ্যমান ছিল। এই মাসহাফের খ্যাতি ছিল বহুদূর পর্যন্ত বিস্তৃত। হ্যারত উবাইয়ের ইনতিকালের পর তাঁর পুত্র মুক্ত মুহাম্মদ মদীনায় বসবাস করতেন। একবার ইরাক থেকে কিছু লোক তাঁর নিকট এসে বললো, আমরা আপনার পিতার মাসহাফ শরীফ দেখার জন্য এসেছি। তিনি বলেনঃ তা তো আমাদের নিকট নেই, খলীফা উসমান তা নিয়ে নিয়েছিলেন।

হ্যারত উবাই ছিলেন কুরআনের মুফাস্সির (ভাষ্যকার) সাহাবীদের অন্যতম। এই শাস্ত্রে বড় একটি অংশ তাঁর থেকে বর্ণিত হয়েছে। ইমাম আবু জা’ফর আর রামী তার বর্ণনাকারী। মাত্র তিনটি মাধ্যমে এই সব হ্যারত উবাই পর্যন্ত পৌছেছে। এই শাস্ত্রে হ্যারত উবাইয়ের বহু ছাত্র ছিল। তাফসীরের বিভিন্ন গ্রন্থে তাঁদের বর্ণনা ছড়িয়ে রয়েছে। তবে তার সিংহভাগ আবুল আলীয়ার মাধ্যমে আমাদের নিকট পৌছেছে। এই আবুল আলীয়ার ছাত্র রাবী ইবন আনাস। ইমাম তিরিমিয়ীর সনদের ধারাবাহিকতা এই রাবী পর্যন্ত পৌছেছে। উবাইয়ের তাফসীরের বর্ণনাসমূহ ইবন জারীর ও ইবন আবী হাতেম প্রচুর পরিমাণে নকল করেছেন। হাকেম তাঁর মুসতাদরাকে এবং ইমাম আহমাদ তাঁর মুসনাদে কিছু বর্ণনা সংকলন করেছেন।

তাফসীর শাস্ত্রে হ্যারত উবাই থেকে দুই রকম রিওয়ায়াত (বর্ণনা) আছে। ১. তিনি রাসূলগ্লাহকেসা) যে সকল প্রশ্ন করেন এবং রাসূল (সা) তার যে সকল জবাব দেন, তাই। ২. এমন সব তাফসীর যা খোদ উবাইয়ের প্রতি আরোপ করা হয়েছে। প্রথম প্রকারের তাফসীর, যেহেতু তা রাসূল (সা) থেকে বর্ণিত হয়েছে এ কারণে তা ইমান ও ইয়াকীনের স্তরে উন্নীত হয়েছে। পক্ষান্তরে দ্বিতীয় প্রকারের তাফসীর হচ্ছে হ্যারত উবাইয়ের মতামত ও সিদ্ধান্তের সমষ্টি। তার কোনটিতে তাফসীরল কুরআন বিল কুরআন (কুরআনের দ্বারা কুরআনের তাফসীর)-এর পক্ষতি অনুসরণ করা হয়েছে, কোনটিতে সমকালীন চিন্তা-বিশ্বাসের প্রতিফলন ঘটেছে, আবার কোনটিতে ইহুদী বর্ণনার প্রভাব পড়েছে। আবার কোন কোন ক্ষেত্রে এ সবের উর্ধে উঠে একজন মুজতাহিদের মত নিজস্ব মতামতের প্রতিফলন ঘটিয়েছেন। মূলতঃ এটাই তাঁর তাফসীর শাস্ত্রের শ্রেষ্ঠ অবদান। শানে নৃযুগ বিষয়ে তাঁর থেকে অনেক বর্ণনা পাওয়া যায়। তাফসীরের বিভিন্ন গ্রন্থে তা ছড়িয়ে রয়েছে।

সাহাৰা-ই-কিৱামেৰ মধ্যে ঘৌদেৱকে হাদীসেৱ বিশেষজ্ঞ বলা হয় উবাই ইবন কা'ব তাঁদেৱ অন্যতম। আল্লামা জাহাবী বলেছেনঃ উবাই ছিলেন সেই সকল ব্যক্তিৰ একজন ঘৌৱা রাসূলুল্লাহৰ (সা) নিকট থেকে হাদীসেৱ বিৱাট এক অংশ শুনেছিলেন। (তাজকিৱাতুল হফ্ফাজ-১/১৬) এই কাৱণে আলিম সাহাৰীদেৱ মধ্যে ঘৌদেৱ নিজৰ হালকা-ই-দারস ছিল। তাৱাও উবাইয়েৰ হালকা-ই-দারসে শৱীক হওয়াকে গৌৱবেৱ বিষয় বলে মনে কৱতেন। আৱ এই কাৱণে তাৱ হালকা-ই-দারসে তাৰে-উদ্দেৱ চেয়ে সাহাৰীদেৱ সমাবেশ ঘটিতো বেশী। হয়ৱত উমার ইবনুল খান্দাব, আবু আইউব আল-আনসারী, উবাদাহ ইবন সামিত, আবু হৱাইরা, আবু মুসা আল-আশ'য়ারী, আনস ইবন মালিক, 'আবদুল্লাহ ইবন 'আবাস, সাহল ইবন সা'দ, সুলায়মান ইবন সুরাদ (রা) প্ৰযুক্তেৱ মত উচ্চ স্তৰেৱ সাহাৰীৱা উবাইয়েৰ দারসে বসাকে গৌৱবেৱ বিষয় মনে কৱতেন। (তাজকিৱাতুল হফ্ফাজ-১/১৭) তাৱ দারসেৱ নিৰ্দিষ্ট সময় ছিল। তবে তাৱ জন্ম ভাস্তৱ সবাৱ জন্য সৰ্বক্ষণ উন্মুক্ত ছিল। যখন তিনি নামাযেৰ জন্য মসজিদে নববীতে আসতেন তখন কেউ কিছু জানতে চাইলে মাহৱাম কৱতেন না।

কায়স ইবন 'আববাদ সাহাৰীদেৱ দীদাৰ লাভে ধন্য হওয়াৰ জন্য একবাৱ মদীনায় আসেন। তিনি তাৱ অভিজ্ঞতা বৰ্ণনা কৱেছেন এভাৱেঃ 'আমি মদীনায় উবাই ইবন কা'ব অপেক্ষা অধিকতৰ বড় কোন 'আলিম পাইনি। নামাযেৱ সময় হলে মানুষ সমবেত হলো। জনগণেৱ মধ্যে হয়ৱত উমারও ছিলেন। হয়ৱত উবাই কোন একটি বিষয়ে মানুষকে শিক্ষা দালেৱ প্ৰয়োজন অনুভব কৱলেন। নামায শ্ৰেণীত তিনি দৌড়ালেন এবং সমবেত জনমন্ডলীৱ নিকট রাসূলুল্লাহৰ (সা) হাদীস পৌছালেন। জনতা অত্যন্ত আগ্ৰহ ও আবেগেৱ সাথে নীৱেৰে তাৱ কথা শুনছিল।' হয়ৱত উবাইয়েৰ এমন সহান ও মৰ্যাদা দেখে কায়স আজীবন মুক্ত ছিলেন।

হাদীস বৰ্ণনার ক্ষেত্ৰে হয়ৱত উবাই ছিলেন খুবই বিচক্ষণ ও সতৰ্ক। এ কাৱণে জীবনে বিৱাট এক অংশ রাসূলুল্লাহৰ (সা) সাহচৰ্যে কাটালেও খুব বেশী হাদীস তিনি বৰ্ণনা কৱেননি। ইমাম বুখারী ও মুসলিম তাৱ বণ্ণিত ১৬৪টি হাদীস বৰ্ণনা কৱেছেন। (আল-আ'লাম-১/৭৮)

সাহাৰা-ই-কিৱামেৰ মধ্যে ঘৌদেৱ ইজতিহাদ ও ইসতিষ্ঠাতেৱ যোগ্যতা ছিল, উবাই তাঁদেৱ অন্যতম। হয়ৱত রাসূলে কাৱামেৰ (সা) জীবনকালেই তিনি ফাতওয়াৰ দায়িত্ব প্ৰাপ্ত হল। হয়ৱত আবু বকৱেৱ (রা) খিলাফত কালেও সিদ্ধান্তদানকাৰী ফকীহদেৱ মধ্যে গণ্য ছিলেন। ইবন সা'দ বৰ্ণনা কৱেনঃ আবু বকৱ (রা) কোন কঠিন স'মস্যাৰ সম্ভূতীৰ্থ হলে মুহাজিৰ ও আনসারদেৱ মধ্যে ঘৌৱা চিন্তাশীল ও সিদ্ধান্তদানকাৰী ব্যক্তিত্ব ছিলেন তাঁদেৱ সাথে পৱাৰ্মণ কৱতেন। এই সকল ব্যক্তিৰ একজন ছিলেন উবাই ইবন কা'ব। (হায়াতুস সাহাৰা-১/৪৫) হয়ৱত 'উমার ও হয়ৱত 'উসমানেৱ খিলাফতকালেও তিনি এ পদে অধিষ্ঠিত ছিলেন। ইবন সা'দ, সাহল ইবন আবী খায়সামা থেকে বৰ্ণনা কৱেছেন। রাসূলুল্লাহৰ (সা) যুগে তিনজন মুহাজিৰ ও তিনজন আনসার ফাতওয়া দিতেন। তাৱা হলেনঃ 'উমার, 'উসমান, আলী, উবাই, মু'য়াজ ও যায়িদ ইবন সাবিত। (হায়াতুস সাহাৰা-৩/২৫৪)

মুসলিম বিশ্বেৱ বিভিন্ন অঞ্চল থেকে নানা বিষয়ে তাৱ নিকট ফাতওয়া চাওয়া হতো। এই ফাতওয়া তলবকাৰীদেৱ মধ্যে সমানিত সাহাৰা-ই-কিৱামও থাকতেন। সুমৰাহ ইবন জন্মদুৰ্ব ছিলেন একজন উচ্চ স্তৰেৱ সাহাৰী। তিনি নামাযে তাকবীৰ ও সুৱা পাঠৰে পৱ একটু দেৱী কৱতেন। লোকেৱা আপত্তি জানালো। তিনি হয়ৱত উবাইকে শিখলেন, এ ব্যাপারে প্ৰকৃত

তথ্য আমাকে অবহিত করলেন, আমি ভুলে গেছি। হয়রত উবাই সংক্ষিপ্ত জবাব দিখে পাঠান। তাতে তিনি বলেনঃ আপনার পদ্ধতি শরীয়াত অনুসারী। আপনি উথাপনকারীরা ভুল করছে। (কানযুল 'উমাল-৪/২৫১)

তাঁর ইজতিহাদের পদ্ধতি ছিল, প্রথমে কুরআনের আয়াত নিয়ে গভীরতাবে চিন্তা-ভাবনা করা, তারপর সেই বিষয়ে হাদীসের সন্ধান করা। আর যখন কোন বিষয়ে কুরআন হাদীস সম্পর্কে কিছু না পেতেন তখন কিয়াস বা অনুমানের ডিস্ট্রিতে সিদ্ধান্ত গ্রহণ করতেন।

হয়রত 'উমারের নিকট এক মহিলা এসে দাবী করলো যে, সে যখন গর্ভবতী তখন তার স্বামী মারা গেছে। এখন সে সন্তান প্রসব করেছে; কিন্তু 'ইন্দতের সময় সীমা পূর্ণ হয়নি, এ বিষয়ে সে খীফার মতামত চাইলো। খীফা 'উমার বললেনঃ 'ইন্দতের নিদিষ্ট সময় পর্যন্ত অপেক্ষা করতে হবে। মহিলা উচ্চে উবাই ইবন কা'বের নিকট গেল এবং 'উমারের নিকট তার যাওয়া, ফাতওয়া জিজ্ঞেস করা ইত্যাদি তাঁকে অবহিত করলো। উবাই বললেনঃ তুমি 'উমারের কাছে আবার যাও এবং তাঁকে বল, উবাই বলেছেনঃ মহিলার 'ইন্দত পূর্ণ হয়ে হালাল হয়ে গেছে। যদি তিনি আমার কথা জিজ্ঞেস করেন তাহলে বলবে, আমি এখানে বসে আছি, তুমি এসে আমাকে নিয়ে যাবে। মহিলা 'উমারের নিকট ফিরে গেল। 'উমার (রা) উবাইকে ডেকে পাঠালেন। তিনি হাজির হলে 'উমার জিজ্ঞেস করলেনঃ আপনি একথা কিভাবে বললেন এবং কোথায় পেলেন? তিনি বললেনঃ কুরআনে পেয়েছি। এই বলে তিনি সূরা আত-তালাকের ৪ নং আয়াত- 'ওয়া উলাতিল আহমালি আজালহুরা আন ইয়াদা'না হামলাহুরা-' পাঠ করেন। তারপর বলেন, যে গর্ভবতী মহিলা বিধবা হবে সেও এই বিধানের অন্তর্গত। তাছাড়া রাসূল (সা) থেকে এ সম্পর্কে একটি হাদীসও শুনেছি। হয়রত 'উমার মহিলাকে বললেনঃ উবাইয়ের কথা শোন। (কানযুল 'উমাল-৫/১৬৬)

রাসূলগুল্লাহর (সা) চাচা হয়রত 'আবাসের (রা) বাড়ীটি ছিল মসজিদে নববীর সংলগ্ন। হয়রত 'উমার (রা) যখন মসজিদ সম্প্রসারণের সিদ্ধান্ত গ্রহণ করেন তখন তিনি 'আবাসকে (রা) বলেন, মসজিদ বানাতে হবে, বাড়ীটি বিক্রী করে দিন। 'আবাস বললেন, না, আমি বিক্রী করবো না। 'উমার বললেন, তাহলে বাড়ীটি মসজিদের অনুকূলে হিবা (দান) করে দিন। এ প্রস্তাবেও তিনি রাজী হলেন না। 'উমার তখন বললেনঃ তাহলে আপনি নিজে মসজিদটি সম্প্রসারণ করে দিন এবং আপনার বাড়ীটিও তার মধ্যে অন্তর্ভুক্ত করলেন। 'আবাস রাজী হলেন না। 'উমার (রা) বললেনঃ এই তিনটি প্রস্তাবের যে কোন একটি আপনাকে মানতে হবে। অবশ্যে দু'জনই উবাই ইবন কা'বকে শালিস মানলেন। তিনি 'উমারকে (রা) প্রশ্ন করলেনঃ ইচ্ছার বিরুদ্ধে কারও জিনিস কেড়ে নেওয়ার অধিকার আপনি কোথায় পেলেন? 'উমার জানতে চাইলেন, এ বিধান কুরআন না হাদীসে পেয়েছেন? বললেনঃ হাদীসে। তারপর বলেনঃ হয়রত সুলাইমান বাইতুল মাকদাসের প্রাচীর নির্মাণ করেন। প্রাচীরের একাংশ অন্যের জমিতে নির্মিত হয় এবং তা ধাসে পড়ে। অতঃপর হয়রত সুলাইমানের নিকট ওহী আসে যে, জমির মালিকের অনুমতি নিয়ে তা পুনঃনির্মাণ করবে। একথা শুনে হয়রত 'উমার চূপ হয়ে যান। এই ঘটনার পর হয়রত 'আবাস বেচ্ছায় মসজিদের জন্য বাড়ীটি দান করেন। (হায়াতুস সাহাবা- ১/৯৪, ৯৫)

সুওয়ায়দ ইবন গাফলা, যাযিদ ইবন সুজান ও সুলাইমান ইবন রাবী'য়ার সাথে কোন এক

অভিযানে যান। পথে 'উজায়ব' নামক স্থানে একটি চাবুক গড়ে থাকতে দেখে উঠিয়ে নেন। তাঁর অপর সঙ্গীদ্বয় বললেন, আপনি ওটা ফেলে দিন। তিনি ফেললেন না। এই ঘটনার কিছু দিন পর সুওয়ায়দ হজ্জের উদ্দেশ্যে যাত্রা করেন। পথে মদীনায় যাত্রা বিরতি করে হযরত উবাইয়ের নিকট যান এবং চাবুকের ঘটনা বর্ণনা করেন। উবাই বললেন; আমার জীবনেও একবার এমন ঘটনা ঘটেছিল। রাসূলুল্লাহ (সা) জীবনশায় একবার আমি একশে দীনার পথে পাই। তিনি আমাকে নির্দেশ দিলেন, এক বছর পর্যন্ত মানুষকে জানাতে থাকবে। একবছর পূর্ণ হলে বললেন, দীনারের পরিমাণ, ধনির অবস্থা সব ভালোভাবে মনে রেখে আরও এক বছর অপেক্ষা করবে। এর মধ্যে প্রমাণসহ কেউ উপস্থিত হলে তাকে দেবে। অন্যথায় তুমি মালিক হবে।

হযরত 'উমার (রা) একবার ইচ্ছা ব্যক্ত করলেন যে, তিনি মানুষকে 'তামাতু' হজ্জ আদায় করতে নিষেধাজ্ঞা জারি করবেন। উবাই তাঁকে বললেন, এমন নিষেধাজ্ঞা জারির ক্ষেত্রে ইখতিয়ার আপনার নেই।

হযরত উবাই 'কিরায়াত খালফাল ইমাম' (ইমামের পিছনে কিরায়াত পাঠ)-এর প্রবক্তা ছিলেন। তবে তার রূপ ছিল এমনও যুহুর ও 'আসরের ফরয নামাযে ইমামের পিছনে কিরায়াত পাঠ করতেন। একবার 'আবদুল্লাহ ইবন হজায়ল তাঁকে জিজ্ঞেস করেন, আপনি কি ইমামের পিছনে কিরায়াত পড়েন? বললেনঃ হাঁ। (কানযুল 'উমাল-৪/২৫৪) তিনি সূরা আল-আ'রাফের ২০৪ নং আয়াত 'ওয়া ইজা কুরিয়াল কুরআন ফাসতামি' উ লাই ওয়া আনসিতু-' যখন কুরআন পাঠ করা হয় তখন তোমরা মনোযোগ সহকারে শোন এবং চূপ থাক- এর বাহ্যিক অর্থের ওপর 'আমল করতেন। যুহুর ও 'আসরে ইমাম যখন চূপে চূপে কিরায়াত পড়েন তখন তো শোনার প্রশ্ন আসেন। সুতরাং তাঁর মতে যে নামাযে ইমাম জোরে কিরায়াত পাঠ করবেন সেখানে মুক্তাদী চূপ করে শুনবেন। আর যেখানে ইমাম চূপে চূপে পাঠ করবেন সেখানে মুক্তাদীও কিরায়াত পাঠ করবেন।

একবার এক ব্যক্তি মসজিদে একটি হারানো জিনিসের ব্যাপারে হৈ চৈ করছিল। হযরত উবাই রেংগে গেলেন। সোকটি বললো, আমি তো অশ্বীল কিছু বলছিনে। উবাই বললেন, অশ্বীল না হলেও এটা মসজিদের আদর্শের খেলাফ। (কানযুল 'উমাল-৪/২৫০)

আর একবার রাসূল (সা) জুম'আর খুতবা দিলেন এবং সূরা বারায়াত থেকে পাঠ করলেন। এই সূরাটি হযরত আবু দারদা ও আবু জারের (রা) জানা ছিল না। তাঁরা খুতবার মধ্যেই ইশারায় উবাইকে জিজ্ঞেস করলেন, এই সূরাটি কবে নাযিল হয়েছে, আমাদের তো জানা নেই? উবাইও ইশারায় তাদেরকে চূপ থাকতে বললেন। নামায শেষে তিনজনই নিজ নিজ বাড়ীতে ফেরার জন্য রওয়ানা হচ্ছেন, তখন অন্য দু'জন উবাইকে বললেন, আপনি আমাদের প্রশ্নের উত্তর দিলেন না কেন? উবাই বললেনঃ আজ আপনাদের নামায নষ্ট হয়ে গেছে, আর তাও একটি অহেতুক কারণ। এমন কথা শনে তাঁরা হযরত রাসূল কারীমের (সা) নিকট হাজির হলেন এবং বললেনঃ উবাই আমাদেরকে এমন কথা বলেছেন। তিনি বললেনঃ সে ঠিক কথাই বলেছে। (কানযুল 'উমাল-৪/২৫৫)

ব্যতিচারের শান্তি সম্পর্কে হযরত উবাই বলতেন, তিনি রকম লোকের জন্য তিনি রকম হস্তক্ষম আছে। কিছু লোক দূরবার ও রজম উভয় প্রকার শান্তির যোগ্য। কিছু লোক শুধু রজম এবং কিছু শুধু দূরবার শান্তি লাভের উপযুক্ত। যে বৃক্ষ স্তৰী থাকা সত্ত্বেও ব্যতিচার করে তাকে

উভয় শাস্তি দিতে হবে। আর যে যুবক ঝী থাকা সঙ্গেও ব্যতিচার করে তাকে শুধু রাজম করতে হবে। যে যুবকের ঝী নেই সে ব্যতিচার করলে তাকে শুধু দুররা শাগাতে হবে।

নাবীজ (খেজুরের শরবত) হালাল হওয়া সম্পর্কে সকল 'আলিম' প্রায় একমত। তবে উবাই থেকে এ সম্পর্কে একটি ব্যতিক্রমধর্মী মত বর্ণিত হয়েছে। এক ব্যক্তি তাঁর নিকট নাবীজ পান করা সম্পর্কে জানতে চাইলে তিনি বললেন, নাবীজের মধ্যে এমন কী দেখেছ? পানি, ছাতুর শরবত, দুধ ইত্যাদি পান কর। প্রশ্নকারী বললো, মনে হচ্ছে আপনি নাবীজ পানের সমর্থক নন। তিনি বললেন, মদ পান আমি কিভাবে সমর্থন করতে পারি?

এভাবে বিভিন্ন মাসয়ালা সম্পর্কে হ্যরত উবাইয়ের মতামত গভীরভাবে অধ্যয়ন করলে ফর্কীহ সাহাবীদের মধ্যে তাঁর যে উচু মর্যাদা ছিল সে সম্পর্কে স্পষ্ট ধারণা লাভ করা যায়।

হ্যরত উবাই লিখতে-পড়তে জানতেন। এ কারণে ওহীর বেশীর ভাগ আয়াত তিনিই লিখতেন। হ্যরত রাসূলে কারীমের (সা) মদীনা আগমনের পর ওহী লেখার প্রথম গৌরব তিনিই লাভ করেন। (আন সাবুল আশরাফ-১/৫৩১) সেযুগে কোন লেখা বা কুরআনের শেষে লেখকের নাম লেখার রেওয়াজ ছিল না। হ্যরত উবাই সর্ব প্রথম নাম লেখার প্রচলন করেন। পরে অন্যরা তাঁর অনুসরণ করে।

সকল প্রকার বিদ'য়াত থেকে দূরে থাকা, সত্য প্রকাশের সৎ সাহস- এ জাতীয় শুণাবলী হ্যরত উবাইয়ের মধ্যে বিশেষভাবে বিদ্যমান ছিল। আল্লাহর ইবাদাতের প্রতি প্রবল উৎসাহ- আবেগ তাঁর মধ্যে ক্লান্তিয়াতের চরম বিকাশ সাধন করেছিল। গভীর রাতে মানুষ যখন অরাঘ- আয়েশে বিছানায় গা এলিয়ে দিত, তিনি তখন ঘরের এক কোণে বিনীতভাবে আল্লাহর ইবাদাতে মাশগুল থাকতেন, মুখে আল্লাহর কালাম জারী থাকতো এবং চোখ থেকে অশ্রু ধারা প্রবাহিত হতো। তিনি রাতে কুরআন খতম করতেন। রাতের এক অংশ দক্ষিণ ও সালাম পেশের মাধ্যমে অতিবাহিত হতো।

হ্যরত রাসূলে কারীমের (সা) প্রতি তাঁর ভালোবাসা এত প্রবল ছিল যে 'উস্তুনে হারানা'র একাংশ তাবারুক হিসেবে বাড়িতে রেখে দেন এবং উইপোকায় খেয়ে শেষ না করা পর্যন্ত তাঁর বাড়িতেই ছিল।

সব ধরনের বিদ'য়াত থেকে এত দূরে থাকতেন যে, রাসূলুল্লাহর (সা) পরিত্র সময়ে যে কথা বা কাজ হয়নি তা বলা বা করাকে তিনি যুব থারাপ মনে করতেন। হ্যরত 'উমার (রা)' তাঁর যিলাফতকালে একদিন মসজিদে নববীতে এসে দেখলেন লোকেরা পৃথকভাবে যার যার মত তারাবীহুর নামায পড়ছে। 'উমার জামায়াতবন্ধ করতে চাইলেন। তিনি উবাইকে বললেনঃ আমি আপনাকে ইমাম নিযুক্ত করতে চাই, আপনি তারাবীহুর নামায পড়াবেন। উবাই বললেনঃ যে কাজ আগে করিনি এখন তা কিভাবে করি? 'উমার (রা) বললেন, আমি তা জানি। তবে এ কোন থারাপ কাজ নয়। (কান্যুল 'উমাল- ৪/২৮৪; হায়াতুস সাহাবা- ৩/১৪৯)

একবার এক ব্যক্তি হ্যরত রাসূলে কারীমকে (সা) প্রশ্ন করলোঃ ইয়া রাসূলুল্লাহ! এই আয়রা মাঝে মধ্যে অসুস্থ হয়ে পড়ি বা নানাবিধ কষ্ট ভোগ করি, কি কোন সাওয়াব আছে? রাসূল (সা) বললেনঃ এতে শুণাহুর কাফ্ফারা হয়ে যায়। সেখানে হ্যরত উবাই উপস্থিত ছিলেন। তিনি জানতে চাইলেন, ছেট ছেট বিপদ- মুসীবতও কি শুণাহুর কাফ্ফারা হয়? বললেনঃ একটি কৌটা ফুটলেও তা কাফ্ফারা হয়। তখন ইমানী আবেগে তাঁর মুখ

থেকে বেরিয়ে যায়; হায়! সব সময় যদি আমার দেহে জ্বর লেগে থাকতো, আর তা সত্ত্বেও আমি হচ্ছ 'উমরা আদায়ে সক্ষম হতাম এবং জিহাদে গমন ও জামায়াতে নামায আদায়ের যোগ্য থাকতাম। আল্লাহ পাক তাঁর এই দু'আ কবুল করেন। তারপর থেকে যত দিন জীবিত ছিলেন, শরীরে সব সময় জ্বর থাকতো। (কানযুল 'উচ্চাল-২/১৫৩; আল-ইসাবা-১/২০; হায়াতুস সাহাবা-১/৫০২-৩)

আল্লাহর তয়ে, শেষ বিচার দিনের ভয়ে, সব সময় তিনি কৌদতেন। কুরআন পাঠের সময় তীষণ তীত হয়ে পড়তেন। বিশেষতঃ সুরা আল-আনয়ামের ৬৫ নং আয়াত ও পরবর্তী আয়াবের আয়াতগুলি যখন পাঠ করতেন তখন তাঁর শঙ্খা ও ডয়ের সীমা থাকতো না। (রিজালুন হাওলার রাসূল-৪৯৮)

ইসলামী খিলাফতের সীমা যখন বিস্তার লাভ করে এবং সাধারণ মুসলমানরা বিভিন্ন অঞ্চলের ওয়ালী বা শাসকদের অহেতুক তোয়াজ খাতির করে চলতে থাকে তখন তিনি বলতেনঃ 'কা'বার প্রভূর নামে শপথ। তারা ধ্বংস হয়েছে। তারা ধ্বংস হয়েছে। অন্যদেরকে তারা ধ্বংস করেছে। তাদের জন্য আমার কোন দুঃখ নেই। আমার দুঃখ তাদের জন্য, যাদের তারা সর্বনাশ করেছে। (রিজালুন হাওলার রাসূল-৪৯৮)

হযরত উবাই বলতেনঃ মুমিনের চারটি বৈশিষ্ট্যঃ ১. বিগদে ধৈর্যধারণ করে, ২. কোন কিছু পেলে আল্লাহর শোকুর করে, ৩. যখন কথা বলে, সত্য বলে, ৪. যখন বিচার করে, ন্যায়-নীতির সাথে বিচার করে। তিনি আরও বলতেন, মুমিনের জীবন পাঁচটি নূর বা জ্যোতির মধ্যে বিবর্তিত হয়। ১. তার কথা নূর, ২. তার ইলম বা জ্ঞান নূর, ৩. কবরে সে নূরের মধ্যে অবস্থান করবে, ৪. কবর থেকে সে নূরের মধ্যে উঠবে এবং ৫. কিয়ামতের দিন নূরের দিকেই তার শেষ যাত্রা হবে। অপর দিকে একজন কাফিরের জীবন পাঁচটি অঙ্ককারের মধ্যে বিবর্তিত হয়। ১. তার কথা অঙ্ককার, ২. তার আমল অঙ্ককার, ৩. তার কবর অঙ্ককার, ৪. কবর থেকে উঠবে অঙ্ককারে এবং ৫. কিয়ামতের দিন তার শেষ যাত্রা হবে অঙ্ককারের দিকে। (হায়াতুস সাহাবা-৩/৫১৮)

জীনের সাথে হযরত উবাইয়ের একটি ঘটনার কথা বিভিন্ন গ্রন্থে বর্ণিত হয়েছে। খেজুর শুকানোর জন্য হযরত উবাইয়ের একটি উঠোন ছিল। সেখানে খেজুর নেড়ে দেওয়া ছিল। তিনি মাঝে মাঝে সেখানে আসতেন। একদিন খেজুরে ঘাটতি লক্ষ্য করে রাতে পাহারা দিলেন। হঠাৎ অঙ্ককারে একজন যুবকের মত একটি প্রাণী দেখতে পেলেন। তিনি তাকে সালাম দিলেন। সে সালামের জবাব দিল। তিনি জিজ্ঞেস করলেন কে তুমি? সে বললোঃ জীন। তিনি বললেনঃ তোমার একটি হাত দাও তো। সে হাত বাড়িয়ে দিল। তিনি হাত ধরলেন এবং তাঁর মনে হলো, সেটা যেন কুকুরের হাত এবং তার লোম কুকুরের লোমের মত। তিনি বললেনঃ জীনদের সৃষ্টি কি এমনই? আমার তো ধারণা ছিল তারা আরও শক্তিশালী। তারপর তিনি জিজ্ঞেস করলেনঃ তুমি যা করেছ, তার কারণ কি? সে জবাব দিলঃ আমরা জেনেছি, আপনি সাদাকা (দান) করতে ভালোবাসেন। তাই আমরা এই খেজুর থেকে কিছু গ্রহণ করতে চেয়েছি। তিনি জীনকে জিজ্ঞেস করলেনঃ তোমাদের হাত থেকে আমাদের নিরাপত্তা কিসে? সে বললোঃ সুরা বাকারার আয়াতুল কুরসীতে। কেউ সন্ধ্যায় পড়ে ঘুমালে সকাল পর্যন্ত নিরাপদ থাকবে; আর কেউ সকালে পড়লে সন্ধ্যা পর্যন্ত নিরাপদ থাকবে। পরদিন সকালে হযরত উবাই

রাসূলুল্লাহর (সা) নিকট গিয়ে রাতের ঘটনা খুলে বললেন। রাসূল (সা) সবকিছু শুনে বললেনঃ এই খবীসটি (পাপাত্তি) সত্যি কথা বলেছে। নাসাই, হাকেম, তাবারানী প্রভৃতি গ্রন্থে ঘটনাটি বর্ণিত হয়েছে। (হায়াতুস সাহাবা-৩/২৯০)

হয়রত আনাস (রা) থেকে বর্ণিত। একদিন উবাই ইবন কা'ব প্রতিজ্ঞা করলেনঃ আজ আমি মসজিদে এমন নামায আদায় করবো এবং আল্লাহর এমন প্রশংসা করবো যা আর কেউ কোন দিন করেনি। তিনি মসজিদে গিয়ে নামায আদায় করে যেই না আল্লাহর প্রশংসার জন্য বসেছেন অমনি পিছন দিকে জোরে জোরে কাউকে হামদ পাঠ করতে শুনতে পেলেন। তিনি ঘটনাটি রাসূলকে (সা) জানালেন। রাসূল (সা) বললেন, এই হামদের পাঠক ছিলেন জিবরীল (আ)। (দ্রঃ হায়াতুস সাহাবা- ৩/৫৪১)

ইবন 'আবুস বর্ণনা করেন। একবার 'উমার ইবন আল-খাত্বাব আমাদেরকে কোথাও বের হতে বললেন। আমরা পথ চলছি। আমি ও উবাই এক সময় কাফিলার একটু পিছনে পড়ে গেলাম। এমন সময় আকাশে একটু মেঘ দেখা গেল। উবাই দু'আ করলেনঃ হে আল্লাহ! এই মেঘের কষ্ট আমাদের থেকে দূরে সরিয়ে দিন। আমরা মেঘের কষ্ট থেকে বেঁচে গেলাম। আমরা কাফিলার সাথে মিলিত হলে 'উমার জিজেস করলেনঃ তোমরাও কি আমাদের মত কষ্ট পেয়েছ? আমি বললামঃ আবুল মুনজির (উবাই) মেঘের কষ্ট থেকে আমাদেরকে রেহাই দেওয়ার জন্য আল্লাহর নিকট দু'আ করেছিল। 'উমার বললেনঃ আমাদের জন্যও একটু দু'আ করলে না কেন? (হায়াতুস সাহাবা- ৩/৬৫৮)। ■

# আনাস ইবন মালিক (রা)

আনাস ইবন মালিক ছিলেন বিখ্যাত সাহাবী, খাদিমে রাসূল, ইমাম, মুফতী, মু'য়াল্টিমে কুরআন, মুহাদ্দিস, ঘ্যাতিমান রাবী, আনসারী, খায়রাজী ও মাদানী। কুনিয়াত আবু সুমামা ও আবু হাময়া। খাদিমু রাসূলগ্নাহ লকব বা উপাধি। (দায়িরা-ই-মা'য়ারিফ ইসলামিয়া-৩/৪০২, তাজকিরাতুল হফজাজ-১/৪৮) আনাস বলতেনঃ আমি 'হাময়া' নামক এক প্রকার সবজী খুটাম, তাই দেখে রাসূল (সা) আদর করে আমাকে ডাকেনঃ 'ইয়া আবা হাময়া'। সে দিন থেকে এটাই আমার কুনিয়াত বা ডাকনাম হয়ে যায়। (তারীখে ইবন 'আসকির-৩/১৪১) ইয়াসরিবের (আল-ইসাবা-১/৭১) বিখ্যাত খায়রাজ গোত্রের বনু নাঞ্জার শাখায় হিজরাতের দশ বছর পূর্বে ৬১২ খ্রীষ্টাব্দে তিনি জন্ম গ্রহণ করেন। (আল-আ'লাম-১/৩৬৫ আল ইসাবা-১/৭১) এই গোত্রটি ছিল আনসারদের মধ্যে সর্বাধিক সম্মানিত। আনাসের পিতা মালিক ইবন নাদর এবং মার্তা উশু সুলাইম সাহলা বিনতু মিলহান আল-আনসারিয়া। উশু সুলাইম সম্পর্কে রাসূলগ্নাহর (সা) খালা হতেন। রাসূলগ্নাহর (সা) দাদা আবদুল মুতালিবের মা সালমা বিনতু 'আমর-এর নসব 'আমির ইবন গানাম-এ গিয়ে আনাসের মার বংশের সাথে মিলিত হয়েছে। (উসুদুল গাবা-১/১২৭, আসাহস সীয়াব-৬০৬)

উশু সুলাইমের আসল নামের ব্যাপারে মতভেদ আছে। যেমনঃ সাহলা, রুমাইলা, রুমাইসা, সুলাইকা, আল-ফায়সা ইত্যাদি। (সীরাতু ইবন হিশাম-২/৩৪০)

আনাসের চাচা আনাস ইবন নাদর উহুদ যুক্তে শহীদ হন। কাফিররা কেটে কুটে তাঁর দেহ বিকৃত করে ফেলেছিল। তাঁর দেহে মোট আশিটি আঘাতের চিহ্ন পাওয়া যায়। তাঁর এক বোন ছাঢ়া আর কেউ সে লাশ সনাক্ত করতে পারেনি। আনাস বলতেন, আমার এই চাচা আনাসের নামেই আমার নাম রাখা হয়েছিল। (সীরাতু ইবন হিশাম-২/৮৩, হায়াতুস সাহাবা-১/৫০৪, ৫০৫) আনাসের মামা হারাম ইবন মিলহান বি'রে মা'উনার দুঃখজনক ঘটনায় শাহাদাত বরণ করেন। (দায়িরা-ই-মা'য়ারিফ ইসলামিয়া-৩/৪০২)

আনাসের বয়স যখন আট/নয় বছর তখন তাঁর মা ইসলাম গ্রহণ করে। এ কারণে তাঁর পিতা ক্ষেত্র ও ঘৃণায় শামে চলে যায় এবং সেখানে কুফরী অবস্থায় মারা যায়। মা আবু তালহাকে দিতীয়বার বিয়ে করেন। আবু তালহা ছিলেন খায়রাজ গোত্রের একজন বিত্তশালী ব্যক্তি। মা বালক আনাসকেও সাথে করে আবু তালহার বাড়ীতে নিয়ে যান। আনাস এখানেই প্রতিপালিত হন।

আবু তালহার সাথে তাঁর মার বিয়ে সম্পর্কে আনাস বর্ণনা করেছেনঃ আবু তালহা যখন উশু সুলাইমকে বিয়ের প্রস্তাব দেন তখনও তিনি ইসলাম গ্রহণ করেননি। উশু সুলাইম বললেনঃ আবু তালহা, তুমি কি জাননা, যে ইলাহ-র ইবাদাত তুমি কর তা মাটি দিয়ে তৈরী? বললেনঃ হাঁ, তা জানি। উশু সুলাইম আরও বললেনঃ একটি গাছের ইবাদাত করতে তোমার লজ্জা হয় না? তুমি যদি ইসলাম গ্রহণ কর, তোমাকে বিয়ে করতে আমার আপত্তি নেই এবং

তোমার কাছে কোন মোহরের দাবীও আমার থাকবে না। ‘আমি তেবে দেখবো’ – এ কথা বলে আবু তালহা উঠে গেলেন। পরে ফিরে এসে তিনি উচ্চারণ করলেনঃ ‘আশহাদু আল লাইলাহু ইলাল্লাহু মুহাম্মদুর রাসূলুল্লাহ– আল্লাহ ছাড়া অন্য কোন ইলাহ নেই, মুহাম্মদ আল্লাহর রাসূল। তখন উচ্চ সুলাইম ছেলে আনাসকে ডেকে বললেনঃ আনাস, তুমি আবু তালহার বিয়ের কাজটি সমাধা কর। আনাস তাঁর মাকে আবু তালহার সাথে বিয়ে দিলেন। (হায়াতুস সাহাবা- ১/১৯৫, ১৯৬)

মদ হারাম হওয়ার পূর্বে আবু তালহার বাড়ীতে মদ পানের আসর বসতো। বালক আনাস সেই আসরে সাকীর দায়িত্ব পালন করতেন এবং নিজেও মদের অভ্যাস করতেন। এই বালককে মদ পান থেকে বিরত রাখার কেউ ছিল না। (মুসলিম- ৩/১৮১)

আনাসের বয়স যখন আট/নয় বছর তখন মদীনায় ইসলামের প্রচার শুরু হয়ে যায়। ইসলাম কবুলের ব্যাপারে বনু নাজীর গোত্র সবার আগে তাগেই ছিল। এই খান্দানের বেশীর ভাগ সদস্য রাসূলুল্লাহর (সা) মদীনায় আসার পূর্বেই ইসলাম গ্রহণ করেন। আনাসের মা উচ্চ সুলাইম ও তৃতীয় আকাবায় পূর্বেই ইসলাম গ্রহণ করেন। পূর্বেই বলা হয়েছে উচ্চ সুলাইম ইসলাম গ্রহণ করায় তাঁর স্বামী অর্থাৎ আনাসের পিতা স্ত্রী ও সন্তান ত্যাগ করে শামে চলে যায়। স্বামী পরিত্যক্ত উচ্চ সুলাইম আবু তালহাকে বিয়ে করতে রাজী হন এই শর্তে যে, তিনিও ইসলাম গ্রহণ করবেন। এভাবে উচ্চ সুলাইমের চেষ্টায় আবু তালহা ইসলাম গ্রহণ করে মৰ্কায় যান এবং তৃতীয় 'আকাবায় শরীর হয়ে রাসূলুল্লাহর হাতে (সা) বাইয়াতের গৌরব অর্জন করেন। এভাবে আনাসের বাড়ী ইমানের আলোয় আলোকিত হয়ে যায়। তাঁর জানাতী মা উচ্চ সুলাইম ইসলামের এক আলোক বর্তিকা, আর তাঁর স্বামী দ্বীনের এক নিবেদিত প্রাণ কর্মী। এমনই এক আশ্রয়ে আনাস বেড়ে ওঠেন।

আনাস যখন দশ বছরের বালক তখন হয়রত রাসূলে কারীম (সা) মদীনায় আসেন। আনাসের বয়স অল্প হলেও তিনি খুবই উৎসাহী ছিলেন। রাসূল (সা) যখন কুবা থেকে মদীনার দিকে আসছিলেন, সমবয়সী ছোট হলে-মেয়েদের সাথে পথের পাশে দাঁড়িয়ে আনাসও স্বাগত সংগীত গেয়েছিলেন, তাঁরা ছুটে ছুটে 'রাসূলুল্লাহ এসেছেন, মুহাম্মদ এসেছেন' – বলে মদীনাবাসীদের ঘরে ঘরে রাসূলুল্লাহর (সা) আগমন বার্তা পৌছে দিয়েছিলেন। এক সময় রাসূলুল্লাহর (সা) পাশ থেকে তীড় একটু কম হলে আনাস তাঁর চেহারামুবারকের প্রতি দৃষ্টিপাত করেন এবং সাহাবিয়াতের মর্যাদা লাভে ধন্য হন।

হয়রত রাসূলে কারীম (সা) যখন মদীনায় আসেন প্রসিদ্ধ মতে আনাসের বয়স তখন দশ বছর। রাসূল (সা) একটু হির হওয়ার পর আনাসের মা একদিন তাঁর হাত ধরে রাসূলুল্লাহর (সা) কাছে নিয়ে গিয়ে বললেনঃ ইয়া রাসূলুল্লাহ! আনাসারদের প্রত্যেক নারী-পুরুষ আপনাকে কিছু না কিছু হাদিয়া দিয়েছে। আমি তো তেমন কিছু দিতে পারছিনে। আমার এই ছেলেটি আছে, সে লিখতে জানে। এখনও সে বালেগ হয়নি। আপনি একেই গ্রহণ করুন। সে আপনার খিদমাত করবে। সেই দিন থেকে আমি একাধারে দশ বছর যাবত রাসূলুল্লাহর (সা) খিদমাত করেছি। এর মধ্যে কখনও তিনি আমাকে মারেননি, গালি দেননি, বকারকা করেননি এবং মুখও কালো করেননি। তিনি সর্ব প্রথম আমাকে এই অসীয়াতটি করেনঃ ছেলে, তুমি আমার গোপন কর্ত্তা'

গোপন রাখবে। তা হলেই তুমি ঈমানদার হবে। আমার মা এবং রাসূলুল্লাহর (সা) সহধর্মীগণ কখনও আমার কাছে রাসূলের (সা) গোপন কথা জিজ্ঞেস করলে, বলিনি। আমি তাঁর কোন গোপন কথা কারও কাছে প্রকাশ করিনি। অবশ্য কোন কোন বর্ণনায় এসেছে, আবু তালহা তাঁকে রাসূলুল্লাহর (সা) নিকট নিয়ে যান। (তারীখে ইবন 'আসাকির- ৩/১৪১, আনসাবুল আশরাফ- ১/৫০৬, আল-ইসাবা- ১/৭১)

হযরত আনাস রাসূলুল্লাহর (সা) জীবনের শেষ দিন পর্যন্ত প্রায় দশ বছর অত্যন্ত যোগ্যতার সাথে তাঁর খিদমাতের দায়িত্ব পালন করেন। এ জন্য তাঁর গর্বের শেষ ছিল না। ফজর নামায়ের পূর্বেই তিনি রাসূলুল্লাহর (সা) খিদমাতে হাজির হয়ে দৃশ্যে বাড়ী ফিরতেন। কিছুক্ষণ পর আবার আসতেন এবং আসরের নামায আদায় করে বাড়ী ফিরতেন। আনাসের মহল্লায় একটি মসজিদ ছিল, সেখানে মুসল্লীরা তাঁর অপেক্ষায় থাকতো। তাঁকে দেখে তারা আসরের নামাযে দাঁড়াতো। (মুসনাদে আহমাদ- ৩/২২২)

উপরোক্ত সময় ছাড়াও তিনি সব সময় রাসূলুল্লাহর (সা) যে কোন নির্দেশ পালনের জন্য প্রস্তুত থাকতেন। যখনই প্রয়োজন পড়তো রাসূলুল্লাহর (সা) ডাকে সাড়া দিতেন। এক দিনের ঘটনা, তিনি রাসূলুল্লাহর (সা) প্রয়োজনীয় কাজ সেরে দৃশ্যে বাড়ীর দিকে চলেছেন। পথে দেখলেন, তাঁরই সমবয়সী ছেলেরা খেলছে। তাঁর কাছে খেলাটি ভালো লাগলো। তিনি দাঁড়িয়ে গেলেন তাদের খেলা দেখতে। কিছুক্ষণ পর দেখলেন, রাসূল (সা) তাদের দিকে আসছেন। তিনি এসে প্রথমে ছেলেদের সালাম দিলেন, তারপর আনাসের হাতটি ধরে তাঁকে কোন কাজে পাঠালেন। আর রাসূল (সা) তাঁর অপেক্ষায় একটি দেয়ালের ছায়ায় দাঁড়িয়ে থাকলেন। আনাস কাজ সেরে ফিরে এলে রাসূল (সা) বাড়ীর দিকে ফিরলেন, আর তিনি চললেন বাড়ীর দিকে। ফিরতে বিলম্ব হওয়ায় তাঁর মা জিজ্ঞেস করলেন, এত দেরী হলো কেন? তিনি বললেনঃ রাসূলুল্লাহর (সা) একটি গোপন কাজে গিয়েছিলাম। এই জন্য ফিরতে দেরী হয়েছে। মা মনে করলেন, ছেলে হয়তো সত্য গোপন করছে, এই জন্য জানতে চাইলেনঃ কী কাজ? আনাস জবাব দিলেন একটি গোপন কথা, কাউকে বলা যাবেনা। মা বললেনঃ তাহলে গোপনই রাখ কারও কাছে প্রকাশ করোনা। আনাস আজীবন এ সত্য গোপন রেখেছেন। একবার তাঁর বিশিষ্ট ছাত্র সাবিত যখন সেই কথাটি জানতে চাইলেন তখন তিনি বললেন, কথাটি কাউকে জানালে তোমাকেই জানাতাম। বিস্তু আমি তা কাউকে বলবো না। (আল-ফাতহর রাবানী মা'য়া বুলুগুল আমানী- ২২/২০৪, হায়াতুস সাহাবা- ১/৩৪৩, ২/৫০৩)

হযরত আনাস সব সময় রাসূলুল্লাহর (সা) সংগে থাকতেন। আবাসে-প্রবাসে, ভিতরে-বাহিরে কোন বিশেষ স্থান বা সময় তাঁর জন্য নির্ধারিত ছিলনা। হিজাবের আয়ত নায়িল হওয়ার পূর্বে তিনি স্বাধীনভাবে রাসূলুল্লাহর (সা) গৃহে যাতায়াত করতেন। আনাস বললেনঃ আমি রাসূলুল্লাহর (সা) গৃহে আসতাম এবং অন্দর মহলে আয়ওয়াজে মুতাহহারাতদের কাছেও যেতাম। একদিন আমি অন্দরে প্রবেশ করতে যাব, এমন সময় রাসূল (সা) ডাকলেনঃ আনাস, পিছিয়ে এস। হিজাবের আয়ত নায়িল হয়ে গেছে। (আনসাবুল আশরাফ- ১/৪৬৪) আনাস আরও বললেনঃ আমি যে দিন বালেগ হলাম, রাসূলকে (সা) সে কথা জানালাম। তিনি বললেনঃ এখন থেকে অনুমতি ছাড়া মেয়েদের কাছে যাবেন। আনাস বললেনঃ সেই দিনটির মত কঠিন দিন আমার জীবনে আর আসেনি। (তারীখে ইবন 'আসাকির- ৩/১৪৮)

একদিন ফজরের নামায়ের পূর্বে রাসূল (সা) বললেন, আজ রোয়া রাখার ইচ্ছা করেছি, আমাকে কিছু খাবার দাও। আনাস খুব তাড়াতাড়ি কিছু খুরমা ও পানি হাজির করেন। রাসূল (সা) তাই দিয়ে সেহারী সেরে ফজরের নামায়ের প্রস্তুতি গ্রহণ করেন। (মুসনাদ-৩/১৯৭) ওয়াকিদী বলেনঃ রাসূলুল্লাহর (সা) খাদিমদের মধ্যে যাঁরা তাঁর দরজা থেকে দূরে যেত না তাদের মধ্যে আনাস একজন। আবু হুরাইরা (রা) বলতেনঃ আমি তো মনে করতাম আনাস রাসূলুল্লাহর (সা) দাস। (আনসাবুল আশরাফ-১/৪৮৫)

হযরত রাসূলে কারীম (সা) মদীনায় এসে আবু আইউব আল আনাসারীর (রা) অতিথি হন। সেই সময় তিনি আনাসের পিতা মালিক ইবন নাদরের কুয়োর পানি সবচেয়ে বেশী তৃষ্ণি সহকারে পান করতেন। হযরত রাসূলে কারীম (সা) আবু আইউবের বাড়ী থেকে নিজের বাড়ীতে চলে গেলে আনাস সেই কুয়োর পানি রাসূলুল্লাহর (সা) জন্য বয়ে নিয়ে আসতেন। (আনসাবুল আশরাফ-১/৫৩৫)

হযরত আনাস অত্যন্ত নিপুণতার সাথে রাসূলুল্লাহর (সা) সকল কাজ সম্পাদন করতেন। আনুগত্যের মাধ্যমে সর্বক্ষণ তাঁকে খুলী রাখতেন। তিনি নিজেই বলেনঃ আমি দশ বছর যাবত রাসূলুল্লাহর (সা) খিদমাত করেছি। এই দীর্ঘ সময়ে তিনি কক্ষণও আমার উপর নারাজ হননি। আমার কোন কাজের জন্য কক্ষণও বলেননিঃ এ কাজটি তুমি কেন করলে? আর আমি কোন কাজ করিনি সে জন্যও তিনি প্রশ্ন করেননিঃ কাজটি তুমি কেন করনি? অথবা তুমি তুল করেছ বা যা করেছ, খুবই খারাপ করেছ- এমন কথাও আমার কোন তুলের জন্য তিনি বলেননি। (আনসাবুল আশরাফ-১/৪৬৪, ৫০৬) এভাবে আনাস রাসূলুল্লাহর (সা) অন্তরে এক বিশেষ স্থান দখল করেন। রাসূল (সা) মেহতরে কখনও ‘ছেলে’ আবার কখনও ‘উনাইস’ বলে ডাকতেন। তিনি মাঝে মধ্যে আনাসদের বাড়ীতে যেতেন, আহার করতেন, দুপুরের সময় হলে বিশ্রাম নিতেন, নামায আদায় করতেন এবং আনাসের জন্য দু’আও করতেন। এ সম্পর্কিত কয়েকটি হাদীস মুসনাদে আহমাদ গ্রন্থে বর্ণিত হয়েছে। (আল-ফাতহুর রাব্বানী-২২/২০৩)

আনাস বলেনঃ একদিন আবু তালহা আমার মা উম্মু সুলাইমকে বললেন, আমি যেন রাসূলুল্লাহর (সা) কর্তৃত্বের একটু দুর্বল শুনতে পেলাম। মনে হলো তিনি ক্ষুধার্ত। তোমার কাছে কোন খাবার আছে কি? মা বললেনঃ আছে। তিনি কয়েকটুকুরো রুটি আমার কাপড়ে জড়িয়ে দিয়ে আমাকে রাসূলুল্লাহর (সা) নিকট পাঠালেন। আমাকে দেখেই রাসূল (সা) জিজ্ঞেস করলেনঃ আবু তালহা পাঠিয়েছে? বললামঃ হী। বললেনঃ খাবার? বললামঃ হী। রাসূল (সা) সাথের লোকদের বললেনঃ তোমরা ওঠো। তাঁরা চললেন, আমিও তাদের আগে আগে চললাম। আবু তালহা সকলকে দেখে স্তীকে ডেকে বললেনঃ উম্মু সুলাইম, দেখ, রাসূল (সা) লোকজন সংগে করে চলে এসেছেন। সবাইকে খেতে দেওয়ার মত খাবার তো নেই। উম্মু সুলাইম বললেনঃ আল্লাহ ও তাঁর রাসূল (সা) সে কথা ভালোই জানেন। আবু তালহা অতিথিদের নিয়ে বসালেন। রাসূল (সা) ঘরে ঢুকে বললেনঃ যা আছে নিয়ে এসো। সামান্য খাবার ছিল, তাই হাজির করা হলো। তিনি বললেনঃ প্রথম দশজনকে আসতে বল। দশ জন ঢুকে পেট ভরে খেয়ে বের হয়ে গেল। তারপর আর দশ জন। এ তাবে মোট সত্ত্বর জন লোক পেট ভরে সেই খাবার খেয়েছিল। (হায়াতুস সাহাবা-২/১৯৪)

আনাস আরও বলেন, আমার মা উশু সুলাইমের আবু তালহার পক্ষের আবু 'উমাইর' নামে একটি ছোট ছেলে ছিল। রাসূল (সা) আমাদের বাড়ীতে এলে তার সাথে একটু রসিকতা করতেন। একদিন দেখলেন আবু 'উমাইর' মুখ্যভার করে বসে আছে। রাসূল (সা) বললেনঃ আবু 'উমাইর' এমন মুখ গোমড়া করে বসে আছ কেন? মা বললেনঃ তার খেলার সাথী 'নুগাইর' টি ঘারা গেছে। তখন থেকে রাসূল (সা) তাঁকে দেখলে কাব্য করে বলতেনঃ 'ইয়া আবা 'উমাইর-মা ফা'য়ালান নুগাইর'- ওহে আবু 'উমাইর', তোমার নুগাইরটি কি করলো? উল্লেখ্য যে, 'নুগাইর' লাল ঠোট বিশিষ্ট চড়ুই- এর মত এক প্রকার ছেট্ট পাখী। (তারীখে ইবন 'আসাকির- ৩/১৩৯, হায়াতুস সাহাবা-২/৫৭০, ৫৭১)

আনাসদের বাড়ীতে রাসূলুল্লাহর (সা) ওপর বুরআনের বহু আয়াত নাফিল হয়েছে। রাসূল (সা) ওহী নাফিলের সময় ঘেমে যেতেন আর তাঁরা সেই ঘাম সংরক্ষণ করতেন। আনাস বলেনঃ একদিন দুপুরে রাসূল (সা) আমাদের বাড়ীতে এসে বিশ্রাম নিলেন এবং ঘেমে গেলেন। আমার মা একটি বোতল এনে সেই ঘাম ভরতে লাগলেন। রাসূল (সা) জেগে উঠে বললেনঃ 'উশু সুলাইম, একি করছো? মা বললেনঃ আপনার এই ঘাম আমাদের জন্য সুগন্ধি। আনাস বলতেনঃ রাসূলুল্লাহর (সা) সুগন্ধি থেকে অধিকতর সুগন্ধিযুক্ত মিশ্রক অথবা আস্তর আমার জীবনে আর শুকিনি। (তারীখে ইবন 'আসাকির- ৩/১৪৪, ১৪৫)

আমরা আগেই বলেছি, আনাসের কল্যাণময়ী মা সম্পর্কে রাসূলুল্লাহর (সা) খালা। তিনি অন্তর দিয়ে তাঁকে ভালোবাসতেন, ভক্তি-শুদ্ধি করতেন। আর রাসূলও (সা) তাঁর কথা কখনও বিশ্বৃত হননি। এই সম্মানিত মাহিলাকে রাসূল (সা) জারাতের সুসংবাদ দান করেছেন। (দায়িরা-ই-মা'য়ারিফ ইসলামিয়া (উর্দু)- ৩/৪০২) খাইবার যুদ্ধে হযরত সাফিয়া (রা) বন্দী হলেন এবং রাসূল (সা) তাঁকে শাদী করার ইচ্ছা প্রকাশ করলেন। সাফিয়াকে উশু সুলাইমের নিকট পাঠিয়ে দেওয়া হলো। তিনিই বিয়ের সকল ব্যবস্থা সম্পাদন করলেন। এ সম্পর্কে ইবন ইসহাক বলেনঃ খাইবারে অথবা খাইবার থেকে ফেরার পথে হযরত সাফিয়ার সাথে রাসূলুল্লাহর (সা) শাদী মুবারাক অনুষ্ঠিত হয়। আনাসের মা উশু সুলাইম তাঁর সাজানো, চুল বাঁধা ইত্যাদি যাবতীয় দায়িত্ব পালন করেন। (সীরাতু ইবন হিশাম-২/৩৩৯, ৩৪০, আনসাবুল আশরাফ-১/৪৪৩)

এমনিভাবে হযরত যয়নাবের সাথে যখন রাসূলুল্লাহর (সা) বিয়ে হয় তখনও উশু সুলাইম কিছু খাবার তৈরী করে পাঠান। রাসূল (সা) সাহাবীদের দা'ওয়াত দিয়ে একটি সংক্ষিপ্ত অনুষ্ঠান করে সেই খাবার পরিবেশন করেন। (মুসলান্দে আহমাদ- ৩/১৬৩)

এই সব বৈশিষ্ট্যই আনাসকে নবী খান্দানের একজন সদস্যে পরিণত করে। রাসূল (সা) মাঝে মধ্যে তাঁর সাথে হালকা ঘিয়াজ হয়ে যেতেন। এই যেমন তাঁকে ডাকলেন 'আবু হাম্মা' বলে। একবার তো ডাকলেন 'ইয়া জাল উজ্জনাইন'- ওহে দুই কান ওয়ালা বলে। (উসুদুল গাবা- ১/১২৭)

আমরা পূর্বেই দেখেছি, রাসূলুল্লাহর (সা) সাথে আনাসের কত গভীর সম্পর্ক ছিল। এই সম্পর্কের কারণেই ঘরে-বাইরে, আবাসে-প্রবাসে সর্বক্ষণ রাসূলুল্লাহর (সা) সংগে থাকতেন। যুদ্ধের ঘয়নানেও সেই সংগ ত্যাগ করেননি। বদর যুদ্ধের সময় আনাসের বয়স এমন কিছু হয়নি। মাত্র বারো বছর। তাসত্ত্বেও মুসলিম মুজাহিদদের পাশাপাশি যুদ্ধের ময়দানে উপস্থিত ছিলেন।

সেখানে তিনি রাসূলুল্লাহর (সা) সেবা ও সৈনিকদের সাজ-সরঞ্জাম ও মাল-সামান দেখার দায়িত্ব পালন করেন। এ সময় বয়স অতি অল্প থাকার কারণে তাঁর এ যুদ্ধে যোগদান সম্পর্কে পরবর্তীকালে অনেকের মনে সংশয় দেখা দিয়েছে। একবার তো সংশয়ের সুরে এক ব্যক্তি তাঁকে প্রশ্ন করেই বসেঃ আপনি কি বদরে হাজির ছিলেন? জবাব দিলেনঃ আমি কিভাবে গায়ের হাজির থাকতে পারি? (আল-ইসাবা-১/৭১, দায়িরা-ই-মায়ারিফ ইসলামিয়া-৩/৪০২)

বদরের এক বছর পর উহুদ যুদ্ধ হয়। তখনও আনাস অল্প বয়স্ক। হিজরী ষষ্ঠ সনে হুদাইবিয়ায় বাইয়াতে শাজারার পৌরব অর্জন করেন। তখন তাঁর বয়স ঘোল বছর। যুদ্ধের ময়দানে যাওয়ার যোগ্য হয়ে উঠেছেন। হিজরী সপ্তম সনে রাসূল (সা) 'উমরাতুল কাদা (কাজা 'উমরাহ) আদায় করেন। আনাস সংগে ছিলেন। এ বছরই খাইবার বিজিত হয়। এই অভিযানে আনাস আবু তালহার সাথে উট্টের পিঠে সাওয়ার ছিলেন। এক পর্যায়ে বিজয়ীর বেশে হ্যরত রাসূলে কারীম (সা) খাইবারে প্রবেশ করছিলেন তখন আনাস তাঁর এত নিকটে ছিলেন যে তাঁর পা রাসূলের (সা) পবিত্র পা স্পর্শ করে। এর ফলে রাসূলুল্লাহর (সা) ইয়ার হাঁটুর ওপরে উঠে যায় এবং তা মানুষের দৃষ্টিগোচর হয়। (মুসনাদ-৩/১০২) এরপর মক্কা বিজয়, তায়িফ ও হৃনাইন অভিযানে যোগ দেন। সর্বশেষ হিজরী দশ সনে বিদায় হজ্জে রাসূলুল্লাহর (সা) সাথে ছিলেন।

আনাস বলেনঃ হনাইন যুদ্ধের দিন আবু তালহা হাসতে হাসতে রাসূলুল্লাহর (সা) নিকট গিয়ে বললেনঃ ইয়া রাসূলুল্লাহ। আপনি কি দেখেছেন, উম্মু সুলাইমের হাতে খেজুর? রাসূল (সা) বললেনঃ উম্মু সুলাইম খেজুর দিয়ে কি করবে? জবাব দিলেনঃ কেউ আমার দিকে এগিয়ে এলে এটা দিয়ে আমি আঘাত করবো। (হায়াতুস সাহাবা-১/৫০৭)

হ্যরত রাসূলে কারীমের (সা) অভিযানের সংখ্যা ছিল ২৬ অথবা ২৭টি। তবে যুদ্ধ সংঘটিত হয়েছে এমন অভিযানের সংখ্যা মাত্র ৯টি। যেমনঃ বদর, উহুদ, খন্দক, কুরায়জা, মুসতালিক, খাইবার, হনাইন ও তায়িফ। আনাস এর সব ক'টিতে উপস্থিত ছিলেন। এক ব্যক্তি আনাসের ছেলে মৃসাকে জিজ্ঞেস করেছিল, আপনার সম্মানিত পিতা কতটি যুদ্ধে অংশ গ্রহণ করেন? তিনি জবাব দিয়েছিলেনঃ আটটি যুদ্ধে। সম্ভবতঃ বদর যুদ্ধটি বাদ দিয়েছিলেন। তার কারণ এই হতে পারে যে, সে সময় জিহাদে যাওয়ার যে বয়স নির্ধারণ করা হয়েছিল, আনাস তার চেয়ে ছোট ছিলেন।

হ্যরত রাসূলে কারীমের (সা) ইন্তিকালের পর হ্যরত আবু বকর (রা) খলীফা হলেন। এ সময় ভূত নবীদের বিরুদ্ধে পরিচালিত ইয়ামামার যুদ্ধে আনাসের অংশগ্রহণের কথা জানা যায়। (হায়াতুস সাহাবা-১/৫৩৭) খলীফা আনাসকে বাহরাইনে 'আমিলে সাদাকা'র পদে নিয়োগ দান করতে চান। এ ব্যাপারে 'উমারের পরামর্শ চাইলে তিনি বলেনঃ আনাস বুদ্ধিমান ও লেখাপড়া জানা মানুষ। তার জন্য যে খিদমতের প্রস্তাব আপনি করেছেন আমি তা সমর্থন করি। খলীফা আনাসকে ডেকে পাঠান এবং আমিলে সাদাকার দায়িত্ব দিয়ে তাঁকে বাহরাইনে পাঠিয়ে দেন। (বুখারী, কিতাবুয় যাকাত, আল-ইসাবা-১/৭২) তিনি যখন বাহরাইন থেকে ফিরে আসেন তখন আবু বকর (রা) আর নেই। তাঁর স্থলে 'উমার (রা) খলীফা। তিনি বাহরাইন থেকে আনীত অর্থ থেকে চার হাজার দিরহাম আনাসকে দান করেন। আনাস বলেনঃ আমি

সেই অর্থ পেয়ে মদীনাবাসীদের মধ্যে একজন অধিক অর্থশালী ব্যক্তি হয়ে যাই। (হায়াতুস সাহাবা-২/২২)

আনাস আরও বলেন : আবু বকরের (রা) মৃত্যুর পর 'উমার খিলাফতের দায়িত্বার হাতে নিলে আমি মদীনায় এসে তাঁকে বললাম : দেখি, আপনার হাতটি একটু বাড়িয়ে দিন। যে কথার ওপর আপনার পূর্ববর্তী বন্ধুর হাতে আপনি বাই'য়াত করেছিলেন সেই কথার ওপর আমি আপনার হাতে বাই'য়াত করবো। এভাবে তিনি 'উমারের (রা) হাতে বাই'য়াত করেন। (হায়াতুস সাহাবা-১/২৫৮)

খলীফা হয়রত আবু বকর (রা) ইয়ামনবাসীদের উদ্দেশ্যে লেখা একটি পত্রসহ আনাসকে ইয়ামনেও পাঠান। সেই পত্রে তিনি আল্লাহর রাস্তায় জিহাদে বেরিয়ে পড়ার জন্য তাদের প্রতি আহবান জানান। (হায়াতুস সাহাবা-১/৪৮১, ৪৮২)

হয়রত মুগীরা ইবন শু'বা (রা) বসরার গভর্নর ছিলেন। সেখানে তাঁর বিরচক্ষে হয়রত আবু বাকরার (রা) নেতৃত্বে এক মারাত্মক অভিযোগ উথাপিত হয়। (দঃ আনসাবুল আশরাফ-১/৪৯০-৪৯২) খলীফা হয়রত 'উমার (রা)' তাঁকে বরখাস্ত করে আবু মুসা আল-আশ'য়ারীকে তাঁর স্থলে নিয়োগ করেন। ঘটনার তদন্তের জন্য তাঁর সহকারী হিসাবে আরও চার ব্যক্তিকে বসরায় পাঠান। তারা হলেন, ১. আনাস ইবন মালিক, ২. আনাসের ভাই আল-বারা' ইবন মালিক, ৩. ইমরান ইবনুল হসাইন, ৪. আবু নাজীদ আল-খুয়া'ঈ। (আনসাবুল আশরাফ-১/৪৯১)

এই বসরা শহরে হয়রত আনাস স্থায়ীভাবে বসতি স্থাপন করেন। খলীফা 'উমার (রা) যাঁদের ওপর এখনকার ফিকাহ ও ফাতওয়ার দায়িত্ব অর্পণ করেন তাঁদের মধ্যে আনাস একজন। জীবনের বাকী অংশ তিনি এই বসরা শহরেই কাটিয়ে দেন। এখানে ফিকাহ ও ফাতওয়ার দায়িত্ব পালন ছাড়াও যখন যে দায়িত্ব তাঁকে দেওয়া হয়েছে তিনি দক্ষতার সাথে তা পালন করেন। এই সময় পরিচালিত সকল অভিযানে তিনি অংশগ্রহণ করেন। 'তুসতার' অভিযানে পদাতিক বাহিনীর অধিনায়ক ছিলেন। তুসতার বিজিত হয় এবং পারশ্য সেনাপতি হরমুয়ানকে সপরিবারে বন্দি করে মুসলিম সেনাপতি আবু মুসা আল-আশ'য়ারীর (রা) সামনে হাজির করা হয়। হয়রত আবু মুসা (রা) তিনশো সদস্যের একটি বাহিনীর হিফাজতে হরমুয়ানকে মদীনায় খলীফার দরবারে পাঠিয়ে দেন। আনাস (রা) ছিলেন এ বাহিনীর আমীর এবং তিনি তাঁর দায়িত্ব যথাযথভাবে পালন করেন। এভাবে দীর্ঘদিন পর প্রিয় জন্মতৃষ্ণির যিহারত শাতের সুযোগ পান। (হায়াতুস সাহাবা-১/৬৬, দায়িরা-ই-মা'য়ারিফ ইসলামিয়া-৩/৪০২)

কিছুদিন মদীনায় অবস্থান করার পর আনাস আবার বসরায় ফিরে গেলেন। হিজরী ২৩ সনের জ্বিলহজ্জ মাসে হয়রত 'উমার (রা)' শাহাদাত বরণ করলে হয়রত 'উসমান (রা)' তাঁর স্থলাভিষিক্ত হলেন। তাঁর খিলাফতের প্রথম কয়টি বছর খুবই শান্ত ছিল। তবে কিছুকাল পরে নানারকম ফিত্না ও অশান্তি মাথাচাড়া দিয়ে উঠে। চতুর্দিকে স্বার্থবেষী, হাঙ্গমাবাজ লোকেরা বিদ্রোহের পতাকা উঠিয়ে দেয় এবং তারা মদীনা অভিমুখে যাত্রা করে।

তখনও কিন্তু ইসলামী খিলাফতের বিভিন্ন স্থানে এমন বহু ব্যক্তি ছিলেন যাঁরা কোন রকম বিদ্রোহ ও হমকির পরোয়া করতেন না। সুতরাং মাজলুম খলীফার আর্ত চিৎকার সর্ব প্রথম এই সত্যের সৈনিকদের কানে পৌছে। তাঁরা তাঁর সাহায্যের জন্য গা ঝাড়া দিয়ে উঠে দাঁড়ান।

ইরাকের রাজধানী বসরাতেও এমন লোকের অভাব ছিলো। এমন তয়াবহ অবস্থার খবর যখন সেখানে পৌছলো তখন আনাস ইবন মালিক, 'ইমরান ইবন হসাইনসহ বহু বিশিষ্ট ব্যক্তি দীনের সাহায্যের জন্য প্রস্তুত হয়ে গেলেন। তাঁরা বক্তৃতা-ভাষণের দ্বারা গোটা বসরাকে বিদ্রোহীদের বিরুদ্ধে উৎপ্রেক্ষিত করে তোলেন। কিন্তু দুর্তাগ্যবশতঃ তাঁদের সাহায্য মদীনায় পৌছার পূর্বেই বিদ্রোহীদের হাতে খলীফা 'উসমান (রা) শাহাদাত বরণ করেন।

হযরত 'উসমানের (রা) পর হযরত'আলী (রা) খিলাফতের দায়িত্ব তার গ্রহণ করলেন। ছয় মাস যেতে না যেতেই তাঁরও বিরুদ্ধে এক মস্ত বড় ফিত্না এই বসরাতেই মাথা তুলে দাঁড়ায়। আর তাতে বিশিষ্ট সাহাবা-ই-কিরামও জড়িয়ে পড়েন। বসরা ছিল আনাসের আবাস স্থল। সেখানে তার বিশেষ প্রভাবও ছিল। কিন্তু তিনি সকল আন্দোলন থেকে নিজেকে দূরে রাখেন। যতদিন পর্যন্ত পরিস্থিতি শাস্ত না হয়, তিনি আরও বহু বিশিষ্ট সাহাবীর মত নির্জনতা অবলম্বন করেন। এ কারণে, হযরত আলী ও হযরত 'আয়িশার (রা) উট্টের যুদ্ধ, যা এই বসরার অন্তি দূরে সংঘটিত হয়- তাতে কোন পক্ষে আনাসের (রা) কোন ভূমিকা দেখা যায় না। এসব ঘটনায় তিনি সম্পূর্ণ নিরপেক্ষ থাকেন।

হযরত 'আলীর (রা) খিলাফতের পরেও হযরত আনাস বহুদিন জীবিত ছিলেন। এই দীর্ঘ সময়ে নানা রকম দৃশ্য ও অবস্থা অবলোকন করেন; কিন্তু সব সময় নির্জনতাকে প্রাধান্য দান করেন। কোন অবস্থাতেই নিজেকে জাহির করা তিনি মোটেই পছন্দ করেননি। তা সত্ত্বেও প্রবর্তীকালে সৈরাচারী উমাইয়া শাসকদের নির্বাচন থেকে বৌঢ়তে পারেননি। খলীফা আবদুল মালিকের সময় উমাইয়া সাম্রাজ্যের পূর্ব অঞ্চলের গভর্নর ছিলেন হাজ্জাজ ইবন ইউসুফ। অত্যাচারী ও নিপীড়ক হিসেবে ইতিহাসে তিনি খ্যাতিমান। একবার তিনি বসরায় এসে আনাসকে ডেকে শাসান এবং জনগণের মাঝে হেয় করার জন্য তাঁর ঘাড়ে ছাপ মেরে দেন। ওয়ারিদী ইসহাক ইবন ইয়ায়ীদ থেকে বর্ণনা করেছেন, তিনি বলেন : আমি এই ছাপ মারা অবস্থায় আনাসকে দেখেছি। (আল-ইসতী'য়াব : আল-ইসাবার পাখটিকা-১/৭২)

হাজ্জাজ ধারণা করেছিলেন, আনাস রাজনৈতিক বাতাস বুঝে কাজ করেন। তাই আনাসকে দেখেই তিনি বলে ওঠেন : ওহে খবীস! এটা একটা চালবাজি। আপনি যুখতার আস-সাকাফীর সাথেও থাকেন, আবার কখনও থাকেন ইবনুল আশ'য়াসের সাথে। আমি আপনাদের জন্য কঠোর শাস্তির ব্যবস্থা করে রেখেছি। এমন কঠিন যুহুতেও আনাস নিজেকে আয়ত্তে রাখেন। শাস্তিতাবে তিনি বলেন : আস্ত্রাহ আয়ীরকে সাহায্য করলুন। আপনার শাস্তি কার জন্য? বললেন : আপনার জন্য। হযরত আনাস চুপচাপ বাড়ি ফিরে এলেন এবং খলীফা 'আবদুল মালিকের নিকট হাজ্জাজের আচরণের বিবরণ দিয়ে একটি চিঠি পাঠিয়ে দিলেন। চিঠি পড়ে 'আবদুল মালিক রাগে ফেটে পড়লেন। সাথে সাথে তিনি হাজ্জাজকে দিখলেন, তুমি যুব তাড়াতাড়ি আনাসের বাড়ীতে গিয়ে ক্ষমা চাও, নইলে তোমার সাথে যুব খারাপ আচরণ করা হবে। খলীফার চিঠি পেয়ে হাজ্জাজ তাঁর পরিষদবর্গসহ আনাসের খিদমতে হাজির হয়ে ক্ষমা প্রার্থনা করেন। তিনি আনাসের নিকট আরও আবেদন জানান, তিনি যে হাজ্জাজকে ক্ষমা করেছেন, সেই কথা যেন খলীফাকে একটু জানিয়ে দেন। আনাস তাঁর আবেদন মন্তব্য করেন এবং সেই মর্মে একটি চিঠি দিমাশকে পাঠিয়ে দেন। মূলতঃ ফিত্না ও বিশৃঙ্খলার তয়ে আনাস এমন

কঠিন দৈর্ঘ্য অবলম্বন করেন। (তারীখে ইবন 'আসাকির-৩/১৪৮, আল-ফাতহর রাবানী মা'য়া  
বুলুগিল আমানী-২২/২০৫, হায়াতুস সাহাবা-২/৬৪৭, ৬৪৮)

হয়রত 'আবদুল্লাহ ইবন যুবাইরের (রা) কর্তৃত্বের সময় হয়রত আনাস কিছুদিনের জন্য  
বসরার ইমাম ছিলেন। খীফা ওয়ালীদ ইবন 'আবদিল মালিকের সময় তিনি একবার দিমাশকে  
যান। (তারীখে ইবন 'আসাকির-৩/১৩৯) তবে অন্য একটি বর্ণনা মতে তিনি প্রথমে দিমাশকে  
যান এবং সেখান থেকে বসরায় পৌছেন। (আল-আ'লাম-১/৩৬৫)

হয়রত আনাসের মৃত্যু সন ও মৃত্যুর সময় বয়স সম্পর্কে প্রচুর মতভেদ আছে। সর্বাধিক  
প্রসিদ্ধ মতে হিজরী ১৩ সনে মৃত্যুবরণ করেন এবং তখন তাঁর বয়স হয়েছিল এক শো বছরের  
উর্দ্ধে। কারণ, হিজরাতের পূর্বে তাঁর বয়স ছিল দশ বছর। (তাহজীবুল আসমা-১/১২৮, আল-  
আ'লাম-১/৩৬৫, তাজকিরাতুল হফ্ফাজ-১/৪৫, উসুদুল গাবা-১/১২৮) মৃত্যুর পূর্বে তিনি  
কয়েক মাস অসুস্থ অবস্থায় শয্যাশায়ী ছিলেন। দেখার জন্য তঙ্ক-অনুরক্তদের ভীড় লেগেই  
থাকতো। দূর থেকে দলে দলে মানুষ তাঁকে এক নজর দেখার জন্য আসতো। মৃত্যুর সময়  
ঘনিয়ে এলে তাঁর একান্ত শাগরিদ সাবিত নাবানীকে বলেন, আমার জিহবার নীচে রাসূলুল্লাহর  
(সা) একটি পবিত্র চুল রেখে দাও। পবিত্র চুল রাখা হলো। এ অবস্থায় শেষ নিঃশ্঵াস ত্যাগ  
করেন এবং সেই অবস্থায় দাফন করা হয়। রাসূলুল্লাহর (সা) একটি লাঠি ছিল তাঁর কাছে।  
মৃত্যুর পূর্বে লাঠিটি করে তাঁর সাথে দাফনের নির্দেশ দিয়ে যান। সে নির্দেশ পালন করা হয়।  
(উসুদুল গাবা-১/১২৮, আল-ইসাবা-১/৭১, আল-ইসতীয়াব-১/৭৩) ইবন কুতায়বা 'আল-  
মা'য়ারিফ' গ্রন্থে বলেন, বসরার তিন ব্যক্তির প্রত্যেকেই এক শো বছর জীবন পেয়েছিলেন।  
তাঁরা হলেন : আনাস ইবন মালিক, আবু বাকরাহ ও খীলফা ইবন বদর (রা)। (তাহজীবুল  
আসমা ওয়াল লুগাত-১/১২৮)

হয়রত আনাস ছিলেন দুনিয়া থেকে বিদায় গ্রহণকারী বসরার শেষ সাহাবী। সম্বতৎঃ  
একমাত্র আবৃত তুফাইল (রা) ছাড়া তখন পৃথিবীতে দ্বিতীয় কোন সাহাবী জীবিত ছিলেন না।  
(আল-ইসাবা-১/৭১, আল-আ'লাম-১/৩৬৫, আল-ইসতীয়াব-১/৭৩) আবশ্য আল্লামা জাহাবী 'তাজকিরাতুল হফ্ফাজ'- গ্রন্থে বলেন : 'কানা (আনাস) আখিরাস  
সাহাবাতি মাওতান' - আনাস মৃত্যুবরণকারী সর্বশেষ সাহাবী।' সাহাবীদের মধ্যে দুনিয়া থেকে  
তিনিই সর্বশেষ বিদায় নেন। (তাজকিরাতুল হফ্ফাজ-১/৪৪) হয়রত আনাস নিজেও শেষ  
জীবনে বলতেনঃ কিবলাতাইন বা দুই কিবলার দিকে মুখ করে নামায আদায করেছেন, এমন  
ব্যক্তিদের মধ্যে একমাত্র আমি ছাড়া এখন আর কেউ বেঁচে নেই। (তারীখে ইবন 'আসাকির-  
৩/১৪৫)

পরিবারের সদস্য, ছাত্র ও তঙ্কবৃন্দ ছাড়াও আশ-পাশের লোকেরা তাঁর জানায় শরীক  
হন। কৃতন ইবন মুদরিক আল-কিলাবী জানায় নামায পড়ান। বসরার উপকঠে 'তিফ' নামক  
স্থানে তাঁর বাসস্থানের পাশেই কবর দেওয়া হয়। (উসুদুল গাবা-১/১২৯)

হয়রত আনাসের মৃত্যুতে গোটা মুসলিম উম্যাহ দারুণ শোকাভিত্তি হয়ে পড়েছিল।  
বাস্তবেও তেমন হওয়ার কথা। কারণ, রাসূলুল্লাহর (সা) সাহাবীরা এক এক করে দুনিয়া থেকে  
বিদায় নিয়ে চলে গিয়েছিলেন। মাত্র দুই ব্যক্তি যাঁদেরকে দেখে মানুষ প্রশাস্তি লাভ করতো,  
তাঁদের একজন চলে গেলেন।

হয়রত আনাসের ইনতিকালের পর ‘মাওরিক’ নামক এক তাৰেষ্টি ব্যক্তি আফসোস কৱে বলেন : ‘আল-ইউয়াম জাহাবা নিসফুল ’ইলম- আজ অধেকে ’ইলম (জ্ঞান) চলে গেল।’ লোকেৱা প্ৰশ্ন কৱলো : তা কেমন কৱে ? বললেন : আমাৰ কাছে একজন প্ৰবৃত্তিৰ অনুস৾ৰী লোক আসতো। সে যখন হাদীসেৱ বিৱোধিতা কৱতো, আমি তাঁকে আনাসেৱ নিকট নিয়ে যেতাম। আনাস তাঁকে হাদীস শুনিয়ে নিশ্চিন্ত কৱতেন। এখন কাৰ কাছে যাৰ ? (তাহজীবুল আসমা ওয়াল লুগাত-১/১২৮, তাৱীথে ইবন 'আসাকিৰ-৩/১৪১)

আনসার সম্প্ৰদায়েৰ মধ্যে হয়রত আনাসেৱ সন্তান সন্ততিৰ সংখ্যা ছিল সব চেয়ে বেশী। আৱ এটা হয়েছিল হয়রত রাসূলে কাৱীমেৱ (সা) দু'আৱ বৱকতে। এ সম্পর্কে আনাস বলেন : একদিন রাসূল (সা) উম্মু সুলাইমেৱ (আনাসেৱ মা) বাড়ীতে এলেন। উম্মু সুলাইম খুৱামা ও ঘি খেতে দিলেন। কিন্তু রাসূল (সা) সে দিন সাওম পালন কৱছিলেন। তিনি বললেন : এগুলি নিয়ে যাও এবং খুৱামাৰ পাত্ৰে খুৱামা ও ঘিৱেৱে পাত্ৰে ঘি রেখে দাও। তাৱপৰ তিনি উঠে ঘৱেৱ এক কোণে গিয়ে দুই 'নাকা'য়াত নামায আদায কৱেন। আমৱাও তাঁৰ সাথে নামায আদায কৱলাম। তাৱপৰ তিনি উম্মু সুলাইম ও তাঁৰ পৱিবারেৱ কল্যাণ কামনা কৱে দু'আ কৱলেন। উম্মু সুলাইম 'আৱজ কৱলেন : ইয়া রাসূলুল্লাহ, আমাৰ কিছু বিশেষ নিবেদন আছে। তিনি জানতে চাইলেন : কী ? বললেন : এই আপনাৰ খাদিম আনাস। আনাস বলেন : তাৱপৰ রাসূল (সা) আমাৰ জন্য এমন দু'আ কৱলেন যে, দুনিয়া ও আধিৱাতেৰ কোন কল্যাণই বাদ দিলেন না। শেষেৱ দিকে তিনি বলেন : 'হে আল্লাহ আনাসেৱ ধন-সম্পদ ও সন্তান-সন্ততিতে সমৃদ্ধি দান কৱ এবং তাঁকে জানাতে প্ৰবেশ কৱাও।' আনাস বলতেন : রাসূলুল্লাহ (সা) যে তিনটি জিনিসেৱ জন্য দু'আ কৱেছিলেন, তাৱ দুইটি আমি পেয়ে গেছি এবং বাকী একটিৰ (জান্নাত) অপেক্ষায় আছি। আনাস আৱও বলতেন : 'আজ আনসারদেৱ মধ্যে আমাৰ চেয়ে বেশী সম্পদশালী ব্যক্তি আৱ কেউ নেই।' প্ৰতিহাসিকৱা বলছেন, রাসূলুল্লাহ (সা) এই দু'আৱ পূৰ্বে একটি মাত্ৰ আৰ্থিছ ছাড়া তিনি কোন সোনা বা রূপোৱ মালিক ছিলেন না। এভাৱে রাসূল (সা) আনাস ও তাঁৰ পৱিবারেৱ কল্যাণ চেয়ে বহুবাৰ দু'আ কৱেছেন। (আল-ফাতহৰ রাবানী- মা'য়া বুলুগিল আমানী-২২/২০৩, আল-ইসাবা-১/৭২, তাৱীথে ইবন 'আসাকিৰ-৩/১৪২, ১৪৩)

মৃত্যুকালে হয়রত আনাস মোট ৮২ (বিৱাশি) জন ছেলে মেয়ে-ৱেখে যান। তাৰেৱ মধ্যে ৮০ (আশি) জন ছেলে এবং হাফসা ও উম্মু 'আমৱ নামে দুই মেয়ে। তাছাড়া নাতি-নাতনীৰ সংখ্যা ছিল আৱও অনেক। (উসদুল গাবা-১/১২৮) খলীফা ইবন খাইয়্যাত বলেন : আনাস যখন মাৰা যান তখন তাঁৰ চাৱটি বাড়ী। একটি বসৱাৱ জামে মসজিদেৱ সামনে, একটি ইসতাফানুস গলিতে এবং একটি বসৱা থেকে দুই ফাৱসাখ দূৱে। তাছাড়া আৱও একটি বাড়ী ছিল। (তাৱীথে ইবন 'আসাকিৰ-৩/১৪১)

সন্তানদেৱ প্ৰতি ছিল হয়রত আনাসেৱ দারুণ স্নেহ-মমতা। সব সময় যে তিনি বাড়ীতে থাকতেন- এই স্নেহ-মমতাৰ প্ৰাৰ্বাল্যও তাৱ একটি কাৱণ। ছেলে-মেয়েদেৱ নিজেই শিক্ষা দিতেন। মেয়েদেৱও হালকায়ে দারাসে বসাৱ অনুমতি ছিল। তাঁৰ কয়েকটি ছেলে হাদীস শাস্ত্ৰেৱ শায়খ ও ইমাম রূপে স্বীকৃত হন। তাৰেষ্টেদেৱ তাৰকায় (শ্ৰণী) তাৰেকে সমানেৱ দৃষ্টিতে দেখা হয়। হয়রত আনাসই তাৰেকে গড়ে তোলেন।

হয়রত আনাস ছিলেন একজন দক্ষ তীৱ ন্দাজ। সন্তানদেৱও এৱ অনুশীলন কৱাতেন। ছেলেৱা

প্রথমে নিশানা ঠিক করে তীর ছুড়তো। তারা লক্ষ্যব্রষ্ট হলে তিনি ছুড়তেন এবং সঠিকভাবে তা লক্ষ্যভেদ করতো। তীর ছোড়ার অনুশীলনী সেই প্রাচীন জাহিলিয়াতের সময় থেকেই আনন্দার মধ্যে প্রচলিত ছিল। একথা তাবারী উল্লেখ করেছেন। (উসুদুল গাবা-১/১২৮)

হয়রত আনাসের পরিপূর্ণ ছলিয়া বা অবয়ব জানা যায় না। এতটুকু জানা যায় যে, তিনি মধ্যম আকৃতির সুদর্শন ব্যক্তি ছিলেন। চুল-দাঢ়িতে মেহেন্দীর খিয়াব লাগাতেন। হাতে সব সময় হলুদ বর্ণের ‘খালুক’ নামক এক রকম সুগন্ধি ব্যবহার করতেন। ‘উসুদুল গাবা’ গ্রন্থকার বলেন : সিংহের ছবি অঙ্কিত একটি আংটি হাতে পরতেন। বার্দ্ধক্যে সোনা দিয়ে দাঁত বেঁধেছিলেন। সুন্দর মিহি কাপড়ের পোশাক পরতেন। ছোট বেলায় মাথায় একটি জটা ছিল। রাসূল (সা) যখন মাথায় হাত দিতেন, সেই জটা স্পর্শ করতেন। পরে সেটি কেটে ফেলার ইচ্ছা করলে মা বলেন : রাসূল (সা) এটি স্পর্শ করেছেন, সূতরাং কেটো না। (উসুদুল গাবা-১/১২৭, ১২৮) মাথায় পাগড়ি বাঁধতেন।

তিনি ছিলেন দারুণ সৌখিন ও পরিচ্ছন্ন প্রকৃতির একজন মার্জিত ঝুঁটির মানুষ। দুনিয়ার বিশ্ব-বৈভাগ তাঁর অনুকূলে সাড়া দেয়। এ কারণে তাঁর জীবন ছিল অত্যন্ত জৌকজমকপূর্ণ। অতি যত্নে একটি উদ্যান তৈরী করেছিলেন, তাতে বছরে দুইবার ফল আসতো। সেখানে একটি ফুল ছিল যা মিশকের মত সুগন্ধি ছড়তো। (আল-ইসাবা-১/৭১)

তিনি বসরার দুই ফারসাখ (মাইল) দূরে ‘তিফ’ নামক স্থানে একটি বাড়ি বানিয়ে বসবাস করতেন। এতে বুবা যায়, নগর জীবনের চেয়ে পল্লীতে বাস করা বেশী পসন্দ করতেন। তালো খাবার খেতেন। খাবার তালিকায় সব সময় ঝুঁটি ও শুরবা থাকতো। তিনি উদার প্রকৃতির ছিলেন। আহারের সময় ছাত্র বা অন্য কেউ কাছে থাকলে, আহারে শরীক করাতেন। সকালে নাশতা করতেন এবং তিনি অথবা পাঁচটি খেজুর খেতেন। কথা খুব কম বলতেন। প্রয়োজন হলে কথা তিনিবার করে বলতেন। কারও বাড়ীতে চুক্কবার আগে তিনিবার অনুমতি চাইতেন। (মুসনাদ-৩/১২৮, ১৮০, ২২১, ২৩২) আত্মীয়-বন্ধুদের কেউ সাক্ষাৎ করতে এলে কিছু না কিছু খাবার তাদের সামনে উপস্থিত করতেন। একবার তিনি অসুস্থ হয়ে পড়লে কিছু লোক তাঁকে দেখতে আসে। তিনি দাসীকে ডেকে বললেন : ঝুঁটির সামান্য একটি টুকরো হলেও আমার বন্ধুদের জন্য নিয়ে এসো। কারণ, আমি রাসূলুল্লাহকে (সা) বলতে শুনেছি : উত্তম নৈতিকতা জারাতের কাজ। (হায়াতুস সাহাবা-২/১৮২)

তিনি অত্যন্ত বিনয়ী ও নমৃ প্রকৃতির ছিলেন। মানুষের সাথে উদারভাবে মিশতেন। ছাত্রদের সাথেও ছিলেন তীব্র আন্তরিক। প্রায়ই বলতেন : রাসূলুল্লাহ (সা) সময় আমরা বসা থাকতাম, তিনি আসতেন; কিন্তু তাঁর সম্মানে আমরা কেউই উঠে দৌড়াতাম না। অর্থ রাসূলুল্লাহ (সা) চেয়ে অধিকতর প্রিয় আমাদের আর কে হতে পারে? এর কারণ, রাসূল (সা) এ সব কৃত্রিমতা একটুও পসন্দ করতেন না।

সবরের শুণ্টি তাঁর মধ্যে পূর্ণমাত্রায় বিকশিত হয়েছিল। তিনি যে পর্যায়ের লোক ছিলেন, মুসলমানদের অস্তরে তার প্রতি যে ভক্তি ও শ্রদ্ধা ছিল, হয়রত রাসূলে কারীম (সা) তাঁর যে মর্যাদার কথা বলেছেন এবং খোদ রাসূলুল্লাহ (সা) যে নৈকট্য তিনি লাভ করেছিলেন তাতে প্রতিটি মানুষ তাঁকে সম্মান, শ্রদ্ধা ও তালোবাসার দৃষ্টিতে দেখতো। তাঁর ছাত্র প্রখ্যাত তাবেদে সাবিত নাবানী ভক্তি ও শ্রদ্ধার আতিশয়ে হয়রত আনাসের দুই চোখের মাঝখানে চুম্ব দিতেন।

একবার আনাস আবুল 'আলিয়াকে একটি সেব দিলেন। সেবটি হাতে নিয়ে তিনি শুকতে, চুম্ব খেতে ও মুখে ঘষতে লাগলেন। তারপর বললেন : এই সেবে এমন হাতের স্পর্শ লেগেছে যে হাত রাসূলের(সা)পবিত্র হাত স্পর্শ করেছে।(তারীখে ইবন'আসাকির-৩/১৪৮) কিন্তু এতকিছু সহেও উমাইয়া শাসকদের অনেকের কাছে এর কোন গুরুত্বই ছিল না। এসব বেচ্ছাচারী দুষ্টমতিদের নেতা ছিলেন হাজ্জাজ ইবন ইউসুফ। তাঁর উদ্ভৃতপূর্ণ আচরণের কথা পূর্বেই বলা হয়েছে। হ্যরত আনাস তখন চরম ধৈর্য অবলম্বন করেন। তিনি ছাড়া অন্য কারও সাথে এমন আচরণ করা হলে বসরায় আগুন জ্বলে যেত। তিনি কোন নীতি অবলম্বন করে এত ধৈর্য ধারণ করতেন? এর একটা ইঙ্গিত পাওয়া যায় তাঁর নিজের কথার মধ্যে। তিনি বলতেন : মুহাম্মাদের (সা) বিশিষ্ট সাহাবীরা আমাদেরকে বলেছেন : তোমরা তোমাদের আমীরদেরকে গালাগালি করবেন, তাঁদেরকে ধোকা দেবে না এবং তাঁদের অবাধ্য হবে না। আল্লাহকে ভয় করবে ও ধৈর্য ধারণ করবে। (হায়াতুস সাহাবা-২/৭২)

ছেলেবেলা থেকেই তিনি ছিলেন ভয়-ডর শূন্য দুঃসাহসী। খুব দৌড়াতে পারতেন। একবার 'মারমজ জাহারান' নামক স্থানে একটি খরগোশ তাঢ়া করে ধরে ফেলেন। অথচ তাঁর সমবয়সী ছেলেরা খরগোশটির পিছনে ধাওয়া করে ফিরে আসে। বড় হয়ে নিপুণ অশারোহী ও দক্ষ তীরন্দাজ হন।

হাদীস বর্ণনাকারী সাহাবীদের সংখ্যা বিপুল। তাঁদের মধ্যে আবার এমন একদল আছেন যাঁরা বর্ণনার ক্ষেত্রে মূল ভিত্তি বলে বিবেচিত। আনাস ছিলেন এই দলেরই একজন। তাঁর বর্ণনা সমূহ বিশ্লেষণ করলে নীচের মূলনীতিগুলি পাওয়া যায় :

১. হাদীস বর্ণনার ক্ষেত্রে দারণ সতর্কতা অবলম্বন। মুসনাদে আহমাদ গ্রন্থে এসেছে : 'আনাস ইবন মালিক হাদীস বর্ণনার সময় ভীত হয়ে পড়তেন। বর্ণনার শেষে বলতেন : এই রকম অথবা এই যেমনটি রাসূল (সা) বলেছেন' মুহাদ্দিসগণ হাদীস বর্ণনার শেষে যে বলে থাকেন- 'আও কামা কালা-অথবা যেমন তিনি বলেছেন'- এবং আজকের যুগ পর্যন্ত যে ধারাটি অব্যাহত রয়েছে, তার প্রচলন হ্যরত আনাস থেকে। (তারীখে ইবন 'আসাকির-৩/১৪৮)
২. যে হাদীস বুঝতে ভুল হওয়ার সম্ভাবনা থাকতো, তিনি তা বর্ণনা করেননি।
৩. যে সকল হাদীস তিনি সাহাবীদের নিকট থেকে এবং যেগুলি খোদ রাসূলুল্লাহর (সা) মুখ থেকে শুনেছিলেন এই দুই প্রকারের মধ্যে পার্থক্য করেছিলেন।

প্রকৃতপক্ষে কোন জ্ঞানের সেবা বা যিদমাত হলো সেই জ্ঞানের প্রচার ও প্রসার ঘটানো, হ্যরত আনাস এ ক্ষেত্রে কোন সাহাবী থেকে পিছিয়ে ছিলেন না। সারাটি জীবন তিনি অভিনবেশ সহকারে ইলমে হাদীসের প্রচার-প্রসারে অতিবাহিত করেন। তিনি হাদীস শিক্ষা দানের আওতা থেকে কক্ষণও বাইরে যাননি। যে যুগে তাঁর সমসাময়িক সাহাবা যুদ্ধ-বিগ্রহে ব্যস্ত ছিলেন তখনও রাসূলুল্লাহর (সা) এই খাদিম দুনিয়া থেকে সম্পূর্ণ পৃথক হয়ে বসরার জামে মসজিদে বসে মানুষকে হাদীস শোনাতেন।

তাঁর জ্ঞানের প্রসারতা তাঁর শাগরিদের সংখ্যা দ্বারাই অনুমান করা যায়। তাঁর হালকায়ে দারসে মুক্তি, মদীনা, কৃষ্ণা, বসরা, সিরিয়াসহ বিভিন্ন অঞ্চলের ছাত্রের সমাবেশ ঘটতো। তাঁর স্তোত্র সংখ্যার মত ছাত্র সংখ্যাও অগণিত। হ্যরত আনাস হ্যরত রাসূলে কারীম (সা) থেকে

এবং বিশিষ্ট সাহাবীদের নিকট থেকেও হাদীস বর্ণনা করেছেন। প্রায় এক শো রাবী তাঁর থেকে হাদীস বর্ণনা করেছেন। তাঁর বর্ণিত হাদীসের সংখ্যা মোট ২২৮৬ (দুই হাজার দুই শো ছিয়াশি)। মুত্তাফাক আলাইহি-১৮০, বুখারী এককভাবে ৮০ এবং মুসলিম এককভাবে ৭০টি হাদীস বর্ণনা করেছেন। তাঁর ছেলে এবং নাতীদের থেকেও বহু হাদীস বর্ণিত হয়েছে। বসরার বিখ্যাত মুহাদিস আবু 'উমাইর 'আবদুল কাবীর ইবন মুহাম্মদ ইবন আবদুল্লাহ ইবন হাফ্স ইবন হিশাম (২৯১ হিঃ) তাঁরই বংশধর। (দায়িরা-ই-ম'য়ারিফ ইসলামিয়া-৩/৪০১) অবশ্য তাঁর বর্ণিত মুত্তাফাক আলাইহি হাদীসের ব্যাপারে মতভেদ আছে। কেউ বলেছেন-১৬৮, আবার কেউ বলেছেন-১২৮। (তাজকিরাতুল হফ্ফাজ-১/৪৫, তাহজীবুল আসমা-১/১২৭)

হ্যরত আনাস প্রথমতঃ রাসূলে পাকের (সা) সাহচর্যে থেকে ইন্দ্র হাসিল করেন। রাসূলের (সা) ওফাতের পর যে সকল সাহাবীর নিকট থেকে হাদীস শোনেন তারা হলেন : উবাই ইবন কা'ব, 'আবদুর রহমান ইবন 'আউফ, 'আবদুল্লাহ ইবন মাস'উদ, আবু জার, আবু তালহা, মু'য়াজ ইবন জাবাল, 'উবাদাহ ইবনুস সামিত, 'আবদুল্লাহ ইবন রাওয়াহা, সাবিত ইবন কায়েস, মালিক ইবন সা'সা', উম্মু সুলাইম (তাঁর মা), উম্মু হারাম (তাঁর খালা), উম্মুল ফাদল (হ্যরত 'আব্রাসের স্ত্রী), আবু বকর, 'উমার, 'উসমান (রা) প্রমুখ। (তাজকিরাতুল হফ্ফাজ-১/৪৪)

হ্যরত আনাসের ছাত্র ও শাগরিদদের নামের তালিকা অনেক দীর্ঘ। তাঁর মধ্যে হাদীস শাস্ত্রে যাঁরা বিশেষজ্ঞ খ্যাতি অর্জন করেছেন এখানে তাঁদের কয়েক জনের নাম উল্লেখ করা গেল : হাসান বসরী, ইবন শিহাব যুহুরী, সুলাইমান তায়মী, আবু কিলাবা, ইসহাক ইবন আবী তালহা, আবু বকর ইবন 'আবদিল্লাহ মুয়ানী, কাতাদাহ, সাবিত নাবানী, হুমাইদ আতত্বাবীল, সুমামাহ ইবন 'আবদিল্লাহ, (আনাসের পৌত্র) জা'দ, আবু 'উসমান, মুহাম্মদ ইবন সীরীন আনসারী, আনাস ইবন সীরীন আযহারী, ইয়াহইয়া ইবন সা'ঈদ আনসারী, রাবী'য়াতুর রায়, সা'ঈদ ইবন জুবাইর এবং সুলাইমান ওয়ারদান রাহিমাহমুল্লাহ। (তাজকিরাতুল হফ্ফাজ-১/৪৫)

ইন্দ্রে হাদীসের মত ফিকাহ শাস্ত্রেও হ্যরত আনাসের পাতিত্য ছিল। ফকীহ সাহাবীদেরকে তিনটি তাবকা বা স্তরে ভাগ করা হয়। আনাসের স্থান দ্বিতীয় স্তরে। তাঁর ইজতিহাদ ও ফাতওয়াসমূহ সংকলিত হলে একটি বৃত্ত পুস্তকের রূপ লাভ করতে পারে। হ্যরত 'উমার (রা) ফকীহ সাহাবীদের একটি দলের সাথে তাঁকে বসরায় পাঠান। ফিকাহ শাস্ত্রে তাঁর বিশেষজ্ঞ হওয়ার জন্য এর চেয়ে বড় প্রমাণ আর কি হতে পারে?

সাহাবীদের যুগে শিক্ষাদান সাধারণতঃ হালকা-ই-দারসের মধ্যেই সীমিত ছিল। হ্যরত আনাসও এই হালকার পদ্ধতিতেই দারস দিতেন। কোন ছাত্র প্রশ্ন করলে তিনি জবাব দিতেন। তাঁর দারসের এ ধরনের সাওয়াল-জাওয়াবের একটি সংকলন আছে। এখানে কয়েকটি মাসযালা উদ্ধৃত হলো যার মাধ্যমে তাঁর ইজতিহাদ পদ্ধতি, সূচ্ছদৃষ্টি, স্বচ্ছ বোধশক্তি, সঠিক সিদ্ধান্ত ইত্যাদির একটা ধারণা লাভ করা যেতে পারে।

বিশেষ কয়েকটি বরতনে নাবীজ (আংগুর বা খেজুরের রস) পান করা মাকরুহ। এ ব্যাপারে সাহাবায়ে কিমাম একমত। হ্যরত আনাস স্পষ্ট করে তার কারণগুলির প্রতি ইঙ্গিত করেছেন।

একবার কাতাদাহ জিজ্ঞেস করলেন, ঘড়া বা কলসে কি নাবীজ বানানো যায়? আনাস ১৯৪ আসহাবে রাসূলের জীবনকথা

বললেন : যদিও রাসূলে কারীম (সা) এ সম্পর্কে কোন মত প্রকাশ করে যাননি, তবুও আমি মাকরহ মনে করি। কারণ, যে জিনিসের হারাম বা হালাল হওয়া সম্পর্কে সন্দেহ আছে, তাতে হারাম হওয়ার দিকটিই প্রাধান্য পাবে।

একবার মুখ্যতার ইবন ফিলফিল জানতে চাইলেন, কোনু কোনু পাত্রে নাবীজ পান করা উচিত নয়? বললেন, যাতে নেশা হয় তা সবই হারাম। মুখ্যতার বললেন, কাঁচ অথবা আলকাতরার পাত্রে কি পান করা যায়? বললেন : হ্যাঁ। আবার প্রশ্ন করা হলো : মানুষ যে মাকরহ মনে করে? বললেন : যাতে সন্দেহ হয় তা পরিহার কর। তারপর একটা গুরুত্বপূর্ণ প্রশ্ন করা হলো : নেশা হয় এমন জিনিস তো হারাম; কিন্তু এক দুই ঢেক পানে আপত্তি কি? আনাস বললেন : যে জিনিসের বেশী পরিমাণ নেশা সৃষ্টি করে তার অরূপ পরিমাণও হারাম। দেখ-আঁগুর, খুরমা, গম, যব ইত্যাদি থেকে মদ তৈরী হয়। তার মধ্যে যে জিনিসে নেশা সৃষ্টি হয় তা মদ হয়ে যায়।

হ্যরত আনাস যদিও সুন্দরভাবে এই মাসহালাটি বর্ণনা করেছেন; তবুও এর আরও একটু ব্যাখ্যা প্রয়োজন। হ্যরত রাসূলে কারীম (সা) পান ও পানীয় সম্পর্কে যে বিধি-বিধান দান করেছেন সংক্ষেপে তা নিম্নরূপ :

১. প্রত্যেক শরাব বা পানীয় যা নেশা সৃষ্টি করে তা হারাম। সাহীহাইনে হ্যরত 'আয়শা (রা) থেকে এ হাদীস বর্ণিত হয়েছে।
২. প্রত্যেক নেশা সৃষ্টিকারী বস্তুই খমর এবং প্রত্যেক খমর (মদ) হারাম। ইবন 'উমার (রা) থেকে সাহীহ মুসলিমে হাদীসটি বর্ণিত হয়েছে।
৩. 'যে সব জিনিসের বেশী পান করলে নেশা হয় তার অরূপ একটুও হারাম।' (সুনান ইবন 'উমার)। এর মধ্যে প্রথম হাদীসটির মর্ম হলো, যে সকল পানীয়ের মধ্যে নেশা বা মাদকতা এসে যায় তা হারাম। দ্বিতীয়টির অর্থ হলো, প্রত্যেক নেশা সৃষ্টিকারী বস্তুই খমর, আর প্রত্যেক খমরই হারাম। সুতরাং সিদ্ধান্ত এই দাঁড়ায়; প্রত্যেক নেশা সৃষ্টিকারী বস্তুই হারাম। তৃতীয়টির অর্থ হলো : যে সব জিনিসের বেশী পান করলে নেশা হয় তার অরূপ একটুও হারাম। হ্যরত আনাস (রা) তাঁর উপরোক্ত জবাবে এই কথাটিই বলেছেন।

এখন প্রশ্ন হলো বিশেষ কয়েকটি পাত্রে নাবীজ পান করতে নিষেধ করা হয়েছে কেন? এর প্রকৃত রহস্য এই যে, আধুনিক বিশ্ব মদ তৈরী ও সংরক্ষণের জন্য সুন্দর কাঁচের যে সব পাত্র আবিষ্কার করেছে, তৎকালীন আরবে তা ছিলনা। সেখানে সাধারণভাবে লাট-এর খোল ও সুরাই বোতলের কাজ দিত। অথবা এ জাতীয় আরও কয়েকটি পাত্র ছিল যা প্রাকৃতিক ফল শুকিয়ে ও সাফ করে মদের কাজে ব্যবহার করা হতো। ঐ সব পাত্রে মদ রাখলে বাতাবিকভাবেই তাতে মদের ক্রিয়া পড়তো, আর তা ধোয়ার পরেও দূর হতো না। ইসলামের প্রথম যুগে যখন মদ হারাম হয় তখন এইসব পাত্রের ব্যবহার হারাম হওয়ার প্রকৃত রহস্য এটাই। অবশ্য পরবর্তীকালে এ জাতীয় পাত্র যাতে মদ রাখা হয়নি, তার ব্যবহার জায়েয হতে পারে। কিন্তু হিজরী প্রথম শতকের ইমানী চেতনায় উজ্জীবিত মুসলমানরা ধারণা করে যে, ঐ সব পাত্র ব্যবহার করলে শরাব পানের কথা নতুন করে ঘান্ধের ঘরণ হতে পারে।

একবার এক ব্যক্তি হ্যরত আনাসকে প্রশ্ন করলো : রাসূল (সা) কি জুতো পরে নামায

আদায় করতেন ? বললেন : হ্যাঁ। জুতো পরে নামায আদায় করা যায়। তবে শর্ত হলো, পাক হতে হবে, নাজাসাত থেকে পরিষ্কার হতে হবে। কেউ নতুন জুতো পরে নামায পড়লে ক্ষতি নেই।

একবার ইয়াহইয়া ইবন ইয়ায়ীদ হালায়ী প্রশ্ন করলেন : নামাযে কখন কসর করা উচিত ? বললেন : আমি যখন কুফা যেতাম, তখন কসর করতাম। আর রাসূল (সা) তিন মাইল বা তিন ফারসাখ পথ চলার পর কসর করেছিলেন। হযরত আনাসের কথার অর্থ এই নয় যে, তিন মাইল সফর করলেই কসর করতে হবে। বরং প্রকৃত ঘটনা হলো, রাসূল (সা) মক্কার উদ্দেশ্যে বের হয়ে পথে সর্বপ্রথম জুলহলায়ফা নামক স্থানে যাত্রা বিরতি করেন। সাহীহ বর্ণনা মতে, তা মদীনা থেকে তিন মাইল দূরে অবস্থিত। আর এ জন্যই তিনি সেখানে কসর আদায় করেন।

মুখ্যতার ইবন ফিলফিল একবার প্রশ্ন করলেন : অসুস্থ ব্যক্তি কিভাবে নামায আদায় করবে ? আনাস বললেন : বসে বসে।

'আবদুর রহমান ইবন দারদান এবং তাঁর সাথে আরও কিছু লোক মদীনায় আনাসের কাছে আসলেন। আনাস জিজ্ঞেস করলেন : তোমরা কি 'আসরের নামায আদায় করেছ ? তাঁরা বললেন : হ্যাঁ। তাঁরা পাঁচ প্রশ্ন করলো : রাসূল (সা) 'আসরের নামায পড়তেন কোন সময় ? বললেন : সূর্য তখনও উজ্জ্বল ও উপরে থাকতো।

একবার তিনি একটি জানায়ার নামায পড়ালেন। জানায়াটি ছিল পুরুষের। এজন মাইয়েতের মাথা বরাবর দাঁড়ালেন। একবার এক মহিলার জানায়া আনা হলো। এবার তিনি কোমর সোজা দাঁড়ালেন। 'আলা ইবন যিয়াদ' আলাদানীও সেই নামাযে উপস্থিত ছিলেন। তিনি দুইটি জানায়ায় দুই রকম দাঁড়ানোর কারণ জানতে চাইলেন। আনাস বললেন : রাসূল (সা) এমনটিই করতেন। 'আলা' সমবেত লোকদের বললেন : শুহে, তোমরা কথাটি মনে রেখ।

একবার এক ব্যক্তি প্রশ্ন করলো : হযরত 'উমার (রা)' রুক্কু'র পরে কুনুত পড়েছিলেন ? বললেন : হ্যাঁ। রাসূল (সা) ও পড়েছিলেন। তবে এটা হযরত আনাসের নিজের মতামত। কারণ, সাহীহ হাদীস দ্বারা একথা প্রমাণিত যে, রাসূল (সা) এবং সাধারণতাবে প্রায় সকল সাহাবা 'বিতর' নামাযে রুক্কু'র পূর্বে কুনুত পড়তেন। এই মাসয়ালায় ইমাম শাফে'ঈ হযরত আনাসের অনুসূরী। তিনি নিজের মতের স্বপক্ষে প্রমাণ হিসেবে একটি হাদীস গ্রহণ করেছেন। হাদীসটি হলো, হযরত 'আলাদানীও রুক্কু'র পরে কুনুত পড়তেন। কিন্তু হাদীসটি মুনকাতা'ও দুর্বল সনদ বিশিষ্ট।

তাছাড়া ইবন মুনজির 'আল-আশরাফ' গ্রন্থে লিখেছেন, আনাস এবং অমুক অমুক সাহাবী থেকে বর্ণিত যে সকল হাদীস আমার কাছে পৌছেছে, তার প্রত্যেকটিতে রুক্কু'র পূর্বে কুনুত পড়ার কথা এসেছে। আর এটাই সঠিক। কারণ, সাহীহ মুসলিম গ্রন্থে আনাস থেকে যে সকল রিওয়ায়াত এসেছে তাতে এই মাসয়ালার স্পষ্ট ব্যাখ্যা পাওয়া যায়। 'আসিম হযরত আনাসকে জিজ্ঞেস করলেন : কুনুত রুক্কু'র পূর্বে না পরে পড়া উচিত ? বললেন : রুক্কু'র পূর্বে।' আসিম বললেন : মানুষের তো ধারণা রাসূল (সা) রুক্কু'র পরে পড়তেন। আনাস বললেন : সে একটা সাময়িক ঘটনা। কয়েকটি গোত্র মুরতাদ হয়ে যায় এবং বেশ কিছু সাহাবাকে হত্যা করে। এজন্য হযরত রাসূলে কারীম (সা) একমাস রুক্কু'র পরে কুনুত পড়ে তাদের ওপর বদ দু'আ করেছিলেন। (মুসনাদে আহমাদ- ৩/১০০, ১১২, ১১৮, ১২৬, ১২৯, ২০৪, ২০৯)

উল্লেখিত আলোচনা থেকে আমরা দেখতে পেলাম হয়রত আনাস কেমন সঠিক সিদ্ধান্তের অধিকারী ছিলেন। তাঁর ইজতিহাদী মাস্যালার বিশেষ বৈশিষ্ট্য এই যে, তা অন্যান্য সাহাবার ইজতিহাদের সাথে অধিকাংশ ক্ষেত্রে সামঞ্জস্যপূর্ণ। এজন্য তা সঠিক। (দ্রঃ সীয়ারে আনসার-১/১৩৭-১৪২)

হয়রত আনাসের চারটি বিশেষ বৈশিষ্ট্য তাঁর চারিত্রিক সৌন্দর্যকে আরও শোভা দান করেছিল, হবে রাসূল, ইতেবা-ই-সুনাত, আমর বিল মা'রফ ও হক কথা বলা- এগুলিই হলো সেই বৈশিষ্ট্য। হয়রত রাসূলে কারীমের (সা) প্রতি তাঁর ভালোবাসার চিত্র তো আমরা তুলে ধরেছি। তিনি যখন মাত্র দশ বছরের এক অবুবা বালক তখনই রাসূলের (সা) প্রতি এত গভীর মুহারিত যে, প্রতিদিন প্রত্যুমে রাসূলের (সা) দীদার লাভে তাঁর চোখ দৃষ্টি ধন্য হতো। সেই সুবহে সাদিকের পূর্বে রাতের অন্ধকারে উম্মু সুলাইমের এই ছেলে শয়া ত্যাগ করে তাঁর হাবীবের অঙ্গুর পানির বন্দোবস্ত করার জন্য ঘসজিদে নববীর পথ ধরতেন। যৌবনে তাঁর এই ভালোবাসার কোন সীমা ছিল না। রাসূলুল্লাহর (সা) একটিমাত্র দৃষ্টি আনাসের জন্য চরম আনন্দ ও প্রশাস্তি বয়ে নিয়ে আসতো। রাসূলুল্লাহর (সা) ওফাতের পর যদিও তিনি বাহ্যতঃ তাঁর দীদার থেকে বঞ্চিত হন, তবুও প্রায়ই স্বপ্নে তাঁর দীদার লাভে ধন্য হতেন। সকালে ঘূম থেকে উঠে কাঁদতে মানুষের কাছে সেই অভিজ্ঞতা বর্ণনা করতেন। রাসূলুল্লাহর (সা) কথা যখন তিনি শ্রবণ করতেন তখন বড় অস্ত্রিং ও কাতর হয়ে পড়তেন। একদিন রাসূলুল্লাহর (সা) চেহারা মুবারক ও দৈহিক গঠনের বর্ণনা দিতে গিয়ে তিনি আবেগ আপৃত হয়ে পড়েন। তখন শুধু উদাস চাহিনিতে রাসূলুল্লাহর (সা) জীবদ্ধশার সেই সৌভাগ্যে ডরা দিনগুলির কথা শ্রবণ করতে লাগলেন। তিনি যখন রাসূলুল্লাহর (সা) শিদমতের কথা বলতেন, তখন দেখা যেত অকর্খাং তাঁর মধ্যে ভাবাস্তুর ঘটে গেছে। অবলীলাকৃত্যে মুখ থেকে বেরিয়ে পড়েছেঃ কিয়ামতের দিন আমি যখন রাসূলুল্লাহর (সা) সামনে উপস্থিত হবো তখন বলবো, ইয়া রাসূলুল্লাহ। আপনার সেই নিকৃষ্ট খাদিম আনাস উপস্থিতি।

হয়রত আনাসের প্রতিটি মজলিস হয়রত রাসূলে কারীমের (সা) ঘটনাবলী শরণে ভরপূর থাকতো। নবুওয়াতের সময়কালের ঘটনাবলী ছাত্র ও ভক্তদের কাছে বর্ণনা করতেন। এই বর্ণনার মধ্যেই অন্তরে একটা প্রচন্ড ব্যথা অনুভব করতেন এবং তাতে তিনি অস্ত্রিং হয়ে পড়তেন। তিনি বাড়ী ফিরে যেতেন এবং রাসূলুল্লাহর (সা) যে সকল জিনিস তাঁর কাছে ছিল তা বের করে বার বার দেখতেন এবং মনকে প্রাস্তুনা দিতেন। তাঁর ছাত্রদের সকলের মধ্যে এই রাসূল-প্রেমের প্রতাব পড়েছিল। সাবিত ছিলেন হয়রত আনাসের অন্যতম ছাত্র। তিনি একেবারেই উস্তাদের রংগে রংগিত ছিলেন। তিনি উস্তাদের নিকট সব সময় নবুওয়াতী যুগ সম্পর্কে প্রশ্ন করতেন। একদিন প্রশ্ন করলেন, আপনি কি হয়রতের পবিত্র হাত স্পর্শ করেছেন? আনাস বললেন : হ্যাঁ। অথবা তিনি বললেন : রাসূলুল্লাহর (সা) হাত অপেক্ষা অধিকতর কোমল হাত আর কক্ষণও স্পর্শ করিনি। (আনসাবুল আশরাফ-১/৪৬৪) একথা শুনে সাবিতের অন্তরে প্রেমের আগুন জ্বলে উঠলো। তিনি উস্তাদকে বললেন : আপনার হাতটি একটু বাড়িয়ে দিন, একটু চুম্ব দিই।

প্রকৃত ভালোবাসার দাবী হলো গ্রিয়জনের প্রতিটি জিনিস ও আচরণই পছন্দ করা। হয়রত আনাস তা করতেন। তাঁর জীবনের অসংখ্য ঘটনাও একথা প্রমাণ করে। আনাস বলেন :

একবার এক দর্জি রাসূলকে (সা) আহারের দাঁওয়াত দিল। আমিও সাথে গেলাম। যবের রূপটি এবং শুকনো গোশত ও লাটু-এর তরকারি উপস্থিত করা হলো। আমি দেখলাম, রাসূল (সা) বেছে বেছে লাটু খাচ্ছেন। সেইদিন থেকে আমি লাটু থেতে ভালোবাসি। (হায়াতুস-সাহাবা-২/১৯০)

আনাস বলেন, একবার এক বাস্তি রাসূলুল্লাহকে (সা) জিজ্ঞেস করলো : কিয়ামত কখন হবে? তিনি পাঁচটা প্রশ্ন করলেন : তুমি তার জন্য কি প্রস্তুতি নিয়েছ? লোকটি বললো : কিছুই না। তবে আগ্রাহ ও তাঁর রাসূলকে মৃহাবৃত করি। রাসূল (সা) বললেন : তুমি যাদের ভালোবাস তাদের সাথেই থাকবে। আনাস বলেন : সেদিন রাসূলুল্লাহর (সা) এ কথায় আমরা দারুণ খুশি হয়েছিলাম। আমি—নবী (সা), আবু বকর ও 'উমারকে ভালোবাসি এবং আশা করি এই ভালোবাসার বিনিময়ে আমি তাঁদের সাথেই থাকবো। (হায়াতুস সাহাবা-২/৩১৮)

কালিমা তাওহুদীদের পর ইসলামের সবচেয়ে গুরুত্বপূর্ণ রূপকল নামায। হ্যরত রাসূলে কারীম (সা) যে 'খুশ'-'খুদু' (ভয় ও বিনয়) ও আদবের সাথে নামায আদায় করতেন সাহাবীরাও সেই পক্ষতি অনুসরণের চেষ্টা করতেন। বল্কি সাহাবীর নামায তো ছিল আয় রাসূলে পাকের (সা) নামাযের কাছাকাছি। তবে রাসূলুল্লাহর (সা) নামাযের সাথে আনাসের নামাযের সাদৃশ্য ছিল বিশেষ বৈশিষ্ট্য প্রতিষ্ঠিত। একবার তো হ্যরত আবু হুরাইরা (রা) আনাসকে (রা) নামায পড়তে দেখে বলেছিলেন, আমি ইবন উমে সুলাইমের (আনাস) নামায অপেক্ষ রাসূলুল্লাহর (সা) নামাযের সাথে অধিকতর সাদৃশ্যপূর্ণ আর কারণও নামায দেখিনি।

নামায ছাড়াও রাসূলুল্লাহর (সা) প্রতিটি কথা ও কাজ সাহাবায়ে কিরামের সামনে ছিল। হ্যরত আনাস দশ বছর যাবত রাসূলুল্লাহর (সা) সার্বক্ষণিক খাদেম ছিলেন। এই সময় কালে রাসূলুল্লাহর (সা) কোন কাজ আনাসের নিকট গোপন থাকতে পারে না। রাসূল (সা) যা কিছু বলতেন অথবা 'আমলের মাধ্যমে যা প্রতিষ্ঠিত করতেন তাঁর সবই আনাস শৃঙ্খিতে ধরে রাখতেন এবং সেই অনুযায়ী 'আমল করতেন। একবার খলিফার আমন্ত্রণে তিনি দিমাশকে গেলেন। ফেরার পথে 'আইনুত তামার' নামক স্থানে যাত্রা বিরতির ইচ্ছা করলেন। ছাত্র ও ভক্তদের কাছে সে খবর পৌছে গেল। তারা নির্ধারিত দিনে উক্ত স্থানে সমবেত হলো, লোকালয়ের বাইরে একটি বিস্তীর্ণ ময়দানের মধ্য দিয়ে তাঁর উট এগিয়ে আসছিল। তখন ছিল নামাযের সময়। লোকেরা দেখলো, তিনি উটের পিঠে নামায়রত; কিন্তু উটটি কিবলামুখী নয়। ছাত্ররা বিশ্বয়ের সুরে প্রশ্ন করলেন : আপনি এ কেমনভাবে নামায আদায় করছিলেন? হ্যরত আনাস বললেন : আমি যদি রাসূলুল্লাহকে (সা) এভাবে নামায আদায় করতে না দেখতাম, কক্ষণও আদায় করতাম না।

একবার ইবরাহীম ইবন রাবীয়া' হ্যরত আনাসের নিকট আসলেন। হ্যরত আনাস একখানা কাপড়ের একপাশ পরে অন্য পাশ গায়ে জড়িয়ে নামাযে মশগুল ছিলেন। নামায শেষ হলে ইবরাহীম জিজ্ঞেস করলেন : আপনি এভাবে এক কাপড়ে নামায পড়েন? আনাস বললেন : হ্যা, আমি এভাবে রাসূলকে (সা) নামায পড়তে দেখেছিলাম। উল্লেখ্য যে, হ্যরত রাসূলে কারীম (সা) জীবনের সর্বশেষ নামায- যে নামায হ্যরত আবু বকরের (রা) পিছনে পড়েছিলেন, তা এক কাপড়েই ছিল। (মুসলাদ - ৩/১৫৯)

হয়েরত রাসূলে কারীমের (সা) পবিত্র জীবনের প্রতিটি আচরণ ও পদক্ষেপ ছিল হয়েরত আনাসের জীবন পথের দিশারী। ফরজ ছাড়াও ওয়াজিব ও সুরাত সমূহেও রাসূলুল্লাহ (সা) ছিলেন তাঁর আদর্শ। তিনি ছোট-বড় সকলকে সালাম করতেন। সব সময় অঙ্গু অবস্থায় থাকতেন। তিনি বলতেন, আমাকে রাসূল (সা) বলেছেন : আনাস, তুমি যখন ঘর থেকে বের হবে, তারপর যার সাথে দেখা হবে, সকলকে সালাম করবে। এতে তোমার নেকী বা মুহাবত বৃদ্ধি পাবে। আর সম্ভব হলে সব সময় অঙ্গু অবস্থায় থাকবে। কারণ, তুমি জান না তোমার মৃত্যু কখন আসবে। (আনসাবুল আশরাফ-১/৪৬৪)

প্রত্যেক সচল ব্যক্তির জন্য কুরবানী প্রয়োজন। হয়েরত আনাস ছিলেন একজন বিস্তৃশালী রয়িস বা নেতা। যতগুলি জানোয়ার ইচ্ছা, কুরবানী করতে পারতেন। কিন্তু ‘খায়রুল কুরুন’- সর্বোত্তম যুগের লোকদের নিকট নাম-কামের চেয়ে রাসূলের (সা) পায়রুম্বী ও অনুসরণ ছিল সব কিছুর উর্ধ্বে। সে যুগের লোকেরা খ্যাতির জন্য নয়; বরং সাওয়াবের জন্যই কুরবানী করতেন। হয়েরত রাসূলে কারীম (সা) দুইটি পশু কুরবানী করতেন, এই জন্য হয়েরত আনাসও দুইটিই করতেন।

উমাইয়া শাসন আমলে হয়েরত ‘উমার ইবন ‘আবদিল ‘আবীয (র) যুবরাজ থাকাকালে একবার মদীনার গর্তন ছিলেন। যেহেতু শাহী খানানের সদস্য ছিলেন, এ কারণে জাতীয় জীবনের অনেক কিছুই তাঁর জানা ছিল না। সে যুগের প্রচলন অনুযায়ী নিজেই নামাযের ইমামতি করতেন এবং মাঝে মধ্যে কিছু ভুল-ক্রটিও হয়ে যেত। হয়েরত আনাস প্রায়ই তাঁর ভুল ধরিয়ে দিতেন। তিনি একবার হয়েরত আনাসকে বললেন, আপনি এভাবে আমার বিরোধিতা করেন কেন? হয়েরত আনাস বললেন : আমি যেতাবে রাসূলুল্লাহকে (সা) নামায পড়তে দেখেছি আপনি যদি সেইভাবে নামায পড়ান তাহলে আমি সম্মুট হবো। অন্যথায় আপনার পিছনে নামায আদায় করবো না। হয়েরত ‘উমার ইবন ‘আবদিল ‘আবীয ছিলেন বৃদ্ধিমান ও সৎ স্বত্বাব-বিশিষ্ট ব্যক্তি। হয়েরত আনাসের কথায় তিনি প্রত্যাবিত হলেন। তিনি আনাসকে উত্তাদ হিসেবে গ্রহণ করলেন। কিছুদিন তাঁর সাহচর্য ও শিক্ষার প্রতাবে তিনি এমন সুন্দর নামায পড়াতে লাগলেন যে, খোদ আনাসই বলতে লাগলেন, এই ছেলের নামাযের চেয়ে আর কারও নামায রাসূলুল্লাহর (সা) নামাযের সাথে অধিকতর সাদৃশ্যপূর্ণ নয়। (হায়াতুস সাহাবা- ৩/১৩৩, ১৩৪)

একবার খলীফা ‘আবদুল মালিক হয়েরত আনাসসহ আরও চাল্লিশজন আনসারী ব্যক্তিকে দিয়াশ্কে ডেকে পাঠান। সেখান থেকে ফেরার পথে ‘ফাঞ্জুল নাকাহ’ নামক স্থানে পৌছলে, আসর নামাযের সময় হয়ে যায়। যেহেতু সফর তখনও শেষ হয়নি, এই কারণে হয়েরত আনাস দুই ‘রাকা’যাত নামায পড়ান (কসর করেন)। তবে কিছু লোক আরও দুই ‘রাকা’যাত পড়ে চার ‘রাকা’যাত পূরো করেন। একথা হয়েরত আনাস জানতে পেরে দারুণ ক্ষুঁজ হন এবং বলেন, আল্লাহ যখন কসরের অনুমতি দিয়েছেন তখন এ সুবিধা গ্রহণ করবে না কেন? আমি রাসূলকে (সা) বলতে শুনেছি, এমন একটি সময় আসবে যখন মানুষ দীনের ব্যাপারে অহেতুক বাড়াবাড়ি করবে। আসলে তারা দীনের প্রকৃত রহস্য সম্পর্কে থাকবে গাফিল।

সত্যকথা বলা এবং সত্যকে পছন্দ করা ছিল হয়েরত আনাসের চরিত্রের এক উজ্জ্বল বৈশিষ্ট্য। খলাফতে রাশেদার প্রথম দুই খলীফার পর এমন অনেক যুক্ত সরকারের উচ্চ পদে অধিষ্ঠিত হয় যারা ইসলামী শিক্ষা ও প্রশিক্ষণ থেকে সম্পূর্ণ বঞ্চিত ছিল। এজন্য তাদের

অনেক কাজই কুরআন-সূরাহর পরিপন্থী হতো। যে সাহাবায়ে কিরাম জীবনের বিনিয়মে ইসলাম খরীদ করেছিলেন তাঁরা এটা সহ করতে পারতেন না। তাঁরা য়-তীতির উর্ধ্বে উঠে সব সময় সত্য কথাটি স্পষ্টভাবে বলে দিতেন। হ্যরত আনাস রাসূলপ্রাহর (সা) ওফাতের পর দীর্ঘ দিন জীবিত ছিলেন। তাঁর দীর্ঘ জীবনে বহু বৈরাচারী শাসকের সাক্ষাৎ করেছেন যারা প্রকাশ্যে শরীতের প্রতি অবহেলা করতো। হ্যরত আনাস এ অবস্থায় চুপ থাকেননি। তিনি প্রকাশ্যে জনসমাবেশে তাদের সতর্ক করে দিতেন।

ইয়াবীদের সময়ে আবদুল্লাহ ইবন যিয়াদ ছিলেন ইরাকের গভর্নর। তাঁর নির্দেশে হ্যরত ইমাম হসাইনের পবিত্র মাথা সামনে আনা হলে তিনি হাতের ছড়িটি দিয়ে হ্যরত হসাইনের চোখে টোকা দিয়ে তাঁর সৌন্দর্য সম্পর্কে কিছু অশালীন কটাক্ষ করেন। হ্যরত আনাস নিজেকে আর সম্মরণ করতে পারলেন না। ক্রোধে উত্তেজিত হয়ে বললেন : এই চেহারা রাসূলপ্রাহর (সা) চেহারার সাথে সাদৃশ্যপূর্ণ।

উমাইয়া রাজবংশের বিখ্যাত বৈরাচারী গভর্নর হাজ্জাজ ইবন ইউসুফ আস-সাকাফী নিজের ছেলেকে বসরার কাজী নিয়োগ করতে চায়। হাদীস শরীফে বিচারক অথবা আমীরের পদের আকাঙ্ক্ষী হ্বার নিষেধাজ্ঞা এসেছে। তাই হ্যরত আনাস হাজ্জাজের এই ইচ্ছার কথা জানতে পেরে বলেন : এমনটি করতে রাসূল (সা) নিষেধ করেছেন।

উমাইয়া শাসকদের আর এক আমীর হাকাম ইবন আইউব। তাঁর নৃশংসতা মানুষের সীমা অতিক্রম করে জীব-জন্ম পর্যন্ত পৌছে যায়। একবার হ্যরত আনাস তাঁর বাড়ীতে গিয়ে দেখেন, মূরগীর পায়ে দড়ি দিয়ে বেঁধে তীরের নিশানা বানানো হচ্ছে। তীর লাগলে মূরগীটি ছটফট করছে। হ্যরত আনাস এ দৃশ্য দেখে খুবই মর্মাত্ত হলেন এবং মানুষকে তাদের এ কাজের জন্য ধিক্কার দিলেন। (সাহীহ মুসলিম-২/১৫৮)

একবার কিছু লোক জুহরের নামায আদায় করে হ্যরত আনাসের সাক্ষাতের জন্য আসে। তিনি তখন চাকরের নিকট অঙ্গুর পানি চাইলেন। লোকেরা জানতে চাইলো, এ কোন নামাযের প্রস্তুতি? বললেন : 'আসর নামাযের। একবার হ্যরত আনাস তো এখনই 'জুহর' পড়ে এলাম। হ্যরত আনাস আমীর উমরাহের দীনের প্রতি উদাসীনতা এবং জনগণের দীন সম্পর্কে অজ্ঞতা দেখে দারুণ ক্ষুঢ় হলেন। তিনি বললেন : এ তো হবে মুনাফিকদের নামায। মানুষ বেকার বসে থাকবে, তবুও নামাযের জন্য উঠবে না। যখন সূর্য অন্ত যেতে থাকবে তখন খুব তাড়াতাড়ি ঘোরণের মত চারাটি ঠোকর মেরে দেবে। সেই ঠোকরে আল্লাহর শরণ থাকবে অতি অল্পই।'

প্রকৃত দীনদারের বিশেষ বৈশিষ্ট্য হচ্ছে 'আমর বিল মা'রফ'- সৎ কাজের আদেশ দান করা। আর এজন্যই কুরআন মজীদে উচ্চাতে মুসলিমাকে সর্বোত্তম উচ্চাত হিসেবে অভিহিত করা হয়েছে। হ্যরত আনাসের মধ্যে এই গুণটির বিশেষ বিকাশ ঘটেছিল। একবার 'উবাইদুল্লাহ ইবন যিয়াদের একটি মজলিসে হাউজে কাওসার প্রসঙ্গে আলোচনা হয়। উবাইদুল্লাহ এর বাস্তবতা সম্পর্কে সন্দেহ প্রকাশ করেন। একথা হ্যরত আনাসের কানে গেল। তিনি সরাসরি উবাইদুল্লাহর দরবারে উপস্থিত হয়ে তাঁকে প্রশ্ন করেন : তোমার এখানে কি 'হাউজে কাওসার' প্রসঙ্গে কিছু আলোচনা হয়েছিল? বললেন : হ্যাঁ। কেল, রাসূল (সা) কি এ সম্পর্কে কিছু বলেছেন? হ্যরত আনাস (রা) হাউজে কাওসার সম্পর্কে রাসূলের (সা) হাদীস তাঁকে শুনিয়ে

ফিরে আসেন।

হ্যরত মুস'য়াব ইবন 'উমাইর (রা) একজন আনসারী ব্যক্তির ষড়যন্ত্রের রিপোর্ট পেলেন। এই অপরাধের জন্য তিনি লোকটিকে পাকড়াও করার চিন্তা করলেন। লোকেরা হ্যরত আনসারদের প্রতি ভালো ব্যবহার করার জন্য আমীরদের অসীয়াত করেছেন। তাদের ভালো লোকদের সাথে উত্তম আচরণ এবং খারাপ লোকদের ক্ষমা করতে বলেছেন। এই হাদীস শুনা মাত্র মুস'য়াব ইবন 'উমাইর (রা) খাট থেকে নীচে নেমে এসে মাটিতে কপাল ঠেকিয়ে বলেন : রাসূলুল্লাহর (সা) আদেশের স্থান আমার চোখের ওপর। আমি লোকটিকে ছেড়ে দিছি।

সাবিত আন-নাবানী বলেন : একদিন আমি বসরার 'যাবিয়া' নামক স্থানে আনাসের সঙ্গে চলছিলাম। এমন সময় আজান শোনা গেল। সাথে সাথে আনাস মন্ত্র গতিতে চলতে শুরু করলেন এবং এভাবে আমরা মসজিদে প্রবেশ করলাম। তারপর তিনি আমাকে জিজ্ঞেস করলেন :

তুমি কি বলতে পার কেন আমি এভাবে হেঁটে মসজিদে এলাম? তারপর নিজেই বললেন : নামায়ের জন্য আমার পদক্ষেপ যাতে বেশী হয়, সেই জন্য। (হায়াতুস সাহাবা- ৩/১০৮)

হ্যরত আনাস 'ইলম হাসিলের চেয়ে অর্জিত 'ইলম অন্যায়ী 'আমলের ওপর বেশী জোর দিতেন। তিনি বলতেন : যত ইচ্ছা 'ইলম বা জ্ঞান হাসিল কর। তবে আল্লাহর কসম, 'আমল না করলে সে সব 'ইলমের প্রতিদান দেওয়া হবে না। তিনি আরও বলতেন : প্রকৃত 'আলেমের কাজ বুঝা ও সেই অন্যায়ী কাজ কর। আর মূর্খদের কাজ শুধু বর্ণনা কর। (হায়াতুস সাহাবা- ৩/২৪১, ২৪৪)

তিনি রাসূলুল্লাহর (সা) সুন্নাতের প্রতি অপরিসীম শুরুত্ব দিতেন। এ সম্পর্কে তিনি রাসূলুল্লাহর (সা) হাদীস বর্ণনা করেছেন। রাসূল (সা) বলেছেন : যে আমার সুন্নাত ছেড়ে দেবে সে আমার উচ্চাতের কেউ নয়। তিনি আরও বলেছেন : যে আমার সুন্নাত অনুসরণ করবে সে আমার দলভূক্ত। (হায়াতুস সাহাবা- ১/৩৫)

হ্যরত আনাস (রা) রাসূলুল্লাহর (সা) ব্যবহৃত বেশ কিছু জিনিস শৃতি হিসেবে সংরক্ষণ করেছিলেন, যেমন : জুতো, একটি চাদর, একটি পিয়ালা, তাঁবুর কয়েকটি খুটি ইত্যাদি। আনাস বলতেন : আমার মা উচ্চ সুলাইয় মৃত্যুকালে আমার জন্য রেখে যান রাসূলুল্লাহর (সা) একটি চাদর, একটি পিয়ালা যাতে তিনি পানি পান করতেন, তাঁবুর কয়েকটি খুটি এবং একটি শীলা যার ওপর আমার মা রাসূলুল্লাহর (সা) ঘাম মিশিয়ে সুগন্ধি পিষতেন। (তারিখে ইবন আসাকির- ৩/১৪৪, ১৪৫)

এভাবে হ্যরত আনাস ইবন মালিক (রা) সম্পর্কে টুকরো টুকরো তথ্য হাদীস ও সীরাতের গ্রহ সমূহে ছড়িয়ে ছিটিয়ে আছে যা খুবই চমকপ্রদ এবং মুসলিম সমাজের জন্য কল্যাণকরণ বটে। ■

## আবু দারদা (রা)

ডাক নাম আবু দারদা। কন্যা দারদার নাম অনুসারে এ নাম এবং ইতিহাসে এ নামেই খ্যাত। আসল নামের ব্যাপারে মত পার্থক্য আছে। যথা : 'আমির ও 'উয়াইমির'। আল-আসমা'স্টের মতে, 'আমির, তবে লোকে 'উয়াইমির বলতো। আর এটিই সর্বাধিক প্রসিদ্ধ। কেউ বলেছেন, 'উয়াইমির তাঁর লকব বা উপাধি। পিতার নামের ব্যাপারেও বিষ্ণুর মত পার্থক্য আছে। যথা : মালিক, 'আমির, সা'লাৰা, আবদুল্লাহ, যায়িদ ইত্যাদি। মায়ের নাম মুহাবুত বা ওয়াকিদাহ। (তাহজীব আত-তাহজীব-৮/১৫৬; আল-ইসাবা-২/৪৫; উসুদুল গাবা-৫/১৮৫; আল-ইসতী'য়াবঃ পাৰ্শ্ব টিকা: আল-ইসাবা-৪/৫৯) মদীনার বিখ্যাত খায়রাজ গোত্রে 'বালহারিস' শাখার সন্তান। রাসূলুল্লাহ (সা) সমবয়সী বা কিছুদিনের ছোট। (দায়িরা-ই-মা'য়ারিফ ইসলামিয়া (উর্দু)-১/৮০০)

তিনি ছিলেন আরবের অন্যতম শ্রেষ্ঠ জ্ঞানী, অশ্বারোহী ও বিচারক। ইসলাম গ্রহণের পূর্বে ছিলেন মদীনার একজন সফল ব্যবসায়ী। তারপর সবকিছু ছেড়ে দিয়ে একান্তভাবে আল্লাহর ইবাদাতে আত্মনিয়োগ করেন। এ সম্পর্কে তিনি নিজেই বলতেন : 'রাসূলুল্লাহ (সা) নবুওয়াত প্রাপ্তির পূর্বে আমি ছিলাম ব্যবসায়ী। তারপর যখন ইসলাম এলো, আমি আমার ব্যবসা ও ইবাদাতের মধ্যে সমন্বয় সাধনের চেষ্টা করলাম। কিন্তু তা সমরিত হলো না। সুতরাং আমি ব্যবসা ছেড়ে ইবাদাতে আত্মনিয়োগ করলাম।' (আজ-জাহাবী: তারীখুল ইসলাম-২/১০৭; আল-আ'লাম-৫/২৮১; হায়াতুস সাহাবা-২/২৯৬) শেষে ব্যবসার প্রতি দারুণ বিত্ত হয়ে উঠেন। অনেক সময় বলতেন, এখন যদি আমার মসজিদে নববীর সামনে একটি দোকান থাকে, প্রতিদিন তাতে ৪০ দীনার করে লাভ হয় এবং তা সাদাকা করে দিই, আর এ জন্য নামায়ের জামা'যাতও ফাওত না হয়- তবুও এমন ব্যবসা এখন আমার পসন্দ নয়। লোকেরা এর কারণ জিজ্ঞেস করলে বলতেনঃ শেষ বিচার দিনের কঠিন হিসাবের ভয়। (তাজকিরাতুল হফ্ফাজ-১/২৫; হায়াতুস সাহাবা-২/২৯৬; আল-হলায়া-১/২০৯) ইসলাম গ্রহণের পর বীরত্ব, খোদাইরূপ ও পার্থিব ভোগ-বিলাসিতার প্রতি উদাসীনতার জন্য সাহাবাকুলের মধ্যে বিশেষ খ্যাতি লাভ করেন। (আল-আ'লাম-৫/২৮১; আল-ইসাবা-২/৪৫)

আবু দারদার বীরত্ব, অশ্বারোহণ ও বিজ্ঞতার স্বীকৃতি হ্যরত রাসূলে কারীমের (সা) বাণীতে পাওয়া যায়। বিজ্ঞতা সম্পর্কে রাসূল (সা) বলেছেনঃ 'উয়াইমির হাকীমু উম্মাতি- 'উয়াইমির- আমার উম্মাতের একজন মহাজ্ঞানী হাকীম। তাঁর অশ্বারোহণ সম্পর্কে বলেছেনঃ নি'মাল ফারিস 'উয়াইমির- 'উয়াইমির একজন চমৎকার অশ্বারোহী। (তারীখুল ইসলাম-২/১০৮; আল-ইসাবা-২/৪৪; আল-ইসতীয়াবঃ আল-ইসাবার টিকা-৪/৬০) তাঁর বিজ্ঞতাসূচক অনেক বাণী বিভিন্ন গ্রন্থে পাওয়া যায়। তার কিছু অংশ 'আল-ইসতীয়াব' গ্রন্থে সংকলিত হয়েছে। (টিকা আল-ইসাবা-২/১১) এ কারণে ইয়াম ইবনুল জায়ারী তাঁর সম্পর্কে মন্তব্য করেছেনঃ 'কানা মিনাল 'উলামা আল-হকামা'- তিনি ছিলেন বিজ্ঞ জ্ঞানীদের একজন। (আল-আ'লাম-৫/২৮১)

সা'ঈদ ইবন 'আবদুল আয়ীয় বলেনঃ আবু দারদা বদর যুদ্ধের দিন ইসলাম গ্রহণ করেন। (তারীখুল ইসলাম-২/১০৯) আবার অনেকে বলেছেন বদর যুদ্ধের পর। (শাজারাতুজ জাহাব-৫/৩৯) আল-ইসতী'য়াব গ্রন্থকার বলেনঃ তিনি তাঁর পরিবারের সকলের শেষে ইসলাম গ্রহণ করেন এবং উত্তরকালে একজন ভালো মুসলিমে পরিণত হন। (টীকা-আল-ইসাবা-৪/৫৯) জুবাইর ইবন নুফাইর বলেন, রাসূল (সা) বলেছেনঃ আল্লাহ আমাকে আবু দারদার ইসলামের অঙ্গীকার করেছেন। জুবাইর বলেনঃ অতঃপর তিনি ইসলাম গ্রহণ করেন। (তারীখুল ইসলাম-২/১০৯)

এ খুব বিশ্বয়ের ব্যাপার যে, এত বড় বুদ্ধিমান হওয়া সত্ত্বেও তিনি অন্য শ্রেষ্ঠ আনসারদের সাথে ইসলাম গ্রহণ না করে হিজৰী দ্বিতীয় সন পর্যন্ত অপেক্ষা করেন। এর একমাত্র কারণ, তার ইসলাম গ্রহণ অন্যের দেখাদেখি নয়; বরং ভেবে-চিন্তে ও জেনেগুনে ছিল। সম্ভবতঃ রাসূলুল্লাহর (সা) মদীনায় আগমনের পর এক বছর পর্যন্ত তিনি বিষয়টি নিয়ে গভীরভাবে চিন্তা করেন এবং তালো মত খৌজখবর নেন। তবে এই একটি বছর পেছনে পড়ার কারণে সারা জীবন অনুশোচনা করেছেন। পরবর্তীকালে প্রায়ই বলতেনঃ এক মুহূর্তের প্রবৃত্তির দাসত্ত্ব দীর্ঘকালের অনুশোচনার জন্ম দেয়।

জাহিলী যুগে প্রথ্যাত শহীদ সাহাবী হয়েরত আবদুল্লাহ ইবন রাওয়াহার (রা) সাথে আবু দারদার গভীর বন্ধুত্ব ও আত্ম সম্পর্ক ছিল। আবদুল্লাহ আগে তাঁর ইসলাম গ্রহণ করেন; কিন্তু আবু দারদা পৌত্রিকার ওপর অটল থাকেন। তবে আবদুল্লাহর সাথে সম্পর্ক পূর্বের মতই বজায় রাখেন। আবদুল্লাহও বন্ধুকে ইসলামের মধ্যে আনার জন্য আপ্রাণ চেষ্টা চালাতে থাকেন। তিনি আবু দারদাকে বারবার ইসলামের দাওয়াত দিতে থাকেন। অবশেষে তাঁরই চেষ্টায় আবু দারদা মুসলমান হন। বিভিন্ন গ্রন্থে তাঁর ইসলাম গ্রহণের কাহিনীটি এভাবে বর্ণিত হয়েছেঃ

'সেদিন আবু দারদা 'উয়াইমির প্রত্যুষে ঘূম থেকে জেগে তাঁর প্রতীমাটির কাছে গেলেন। সেটি থাকতো বাড়ির সবচেয়ে তালো ঘরটিতে। প্রথমে তার প্রতি আদাব ও সশ্রান প্রদর্শন করলেন। নিজের বিশাল দোকানের সর্বোত্তম সুগন্ধ তেল তার গায়ে তালো করে মালিশ করলেন। তারপর গতকালই ইয়ামন থেকে আগত একজন ব্যবসায়ী তাঁকে যে একখানি উৎকৃষ্ট রেশমী কাপড় উপহার দিয়েছেন তাই দিয়ে খুব সুন্দরভাবে প্রতীমাটি ঢেকে রাখলেন। অতঃপর একটু বেলা হলে তিনি দোকানের উদ্দেশ্যে ঘর থেকে বেরিয়ে গেলেন।'

যাওয়ার পথে তিনি দেখলেন, মদীনার রাস্তা-ঘাট, অলি-গলি সর্বত্রই মুহাম্মাদের (সা) সংগী-সাথী গিজ গিজ করছে। তারা দলে দলে বদর যুদ্ধ থেকে ফিরেছেন। আর তাঁদের আগে আগে চলছে কুরাইশ বন্দীরা। তিনি তাঁদের এড়িয়ে পথ চলতে লাগলেন। কিন্তু হঠাৎ থায়রাজ গোত্রের এক যুবক তাঁর সামনে এসে পড়লো। তিনি যুবকের কাছে আবদুল্লাহ ইবন রাওয়াহার কুশল জিজ্ঞেস করলেন। যুবক বললেন, বদরে তিনি দারুণ যুদ্ধ করেছেন এবং গণীমতের মাল নিয়ে নিরাপদে মদীনায় ফিরেছেন। আবু দারদা দোকানে গিয়ে বসলেন।

এদিকে আবদুল্লাহ ইবন রাওয়াহ বদর থেকে ফিরে তাঁর ভাই আবু দারদার বাড়িতে গেছেন তার সাথে দেখা করতে। বাড়ির ভিতরে চুক্তে দেখলেন, আবু দারদার স্ত্রী বসে বসে চূলে চিরন্ত্বী করছেন। সালাম ও কুশল বিনিয়য়ের পর আবদুল্লাহ জিজ্ঞেস করলেনঃ আবু দারদা

কোথায়? স্ত্রী বললেনঃ আপনার ভাই তো এই মাত্র বেরিয়ে গেলেন। এ কথা বলে আবদুল্লাহকে ঘরে বসতে দিয়ে তিনি অন্য কাজে ব্যস্ত হয়ে পড়লেন। এদিকে আবদুল্লাহ একটি হাতুড়ি হাতে তুলে নিয়ে যে ঘরে প্রতীমাটি ছিল সেখানে চুকে গেলেন এবং বিভিন্ন শয়তানের নামের একটি কাসীদা আবৃত্তি করতে করতে হাতুড়ির আঘাতে মৃত্যি চূর্ণ-বিচূর্ণ করে ফেলেন। কাসীদাটির শেষাংশ ছিল নিম্নরূপঃ

‘ওহে সাবধান! আল্লাহ ছাড়া আর যত কিছুই ডাকা হোক না কেন সবই বাতিল ও অসারা।’

আবু দারদার স্ত্রী হাতুড়ির আঘাতের শব্দ শুনে ছুটে এসে ঘটনাটি দেখে চেচিয়ে বলে ওঠেনঃ ‘ওহে ইবন রাওয়াহা! আপনি আমার সর্বনাশ করেছেন।’ আবদুল্লাহ কোন জবাব না দিয়ে এমনভাবে ঘর থেকে বেরিয়ে গেলেন যেন কিছুই ঘটেনি।

আবু দারদা বাড়ি ফিরে দেখলেন, স্ত্রী বসে বসে কৌদছেন। তিনি জিজ্ঞেস করলেনঃ কি হয়েছে? বললেনঃ আপনার ভাই আবদুল্লাহ এসে ঐ দেখন কি কান্ডই না ঘটিয়ে গেছেন। আবু দারদা প্রথমতঃ ভীষণ উত্তেজিত হয়ে পড়েন। তারপর গভীরভাবে চিন্তা করার পর আপন মনে বলে ওঠেনঃ যদি এ প্রতীমার মধ্যে সত্যি সত্যিই কোন কল্যাণ থাকতো তাহলে সে নিজেকে রক্ষা করতো। এমন চিন্তার পর আবদুল্লাহ ইবন রাওয়াহাকে সংগে করে রাসূলুল্লাহর (সা) নিকট যান এবং ইসলাম করুন করেন।’ (সুওয়ারুল্ল মিন হয়াতুস সাহাবা-৩/৯৫-১০০; হায়াতুস সাহাবা-১/২৩২-২৩৩; ৩/৩৪৮; আল-মুসতাদরিক-৩/৩৩৬) রাসূল (সা) সালমান আল-ফারেসীর সাথে তাঁর দ্঵িনি-আত্ম প্রতিষ্ঠা করে দেন। (আনসাবুল আশরাফ-১/২৭১; তাজকিরাতুল হফ্ফাজ-১/২৫; উসুদুল গাবা-৫/১৮৫)

বদর যুদ্ধের সময় আবু দারদা অমুসলিম ছিলেন। এ কারণে সে যুদ্ধে তিনি অংশগ্রহণ করেননি। তবে খলীফা হ্যরত 'উমার (রা) তাঁর খিলাফতকালে সাহাবাদের যে তাতার ব্যবস্থা করেন তাতে আবু দারদার ভাতা বদরী সাহাবীদের সমান নির্ধারণ করেন বলে বর্ণিত হয়েছে। (দায়িরা-ই-মা'য়ারিফ ইসলামিয়া-১/৮০০) উহুদ যুদ্ধের সময় তিনি মুসলমান। এ যুদ্ধে তিনি যোগদান করেন এবং একজন অশ্বারোহী সৈনিক হিসাবেই এতে অত্যন্ত বলিষ্ঠ ভূমিকা পালন করেন। যুদ্ধের এক পর্যায়ে হ্যরত রাসূলে কারীম (সা) তাঁকে প্রতিপক্ষের একটি অশ্বারোহী বাহিনীকে তাড়িয়ে দেওয়ার নির্দেশ দেন। তিনি একাই তাদের তাড়িয়ে দেন। রাসূল (সা) সে দিন তাঁর বীরত্ব ও সাহসিকতা দেখে দারুণ পূর্বৱৃত্ত হন এবং মন্তব্য করেনঃ ‘নি’মাল ফারিসু ‘উয়াইমির’- ‘উয়াইমির এক চৰৎকার ঘোড় সওয়ার। (তাজকিরাতুল হফ্ফাজ-১/২৪; তারীখুল ইসলাম-২/১০৭) উহুদ ছাড়াও অন্যান্য সকল যুদ্ধ ও অভিযানে তিনি রাসূলুল্লাহর (সা) সাথে অংশগ্রহণ করেন। তবে সে সব ক্ষেত্রে তাঁর ভূমিকা সম্পর্কে বিস্তারিত তথ্য পাওয়া যায় না।

হ্যরত রাসূলে কারীমের (সা) ইন্তিকালের পর হ্যরত আবু বকরের খিলাফতকালে আবু দারদা মদীনায় ছিলেন। তাঁর এ সময়ের কর্মকাণ্ড সম্পর্কে বিশেষ কিছু জানা যায় না। হ্যরত 'উয়ারের (রা) খিলাফতকালে মদীনা ছেড়ে শামে চলে যান এবং সেখানেই স্থায়ীভাবে বসবাস করেন। সীরাত বিশেষজ্ঞের তাঁর মদীনা ত্যাগের কয়েকটি কালীগ উল্লেখ করেছেন। ১. মদীনায় রাসূলুল্লাহর (সা) শৃঙ্খি তাঁকে সব সময় কষ্ট দিত। ২. তিনি উপলব্ধি করেছিলেন, ইসলামী

শিক্ষার প্রচার-প্রসার নবীর ওয়ারিসদের উপর ফরজ। এই বোধ তাঁকে মদীনা ত্যাগে উত্থুক করে। ৩. তিনি রাসূলগ্রাহৱ (সা) নিকট একথা শুনেছিলেন যে, ফিত্নার অঙ্ককারে ইমানের প্রদীপ শামে নিরাপদ থাকবে। মূলতঃ এসকল কারণে শামের রাজধানী দিমাশ্কে তিনি বসতি স্থাপন করেন। (সীয়ারে আনসার-২/১৯০)

হযরত আবু দারদার মদীনা ত্যাগের ব্যাপারে একটি কাহিনী প্রসিদ্ধ আছে। তিনি সফরের প্রস্তুতি সম্পর্ক করে খলীফা হযরত 'উমারের নিকট গেলেন অনুমতি চাইতে। খলীফা অনুমতি দিতে অস্বীকৃতি জানালেন। তবে একটি শর্তে অনুমতি দিতে পারেন বলে জানালেন। শর্তটি হলো তাঁকে কোন রাষ্ট্রীয় দায়িত্ব নিয়ে যেতে হবে। আবু দারদা জানালেন, শাসক হওয়া তাঁর পছন্দ নয়। খলীফা বললেন, তাহলে অনুমতির আশা করবেন না। আবু দারদা অবস্থা বেগতিক দেখে বললেন, আমি কোন রাষ্ট্রীয় দায়িত্ব পালন করবো না ঠিক, তবে মানুষকে কুরআন-হাদীস শিখাবো এবং নামায পড়াবো। তাঁর প্রস্তাবে খলীফা রাজী হলেন এবং তাঁকে মদীনা ত্যাগের অনুমতি দিলেন। মূলতঃ এ দায়িত্ব পালনের উদ্দেশ্যেই তিনি শামের প্রবাস জীবন গ্রহণ করেন।

আবু দারদার শামে গমন সম্পর্কে ইবন সা'দ ও হাকেম, মুহাম্মাদ ইবন কা'ব আল-কুরাজী থেকে একটি বর্ণনা নকল করেছেন। তিনি বললেন, হযরত নবী কারামের (সা) জীবনকালে পাঁচজন আনসার সমগ্র কুরআন সংগ্রহ করেন। তাঁরা হলেনঃ মু'যাজ ইবন জাবাল, 'উবাদা ইবনুস সামিত, উবাই ইবন কা'ব, আবু আইউব ও আবু দারদা (রা)। খলীফা 'উমারের খিলাফতকালে হযরত ইয়ায়ীদ ইবন আবী সুফুইয়ান শাম থেকে খলীফাকে লিখলেনঃ শামের জনসংখ্যা বৃদ্ধি পেয়েছে। প্রতিটি শহর-বন্দর লোকে সোকারণ্য হয়ে পড়েছে। এ সকল লোককে কুরআন শিখাতে পারে এমন কিছু ব্যক্তির প্রয়োজন। চিঠি পেয়ে খলীফা 'উমার (রা) উপরোক্ত পাঁচ ব্যক্তিকে ডেকে চিঠির বক্তব্য তাঁদেরকে জানালেন এবং আবেদন রাখলেন, আপনাদের মধ্য থেকে অস্ততঃ তিনজন এ ব্যাপারে আমাকে সাহায্য করুন। আর ইচ্ছা করলে সবাই করতে পারেন। ইচ্ছা করলে আপনাদের মধ্য থেকে নিজেরা তিনজনকে নির্বাচন করতে পারেন, অন্যথায় আমিই তিনজনকে বেছে নেব। তাঁরা বললেনঃ ঠিক আছে, আমরা যাব। আবু আইউব ছিলেন বয়োবৃদ্ধ, আবু উবাই পীড়িত, এ জন্য এ দু'জনকে তাঁরা বাদ দিলেন। বাকী তিনি জনকে খলীফা বিভিন্ন স্থানে পাঠালেন। আবু দারদাকে পাঠালেন দিমাশ্কে এবং তিনি আমরণ স্থানে অবস্থান করেন। (তাবাকাত-৪/১৭২; হায়াতুস সাহাবা-৩/১৯৫-১৯৬)

দিমাশ্কে তাঁর অধিকাংশ সময় ছাত্রদের কুরআন হাদীসের তা'লীম, শরীয়াতের আহকামের তারিয়্যাত (প্রশিক্ষণ দান) এবং ইবাদাতের মধ্যে অতিবাহিত হতো। যখন শামে অবস্থানরত সংখ্যাগরিষ্ঠ সাহাবায়ে ক্রিমের সরল ও অনাড়ুন্ড জীবনের উপর স্থানকার ঠাঁট ও জৌলুসের কিছু না কিছু ছাপ পড়েছিল তখন আবু দারদা এর থেকে সম্পূর্ণ মুক্ত এক অকৃত্রিম জীবনধারা বজায় রাখতে সক্ষম হয়েছিলেন।

খলীফা হযরত 'উমার (রা) তাঁর ঐতিহাসিক শাম সফরের সময় স্থানে অবস্থানরত প্রথ্যাত সাহাবা ইয়ায়ীদ ইবন আবী সুফুইয়ান, 'আমর ইবনুল 'আস ও আবু মুসা আল-'আশ'য়ারী (রা) প্রত্যেকের গৃহে অতর্কিতে উপস্থিত হন এবং তাঁদের জীবন যাপনে জৌলুসের ছাপ দেখতে পান। তিনি আবু দারদার আবাসস্থলেও যান; কিন্তু স্থানে তোগ-বিলাসের চিহ-

তো দূরের কথা রাতের অন্ধকারে একটি বাতিও দেখতে পেলেন না। একটি অন্ধকার ঘরে কহল মুড়ি দিয়ে তিনি শুয়ে আছেন। তাঁর এ চরম দীন-হীন অবস্থা দেখে খলীফার চোখ পানিতে ভরে গেল। তিনি জানতে চাইলেন, জীবনের প্রতি এমন নির্মতার কারণ কি? আবু দারদা বললেন : রাসূলুল্লাহ (সা) বলেছেন, এ পৃথিবীতে আমাদের এতটুকু জীবন উপকরণ থাকা উচিত যতটুকু একজন মুসাফিরের প্রয়োজন হয়। হায়! রাসূলুল্লাহর (সা) পরে আমরা কিসের থেকে কি হয়ে গেলাম। তারপর উভয়ে কাঁদতে কাঁদতে রাত কাটিয়ে দিলেন। (কানযুল 'উম্মাল-৭/৭৭; হায়াতুস সাহাবা-২/৮২-৮৪)

খলীফা হযরত 'উসমানের খিলাফতকালে শামের গর্ত্তর হযরত মু'য়াবিয়া (রা) খলীফার নির্দেশে আবু দারদাকে দিমাশ্কের কাজী নিয়োগ করেন। হযরত আবীর মু'য়াবিয়া (রা) কখনও সফরে গেলে তাঁকেই স্থলাভিষিক্ত করে যেতেন। এটি ছিল দিমাশ্কের প্রথম কাজীর পদ। (শাজারাতুজ জাহাব-৫/৩৯; আল-আ'লাম-৫/২৮১) ইবন হিব্রানের মতে, খলীফা 'উমারের নির্দেশে হযরত মু'য়াবিয়া (রা) তাঁকে কাজীর পদে নিয়োগ করেন। (লিসানুল মীয়ান-৭/৪৪) 'আল-ইসতী'য়াব' গ্রন্থকার প্রথম মতটি সঠিক বলে উল্লেখ করেছেন। (আল-ইসাবার পার্শ টীকা-২/১৭; ৪/৬০)

হযরত আবু দারদার দুই স্তৰী ছিল। দু'জনই ছিলেন সম্মান ও মর্যাদার উচু আসনের অধিকারিনী। প্রথম জনের নাম উম্ম দারদা কুবরা খায়রা বিন্তু আবী হাদুরাদ আল-আসলামী এবং দ্বিতীয়জনের নাম উম্ম দারদা সুগরা হাজীমা হায়ওয়াস্ সাবিয়া। উম্ম দারদা কুবরা ছিলেন একজন প্রখ্যাত সাহবিয়া, প্রথম বুদ্ধিমতী, উচু স্তরের ফকীহা ও শ্রেষ্ঠ 'আবিদাহ। হাদীসের গ্রন্থসমূহে তাঁর সৃত্রে বর্ণিত বহু হাদীস পাওয়া যায়। তবে উম্ম দারদা সুগরা সাহবিয়া ছিলেন না। স্বামীর মৃত্যুর পর দীর্ঘদিন জীবিত ছিলেন। হযরত মু'য়াবিয়া (রা) তাঁকে বিয়ের প্রস্তাব দেন; কিন্তু তিনি তা প্রত্যাখ্যান করেন।

হযরত আবু দারদার বিয়ে সম্পর্কিত একটি বর্ণনা সীরাত গ্রন্থসমূহে পাওয়া যায়। সাবিত আল-বুনানী থেকে বর্ণিত হয়েছে। আবু দারদা তাঁর দ্বিতীয় তাই সালমান আল-ফারেসীকে বিয়ে দেওয়ার জন্য তাঁকে সৎগে করে একটি কলের পিতার গৃহে গেলেন। তিনি সালমানকে বাইরে বসিয়ে রেখে ভিতর বাড়ী ঢুকলেন। কলের অভিভাবকদের নিকট সালমানের দ্বিনদারী ও দ্বিনের জন্য তাঁর ত্যাগের কথা উল্লেখ করে তাঁর পরিচয় তুলে ধরেন এবং তাদের মেয়ের সাথে তাঁর বিয়ের প্রস্তাব পেশ করেন। পাত্রীপক্ষ বলেন : আমরা সালমানকে মেয়ে দেব না, তবে তোমাকে দেব। এই বলে তাঁরা আবু দারদার সাথে মেয়ের বিয়ে দিয়ে দেন। বিয়ের কাজ শেষ হলে আবু দারদা বাড়ীর ভিতর থেকে বেরিয়ে এসে অত্যন্ত লজ্জার সাথে সালমানকে খবরটি দেন। তবে এটা আবু দারদার কোন বিয়ে সে সম্পর্কে তেমন কোন তথ্য পাওয়া যায় না। (হায়াতুস সাহাবা-২/৬৭৪)

হযরত আবু দারদা ছিলেন একজন সুপুরুষ। বার্ধক্যে দাঢ়িতে খিজাব লাগাতেন। সব সময় আরবী পোশাক পরতেন। মাথায় 'কালানসুয়া' নামক এক প্রকার উচু টুপি ও পাগড়ি পরতেন। আবু দারদার সন্তানদের মধ্যে কয়েকজনের নাম জানা যায়। তাঁরা হলেন : বিলাল, ইয়ায়ীদ, দারদা ও নুসাইবা। প্রথমজন বিলাল। তিনি ইতিহাসে বিলাল আবু মুহাম্মদ দিমাশকী নামে খ্যাত। তিনি ইয়ায়ীদ ও পরবর্তী খলীফাদের সময়ে দিমাশ্কের কাজী ছিলেন। খলীফা 'আবদুল মালিক তাঁকে বরখাস্ত করেন। হিজরী ১২ সনে তাঁর ওফাত হয়।

কন্যা দারদা ছিলেন মুক্তার এক সন্তুষ্ট বংশীয় ও প্রখ্যাত তাবে'ই সাফওয়াল ইবন 'আবদিল্লাহ আল কুরাইশীর সহধর্মীনী। এই দারদার বিয়ে সম্পর্কে একটি ঘটনা বিভিন্ন গ্রন্থে দেখা যায়। ইয়ায়ীদ ইবন মু'য়াবিয়া দারদাকে বিয়ে করার জন্য প্রস্তাব পাঠান। আবু দারদা সে প্রস্তাব প্রত্যাখ্যান করেন। পরে এক অতি সাধারণ দীনদার মুসলমানের সাথে তাঁকে বিয়ে দেন। তখন সোকে বলাবলি করতে লাগলো, আবু দারদা, ইয়ায়ীদের সাথে মেয়ের বিয়ে দিলেন না; অথচ তাঁর চেয়ে নিচু শ্রেণির একজন সাধারণ মুসলমানের সাথে মেয়ের বিয়ে দিলেন। একথা আবু দারদার কানে গেলে তিনি বললেন : আমি দারদার প্রতি লক্ষ্য করেছি। যখন দারদার মাথার উপর চাকর-বাকর দাঁড়িয়ে থাকবে এবং ঘরের বিপুর দ্রব্যের প্রতি নজর পড়বে তখন তাঁর দ্বিনের কি অবস্থা হবে? (সিফাতুস সাফওয়াহ-১/২৬০; হায়াতুস সাহাবা-২/৬৭৪)

হযরত আবু দারদার মৃত্যুন সম্পর্কে সীরাত বিশেষজ্ঞদের বিভিন্ন মতভেদ আছে। বিভিন্নজন বিভিন্ন গ্রন্থে হিজরী ৩১, ৩২, ৩৩ ও ৩৪ সনগুলি উল্লেখ করেছেন। আবার কারো কারো মতে তিনি হযরত আলী ও হযরত মু'য়াবিয়ার (রা) মধ্যে সংঘটিত সিফ্ফীন যুদ্ধের পর ইনতিকাল করেন। তবে সর্বাধিক প্রসিদ্ধ মতে তিনি হিজরী ৩২ সন মুতাবিক ৬৫২ খ্রীষ্টাব্দে দিমাশ্কে ইনতিকাল করেন। ওয়াকিদী, আবু মাসহার সহ প্রযুক্ত ইতিহাসবিদ এমত পোষণ করেছেন। দিমাশ্কের 'বাবুস সাগীর'-এর নিকট তাঁকে দাফন করা হয় এবং তাঁরই পাশে তাঁর সহধর্মীনী উম্ম দারদাকেও সমাহিত করা হয় বলে প্রসিদ্ধি আছে। (দ্রঃ আল-ইসতী'য়াব : ঢাকা আল-ইসাবা-২/৪৬; ৪/৬০; উসুদুল গাবা-৫/১৮৬; 'আল-আ'লাম-৫/২৮১; তারীখুল ইসলাম-২/১১১; দায়িরা-ই-'মা'য়ারিফ ইসলামিয়া-১/৮০১; তাহজীবুত তাহজীব-৮/১৫৬; শাজারাতুজ জাহাব-৫/৩৯)

হযরত আবু দারদার (রা) মৃত্যুর ঘটনাটি ছিল একটু ব্যতিক্রম ধরনের। জীবনের শেষ মুহূর্তে তিনি ব্যাকুলভাবে কাঁদছেন। স্ত্রী উম্ম দারদা বললেন, আপনি রাসূলুল্লাহ (সা) একজন সাহাবী হয়ে এত কাঁদছেন? বললেন : কেন কাঁদবো না? কিভাবে মৃত্যু পাব আল্লাহই তালো জানেন। এ অবস্থায় ছেলে বিলালকে ডেকে বললেন, দেখ, একদিন তোমাকেও এমন অবস্থার সম্মুখীন হতে হবে। সে দিনের জন্য কিছু করে রাখ। মৃত্যুর সময় যতই ঘনিয়ে আসতে লাগলো তাঁর হাহতাশ ও অস্থিরতা ততই বৃদ্ধি-পেয়ে চললো। ঈমান সম্পর্কে বর্ণিত হয়েছে, ঈমান হচ্ছে তীক্ষ্ণ ও আশার মাঝামানে। আবু দারদার উপর খোদাতীরির প্রাবল্য ছিল।

স্তৰী পাশে বসে সান্ত্বনা দিচ্ছিলেন। তিনি এক সময় বললেন, আপনি তো মৃত্যুকে খুবই তালোবাসতেন। এখন এত অস্থির কেন? বললেন : তোমার কথা সত্য। কিন্তু যখন মৃত্যু অবধারিত বুঝেছি তখনই এ অস্থিরতা দেখা দিয়েছে। এতটুকু বলে তিনি কান্নায় ভেঙ্গে পড়লেন। তারপর বললেন, এখন আমার শেষ সময়। আমাকে কালিমার তালকীন দাও। সোকেরা কালিমার তালকীন দিল। তিনি তা উচ্চারণ করতে করতে শেষ নিঃশ্বাস ত্যাগ করলেন।

হযরত আবু দারদা যখন অস্তিম রোগ শয্যায় তখন একদিন ইউসুফ ইবন 'আবদিল্লাহ ইবন সালাম আসলেন তাঁর নিকট ইল্ম হাসিলের জন্য। তিনি জিজ্ঞেস করলেন, কি উদ্দেশ্যে আসা হয়েছে? তাঁর সেই মুমুক্ষ অবস্থা দেখে ইউসুফ জবাব দিলেন আপনার সাথে আমার আব্বার যে

গভীর সম্পর্ক ছিল সেই সূত্রে আমি আপনার সাক্ষাতের উদ্দেশ্যে এসেছি। তিনি বললেন, মিথ্যা অতি নিকৃষ্ট জিনিস। কিন্তু কেউ মিথ্যা বলে ইসতিগফার করলে তা মাফ হতে পারে। (মুসনাদ-৬/৪৫০)

হয়রত আবু দারদার ওফাত পর্যন্ত ইউসুফ অবস্থান করেন। মৃত্যুর পূর্বে তাঁকে ডেকে বললেন, আমার মৃত্যু আসন, একথা মানুষকে জানিয়ে দাও। তিনি খবর ছড়িয়ে দিতেই বন্যার প্রোত্তের মত মানুষ আসতে শুরু করলো। ঘরে বাইরে শুধু মানুষ আর মানুষ। তাঁকে প্রচুর লোক সমাগমের কথা জানানো হলে তিনি বললেন, আমাকে বাইরে নিয়ে চলো। ধরে বাইরে আনা হলে তিনি উঠে বসলেন এবং জনগণের উদ্দেশ্যে একটি হাদীস বর্ণনা করলেন। (মুসনাদ-৬/৪৪৩) এভাবে রাসূলুল্লাহর (সা) হাদীস প্রচারের আবেগ জীবনের শেষ মুহূর্ত পর্যন্ত তাঁর মধ্যে পূর্ণ মাত্রায় বিদ্যমান ছিল।

হয়রত আবু দারদাকে আলিম সাহাবীদের মধ্যে গণ্য করা হয়। সাহাবায়ে কিরাম তাঁকে অতি সশানের দৃষ্টিতে দেখতেন। হয়রত 'আবদুল্লাহ ইবন 'উমার (রা) বলতেন : তোমরা দু'জন বা-'আলিম আলিম-মু'য়াজ ও আবু দারদার কিছু আলোচনা কর। ইয়াবীদ ইবন মু'য়াবিয়া বলতেন : আবু দারদা এমন আলিম ও ফকীহদের অন্তর্ভুক্ত যৌরা রোগের নিরাময় দান করে থাকেন। (আল-ইসতী'য়াব : আল-ইসাবা-৪/৫০) মৃত্যুর পূর্বে হয়রত মু'য়াজ ইবন জাবালও আবু দারদার গভীর জ্ঞানের সাক্ষ্য দিয়ে গেছেন। তাঁর অস্তিমি সময় ঘনিয়ে এসেছে। এমন সময় এক ব্যক্তি তাঁর শিয়রে দাঁড়িয়ে কানা জুড়ে দিল। তিনি প্রশ্ন করলেন : এত কানা কেন? লোকটি বললো : আমি আপনার নিকট থেকে ইলম হাসিল করতাম; কিন্তু এখন আপনি চলে যাচ্ছেন। তাই আমার কানা পাছে। তিনি বললেন : কেন্দো না। আমার মৃত্যুর পর তোমরা ইলম হাসিলের জন্য আবু দারদা, সালমান, ইবন মাস'উদ ও আবদুল্লাহ ইবন সালাম- এ চার ব্যক্তির কাছে যাবে। (কানযুল 'উস্মাল-২/৩২৫; হায়াতুস সাহাবা-২/৫৮১, ৫৮২; তারীখুল ইসলাম-২/১০৯) একবার হয়রত আবুজার আল-গিফারী (রা) আবু দারদাকে লক্ষ্য করে বলেন : ওহে আবু দারদা : যমীনের ওপর এবং আসমানের নীচে আপনার চেয়ে বড় কোন 'আলিম নেই। (তারীখুল ইসলাম-২/১০৯); হয়রত মাসরুক, যিনি একজন উচু মর্যাদার তাবে'ঈ এবং তাঁর মুগের একজন বিশিষ্ট ইমাম-বলেন : আমি সকল সাহাবীর জ্ঞানরাশি মাত্র ছ' ব্যক্তির মধ্যে একত্রে দেখতে পেয়েছি। তাঁদের একজন আবু দারদা। যিসয়ার থেকে বর্ণিত। কাসেম ইবন 'আবদির রহমান বলেন : যাঁদেরকে ইলম দান করা হয়েছে, আবু দারদা তাঁদের একজন। (আল-ইসতী'য়াব : আল-ইসাবা-৪/৫০) তাঁর এ বিশাল জ্ঞানের কারণে তাঁর সময়ে মক্কা-মদীনা তথা গোটা ইজ্জায়ে বহু বড় বড় সাহাবী ফাতওয়া ও ইমামতের পদে অধিষ্ঠিত থাকা সম্মত বিভিন্ন স্থান থেকে জ্ঞানপিপাসু ছাত্ররা দলে দলে আবু দারদার দারসগ্রাহে ভিড় জমাতেন।

হয়রত আবু দারদার দারসগ্রাহে সব সময় ছাত্রদের ভিড় জমে থাকতো। ঘর থেকে বের হলেই দেখতে পেতেন পথের দু'ধারে ছাত্ররা সারি বেঁধে দাঁড়িয়ে আছে। একদিন মসজিদে যাচ্ছেন। পিছনে এত ভিড় জমে গেল যে, মানুষ মনে করলো হয়তো এটা কোন শাহী মিছিল হবে। তাদের প্রত্যেকেই কিছুনা কিছু জিজ্ঞেস করছিল। (তাজবিরাতুল হফ্ফাজ-১/২৫)

হয়রত আবু দারদা সব সময় মানুষকে ইলম হাসিলের প্রতি উৎসাহ দান করতেন। হয়রত

হাসান বলেছেন, আবু দারদা বলতেন : তোমরা 'আলিম, তালিবে ইলম, তাঁদের প্রতি তালোবাসা পোষণকারী অথবা তাঁদের অনুসারী- এ চারটির যে কোন একটি হও। এর বাইরে পঞ্জম কিছু হয়ে না। তাহলে ধৰ্স হয়ে যাবে। হাসানকে জিজেস করা হয়েছিল পঞ্জমটি কি? বললেন : বিদ'য়াতী। (হায়াতুস সাহাবা-২/১৬০) তিনি আরও বলতেন, জ্ঞানী ব্যক্তিদের সাথে প্রবেশ করা ও বের হওয়া একজন মানুষের বিজ্ঞাতার পরিচায়ক। (হায়াতুস সাহাবা-৩/২৯)

দাহ্যাক থেকে বর্ণিত হয়েছে আবু দারদা শামবাসীদের বলতেন : ওহে দিমাশ্কের অধিবাসীরা! তোমরা আমার দ্বীপী ভাই, বাড়ীর পাশের প্রতিবেশী এবং শক্তির বিরুদ্ধে সাহায্যকারী। আমার সাথে প্রীতির বন্ধন সৃষ্টি করতে তোমাদের বীধা কিসের? তোমাদের কি হয়েছে যে, তোমাদের 'আলিমরা চলে যাচ্ছেন অথচ তোমাদের জাহিলরা শিখছেন? তোমরা শুধু জীবিকার ধান্দায় ঘূরছো অথচ তোমাদেরকে যা কিছুব নির্দেশ দেওয়া হয়েছে তা ছেড়ে দিছ? শুনে রাখ, একটি জাতি বড় বড় অট্টালিকা তৈরী করেছিল, বিশাল সম্পদ পুঁজিভূত করেছিল। এভাবে তারা বড় উচ্চাভিলাষী হয়ে পড়েছিল। অবশেষে তাদের সেই সুউচ্চ অট্টালিকা তাদের কবরে পরিণত হয়, তাদের উচ্চাভিলাষ তাদেরকে প্রতারিত করে এবং তাদের পুঁজিভূত সম্পদ ধৰ্সন্তুপে পরিণত হয়। ওহে, তোমরা শেখ এবং অন্যকে শিখাও। কারণ, শিক্ষাদানকারী ও গ্রহণকারীর প্রতিদান সমান সমান। এ দু'শ্রেণীর মানুষ ছাড়া আর কারও মধ্যে অধিকতর কল্যাণ নেই।

হ্যরত হাসান থেকে বর্ণিত হয়েছে। একবার তিনি দিমাশ্কবাসীদের উদ্দেশ্যে বলেন : ওহে, তোমরা বছরের পর বছর পেট তরে শুধু গমের ঝুঁটি খাবে- এতেই খুশী থাকবে? তোমাদের মজলিশ ও সভা-সমিতিতে কি তোমরা আল্লাহকে খরণ করবে না? তোমাদের কী হয়েছে যে, তোমাদের 'আলিমগণ চলে যাচ্ছেন আর তোমাদের জাহিলগণ তাঁদের নিকট থেকে কিছুই শিখছে না? (হায়াতুস সাহাবা-৩/১৬০, ১৬১)

হ্যরত আবু দারদা ছিলেন একজন বা-'আমল আলিম। যা শিখেছিলেন তা যথাযথভাবে পালন করতেন। ইবন ইসহাক বর্ণনা করেন, সাহাবায়ে কিরাম বলতেন : আমাদের মধ্যে আবু দারদা ইলম অনুযায়ী সর্বাধিক আমলকারী। আবু দারদা বলতেন : যে জানেনা তার ধৰ্স একবার, আর যে জেনে 'আমল করেনা তার ধৰ্স সাতবার। সালেম ইবন আবিল জা'দ থেকে বর্ণিত। আবু দারদা বলতেন : তোমরা আমার কাছে প্রশ্ন কর। আল্লাহর কসম! আমাকে হারালে তোমরা একজন মহান ব্যক্তিকে হারাবে। (তারীখুল ইসলাম-২/১০৯, ২১১)

হ্যরত আবু দারদার শিক্ষাদানের নিয়ম ছিল ফজরের নামায়ের পর 'জামে' মসজিদে দারসের জন্য বসে যেতেন। ছাত্রা তাঁকে ধিরে বসে প্রশ্ন করতো, আর তিনি জবাব দিতেন। যদিও তিনি হাদীস ও ফিকাহ শাস্ত্রে বিশেষজ্ঞ ছিলেন, তবে তাঁর মূল বিষয় ছিল কুরআন মজীদের দারস ও তালীম। হ্যরত রাসূলে কারীমের (সা) জীবদ্ধশায় যাঁরা সম্পূর্ণ কুরআন মুখস্থ ও সংঘর করেছিলেন, তিনি তাদের একজন। ইমাম বুখারী হ্যরত আনাস (রা) থেকে বর্ণনা করেছেন। তিনি বলেন : আবু দারদা, মু'য়াজ, যায়িদ ইবন সাবিত ও আবু যায়িদ আল-আনসারী- এ চারজন ছাড়া রাসূলুল্লাহের (সা) মৃত্যু পর্যন্ত আর কেউ সম্পূর্ণ কুরআন সংহ্রহ করেননি। ইমাম শা'বী অবশ্য উবাই ইবন কা'ব ও সা'ঈদ ইবন 'উবায়েদ- এ দু'জনের নাম

-

সংযোগ করে মোট ছয় জনের কথা বলেছেন। ইবন হাজার ফাতহল বারী (৯/৪৩) গ্রন্থে এমন ২৯ জন হাফেজে কুরআনের নাম উল্লেখ করেছেন। (তারীখুল ইসলাম-২/১০৮; আল-আ'লাম-৫/২৮১; তাজকিরাতুল হফ্ফাজ-১/২৫) যাইহোক, রাসূলুল্লাহর (সা) জীবনকালের হফ্ফাজে কুরআনদের অন্যতম সদস্য ছিলেন আবু দারদা। এ কারণে খলীফা হযরত 'উমার (রা) শামে কুরআনের তা'বীম ও তাবলীগের জন্য তাঁকে নির্বাচন করেন। দিমাশ্কের জামে 'উমারী'তে তিনি কুরআনের দারস দিতেন। অবশেষে এটা একটি শ্রেষ্ঠ কুরআন শিক্ষা কেন্দ্রে পরিণত হয়। তাঁর অধীনে আরো অনেক শিক্ষক ছিলেন। ছাত্রসংখ্যাও ছিল কয়েক হাজার। দূর-দূরান্ত থেকে ছাত্ররা এসে তাঁর দারসে শরীক হতো।

ফজর নামাযের পর তিনি দশজন করে একটি গ্রন্থ করে দিতেন। প্রত্যেক গ্রন্থের জন্য একজন করে কারী থাকতেন। কারী কুরআন পড়াতেন। তিনি টহল দিতেন এবং ছাত্রদের পাঠ কান লাগিয়ে শুনতেন। এভাবে কোন ছাত্রের সম্পূর্ণ কুরআন মুখস্থ হয়ে গেলে তাঁকে বিশেষভাবে প্রশিক্ষণ দানের জন্য নিজের তত্ত্বাবধানে নিয়ে নিতেন। গ্রন্থ শিক্ষক ছাত্রদের কোন প্রশ্নের জবাব দিতে অক্ষম হলে তাঁর নিকট থেকেই জেনে নিতেন। দারসে প্রচুর ছাত্র সমাগম হতো। একদিন গুণে দেখা গেল কেন্দ্র থেকে ১৬০০ ছাত্র বের হচ্ছে।

ইবন 'আমির ইয়াহসাবী, উম্মু দারদা সুগরা, খলীফা ইবন সা'দ, রাশেদ ইবন সা'দ, খালিদ ইবন সা'দ প্রমুখ এই কুরআন শিক্ষা কেন্দ্রের খ্যাতিমান ছাত্র-ছাত্রী। ইবন 'আমির ইয়াহসাবী ছিলেন খলীফা ওয়ালীদ ইবন আবদুল মালিকের সময়ে মসজিদ বিষয়ক দফতরের রয়েস বা নেতা। আবু দারদার স্ত্রী উম্মু দারদা সুগরা ছিলেন কিরাত শাস্ত্রের একজন অপ্রতিদৰ্শী বিশেষজ্ঞ। মূলতঃ শাস্ত্রীর নিকট থেকেই তিনি এ জ্ঞান অর্জন করেন। আভীয়া ইবন কায়েস কিলাবীকে তিনিই কিরাত শেখান। খলীফা ইবন সা'দের এমন বৈশিষ্ট্য ছিল যে, লোকে তাঁকে আবু দারদার সার্থক উত্তরাধিকারী বলতো। শামের বিখ্যাত কারীদের মধ্যে তাঁকে গণ্য করা হতো।

তাফসীর শাস্ত্রে যে সকল সাহাবী প্রসিদ্ধ তাঁদের মধ্যে যদিও আবু দারদার নামটি পাওয়া যায় না, তবুও বেশ কিছু আয়াতের তাফসীর তাঁর থেকে বর্ণিত হয়েছে। তিনি বলতেন, মানুষ যতক্ষণ না কুরআনের নানা দিক বিবেচনায় আনবে ততক্ষণ ফকীহ হতে পারবে না। জটিল আয়াতসমূহের ভাব তিনি রাসূলুল্লাহর (সা) নিকট জিজ্ঞেস করে জেনে নিতেন।

হযরত আবু দারদার নিকট কোন আয়াতের তাফসীর জিজ্ঞেস করলে তিনি খুব সংগৃহীত জবাব দিতেন। একবার এক ব্যক্তি প্রশ্ন করলো : **ولمن داف مقام ربه** ? এর মধ্যে কি ব্যতিচারী ও চোর শামিল হবে? তিনি জবাব দিলেন, তার রব বা প্রভুর তয় থাকলে সে কিভাবে ব্যতিচার ও চুরি করতে পারে?

**قتلم** -এ এক কাফির সম্পর্কে এসেছে 'عَلَى بَعْدِ ذَلِكَ زَيْمَ' এখানে 'উ' 'তুল' শব্দটির অর্থের ব্যাপারে 'মুফাস্সিরগণ নানা কথা বলেছেন। আবু দারদা তার ব্যাপক অর্থ বলেছেন। তিনি বলেছেনঃ বড় পেট ও শক্ত হলক বিশিষ্ট অতিরিক্ত পানাহারকারী, সম্পদ পুঁজিভূতকারী ও অতি কৃপণ ব্যক্তিকে 'উত্তুল' বলে।

এমনিভাবে সূরা তারিক-এ **السُّرَا** শব্দটি এসেছে। হযরত আবু দারদা এ শব্দটিরও একটি বিশেষ অর্থ বর্ণনা করেছেন।

আল্লাহর কালাম কুরআন মজীদের তা'লীম ও খিদমতের পরে সাহাবায়ে কিরাম সবচেয়ে বেশী গুরুত্ব দিয়েছেন রাসূলুল্লাহর (সা) হাদীসের প্রচার ও প্রসারের ব্যাপারে। হ্যরত আবু দারদা অতি সার্থকভাবে এ দায়িত্ব পালন করেন। হাদীস বর্ণনার ক্ষেত্রে আবু দারদার এক বিশেষ ষাটাইল ছিল। তাবারানী ইদরীস আল-খাওলানী থেকে বর্ণনা করেছেন। তিনি বলেছেন, আমি আবু দারদাকে দেখেছি, রাসূলের (সা) কোন হাদীস বর্ণনা শেষ করে তিনি বললেনঃ এই অথবা এই রকম অথবা এ ধরনের। (হায়াতুস সাহাবা-৩/২৩৯)

ইবন 'আসাকির ইবরাহীম ইবন আবদুর রহমান ইবন 'আউফ থেকে বর্ণনা করেছেন। খলীফা 'উমার (রা) বিভিন্ন স্থানে অবস্থানরত বিশিষ্ট সাহাবা—'আবদুল্লাহ ইবন হজাইফা, আবু দারদা, আবু জার ও 'উকবা ইবন 'আমিরকে ডেকে পাঠান। তাঁরা হাজির হলে বললেনঃ এই যে আপনারা রাসূলের (সা) হাদীসের নামে যা কিছু প্রচার করছেন, এসব কী? তাঁরা বললেনঃ আপনি প্রচার করতে নিষেধ করেন? 'উমার বললেনঃ না। তবে আপনারা আমার পাশে থাকবেন। আমি আপনাদের থেকে গ্রহণ অথবা বর্জন করবো। এ ব্যাপারে আমরা বেশী জানি। (হায়াতুস সাহাবা-৩/৪৮০, ৪৮১)

একবার তিনি হ্যরত সা'দান ইবন তালহার নিকট একটি হাদীস বর্ণনা করলেন। দিমাশ'কের মসজিদে তখন হ্যরত রাসূলে কারীমের (সা) আযাদকৃত দাস হ্যরত সাওবান উপস্থিত ছিলেন। হ্যরত সা'দান একটু বেশী আশ্রম হওয়ার জন্য হাদীসটি সম্পর্কে তাঁর নিকট জিজ্ঞেস করলেন। সাওবান বললেন, আবু দারদা সত্য বলেছেন। আমিও সে সময় রাসূলুল্লাহর (সা) নিকট উপস্থিত ছিলাম। (মুসলাদ-৬/৪৮২)

হ্যরত মু'য়াজ (রা) মৃত্যুর পূর্বক্ষণে একটি হাদীস বর্ণনা করে বলেছিলেন, এর জন্য সাক্ষী চাইলে 'উয়াইমির (আবু দারদা) আছেন, তাঁর কাছে তোমরা জিজ্ঞেস করতে পার। লোকেরা তাঁর নিকট গেল। তিনি হাদীসটি শুনে বললেনঃ আমার তাই (মু'য়াজ) সত্য বলেছেন। (মুসলাদ-৬/৪৫০)

সম্মানিত সাহাবায়ে কিরামের অভ্যাস ছিল, একে অপরের সাথে মিলিত হলে তাঁরা রাসূলুল্লাহর (সা) হাদীস সম্পর্কে আলোচনা করতেন। একবার একটি সমাবেশে 'উবাদা ইবনুস সামিত, হারিস আল-কিন্দী ও মিকদাদ ইবন মা'দিকারিবের সাথে আবু দারদাও উপস্থিত ছিলেন। তিনি 'উবাদাকে প্রশ্ন করলেন, অমুক যুদ্ধের সময় রাসূল (সা) কি খুমুস সম্পর্কে কিছু বলেছিলেন? 'উবাদার অ্যরণ হলো। তিনি পুরো ঘটনা বর্ণনা করলেন।

হ্যরত আবু দারদার গোটা জীবন কেটেছে আল্লাহর কালাম ও হাদীসে নববীর শিক্ষাদান ও প্রচারে। তাঁর মৃত্যুর পূর্বক্ষণে শহরের নানা শ্রেণীর অধিবাসীদের সমবেত করে তাদেরকে ঠিকমত নামায আদায়ের শেষ অসীয়াত করে যান। তাঁর নিকট হাদীসের যে ভাস্তর ছিল তা তিনি সরাসরি রাসূলুল্লাহর (সা) নিকট থেকে সংগ্রহ করেন। রাসূলুল্লাহর (সা) ইন্তিকালের পর কিছু হাদীস তিনি যাযিদ ইবন সাবিত ও 'আয়িশা (রা) থেকেও বর্ণনা করেন।

হাদীস শাস্ত্রে তাঁর ছাত্র এবং তাঁর থেকে হাদীস বর্ণনাকারীদের গতি ছিল সীমিত। আনাস ইবন মালিক, ফুদালা ইবন 'উবাইদ, আবু উমামা, 'আবদুল্লাহ ইবন 'উমার, 'আবদুল্লাহ ইবন 'আব্রাস, উম্মু দারদা প্রমুখের ন্যায় বিশিষ্ট সাহাবীরা তাঁর থেকে হাদীস বর্ণনা করেছেন।

অধিকাংশ খ্যাতিমান 'আলিম তাবে'ঈ তাঁর নিকট ইলমে হাদীস হাসিল করেছেন এবং তাঁর সূত্রে হাদীস বর্ণনাও করেছেন। এখানে সর্বাধিক খ্যাতিমান কয়েকজনের নাম উল্লেখ করা হলোঃ

সা'ঈদ ইবন মুসায়িব, বিলাল ইবন আবু দারদা, 'আলকামা! ইবন কায়স, আবু মুররা

মাওলা উষ্মে হানী, আবু ইদরীস খাওলী, জুবাইর ইবন নাদীর, সুওয়ায়িদ ইবন গাফলা, যায়িদ ইবন ওয়াহাব, মা'দান ইবন আবী তালহা, আবু হাবীবা তাই, আবুস সাফার হামাদানী, আবু সালামা ইবন 'আবদির রহমান, সাফওয়ান ইবন 'আবদিল্লাহ, কুসায়িব ইবন কায়স, আবু বাহরিয়া 'আবদুল্লাহ ইবন কায়স, কুসায়িব ইবন মুররা, মুহাম্মাদ ইবন সীরীন, মুহাম্মাদ ইবন সুওয়াইদ আবী ওয়াক্স, মুহাম্মাদ ইবন কা'ব আল-কুরাজী, হিলাল ইবন ইয়াসাফ প্রমুখ। (তাহজীবুত তাহজীব-৮/১৫৬; তাজকিরাতুল হফ্ফাজ-১/২৪; তারীখুল ইসলাম-২/১০৭)

হযরত আবু দারদার সূত্রে বর্ণিত হাদীস, যা হাদীসের বিভিন্ন গ্রন্থে পাওয়া যায় তার মোট ১৩খ্যা-১৭৯ (এক শো উনাশি)। এর মধ্যে বৃক্ষারী শরীফে ১৩টি ও মুসলিম শরীফে ৮টি সংকলিত হয়েছে। (আল-আ'লাম-৫/২৮১; তারীখুল ইসলাম-২/১০৭)

ফিকাহ শাস্ত্রেও তিনি এক বিশেষ স্থানের অধিকারী ছিলেন। মানুষ বহু দূর-দূরাঞ্চ থেকে মাসযালা জানার জন্য তাঁর কাছে আসতো। এক ব্যক্তি তো শুধু একটি মাসযালা জানার জন্য সুদূর কৃষ্ণ থেকে দিমাশ্কে তাঁর নিকট আসেন। সেই বিশেষ মাসযালাটি ছিল এ রকমঃ

উচ্চ ব্যক্তি প্রথমে বিয়ে করতে রাজি ছিলনা। কিন্তু পরে মায়ের চাপাচাপিতে বিয়ে করে। বিয়ের পর যখন স্বামী-স্ত্রীর মধ্যে গভীর ভালোবাসা গড়ে ওঠে তখন মা আবার স্ত্রীকে তালাক দেওয়ার জন্য চাপাচাপি শুরু করে দেন। এখন সে তালাক দিতে চায়না। সবকিছু শুনে আবু দারদা বললেন, আমি সুনিদিষ্টভাবে কারো সাথে- না মায়ের সাথে, না স্ত্রীর সাথে, সম্পর্ক ছেদ করার কথা বলবো না। আমি তোমার স্ত্রীকে তালাক দেওয়ার কথাও বলবো না, আবার মায়ের নাফরমানীও জায়েয় মনে করবো না। তোমার ইচ্ছা হলে তালাকও দিতে পার, আবার এখন যেমন আছ তেমন থাকতেও পার। তবে একথা যেন অবরণ থাকে যে, রাসূলুল্লাহ (সা) মাকে জারাতের দরজা বলে অভিহিত করেছেন। (মুসনাদ-৫/৯৮; সীয়ারে অনসার-২/২০০)

আবু হাবীব তাই একবার তাকে জিজ্ঞেস করলেন, আমার ভাই কিছু দীনার 'ফী সাবীলিল্লাহ' (আল্লাহর রাহে) দান করেন এবং মরণকালে অসীয়াত করে যান, দীনারগুলি যেন দানের খাতসমূহের কোন একটিতে দিয়ে দিই। এখন আপনি বলুন, সবচেয়ে উত্তম খাত কোনটি? তিনি জবাব দিলেন, আমার নিকট উত্তম খাত 'জিহাদ ফী সাবীলিল্লাহ' (আল্লাহর পথে জিহাদ)।

হযরত আবু দারদা ছিলেন স্বত্বাবগতভাবেই সৎ ও সত্যনিষ্ঠ প্রকৃতির। ইসলামী শিক্ষা তাঁর এ প্রকৃতিকে আরো দীক্ষ ও বৃছ করে তোলে। গোটা সাহাবাকুলের মধ্যে হযরত আবু জার আল গিফারী ছিলেন সবচেয়ে বড় স্পষ্টভাষ্য ও স্বাধীনচেতা। প্রথম পর্যায়ে তিনিও শামে থাকতেন। সেখানে খুব কম লোকই তাঁর কঠোরতার হাত থেকে রেহাই পেয়েছেন। হযরত আমীর মু'য়াবিয়াকে (রা) তিনি তাঁর দরবারে কঠোর সমালোচনা করেছেন। ইসলামী বিধি-নিষেধের ব্যাপারে এহেন কঠোর ব্যক্তি একদিন আবু দারদাকে বললেনঃ আপনি যদি রাসূলুল্লাহর (সা) সাক্ষাৎ নাও পেতেন অথবা রাসূলুল্লাহর (সা) ওফাতের পর ইসলাম গ্রহণ করতেন তাহলেও নেককার মুসলমানদের মধ্যে গণ্য হতেন। হযরত আবু দারদার (রা) আখলাকের পরিত্রাত্বের জন্য এর চেয়ে বড় সনদ আর কী হতে পারে?

তিনি ছিলেন নবীর (সা) সহচর। মহাপ্রাক্রমশালী আল্লাহ তা'য়ালার ভয়ে তাঁর দেহে কম্পন সৃষ্টি হতো। একবার তো মসজিদের মিহরে দাঁড়িয়ে খুতবার মধ্যে বলতে লাগলেন, আমি সেই দিনের ব্যাপারে খুবই ভীত যেদিন আল্লাহ আমাকে জিজ্ঞেস করবেন, তুমি কি তোমার ইল্ম অনুযায়ী 'আমল করেছো? যে দিন কুরআনের প্রতিটি আয়াত জীবন্তরূপে আমার

সামনে এসে দৌড়াবে এবং আমার কাছে জিজ্ঞেস করবে তুমি কুরআনের নির্দেশের কতটুকু অনুসরণ করেছো? নির্দেশসূচক আয়াত তখন আমার বিরুদ্ধে স্বাক্ষী হয়ে দৌড়াবে এবং বলবে, কোন কিছুই করেনি। তারপর প্রশ্ন করা হবে নিষেধ থেকে কতটুকু দূরে থেকেছো? নিষেধসূচক আয়াত তখন বলে উঠবে, কিছুই করেনি। ওহে জনমন্ডলী! আমি কি সেদিন মুক্তি পাব? (কানযুল 'উমাল-৭/৮৪; হায়াতুস সাহাবা-৩/৪৮৮, ৪৮৯)

পরকালের ভয়ে সব সময় তিনি ভীত থাকতেন। হিয়াম ইবন হাকীম বলেন, আবু দারদা বলতেনঃ মরণের পর যে কী হবে তা যদি তোমরা উপলক্ষি করতে তাহলে তৃষ্ণির সাথে পানাহার করতে পারতে না এবং রোদ থেকে বীচার জন্য ছাদওয়ালা ঘরেও প্রবেশ করতে না। বরং রাস্তায় বেরিয়ে বুক চাপড়াতে আর কাঁদতে। তিনি আরো বলতেনঃ হায়। আমি যদি গাছ হতাম, আর গরু-ছাগলে খেয়ে ফেলতো। আমি যদি আমার পরিবারের ছাগল হতাম, আর তারা আমাকে জবেহ করে টুকরো টুকরো করে অতিথি-মেহমানদের নিয়ে খেয়ে ফেলতো। অথবা আমি যদি এই খুটি হয়ে জন্মাতাম। তাহলে হিসাব-নিকাশের কোন ভয় থাকতো না। (কানযুল 'উমাল-২/১৪৫; হায়াতুস সাহাবা-২/৬২০, ৬২১)

ইবাদাতের ক্ষেত্রে পাঞ্জেগানা ও কিয়ামুল লাইল ছাড়াও তিনটি জিনিস অত্যন্ত কঠোরভাবে পালন করতেন। ১. প্রত্যেক মাসে তিন দিন সাওম পালন করতেন। ২. বিতর নামায আদায় করতেন। ৩. আবাসে-প্রবাসে সকল অবস্থায় চাশ্তের নামায আদায় করতেন। এগুলি সম্পর্কে রাসূল (সা) তাঁকে অসীয়াত করেছিলেন।

তিনি প্রত্যেক ফরজ নামাযের পর তাসবীহ পাঠ করতেন। তাসবীহ ৩৩ বার, তাহমীদ ৩৩ বার এবং তাকবীর ৩৪ বার। (মুসনাদ-৫/১৯৬) উন্মু দারদা থেকে বর্ণিত। একবার আবু দারদার নিকট একটি লোক এলো। আবু দারদা তাঁকে জিজ্ঞেস করলেন আপনি থাকবেন না চলে যাবেন? থাকলে বাতি জ্বালাই, নইলে আপনার বাহনের খাদ্য দিই। লোকটি বললোঃ চলে যাব। আবু দারদা বললেনঃ আমি আপনাকে পাথেয় দান করবো। যদি এর চেয়ে উন্নত কোন পাথেয় পেতাম তাহলে তাই আপনাকে দিতাম। একবার আমি রাসূলুল্লাহ (সা) নিকট গিয়ে বললামঃ ইয়া রাসূলুল্লাহ। ধনীরা দুনিয়া ও আবিরাত দুটোই লুটে নিল। আমরাও নামায পড়ি, তারাও পড়ে, আমরাও রোষা রাখি, তারাও রাখে। কিন্তু তারা সাদাকা করে, আমরা তা করতে পারিনা। রাসূল (সা) বললেনঃ আমি কি তোমাকে একটি জিনিস বলে দেব না, যদি তুমি তা কর তাহলে তোমার পূর্বের ও পরের কেউ তোমাকে অতিক্রম করতে পারবেনো? তবে যে তোমার মত করবে, কেবল সেই তোমার সমান হবে। সে জিনিসটি হলোঃ প্রত্যেক নামাযের পর ৩৩ বার তাসবীহ, ৩৩ বার আল- হামদুল্লাহ এবং ৩৪ বার আল্লাহ আকবার পাঠ করবে। (হায়াতুস সাহাবা-৩/৩০৫)

আর একবার আবু দারদা বলেনঃ এক শো দীনার সাদাকা করার চেয়ে এক শো বার তাকবীর পাঠ করা আমার নিকট অধিকতর প্রিয়। (হায়াতুস সাহাবা-৩/২৭৯) তিনি প্রতি মুহূর্ত তাসবীহ পাঠে নিরত থাকতেন। একবার তাঁকে প্রশ্ন করা হলো, আপনি প্রতিদিন কতবার তাসবীহ পাঠ করেন? বললেনঃ এক দাখ বার। তবে আমার আংগুল যদি ভুল করে তবে তা ডিন কথা। (তারীখুল ইসলাম-২/১১০)

একবার আবু দারদাকে বলা হলোঃ আবু 'সা'দ ইবন মুনাব্বিহ এক শো দাস মুক্ত করেছে। তিনি বললেনঃ একজন লোকের সম্পদের জন্য এক শো দাস অনেক। তুমি শুনতে চাইলে এর চেয়ে উন্নত জিনিসের কথা আমি তোমাকে শেনাতে পারি। আর তা হলোঃ দিবা-রাত্রির অবিস্কৃত ঈমান, আর সেই সাথে আল্লাহর জিক্ৰ (ফৱণ) থেকে তোমার জিহবা বিরত না থাকা। (হায়াতুস সাহাবা-৩/১২)

একবার এক ব্যক্তি আবু দারদার নিকট এসে বললো, আমাকে কিছু অসীয়াত করল্ল। বললেনঃ সুখের সময় আল্লাহকে শ্রণ কর, তিনি তোমার দুঃখের সময় শ্রণ করবেন। দুনিয়ার কোন জিনিসের প্রতি যখন তাকাবে তখন তার পরিণতির প্রতি একটু দৃষ্টি দেবে। (হায়াতুস সাহাবা- ৩/২৭৬)

হযরত রাসূলে কারীম (সা) তাঁকে জিক্র শিক্ষা দিয়েছেন। একদিন রাসূল (সা) বললেনঃ ‘আবু দারদা, তুমি কী পাঠ কর? বললেনঃ আল্লাহর জিক্র কর। রাসূল (সা) বললেনঃ আমি কি রাত-দিনে আল্লাহর যে জিক্র করা হয় তার থেকে কিছু শিখিয়ে দেব না? আবু দারদা বললেন হী, শিখিয়ে দিন। তখন রাসূল (সা) তাঁকে একটি জিক্র শিখিয়ে দেন। (হায়াতুস সাহাবা- ৩/৩০২)

রাসূলুল্লাহর (সা) নিকট থেকে শ্রত বাণীর প্রতি তাঁর পূর্ণ বিশ্বাস ও ইয়াকীন ছিল। একবার এক ব্যক্তি তাঁর কাছে এসে বললোঃ আবু দারদা! আপনার বাড়ীটি আগুনে পুড়ে গেছে। তিনি বললেনঃ না পুড়েনি। এরপর দু’ব্যক্তি একের পর এক একই খবর নিয়ে এলো। তিনিও একই জবাব দিলেন। চতুর্থ এক ব্যক্তি এসে বললো, আগুন লেগে ছিল; কিন্তু আপনার ঘর পর্যন্ত এসে তা নিতে যায়। একথা শুনে তিনি বলেন, আমি জেনেছি, আল্লাহ অবশ্যই তা করেন না। তখন লোকটি বললোঃ ওহে আবু দারদা! আপনি যে বললেন, ‘আমার ঘর পুড়েনি’ এবং ‘আমি জেনেছি, আল্লাহ অবশ্যই তা করেন না’— এ দু’টি কথার মধ্যে কোনটি সর্বাধিক বিশ্বাসকর? তিনি বললেনঃ আমি রাসূলুল্লাহর (সা) নিকট থেকে কিছু বাক্য শিখেছি, কেউ সেগুলি সকালে পাঠ করলে সঙ্গ্য পর্যন্ত কোন বিপদে পড়েনা। তারপর তিনি সেই বাক্যগুলি উচ্চারণ করেন। (বায়াকীঃ আসমা ও সিফাত অধ্যায়-১২৫; হায়াতুস সাহাবা- ৩/৭০)

হযরত আবু দারদার জীবন ছিল অতি সরল ও অনাড়ুর। দুনিয়ার কোন চাকচিক্য, জৌলুস, তোগ-বিলাস তাঁর গায়ে কক্ষনো দাগ কাটতে পারেনি। তিনি বলতেন, দুনিয়ায় মানুষের একজন মুসাফিরের মত থাকা উচিত। সূফীরা তাঁকে ‘আসহাবে সুফ্ফা’র সদস্যদের মধ্যে গণ্য করে থাকেন এবং ‘যুহুদ ও তাকওয়া’র বিষয়ের ওপর তাঁর বহু মূল্যবান বাণী-তারা বর্ণনা করেছেন। (দায়িরা-ই-মা’য়ারিফ ইসলামিয়া- ১/৮০০)

একবার হযরত সালমান আল-ফারেসী (রা) সাক্ষাতের জন্য তাঁর গৃহে আসলেন। তাঁরা ছিলেন পরম্পর দীনি ভাই। তিনি আবু দারদার স্ত্রীকে অতি সাধারণ বেশভূষায় দেখতে পেয়ে তাঁর এমন দীন-হীন অবস্থার কারণ জানতে চাইলেন। তিনি বললেন, আপনার তাই আবু দারদা দুনিয়ার প্রতি সম্পূর্ণ উদাসীন হয়ে গেছেন। এখন আর তাঁর কোন কিছুর প্রতি কোন রকম আগ্রহ নেই। আবু দারদা ঘরে ফিরলেন। সালমান বিনিষ্পয়ের পালা শেষ হলে খাবার এলো। সালমান আবু দারদাকে খাবারের জন্য ডাকলেন। আবু দারদা বললেন, আমি সাওম পালন করছি। সালমান কসম থেকে বললেন, আপনাকে অবশ্যই আমার সাথে থেতে হবে, অন্যথায় আমিও খাব না। সালমান আবু দারদার বাড়ীতে রাত্রি যাপন করলেন। রাতে আবু দারদা নামায পড়ার জন্য উঠলেন। সালমান তাঁকে বাধা দিয়ে বললেনঃ তাই আপনার ওপর আল্লাহর যেমন হক আছে, তেমনি স্ত্রীরও আছে। আপনার দেহেরও আছে। সূতরাং আপনি ইফতার করবেন, নামায পড়বেন, স্ত্রীর কাছে যাবেন এবং সকলের হক আদায় করবেন। শেষ রাতে সালমান তাঁকে ঘুম থেকে জাগালেন, দুইজন এক সাথে নামায পড়লেন এবং এক সাথে মসজিদে নববীতে চলে গেলেন। সকালে আবু দারদা রাসূলুল্লাহর (সা) নিকট সালমানের ঘটনা বর্ণনা করলেন। রাসূল (সা) বললেন, সালমান ঠিক বলেছে। সে তোমার চেয়ে বেশী বুদ্ধিমান। (তারীখুল ইসলাম- ২/১০৯; হায়াতুস সাহাবা- ২/৬৯২, ৬৯৩)

বিলাল ইবন সা’দ বলেন। আবু দারদা প্রায়ই দু’আ করতেনঃ হে আল্লাহ! আমার অস্তরে

বিক্ষিপ্ততা থেকে আমি আপনার পানাহ চাই। প্রশ্ন করা হলোঃ অন্তরের বিক্ষিপ্ততা আবার কী? বললেনঃ প্রতিটি উপত্যকায় আমার সম্পদ ছড়িয়ে থাকাই হচ্ছে অন্তরের বিক্ষিপ্ততা। (হায়াতুস সাহাবা-৩/৩৮৩)

আবু নু'য়াইয়া 'আল হলইয়া' গ্রহে (১/২২২) খালিদ ইবন হুদাইর আল-আসলামী থেকে বর্ণনা করেছেন। একবার তিনি আবু দারদার ঘরে গিয়ে দেখলেন, তিনি চামড়া অথবা পশমের বিছানার ওপর বসে আছেন। তাঁর গায়ে মোটা পশমের কাপড় এবং পায়েও পশমের জুতো। আর তিনি তখন অসুস্থ। এ অবস্থায় তিনি শুধু ঘামছেন। খালিদ বললেনঃ আপনি অনুমতি দিলে আমীরুল্ল মুমিনীদের নিকট থেকে প্রেরিত উত্তম বিছানা ও পোশাক আপনার জন্য আনতে পারি। জবাবে তিনি বললেনঃ আমার তো অন্য একটি বাড়ী আছে। আমি সেখানেই চলে যাব এবং সেখানে যাওয়ার জন্যই কাজ করছি। সুতরাং এতকিছুর প্রয়োজন কি? (হায়াতুস সাহাবা ২/২৯৬)

একবার আবু দারদার গৃহে কয়েকজন মেহমান এলো। সময়টি ছিল শীতকাল। তিনি গরম খাবার তো দিলেন; কিন্তু গরম বিছানা দিলেন না। মেহমানদের একজন তার সঙ্গীদের বললেনঃ আমাদের গরম খাবার তো দিলেন, কিন্তু শীত নিবারনের জন্য কোন কিছু তো দিলেন না। এভাবে থাকা যাবে না। তাঁর কাছে চাইতে হবে। অন্য একজন বললোঃ বাদ দাও। কিন্তু এক ব্যক্তি কারো কথা না শুনে সোজা বাড়ীর তিতরে ঢুকে গেল। সে দেখলো, আবু দারদার পাশেই তাঁর স্ত্রী বসে আছেন; কিন্তু তাদের গায়েও তেমন কোন শীতের কাপড় নেই। লোকটি ফিরে গেল। পরে সে আবু দারদাকে জিজেস করলোঃ আপনি আমাদের মতই শীত বন্ত ছাড়াই রাত কাটালেন কেন? জবাব দিলেন, আমাদের অন্য একটি বাড়ী আছে। আর সেখানেই আমরা চলে যাব। আমাদের বিছানাপত্র ও লেপ-তোষক সবই সেখানে পাঠিয়ে দিয়েছি। তার কিছু আমাদের কাছে থাকলে অবশ্য তোমাদের কক্ষে পাঠিয়ে দিতাম। (সিফাতুস সাফওয়া-১/২৬৩; হায়াতুস সাহাবা-২/২৯৭)

মু'য়াবিয়া ইবন কুরুরা বলেন, আবু দারদা বললেনঃ আমি তিনটি জিনিস পসন্দ করি, অর্থ মানুষ সেগুলি অপসন্দ করে। দারিদ্র, রোগ ও মৃত্যু। মৃত্যুকে আমি পসন্দ করি আমার রব বা প্রত্বর সাথে যিলিত হওয়ার জন্য, দারিদ্রকে পসন্দ করি প্রত্বর সামনে বিনোততাব প্রকাশের জন্য, আর রোগ পসন্দ করি আমার পাপের কাফ্ফারার জন্য। (তাজকিরাতুল হফ্ফাজ-১/২৫; তারীখুল ইসলাম-২/১১০)

রাসূলুল্লাহর (সা) দারসগাহে যীরা শিক্ষা পেয়েছিলেন, তাঁরা সবাই বুঝেছিলেনঃ 'আমর বিল মা'রফ বা সৎ কাজের আদেশ তাঁদের ওপর ফরজ। হযরত আবু দারদা এ ফরজের ব্যাপারে উদাসীন ছিলেন না। একবার হযরত মু'য়াবিয়া একটি রূপোর পাত্র খরীদ করলেন। বিনিময়ে তিনি কিছু কম-বেশী রূপোর মুদ্রা বিক্রেতাকে দিলেন। শরীয়াতের দৃষ্টিতে এটা ছিল অবৈধ। বিষয়টি আবু দারদা অবগত হওয়ার সাথে সাথে প্রতিবাদ করে বলেন, ওহে মু'য়াবিয়া! এমন কেনা-বেচা জায়েয় নয়। রাসূল (সা) সোনা-রূপোর বিনিময়ে সমতার নির্দেশ দিয়েছেন।

ইউসুফ ইবন আবদিল্লাহর ঘটনাটি পূর্বেই উল্লেখ করা হয়েছে। তিনি আবু দারদার কাছে এসেছিলেন এক উদ্দেশ্যে, আর বলেছিলেন তির কথা। এ কারণে আবু দারদা সংগে সংগে তাঁকে শুধরে দিয়ে বলেছিলেনঃ যিথ্যাবলা খুবই খারাপ কাজ। (মুসনাদ-৬/৪৫০)

আমীর মু'য়াবিয়া (রা) হযরত আবু জারকে (রা) শাম থেকে বের করে দিলেন। পথ চলা কালে আবু দারদার কানে খবরটি পৌছালে অবলীলাকৃমে তাঁর মুখ দিয়ে 'ইমালিল্লাহ' উচ্চারিত হলো। তারপর তিনি বললেনঃ উটের সাথীদের সম্পর্কে যেমন বলা হয়েছে, তেমনি তাদের ব্যাপারে অপেক্ষা কর। (উটের সাথী দ্বারা হযরত সালেহর (আ) সংগী সাথী বুঝিয়েছেন।)

তারপর অত্যন্ত আবেগের সাথে বলতে লাগলেন, হে আল্লাহ! তারা আবু জারকে মিথ্যাবাদী বলেছে, কিন্তু আমি তা বলি না। লোকে তাঁর ওপর মিথ্যা দোষারোপ করেছে, কিন্তু আমি এ ব্যাপারে তাদের সাথে নই। কারণ আমি জানি, রাসূল (সা) ধরাপৃষ্ঠে তাঁর মত আর কাউকে সত্যবাদী মনে করতেন না এবং তাঁর মত আর কারো নিকট গোপন কথা বলতেন না। যার হাতে আমার জীবন সেই সত্ত্বার শপথ, যদি আবু জার আমার হাতও কেটে দেন তবুও আমি তাঁর প্রতি কোন রকম বিদ্যে পোষণ করবো না। কারণ, রাসূল (সা) বলেছেনঃ আসমানের নীচে ও যমীনের ওপরে আবু জার অপেক্ষা অধিকতর সত্যবাদী আর কেউ নেই।

ইবন 'আসাকির বর্ণনা করেছেন। আবু দারদা একবার মাসলামা ইবন মুখ্যাদকে লিখলেনঃ বান্দা যখন আল্লাহর সন্তুষ্টির জন্য কাজ করে তখন আল্লাহ তাকে ভালোবাসেন। আর আল্লাহ যখন তাঁকে ভালোবাসেন তখন তার সকল বান্দার প্রিয়পাত্র করে দেন। অপর দিকে বান্দা যখন আল্লাহর নাফরমানির কাজ করে তখন তার ওপর আল্লাহর ক্রোধ পতিত হয়। যখন সে আল্লাহর ক্রোধে পতিত হয় তখন সে তার সৃষ্টিরও ক্রোধের পাত্রে পরিণত হয়। (কানযুল 'উমাল-৮/২২৭, হায়াতুস সাহাবা-৩/৫১৪)

হ্যরত রাসূলে কারীম (সা) একদিন বললেন, যে ব্যক্তি তাওয়াদের কালেমা উচ্চারণ করবে সে জান্নাতে যাবে। আবু দারদা প্রশ্ন করলেন—সে যদি যিনি বা চুরি করে, তবুও? রাসূল (সা) বললেনঃ হ্যাঁ, তবুও। এমন একটা খোশখবর মানুষের কাছে পৌছানো উচিত। আবু দারদা তিনবার জিজ্ঞেস করে মানুষের নিকট এ খবর পৌছানোর জন্য বেরিয়ে পড়লেন। পথে 'উমারের সাথে সাক্ষাৎ। তিনি বললেনঃ এমন কাজ করো না। এতে মানুষ 'আমল ছেড়ে দেবে। আবু দারদা ফিরে বিষয়টি রাসূলকে (সা) জানালেন। তিনি বললেন, 'উমার ঠিক বলেছে। (মুসনাদ-৫/৪১)

একদিন তিনি বাহির থেকে ঘরে ফিরলেন। চোখে-মুখে উত্তেজনার ছাপ। স্তু জিজ্ঞেস করলেনঃ কী হয়েছে? বললেনঃ আল্লাহর কসম! শুধুমাত্র জামায়াতে নামায আদায় ছাড়া রাসূলগুলাহর (সা) একটি কাজও আর পালিত হচ্ছে না। মানুষ সব ছেড়ে দিয়েছে। (হায়াতুস সাহাবা-৩/১২৩)

একবার সা'দান ইবন আবী তালহার সাথে তাঁর দেখা হলে জিজ্ঞেস করেনঃ আপনার বাড়ী কোথায়? সা'দান বললেনঃ গ্রামে। তবে শহরের কাছাকাছি। তখন তিনি বললেনঃ তাহলে আপনি শহরে নামায পড়বেন। যেখানে আধান এবং নামায হয়না সেখানে শয়তানের অধিপত্য বিস্তার লাভ করে। দেখ, নেকড়ে সেই মেষকে ধরে যে দলছুট হয়ে যায়। (মুসনাদ-৬/৪৯)

গোটা মুসলিম সমাজ তাঁকে অত্যন্ত সমীহ ও সম্মান করতো। উত্তেজিত অবস্থায়ও তিনি যা কিছু বলতেন, মানুষ অন্তর দিয়ে তা শুনতো। একবার এক কুরাইশী এক আনসারীর দাঁত তেঙ্গে দেয়। হ্যরত আবীর মু'য়াবিয়ার (রা) দরবারে বিচার গেল। তিনি কুরাইশীকে অপরাধী ঘোষণা করলেন। তখন সে বললো, আনসারী লোকটি প্রথমে আমার দাঁতে ব্যথা দেয়। একথা শুনে আবীর মু'য়াবিয়া বললেনঃ একটু থাম, আমি আনসারীকে রাজী করবাইছি। কিন্তু আনসারী-কিসাসের দাবীতে আটল রইল। সে রাজী হলো না। আবীর মু'য়াবিয়া বললেন, এই যে আবু দারদা আসছেন, তিনি যে ফয়সালা করেন তাই মেনে নাও। আবু দারদা ঘটনাটি শুনে এই হাদীসটি বর্ণনা করেনঃ কোন ব্যক্তি কাউকে দৈহিক কষ্ট দিলে বষ্টপ্রাণ ব্যক্তি যদি তাকে ক্ষমা করে দেয় তাহলে আল্লাহ তার মর্যাদা বৃদ্ধি করে দেন এবং তার গুনাহ মাফ হয়ে যায়। আবু দারদার মুখ থেকে এ হাদীসটি শোনার সাথে আনসারী লোকটি— যে তখন

দারণ উন্নেজিত ছিল, রাজী হয়ে গেল। সে আবু দারদাকে জিজ্ঞেস করলো, হাদীসটি কি আপনি রাসূলগ্রাহী (সা) মুখ থেকে শুনেছেন? তিনি বললেন: হাঁ। আনসারী বললেন, তাহলে আমি তাঁকে যাফ করে দিলাম। (মুসলাদ-৬/৪৮৪)

তিনি সব সময় সব রকম ফিত্না ও অশান্তি থেকে দূরে থাকতেন। হিজায় অপেক্ষা শাম কোন দিক দিয়েই ভালো ছিল না। তবে ফিত্না ও অশান্তি থেকে দূরে থাকার জন্যই শামে বসবাস করতেন। তিনি বলতেন, যেখানে দু'জন লোকও একহাত পরিমাণ ভূমির জন্য বিবাদ করে সে স্থানও ত্যাগ করা আমি পসন্দ করি।

তিনি নির্জনতা ভালোবাসতেন। তিনি বলতেনঃ একজন মুসলমানের সবচেয়ে ভালো ইবাদাতগাহ তার বাড়ী। সেখানে তাঁর নাফ্স, চোখ ও লজ্জাস্থান সর্বাধিক সংযত থাকে। তিনি আরো বলতেন তোমরা বাজারের মজলিস থেকে দূরে থাক। কারণ, এসব মজলিস তোমাদেরকে খেলা ও হাসি-তামাশার দিকে নিয়ে যায়। (কানযুল 'উস্লাল-২/১৫৯; হায়াতুস সাহাবা-২/৬৫০)

তিনি সব সময় চুপচাপ থাকতে এবং চিন্তা-অনুধ্যানে সময় কাটাতে পসন্দ করতেন। 'আউন ইবন 'আবদিল্লাহ একবার উম্ম দারদাকে জিজ্ঞেস করলেনঃ আবু দারদার সর্বোত্তম আমল ছিল কোনটি? বললেনঃ গভীর চিন্তা ও অনুধ্যান। আবু দারদা আরও বলতেনঃ এক ঘন্টা চিন্তা করা সারারাত ইবাদাত অপেক্ষা উত্তম। (সিফাতুস সাফওয়া-১/২৫৮; কানযুল 'উস্লাল-২/১৪২; হায়াতুস সাহাবা-২/৬২৭) তিনি আরও বলতেনঃ তোমরা যেমন কথা বলা শেখ, তেমনি চুপ থাকাও শেখ। কারণ, চুপ থাকা বিরাট সহনশীলতা। বলার চেয়ে শোনার প্রতি আগ্রহী হও। অহেতুক কোন কথা বলো না। (হায়াতুস সাহাবা-২/৬৩২)

তিনি সব সময় হাসি মুখে থাকতেন এবং মানুষের সাথে খোশ-মেয়াজে মিশতেন। কথা বলার সময় ঠোঁটে হাসি ঝরতো। আর এ হাসিকে স্তু উম্ম দারদা মর্যাদার পরিপন্থী মনে করতেন। একদিন তো বলেই বসলেন, এই যে আপনি প্রতি কথায় মূচকি হাসি দেন, এতে লোকে আপনাকে নির্বোধ মনে না করো। আবু দারদা বললেনঃ রাসূল (সা) তো কথা বলার সময় মৃদু হাসতেন। (হায়াতুস সাহাবা-৩/২০৩)

তাঁর স্বতাব ছিল সরল ও অনাড়ুব। দিমাশ্কের মসজিদ চতুরে নিজ হাতে গাছ লাগাতেন। রাসূলগ্রাহী (সা) সাহাবী ও মসজিদের হালকায়ে দারসের ইমাম হয়ে এত ছেট ছেট কাজ নিজ হাতে করাতে লোকে অবাক হয়ে যেত। এক ব্যক্তি তো একবার তাঁকে বিশ্বয়ের সাথে প্রশ্ন করে বসে, আপনি নিজেই এমন কাজ করেন? আবু দারদা তাঁর বিশ্বয়ের জবাবে বলেন, এতে যুব সওয়াব।

তিনি অত্যন্ত দানশীল ও অতিথিপরায়ণ ছিলেন। অভাব-অনাটন সত্ত্বেও মেহমানের বিদমতের কোন প্রকার ত্রুটি কঙ্গণো করতেন না। অধিকাংশ সময় তাঁর বাড়ীতে লোক থাকতেন। কোন মেহমান এলে তিনি জিজ্ঞেস করতেনঃ থাকবেন না চলে যাবেন? যদি যাওয়ার ইচ্ছা ব্যক্ত করতো, তাহলে তিনি তার পাথেয় দিয়ে দিতেন। কোন কোন লোক কয়েক সপ্তাহ অবস্থান করতো। হ্যরত সালমান আল-ফারেসী-দিমাশ্কে গেলে তাঁরই বাড়ীতে অবস্থান করতেন।

তাঁর অস্তরটি ছিল বড় কোমল ও উদার। কাউকে ঘৃণা করা বা গালি দেওয়া পসন্দ করতেন না। একদিন কোথায় যেন যাচ্ছিলেন। দেখলেন, বেশ কিছু লোক এক ব্যক্তিকে গালি দিচ্ছে। জিজ্ঞেস করে জানলেন যে, সে কোন পাপ কাজ করেছে। হ্যরত আবু দারদা লোকদের বললেন, কেউ কুয়ায় পড়ে গেলে তাকে টেনে তোলা উচিত। গালি দেওয়াতে কোন কল্যাণ নেই। তোমরা যে এ পাপ থেকে বেঁচে থাকতে পেরেছ, সেটাই সৌভাগ্য মনে কর। লোকেরা

তখন প্রশ্ন করলো, আপনি কি এ ব্যক্তিকে খারাপ মনে করেন না? বললেনঃ স্বত্বাবগতভাবে লোকটির মধ্যে কোনরকম খারাবি নেই; তবে তার এ কাজটি খারাপ। যখন সে এ কাজ ছেড়ে দেবে তখন সে আবার আমার ভাই। (উসুদুল গাবা-৪/১৫০; কানযুল 'উচ্চাল-২/১৭৪; হায়াতুস সাহাবা-২/৪২৮)

তাঁর স্বত্বাবটি ছিল বড় ঐশ্বর্যমণ্ডিত। কারো নিকট থেকে কোন কিছু গ্রহণ করা ছিল তাঁর প্রকৃতি বিরোধী। একবার 'আবদুল্লাহ ইবন 'আমির আসলেন শামে। বহু সাহাবী তাঁর কাছে গিয়ে নিজ নিজ ভাতা গ্রহণ করলেন। কিন্তু আবু দারদা গেলেন না। বাধ্য হয়ে 'আবদুল্লাহ নিজেই ভাতা নিয়ে তাঁর গৃহে হাজির হলেন এবং বললেনঃ আপনি যাননি তাই আমি নিজেই ভাতা নিয়ে হাজির হয়েছি। তিনি বললেনঃ রাসূল (সা) আমাকে বলেছেন, যখন আমীরগণ নিজেদের অবস্থা পরিবর্তন করে নেয় তখন তোমরাও নিজেদেরকে পরিবর্তন করে নেবে। (কানযুল 'উচ্চাল-২/১৭১)

তাঁর আধ্যাত্মিক উৎকর্ষতা সম্পর্কে অনেক কথা বিভিন্ন গ্রন্থে পাওয়া যায়। আবুল বাখতারী থেকে বর্ণিত। একবার আবু দারদা একটি হাঁড়িতে কিছু জ্বাল দিছিলেন। পাশেই হযরত সালমান আল-ফারেসী বসেছিলেন। এমন সময় আবু দারদা ছেট বাক্ষাদের আওয়ায়ের মত হাঁড়ির মধ্যে তাসবীহ পাঠের আওয়ায় শুনতে পেলেন। তিনি চিৎকার করে সালমানকে ডেকে বললেনঃ সালমান! দেখ, দারুণ বিশয়ের ব্যাপার। তুমি বা তোমার বাপ-দাদা কেউ কক্ষনো এমন ঘটনা দেখনি। সালমান বললেনঃ তুম যদি চুপ থাকতে তাহলে আল্লাহর এর থেকে বড় নির্দশন দেখতে পেতে। (হায়াতুস সাহাবা-৩/৫৮৬)

আবু নু'য়াইম 'আল-হলইয়া' গ্রন্থে (১/২১০) 'আউফ ইবন মালিক থেকে বর্ণনা করেছেন। আউফ স্বপ্নে একটি চামড়ার নিমিত্ত গুজ ও একটি চারণক্ষেত্র দেখলেন। গুজের পাশে একপাল ছাগল শুয়ে শুয়ে জাবর কাটছিল। তিনি জিজ্ঞেস করলেন, এগুলি কার? বলা হলো, আবদুর রহমান ইবন আউফের। কিছুক্ষণ পর আবদুর রহমান ইবন আউফ বের হয়ে আসলেন। বললেনঃ হে আউফ, কুরআনের বিনিময়ে আল্লাহ আমাকে এ সবকিছু দান করেছেন। যদি তুমি এ রাস্তার দিকে একটু তাকাও তাহলে এমন সব জিনিস দেখতে পাবে যা তোমার চোখ কখনো দেখেনি, তোমার কান কখনো সে সম্পর্কে কিছু শোনেনি এবং তোমার অন্তরে তার কল্পনাও কখনো উদয় হয়নি। আল্লাহ তা'য়ালা তা আবু দারদার জন্য প্রস্তুত করে রেখেছেন। কারণ, তিনি দু'হাত ও বুক দিয়ে দুনিয়াকে দূরে ঠেলে দিয়েছেন। (উসুদুল গাবা-৫/১৮৫; হায়াতুস সাহাবা-৩/৬৭২)

তিনি বঙ্গ-বাঙ্গবন্দের সাথে সুসম্পর্ক বজায় রাখতেন। তাঁর দীনী-ভাই হযরত সালমান আল-ফারেসীর সাথে আজীবন গভীর সম্পর্ক বিদ্যমান ছিল। তাবারানী বর্ণনা করেছেন। আশ'য়াস ইবন কায়স ও জারীর ইবন আবদুল্লাহ আল-বাজালী একবার সালমান আল-ফারেসীর নিকট আসলেন। তিনি তখন মাদায়েনের একটি দূর্গে অবস্থান করছিলেন। তাঁরা সালাম দিয়ে জিজ্ঞেস করলেনঃ আপনি কি সালমান আল-ফারেসী? বললেনঃ হা। আপনি কি রাসূলুল্লাহর (সা) সাহাবী? বললেনঃ জানিনে। তখন তাঁরা সন্দেহের মধ্যে পড়ে গেল। তাঁরা মনে করলেন, আমরা যাঁকে খুঁজছি, এ তিনি নন। তাঁদের এ ইত্তেত: তাৰ দেখে সালমান বললেনঃ তোমরা যাঁকে খুঁজছো আমি সেই ব্যক্তি। আমি রাসূলুল্লাহকে (সা) দেখেছি, তাঁর সাথে উঠা-বসা করেছি। আর সাহাবী তো সেই যে রাসূলের (সা) সাথে জানাতে যাবে। যাই হোক, তোমাদের কী প্রয়োজন? তাঁরা বললেনঃ শামে অবস্থানরত আপনার এক ভাইয়ের নিকট থেকে আমরা এসেছি। তিনি জানতে চাইলেনঃ কে সে? তারা বললেনঃ আবু দারদা। তখন তিনি জিজ্ঞেস করলেনঃ তাহলে তোমাদের সাথে পাঠানো তাঁর

উপহার সামগ্রী কোথায়? তাঁরা বললেন : আমাদের সাথে তো কোন উপহার পাঠাননি। আবু দারদা বললেন : আল্লাহকে ভয় কর এবং যথাযথভাবে আমানত আদায় কর। তাঁর নিকট থেকে যেই এসেছে, তার সাথে কিছু না কিছু হাদিয়া তিনি আমার জন্য পাঠিয়েছেন। তাঁরা বললেন : এভাবে আমাদেরকে দোষারোপ করবেন না। এই আমাদের অর্থকড়ি থেকে যা খৃষ্ণী আপনি গ্রহণ করুন। তিনি বললেন : আমি তোমাদের অর্থকড়ি চাইনা। যে হাদিয়া পাঠিয়েছেন শুধু তাই চাই। তখন তাঁরা শপথ করে বললেন, কোন হাদিয়া তিনি পাঠাননি। তবে তিনি আমাদেরকে একথা বলেছেন যে, তোমাদের মধ্যে এমন এক ব্যক্তি আছেন, রাসূল (সা) যখন প্রকৃতির ডাকে সাড়া দিতে যেতেন তখন তাঁকে ছাড়া আর কাউকে ডাকতেন না। তোমরা যখন তাঁর কাছে যাবে, তাঁকে আমার সালাম পৌছে দেবে। আবু দারদা বললেন : এছাড়া আর কি হাদিয়া আমি তোমাদের কাছে চাচ্ছি? সালামের চেয়ে উত্তম হাদিয়া আর কী হতে পারে? (হায়াতুস সাহাবা-২/৪৯২-৪৯৫)

হযরত 'আবদুল্লাহ ইবন রাওয়াহ (রা) ছিলেন তাঁর জাহিলী যুগের অন্তরঙ্গ বন্ধু বা তাই। তাঁরই দাওয়াত ও চেষ্টায় তিনি ইসলাম গ্রহণ করেন। আজীবন তিনি সে সম্পর্ক অটুট রেখেছিলেন। তিনি প্রায়ই দু'আ করতেন : হে আল্লাহ! আমার তাই 'আবদুল্লাহ ইবন রাওয়াহ লজ্জা পায় আমার এমন কোন 'আমল তাঁর কাছে উপস্থাপনের ব্যাপারে আমি আপনার পানাহ চাই। (হায়াতুস সাহাবা-৩/৩৮৪)

এছাড়া হযরত আবু দারদার বহু দীনী ইয়ার-বন্ধু ছিলেন। তিনি নামায়ের পর তাঁদের সকলের মঙ্গল কামনা করে আল্লাহর কাছে দু'আ করতেন। তাঁর স্ত্রী হযরত উম্মুল দারদা (রা) বলেন : আবু দারদার ৩৬০ জন আল্লাহর পথের বন্ধু ছিলেন। নামাযে তাঁদের প্রত্যেকের জন্য দু'আ করতেন। আমি তাঁকে এব্যাপারে জিজ্ঞেস করলে তিনি বললেন : কোন মানুষ দূর থেকে যখন তার কোন ভাইয়ের জন্য দু'আ করে তখন আল্লাহ তার জন্য দু'জন ফিরিশতা নিয়োগ করেন। তাঁরা বলতে থাকে : তোমার ভাইয়ের জন্য তুমি যা কামনা করছো, আল্লাহ তোমাকেও তা দান করুন। ফিরিশতারা আমার জন্য দু'আ করুক, তাকি আমি চাইবো না? (তারিখুল ইসলাম-২/১১১)

তিনি ছিলেন রাসূলুল্লাহর (সা) একজন একনিষ্ঠ ভক্ত ও 'আশেক। রাসূলের (সা) জীবন্দশায় তাঁকে এত বেশী ভালোবাসতেন যে, রাতে তাঁর ঘরের সামনে শুয়ে থাকতেন, যাতে তিনি প্রয়োজন হলে তাঁকে জাগিয়ে তুলে তাঁকে কাজে লাগাতে পারেন। (হায়াতুস সাহাবা-২/৬৮৮)

পরোক্ষভাবে কুরআনের একটি আয়াতও তাঁর শানে নথিল হয়েছে। শুরাইহ ইবন 'উবাইয়দ থেকে বর্ণিত হয়েছে। এক ব্যক্তি একদিন আবু দারদাকে বিদ্রূপ করে বললো : ওহে কুরীদের দল! তোমাদের হয়েছে কি যে, তোমরা আমাদের চেয়ে বেশী ভীরু ও বেশী কৃপণ? কিন্তু খাওয়ার সময় তোমাদের গ্রাসটি তো হয় সবচেয়ে বড়। আবু দারদা তাঁর কথায় কোন উত্তর দিলেন না। বিশয়টি 'উমারের কানে গেল। তিনি আবু দারদাকে জিজ্ঞেস করলে তিনি বললেন : আল্লাহ তাকে ক্ষমা করে দিন। তাঁদের সব কথাই কি আমরা ধরবো? তখন 'উমার সেই লোকটির নিকট গিয়ে তাঁর গলায় কাপড় পেঁচিয়ে টানতে টানতে রাসূলুল্লাহর (সা) নিকট নিয়ে যান। লোকটি বললো : আমরা একটু হাসি-মাশুকারা করছিলাম। তখন সূরা তাওবার ৬৫ নং আয়াতটি নাযিল হয়। (হায়াতুস সাহাবা-২/৪৬৩)

মু'য়াবিয়া ইবন কুররা বলেন : একবার আবু দারদা অসুস্থ হলেন। বন্ধুরা দেখতে গেলেন। তাঁরা বললেন : আপনার অভিযোগ কিসের বিরুদ্ধে? বললেন : আমার গুনাহৰ বিরুদ্ধে। আপনার সর্বশেষ কামনা কী? বললেন : জানাত; তাঁরা বললেন : আমরা কি একজন ডাক্তার

ডাকবো? বললেন : প্রয়োজন নেই। শ্রেষ্ঠতম ডাক্তারই তো আমাকে এ কষ্ট দিয়েছেন। (হায়াতুস সাহাবা-২/৫৮১)

আবু নু'য়াইম ‘আল-হলইয়া’ গ্রন্থে (১/২১২) জুবাইর ইবন নুফাইর (রা) থেকে বর্ণনা করেছেন। ভূমধ্য সাগরীয় দ্বীপ ‘কিবরিস’ বিজয়ের দিন অনেক মুজাহিদ কেঁদে ফেলেন। আমি দেখলাম, আবু দারদা একাকী বসে বসে কাঁদেছেন। আমি তাঁকে জিজ্ঞেস করলাম, যে দিন আল্লাহ ইসলাম ও মুসলমানদের সম্মানিত করলেন, সে দিন এভাবে কাঁদার কারণ কি? বললেন : জুবাইর, তোমার ধৃৎস হোক। যে মানুষ আল্লাহর হৃকুম ছেড়ে দেয় সে কতই না নিকৃষ্ট জীব। এই জাতি ছিল শক্তিশালী ও বিজয়ী। তাদের ছিল একটি রাষ্ট্র। তারা আল্লাহর আদেশ ছেড়ে দেয়। তাই তাদের এ পরিণতি। (হায়াতুস সাহাবা-৩/৬৮১)

একবার হযরত মুয়াবিয়া আবু দারদাকে লিখলেন : আপনি আমাকে দিমাশ্কের ফাসিকদের একটা তালিকা দিন। জবাবে তিনি বললেন : তাদের সাথে আমার সম্পর্ক কি? আমি কিভাবে তাদের চিনবো? কিন্তু তাঁর ছেলে বিলাল বললেন : আমিই তাদের তালিকা পাঠাবো। সত্যিই তিনি তালিকা তৈরী করলেন। তখন আবু দারদা বললেন : কিভাবে তুমি তাদেরকে চিনলে? তুমি তাদের দলের একজন না হলে তাদেরকে চিনতে পার না। তোমার নামটি দিয়েই তালিকা শুরু কর। একথার পর বিলাল আর তালিকা পাঠালনি। (হায়াতুস সাহাবা-২/৪২৪)

হযরত আবু দারদা মানুষকে বলতেন : তোমরা দুনিয়া থেকে দূরে থাক। কারণ, এ দুনিয়া হারাত ও মারাত অপেক্ষা বড় জাদুকর। (লিসানুল-মীয়ান-৭/৪৪) তিনি প্রায়ই দু'আ করতেন : হে আল্লাহ! আমাকে পৃণ্যবানদের সাথে মরণ দিন এবং পাপাচারীদের সাথে বৌঢ়িয়ে রাখবেন না। তিনি আরো দু'আ করতেন : হে আল্লাহ! আমি আলিমদের অভিশাপ থেকে আপনার পানাহ চাই। যখন জানতে চাওয়া হলো, তারা কিভাবে আপনাকে অভিশাপ দেবে? বললেন : আমাকে ঘৃণা করবে। (হায়াতুস সাহাবা-৩/৩৮৪)

হযরত আবু দারদা (রা) সম্পর্কে অনেক টুকরো টুকরো কথা বিভিন্ন গ্রন্থে বিস্ফুলভাবে ছড়িয়ে ছিটিয়ে আছে যা খুবই চমকপ্রদ ও শিক্ষনীয়। ইবন হাজারের (রহ) মত আমরাও বলি, তাঁর মাহাত্ম্য ও গুণাবলী অনেক যা ছোটখাট কোন প্রবন্ধে প্রকাশ করা যাবে না। (তাহজীবুত তাহজীব-৮/১৫৬)

## হ্যরত হজাইফা ইবনুল ইয়ামান (রা)

আসল নাম হজাইফা, ডাকনাম আবু 'আবদিল্লাহ, এবং লকব বা উপাধি 'সাহিবুস সির'। গাতফান গোত্রের 'আবস শাখার সন্তান। এজন্য তাঁকে আল-'আবসীও বলা হয়। পিতার নাম হসাইল মতাতরে হাসাল ইবন জাবির এবং মাতার নাম রাবাহ বিনতু কা'ব ইবন 'আবদী ইবন আবদিল আশহাল, মদীনার আনসার গোত্র আউসের আবদুল আশহাল শাখার কন্যা। ইবন হাজার (রহ) বলেন : এ হজাইফা একজন অন্যতম শ্রেষ্ঠ সাহাবী। (আল-ইসাবা-১/৩১৭; আল-ইসতী'হাব : আল-ইসাবাৰ পাথটিকা-১/২৭১)

হজাইফার পিতা হসাইল ছিলেন মূলতঃ মক্কার বনী 'আবস গোত্রের লোক। ইসলামপূর্ব যুগে তিনি নিজ গোত্রের এক ব্যক্তিকে হত্যা করে মক্কা থেকে পালিয়ে ইয়াসরিবে আশ্রয় নেন। সেখানে বনী 'আবদুল আশহাল গোত্রের সাথে প্রথমে মৈত্রীচূড়ি, পরে বৈবাহিক সম্পর্ক স্থাপন করে বসবাস করতে থাকেন। মদীনার আনসার গোত্রসমূহের আদি সম্পর্ক মূলতঃ ইয়ামানের সাথে। হসাইল তাদের মেয়ে বিয়ে করায় তাঁর গোত্রের লোকেরা তাঁর পরিচয় দিত 'আল-ইয়ামান' বলে। এজন্য হজাইফা ইবনুল ইয়ামান বলা হয়। (দুঃ শাজারাতুয় যাহাব-১/৪৮; আল-ইসাবা-১/৩১৭; তাহজীবুত তাহজীব-২/১৯৩) এ ইয়ামান আবদুল আশহাল গোত্রে যে বিয়ে করেন সেখানে তাঁর নিম্নোল্লেখিত সন্তানগণ জন্মগ্রহণ করেন : ১. হজাইফা, ২. সা'দ, ৩. সাফওয়ান; ৪. মুদলিজ, ৫. লাইল। এরা ইতিহাসে ইয়ামানের বংশধর নামে খ্যাত।

আল-ইয়ামানের মক্কায় প্রবেশে যে বাধা ও ত্যয় ছিল ধীরে ধীরে তা দূর হয়ে যায়। তিনি মাঝে মধ্যে মক্কা-ইয়াসরিবের মধ্যে যাতায়াত করতেন। তবে বেশী থাকতেন ইয়াসরিবে। এদিকে হ্যরত রাসূলে কারীম (সা) মক্কায় ইসলামের দাওয়াত দিতে শুরু করেন। এক পর্যায়ে হজাইফার পিতা আল-ইয়ামান বনী 'আবসের এগারো ব্যক্তিকে সংগে করে রাসূলগ্রহণ (সা) নিকট উপস্থিত হয়ে ইসলাম গ্রহণ করেন। হ্যরত রাসূলে কারীম (সা) তখনও মক্কা থেকে মদীনায় হিজরাত করেননি। সুতরাং হজাইফা মূলের দিক থেকে মক্কার তবে মদীনায় জন্মগ্রহণ করেন এবং সেখানেই বড় হন। সুওয়ারুন মিন হায়াতিস সাহাবা-৪/১২২)

হ্যরত হজাইফার পিতা আল-ইয়ামান মুসলমান হন মক্কায় ইসলামের প্রথম পর্বে। পিতার সাথে মা-ও ইসলাম গ্রহণ করেন। এতাবে হজাইফা মুসলিম পিতা-মাতার কোলে বেড়ে ওঠেন। এবং হ্যরত রাসূলে কারীমকে (সা) দেখার সৌভাগ্য অর্জনের আগেই মুসলিম হন। তাই-বোনের মধ্যে শুধু তিনি ও সাফওয়ান এ গোরবের অধিকারী হন। মুসলিম হওয়ার পর রাসূলকে (সা) একটু দেখার আগ্রহ জন্মে। দিন দিন এ আগ্রহ তীব্র থেকে তীব্রতর হতে থাকে। তিনি সব সময় ফাঁরা রাসূলকে (সা) দেখেছেন, তাঁদের কাছে রাসূলের (সা) চেহারা-সূরত ও শুণ-বৈশিষ্ট কেবল তা জানার জন্য প্রয়োজন করতেন। শেষে একদিন সত্যি সত্যি মক্কায় রাসূলগ্রহণ (সা) দরবারে হাজির হন এবং হিজরাত ও নুসরাতের ব্যাপারে তাঁর মতামত জানতে চান। রাসূল (সা) তাঁকে দু'টোর যে কোন একটি বেছে নেওয়ার স্বাধীনতা দান করেন। হজাইফা বলেন : রাসূল (সা) হিজরাত ও নুসরাত (মুহাজির ও আনসারদের মধ্যে অবস্থান)-এর যে কোন একটি বেছে নেওয়ার স্বাধীনতা দান করেন। আমি নুসরাতকে বেছে নিলাম। (উসুদুল গাবা-১/৩৯৪; তাহজীবুত তাহজীব-২/১৯৩; আল-ইসাবা-১/৩১৮) অন্য একটি বর্ণনায় এসেছে : মক্কার প্রথম সাফ্ফাতে তিনি প্রশ্ন করেন : ইয়া রাসূলগ্রহণ। আমি কি

মুহাজির না আনসার ? রাসূল (সা) জবাব দিলেন : তুমি মুহাজির বা আনসার যে কোন একটি বেছে নিতে পার। তিনি বললেন : ইয়া রাসূলুল্লাহ। আমি আনসারই হবো। (সুওয়ারুন মিন হায়তিস সাহাবা- ৪/১২৩-১২৪)

হযরত রাসূলে কারীম (সা) মঙ্গা থেকে মদীনায় আসার পর মুওয়াখাত বা দ্বীনী আত্-সম্পর্ক প্রতিষ্ঠার বিধান চালু করেন। তিনি হজাইফা ও 'আমার ইবন ইয়াসিরকে পরম্পরের দ্বীনী ভাই বলে ঘোষণা করেন। (সীরাতু ইবন হিশাম- ১/৫০৬)

হযরত হজাইফা বদর যুদ্ধে যোগদান করেননি। ইবন সা'দ তাঁকে যে সকল সাহাবী বদরে যোগদান করেননি তাঁদের মধ্যে উল্লেখ করেছেন। (তারীখু ইবন 'আসাকির- ১/৯৪) এ যুদ্ধে হজাইফা ও তাঁর পিতার যোগদান না করার কারণ সম্পর্কে তিনি নিজেই বলেছেন : আমার বদরে যোগদানে কোন বাধা ছিল না। তবে আমার আব্রার সাথে আমি তখন মদীনার বাইরে। আমাদের মদীনায় ফেরার পথে কুরাইশ কাফিররা পথরোধ করে জিজ্ঞেস করে : তোমরা কোথায় যাচ্ছ? বললাম : মদীনায়। তারা বললো : তাহলে নিচয় তোমরা মুহাম্মাদের কাছেই যাচ্ছে? আমরা বললাম : আমরা শুধু মদীনায় যাচ্ছি। তা ছাড়া আমাদের আর কোন উদ্দেশ্য নেই। অবশেষে তারা আমাদের পথ ছেড়ে দিল। তবে এই অঙ্গীকারের ভিত্তিতে যে, আমরা মদীনায় গিয়ে কুরাইশদের বিরুদ্ধে যুদ্ধে মুহাম্মাদকে (সা) কোনভাবে সাহায্য করবো না। তাদের হাত থেকে মৃত্তি পেয়ে আমরা মদীনায় পৌছলাম এবং রাসূলুল্লাহকে (সা) কুরাইশদের নিকট কৃত অঙ্গীকারের কথা বলে জিজ্ঞেস করলাম : এখন আমরা কী করবো? বললেন : তোমরা তোমাদের অঙ্গীকার পূরণ কর। আর আমরা তাঁদের বিরুদ্ধে বিজয়ের জন্য আল্লাহর সাহায্য চাইবো। (তারীখু ইসলাম : যাহাবী- ২/১৫৩; সহীহ মুসলিম- ২/৮৯; তাহজীবুত তাহজীব- ২/১৯৩; আল-ইসাবা- ১/৩১৭)

হযরত হজাইফা উহদ যুদ্ধে তাঁর পিতার সাথে যোগদান করেন। তিনি দারুণ সাহসের সাথে যুদ্ধ করেন এবং নিরাপদে মদীনায় ফিরে আসেন। তবে তাঁর বৃন্দ পিতা শাহাদাত বরণ করেন। আর সে শাহাদাত ছিল স্বপক্ষীয় মুসলিম সৈনিকদের হাতে। ঘটনাটি এ রকম :

উহদ যুদ্ধের সময় তাঁর পিতা আল-ইয়ামান ও সাবিত ইবন ওয়াক্শ বাধক্যে উপনীত হয়েছেন। যুদ্ধের আগে নারী ও শিশুদের একটি নিরাপদ দূর্ঘে রাখা হয়। আর এ দুই বৃন্দকে রাখা হয় এ দূর্ঘের তত্ত্ববধানে। যুদ্ধ যখন তীব্র আকার ধারণ করে তখন আল-ইয়ামান সঙ্গী সাবিতকে বললেন : তোমার বাপ নিপাত যাক। আমরা কিসের অপেক্ষায় বসে আছি? পিপাসিত গাধার স্বল্পায়ুর মত আমাদের সবার আয়ও শেষ হয়ে এসেছে। আমরা খুব বেশী হলে আজ অথবা কাল পর্যন্ত বেঁচে আছি। আমাদের কি উচিত নয়, তরবারি হাতে নিয়ে রাসূলুল্লাহর (সা) নিকট চলে যাওয়া? হতে পারে, আল্লাহ তাঁর নবীর (সা) সাথে আমাদের শাহাদাত দান করবেন। তাঁরা দু'জন তরবারি হাতে নিয়ে দুর্গ ছেড়ে বেরিয়ে পড়লেন।

এদিকে যুদ্ধের এক পর্যায়ে পৌত্রলিক বাহিনী পরাজয় বরণ করে প্রাণ নিয়ে পালাচ্ছিল। তখন এক দুরাচারী শয়তান চেঁচিয়ে বলে উঠে, দেখ, মুসলমানরা এসে পড়েছে। একথা শুনে পৌত্রলিক বাহিনীর একটি দল ফিরে দৌড়ায় এবং মুসলমানদের একটি দলের সাথে সংঘর্ষে লিপ্ত হয়। আল-ইয়ামান ও সাবিত দু'দলের তুমুল সংঘর্ষের মধ্যে পড়ে যান। পৌত্রলিক বাহিনীর হাতে সাবিত শাহাদাত বরণ করেন। কিন্তু হজাইফার পিতা আল-ইয়ামান শহীদ হন মুসলমানদের হাতে।। না চেনার কারণে এবং যুদ্ধের ঘোরে এমনটি ঘটে যায়। হজাইফা কিছু দূর থেকে পিতার মর্মান্তিক দৃশ্য দেখে চিন্তার দিয়ে উঠেন : 'আমার আব্রা, আমার আব্রা' বলে। কিন্তু সে চিন্তার কারণে কানে পৌছেনি। যুদ্ধের শোরগোলে তা অদৃশ্যে মিলিয়ে যায়। ইতিমধ্যে বৃন্দ নিজ সঙ্গীদের তরবারির আঘাতে ঢলে পড়ে গেছেন। হজাইফা পিতার মৃত্যু

নিশ্চিত হয়ে শুধু একটি কথা উচ্চারণ করেন : ‘আল্লাহ আমাদের সকলকে ক্ষমা করুন। তিনিই সর্বাধিক দয়ালু।’

হযরত রাসূলে কারীম (সা) হজাইফাকে তাঁর পিতার ‘দিয়াত’ বা রক্তমূল্য দিতে চাইলে তিনি বললেন : আমার আব্দা তো শাহাদাতেরই প্রত্যাপী ছিলেন, আর তিনি তা লাভ করেছেন। হে আল্লাহ, তুমি সাক্ষী থাক, আমি তাঁর দিয়াত বা রক্তমূল্য মুসলমানদের জন্য দান করে দিলাম। রাসূল (সা) দারুণ খুশী হলেন। (দুঃ সহীহ বুখারী-২/৫৮১; সীরাতু ইবন হিশাম-২/৮৭; হায়াতুস সাহাবা-১/৫১৯; সুওয়ারুন মিন হায়াতিস সাহাবা-৪/১২৫-১২৭)

হযরত হজাইফা খন্দক যুদ্ধে এক শুরুত্বপূর্ণ তৃষ্ণিকা পালন করেন। কুরাইশরা এমন তোড়জোড় করে ধেয়ে আসে যে, মদীনায় ভীতি ও ত্রাস ছড়িয়ে পড়ে। মদীনার চতুর্দিকে বহুদূর পর্যন্ত কুরাইশ বাহিনীর লোকেরা ছড়িয়ে পড়ে। রাসূল (সা) আল্লাহর কাছে দু’আ করেন, আর সেইসাথে মদীনার প্রতিরক্ষার জন্য খন্দক খনন করেন। একদিন রাতে এক অভিনব ঘটনা ঘটে গেল। আর তা মুসলমানদের জন্য এক অদৃশ্য সাহায্য ছাড়া আর কিছুই ছিল না। কুরাইশ মদীনার আশে-পাশের বাগানগুলিতে শিবির সংস্থাপন করে আছে। হঠাৎ এমন প্রচন্ড বাতাস বইতে শুরু করলো যে, রশি ছিড়ে তাঁবু ছিন্নতির হয়ে গেল, হাঁড়ি-পাতিল উটে-পাটে গেল এবং হাড় কঁপানো শীত আরস্থহলো। আবু সুফিয়ান বললো, ‘আর উপায় নেই, এখনই স্থান ত্যাগ করতে হবে।’ (তাবাকাত-২/৫০)

হযরত রাসূলে কারীম (সা) কুরাইশ বাহিনী নিয়ে দারুণ দুচিন্তায় ছিলেন। তিনি সেই তয়াল দুর্যোগময় রাতে হজাইফার শক্তি ও অভিজ্ঞতার সাহায্য গ্রহণ করতে চাইলেন। তিনি কোন রকম সিদ্ধান্ত গ্রহণের আগে রাতের অন্ধকারে কাউকে কুরাইশ বাহিনীর অভ্যন্তরে পাঠিয়ে তাদের খবর সংগ্রহের ইচ্ছা করলেন। আর এ দুঃসাহসী অভিযানের জন্য তিনি শেষ পর্যন্ত হজাইফাকে নির্বাচন করেন। এ অভিযান সম্পর্কে সীরাতের গ্রন্থসমূহে নানা রকম বর্ণনা দেখা যায়। একটি বর্ণনা মতে রাসূল (সা) সঙ্গীদের বললেন : ‘যদি কেউ মুশরিকদের খবর নিয়ে আসতে পারে, তাকে আমি কিম্বামতের দিন আমার সাহচর্যের খোশখবর দিছি।’ একে তো দারুণ শীত, তার উপর প্রবল বাতাস। কেউ সাহস পেল না। রাসূল (সা) তিনবার কথাটি উচ্চারণ করলেন; কিন্তু কোন দিক থেকে কোন রকম সাড়া পেলেন না। চতুর্থবার তিনি হজাইফার নাম ধরে ডেকে বললেন : ‘তুমি যাও, খবর নিয়ে এসো।’ যেহেতু নাম ধরে ডেকেছেন, সুতরাং আদেশ পালন ছাড়া উপায় ছিল না।

অন্য একটি বর্ণনা মতে হজাইফা নিজেই বলেন : ‘আমরা সে রাতে কাতারবন্দী হয়ে বসেছিলাম। আবু সুফিয়ান ও মক্কার মুশরিক বাহিনী ছিল আমাদের উপরের দিকে, আর নীচে ছিল বনী কুরাইজার ইহুদী গোত্র। আমাদের নারী ও শিশুদের নিয়ে আমরা ছিলাম শক্তিত। আর সেইসাথে ছিল প্রবল ঝাড়-ঝন্বা ও ঘোর অন্ধকার। এমন দুর্যোগপূর্ণ রাত আমাদের জীবনে আর কখনো আসেনি। বাতাসের শব্দ ছিল বাজ পড়ার শব্দের মত। আর এমন ঘুটঁঘটে অন্ধকার ছিল যে, আমরা আমাদের নিজের আঙ্গুল পর্যন্ত দেখতে পাচ্ছিলাম না।

এদিকে মুসলিম শ্রেণীর লোকেরা একজন একজন করে রাসূলল্লাহর (সা) নিকট এসে বলতে লাগলো : আমাদের ঘর-দোর শক্তির সামনে একেবারেই খোলা। তাই একটু ঘরে ফেরার অনুমতি ছাই। মূলতঃ অবস্থা সে রকম ছিল না। কেউ যাওয়ার জন্য অনুমতি ছাইলেই তিনি অনুমতি দিছিলেন। এভাবে যেতে যেতে শেষ পর্যন্ত আমরা তিন শো বা তাঁর কাছাকাছি সংখ্যক লোক থাকলাম।

এমন এক সময় রাসূল (সা) উঠে এক এক করে আমাদের সবার কাছে আসতে লাগলেন।

এক সময় আমার কাছেও আসলেন। শীতের হাত থেকে বাঁচার জন্য আমার গায়ে একটি চাদর ছাড়া আর কিছু ছিল না। চাদরটি ছিল আমার স্তীর, আর তা খুব টেনেটুনে হাঁটু পর্যন্ত পড়ছিল। তিনি আমার একেবারে কাছে আসলেন। আমি মাটিতে বসে ছিলাম। জিজ্ঞেস করলেন : এই তুমি কে? বললাম : হজাইফা। হজাইফা? এই বলে মাটির দিকে একটু ঝুঁকলেন, যাতে আমি তীব্র ক্ষুধা ও শীতের মধ্যে উঠে না দাঁড়াই। আমি বললাম : হাঁ, ইয়া রাসূলুল্লাহ। তিনি বললেন : কুরাইশদের মধ্যে একটি খবর হচ্ছে। তুমি তাদের শিবিরে যেয়ে আমাকে তাদের খবর এনে দেবে।

আমি বের হলাম। অথচ আমি ছিলাম সবার চেয়ে ভীত ও শীতকাতর। রাসূল (সা) দু'আ করলেন : ‘হে আল্লাহ! সামনে-পিছনে, ডানে-বামে, উপর-নীচে, সব দিক থেকে তুমি তাকে হিফাজত কর।’ রাসূলুল্লাহ (সা) এ দু'আ শেষ হতে না হতে আমার সব তীতি দূর হলো এবং শীতের জড়তাও কেটে গেল।

আমি যখন পিছন ফিরে চলতে শুরু করেছি তখন তিনি আমাকে আবার ডেকে বললেন : হজাইফা! আমার কাছে ফিরে না এসে আক্রমণ করবে না। বললাম : ঠিক আছে। আমি রাতের ঘৃতঘৃটে অঙ্ককারে চলতে লাগলাম। এক সময় চুপিসারে কুরাইশদের শিবিরে প্রবেশ করে তাদের সাথে এমনভাবে মিশে গেলাম যেন আমি তাদেরই একজন।

আমার পৌছার কিছুক্ষণ পর আবু সুফিয়ান কুরাইশ বাহিনীর সামনে তাষণ দিতে দাঁড়ালেন। বললেন : ওহে কুরাইশ সম্প্রদায়। আমি তোমাদেরকে একটি কথা বলতে চাই। তবে আমার আশঙ্কা হচ্ছে তা মুহাম্মাদের কাছে পৌছে যায় কিনা। তোমরা প্রত্যেকেই নিজের পাশের লোকটির প্রতি লক্ষ্য রাখ। একথা শোনার সাথে সাথে আমার পাশের লোকটির হাত যুট করে ধরে জিজ্ঞেস করলাম : কে তুমি? সে জবাব দিল অমুকের ছেলে অমুক।

আবু সুফিয়ান বললেন : ‘ওহে কুরাইশ সম্প্রদায়। আল্লাহর কসম। তোমরা কোন নিরাপদ গৃহে নও। আমাদের ঘোড়াগুলি মরে গেছে, উটগুলি কর্মে গেছে এবং মদীনার ইহুদী গোত্র বনু কুরাইজাও আমাদের ছেড়ে গেছে। তাদের যে খবর আমাদের কাছে এসেছে তা সুখকর নয়। আর কেমন প্রচন্ড ঘড়ের মধ্যে পড়েছি, তাও তোমরা দেখছো। আমাদের হাঁড়িও আর নিরাপদ নয়। আগুনও জ্বলছেন। সূরাং ফিরে চলো। আমি চলছি।’ একথা বলে তিনি উটের রশি ঝুললেন এবং পিঠে চড়ে বসে তার গায়ে আঘাত করলেন। উট চলতে শুরু করলো। কোন কিছু ঘটাতে রাসূল (সা) যদি নিষেধ না করতেন তাহলে একটি মাত্র তীর মেরে তাকে হত্যা করতে পারতাম।

আমি ফিরে এলাম। এসে দেখলাম রাসূল (সা) তাঁর এক স্তীর চাদর গায়ে জড়িয়ে নামায়ে দাঁড়িয়ে আছেন। নামায শেষ করে তিনি আমাকে তাঁর দু'পায়ের কাছে টেনে নিয়ে চাদরের এক কোনা আমার গায়ে জড়িয়ে দিলেন। আমি সব খবর তাঁকে জানলাম। তিনি দারুণ খুশী হলেন এবং আল্লাহর হামদ ও ছানা পেশ করলেন। হ্যরত হজাইফা সে দিন বাকি রাতটুকু রাসূলুল্লাহর (সা) সেই চাদর গায়ে জড়িয়ে সেখানেই কাটিয়ে দেন। প্রত্যুষে রাসূল (সা) তাঁকে ডাকেন : ইয়া নাওমান-ওহে ঘুমন্ত ব্যক্তি।’ (দুঃ সহীহ মুসলিম-২/৮৯; তারীখ ইবন আসকির-১/৯৮; সীরাতু ইবন হিশাম-২/৩১; হয়াতুস সাহাবা-১/৩২৮-৩৬০; সুওয়ারুন মিন হায়াতিস সাহাবা-৪/১২৯-১৩৬)

একবার কৃফার এক লোক হ্যরত হজাইফা ইবনুল ইয়ামানকে বললো : আবু 'আবুদিল্লাহ! আপনি কি রাসূলুল্লাহকে (সা) দেখেছেন? তাঁর সুব্হত সাহচর্য পেয়েছেন? বললেন : হাঁ, ভাতিজা। লোকটি আবার প্রশ্ন করলো : আপনারা কেমন আচরণ করতেন? বললেন : তাঁর আদেশ পালনের চেষ্টা করতাম। লোকটি বললো : আমরা রাসূলকে (সা)

পেলে মাটিতে হেঁটে চলতে দিতাম না, কাঁধে করে নিয়ে বেড়াতাম। তিনি বললেন : আমি খন্দকের দিন রাসূলুল্লাহর (সা) সাথে নিজেকে দেখেছি। এই বলে তিনি খন্দকের সেই রাতের ভয়-ভীতি, ঝড়, শৈত্য ইত্যাদির এক চিত্র তুলে ধরলেন। (হায়াতুস সাহাবা-১/২৬৪)

খন্দক পরবর্তী রাসূলুল্লাহর (সা) জীবন্দশায় বা তাঁর পরের সকল অভিযানে অংশগ্রহণ করেন। হ্যরত রাসূলে কারীমের (সা) ওফাতের পর তিনি ইরাকে বসতি স্থাপন করেন। তারপর বিভিন্ন সময় কৃষ্ণ, নিস্সীবীন ও মাদায়েনে বসবাস করেন। নিস্সীবীনের ‘আল-জাফীরা’ শহরে একটি বিয়েও করেন। (উসুদুল গাবা-১/৩৯৪)

হ্যরত হজাইফা যে পারস্যের নিহাওয়ান্দ, দাইনাওয়ার, হামজান, মাহু রায় প্রভৃতি অঞ্চল জয় করেন এবং গোটা ইরাক ও পারস্যবাসীকে কুরআনের এক পাঠের ওপর সমবেত করেন, একথা খুব কম লোকেই জানে। (আল-ইসতী’য়াব; আল-ইসাবার টীকা-১/২৭৮; তাহজীবুত তাহজীব-২/১৯৩)

ইরাকের বিভিন্ন অঞ্চল বিজিত হওয়ার পর হ্যরত ‘উমার (রা) সেখানকার ভূমি বন্দোবস্ত দেওয়ার সিদ্ধান্ত নেন। এ কাজের জন্য তিনি দু’জন তত্ত্বাবধায়ক নিয়োগ করেন। ফুরাত মদীর তীরবর্তী অঞ্চলসমূহে হ্যরত ‘উসমান ইবন হনাইফ এবং দিজলা মদীর তীরবর্তী অঞ্চলসমূহে হ্যরত হজাইফাকে নিয়োগ করেন। দিজলা তীরবর্তী অঞ্চলের অধিবাসীরা ছিল তীব্র দুষ্ট প্রকৃতির। তারা হ্যরত হজাইফাকে তার কাজে কোন রকম সাহায্য তো দূরের কথা বরং নানা রকম বাধার সৃষ্টি করলো। তা সত্ত্বেও তিনি বন্দোবস্ত দিলেন। এর ফলে সরকারী আয় অনেকটা বেড়ে গেল। এরপর তিনি মদীনায় এসে খলীফা ‘উমারের (রা) সাথে সাক্ষাৎ করলেন। খলীফা তাঁকে বললেন : ‘সম্ভবতঃ যমীনের ওপর অভিযান বোঝা চাপানো হয়েছে।’ হজাইফা বললেন : ‘আমি অনেক বেশী ছেড়ে দিয়েছি। (কিতাবুল খিরাজ-১)

হ্যরত হজাইফা ইয়ারমুক যুদ্ধে অংশগ্রহণ করেন। ইয়ারমুক যুদ্ধের বিজয়ের খবর সর্বপ্রথম তিনিই মদীনায় খলীফা ‘উমারের নিকট নিয়ে আসেন। (তারীখু ইবন ‘আসাকির-৪/৯৩, ৯৪)

হিজরী ১৮ সনে নিহাওয়ান্দের ওপর সেনা অভিযান পরিচালনার প্রস্তুতি গ্রহণ করা হয়। অবশ্য আবু ‘উবাইদাহ বলেন, হিজরী ২২ সনে হজাইফা নিহাওয়ান্দে যান। (তারীখু ইবন ‘আসাকির-১/১০০) এই নিহাওয়ান্দের যুদ্ধে পারসিক সৈন্যসংখ্যা ছিল দেড় লাখ। খলীফা হ্যরত ‘উমার (রা) মুসলিম বাহিনীর অধিনায়ক নিয়োগ করেন হ্যরত নু’মান ইবন মুকাররিনকে। তারপর তিনি কৃষ্ণ অবস্থানের হ্যরত হজাইফাকে একটি চিঠিতে সেখান থেকে একটি বাহিনী নিয়ে নিহাওয়ান্দের দিকে যাত্রা করার জন্য নির্দেশ দেন। এদিকে খলীফা মুসলিম মুজাহিদদের প্রতি জারি করা এক ফরমানে বললেন, চারদিক থেকে মুসলিম সৈন্যরা যখন এক স্থানে সমবেত হবে তখন প্রত্যেক স্থান থেকে আগত বাহিনীর একজন করে আমীর থাকবে। আর গোটা বাহিনীর সর্বধিনায়ক হবেন, নু’মান ইবন মুকাররিন। নু’মান যদি শাহাদাত বরণ করেন, হজাইফা হবেন পরবর্তী আমীর। আর তিনি শহীদ হলে আমীর হবেন জারীর ইবন ‘আবদিল্লাহ আল-বাজালী। এভাবে খলীফা সে ফরমানে একের পর এক সাতজন সেনাপতির নাম ঘোষণা করেন। হ্যরত নু’মান নিহাওয়ান্দের অদূরে শিবির স্থাপন করে বাহিনীর দায়িত্ব বস্তন করেন। সেখানে হ্যরত হজাইফাকে দক্ষিণ তাগের অফিসার নিয়োগ করা হয়।

দু’বাহিনী মুখ্যোদ্যুমি হলো। শক্রসৈন্য দেড় লাখ, আর মুসলমান সৈন্য মাত্র তিরিশ হাজার। প্রচল যুদ্ধ হলো। ইতিহাসে এমন যুদ্ধের নজীর খুব কমই আছে। মুসলিম বাহিনীর এক নম্বর অধিনায়ক নু’মান শাহাদাত বরণ করলেন। শেষ নিঃশ্বাস ত্যাগের পূর্বে তিনিও হজাইফাকে

আমীর নিয়োগের অসীয়াত করে যান। তাঁর শাহাদাতের পর আশে পাশের সৈনিকরা যখন নতুন আমীরের সন্ধান করছে তখন হ্যরত মা'কাল হজাইফার দিকে ইঙ্গিত করে বলেন, ইনিই তোমাদের পরবর্তী আমীর। আশা করা যায়, আল্লাহ তাঁর মাধ্যমে তোমাদের বিজয় দান করবেন।

হ্যরত হজাইফা সেনাপতির দায়িত্ব গ্রহণ করলেন। যুদ্ধ তখন ঘোরতর রূপ ধারণ করেছে। তিনি পার্শ্ববর্তী লোকদেরকে নু'মানের শাহাদাতের খবর প্রচার করতে নিষেধ করে দিলেন। আর সাথে সাথে নু'মানের স্থলে তাই নু'য়াদিমকে দাঁড় করিয়ে দিলেন। যাতে নু'মানের শাহাদাতে যুদ্ধের উপর কোন রকম প্রভাব না পড়ে। এ কাজগুলি তিনি করলেন মুহূর্তের মধ্যে। তারপর তিনি বাড়ের গতিতে চিরে-ফেরে পারসিক বাহিনীর সামনে পৌছে চিত্কার দিয়ে বলতে লাগলেন :

‘আল্লাহ আকবারঃ সাদাকা ও'য়াদাহ্

আল্লাহ আকবারঃ নাসারা জুন্দাহ্’

আল্লাহ সর্বশ্রেষ্ঠ— তিনি তাঁর অঙ্গীকার পূরণ করেছেন।

আল্লাহ সর্বশ্রেষ্ঠ— তিনি তাঁর সিপাহীদের সাহায্য করেছেন।

তারপর তিনি নিজের ঘোড়ার সাগাম ধরে টান মেরে শক্ত বাহিনীর দিকে ফিরিয়ে জোরে চেঁচিয়ে বলতে লাগলেনঃ ‘ওহে মুহাম্মাদের (সা) অনুসারীরা! এখানে, এদিকে জান্নাত তোমাদের স্বাগত জানানোর জন্য প্রস্তুত হয়ে আছে। তোমরা আর দেরী করোনা।

ওহে বদরের যোদ্ধারা! ছুটে এসো। ওহে খন্দক, উহুদ ও তাবুকের বীরেরা! সামনে এগিয়ে চলো।’ এভাবে তিনি সেদিন নজীরবিহীন সাহস ও বিজ্ঞতার পরিচয় দান করেন। (দ্রঃ তাবারী-৫/২৬০১, ২৬০৫, ২৬৩২; যাহাবী ৪ তারীখ-২/৩৯-৪); রিজালুন হাওলার রাসূল-১৯৯)

নিহাওয়ান্দে ছিল একটি অযি উপাসনা কেন্দ্র। তার প্রধান ধর্মগুরু একদিন হজাইফার নিকট এসে বললেন, যদি আমার নিরাপত্তার আশাস দেওয়া হয় তাহলে অযি একটি মহামূল্যবান গুপ্ত সম্পদের সন্ধান দিতে পারি। হ্যরত হজাইফা (রা) তাঁকে আশাস দিলেন। লোকটি পারস্য সম্বাটের অতিমূল্যবান মনি-মুক্তা এনে হাজির করলেন। হ্যরত হজাইফা (রা) গণীয়তের সম্পদের এক পঞ্চাংশসহ সেই মহামূল্যবান মনি-মুক্তা মদীনায় খলীফা 'উমারের নিকট পাঠিয়ে দিলেন। হ্যরত 'উমার (রা) মনি-মুক্তা দেখে রাগে ফেটে পড়লেন। ইবন মুলাইকাকে ডেকে বললেন, এক্ষণি এগুলি নিয়ে যাও। আর হজাইফাকে বল, এগুলি বিক্রী করে বিক্রয়লক্ষ অর্থ সৈন্যদের মধ্যে যেন বন্টন করে দেয়। হ্যরত হজাইফা তখন নিহাওয়ান্দের 'মাহ' নামক স্থানে অবস্থান করছিলেন। সেখানে তিনি সেই ধনরত্ন চার কোটি দিরহামে বিক্রী করেন। (তাবারী-৫/২৬২৭, ২৬৩০)

ইবন আসাকির বলেন, নিহাওয়ান্দের শাসক বাংসরিক আট লাখ দিরহাম জিয়িয়া দানের অঙ্গীকার করে হ্যরত হজাইফার সাথে সংক্ষি করেন। নিহাওয়ান্দের পর তিনি বিনা বাধায় 'দায়নাওয়ার' জয় করেন। হ্যরত সা'দ ইবন আবী উয়াক্কাস পূর্বেই এ দায়নাওয়ার জয় করেছিলেন; কিন্তু অধিবাসীরা বিদ্রোহ করে। তারপর হ্যরত হজাইফা বিনা যুদ্ধে একে একে মাহ, হামাজান, ও রায় জয় করেন। (তারীখ ইবন 'আসাকির-১/১০০)

মাহ—এর অধিবাসীদের সাথে হ্যরত হজাইফা (রা!) যে চুক্তি স্বাক্ষর করেন। তা নিম্নরূপ :

“হজাইফা ইবনুল ইয়ামান মাহবাসীদের জান, মাল ও বিষয়—সম্পত্তির এ নিরাপত্তা দান করছেন যে, তাদের ধর্মের ব্যাপারে কোন রকম হস্তক্ষেপ করা হবেনা। এবং ধর্ম ত্যাগের জন্য কোন রূপ জোর-জবরদস্তি করা হবে না। তাদের প্রত্যেক প্রাণবয়স্ক ব্যক্তি যতদিন বাংসরিক

জিয়িয়া আদায় করবে, পথিকদের পথের সন্ধান দেবে, পথ চলাচলের নিরাপত্তা নিশ্চিত করবে, এখানে অবস্থানরত মুসলিম সৈনিকদের একদিন এক রাত আহার করাবে এবং মুসলমানদের শুভাকাংঘী থাকবে, ততদিন তাদের এ নিরাপত্তা বলবৎ থাকবে। আর যদি তারা এ অঙ্গীকার ভঙ্গ করে বা তাদের আচরণে পরিবর্তন দেখা দেয়, তাহলে তাদের কোন দায়-দায়িত্ব মুসলমানদের ওপর থাকবে না।” হিজরী ১৯ সনের মুহাররাম মাসে এ চুক্তিপত্রটি লেখা হয় এবং তাতে ‘কা’কা’, নু’য়াইম ইবন মুকারয়িন ও মুয়ায়িদ ইবন মুকারয়িন সাক্ষী হিসেবে স্বাক্ষর দান করেন। (তাবারী-৫/২৬৩৩)

উল্লেখিত অভিযানসমূহ শেষ করে হ্যরত হজাইফা তাঁর পূর্বের ভূমি বন্দোবস্তদানকারী অফিসার পদে ফিরে যান। (তাবারী-৫/২৬৩৮)

বালাজুরীর বর্ণনা মতে হিজরী ২২ সনে আজারবাইজান অভিযানে হ্যরত হজাইফা গোটা বাহিনীর পতাকাবাহী ছিলেন। তিনি নিহাওয়াল্দথেকে আজারবাইজানের রাজধানী আরদাবীলে পৌছেন। এখানকার শাসক মাজেরওয়ান, মায়মন্ড, সুরাত, সাবজ, মিয়াঞ্চ প্রভৃতি স্থান থেকে একটি বাহিনী সংগ্রহ করে প্রতিরোধের চেষ্টা করে ব্যর্থ হয়। অতঃপর বাস্তরিক আট লাখ দিনহাম জিয়িয়া’দানের শর্তে সংক্ষি করে। হ্যরত হজাইফা সেখান থেকে মুকাম ও রম্জাইলার দিকে অগ্রসর হন এবং বিজয় লাভ করেন। ইত্যবসরে মদীনার খলীফার দরবার থেকে তাঁর বরখাস্তের নির্দেশ হাতে পৌছে। তাঁর হস্তে ‘উত্তো ইবন ফারকাদকে নিয়োগ করা হয়। (তাবারী-৫/২৮০৬; বিত্তারিত বর্ণনা তারীখে বালাজুরীতে এসেছে।)

হ্যরত সা’দ ইবন আবী ওয়াক্তাসের নেতৃত্বে মাদায়েন বিজিত হওয়ার পর মুসলিম বাহিনী সেখানে অবস্থান করতে থাকে। কিন্তু সেখানকার আবহাওয়া আরব মুসলমানদের স্বাস্থ্যসম্ভত না হওয়ায় খলীফা ‘উমার (রা) সা’দকে তাঁর বাহিনী নিয়ে কৃফায় চলে যেতে বলেন এবং সেখানে একটি স্বাস্থ্য উপযোগী স্থান নির্বাচন করে স্থায়ী সেনা ছাওনী তথা শহর পতনের নির্দেশ দেন। হ্যরত সা’দ (রা) শহর পতনের জন্য হজাইফা ইবন্লু ইয়ামান ও সালমান ইবন যিয়াদের ওপর স্থান নির্বাচনের দায়িত্ব অর্পণ করেন। তাঁরা দু’জন গভীরভাবে পরীক্ষা-নিরীক্ষার পর একটি স্বাস্থ্যকর স্থান নির্বাচন করেন। আজকের কৃফা শহরটি এ দু’ব্যক্তিরই নির্বাচিত স্থানে অবস্থিত। (রিজালুন হাওলার রাসূল-২০০)

উল্লেখিত অভিযান সমূহের পর খলীফা হ্যরত ‘উমার (রা) তাকে মাদায়েনের ওয়ালী নিয়োগ করেন। (তারীখু ইবন ‘আসাকির-১/১৪৮) একজন নতুন ওয়ালী আসছেন-এ খবর মাদায়েনবাসীদের কাছে পৌছে গেল। নতুন আমীরকে স্বাগত জানানোর জন্য তারা দলে দলে শহরের বাইরে সমবেত হলো। তারা এ যহান সাহাবীর তাকওয়া, খোদাইতি, সরলতা ও ইরাক বিজয়ের অনেক কথা শুনেছিল। তারা তাঁর একটি জোকজমকপূর্ণ কাফিলার সাথে আগমনের প্রতীক্ষায় ছিল। না, কোন কাফিলার সাথে নয়। তারা দেখতে পেল কিছু দূরে গাধার ওপর সাওয়ার হয়ে দীপ্ত চেহারার এক ব্যক্তি তাদের দিকে এগিয়ে আসছেন। গাধার পিঠে অতি পুরনো একটি জিন। তার ওপর বসে বাহনের পিঠের দু’পাশের পা ছেড়ে দিয়ে এক হাতে ঝুঁটি ও অন্য হাতে লবণ ধরে মুখে ঢুকিয়ে চিবোচ্ছেন। আরোহী ধীরে ধীরে জনতার মাঝখানে এসে পড়লেন। তারা ভালো করে তাকিয়ে দেখে বুঝলো, ইনিই সেই ওয়ালী যার প্রতীক্ষায় তারা দাঁড়িয়ে আছে। এই প্রথমবারের মত তাদের কলনা হোঁচ্ট খেল। পারস্যের কিসরা বা তাঁর পূর্ব থেকে তাদের দেশে এমন ওয়ালীর আগমন আর কক্ষণো ঘটেনি।

তিনি চলেন এবং লোকেরাও তাঁকে ধিরে পাশপাশি চললো। তিনি আবাস হস্তে পৌছে উপস্থিত জনতাকে তাদের প্রতি লেখা খলীফার ফরমান পাঠ করে শোনালেন। খলীফা হ্যরত ‘উমারের (রা) নিয়ম ছিল, নতুন ওয়ালী বা শাসক নিয়োগের সময় সেই এলাকার

অধিবাসীদের প্রতি বিভিন্ন নির্দেশ ও ওয়ালীর দায়িত্ব ও কর্তব্য স্পষ্টভাবে বলে দেওয়া। কিন্তু হ্যরত হজাইফার (রা) নিয়োগ পত্রে মাদায়েনবাসীর প্রতি শুধু একটি নির্দেশ ছিল : ‘তোমরা তাঁর কথা শুনবে ও আনুগত্য করবে।’ তিনি যখন তাদের সামনে খলীফার এ ফরমান পাঠ করে শোনালেন, তখন চারদিক থেকে আওয়ায উঠলো, বলুন, আপনার কী প্রয়োজন। আমরা সবই দিতে প্রস্তুত। রাসূলুল্লাহর (সা) সাহাবী ও খুলাফায়ে রাশেদার পদাঙ্গ অনুসরণকারী হ্যরত হজাইফা বললেন : ‘আমার নিজের পেটের জন্য শুধু কিছু খাবার, আর আমার গাধাটির জন্য কিছু ঘাস-খড় প্রয়োজন। যতদিন এখানে থাকবো, আপনাদের কাছে শুধু এতটুকুই চাইবো।’ তিনি সমবেত জনতার উদ্দেশ্যে আরো বললেন : ‘তোমরা ফিতনার স্থানগুলি থেকে দূরে থাকবে। লোকেরা জানতে চাইলো, ফিত্নার স্থানগুলি কি? বললেন : আমীর বা শাসকদের বাড়ির দরযাসমূহ। তোমাদের কেউ আমীর বা শাসকের কাছে এসে মিথ্যা দ্বারা তার সত্যায়িত করবে এবং তার মধ্যে যা নেই তাই বলে তার প্রশংসা করবে- এটাই মূলতঃ ফিত্না।’ এ পদে কিছু দিন থাকার পর কোন এক কারণে খলীফা হ্যরত ‘উমার (রা) তাঁকে রাজধানী মদীনায় তলব করেন। খলীফার ডাকে সাড়া দিয়ে হ্যরত হজাইফা (রা) যে অবস্থায় একদিন মাদায়েন গিয়েছিলেন ঠিক একই অবস্থায় মদীনার দিকে যাত্রা করেন। হজাইফা আসছেন, এ খবর পেয়ে খলীফা মদীনার কাছাকাছি পথের পাশে এক স্থানে লুকিয়ে থাকেন। নিকটে আসতেই হঠাৎ সামনে এসে দাঁড়ান এবং তাঁকে জড়িয়ে ধরে বলেন : ‘হজাইফা, তুমি আমার তাই, আর আমিও তোমার তাই।’ তারপর সেই পদেই তাঁকে বহাল রাখেন।

(দ্রঃ তারীখ ইবন ‘আসাকির-১/১০০; আল-আ’লাম-২/১৭১; তাহজীবুত তাহজীব-২/১৯৩; উস্দুল গাবা-১/৩৯২; হায়াতুস সাহাবা-৩/২৬৬, ২/৭৩)

হ্যরত শাহ ওয়ালী উল্লাহ দিহলবী (রহ) হ্যরত ইয়াম আবু হানীফার (রহ) একটি বর্ণনা নকল করেছেন। হ্যরত হজাইফা

ইবনুল ইয়ামান (রা) মাদায়েন থাকাকালে এক ইহুদী নারীকে বিয়ে করেন। খবর পেয়ে আমীরুল মুমিনীন ‘উমার (রা) তাঁকে উক্ত মহিলা থেকে বিচ্ছিন্ন হওয়ার নির্দেশ দেন। হজাইফা (রা) খলীফাকে প্রশ্ন করেন : কিতাবী নারী বিয়ে করা কি হারাম? জবাবে ‘উমার (রা) বলেন : হজাইফা! আমি তোমাকে তাকীদ দিচ্ছি, আমার এ নির্দেশ হাত থেকে রাখার পূর্বেই যেন মহিলাকে বিদায় করে দেয়া হয়। আমার আশঙ্কা হচ্ছে, তোমার দেখাদেখি অন্য মুসলমানরাও জিম্মী নারীর রূপ ও গুণের কারণে মুসলিম মহিলাদের ওপর তাদেরকে প্রাধান্য দিতে শুরু করে না দেয়। আর এমন হলে তা মুসলিম মেয়েদের জন্য একটি মারাত্মক ফিত্না বলে প্রমাণিত হবে। (ফিক্হে ‘উমার : শাহ ওয়ালী উল্লাহ দিহলবী, উর্দু অনুবাদ-

মাদায়েনে ওয়ালী থাকাকালে একবার জনতার উদ্দেশ্যে প্রদত্ত এক ভাষণে তিনি বলেন : ‘হে জনমন্ডলী। তোমরা তোমাদের দাসদের ব্যাপারে খোঁজ-খবর রাখ। দেখ, তারা কোথা থেকে কিভাবে উপার্জন করে তোমাদের নির্ধারিত মজুরী পরিশোধ করছে। কারণ, হারাম উপার্জন থেয়ে দেহে যে গোশ্ত তৈরী হয় তা কক্ষণে জানাতে প্রবেশ করবে না। আর এটাও জেনে রাখ, মদ বিক্রেতা, ক্রেতা ও তাঁর প্রস্তুতকারক, সকলেই তা পানকারীর সমান।’ (হায়াতুস সাহাবা-৩/৪৮২)

হ্যরত ‘উসমানের (রা) খিলাফতকালের পুরো সময়টা এবং হ্যরত আলীর (রা) খিলাফতের কিছু দিন, একটানা এ দীর্ঘ সময় তিনি মাদায়েনের ওয়ালী পদে আসীন ছিলেন। (আল-ইসাবা-১/৩১৭) হ্যরত ‘উসমানের খিলাফতকালে হিজরী তিরিশ সনে হ্যরত সা’ঈদ ইবন ‘আসের সাথে কৃফা থেকে খুরাসানের উদ্দেশ্যে বের হন। ‘তুমাইস নামক বন্দরে ২২৮ আসহাবে রাসূলের জীবনকথা

শক্র বাহিনীর সাথে প্রচণ্ড সংঘর্ষ হয়। এখানে সা'ঈদ ইবন 'আস সালাতুল খাওফ (তীতিকালীন নামায) আদায় করেন। তিনি নামায পড়ানোর পূর্বে হ্যরত হজাইফার নিকট থেকে তার পদ্ধতি জেনে নেন। (মুসলাদ-৫/৩৮৫; রাবীয়া-৫/৩৮৩৬-৩৭) এরপর তিনি 'রায়'-এ যান এবং সেখান থেকে সালমান ইবন রাবীয়া ও হাবীব ইবন মাসলামার সাথে আরমেনিয়ার দিকে অগ্রসর হন। এ অভিযানে তিনি কৃষী বাহিনীর সর্বাধিনায়ক ছিলেন। (তাবারী-৫/২৮৯৩)

হিজরী ৩১ সনে 'খাকানে খায়ার'-এর বাহিনীর সাথে বড় ধরনের একটি সংঘর্ষ হয়। এতে সালমানসহ প্রায় চার হাজার মুসলিম শহীদ হন। সালমানের শাহাদাতের পর হ্যরত হজাইফা গোটা বাহিনীর সর্বাধিনায়ক হন। কিন্তু অরু কিছুদিন পর তাঁকে অন্যত্র বদলী করা হয় এবং তাঁর স্থলে হ্যরত মুগীরা ইবন শু'বাকে নিয়োগ করা হয়।

হ্যরত হজাইফা (রা) 'বাব'-এর ওপর তিনবার অভিযান চালান। (তাবারী-৫/২৮৯৪) তৃতীয় হামলাটি ছিল হিজরী ৩৪ সনে। (তাবারী-৫/২৯৩৬) এ অভিযান ছিল হ্যরত 'উসমানের (রা) খিলাফতের শেষ দিকে। এ সকল অভিযান শেষ করে তিনি মাদায়েনে নিজ পদে ফিরে আসেন।

মাদায়েনে পৌছার পর তিনি হ্যরত 'উসমানের (রা) শাহাদাতের ঘটনা অবগত হন। খলিফা 'উসমানের (রা) শাহাদাতের মাত্র চল্লিশ দিন পর তিনিও ইনতিকাল করেন। এটা হিজরী ৩৬ সন মুতাবিক ৬৫৮ খ্রিস্টাব্দের ঘটনা। ওয়াকিদী ও আল-হায়সাম ইবন 'আদী এ ব্যাপারে ঐক্যমত পোষণ করেছেন। (দ্রঃ আল-ইসাবা-১/৩১৮; শাজারাতুয় যাহাব-১/৪৪; আল-'আ'রায়-২/১৭১; তারিখ ইবন 'আসাকির-১/৯৪)

মৃত্যুর পূর্বে তাঁর মধ্যে এক আচর্য অবস্থার সৃষ্টি হয়। তাঁর সাদাসিধে তাব আরো বেড়ে যায় এবং দারুণ তীতিগ্রস্ত হয়ে পড়েন। সব সময় কানাকাটি করতেন। লোকে এর কারণ জিজ্ঞেস করলে বলতেন, দুনিয়া ছেড়ে যাওয়ার দুঃখে এ কানা নয়। কারণ, মৃত্যু আমার অতি প্রিয়। তবে এ জন্য কাঁদাই যে, মৃত্যুর পর আমার যে কী অবস্থা হবে এবং আমার পরিণতিই বা কী হবে, তা তো আমার জানা নেই। শেষ নিঃশ্বাস ত্যাগের পূর্বে তিনি বলেন : 'হে আল্লাহ! তোমার সাক্ষাৎ আমার জন্য কল্যাণময় কর। তুমি তো জান আমি তোমায় কত ভালোবাসি।' (উস্দূল গাবা-১/৩৯২)

তাঁর অস্তি সময় ঘনিয়ে এলে রাতের বেলা কয়েকজন সাহাবী তাঁকে দেখতে গেলেন। হজাইফা তাঁদেরকে প্রশ্ন করলেন : এটা কোন সময়? তাঁরা বললেন : প্রতাতের কাছাকাছি সময়। তিনি বললেন : আমি সেই সকালের ব্যাপারে আল্লাহর পানাহ চাই যা আমাদের জাহানামে নিয়ে যাবে। এ কথাটি তিনি কয়েকবার উচ্চারণ করলেন। তারপর জিজ্ঞেস করলেন : আপনারা কি কাফন এনেছেন? তাঁরা বললেন : হী, এনেছি। বললেন : কাফনের ব্যাপারে বেশী বাড়াবাড়ি করবেন না। কারণ, আল্লাহর কাছে যদি আমার কিছু ভালো থেকে থাকে তাহলে এ কাফন পরিবর্তন করে দেওয়া হবে, আর যদি খারাপ থাকে এ তালো কাফন ছিনিয়ে নেওয়া হবে।

তিনি কাফন দেখতে চাইলে তা দেখানো হলো। যখন দেখলেন, তা নতুন ও দামী তখন ঠোঁটে একটু বিদ্রূপের হাসি ফুটিয়ে বললেন : এ আমার কাফন নয়। কামিস ছাঢ়াই দু'প্রশ্ন সাদা কাপড়ই আমার জন্য যথেষ্ট। কারণ করবে আমাকে বেশী সময় বিরতি দেওয়া হবে না। খুব তাড়াতাড়ি আমাকে তার চেয়ে ভালো অথবা মন হ্যানে হ্যানান্তর করা হবে। তারপর দু'আ করলেন : 'হে আল্লাহ! তুমি জান আমি ধনের পরিবর্তে দারিদ্রকে, ইয়ুবত্রের পরিবর্তে জিজ্ঞাসীকে এবং জীবনের পরিবর্তে মৃত্যুকে ভালোবাসত্ত্বম।' তার শেষ কথাটি ছিল : 'অতি

আবেগের সাথে বক্তু এসেছে, যে অনুশোচনা করবে তার সফলতা নেই।' (দ্রঃ উস্মদুল গাবা-  
১/৩৯৩; তারীখ ইবন 'আসাকির-১/১০৩; রিজালুন হাওলার রাসূল-২০১; সুওয়ারুন মিন  
হায়াতিস সাহাবা-৪/১৩৮)

তাঁর জ্ঞানায় বহু লোক উপস্থিত ছিল। এক ব্যক্তি তাঁর প্রতি ইঙ্গিত করে বললো, আমি  
এই খাটিয়ার ওপর শায়িত ব্যক্তিকে বলতে শুনেছি, রাসূল (সা) যা কিছু বলেছেন তা বর্ণনা  
করতে কোন দোষ নেই। আর তোমরা যদি পরম্পর যুদ্ধের দিকে ধাবিত হও তাহলে আমি  
ঘরে বসে থাকবো। তারপরেও যদি কেউ সেখানে উপস্থিত হও তাহলে তাকে বলবো, এগিয়ে  
এসো, আমার ও তোমার পাপের বেঝা কাঁধে তুলে নাও। (মুসনাদ-৫/৩৮৯; হায়াতুস  
সাহাবা-২/৪০৪, ৪০৫)

মৃত্যুর পূর্বে তিনি 'আলীর (রা) নিকট বাই'য়াত করার জন্য দুই ছেলেকে অসীয়াত করে  
যান। তাঁরা দু'জনই 'আলীর (রা) বাই'য়াত করেন এবং সিফ্ফীন যুদ্ধে শাহাদাত বরণ করেন।  
(আল-ইসতীয়াব : আল-ইসতীয়াব টিকা-১/২৭৮) হ্যরত হজাইফা (রা) নিজেও 'আলীর  
নিকট বাই'য়াত করেছিলেন বলে বর্ণিত হয়েছে।

আবু 'উবাইদাহ, বিলাল, সাফওয়ান ও সা'ঈদ নামে তাঁর চার ছেলে ছিল। 'তাবাকাত'  
গ্রন্থকার ইবন সা'দের সময় মাদায়েনে তাঁর বংশধরগণ জীবিত ছিলেন। (তাবাকাত-৬/৮)  
হ্যরত হজাইফার দুই স্ত্রী ছিল বলে প্রসিদ্ধি আছে।

দৈহিক আকৃতির দিক দিয়ে হ্যরত হজাইফাকে (রা) হিজায়ী বলে চেনা যেত।  
মধ্যমাকৃতির একহারা গড়ন এবং সামনের দাঁতগুলি ছিল অতি সূন্দর। দৃষ্টিশক্তি এতই প্রথর  
ছিল যে, তোরের আবছা অঙ্ককারেও তীরের নিশানা (লক্ষ্যস্থল) নির্ভুলভাবে দেখতে পেতেন।

হ্যরত হজাইফা (রা) ছিলেন শ্রেষ্ঠ 'আলিম সাহাবীদের একজন। ফিকাহ ও হাদীস  
ছাড়াও কিয়ামত পর্যন্ত ইসলামে যে সকল আবর্তন-বিবর্তন হবে সে সম্পর্কেও একজন শ্রেষ্ঠ  
বিশেষজ্ঞ ছিলেন। মুনাফিকদের সম্পর্কে তাঁর জ্ঞান ছিল অনেক। এ কারণে তাঁকে রাসূলুল্লাহর  
(সা) গোপন জ্ঞানের অধিকারী বা 'সাহিবুস সির' বলা হতো। হজাইফা বলেন : অতীতে  
পৃথিবীতে যা ঘটেছে এবং ভবিষ্যতে কিয়ামত পর্যন্ত যা ঘটবে তা সবই রাসূল (সা) আমাকে  
বলেছেন। (তাহজীবুত তাহজীব-২/১৯৩)

একবার তিনি প্রখ্যাত 'আলিম সাহাবী হ্যরত আবদুল্লাহ ইবন মাস'উদের নিকট বসে  
ছিলেন। আরো অনেকে সেখানে ছিলেন। আলোচনার এক পর্যায়ে দাঙ্গালের কথা উঠলে তিনি  
বললেন, আমি এ বিষয়ে তোমাদের থেকে অনেক বেশী জানি। (সহীহ মুসলিম-২/৫১৪)

একদিন হ্যরত রাসূলে কারীম (সা) এক তাষণে সাহাবীদের সামনে কিয়ামত পর্যন্ত  
পৃথিবীর যাবতীয় ঘটনার বর্ণনা দান করেন। হ্যরত হজাইফার সেই তাষণটি অরণ ছিল। তবে  
কিছু কথা তুলে যান। যখনই কোন ঘটনা ঘটতো তখন সে কথা মনে পড়তো। (সহীহ  
মুসলিম-৫/৪৯) তিনি নিজেই বলেছেন, রাসূল (সা) তাঁকে সব ঘটনা অবহিত করেন। শুধু  
একটি কথা বলা বাকী ছিল। তা হলো, মদীনাবাসীদের মদীনা থেকে বের হওয়ার কারণ কী  
হবে? (সহীহ মুসলিম-৫/৪৯)

'আলকামা বলেন : একবার আমি শায়ে গেলাম। সেখানে আমি এই বলে দু'আ করলাম  
ঃ হে আল্লাহ! আমাকে একজন নেক্কার সঙ্গী দাও। এরপর আমি একজন লোকের পাশে  
বসলাম। ঘটনাক্রমে তিনি ছিলেন আবু দারদা (রা) তিনি আমাকে জিজ্ঞেস করলেন : তুমি  
কোথাকার লোক? বললাম : কূফার। তিনি বললেন : তোমাদের ওখানে 'সাহিবুস সির' বা  
গোপন রহস্যের অধিকারী ব্যক্তি, যিনি ছাড়া অন্য কেউ সে রহস্য জানেনা—সেই হজাইফা  
কি নেই? (তারীখ ইবন 'আসাকির-৪/৯৬)

হ্যরত হজাইফা (রা) সম্পর্কে একবার হ্যরত 'আলীকে (রা) জিজ্ঞেস করা হলে  
২৩০ আসহাবে রাসূলের জীবনকথা

বললেন, তিনি তো মুনাফিকদের সম্পর্কে সর্বাধিক জ্ঞানী। অন্য একটি বর্ণনায় এসেছে—  
তিনি তো মুনাফিকদের সম্পর্কে মুহাম্মাদের (সা) সাহাবীদের মধ্যে সবচেয়ে বেশী জ্ঞানী।  
(তারীখু ইবন 'আসাকির-৪/৯৭; হায়াতুস সাহাবা-৩/২৫৭)

আর একবার হজাইফা সম্পর্কে হযরত 'আবু যারকে (রা) জিজ্ঞেস করা হলে বললেন :  
তিনি যেমন যাবতীয় জটিল ও বিস্তারিত বিষয়ে জ্ঞান রাখেন, তেমনিভাবে মুনাফিকদের  
নামও জানেন। মুনাফিকদের সম্পর্কে যদি তুমি জানতে চাও তাহলে এ বিষয়ে তাঁকে একজন  
বিজ্ঞ ব্যক্তিই পাবে। (তারীখু ইবন 'আসাকির- ৪/৯৭)

সাহাবায়ে কিরায় সাধারণতঃ রাসূলুল্লাহ (সা) নিকট বিভিন্ন 'আমলের ফজীলাত, নামায,  
রোয়া বা এ জাতীয় বিষয় সম্পর্কে জিজ্ঞেস করতেন। কিন্তু হজাইফা (রা) তা করতেন না।  
তিনি বলেন : মুহাম্মাদের (সা) সাহাবীরা সব সময় তালো কি, তাই জিজ্ঞেস করতেন। আর  
আমি জিজ্ঞেস করতাম, খারাপ কি, তা জানার জন্য। প্রশ্ন করা হলো, কেন এমন করতেন?  
বললেন : যে খারাপকে জানে সে তালোর মধ্যে থাকে। অন্য একটি বর্ণনা মতে, তিনি বলেন,  
'যাতে আমি খারাপের মধ্যে না পড়ি সেই ভয়ে।' (বুখারী-২/১০৪৯; তারীখু ইবন  
'আসাকির-১/১০১; তাজীবুত তাহজীব-২/১৯৩)

একবার হযরত 'উমারের (রা) নিকট বহু সাহাবী বসে ছিলেন। তিনি প্রশ্ন করলেন :  
ফিতনা সম্পর্কে কারো কি কিছু জানা আছে? হজাইফা বললেন : ধন-সম্পদ, পরিবার-  
পরিজন ও প্রতিবেশীর ব্যাপারে মানুষের যা কিছু ভুল-ক্রটি হয়ে যায়, নামায, সাদাকা,  
আমর বিল মা'রফ ও নাহি আনিল মুনকার দ্বারা তার কাফ্ফারা হয়ে যায়। 'উমার বললেন :  
আমার প্রশ্ন করার উদ্দেশ্য এ নয়। আমাকে সে ফিতনার কথা বল যা সাগরের মত বিস্কুত  
হয়ে উঠবে।' হজাইফা বললেন : আপনার ও সেই ফিতনার মধ্যে একটি দরয়ার বাধা আছে।  
এ জন্য আপনার দ্বিধার্থিত হওয়ার কারণ নেই। 'উমার (রা) জানতে চাইলেন : দরয়া খোলা  
হবে না তেঙ্গে ফেলা হবে? বললেন : তেঙ্গে ফেলা হবে।' 'উমার (রা) বললেন : তাহলে তো  
আর কক্ষণে থামবে না। হজাইফা বললেন : হ্যাঁ, তাই।

হযরত হজাইফা (রা) উল্লেখিত ঘটনাটি পরবর্তীকালে অন্য একটি মজলিসে বর্ণনা  
করলেন। তখন সেখানে প্রখ্যাত তাবে'ঈ 'শাকীক' উপস্থিতি ছিলেন। তিনি প্রশ্ন করলেন :  
'উমার কি দরয়া সম্পর্কে জানতেন? বললেন : তোমরা যেমন জান দিনের পর রাত হয়, ঠিক  
তেমনি তিনিও দরয়া সম্পর্কে জানতেন। লোকেরা জিজ্ঞেস করলো : দরয়ার অর্থ কি?  
বললেন : 'উমার নিজেই। (বুখারী)

হযরত হজাইফা (রা) থেকে এ ধরনের বর্ণনা পাওয়া যায়। নবুওয়াতের যেসব গোপন কথা  
তাঁর জানা ছিল তার বেশীর ভাগ ইসলামী রাজনীতির সাথে সম্পর্কিত। সাহাবীদের মধ্যে  
তিনি ছাড়া আরো অনেকে এসব গোপন কথা জানতেন। হজাইফার (রা) বর্ণনা থেকে সে  
কথা জানা যায়। সহীহ মুসলিমে তাঁর থেকে বর্ণিত হয়েছে : 'আমি বর্তমান সময় হতে  
কিয়ামত পর্যন্ত সময়ের সকল ফিতনা সম্পর্কে জানি। তবে একথা দ্বারা কেউ যেন না বোঝে  
যে, আমি ছাড়া আর কেউ বিষয়টি জানতো না। রাসূল (সা) এক মজলিসে কথাশুলি  
বলেছিলেন। ছোট-বড় সকল ঘটনার সংবাদ দিয়েছিলেন। তবে সেই মজলিসে উপস্থিত  
লোকদের মধ্যে একমাত্র আমি ছাড়া আজ আর কেউ বৈঁচে নেই।' (মুসলিম-২/৩৯৭)

হযরত হজাইফা (রা) মাঝে মাঝে নিজের এ জ্ঞান কাজে লাগাতেন এবং মুসলিম  
উস্মাহকে তাদের ভবিষ্যৎ সম্পর্কে সতর্ক করে দিতেন। একবার 'আমের ইবন হানজালার  
গৃহে প্রদত্ত এক খুতবায় তিনি বলেন : 'একটি সময়ে কুরাইশরা দুনিয়ার কোন নেক্কার  
বাল্লাহকে ছেড়ে দেবে না। তারা সকলকে ফিতনায় জড়িয়ে ধ্বংস করে ফেলবে। অতঃপর  
আল্লাহ তাঁর বাল্লাহদের একটি বাহিনী দিয়ে তাদেরকে একেবারেই নির্মূল করে ফেলবেন।'

লোকেরা বললো : আপনি নিজেও তো একজন কুরাইশী। বললেন : আমার করার কী আছে? আমি রাসূলুল্লাহর (সা) নিকট থেকে এমনই শুনেছি। (মুসলিম-৫/৩৯০; ৩৯৫, ৮০৮)

একবার হয়েরত হজাইফা বললেন : রাসূল (সা) আমাদেরকে দু'টি কথা বলেছিলেন। যার একটি আমি দেখেছি, আর অন্যটির প্রতীক্ষায় আছি। এমন এক সময় ছিল যখন আমি যে আমীরের হাতেই বাই'য়াত করতাম, তার ব্যাপারে আমার মধ্যে কোন রকম দ্বিধা-সংকোচ দেখা দিতনা। আমি বিশ্বাস করতাম, সে মুসলিম হলে ইসলামের দ্বারা, আর শ্রীষ্টান হলে মুসলিম কর্মচারী দ্বারা আমাদেরকে শাসন করবে। কিন্তু এখন আমি বাই'য়াতের ব্যাপারে দ্বিধাবোধ করি। আমার দৃষ্টিতে বাই'য়াতের জন্য যোগ্য ব্যক্তি মাত্র মুষ্টিমেয় কয়েকজন আছে। আমি কেবল তাদের হাতে বাই'য়াত করতে পারি। (বুখারী)

কিয়ামত সম্পর্কে তিনি একটি আগাম কথা বলে গেছেন। তিনি বলেছেন : 'যতদিন প্রতিটি গোত্রের মুনাফিকরা তার নেতা না হবে ততদিন কিয়ামত হবে না।' (আল-ইসতী'য়াব, আল-ইসাবা-১/২৭৮) আর একবার তাঁকে জিজ্ঞেস করা হলো, কোন ফিত্না সবচেয়ে বড়? বললেন : যদি তোমার সামনে তালো ও মন্দ দু'টোই পেশ করা হয়, আর তুমি কোনটি গ্রহণ করবে তা ঠিক করতে না পার, তাহলে সেটাই বড় ফিত্না। (আল-ইসতী'য়াব : আল-ইসাবা-১/২৭৮) আর একবার বললেন : মানবজাতির জন্য এমন একটা সময় বা কাল আসবে যখন কেউ ফিত্না থেকে মৃত্তি পাবে না। শুধু তারাই মৃত্তি পাবে যারা পানিতে নিমজ্জনন ব্যক্তির ডাকার মত আল্লাহকে ডাকবে। (হায়াতুস সাহাবা-৩/৫১)

তিনি সরাসরি রাসূল (সা) ও 'উমার (রা)' থেকে হাদীস বর্ণনা করেছেন। (তাহজীবুত তাহজীব-২/১৯৩) 'খুনাসা' গ্রন্থের লেখক তাঁর বর্ণিত হাদীসের সংখ্যা এক শো'র (১০০) বেশী বলে উল্লেখ করেছেন। যে সকল সাহাবী তাঁর থেকে হাদীস বর্ণনা করেছেন, তাঁদের মধ্যে খ্যাতিমান কয়েকজনের নাম : জাবির ইবন আবদিল্লাহ, জুন্দুব ইবন 'আবদিল্লাহ আল-বাজলী, 'আবদুল্লাহ ইবন ইয়ায়ীদ আল-খুতামী, আবুত তুফাইল, 'আলী ইবন আবী তালিব, 'উমার ইবন খাতাব প্রমুখ সাহাবী। (উসুদুল গাবা-১/৩৯০; তাহজীবুত তাহজীব-২/১৯৩)

তাবে'ঈদের একটি বিরাট দল তাঁর থেকে হাদীস বর্ণনা করেছেন। তাঁদের কয়েকজনের নাম এখানে উল্লেখ করা হলো :

কায়স ইবন আবী-হায়েম, আবু উয়ায়িল, যায়িদ ইবন ওয়াহাব, রিব'ঈ ইবন খিরাশ, যার ইবন হবাইশ, আবু জাবইয়ান, হসাইন ইবন জুন্দুব, সিলা ইবন মুফার, আবু ইদরীস আল-খাওলানী, 'আবদুল্লাহ ইবন 'উকাইম, সুওয়াইদ ইবন ইয়ায়ীদ নাথ'ঈ, 'আবদুর রহমান ইবন ইয়ায়ীদ, আবদুর রহমান ইবন আবী লাইলা, হামাম ইবন আল-হারেস, ইয়ায়ীদ ইবন শুরাইত আত-তাউমী, বিলাল ইবন হজাইফা প্রমুখ। (আল-ইসাবা-১/৩১৮; আয়-যাহাবী, তারীখ-২/১৫২; তাহজীবুত-তাহজীব-২/১৯৩)

রাষ্ট্রীয় গুরুদায়িত্ব পালনের পর তিনি সময় খুব কম পেতেন। তা সত্ত্বেও যখনই সুযোগ হতো হাদীসের দারস দিতে বসে যেতেন। কৃফার মসজিদে দারসের হালকা বসতো এবং তিনি সেখানে হাদীস বর্ণনা করতেন। (মুসলিম-৫/৪০৩) জাবির ইবন 'আবদিল্লাহ বলেন : হজাইফা (রা) আমাদের বলতেন, আমাদের ওপর এই ইলমের দায়িত্ব চাপানো হয়েছে। আমরা তোমাদের কাছে তা পৌছাবো—যদিও তার ওপর আমরা 'আমল না করি। (হায়াতুস সাহাবা-৩/২৬৮; কানযুল 'উম্মাল-৭/২৪৮)

ছাত্ররা তাঁকে যেমন অতিরিক্ত ভক্তি ও সম্মান দেখাতো তেমনি ভয়ও পেত। 'বাশকারী' একবার মসজিদে এসে দেখেন, গোটা মজলিস সম্পূর্ণ নীরব এবং একই ব্যক্তির দিকে

একাধিক্তে চেয়ে আছে। যেন সকলের মাথা কেটে ফেলা হয়েছে। (মুসনাদ-৫/৩৮৬) ছাত্ররা যে তাঁকে কী পরিমাণ ভয় ও সম্মানের চোখে দেখতো তা একটি ঘটনা দ্বারা বুঝা যায়। একবার তিনি হয়রত 'উমার (রা) সম্পর্কিত ফিত্নার হাদীসটি বর্ণনা করলেন। হাদীসটি ছিল গোপন রহস্য বিষয়ক ও ইশারা-ইঙ্গিতে পরিপূর্ণ। কিন্তু তার অর্থ জিজ্ঞেস করার হিস্ত কোন ছাত্রের হলো না। অবশ্যে তাঁরা হয়রত আবদুল্লাহ ইবন মাস'উদের যোগ্য ছাত্র 'মাসরুক'কে হাদীসটির অর্থ জিজ্ঞেস করার জন্য রাজী করান। তিনি তা জিজ্ঞেস করেন।

একবার হয়রত হজাইফা (রা) মি'রাজের হাদীস বর্ণনা করছেন। এমন সময় যার বিন হবাইশ আসলেন। হজাইফা বললেন : হয়রত রাসূলে কারীম (সা) বাইতুল মাকদাসের অভ্যন্তরে প্রবেশ করেননি। যার বললেন : রাসূল (সা) ভিতরে ঢুকেছিলেন এবং নামাযও আদায় করেছিলেন। হজাইফা বললেন : তোমার নাম কি? আমি তোমাকে চিনি তবে নামটি জানিনে। তিনি নাম বললেন। হজাইফা বললেন : রাসূল (সা) যে নামায আদায় করেছিলেন, সেকথা তুমি কিভাবে জানলে? যার বললেন : কুরআন থেকে। হজাইফা বললেন : আয়াতটি পাঠ কর তো। যার সূরা আল-ইসরার সেই আয়াতটি পাঠ করলেন যাতে মি'রাজের বর্ণনা এসেছে। হজাইফা বললেন : এর মধ্যে নামাযের কথা কোথায় আছে? যার কোন উত্তর খুঁজে না পেয়ে নিজের ভুল স্বীকার করেন। (মুসনাদ-৫/৩৮৭)

হাদীস বর্ণনার ক্ষেত্রে তিনি দারুণ সতর্ক ও সংরক্ষণবাদী ছিলেন। আব্দুর রহমান ইবন আবী লাইলা বলেন : আমরা তাঁর কাছে হাদীস শুনতে চাইলে তিনি বর্ণনা করতেন না। (মুসনাদ-৫/৩৯৭)

এ কারণে মানুষও সুযোগের অপেক্ষায় থাকতো। যখন কোন ঘটনা ঘটতো, আর তিনি হাদীস বর্ণনা করতেন তখন গোটা সমাবেশকে অতি গুরুত্বের সাথে চুপ করানো হতো। (মুসনাদ-৫/৩৯৭) একবার তিনি ও আবু মাস'উদ একসাথে ছিলেন। একজন অন্যজনের কাছে হাদীস শুনতে চাইলেন। কিন্তু প্রত্যেকেই বলছিলেন, না, আপনি বলুন। (মুসনাদ-৫/৪০৭)

তিনি পার্থিব ভোগ-বিলাসের প্রতি ছিলেন দারুণ উদাসীন। এ ব্যাপারে তাঁর অবস্থা এমন ছিল যে, মাদায়েনের ওয়ালী থাকাকালেও তাঁর জীবন যাপনে কোনরূপ পরিবর্তন হয়নি। অনারব পরিবেশ এবং সেইসাথে ইমারাতের পদে অধিষ্ঠিত থাকা—এত কিছু সন্ত্রেও তাঁর কোন সাজ-সরঞ্জাম ছিল না। বাহনের জন্য সব সময় একটি গাধা ব্যবহার করতেন। এমন কি জীবনধারণের জন্য নৃনত্ব খাবার ছাড়া কাছে আর কিছুই রাখতেন না। একবার খলীফা হয়রত 'উমার (রা) তাঁর কাছে কিছু অর্থ পাঠালেন। সাথে সাথে তিনি সবই মানুষের মধ্যে বটন করে দিলেন। (উস্নুল গাবা-১/৩৯২) তবে তিনি দুনিয়া ও আখিরাত সমানভাবে প্রহণের পক্ষপাতী ছিলেন। তিনি বলতেন : তোমাদের মধ্যে তারাই সর্বোক্তুম নয় যারা আখিরাতের জন্য দুনিয়া ত্যাগ করেছে, আবার তারাও নয় যারা দুনিয়ার জন্য আখিরাত ছেড়ে দিয়েছে। বরং যারা এখান থেকে কিছু এবং উখান থেকে কিছু গ্রহণ করে তারাই মূলতঃ সবচেয়ে ভালো। (রিজাসুন হাওলার রাসূল-২০০; হায়াতুস সাহাবা-৩/৫১৭)

দুনিয়ার প্রতি উদাসীনতার সাথে সাথে ইবাদাত-বন্দেগীতে গভীরভাবে মশগুল থাকতেন। এবার তিনি রাসূলুল্লাহ (সা) সাথে সারা রাত নামায আদায় করেন। এর মধ্যে একবারও 'উহ' শব্দটি উচ্চারণ করেননি। (মুসনাদ-৫/৪০০) হজাইফা (রা) বলেন : আমি একদিন রাতে রাসূলুল্লাহ (সা) সাথে নামায পড়েছি। তিনি সূরা বাকারাহ দিয়ে শুরু করলেন। ভাবলাম, এক শো আয়াতের মাথায় হয়তো রংকু' করবেন; কিন্তু তার পরেও পড়ে যেতে লাগলেন। যনে করলাম, সূরা বাকারাহ এক রাক'যাতে শেষ করবেন। কিন্তু না, সূরা নিসা শুরু করলেন। নিসার পর আলে 'ইমরানও শেষ করলেন। তারপরও রংকু'র কোন লক্ষণ দেখা

গেল না। বিভিন্ন সূরা পড়তে লাগলেন। কোন তাসবীহৰ আয়াত তিলাওয়াত করছেন, সাথে সাথে সুবহানাল্লাহ পড়ছেন। দু'আর আয়াত এলে দু'আ করছেন, আবার তা'য়াউজের আয়াত এলে আ'উজুবিল্লাহ পড়ছেন। এক সময় রুকু'তে গেলেন এবং সুবহানা রায়ীয়াল 'আজীম পড়তে লাগলেন। সে রুকু'র যেন শেষ নেই। তা ছিল কিয়ামের মতই দীর্ঘ। এক সময় 'সামি'য়া আল্লাহ লিমান হামিদ' বলে উঠে দাঁড়ালেন এবং রুকু'র মতই দীর্ঘ সময় দাঁড়িয়ে থাকলেন। তারপর সিজদায় গেলেন এবং তাও ছিল কিয়ামের মত দীর্ঘ। এভাবে নামায শেষ হলে বিষয়টির প্রতি আমি রাসূলল্লাহর (সা) দৃষ্টি আকর্ষণ করলাম। তিনি বললেন : তুমি যে আমার পিছনে আছ একথা জানতে পেলে আমি নামায সংক্ষেপ করতাম। (মুসলাদ-৫/৩৮২, ৩৮৪; হায়াতুস সাহাবা-৩/১১)

সর্ব অবস্থায় সকলকে তিনি আমর বিল মা'রফ বা তালো কাজের আদেশ দিতেন। হ্যরত আবু মূসা আল-আশ'য়ারী (রা) ছিলেন একজন উচ্চ স্তরের সম্মানিত সাহাবী। তিনি কাপড়ে প্রস্তাবের ছিটা লাগার ত্বরে সর্তর্কা ব্রহ্মণ বোতলে প্রস্তাব করা শুরু করেন। হ্যরত হজাইফা এ কথা জানতে পেরে তাঁকে বললেন : এমন কঠোরতা ঠিক নয়। রাসূল (সা) একবার একটি ঘোড়ার ওপর দাঁড়িয়ে প্রস্তাব করেন। আমিও তখন তাঁর সাথে। আমি একটু দূরে সরে যেতে চাইলে বললেন, কাছেই থাক। আমি তাঁর পিঠের কাছেই দাঁড়িয়ে থাকলাম। (মুসলাদে-৫/৩৮২)

একবার কিছু লোক এক স্থানে জটলা করে বসে কথা বলছিল। হজাইফা তাদের কাছে এসে বললেন, রাসূলের (সা) সময়ে এমন জটলা করে কথা বলা 'নিফাকের' (কপটতা) মধ্যে গণ্য করা হতো। (মুসলাদ-৫/৩৮৪)

একদিন এক ব্যক্তি মসজিদে এসে খুব তাড়াতাড়ি নামায আদায় করছিল। হ্যরত হজাইফা (রা) কাছে এসে বললেন, তুমি কতকাল এভাবে নামায আদায় করছো? লোকটি বললো : চল্লিশ বছর। হজাইফা বললেন, তোমার এ চল্লিশ বছরের নামায একেবারে মিছেমিছি হয়ে গেছে। যদি এভাবে নামায আদায় করতে করতে মারা যাও তাহলে সে মরণ ধীনে মৃহামদীর ওপর হবে না। তারপর তাকে নামাযের নিয়ম-কানুন শিখিয়ে দিয়ে বলেন, ছোট ছোট সূরাহ পড়, তবে রুকু'-সিজদা ঠিকমত কর। (মুসলাদ-৫/৩৮৪; কানযুল 'উস্মাল-৪/২৩০; হায়াতুস সাহাবা-৩/১৮০)

একবার এক ব্যক্তিকে মজলিসের মাঝাখানে এসে বসতে দেখে তিনি বললেন, রাসূল (সা) এমন ব্যক্তির ওপর লা'নত (অতিশাপ) করেছেন। (মুসলাদ-৫/৩৯৮)

হ্যরত 'উসমান (রা) যখন মদীনায় বিদ্রোহীদের দ্বারা ঘেরাও অবস্থায় আছেন তখন একবার রিব'ঈ হ্যরত হজাইফার (রা) সাথে সাক্ষাতের উদ্দেশ্যে মাদায়েন আসলেন। হজাইফা তাঁর কাছে জিজ্ঞেস করলেন, 'উসমানের বিরুদ্ধে বিদ্রোহ করেছে কারা? রিব'ঈ কতিপয় লোকের নাম বললেন। তখন তিনি বললেন, আমি রাসূলল্লাহর (সা) কাছে শুনেছি, যে ব্যক্তি জামা'যাত (দল) ছেড়ে দিয়েছে এবং ইমারাত বা নেতৃত্বকে হেয় প্রতিপন্থ করেছে, আল্লাহর নিকট সে একেবারেই গুরুত্বহীন। (মুসলাদ-৫/৩৮৭)

সত্যবাদিতা ছিল তাঁর চরিত্রের বিশেষ গুণ। তাঁর ছাত্র হ্যরত রিব'ঈ যখন হ্যরত হজাইফার (রা) সূত্রে হাদীস বর্ণনা করতেন তখন বলতেন : 'হাদ্দাসানী মান নাম ইউকাজিব্বনি—আমাকে এমন ব্যক্তি এ হাদীস বর্ণনা করেছেন, যিনি আমাকে মিথ্যা বলেননি।' তাঁর এ কথা দ্বারা লোকেরা বুঝে যেত যে তিনি হজাইফা ছাড়া আর কেউ নন। (মুসলাদ-৫/৩৮৫, ৪০১)

হ্যরত রাসূলে কারীমের (সা) সাথে তাঁর গভীর নৈকট্য ও অস্তরঙ্গতা ছিল। বহু ঘটনায় তার প্রমাণ পাওয়া যায়। একবার রাসূল (সা) তাঁর বুকে ঠেস দিয়ে বসেছিলেন। (মুসলাদ-২৩৪ আসহাবে রাসূলের জীবনকথা

৫/৩৮৩) আর একবার ইয়ারের (পাজামা) সীমা বলতে গিয়ে তাঁর পবিত্র হাত হজাইফার (রা) পায়ের নালা স্পর্শ করেছিল। (মুসনাদ-৫/৩৮২) খন্দকের সেই দুর্যোগপূর্ণ রাতে মুশরিকদের থবর নিয়ে এলে রাসূল (সা) নিজের কঢ়লের একাংশ তাঁর গায়ে জড়িয়ে দেন, টেনে নিজের কাছে বসান। একরাত নিজের হজরায় থাকার ব্যবস্থা করেন। (মুসনাদ-৫/৩৯৩) তিনি বিশিষ্ট সাহাবীদের সাথে বসে রাসূলুল্লাহর (সা) নিকট থেকে নানা বিষয়ে ইলম বা জ্ঞান অর্জন করতেন। হ্যরত আবুদুল্লাহ ইবন 'উমারের (রা) একটি বর্ণনা থেকে একথা জানা যায়। (সীরাতু ইবন ইশাম-২/৬৩১)

হ্যরত রাসূলে কারীমের (সা) সাথে তাঁর কটটা ঘনিষ্ঠ সম্পর্ক ছিল তা আরেকটি ঘটনা দ্বারা স্পষ্ট হয়ে ওঠে। একবার রমজান মাসে তিনি রাসূলুল্লাহর (সা) সাথে নামায আদায় করেন। রাতে রাসূল (সা) গোসল করেন। তখন হজাইফা (রা) পর্দা করে দাঁড়ান। কিছু পানি বেঁচে গেল এবং তা দিয়ে হজাইফা গোসল করার ইচ্ছা প্রকাশ করলে রাসূল (সা) অনুমতি দিলেন। তিনি গোসল শুরু করলে রাসূল (সা) পর্দা করে দাঁড়ালেন। এতে তিনি আপনি জানালে রাসূল (সা) বললেন : তুমি যেমন আমার পর্দা করেছ, আমিও তেমন তোমার পর্দা করবো (তারীখ ইবন 'আসাকির-১/৯৮); হায়াতুস সাহাবা-২/৬৮৮)

হ্যরত হজাইফা ছিলেন ক্ষমা ও সহনশীলতার মূর্ত প্রতীক। তাঁর পিতাকে যাঁরা ভুলক্রমে হত্যা করেছিল তিনি তাদের প্রতি উত্তেজিত বা তাদের থেকে প্রতিশোধ গ্রহণের ইচ্ছা ব্যক্ত করেননি; বরং আল্লাহ তা'য়ালার দরবারে তাদের এ ভুলের মাগফিরাত কামনা করেছেন। হ্যরত 'উরওয়া ইবন যুবাইর (রহ) বলেন : ক্ষমা ও সহনশীলতার শুণটি হ্যরত হজাইফার (রা) মধ্যে আমরণ বিদ্যমান ছিল। (বুখারী-২/৫৮১)

রাসূলুল্লাহর (সা) প্রতি তাঁর আনুগত্যের অবস্থা যে কেমন ছিল তা বুঝা যায় খন্দক যুদ্ধের ঘটনাটি দ্বারা। সে সময় একজন সাহাবীও শক্ত শিবিরে যেতে সাহস করেনি। কিন্তু তিনি রাসূলের (সা) আদেশ পালনের জন্য জীবন বাজি রেখে সেখানে যান এবং জানাতের সুসংবাদ লাভ করেন।

একবার পথে রাসূলুল্লাহর (সা) সাথে তাঁর দেখা হলো। রাসূল (সা) হাত মিলানোর জন্য তাঁর দিকে এগিয়ে গেলে তিনি বললেন, আমি অপবিত্র। রাসূল (সা) বললেন : মুমিন ব্যক্তি কখনো নাজাস বা অপবিত্র হয়না। (মুসনাদ-৫/৩৮৪) অন্য একটি বর্ণনায় এসেছে, রাসূল (সা) বলেন : একজন মুসলিম যখন তার তাইয়ের সাথে হাত মেলায় তখন তাদের দু'জনের শুনাহ গাছের শুকনো পাতার মত ঘরে পড়ে। (হায়াতুস সাহাবা-২/৪৯৫) হ্যরত রাসূলে কারীমের (সা) সাথে যখন তাঁর আহার করার সৌভাগ্য হতো, তিনি কখনো আগে শুরু করতেন না। রাসূল (সা) আগে শুরু করতেন। (মুসনাদ-৫/৩৮৩)

হ্যরত রাসূলে কারীমের (সা) সাহচর্যে যে দিন আসতেন সৌদিন যুহর, 'আসর, মাগরিব ও 'ইশার নামায তার সাথে আদায় করতেন। মাঝের এ সময়টুকু সুহবতের সৌভাগ্য অর্জন করতেন এবং ওয়ু-গোসলের পানি এগিয়ে দিতেন। তিনি বর্ণনা করেছেন : একদিন রাসূল (সা) ময়লা-আবর্জনা ফেলার স্থলে দাঁড়িয়ে পেশাব করলেন। তারপর আমার কাছে পানি চাইলেন। আমি পানি এগিয়ে দিলে তিনি ওয়ু করে মোঘার ওপর মাসেহ করলেন। (মুসনাদ-৫/৩৮২) তিনি এ থবরও দিয়েছেন যে, রাসূল (সা) রাতে যখন নামাযের জন্য উঠতেন তখন মিসওয়াক করতেন। (মুসনাদ-৫/৩৮২) এ সকল বর্ণনা দ্বারা বুঝা যায় তিনি সময় ও সুযোগ পেলে সব সময় রাসূলুল্লাহর (সা) আশে-পাশে থাকতেন।

একদিন হজাইফার (রা) সম্মানিত মা ছেলেকে জিজ্ঞেস করলেন, কতদিন তুমি রাসূলুল্লাহর (সা) দরবারে যাওনি? ছেলে সময়-সীমা বলার পর তিনি ক্ষেপে গিয়ে তাকে

বকাবকা করেন। তখন হজাইফা মাকে বলেন, মা, আপনি থায়ুন। আমি আজই মাগরিবের নামায রাসূলুল্লাহর (সা) সাথে আদায় করছি এবং তাঁর দ্বারা আমার ও আপনার মাগফিরাত কামনা করে দু'আ করাচ্ছি। তিনি রাসূলুল্লাহর (সা) দরবারে গেলেন এবং নামায আদায় করলেন। নামায শেষ করে রাসূল (সা) বের হলেন। হজাইফাও পিছনে চলতে লাগলেন। এক সময় রাসূল (সা) ঘাড় ফিরিয়ে তাঁকে দেখে বলে উঠলেন : কে, হজাইফা ? আল্লাহ তোমাকে ও তোমার মাকে ক্ষমা করুন। (মুসনাদ-৫/৩১১; তারীখু ইবন 'আসকির-১/৯৫)

হযরত হজাইফা খুব কমই উদ্দেশিত হতেন। তবে শরী'য়াতের হকুম যথাযথভাবে পালিত হতে না দেখলে তাঁর রাগের কোন সীমা থাকতো না। শরী'য়াতের বিলুপ্তাত্ব এদিক উদিক হওয়া সহ্য করতেন না। মাদায়েনে থাকাকালে একবার এক রায়সের (সর্দার) গৃহে পানি চাইলেন। রায়স রাপোর পাত্রে পানি দিলে তিনি ভীষণ ক্ষেপে যান। পাত্রটি রায়সের হাত থেকে নিয়ে তার গায়ে ছুড়ে মারেন। তারপর বলেন, আমি কি তোমাকে সতর্ক করে দিইনি যে, রাসূল (সা) সোনা-রূপোর পাত্রের ব্যবহার নিষেধ করেছেন ?

এমনিভাবে তিনি সুন্নাতের হেরফের হওয়া বিলুপ্তাত্ব পদ্ধতি করতেন না। একবার বনী উসাইদের আযাদকৃত দাস আবু সাইদ কিছু খাবার তৈরী করে আবু যার, হজাইফা ও ইবন মাস'উদকে দা'ওয়াত দিলেন। তিনজন যখন তাঁর বাড়ী পৌছলেন তখন নামাযের সময় হয়েছে। আবু যার ইমামতির জন্য এগিয়ে গেলে হজাইফা বলে উঠলেন : আবু যার পিছনে সরে এসো। ইমামতির অগ্রাধিকার গৃহকর্তা। আবু যার বললেন : ইবন মাস'উদ, কথাটি কি সত্যি ? ইবন মাস'উদ বললেন : হ্যাঁ। আবু যার পেছনে সরে এলেন। (হায়াতুস সাহাবা-৩/১৩১)

জাহিলী আরবে কারো মৃত্যু হলে তা খুব ঘটা করে প্রচার করা হতো। রাসূল (সা) এমনটি করতে নিষেধ করেন। হযরত হজাইফা এত কঠোরভাবে তা পালন করতেন যে, কেউ মারা গেলে কাউকে সে খবরটি পর্যন্ত দিতে চাইতেন না। তিনি তয় করতেন, সেই আগের অবস্থায় আবার ফিরে না আসে। (মুসনাদ-৫/৪০৬)

তিনি নিজেন্তা পদ্ধতি করতেন, কিছু সেতাবে থাকতে পারতেন না। তিনি বলতেন : আমার ইচ্ছা হয়, বিষয়-সম্পদ দেখা-শুনার মত কেউ থাকলে আমি ঘরের দরযা বন্ধ করে দিতাম। তাহলে কেউ আমার কাছে ঘুঁঁতে পরতো না এবং আমিও মানুষের কাছে যেতাম না। আর এভাবে আমি আল্লাহর সাথে মিলিত হতাম। (হায়াতুস সাহাবা-২/৬৪৯)

তিনি ঝগড়া-বিবাদ, পরনিন্দা, দোষ অব্যবেশ, রক্তপাত ইত্যাদি ধরনের খারাপ কাজ খুবই ঘৃণা করতেন। একবার তিনি এক ব্যক্তিকে বললেন : তুমি কি একজন মন্তব্য পাপীকে হত্যা করতে পারলে খুশী হবে ? সে বললো : হ্যাঁ। তিনি বললেন : তাহলে তুমি হবে তখন তার চেয়েও বড় পাপাচারী। (হায়াতুস সাহাবা-২/৪০৮) এক ব্যক্তি খলীফা হযরত 'উসমানের (রা) কাছে মানুষের নানা কথা পৌছে দিত। লোকটি একদিন যখন হজাইফার (রা) সামনে দিয়ে যাচ্ছিল, তখন লোকেরা বললো : এ ব্যক্তি আমীরের নিকট সকল সংবাদ পৌছে দেয়। তিনি বললেন : এমন লোক জানাতে যেতে পারে না। (মুসনাদ-৫/৩৪৯)

যাযিদ ইবন ওয়াহাব বলেন : একবার একটি ব্যাপারে কোন এক আমীরের প্রতি মানুষ ক্ষেপে গেল। হযরত হজাইফা মসজিদে দারস দিচ্ছিলেন। এমন সময় এক ব্যক্তি মানুষের ভীড় ঠেলে হজাইফার (রা) মাথার কাছে এসে দাঁড়িয়ে বললো : 'হে রাসূলুল্লাহর সাহাবী ! আপনি কি মানুষকে তালো কাজের আদেশ ও মন্ত কাজ থেকে নিষেধ করবেন না ? হজাইফা (রা) লোকটির উদ্দেশ্য বুঝতে পারলেন। তিনি মাথা সোজা করে তাকে বললেন :

'আমর বিল মা'রুফ ও নাহি 'আনিল মুনকার অতি তালো কাজ—এতে কোন সদেহ নেই। তবে এ জন্য আমীরের বিবরণে অন্তর্ধারণ সুরাত সম্ভত নয়। (হায়াতুস সাহাবা-২/৬৬)

তিনি সকল শ্ৰেণীৰ মানুষেৰ সাথে মিষ্টি-মধুৰ আলাপ কৱতেন। কিন্তু বাড়ীতে স্তৰীৰ সাথে কথাৰাত্তায় ছিলেন একটু কৰ্কশ। বিষয়টি তিনি নিজেই উপলব্ধি কৱেন। এ প্ৰসঙ্গে তিনি বলছেন, 'আমি নবীৰ (সা) কাছে এসে বললাম : ইয়া রাসূললাহ। আমাৰ একটি জিহবা আছে, আমাৰ স্তৰীৰ প্ৰতি তা বড় কঢ়োৱ। তয় হচ্ছে, তা আমাকে জাহারামে নিয়ে না যায়। রাসূল (সা) বললেন : তুমি আল্লাহৰ কাছে ইসতিগ্ফাৰ (ক্ষমা চাওয়া) কৱনা কেন? এই যে আমি, প্ৰতিদিন শতবাৰ আল্লাহৰ কাছে ইসতিগ্ফাৰ কৱি। (রিজালুন হাওলার রাসূল-১৯৬; হায়াতুস সাহাবা-৩/৩১৬)

একবাৰ লোকেৱা বললো, আপনি রাসূললাহৰ (সা) এমন একজন সাহাবীৰ নাম বলুন যিনি চলন-বলন, আকীদা-বিশ্বাস, তথা প্ৰতিটি বিষয়ে আপনাৰ মত। বললেন : এমন ব্যক্তি শুধু ইবন মাস'উদ। তবে যতক্ষণ তিনি ঘৱেৱ বাইৱে থাকেন। ঘৱেৱ ভিতৱ্বেৱ অবস্থা আমাৰ জানা নেই। (মুসনাদ-৫/২৮৯, ৩৯৪)

হয়ৱত 'আলী (রা) থেকে বৰ্ণিত হয়েছে। রাসূল (সা) বলেছেন : 'আমাৰ পূৰ্বেৱ নবীদেৱকে সাতজন উষীৰ ও বক্তু দেওয়া হয়েছিল। কিন্তু আমাকে দেওয়া হয়েছে চৌদজন।' এই বলে তিনি চৌদ জনেৱ নাম উচ্চাৰণ কৱেন। তাৰেৱ মধ্যে হজাইফাৰ নামটিও ছিল। (তাৱীখু ইবন 'আসাকিৰ- ৪/৯৬)

তিনি সব সময় হিংসা-বিদ্ধেৱেৱ উৰ্ধে থাকাৰ চেষ্টা কৱতেন। কাৰো সাথে কোন রকম তিক্ততাৰ সৃষ্টি হলে তাড়াতাড়ি মিটমাট কৱে নিতেন। 'আকাবায় অংশগ্ৰহণকাৰী কোন এক সাহাবীৰ সাথে একটি ব্যাপাৱে তাৰ তিক্ততাৰ সৃষ্টি হয়। তাৰেৱ কথা বলাৰণি বক্তু হয়ে যায়। হয়ৱত হজাইফা (রা) সবকিছু ভুলে প্ৰথমে তাৰ সাথে কথা বলেন। তাৱপৰ সে সাহাবীও নিজেৱ আচৱণে পৱিবৰ্তন আনতে বাধ্য হন। (মুসনাদ-৫/৩৯০)

তিনি ছিলেন খুবই সামাজিক ও উদার। খাওয়াৰ সময় কেউ উপস্থিত হলে তাকেও ডেকে সংগ্ৰেবসাতেন। (মুসনাদ-৫/৩৯২)

হয়ৱত রাসূলে কাৰীম (সা) অস্তি রোগ শয়ায় শায়িত। সাহাবীৱা তাৰ মৃত্যু-পৱৰ্বতী একজন খলীফা মিয়োগ কৱে যাওয়াৰ আবেদন জনাব। তিনি তাৰেৱ সে আবেদন প্ৰত্যাখ্যান কৱে যে সব উপদেশ দান কৱেন তাৰ মধ্যে এ কথাটিও ছিল : 'হজাইফা তোমাদেৱকে যা বলবে তা মেনে নিবে।' (তাৱীখু ইবন 'আসাকিৰ- ৪/৯৬)

খলীফা হয়ৱত 'উসমান (রা)' পৰিত্ব কুৱানেৱ যে স্ট্যান্ডাৰ্ড কপি তৈৱী কৱেন এবং খিলাফতেৱ বিভিন্ন অঞ্চলে পাঠান, তাৰ নেপথ্যে প্ৰধান ভূমিকা পালন কৱেন মূলতঃ হয়ৱত হজাইফা (রা))। ইমাম বুখাৰী হয়ৱত আনাসেৱ (রা) একটি বৰ্ণনা নকল কৱেছেন। আনাস বলেন, 'হজাইফা ইবনুল ইয়ামান সিরিয়াবাসীদেৱ সাথে ইৱাক, আৱমেনিয়া ও আজাৱাৰবাইজান অভিযানে অংশগ্ৰহণ কৱেন। তিনি এ সকল এলাকাৰ নবদীক্ষিত অনাৱৰ মুসলিমদেৱ কুৱান পাঠে তাৱতম্য লক্ষ্য কৱে শক্তি হয়ে পড়েন। সেখান থেকে মদীনায় ফিরে খলীফাকে বললেন : 'আমি আৱমেনিয়া ও আজাৱাৰবাইজানেৱ লোকদেৱ দেখেছি, তাৰা সঠিকভাৱে কুৱান পড়তে জানেন। তাৰেৱ কাছে কুৱানেৱ স্ট্যান্ডাৰ্ড কপি পৌছাতে না পাৱলৈ ইয়াহুদ ও নাসাৱাৰ হাতে তাৱৰাত ও ইন্জীলেৱ যে দশা হয়েছে, এ উষ্মাতেৱ হাতে কুৱানেৱ দশাও অনুৱৰ্তন হওয়াৰ আশক্ষা রয়েছে।' খলীফা বিশিষ্ট সাহাবীদেৱ সাথে পৱাৰ্মণ কৱে হয়ৱত আবু বকুৱ সিদ্দীক (রা) কৰ্তৃক প্ৰস্তুতকৃত 'মাসহাফ' এনে তাৰ হবহ নকল কৱে বিভিন্ন এলাকায় প্ৰচাৰ কৱেন। এভাৱে পৰিত্ব কুৱানেৱ হিফাজতেৱ ব্যাপাৱে হয়ৱত

হজাইফা (রা) পরোক্ষভাবে বিরাট অবদান রাখেন। (দ্রঃ সহীহ বুখারী : জাম'উল কুরআন অধ্যায়; আত-তিব ইয়ান ফী উল্মুমিল কুরআন-৫৭)

উল্লেখিত বৈশিষ্টসমূহ ও শুণাবলীর কারণে হয়রত 'উমার (রা) তাঁকে খুব সম্মান করতেন। যেহেতু হজাইফা রাসূলুল্লাহর (সা) নিকট থেকে মুনাফিকদের নাম জেনেছিলেন, তাই সকলে এ ব্যাপারে তাঁরই শরণাপন হতেন। খলীফা 'উমারের (রা) তো অত্যাস হয়ে গিয়েছিল কোন মুসলমান মারা গেলে এ কথা জিজ্ঞেস করা যে, হজাইফা কি এর জানাযায় শরীক হয়েছে? যদি বলা হতো 'হ্যাঁ' তাহলে তিনিও পড়তেন। আর যদি বলা হতো 'না' তাহলে তাঁর সন্দেহ হতো এবং তিনি তাঁর জানায়া পড়তেন না। (উসুদুল গাবা-১/৩৯১; শাজারাতুজ জাহাব-১/৪৮)

একবার খলীফা 'উমার (রা) তাঁকে জিজ্ঞেস করলেন : আচ্ছা আমার কর্মকর্তাদের মধ্যে কি কোন মুনাফিক আছে? হজাইফা বললেন : একজন আছে। খলীফা বললেন : আমাকে তাঁর একটু পরিচয় দাও না। বললেন : আমি তা দেব না। হজাইফা বললেন : তবে অল্প কিছু দিনের মধ্যে 'উমার তাঁকে বরখাস্ত করেন। সম্ভবতঃ তিনি সঠিক হিদায়াত পেয়েছিলেন। (সুওয়ারল্ম মিন হায়াতিস সাহাবা-৪/১৩৬-১৩৭)

হজাইফা (রা) বলেন : আমি একদিন মসজিদে বসে আছি। 'উমার (রা) আমার পাশ দিয়ে যেতে যেতে বললেন : হজাইফা, অমৃক মারা গেছে, তাঁর জানাযায় চলো। একথা বলে তিনি চলে গেলেন। মসজিদ থেকে বের হতে যাবেন, এমন সময় পিছন ফিরে তাঁকিয়ে দেখেন, আমি নিজ স্থানে বসে আছি। তিনি বুঝতে পেরে আমার কাছে ফিরে এসে বললেন : হজাইফা, আমি তোমাকে আল্লাহর কসম দিয়ে বলছি, সত্যি করে বল তো আমিও কি তাঁদের (মুনাফিকদের) একজন? আমি বললাম : নিশ্চয়ই না। আপনার পরে আর কাউকে কক্ষণে আমি এমন সনদ দেব না। (তারীখু ইবন 'আসাকির-১/৯৭; যাহাবী : তারীখ-২/১৫৩)

একবার খলীফা হয়রত 'উমার (রা) তাঁর পাশে বসা সাহাবীদের বললেন, আচ্ছা আপনারা প্রভ্যেকেই নিজ নিজ ইচ্ছা-আকাঙ্ক্ষার কথা একটু বলুন তো। প্রায় সকলেই বললেন, আমাদের একান্ত ইচ্ছা এই যে, আমরা যদি ধন-রত্নে তরা একটি ঘর পেতাম, আর তাঁর সবই আল্লাহর রাস্তায় বিলিয়ে দিতে পারতাম। সবার শেষে 'উমার (রা) বললেন, আমার বাসনা এই যে, আমি যদি আবু 'উবাইদাহ, মুয়াজ ও হজাইফার (রা) মত মানুষ বেশী বেশী পেতাম, আর তাঁদের ওপর রাষ্ট্রীয় দায়িত্ব অপর্ণ করতে পারতাম। একথা বলে তিনি দীনার ততি একটি থলে একজন লোকের হাতে দিয়ে বলেন, এগুলি হজাইফার নিকট নিয়ে যাও, আর তাঁকে বল, খলীফা এগুলি আপনার প্রয়োজনে খরচের জন্য পাঠিয়েছেন। তাঁকে আরো বলে দেন, তুমি একটু অপেক্ষা করে দেখে আসবে, সে দীনারগুলি কি করবে। লোকটি থলেটি নিয়ে হজাইফার নিকট গেল। আর হজাইফা সাথে সাথে তা গরীব-মিসকীনের মধ্যে বর্টন করে দিলেন। (দ্রঃ তারীখু ইবন 'আসাকির-১/৯৯, ১০০; উসুদুল গাবা-১/৩৯২; হায়াতুস সাহাবা-২/২৩৩)

হয়রত হজাইফার (রা) এমনি ধরনের অনেক ফজীলাত ও মহত্বের কথা বিভিন্ন গ্রন্থে ছবিয়ে আছে যা ছোট কোন প্রবন্ধে প্রকাশ করে শেষ করা যাবে না।

## তথ্যসূত্র

1. ইবন হিশাম : আস-সীরাহ্।
2. ইবন সাদ : আত-তাবাকাত,
3. ইবননুল আসীর : উসুদুল গাবা,  
: তাজরীদ আসমা আস-সাহাবা,  
: আল-কামিল ফিত তারীখ,
4. ইবন 'আসাকির : আত-তারীখ আল-কাবীর,
5. ইবন হাজার : আল-ইসাবা,  
: তাকবীর আত-তাহজীব,  
: নিসানুল মীয়ান,
6. বালাজুরী : আনসাবুল আশরাফ,
7. ইবননুল ঈমাদ আল-হাস্বলী : শাহজারাতুয় যাহাব ফৌ-মান যাহাব,
8. মুহীউদ্দীন আন-নাওয়াবী : তাহজীবুল আসমা ওয়াল নুগাত,
9. আবুল ফারাজ আল-ইসফাহানী : কিতাবুল আগানী,
10. ইবননুল জাওয়ী : সিফাতুস সাফওয়া,
11. আজ-জাহাবী : তাজকিরাতুল হুক্ফাজ,  
: তারীখুল ইসলাম ওয়া তাবাকাত  
আল-মাশাহীর ওয়াল আ'লাম,
12. ইয়াকুত আল-হামাবী : মু'জামুল বুলদান,
13. আল-কুরতুবী : আল-ইসতৌ'য়াব (আল-ইসাবার পার্শ্বটিকা),
14. শাহ ওয়ালীউল্লাহ : ফিকহ 'উমার (উর্দু),
15. মুহাম্মদ আলী আস-সাবুনী : আত-তিবেইয়ান ফৌ 'উলুমিল কুরআন,
16. আয়-খিরিকঙ্গী : আল-আ'লাম,
17. ইউসূফ কান্ধালুবী, মাওলানা : হায়াতুস সাহাবা, (আরবী)
18. খালিদ মুহাম্মদ খালিদ : রিজালুন হাওলার রাসূল,
19. ডঃ রাফাত আল-বাশা : সুওয়ারক্ষ মিন হায়াতিস সাহাবা,
20. আবদুর রউফ, মাওলানা : আসাহ আস-সীয়ার,
21. সাইদ আনসারী, মাওলানা : সীয়ারে আনসার,
22. ডঃ 'উমার ফাররুখ : তারীকুল আদাব আল 'আরাবী,
23. জুরয়ী যায়দান : তারীখু আদাব আল-নুগাহ্ আল-'আরাবিয়া,
24. ইমাম আহমাদ : আল মুসনাদ
25. দায়িরা-ই-মায়ারিফ ইসলামিয়া (উর্দু)
26. মুহাম্মদ খিদ্রী বেক : তারীখুল উয়াহ্ আল-ইসলামিয়া,
27. আবদুর রহমান আল-বান্না : আল-ফাতহুর রাকবানী (শারহুল মুসনাদ)
28. হাদীসের বিভিন্ন গ্রন্থ।



# বাংলাদেশ ইসলামিক সেন্টার ঢাকা